


ღვთისი ეფანდაცე



ღვთისა ცუღუღ
ნაფიქრები

ზ

ავტორისაგან

ამ წიგნს შეადგენს ნაწილი იმ ლიტერატურულ-კრიტიკული წერილებისა, მხატვრული შემოქმედების ზოგიერთ საკითხზე ნაფიქრ-ნააზრებისა და სახელდახელო ჩანაწერებისა, რაც დაახლოებით უკანასკნელი სამი ათეული წლის განმავლობაში მომიჭირნახულებია. აქ არის ჩვენი დროის, უკეთ ვთქვათ, ჩვენი საუკუნის რამდენიმე ქართველი მწერლის ან მათი ცალკეული ნაწარმოებების მოკლე განხილვა-დანახაიათება. აქვეა თანამედროვეობის ზოგიერთი მხატვრულ-ესთეტიკური საკითხის დაყენებისა და გაშუქების ცდა. წიგნში მცირედენი რამ. მაგრამ, ჩემი აზრით, რამდენიმედ განსხვავებულად არის თქმული ზოგიერთ ქართველ კლასიკოსზედაც, კერძოდ ნიკოლოზ ბარათაშვილზე, ილიაზე, ვაჟაზე. საგულისხმოდ ვთვლი აგრეთვე გორკის შემოქმედების მომცრო ლიტერატურულ-კრიტიკულ ნარკვევასაც, საკიროდ ჩაუთვალე წიგნში კვლავ შემეტანა ერთი რეცენზია წიგნზე, რომელშიაც არის გულმოდგინე ცდა ესთეტიკის საკითხების გაშუქებისა. წიგნში შესულია რამდენიმე მოკლე პუბლიცისტური ჩანაწერიც და ლიტერატურული დღიურიც. ვცადე წიგნში შესულ ნაფიქრს, ნაგრძობს და ნააზრებს გაუჭირვებლად გაეკვლია გზა ჩემი მკითხველის გულისა და გონებისაკენ.

ამავე დროს, მე, რასაკვირველია. შორსა ვარ ილუზისაგან, რომ წიგნში ზოგი რამ სადავო არ იყოს.

ბელთან მებრძოლი ტიტანი

განჯა, დიდუბე, მთაწმინდა — საფეხურებია უკვდავებისაყენ. რა სევდის მომგვრელიც უნდა იყოს, უღმობელ ფაქტს ვერსად გაექცევი: ბარათაშვილის გაგების, აღიარების, დიდებისა და უკვდავების გზამ სამ საფლავში გაიარა. პოეტის გარდაცვალებიდან მხოლოდ ოციოდე წლის შემდეგ იფეთქა მისი დიდი პოეზიის თვალისმომკრელმა სინათლემ, რომ მთელ ხალხს მოჰფენოდა. შემთხვევითი არ იყო, რომ ერის დიდი მოჭირნახულე დიდი მგოსნის შემოქმედების მთელი ძალა და მნიშვნელობა, შეიძლება ითქვას, ყველაზე ღრმად პირველად ერის ასევე დიდმა მოჭირნახულემ — ილია ჭავჭავაძემ იგრძნო.

ძნელი, შესაძლოა, შეუძლებელიცაა იპოვოთ რაოდენობითა და მოცულობით ისე მცირე, მაგრამ ისეთი დიდი, ისე ვრცელი პოეტური სამყაროს შემკველი და თავისი ეპოქის, თავისი ხალხის სულის ისე ღრმად, ისე სავსედ გამომხატველი შემკვიდრეობა, როგორიც ბარათაშვილის შემკვიდრეობაა.

თუ თვით ცოცხალმა პოეტმა ვერა და ვერ შესძლო, მისმა სულმა, განსახებულმა მის უკვდავ ქმნილებებში, შესძლო გადაელახა თავისი დროის საზღვარიც, თავისი ბედის საზღვარიც.

ხოლო თუ რა მწარე, რა ტრაგიკული იყო ბედი პოეტისა, დღეს ეს საყოველთაოდ არის ცნობილი. შეიძლება ითქვას, რომ სამშობლოს ბედი — ბედი ქართლისა არა მარტო პოეტის შემოქმედებაში, არამედ ერთგვარად მის პირად ბედშიც, მის ბიოგრაფიაშიც განსახიერდა.

შეუძლებელი იყო, რომ პოეტის ცხოვრების მრავალ სიღუბეში, მის მიერ განცდილ მრავალ სიმწარეს მკვეთრი დადი არ დაესვა მთელი მისი შემოქმედებისათვის; კერძოდ ტრაგიზმის ის უმძაფრესი გზძნობა, რაც თავიდან ბოლომდე გასდევს მის პოეზიას, რასაკვირველია, პოეტის პირადი ბედის ანარეკელიცაა. მაგრამ ნიკოლოზ ბარათაშვილის სიდიადე მის პირად ტრაგიკულ ბედში როდია.

შოთა რუსთაველის შემდეგ — თითქმის ექვსასი წლის განმავლობაში — ქართული პოეზია არავის არ აუყვანია ისეთ დიდ ეროვ-

ნულ და ამდენადვე ისეთ დიდ ზოგადსაკაცობრიო მნიშვნელობის სიმაღლემდე, როგორზედაც აიყვანა იგი ბარათაშვილმა; „ვეფხისტყაოსნის“ შემდეგ ბარათაშვილამდე სხვა უფრო დიდი პოეტური მწვერვალი არ აზიდულა, ვიდრე „მერანია“.

მით, რომ უმძაფრესად და უმშვენიერესად გამოხატა თავისი სულიერი მღელვარება, თავისი ფიქრები და მისწრაფებები, ბარათაშვილმა ყველაზე ღრმად აითვისა პოეტურად თავისი დრო, ყველაზე ღრმად ჩაწვდა შექირვებული, დაღონებული და ჩაფიქრებული სამშობლოს სულს მისი ისტორიის ერთ-ერთ ყველაზე მწვავე ძნელბედობის ეპოს. წინა საუკუნის დამლევს განცილილი დიდი ეროვნული ტრაგედიის — ალა-მაჰმად-ხანის ურდოების შემოსევის მძიმე შედეგები პირგახსნილ კრილობად აჩნდა ქვეყანას. მართალია, რუსეთთან შეერთებით საქართველო გადაურჩა სრულ ფიზიკურ განადგურებას, მაგრამ მან პირველად მთელ თავის მრავალსაუკუნოვან ისტორიაში დაჰკარგა ეროვნული დამოუკიდებლობა და იქცა ორმაგი ჩაგვრის — ეროვნული და სოციალური ჩაგვრის ასპარეზად. ამას ცხადად მოწმობდნენ შინაგანი მღელვარებანი, გლეხთა აჯანყებანი, რასაც მთელი სისასტიკით აცხრობდა ცარიზმი. მარცხით დამთავრდა 1832 წლის შეთქმულებაც, რომელიც არსებითად მოკლებული იყო შინაგან მთლიანობასაც და რეალურ დასაყრდენ ძალებსაც. დაუძღურებული, შევიწროებული და შებორკილი, მაგრამ მრავალსაუკუნოვანი სახელმწიფოებრივი და ისტორიულ-კულტურული ტრადიციების მქონე ქვეყანა, ბუნებრივია, ვერ ურიგდება თავის მწარე ხვედრს, ეძებდა სამომავლისო გზას, ეძებდა სახელმძღვანელო აზრს. ასეთ ვითარებაში, როგორც წესი, ქვეყანა მძიმე ფიქრებს ეძლევა. და საქართველოც მტანჯველი ფიქრებით იყო შეპყრობილი. არსებული სინამდვილე ეროვნულ სულიერ ენერჯიას წარმართავდა მაძიებელი აზრისაკენ. მშფოთვარე ფიქრებისაკენ. მაშინდელი მაღალი წრეების განათლებული წარმომადგენლები, რომელთა რიცხვს ეკუთვნოდა ბარათაშვილი, მოკლებული არ იყვნენ ცნობებს მსოფლიო სოციალ-პოლიტიკურ მოვლენათა და პროგრესულ მოძრაობათა შესახებ. მათთვის უცხო არ იყო არც ფრანგ განმანათლებელთა და არც რუს დეკაბრისტთა იდეები. მათ სულიერ წყობაში ერთგვარად, ზოგჯერ ძალიან წინააღმდეგობრივადაც, შეზავებული იყო რუსეთის მმართველობასთან შეგუების სურვილიც, ფიქრებიც საქართველოს მომავალზე, მის თავისუფლებაზე, დიდი სევდაც ეროვნული დამოუკიდებლობის დაკარგვის გამო, მოგონებანიც ძველი დიდებისა და ერთგვარი წინათგრძნობაც ფეოდალური ურთიერთობის ნიადაგის რყევისა.

ბარათაშვილის დროის საქართველოს სინამდვილე მიუღებელი იყო მოაზროვნე საქართველოსათვის. მას არ შეეძლო, შერიგებოდა სამშობლოს უკუღმართ ბედს, მაგრამ ბედის შეტრიალების ძალაც არ შესწევდა. ამიტომაც თვითღამკვიდრებისა და თავისუფლების მოპოვების წყურვილი მას მეტწილად სულიერ მისწრაფებათა და ოცნებათა სფეროში გადაჰქონდა. სწორედ ეს იყო ბარათაშვილის რომანტიზმის ეროვნული ნიადაგი. რასაკვირველია, ბარათაშვილი არ იყო მოწყვეტილი საერთოდ ეპოქის რომანტიკული სულისკვეთებისაგან. იგი უექველად იცნობდა რომანტიზმის უდიდეს წარმომადგენლებს, მათ შორის იცნობდა პუშკინისა და მიცკევიჩის, ბაირონისა და ლერმონტოვის რომანტიკულ მოტივებს. მაგრამ მთელი მისი შემოქმედების პირველსა და უშუალო წყაროს წარმოადგენს მისი ქვეყნის, მისი მშობელი ხალხის ცხოვრების კონკრეტულ-ისტორიული შინაარსი და ქართული მხატვრული აზროვნების, პირველ ყოვლისა კი, რუსთაველის შემოქმედებითი ტრადიციები.

ნიკოლოზ ბარათაშვილი თავისი დროის მოაზროვნე და მოფიქრალი საქართველოს პოეტური მწვერვალია. მთელი მისი შემოქმედება აღსავსეა ფიქრებით, მღელვარე ფიქრებით ქვეყნისა და კაცთა ბედის, სიკვდილისა და სიცოცხლის, ქვეყნიერებისა და ადამიანის დამოკიდებულების, სიყვარულისა და ზნეობის, სულისა და ხორცის, თავისუფლებისა და საქვეყნო მოვალეობის მწვავე საკითხებზე.

პოეტი უარყოფს ცრუ და მუხთალ სოფელს, მაგრამ არსებული სამყაროს გარდაქმნის შეუძლებლობის შეგნება პოეტში ბადებს მისწრაფებას, რომ მიეცეს მხოლოდ თავის ფიქრებსა და განცდებს, ეძებოს თავისი ამაღლებული პოეტური იდეალი არა მისთვის მტრულ და საზიზღარ გარემომცველ სინამდვილეში, არამედ თავიანთი სულის დაუცხრომელ სწრაფვაში. შებორკილი არსება ადამიანისა ელტვის შეუზღუდავ თავისუფლებას, მწვავე განხეთქილება არსებულ სინამდვილესთან ამძაფრებს სულიერი სიმარტოვისა და განკერძოების გრძნობას, პიროვნული, სუბიექტური ლამობს განმტკიცაღდეს გარემყარში.

ბარათაშვილი პოეზიიდან გამორიცხავს ყოველივე შემთხვევითოს. მას არ იტაცებს არც შემთხვევითი აღტაცება, არც შემთხვევითი წუხილი. პოეზია მისთვის იმ სიღრმისეულ გრძნობათა სიბრძნეა, რომლებიც მოიცავენ ქვეყნიერების არსებით კავშირებს... ამ მხრივ იგი თავისი იმ დიდი წინაპრის კვალს ადგას, ვინაც თქვა: „შაირობა პირველადვე სიბრძნისაა ერთი დარგი“.

ბარათაშვილი დიდი აზრისა და ღრმა დაფიქრების პოეტია. იგი

დაფიქრებული ხედება გარემყარს და მხოლოდ თავისი ფიქრების მეშვეობით აღიქვამს მას. მისი პოეტური ხილვები ყოველთვის გამ-
აფრებელია მისივე წინასწარი აზრებითა და ფიქრებით. მისი უშუა-
ლო კონტაქტი გარემოსთან — მისი უშუალო გრძნობები ყოველ-
თვის შერწყმული და გადაწულა შემხვედრ შინაგან გრძნობებთან
და აზრებთან.

ბუნებაშიც პოეტი, უპირველეს ყოვლისა, თავის სულს კითხუ-
ლობს. თავის ფიქრებსა და განცდებს იკვლევს. შემოქმედებაშიც
პოეტს იმდენად ბუნებისა და გარემომცველი ქვეყნიერების სალუ-
ბავები როდი გადმოაქვს, რამდენადაც იგი თვით ბუნებას და გარე-
სამყაროს ღებავს და აფერადებს თავისი სულის ფერებით, ასურა-
თებს თავისი ფიქრების მოძრაობით. აი, ჩვენს წინ არის 19 — 20
წლის პოეტის დიდებული ქმნილებანი — „შემოღამება მთაწმინდა-
ზე“ და „ფიქრნი მტკვრის პირას“ — უკვე აღბეჭდილნი ღრმა პოე-
ტური სიბრძნით. პოეტური აზრის უმშვენიერესი ნაკვთიანობით.
მთაწმინდის — გულდახურულთა ამ მეგობრის — დამაფიქრებელ,
ვერან და უდაბურ ადგილებში, ბუნდოვანი კლდის არემარეზე და-
სადგურებულ იდუმალებაში, ნაპრალო მღუმარებით აღსავსე მაი-
სის მწუხარში პოეტი ყურს უგდებს თავისი სულისა და გულის მოძ-
რაობას, კითხულობს თავის ფიქრებს, ფიქრებს, რომლებიც ცისკენ
მისწრაფვიან, მაგრამ ცამდე ვერ აღწევენ და ჰაერშივე განიბნე-
ვიან. პოეტის გულისთქმა ცის იქით ეძებს ზენაართ სამყოფს, რათა
გაეცალოს ამქვეყნიურ ამოებას... და აქ კი, ამ დიდებულ და ტრა-
გიზმით სავსე შემოღამებაში, რაც ლექსის არა მარტო ნივთიერ ფაქ-
ტურაში, არამედ მის მღელვარე რიტმსა და მუსიკაშიც შეიგრძნობა,
ღრმად ინაკვთება პოეტის დიდ სევდად ქცეული ტკივილები ქვეყ-
ნისა. მაგრამ მწუხარე პოეტს მაინც რჩება ნუგეში იმისა, „რომ გა-
თენდება დილა მზიანი და ყოველს ბინდსა ის განანათლებს“.

მტკვრის პირადაც პოეტი ისევე თავისი ნაღვლიანი ფიქრების
სამკვიდრებელს ეძებს. აქაც მას ბუნება თავისი განცდებისა და აზ-
რების ეკრანად ესახება. მან არ იცის რას ბუტბუტებს, ვისთვის რას
იტყვის მრავალ დროების მოწამე, მაგრამ უტყვი მტკვარი. მაგრამ
რაზედაც არ უნდა ბუტბუტებდეს, მას მხოლოდ ის ძალუძს, რომ
თავშესაფარი მისცეს სევდას პოეტისას, ვისაც ცხოვრება ფუჭად და
ამაოებად ესახება. კაცთა ყოფნა და წუთისოფელი კი — აღუვსე-
ბელ საწყაულად. თვით მოძალადე, დამპყრობი მეფენიც და კეთი-
ლი მეფენიც ამაოების ტყვენი არიან... მაგრამ პოეტი არ მიდის
ცხოვრების სრულ ჟარყოფამდე. იგი მაინც პოულობს მის უმაღ-
ლეს აზრს სოფლისათვის ზრუნვასა და შრომაში.

ბუნება პოეტისათვის უწინარეს ყოვლისა სულიერი მისწრაფების გაცხადებისა და გრძნობების საყუდარი და სამკვიდრებელია. იგი უმაღლეს ელტვის, რომ თავისი შინაგანი სამყარო, თავისი ფიქრები და განცდები გადაიტანოს და დაამკვიდროს ბუნებაში, ვიდრე თვით ბუნების სახე გადმოიტანოს თავის შინაგან სამყაროში. მას უფრო ბუნების საიდუმლოებაში შექრა სწყურია, ვიდრე ბუნების უშუალო გარეგნული სურათების წარმოსახვა.

ამავე დროს პოეტის მსოფლშეგრძნებას, მის დამოკიდებულებას ბუნებისადმი უექველად ახასიათებს თავისებური პანთეიზმი.

ლექსში „ჩინარი“, სადაც პოეტი ფრიალო კლდეზე აღმართულ ალვის ხისა და მის ძირას მიმდინარე მტკვრის იდუმალ კავშირში ტრფიალების წარმტაც დრამას სკვრეტს, პირდაპირ ამბობს:

მრწამს, რომ არს ენა რამ საიდუმლო უსაყოთაც და
უსულოთ შორის.
და უცხოველეს სხვათა ენათა არს მნიშვნელობა
მათი საუბრის.

მაშასადამე, პოეტს სწამს, რომ ბუნებაში განფენილია რაღაც გონიერებისა და გრძნობელობის მაგვარი. რომ თვით უსულო და უსააკონიც კი მეტყველებენ თავიანთი საიდუმლო ენით. ხოლო ადამიანი თავისი წმინდა ქეშმარიტი არსით. თავისი ტრფობის მადლით ღვთაებობის კერძობაა. „და კაცთა შორის. ვით კერძოსა ღვთაებობისა. რად გრწამს არ იყოს საუკუნო მადლი ტრფობისა?“ — ამბობს პოეტი ლექსში „რად ჰყვედრი კაცსა. ბანოვანო, პირუშტკიცობას?“, რომელიც მშვენიერ სულთა კავშირზე დამყარებული სიყვარულის პოეტური მტკიცებაა. აქ პოეტი განასხვავებს არსთა ორ საწყისს: ხორციელსა, როგორც წარმავალს, ცვალებადს, და სულიერს, როგორც უცვლელსა და უხრწნელს. შესაბამისად ერთმანეთისაგან განსხვავდება სილამაზე და მშვენიერება. სილამაზე ხორციელების ნიკია მხოლოდ, იგი წარმავალია და ყვავილივით მალე დაქცენება. მშვენიერება კი ნათელია, ზეცით მოსული, იგი უხრწნელი საწყისია არსისა, უზომო სიწმინდეა ბუნებისა. პოეტი შეტრფის ყოველივე სიწმინდესა და სიანკარეს, როგორც მარადიულისა და მშვენიერის გამოსხივებას. შეტრფის „ცისა ფერს. ლურჯსა ფერს. პირველად ქმნილსა ფერს“, რადგან იგი სამყაროს უხრწნელი საწყისის გამოკრთობაა. ბუნების უზადო სიწმინდის განფენილობაა.

ნიკოლოზ ბარათაშვილის შემოქმედების არცერთი მოტივი, როგორც უკვე ითქვა, არ არის შემთხვევითი სულიერი რეფლექსი. მისი სევდა, მისი იკვნეულობა, მისი სულით ობლობა მაღალი გო-

ნების, მგრძობიარე გულისა და წმინდა სინიდისის შეურიგებლობაა ქვეყნის სიმუხთლესა და უკულმართობასთან.

პოეტის სულიერი განწყობილების, მისი კითხვების, ფიქრებისა და მისწრაფებების მთავარი პირველადი სათავე და მიზეზთა მიზეზი ამოიცილობა პოემაში „ბედი ქართლისა“. ეს პოემა არსებითად პოეტის მთელი შემოქმედების გასაღებია.

სახელწოდება პოემისა არ არის შემთხვევითი. ბედის საკითხი, საერთოდ, პოეტის მთელი შემოქმედების ერთ-ერთი ძირითადი და მტანჯველი საკითხია. ბედი ქართლისა კი მთელი იმდროინდელი მოაზროვნე საქართველოს უმთავრესი და უმწვევესი საკითხი იყო. საკითხი ერის ყოფნა-არყოფნისა.

პოემა არ შეიცავს ისტორიული მოვლენებისა და ხალხის ცხოვრების ფართო ეპიკურ სურათებს. არსებითად იგი ერთგვარი ლირიკულ-რომანტიკული გააზრებაა სამშობლოს ისტორიული გზისა. ამიტომაც ეპიკურ ნაკადს მის კომპოზიციაში, თითქოს, მხოლოდ დამხმარე პოეტური ფუნქცია აკისრია. ეს ნაკადი ხშირად გადადის შთაგონებულ ლირიკულ აღსარებაში, რომლებშიაც მკაფიოდ შეღავნდება პოეტის სულისკვეთება, მისი იდეები და მისწრაფებანი.

პოემის ტრაგიკული სუნთქვა უკვე მის დასაწყისშივე იგრძნობა იმ მხურვალე ლოცვაში, რომლითაც ბრძოლის წინ მეფე ერეკლე შესთხოვს კეთილ მწყემსს სამშობლოს ხსნას. მტრის მოძალების, ჭირთა მოახლოებისა და ბედის მუქარის წინაშე დაუცავობის გაუმხელელი გრძობით ეს მოკლე ლოცვა ჰეშმარიტ ადამიანურ ტრაგიზმამდე აღის. ქვეყნის საბედისწერო წუთის ღრმა განცდაა გამონათული მეფისავე მიმართვაშიც ქართველი ჯარისადმი:

ხედავთ, ვითარის კანდიერებით
შეკრების ჩვენზედ უსჯულობა!
საქართველოს დღეს გარდაუწყდება,
თავისი ბედი და უბედობა!

თვით კრწანისის ბრძოლის სურათი კი ესკიზურია. იგი თითქოს ერთგვარი დრამატიული შემზადებაა იმისათვის, რომ შთაგონებულ-ლი მწუხარე სადიდებელი ითქვას იმ ქართველ ვაჟკაცთა, ნუგეშთა ქართლის, რომელთაც თავი დასდეს მამულისათვის, დღეს კი მათი საფლავიც არსად ჩანს,

პაერში განქრა მათი სახელი
და ჟამს მოწამე სადამე ძეგლი
არ გვიქადაგებს მათთა საქმეთა,
ღუმილნი ფარვენ ერთგულთა ძეთა!

მაგრამ პოეტს სწამს, რომ ერის უკვდავი გული — უკეთეს სულიერ ღირებულებათა ეს დიდი საგანძური — არ წაშლის მათ ღვაწლს. პოეტი ასე მიმართავს გმირთა აჩრდილებს:

მაგრამ, პო, გმირნო, ნუ შეშფოთდებით,
თქვენ სახსოვარი გაქვთ თვით განგებით;
რაც ერთხელ ცხოვლად სულს დააჩნდების
საშვილიშვილოდ გარდაეცემის!

შემდგომმა ღრომ კიდევ უფრო ცხადპყო პოეტური სიბრძნე ამ სიტყვებისა. კრწანისის გმირები, მათ შორის სამასი არაგველიც, ქართული ეროვნული თვითშემეცნების ნაწილად იქცნენ.

პოემის მთავარი კვანძი ანუ მისი თემატიკური შუაგული იწყება შესანიშნავი ჰიმნით სამშობლოს ბუნებისადმი და ქართველი კაცის ხასიათის ჩვენებით. თავისი ქვეყნის ბუნების უსაშველო რომანტიკოსი, ყოველი სილამაზის მგზნებარე მოთაყვანე ქართველი გულგრილად ვერ ჩაუვლის ბუნების წარმტაც სურათებს. მის სულში ყველაფერს სჭარბობს სილალისა და გატაცების ძალა. იგი უმალ შეიძლება სილამაზემ შებორკოს და დაატყვევოს, ვიდრე სხვადასხვა სასიცოცხლო მოთხოვნილებებმა. სულიერი აღტაცებისა და სილამაზის განცდისათვის მას შეუძლია გაფლანგოს თავისთავიც, გაფლანგოს დროც, გაუსხლტეს საყოფაცხოვრებო პირობითობებს, არაგვის ნაპირების მშვენიერებას რომ იხილავს, ქართველს გული ვერ გაუძლებს, რომ მის ბუჩქებში არ ჩამოხდეს, რაგინდ გზასაც უნდა ეშურებოდეს:

როგორ იქნება არ განისვენოს,
სამჭერ ხომ მინც გადაჰკრავს ღვინოს,
ცხენს მოაძოვებს, თვალს მოატყუებს,
გამოიღვიძებს — შუბლს განიგრილებს,
ერთს ქართველურად კიდევ შესძახებს,
არაგვო, მაგ შენს ამწვანებულ მთებს,
და მერმე თუნდაც დაუგვიანდეს,
იგი იმისთვის აღარ დაღონდეს!

თუ ამ ხასიათის სათავეებისაკენ წავალთ, შესაძლოა, საღდაც რუსთაველის გმირებთანაც კი მივიდეთ.

პოემის თემატიკური შუაგული კი ორი აზრის, ორი სულისკვეთების — ბედთან შეერიგებისა და ბედთან შეურიგებლობის სულისკვეთების დრამატიული დაპირისპირებაა.

მთიულეთში, არაგვის ნაპირზე გადმომდგარ ძველ ჩარდახში განიზნული მეფე ერეკლე და მისი მრჩეველი — სოლომონი ბჭობენ და კამათობენ, თუ რა გზა უნდა აირჩიოს მტრისაგან დარბეულ-

მა და შევიწროვებულმა საქართველომ — ერთმორწმუნე რუსეთის მღაჩველობის ქვეშ შესვლისა თუ დამოუკიდებელი არსებობისათვის ბრძოლის გაგრძელებისა.

მეფე ეკეკლე ტრაგიკული პიროვნებაა. სწორედ იგი — ბედის ურჩი, უშიშარი მტომარი და სარდალი, ვინაც ქვეყნის დამოუკიდებლობის შენარჩუნებისათვის თითქმის ასამდე ომი გადაიხადა, იმულებულია ბედთან შერიგების გზა აირჩიოს. ეს შინაგანად ტანჯავს მას, მაგრამ იგი მაინც რეალისტურად აზროვნებს, იცის გათამაშებული მოსისხლე მტერი — აღა-მაჰმად-ხანი ამიერიდან საქართველოს აღარ მოასვენებს, ამით ლეკებიც ისარგებლებენ, ოსმალოც დროს იხელთებს და ქვეყანას ყოველი მხრიდან მოესევთან მტრები, მით უმეტეს, რომ შიგნითაც მოძმენი „უერთიერთს ბძარვენ“. ამიტომაც მეფე ფიქრობს, რომ ერთმორწმუნე რუსთა ხელმწიფეს მისცეს მემკვიდრეობა, რათა „მან მოსცეს ქართლს კეთილდღეობა“.

მეფის მრჩეველი — სოლომონი კი სრულიად საწინააღმდეგო პოზიციაზე დგას. იგი სწორედ ბედთან შეუთრეგებლობის სულისკვეთებას ასახიერებს. მას ღრმად აშფოთებს მეფის განზრახვა. მისი აზრით. სჯულის ერთობა არას არგებს ქვეყანას, „ოდეს თვისება ერთა მის შორის სხვადასხვაობდეს“; რუსთა მეფობა ვერც გაიგებს, ვერც შეიწყნარებს ქართველობის ხასიათს, სურვილებსა და მისწრაფებებს, უცხოთა მფარველობის ქვეშ მოქცეულ ქართველ კაცს გულს მოუქლავს იღუმალი ტანჯვა. სოლომონი უდრეკი ხასიათისაა, იგი უფრო თავის გულის ხმას უგდებს ყურს, ვიდრე გარეშე მოკლენებს. ერთენული დამოუკიდებლობისა და თავისუფლების დაცარვა მას ყველაზე დიდ უბედურებად მიაჩნია, მას სწამს, რომ ქართველებს „არად მიაჩნით უბედურება, თუ აქვთ თავისთ ჭერთ ქვეშ თავისუფლება“. თავის უდრეკობაში მეფის ეს ერთგული ყმა მეფის განუსაზღვრელი ძალა-უფლების გმობამდეც კი მიდის; მას უკვირს და ეჩოთირება, რომ ერთი კაცი ისე განაგებს ქვეყნის ბედს, „ვითა ამღერდეს იგი კამათლებს“ და თავის ფიქრებში მკაცრადაც კი მიმართავს მეფეს:

მაგრამ შენ, მეფე, ვინ მოგცა ნება,
სხვას განუბოძო შენთ ყმათ ცხოვრება,
მისდევდე შენსა გულისკვეთებას
და უთრგუნვიდე თავისუფლებას?

ეს არ ნიშნავდა, რასაკვირველია, რესპუბლიკელობას, მაგრამ თავისი გმირის ამ განწყობილებაში პოეტი მაინც ამქლავნებდა გარკვეულ დემოკრატიულ მიდრეკილებას.

სოლომონის სრული თანამოაზრე აღმოჩნდება მისი მეუღლე სოფიოც. შეიძლება ითქვას, რომ სწორედ ეს ქართველი ქალი გამოხატავს პოემის ძირითად აზრს, მის ფილოსოფიას. მეფის განზრახვას რომ შეიტყობს, იგი შეშფოთებული ამბობს, რომ რა პატივიც არ უნდა დასდონ. სხვათა ქვეშევრდომობაში ადამიანის სული მაინც დაჩაგრული, უთვისო და დაობლებულია:

რა ხელ-პყრის პატივს ნაზი ბულბული,
გალიაშია დატყვევებული?
და ველად იგი, ამხანაგთ შორის
პირსაც, ვით ლხინსა, ერთგვარ დამღერის!
ესრეთ რას არგებს კაცსაც დიდება,
თუ მოაკლდება თავისუფლება?

უწინდელი ქართველი ქალის ამ უღრმესი პატრიოტიზმითა და შეუღრქველი ბუნებით აღფრთოვანებული პოეტი კვლავ ერევა პოემის ამბავის მდინარებაში, იგი ასე მიმართავს გარდასულ დედათა აჩრდილებს:

პოი, დედანო, მარად ნეტარნო,
კურთხევა თქვენდა, ტკბილსახსოვარნო!
რა იქნებოდა, რომ ჩვენთა დედათ
სულიცა თქვენი გამოქოლოდათ?
ეინდა ჰყავს გულის შემატკივარი
მამულს ასული ახლა თქვენგვარი?

როგორც ვხედავთ, პოეტი გულდაკოდლია ზნეთა დაცემით, პატრიოტული შეგნების მოღუწებით, რაც ეროვნული დამოუკიდებლობის დაკარგვას მოჰყვა. უნდა ვიფიქროთ, რომ ეს იყო ერთ-ერთი იმ იღუმალ ტანჯვათაგან, რასაც სოლომონი წინასწარმეტყველებდა.

იგივე იღუმალი ტანჯვა იგრძნობა პოემის ფინალის ნაღვლიან ინტონაციაშიც. აოხრებულ თბილისში დაბრუნებულმა ერეკლემ რამდენჯერმე წარმატებით გაიბრძოლა მტერთა წინააღმდეგ.

მაგრამ ამაო იყო ყოველი:
დიდი ხანია გულს ირაკლისა
გარდუწყვეტია ბედი ქართლისა!

ეს იყო ბედი ბედის მორჩილებისა.

ნიკოლოზ ბარათაშვილი კი ბედის ურჩობის პოეტია. მისთვის მიუღებელია ბედთან შერიგების ფილოსოფია. პოემაშიც შემთხვევით როდი გამოხატავს თავის აღფრთოვანებას სოლომონისა და სოფიოს ქედუხარელობით. ...და მიუხედავად ამისა. პოეტი მაინც

ამართლებს მეფე ერეკლეს მიერ გადადგმულ ისტორიულ ნაბიჯს — საქართველოს რუსეთთან შეერთებას. ამ შეერთების დადებითი მნიშვნელობა პოეტმა მკაფიოდ გამოხატა ლექსში — „საფლავი მეფის ირაკლისა“. პოეტი აღიღებს მეფის ნაანდერძევს; რომლის აღსრულებამაც კეთილი ნაყოფი გამოიღო: უამთვითარებით გარდახვეწილ ქართველთ ჩრდილოეთიდან მამულში მოაქვთ განათლება, საქართველომ მოიპოვა მშვიდობა, აწ მას წაღვეკვით აღარ ემუქრება კასპიის ღელვა, შავი ზღვის ზვირთებსაც, ნაცვლად მოსისხლე მტერთა, ამიერიდან მოჰყვებიან მოძმენი ყოველი მხრიდან.

მაგრამ ეს არავითარ შემთხვევაში არ ნიშნავდა იმას, რომ პოეტი ურიგდებოდა ეროვნული დამოუკიდებლობისა და თავისუფლების დაკარგვას, ურიგდებოდა არსებულ სინამდვილეს. არც გაორებული იყო პოეტი თავის ამ თითქოს წინააღმდეგობრივ დამოკიდებულებაში ქვეყნის ბედისადმი, როგორც ზოგჯერ ფიქრობენ ხოლმე. არა, იგი სპეკრეტდა ერთგვარ წინააღმდეგობრივ სიბრძნეს და ერის ცხოვრების გარკვეულ ვითარებაში არ გამოორიცხავდა. ბედთან შეგუებას, როგორც ბედის წინააღმდეგ ბრძოლის ერთ-ერთ გზას.

ერის ბედის საკითხი კაცთა ბედის საკითხს გადაენასკვა პოეტის შემოქმედებაში. პოეტური აზრის ხვეული ახალ რკალს აკეთებს და იბადება „მერანი“ — მთელი მრავალსაუკუნოვანი ქართული პოეზიის ეს მარადგაუხუნარი მშვენება.

ცდებოდნენ და ცდებიან ისინი, ვინაც ბარათაშვილის „მერანის“ მხოლოდ ლიტერატურულ ანალოგიებს ან მის ლიტერატურულ წყაროებს ეძებენ და სრულებით ვერ ამჩნევენ ან გვერდს უვლიან იმას, რომ ეს ლექსი, როგორც მთა დედამიწის გულიდან, ამოზრდილი და ამოზიდულია პოეტის მთელი შემოქმედებიდან, რომ იგი არსებითად აგრძელებს და აღრმავეს პოეტის აღრინდელი ლექსებისა და კერძოდ კი პოემის „ბედი ქართლისა“ მხატვრულ-იდეურ მოტივებს.

„მერანი“ ბედთან ბრძოლის წარმტაცი პოეტური სიმფონიაა. იგი სულიერ მისწრაფებათა, მღელვარებათა და ტანჯვათა ბევრი ადამიანური გამოცდილების გონებრივ და ემოციურ ნაყურს იტევს. იშვიათია, რომ გამოთქმულში ისეთი ძალით იგრძნობოდეს გამოთქმულიც და გამოუთქმელიც, როგორი ძალითაც ეს იგრძნობა „მერანში“.

ლექსის დრამატულ ექსპრესიაში იკითხება მისწრაფება მეამბოხე სულისა — გასწყვიტოს ყველა კავშირი, რითაც არსებული სინამდვილის — ამ სიავით სავსე საწუთროს ბნელ ძალებს შეუბო-

ქავს ადამიანი. ქვეყნის ბედიც და ადამიანის ბედიც ხომ ამ ბნელი ძალების საოცარი ზღაპრებია. ბედი ის არის, რასაც თავიდან ვერ აიცილებ, ხოლო ბედის შიგნით პოეტისათვის არ არსებობს არც ბედნიერება, არც თავისუფლება. თითქოს გამოსავალი არ ჩანს. მაგრამ არა, შეიძლება ბედთან ბრძოლა სწრაფვით, ქროლვით, მოძრაობით, მოქმედებით. შეიძლება გარდუვალობის ზღუდეთა გარღვევა მაღალი აზრით. შეტრიგებელი სულისკვეთებით, სულის სინათლემ უნდა შემუსროს გარდუვალობის წყვილიაღი. პოეტი უნდა არსებული ქვეყნის მიმართ, იგი ბედის მიღმა ქვრეტს ძხვეა ჰარმონიულ სამყაროს.

ბედის ურჩობას პოეტს ალბათ დიდი რუსთაველიც შთააგონებდა. „იგი მიენდოს სოფელსა, ვინცა თავისა მტერია“, — ამბობდა რუსთაველი და მისი ტარიელიც საწუთროს ბედის ურჩ გონებას აქებდა:

მიმდონი საწუთროსანი მისთა ნივთთაგან რჩებთან.
იმუებენ, მაგრა უმუხთლოდ ბოლოდ ვერ მოურჩებთან;
ვაქებ ჰყუასა ბრძენთასა, რომელნი ეურჩებთან.

ბარათაშვილის „მერანიც“ სწორედ ადამიანის ურჩი და უდრეკი სულის დიდებული რომანტიკული განსახებაა. პოეტ-მხედარს, ვისაც უგზო-უკვლოდ მიაქროლებს თავისი მერანი, უკან მისჩხავის თვალბედითი შავი ყორანი. ეს ფანტასტიკურ-დრამატული სურათი, რაც ლექსის პირველსავე სტრიქონებით იქმნება, ლექსის შემდგომი ზეალმაველი ტალღოვანი მოძრაობით ივსება ღრმა შინაარსით: ბედთან ბრძოლის გზა უიმედობის, მოქანცულობის, სიკვდილის შიშის დაძლევის, ეროვნულიდან საკაცობრიომდე, პიროვნულიდან საზოგადოებრივამდე ამაღლების გზაა. ეს ბუნებრივად მოჰყვება ლექსის დიდებულ რიტმულ მოძრაობას, მის ღრმა პოეტურ სუნთქვას, ყოველგვარი რიტორიკის გარეშე. მერანი უნდა გაჰქროლდეს ისე, რომ მოუთმენელ მხედარს შეუმოკლოს სავალნი დღენი, არ შეიბრალოს ის დაქანცულობით. ამ დაქანცულობიდან ძაფი ხომ ქვეყნის იმ დიდი დაქანცულობისაკენ მიდის, რასაც პოემაში „ბედი ქართლისა“ მეფე ერეკლე ასახიერებს. განა მრავალჭირგადახდილი ქვეყნისა და მისი მეთაურის დიდი მოღლილობა არ იგრძნობა მის სიტყვებში: „შენი ირაკლი ის აღარა ვარ, პატარა კახად რაც გინახივარ“; „ახლა კი დროა, სოლომონ, რომა მშვიდობა ნახოს საქართველომა“. პოემის შემდეგ პოეტმა მოქანცულობის ეს მოტივი კიდევ უფრო დიდი ლირიკული ძალით გამოხატა მშვენიერ ლექსში — „ჩემი ლოცვა“. შესთხოვს რა ღმერთს, მოასვენოს ვნე-

ბათაგან ბოროტლელი და თვით ღუმელიც მისდამი ლოცვად ჩაუთვალოს, მოქანცული სული ეძებს მყუდრო სადგურს:

ცხოვრების წყაროვ, მასე წმიდათა წყალთაგან შენთა,
დამნთქე მათში საღმობანი გულისა სენთა,
არა დაჰქროლონ ნავსა ჩემსა ქართა ვნებისა,
არამედ მოეც მას სადგური მყუდროებისა!

„მერანში“ კი დაქანცულობის მოტივი ღრმადედა მის უარყოფამდე. მისი გარდუვალი შედეგი — წყურვილი მოსვენებისა და მყუდრო სადგურისა — უკუგდებულია მოუსვენრობით, მერანის უსაზღვრო ქროლვით. ამ ქროლვამ, ამ ძლიერმა სულიერმა სწრაფვამ უნდა გაფანტოს პოეტის შავად მღელვარე ფიქრები, გააცილოს მის სულსა და გულს დროის სიავეთა მტვერი და ლაქები, ბოროტი და ბიწიერი ვნებანი, რადგან, როგორც „მერანის“ შექმნის 1842 წელსავე სწერდა ხოლმე პოეტი თავის მეგობარსა და ნათესავ ქალს — მაიკო ორბელიანს: „...კეშმარითი ბედნიერება, უმადლესი სიამე, რომელსაც კი კაცი წაიღებს ამ სოფლისაგან“, არის მხოლოდ „...მშვენიერება სულისა, უმანკოება გულისა“, „სხვათა ბედნიერებათა სოფლისათა უყურე გულგრილად, ამაყად და გრწამდეს, რომ იგინი შეურჩენელნი არიან!“

მხოლოდ დროის ბნელ დანალექთაგან გაწმენდილ სულსა და გულს შეუძლია ეზიაროს უმადლეს ჰარმონიას — გაანდოს თავისი საიდუმლო თანამავალ ვარსკვლავებს. ამ ჰარმონიისაკენ მიმავალ გზაზე არ არის დასანანი არც მამულის, არც სწორებისა და მეგობრების, არც მშობელთა და არც ტკბილმოუბარ სატრფოს მოშორება. სამშობლოს ბედით გულდაისრული პოეტი თავის მძაფრ სულიერ ექსპრესიაში ეროვნულის მიღმაც სჭვრეტს ვრცელ ადამიანურ არეებს:

საც დამილამდეს, იქ გამოთენდეს, იქ იყოს ჩემი მიწა სამშობლო,
მხოლოდ ვარსკვლავთა, თანამავალთა, ვამცნო გულისა მე საიდუმლო!

პოეტს სურს, რომ თავისი მერანის მშვენიერს, აღტაცებულს და გაიურ ლტოლვას მისცეს კვნესაც გულისა — ნაშთი ტრფობისა. და ესეც დროის სიავის უკუგდებაა, რადგან ტრფობამ. რამაც პოეტს შთააგონა თავისი სატრფიალო ლირიკის მშვენიერი ქმნილებანი, ალბათ, მართლაც დაუტოვა კვნესა გულისა, როგორც გაწმენდილ გრძნობათა სიმწარე. ჩვენ არ ვიცით პოეტის ტრფიალების პერიპეტიები და შინაგანი დრამატიზმი, ვიცით მხოლოდ პოეტისა და მისი სატრფოს ცხოვრების გზათა მკვეთრი გაყრა. იმ დროს, როდესაც ცხოვრების სიდუხჭირემ პოეტი იძულებული გახდა უბრა-

ლო მოხელის სამსახურს შესდგომოდა, მისი სათაყვანო ეკატერინა სამეგრელოს მთავრის — დადიანის მეუღლე გახდა. და ვინ იცის, ბედნიერ განცხრომაში იყო თუ გული რაღაც ნაღვლიანს მაინც უგრძნობდა სამეგრელოს დედოფლად წოდებულ ლამაზ ბანოვანს იმ დროს, როდესაც მისი მიჯნური პოეტი, რომლის მშეენიერ ლექსთა ხელნაწერი კრებული უკვე თავის საქალწულო სახსოვართა ყუთში ედო, საღდაც შორს, მიწურ სახლში სიკვდილს ებრძოდა და საყურის ჩრდილში სუნთქვის მობრუნების აუხდენელ ოცნებას ბოლავდა...

თუმცა ერთი უიღბლო სიყვარულის ამბავი რა იქნებოდა, რომ მას არ წარმოეშვა სევდიანი სიმღერა გაწბილებული სიყვარულისა, რაც ყოველთვის შესძრავს ხოლმე ადამიანთა გულს. უნდა ვიფიქროთ, რომ იმ დროს ადამიანურ სევდას, იმ ამაღლევებელ ადამიანურ ტრაგიზმს, რაც პოეტმა გამოხატა ლექსში — „ვპოვე ტაძარი, შესაფარი, უდაბნოდ მდგარი“, საფუძვლად ედო პირადი გრძნობის დიდი დრამაც. ამ ლექსში გამოხატული სევდისა და მარტოობის გრძნობა პირდაპირ ენაქადება პოეტის სულიერ სწრაფვას, გაცხადებულს მერანის ქროლვაში, როგორც მისი შინაგანი იმპულსი. „მერანში“ პოეტი თითქოს კიდევ უფრო აღრმავებს მიუსაფრობის შოტივს. და ასე გამძაფრებული გრძნობა ტრაგიზმისა პოეტური აზრის მშეენიერი მოძრაობით განიმუხტება თავის სრულ წინააღმდეგობაში — ბედის მარწუხებიდან თავდაღწევის ბედნიერ გრძნობაში, მებრძოლი სულისკვეთების მაჟორულ ქღერაში:

გასწი, გაფრინდი, ჩემო მერანო, გარდამატარე ბედის სამძღვარი,
თუ აქამომდე არ ემონა მას, არც აწ ემონოს შენი მხედარი!

ეს ხომ უკვე უარყოფა და უკუგდებაა ბედისწერის გარდუვალობისა. ადამიანს დაუცხრომელი სულიერი სწრაფვით ძალუძს გავიდეს გარდუვალობის წყვილიადიდან, რადგან თვით სწრაფვა, მოქმედება და მოძრაობა არის განუწყვეტელი, ყოველწუთიერი გასხლტომა ბედის ბრჭყალებიდან და პოეტ-მხედარს — ბედის მოსისხლე მტერს, ვინაც ჩაწვდა სწრაფვის ამ ცხოველმყოფელ აზრს, არ აშინებს ბედის მახვილი:

დაე მოკვდე მე უპატრონოდ მისგან ოხერი!
ვერ შემაშინოს მისმა ბასრმა მოსისხლე მტერი!

მაგრამ პოეტური აზრი აქ არ ჩერდება, იგი სხვა უფრო სიღრმისეულ კავშირებისაკენ მიიწევს: წარმავალი, ფუჭი და უმიზნო იქნება ბედის ძღვევის მთელი ეს ტრაგიკული ეპოპეა, თუ იგი მხოლოდ ქვეყნის ჭირვარამთავან განკერძოებული ერთი მოკვდავი ადა-

მიანის სულიერ ლტოლვად დარჩება, თუ ადამიანთა მთელი მოდგმის ისეთ სულიერ გამოცდილებად არ იქცევა. რაც მათ წინ სავალი გზის სიძნელეს გაუადვილებს. პოეტური აზრი პიროვნულიდან აღის საზოგადოებრივად, სწრაფვის პოეზია ივსება მოქალაქეობრივი შინაარსით:

უღდად ხომ მაინც არ ჩაივლის ეს განწირული სულის კვეთება.
და გზა უვალი. შენგან თელილი, მერანო ჩემო, მაინც დარჩება:
და ჩემს შემდგომად მოძმესა ჩემსა სიძნელე გზისა გაუადვილეს.
და შეუპოვრად მას ჰუნე თვისი შაეის ბედის წინ გამოუქროლდეს.

ეს იყო არსებითად განვითარება და გაღრმავება იმ მოტივიანა, რაც პოეტმა აღძრა ჭერ კიდევ თავის ფიქრებში მტკვარის პირას და რაც შემდეგ ერთგვარ პანთეისტურ სამოსელში გახვეულ რომანტიკულ ოცნებად დასახა ლექსში „არ უკვირო, სატრფოო“:

მინდა მზე ვიყო, რომ სხივნი ჩემთ დღეთა გარსა მოვავლო.
საღამოს მისთვის შთავიდე, რომ დილა უფრო ვაცხოვლო.
მინდა რომ ვიყო ვარსკვლავი, განთიადისა მორბელი,
რომ ჩემს აღმოსვლას ელოდნენ ტყეთა ფრინველნი და ვარდი.
მინდა შენ იყო, სატრფოო, მშვენიერისა ცის ცვარი.
რომ განაცოცხლო, შვაარნო, მღელო, სიციხთა დამქანარი.
რომ მხოლოდ მზისა ციავი მას დილის ნამსა იშრობდეს.
და, ერთად შესხივებულნი, შვებას მოჰფენდნენ სიცოცხლეს!

ამრიგად, „მერანო“ ერთგვარი სინთეზია ბარათაშვილის პოეზიისა. მერანის სრბოლას, მართალია, არ გადაულახავს ყველა წინააღმდეგობა პოეტის მსოფლშეგრძნებისა, არ დაუძლევია მისი ინდივიდუალისტური და პესიმისტური განწყობილებანი. „მერანის“ შემდეგაც თავის უძლიერეს „სულო ბოროტოში“ პოეტმა უმძაფრესი სულიერი მღელვარებით გამოსახა უშუალო ყმაწვილურ ოცნებათა ჩაკვლა ინდივიდუალისტურ-სკეპტიკური სულისკვეთებით და მით წარმოშობილი გრძნობა სიმარტოვისა და უიმედობისა. არსებითად ეს იყო „მერანის“ პოეტური ექსპრესიის ერთ-ერთი ახალი რკალი, რაც ახალ სიღრმეებში შეჭრას მოასწავებდა.

პოეტი ტიტანური ძალით მიიწევდა თავისი მემამბოხე სულისკვეთების გამძაფრებისაკენ, თავისი შემოქმედების ახალი მწვერვალებისაკენ.

მართლაც რომ უღვთო იყო მისი სიკვდილი!

ჩამოასრევით ბოროტება და არა აღამიანი!

ვითომ პატარა ამბავია, „სარჩობელაზედ“ (სხვათაშორის. მიუხედავად იმისა, რომ „სარჩობელაზედ“ ილიას მართლწერაა, მე მაინც ვფიქრობ. - მეპატიოს კადნიერება. --- სჯობს დღეს დაიწეროს „სარჩობელაზე“, ჩვენი ყურისთვის ეს უფრო დამაჭერებელი იქნება გამოთქმის მხრივ).

მოცულობით დიხააც პატარაა. მაგრამ კაცობრიული თვალსაზრისით მეტად ღრმა და დიდია.

საქმე ეხება არა რაიმე განსაკუთრებულ მხატვრულ ეფექტს. როგორც ვიცით, მოთხრობა დაწერილია უბრალოდ, სადად. მისი სურათებიცა და სახეებიც უბრალონია. არც ძლიერი გრძნობათა მოქარბებაა შიგ და არც თუ ისე ძლიერი ტრაგიკული განცდა. კაცის ჩამოხრჩობაც არ არის თითქოს აწეული რაიმე განსაკუთრებულ ტრაგიზმამდე. დამშვიდებულად მიჰყვებით თხრობის აუზვირთებელ მდინარებას და მხოლოდ მაშინ, როდესაც ყველაფერს თავს მოუყრით და ჩაწვდებთ იმ ღრმა ჰუმანიზმს, რაც ბუნებრივად არის ამოზრდილი თუ ამოზიდული მეტად უშუალო ხალხური ხასიათიდან. იგრძნობთ ნაწარმოების სიდიადეს. მერე გარეგნული უბრალოებაც თავის ადგილს იკავებს ამ სიდიადეში.

ხალხური ხასიათი არ არის. რასაკვირველია, რაღაც უცვლელი და უძრავი ფსიქოლოგიური კომპლექსი. ცვალებადია ყოველი სოციალური და ეროვნული გარემო, რაც ყოველგვარი აღამიანური ხასიათის ნიადაგს წარმოადგენს: სხვადასხვა ეპოქაში სხვადასხვანაირია ხალხის ისტორიული გამოცდილებების საერთო სულიერი შედეგიც — ანუ ის გონებრივ-ზნეობრივი და გრძნობად-ესთეტიკური წარმოდგენები, რომლებიც აყალიბებენ აღამიანთა ხასიათებს. მაგრამ განვითარებაში რომ რაღაც უწყვეტი და მარადიული არ იყოს, მაშინ განვითარებაც აღარ იქნებოდა. ხალხის ხასიათშიც არის უეკველად უწყვეტი ძარღვი განვითარებისა.

პეტრე არსებითად პატრიარქალური სულიერი წყობის ქართველი გლეხია. მაგრამ ამავე ღროს ეს აღამიანი ასახიერებს სწორედ

იმ უწყვეტსა და მარადიულს, რაც ხალხის ხასიათის განვითარებაში იმალება. იგი პირველქმნილი ხალხური ხასიათია.

თავისი უშუალო და პრიმიტიული ბუნებით პეტრე ძალიან ახლოს დგას ლევ ტოლსტოის პლატონ კარატაევთან. შეიძლება ითქვას, რომ ისე, როგორც კარატაევი პიერის წარმოდგენით იყო „მარადიული განსახიერება უბრალოებისა და სიმართლის სულისკვეთებისა“, „განსახიერება ყოველივე რუსულის, კეთილისა და დამრგვალებულისა“, პეტრეც უმზაკვრო სიმართლის, სიწრფელის და უშუალობის განსახიერებაა.

და ისე, როგორც დიდმა რუსულმა გენიამ თავისი მხატვრული აზრის დიდებულ შენობას ერთ-ერთ ბურჯად, ვითარცა მითოლოგიური ატლანტი, რუსი კაცის შუმი ბუნება შეუყენა, ქართველმა ბრძენებმაც თავისი მაღალი კაცობრიული აზრის საძირკველად უბრალო ქართველი კაცის პირველნახადი ბუნება დასდეს.

რატომ მიმართეს მათ ამ უბირ აღამიანებს?

თუ ვიტყვი: იმიტომ, რომ ეჩვენებინათ თავისი ხალხის უღრმესი ქვედაფენების სული და გული, ფიქრი და აზრი, მისწრაფება და ხასიათი, — ეს იქნება უბრალოდ ფაქტის აღნიშვნა და სხვა არაფერი. ასევე არაფრის ამხსნელი არ იქნება ისიც, თუ ვიტყვი, რომ სინამდვილეში დაინახეს მათ ასეთი აღამიანები და როგორც დაინახეს, ისევე დაგვიხატეს. დაგვიხატეს ისე, როგორც ეხატებოდით. მიზანი?

ზნეობრივი თუ მხატვრული იდეალი მაინც საძიებელი და საფიქრალია.

მოდი, ვეძიოთ, მოდი, ვიფიქროთ!

აღამიანთა სიცოცხლე მოიცავს მათს როგორც ხორციელ, ისე სულიერ ცხოვრებას. არსებობ, მაშასადამე, ცხოვრობ სულიერად და ხორციელად. შენ აღამიანი ხარ და შენი არსებობა არ არის უბრალო ცხოველური არსებობა. არსებობენ კი აღამიანები მეტად უბრალო და მარტივი გრძნობებით, ნათელი და გარკვეული აზრებით. აღამიანური არსებობის პირველადი ქვეშარიტებანი ყველასათვის ხელმისაწვდომი და გასაგებია. ბრძენი ხარ თუ არაბრძენი, სწავლული ხარ, თუ უსწავლელი, შენ კარგად იცი, იცი, როგორც გარდუვალი ქვეშარიტებანი (ცხოველებმა ეს არ იციან, მათთვის ქვეშარიტებანი არ არსებობს), რომ შენი არსებობისათვის საჭიროა მიზანდასახულად შრომობდე და მოქმედებდე; ხნავდე, თესდე და მკიდე, აზროვნებდე და მეტყველებდე, ჭამდე, სვამდე, იცმევდე და იხურავდე. აწყარებდე სხვადასხვა ზრთიერთობასა და კავშირს აღამიანებთან, მეგობრობდე, მტრობდე; გიყვარდეს ან გძულდეს, იქცებდე

დე თავშესაფარს, ინთებდნენ ცეცხლს, გაგყავდნენ გზები, მდინარეებზე სდებდნენ ხიდებს, ფიქრობდნენ და განიცდიდნენ, იმორჩილებდნენ ბუნებასა და მის ნივთს, ზრუნავდნენ ცოლ-შვილზე, აგრძელებდნენ შთამომავლობას, არჩევდნენ სილამაზესა და სიმახინჯეს, სიკეთესა და ბოროტებას, შეგეძლოს სიხარულიცა და მოწყენაც, სიმღერაცა და კვნესაც, თხზავდნენ ან ისმენდნენ სხვათა შეთხზულ ზღაპრებს, ანდაზებს, გამოცანებს... ერთი სიტყვით, როგორც უკვე ითქვა, ადამიანები ცხოვრობენ უბრალო აზრებითა და გრძნობებით, აზროვნებენ და მგრძნობიარობენ კი — დღითიდღე უფრო რთულად და რთულად. მაგრამ ვინ იცის, იქნებ სწორედ ამ უბრალო პირველად აზრებსა და გრძნობებშია დამუხტული აზროვნებისა და მგრძნობიარობის მთელი შემდგომი განვითარებისა და გართულების — ყველა შემდგომი უმაღლესი ჰუმანიტარული და მშვენიერების მთელი სიბრძნე, მსგავსად იმისა, როგორც ნამცეცა ატომშია ხოლმე დამუხტული სამყაროს მთელი აგებულება. იქნებ სწორედ სამყაროსადმი ადამიანის პირველ უშუალო დამოკიდებულებაში — შრომის იარაღის პირველ გამოგონებაში, პირველ მითში, პირველ სიმღერაში, პირველ ხილვებში — იმალებოდა უკვე თანამედროვე ფიზიკისა და ქიმიის, კოსმონავტიკისა და კიბერნეტიკის ყველა ჩანასახი. იქნებ მაშინ დაიწყო გაფრენა კოსმოსში, როდესაც გამოქვაბულის ადამიანმა პირველი მითი შექმნა ცაში მფრინავ გონიერ არსებათა შესახებ. მაინც საიდან შეიჭრა ქართველი დედის ნანაში უცნაური კოსმოსური მოტივი?

ზეცას ვიყავ. ზეცა ვნახე.
ვარსკვლავებსაც დავენახე,
მთარემ კაცი მომიგზავნა,
თუ აქ იყავ, რად არ მნახე.

მთავარი კი სოციალური პარმონიის უმაღლესი იდეალის ძიებაა, რასაც კაცობრიობა დასაბამიდანვე ალევდა და დღესაც ალევს მთელ თავის ძალებს... და ზომ არ არის ამ იდეალის ყველაზე წმინდა და შეურყენელი პირველსახე იმ პირველ უშუალო დამოკიდებულებაში, რასაც კაცი კაცთან ამყარებს თავისი კაცობის პირველ ბუნებრივ საფუძვლებზე? მაშინ, ალბათ, ადამიანის აზრის მთელი შემდგომი განვითარებისა და ყველა მოპოვებული ჰუმანიტარული უკეთესობის უკეთესობის ამოცანა ის იქნება, რომ გააფართოვოს და განამტკიცოს ყოფიერების პირველადი სიბრძნის საზღვრები. მაგრამ. ოი, განგებო, სად არის ყოფიერების ეს დიდი პირველადი სიბრძნე თუ სიმართლე და ვინ დგას ამ სიმართლესთან ყველაზე ახლოს? ჩვენთვის ეს მწკვირვებე მწკვირვე, მტანჯველზე მტანჯველი საკითხია. პეტ-

რესა და პლატონ კარატაევისებურ ადამიანებისათვის კი ეს საკითხი არ დგას. ჩვენ ჩვენს მიღმა, ჩვენს გარეშე ვეძებთ ყოფიერების სიბრძნეს. ამიტომ ჩვენ ყოფიერების გარეშე ვდგავართ, ყოველ შემთხვევაში ვცდილობთ დავდგეთ მის გარეშე, ვცდილობთ მოვწყუდეთ ჩვენს ქვეშაირს არსებას, ისინი კი ყოფიერების შიგნით იმყოფებიან და შედუღებული არიან მის სიბრძნესთან და ამიტომ, შესაძლოა. ისინი — თავიანთი წმინდა ადამიანური შინაარსით — ყველაზე სრულყოფილად ასახიერებენ ამ სიბრძნესა და ყველაზე უკეთესა მოდელებიც არიან დიადი პარმონიისა.

მაგრამ არსებობს კი უბიწო, უზადო, უშენარევო და უდანაღეჟო წმინდა ადამიანური შინაარსი? (სხვათაშორის, თანამედროვეობის ერთმა უდიდესმა ფრანგმა მწერალმა ანტუან დე სენტ ეკზიუპერიმ იგი თითქოს ადამიანთა ღიმილში შენიშნა) თუ იგი ისევე საძიებელია როგორც რომელიმე იშვიათი ნივთიერება, რომლის ერთი მისხლის მოსაპოვებლად საჭიროა მრავალი ასეული ტონა მადნეულის გადამუშავება! ყოველ შემთხვევაში, თუ სადმე არსებობს ეგ წმინდა, უშენარევო ადამიანური შინაარსი, უწინარეს ყოვლისა, იგა არსებობს ხალხის სულსა და გულში, მისი გრძნობების, აზრების, შეხედულებების, მისწრაფებებისა და ოცნებების ულევ მადნეულში, ხალხის ყოფიერებაში.

ბოლოს და ბოლოს, მთელი ამ მსჯელობის უკეთ ვთქვათ, თქვენთან თუ თავისთავთან საუბრის მიზანი ის არის, რომ ვიკითხოთ უმარტივეს ხალხურ ხასიათებში ხომ არ ეძებდნენ მხატვრული აზრის ტიტანები ცხოვრების ერთიანი სიბრძნის წყაროსთვალს?

ყველა ნიშნით ეს ასე იყო. მაგრამ ერთიანი სიბრძნე მაინც არ გამოვიდა. და კვლავ ვეხლებით ათასგვარ თავსატეხ ანუ წყევლაკრულვიან საკითხებს, როგორც ილია იტყოდა ხოლმე.

საქმე იმაშია, რომ პლატონ კარატაევი და პეტრე არა მარტო სხვადასხვა ხასიათებია, არამედ სხვადასხვანაირი სიბრძნის მიმდევრებიც არიან.

კარატაევი ყველაფერს განგების ძალას აწერს. „არა ჩვენი ქუჩით, არამედ ღვთის განგებითო“. — ამბობს იგი და არ ეუბრჩება არც სიკეთეს. არც ბოროტებას, არც სიცოცხლეს. არც სიკვდილს. მისთვის ქვეყნიერება განუყოფელია თავის ავსა და კარგში, თეთრსა და შავში. იგი ყოველ ვითარებაში შერიგებულია ცხოვრებასთან და ყოველ საგანსა თუ მოვლენას თავის აუცილებლობაში ხედავს. მისი სიბრძნე და მარწამსი თვინიერება, მოთმინება, მორჩილება და საყოველთაო სიყვარულია. მას ყველა უყვარს, მათ შორის რუსეთის ამწიოკებელი ფრანგებიც კი. მას ბოროტების გამობაც კი ღვთის

გმობად და ცოდვად მიაჩნია. მასში იქვეულობის, სკეპტიციზმის ნატამალიც არ არის. იგი მთელი თავისი არსებით სტიქიისა და თვითდინების თანაზიარია. იგი წილია მთელის, განგების, ღმერთის და მის არსებაში არაფერია ისეთი, რაც არ იყოს ღმერთის წილი, ღმერთი მასშია.

..მისი ყოველი სიტყვა და ყოველი საქმე იყო გამოვლინება მისთვის უცნობი მოქმედებისა, რასაც მისი სიცოცხლე წარმოადგენდა. მაგრამ მის სიცოცხლეს, როგორც იგი უყურებდა მას, აზრი არ ჰქონდა, როგორც ცალკე აღებულ სიცოცხლეს. მის სიცოცხლეს აზრი ჰქონდა როგორც მთლიანის ნაწილს, მთლიანისა, რასაც იგი გამუდმებით გრძნობდა. მისი სიტყვა და მოქმედება მოედინებოდა მისგან ისევე თანაბრად. უცილობლად და უშუალოდ, როგორც სურნელი გამოეყოფა ხოლმე ყვავილს. მას არ შეეძლო, გაეგო ცალკე აღებული სიტყვისა თუ მოქმედების არც ფასი, არც მნიშვნელობა. კარატაევის რწმენით, სამყაროში ყველაფერს განგება აწესრიგებს. ისე როგორც საჭიროა. ადამიანური ნებისყოფა კი მხოლოდ იმისათვის არის მოწოდებული, რომ აღასრულოს განგების კარნახო დაბადებული.

ზემოთ ითქვა, რომ ტოლსტოიმ თავისი შემოქმედების დიდებულ შენობას, ვითარცა მითოლოგიური ატლანტი. ერთ-ერთ ბურჯად შუმი ხალხური ხასიათი შეუყენა. და მართლაც, კარატაევის სულა მეტნაკლებად შეიძლება, ამოვიკითხოთ პიერ ბეზუხოვშიც, ანდრეი ბოლკოხსკში, ნატაშა როსტოვაშიც და თვით კლტუხოვშიაც კი.

პეტრეს სიბრძნე კი სულ სხვა შედგენილობისაა და სხვა ფესვებზეა ამოსული. სულიერი სიუხვე და გულკეთილობა მას ხელს არ უშლის იყოს ცოტათი იქვეუღლიცა და ცოტათი მემამბოხეც ამქვეყნიური უწესრიგობის წინააღმდეგ. იგი არ თვლის თავის ნებისყოფას გარდღეული. ფატალური ალკილებლობის იარაღად. არც ქვეყნიერებაა მისთვის განუყოფლად მთლიანი. თავის გულუბრყვილობაში იგი სავაოდ ანალიტიკური თვალისა და გრძნობის კაცია. თითქოს ამბობდეს, იმიტომ კი არ ვარ გაჩენილი ადამიანად, იმიტომ კი არა მაქვს მინიჭებული გონება და ნებისყოფა, რომ ყველაფერს შევეღრიგდე და ყველაფერი მივიღო ისე, როგორც არსებობს და მიედინებაო. არა, ადამიანი ბოროტებასაც უნდა ეურჩოს და სიკვდილსაც. მთავარი სიბრძნე კი, რასაც მისი მარტივი სული ასხივებს, ადამიანისა და ბოროტების გაყოფაშია. პეტრეს ღმერთი სწამს, მაგრამ სწამს, როგორც მის გარეშე არსებული.

პეტრემ გულთ მძინდო გაქორცვებაში ჩავარდნილი ორი ყმაწვილი, მიხედო და მთელი თავისი მოყვასობა, გულუხეობა და გულ-

კეთილობა უჩვენა მათ. ამ გულკეთილობამ, როგორც შემდეგ ირ-
ანევა, კინალამ ამოაგდო ბოროტების თესლი ადამიანის გულიდან.
მაგრამ ვამწვილებმა მძინარე პეტრე მაინც გაქურდეს. პეტრე შე-
ძრწუნდა, შეძრწუნდა არა იმიტომ, რომ სამმანეთ-ნახევარი დაენახა,
„აჰ, შვილო, სავალალო ეგ კი არ არი, მაგას ვინა ჩივის“. პეტრე
წუხს იმაზე, რომ სირცხვილი ქამა, რომ თავისი უფხიზლობით გზა
მისცა ბოროტებას — ქურდობას. „უსუსურმა ბავშვებმა გამქურ-
დეს. ვისაც ვეტყვი, დამცინებს, ჯალაბსაც კი სიცილად არ ვეყოფი,
მეზობლები ჭავრით გამხეთქენ“. ქურდობა ბოროტებაა, მან კი გზა
ვერ გადაუჭრა ამ ბოროტებას, — აი რა მიაჩნია სავალალოდ პეტ-
რეს. „აი ტაი, ტაი, ტაი! ღმერთმა იმათ კი შეარგოთ და მე კი ეს
სირცხვილადც მეყოფა და სიცილადც“.

რასაკვირველია, პეტრეს არა აქვს რაიმე ღრმა გონებრივი განს-
ჯის შედეგად მიღებული გამოკვეთილი აზრი იმის შესახებ, თუ რა
დამოკიდებულებაა ადამიანსა და ბოროტებას შორის. ვინ იცის, რომ
ეკითხათ, იქნებ კიდევაც ეთქვა, ადამიანი ის არის, როგორსაც ღმერ-
თი აჩენს, ან ბოროტი ან კეთილიო. მაგრამ გულითა და ალღოთი
იგი სხვა სიბრძნეს სწვდება: კაცი სხვაა, ბოროტება სხვაა. ბორო-
ტებას, კერძოდ ქურდობას, იგი რასაკვირველია, ჰგმობს, მაგრამ
ადამიანებს, თუნდაც იმ ადამიანებს, რომლებმაც ეს ბოროტება ჩა-
იღინეს. იცოდებს და იწყნარებს — „ღმერთმა იმათ კი შეარგოთ“.
მაშასადამე, პეტრე გრძნობს, რომ ბოროტება ადამიანში სადღაც
გარედან შედის, რომ იგი არ არის ადამიანის ბუნებრივი არსების
თვისება. პეტრეს ალალი და სუფთა გული თითქოს უსიტყვოდ ამ-
ბობს: უნდა დაისაჯოს ბოროტება და არა ადამიანიო. ამიტომაც არის
პეტრესათვის საოცრება ადამიანის დასჯა. არა და არა, ვერ იჯერებს
იგი, რომ მახათას მთაზე მართლაც ჩამოახრჩობენ კაცს! „კატა ხომ
არ არის, აიღო და ჩამოჰკიდო, რაც უნდა იყოს, ღვთის ჭული ადა-
მიანია“. ვერ იჯერებს. მაშინაც კი. როდესაც საკუთარი თვალით
დაინახა, როგორ გააყოფინა ჯალათმა კაცს თავი ყულფში, როგორ
გამოაცალა კიბე და როგორ დაიწყო უბედურმა ქანაობა და ფართხა-
ლი სახრჩობელაზე. ყოველივე ეს პეტრეს თვალთმაქცობა ჰგონია!..
ყველაფერი მოთავდა, ერთი წუთის წინ სულგანაბული ხალხი მხი-
არულად ყაყანებდა და ლაზღანდარობდა. „ყველამ თავის სახლისაკენ
გასწია სრულიად კმაყოფილმა, რომ ეს სამარცხვინო და გულის ამ-
აზრზენი თამაშა ნახა... საჩრობელაზედ დარჩა უძრავად დაკიდებუ-
ლი ის უბედურისშვილი“. და პეტრეს მაინც არა სჯერა კაცის ჩამო-
ხრჩობა. „ეს რომ მართლა დარჩობა ყოფილიყო, — ფიქრობს იგი.—
ქვები ხომ არ არიან, ოჯახდაქცეულები, ერთ ცვარ ცრემლს მაინც

ჩამოაგდებდნენ. რაც უნდა იყოს ღვთის-კერძო ადამიანია, კატა ხომ არ არი“.

რა იჭვიანი, რა დაუჭერებელი ვინმეა ეს პეტრე! გულუბრყვილოც არის, საოცრად გულუბრყვილო! მაგრამ რა ანჯარაა, რა ცვა-რივით წმინდა ადამიანურია ეს გულუბრყვილო დაუჭერებლობა. სხვა რამ, არა უშუალო ადამიანური, რაც შემდეგ და შემდეგ ერევა და ელექება ადამიანის ბუნებას, ერთი ბეწოც არ არის შიგ. ეს არი“ პირველქმნილი სიბრძნე ადამიანის არსებობისა! როგორ, ადამიანს ახრჩობენ და ქვეყნიერება არ ძრწის, არ შფოთავს? ადამიანის ჩამოხრჩობა, ადამიანის მოკვლა ეს ხომ ბუნების ყველა წესსა და კანონს ეწინააღმდეგება, ეს ხომ არსებითია და ყველა ამქვეყნიური კავშირის მოშლაა! ადამიანი მეორედ ხომ არ მოვა ამ ქვეყნად! ხომ არ განმეორდება ეს ერთი განუმეორებელი სიცოცხლე. სიკეთე განმეორდება, ბოროტებაც განმეორდება, მაგრამ ადამიანი არ განმეორდება. ადამიანი ერთხელ არის და მერე აღარასდროს აღარ იქნება. თქვენ გინდათ ბოროტება მოსპოთ და ბოროტებას ადამიანიც გადააყოლოთ? მაშინ თქვენ უფრო დიდ ბოროტებას სჩადიხართ! ბოროტება ჩამოახრჩეთ, ადამიანს კი ნუ ჩამოახრჩობთ!

ყოველივე ეს პეტრეს გულუბრყვილო იჭვიულობაში იღანდება, ყოველივე ეს მის გულშია, მისი გულისხმაა, მისი გულის სიბრძნეა. რომ ჰკითხოთ, ვერაფერს ამგვარს ვერ გეტყვი. მან არც იცის, რომ მის გულში ასეთი რამ იმალება. მას უბრალოდ გული აქვს. წმინდა ადამიანური გული და არა სჯერა, რომ ადამიანს ასე თვალის სასეიროდ ჩამოახრჩობენ.

პეტრეს გულის სიბრძნე თვალუხელო სიბრძნეა. ანტონიაც წააშველა ნას მწერალმა ჩამოხრჩობილის ძმა. ეს ნაბღიანი ვაჟკაცი თითქოს ქვეყნის დიდი ცოდვის შესაიდუმლედ გამოჩნდება მოთხრობაში. იგი ამ ცოდვის მსხვერპლიც არის და მხილებელიც. მისი წერილი პეტრესადმი არა მარტო მწარე აღსარებაა იმისა, თუ როგორ დათესა ბოროტება უსამართლო ქვეყანამ მისსა და მისი ძმის გულში, არამედ უმკაცრესი ბრალდებაც არის ამ ქვეყნის წინართ. ცუდკაცობა არც მას, არც მის ძმას თავიდან არ დაჰყოლია. უსამართლო ქვეყანამ აუშლვრია მათ გული და სამუდამოდ გადაიმტერა. არა, მარტო მამინაცვალი ვერ დაჩაგრაჲდა მათ, რომ ცუდად მოწყობილ ქვეყანას არ მიეცა მისთვის ამის საშუალება. თვით მამინაცვლის ბოროტებაც — მისი გულქვაობაცა და მტაცებლობაც სამართალგამრუდებული ქვეყნის დანაშაულია.

მხოლოდ და მხოლოდ ქვეყანასა და მის აგებულებას აკისრია მთელი პასუხისმგებლობა ყოველი ადამიანის ბედისათვის, ყოველი

კეთილისა და ბოროტისათვის. ასეთია დასკვნა, რაც მთელი უღმობელოებით. გამომდინარეობს წერილიდან, რომელმაც ასე შეაშფოთა და შეაშინა პეტრე.

კითხულობ ამ წერილს და შენც, მკითხველო, არ შეიძლება არ გაიფიქრო. რომ ბოროტება არ არის სავალდებულო თვისება ადამიანისა. რომ იგი მხოლოდ ავადმყოფობაა, სნეულებაა. და ცუდია ის მკურნალი. ვინც ავადმყოფობის მკურნალობას გადააყოლებს თვითონ ავადმყოფს.

ქვეყანავ ნუ იქნები ბოროტი, ადამიანის მიმართ, და ადამიანი არაადროს არ იქნება ბოროტი და უკეთური!

ეს ხომ არსებითად პეტრეს — ამ ქართველი უბირი გლეხის გულისთქმის გაგრძელებაა! მაგრამ არა! როგორც ვთქვით, პეტრეს სიბრძნე თვალაუხელებელი სიბრძნეა. ეს კი დიდი ილიას თვალასეული სიბრძნეა.

იმდენი მიწა საღ არის...

(ფიქრები ვაჟაზე)

ამბობენ. ვაჟა მთის მგოსანიყო. მხოლოდ მცირეოდენი სიმარ-
ილეთა ამაში.

ვაჟა მართლაც საქართველოს ქედების ძღუენაწოვებია. საქარ-
თველოს მთებს ღვიძლი შვილია. მაგრამ მთის ყოფით, მთის საკი-
სხეებით არ აღდროს არ შემოზღუდულა მისი მოქალაქეობრივი და
პოეტური თვალსაწიერი.

რასაკვირველია, როგორც ყოველ შემოქმედებას. ვაჟას შემო-
ქმედებებზე აქვს თავისი გარკვეული ისტორიულ-ყოფითი და ბიო-
გრაფიული სათავე. მაგრამ როგორც დიდი, წყალუხვი მდინარე არ
არის თავისი სათავეს უცვლელი გაგრძელება თუ განმეორება. ვა-
ჟას შემოქმედებაც ასევე თუ ათასჯერ აკარბებს თავის სათავეებს.

ვფიქრობ. ვაჟას გენიის სიღიაღე კარგად და ლამაზად არის ნა-
ვრძნობი მისი ვაჟის — ვახტანგის ნათქვამში. — იმდენი მიწა საღ
არის, რომ შენი გული დაფაროსო.

მით უკეთესი, რომ ეს ჰიპერბოლა ისევე ვაჟადან მოდის, რომ
იგი ვაჟას გულისთქმის მონაშუქია. გაიხსენეთ, პოეტის ერთ-ერთი
ადრინდელი ლექსი. „მწყემსი ქალი“. რომელშიაც მკაფიოდ და
შთამბეჭდავად არის გამოძიწილი სახიერება მკლავზე თავდადე-
ბული. უღრტუნველად მბინარე. ლამაზ. ხტუტუტომიან ქალისა, ვი-
საც ფეხთ ქალამანი და ტანთ გაცვეთილი კაბა აცვია. ზურგზე გულა
ჰკიდია, თავთან კომბალი უძევს. პოეტი მზურვალედ ევედრება ზე-
ცას. რომ მან კალთა აფაროს ამ „ტყის ანგელოზს“. ლექსის გარე-
გნულ უბრალოებაში იმალება მშვენიერი შინაგანი ფორმა, სადაც
ყოველი ნაკვთი. ყოველი კავშირი აცოცხლებს ერთ მთლიან სუ-
რათს. რასაც ამთავრებს მშვენიერი ლირიკული აღსარება და ვედ-
რება:

თუ მის თვალეში გაჰქრება
და სხივს არ მომავრიანო,
გულის წულულს არ მომირჩენენ,
ნისლებს არ გადმიყრიანო,
რაც ქვეყანაზე მიწაა
სულამც მე მომავრიანო.
თქვენც გეხვეწებით, ხეებო,
და შენც, მდინარეუ ხმინო,
ე გოგო — ჩემი სიცოცხლე —
არაფრით დამიზიანო!

ამ აღსარება-ვედრებას რალაც დიდ ადამიანურ განზომილებაში შევყავართ. იმდენად დიდია გრძნობა გულშემატკივრობისა და სიყვარულისა ამ მძინარე გოგონას მიმართ (მაშასადამე, ყოველი ასეთი უმწიკვლო არსების მიმართ) და იმდენად დიდი იქნება მისი დალუპებით გამოწვეული მწუხარება, რომ ამ გრძნობებს ჩვეულებრივი სამარე როდი შეეზომება, — მთელი დედამიწა უნდა მესამაროსო („რაც ქვეყანაზე მიწაა, სულამც მე მომავრიანო“). თავის მხრივ ამ თქმას ალბათ კავშირი აქვს ხალხურ ფრაზებთან („დედა-მიწამ პირი უყოს...“; „მიწავ, გაულე კარია“ და სხვ.), მაგრამ ვაჟას, როგორც ვხედავთ, პირველადი მასალა გარდაქმნილი აქვს პოეტური სურათის მშვენიერ ლირიკულ ნაკეთად, გრძნობათა დრამატულ ტოლფარდობად, რაშიაც გულშემატკივრობისა და სიყვარულის ღრმა კაცობრიული აზრი იმალება.

თავიდან ამ ლექსს მხოლოდ ერთი მაგალითისათვის მივმართე. მაგრამ, როგორც ვხედავთ, ლექსმა სხვა მხრივაც შემოიყვლია, შემოიყვლია, რადგან აქ უკვე იგრძნობა პირველი თესლი ვაჟას დიდი ჰუმანიზმისა, რის ქვაკუთხედსაც წარმოადგენს სწორედ უშუალო. შეურყვენელი და პირველქმნილი ადამიანური საწყისის უღრმესი სიყვარული და ასევე ღრმა გულშემატკივრობა ყოველივე ცოცხალი არსებისადმი, რასაც კი ძალუქს იტანჯოს. კითხვას — „ვინ არის ნიკიერი მწერალი?“ — ვაჟამ შემთხვევით როდი უპასუხა: ის, „ვისაც დიდად უყვარს, ადამიანი, დიდად მოწადინებულია გააბედნიეროს იგი, ვისაც დიდად უყვარს ცხოვრება და ენიაზება მისი გაუქვთესება. ამისთვის საკიროა დიდი გრძნობა, დიდი ცოდნა ადამიანის სულისა და მისი ცხოვრებისა“.

ვაჟამ, როგორც შემოქმედმა, როგორც მხატვარმა, თავის დროში წამოიწყო ჰუმანიზმის თავისებური ახალი თავი. ასე რომ არ ყოფილიყო. ვაჟა ვერც ჩადგებოდა დიდ და პირველხარისხოვან შემოქმედთა მწყობრში. ისე, როგორც ნამდვილი დიდი მეცნიერი არ შეიძლება ეწოდოს იმას, ვისაც თავისი დარგის არცერთი მოვლე-

ნის, არცერთი საგნის რაიმე ახალი კანონი, თუ სულ მცირეოდენი საიდუმლოებაც კი არ ამოუხსნია, დიდი პოეტი, დიდი შემოქმედი არ შეიძლება ეწოდოს იმას, ვისაც ადამიანის სულიერი ცხოვრების უსასრულოდ მრავალ კუთხეთაგან არცერთი კუთხე არ გაუნათებია ახალი შუქით.

ვაჟას პუბლიცისტიკა ყოველგვარ ექვს გარეშე გვიჩვენებს, რომ თავისი სოციალ-პოლიტიკური შეხედულებებით ვაჟა რევოლუციურ-დემოკრატიკა პოზიციასზე იდგა. მაგრამ ამ მხრივ იგი არაფრით იყო ორიგინალური და განსხვავებული. საკუთრივ ვაჟა-ფშაველა იწყება და უმაღლეს მწვერვალს აღწევს სწორედ თავის მხატვრულ შემოქმედებაში.

დროთა ვითარებაში ვაჟას მთელი პოეტური სამყარო სულ უფრო და უფრო გამობრწყინდება და საცნაური გახდება, ოღონდ იხაროს და იხარდოს ფესვებმა მისი სიტყვისა.

ვფიქრობ, ქართული ლიტერატურულ-კრიტიკული აზროვნება დღემდე დიდ ვალშია ამ ბუმბერაზი ქართველი შემოქმედის წინაშე. ვაჟა ჯერ კიდევ მოელის თავის ღრმა მკვლევარს. ეს, რასაკვირველია, ოდნავადაც არ ამცირებს იმ ლიტერატორთა დიდ ღვაწლს, ვაჟას სიდიადეს რომ ჩაწვდნენ და ჩვენც გვაგრძნობინეს იგი. საგულისხმოა, რომ ამ მხრივ პირველი ზარის ჩამორეკვა დიდ ილიას მიეწერება.

მართალია, დღეს ჩვენში არაეინ ხდის საეპეოდ ვაჟას გენიოსობასა და მისი შემოქმედების განუმეორებელ მომხიბვლელობას. მაგრამ ზოგიერთი ნარკვევისა თუ მოგონების წყალობით მისი სახელის ირგვლივ მაინც გროვდება ერთგვარი ჯანლი და ნისლი. მათ შორის, ჩემი აზრით, ფრიალ ცუდია, როდესაც იმის ცდაში, რომ როგორმე ნათელპყონ ვაჟას შემოქმედების ხალხურობა და გვიჩვენონ მისი ხალხური სათავეები, ნებით და უნებლიეთ გვერდს უვლიან. ან ჩრდილში ტოვებენ საკუთრივ ვაჟას დიდ პოეტურ ხელოვნებას. ამით კი არსებითად ხალხური პოეზიის დონემდე დაპყავთ მისი შემოქმედება. ზოგჯერ თვით პოეტის პიროვნებასაც მეტისმეტად აეგზოტიურებენ და „ამიწიერებენ“, მას რალაციანი რდეკაცად სახავენ, ვინაც ხან კარგ მოკრივესავით ამქმედებს მუშტებს, ხან ხატობებში ღრეობს, ხმალ-ხანჯალსაც ატრიალებს, დროდადრო კი მხარზე ხურჩინგადაკიდებული მოაბოტებს თბილისისაკენ... ზოგიერთი ასეთი ფაქტი ემპირიულად, შესაძლოა, მართალიც არის; მაგრამ პოეტის ცხოვრების მთლიან სურათში მაინც არის შეპარტილი ლეგენდა. ლეგენდა. რაც ასე თუ ისე ყოველთვის აედევნება ხოლმე დიდი პიროვნების სახელს, მით უმეტეს, თუ ამას ხელს უწყობს ამ პიროვნების განსხვავებული ბიოგრაფია.

მართლაც, ვაჟას ყოფითმა ბიოგრაფიამ, კერძოდ იმან, რომ იგი მეტწილად მთის სოფელ ჩარგალში ცხოვრობდა, მწყემსობდა, გუთნისდებობდა. ნადირობდა და თანაც მთის ხალხური პოეზიის ანკარა წყაროს ეწაფებოდა. — ზოგიერთი შესანიშნავი მოაზროვნეც კი დააყენა ერთგვარი ბიოგრაფიზმის გზაზე პოეტის შემოქმედების შეფასებაში. ვაჟა ჩამორჩენილი და პრიმიტიულად, მოაზროვნე პოეტი არისო. სხვათაშორის, ეს ჩვენებური ბიოგრაფიზმი არ იყო მოკლებული კრიტიკის ფრანგული სკოლის, კერძოდ სენტ-ბევის ერთგვარ გავლენას. ერთ დროს ზოგიერთმა ლიტერატორმა ვაჟა თემურ-პატრიარქალური წყობილების იდეოლოგადაც კი დასახა, თემური წყობილებისა. რის გადმონაშთებიც მართლაც დიდხანს იყო შემორჩენილი საქართველოს მთიანეთში. ეკვი არ არის. რომ პოეტის ბიოგრაფიისა და მისი შემოქმედების სხვადასხვა ფაქტების აღრევამ წარმოშვა ზოგიერთი მცდარი წარმოდგენა. ვაჟას დიდი მხატვრული მემკვიდრეობის — ამ დიდი ეროვნული საუნჯის გაგება. სამწუხაროდ. დღესაც არ არის მთლად თავისუფალი ბიოგრაფიზმის ზოგიერთი დანალექისაგან. ზოგჯერ დღესაც ჰგონიათ, რომ ვაჟა მხოლოდ მთის მკოსანია ანდა დიდად ნიჭიერი ხალხური პოეტია, რომელმაც მხოლოდ მთის ხალხური პოეზიის მარგალიტები შეკრიბა და მძივებად აასხა. მაგრამ გარეგნულად რა ეფექტურიც შეიძლება იყოს ასეთი წარმოდგენა, არსებითად იგი მცდარი წარმოდგენაა. ეს იმასა ჰგავს, რაც სხვადასხვა ფორმით კიდევაც თქმულა ხოლმე, — რომ თქვან. რაკი გოეთეს „ფაუსტს“ მრავალი ფოლკლორული წყარო გააჩნია, გოეთე დიდი ხალხური პოეტია, რომელმაც მხოლოდ ხალხური პოეზია აასხა მძივებადო.

უმართებულო იქნებოდა მეორე უკიდურესობაც. შევცდებოდით, თუ ვიფიქრებდით, თითქოს პოეტის ბიოგრაფიას არ ჰქონდეს უდიდესი მნიშვნელობა მისი მსოფლმხედველობის ჩამოყალიბებაში. ასევე დაგვაშორებდა სიმართლესა და სინამდვილეს პოეტის შემოქმედების ხალხური წყაროების უგულვებელყოფა.

არსებითად საკითხი ეხება იმას, თუ საიდან დავიწყოთ შემოქმედის ახსნა, შემოქმედის გაგება; რა რით გავანათოთ, ანუ უფრო მართებულად, რა რას ანათებს თავისთავად: ყოფითი ბიოგრაფია შემოქმედებას, თუ შემოქმედება ბიოგრაფიას? კაცმა რომ თქვას, განა თვით შემოქმედება არ არის ყველაზე დიდი და ყველაზე მართალი ბიოგრაფია შემოქმედისა? და ისე, როგორც ყოველი ადამიანი ყველაზე ნათლად და ყველაზე მკაფიოდ თავის საქმეებში მოჩანს, განა პოეტიც ყველაზე მეტად თავის ქმნილებებში არ მყდვენდება?

ბიოგრაფიზმის ცალმხრივობამ თავი იჩინა არა მარტო ვაჟას 'შემოქმედების, არამედ მისი პიროვნების მიმართაც. მაგალითად. ისიც ხომ ითქვა, რომ თითქოს ვაჟა მოკლებული იყო თავისი დროის ევროპული ფილოსოფიური აზრისა და მხატვრული კულტურის ცოდნას. ეს ლეგენდა დღეს სრულიად გაფანტულია. ვაჟას მთელი ლიტერატურული მემკვიდრეობა თვალნათლივ მოწმობს, რომ ვაჟა არათუ იცნობდა მსოფლიო ფილოსოფიური და მხატვრული ლიტერატურის ბევრ ნაწარმოებს. არამედ კიდევაც ეკამათებოდა ზოგიერთი მათგანის ამა თუ იმ დებულებას...

ზოგი იმასაც ფიქრობდა, რომ ვაჟა გულგრილად ეკიდებოდა თავისი დროის მწვავე საკითხებს, რომ იგი გვერდს უვლიდა ეპოქის სოციალურ წინააღმდეგობებს და სრულიად განშარტოებულად იდგა მთელ ქართულ ლიტერატურაში. ეს მოსაზრებაც ერთგვარი ლეგენდა იყო.

ერთი შეხედვით ვაჟას ნაწარმოებებს მართლაც არ ახასიათებთ ეპოქის გარეგნული ნიშნები. მისი გმირებიც არ არიან მკაფიოდ გარკვეული სოციალური წრის თვისებათა მატარებელი; ისინი უბრალოდ თემის წევრები არიან და თითქოს მათ ფსიქოლოგიაშიც არ მოჩანს ეპოქის სტლიური გამოკედილება. მაგრამ ვაჟა წმინდა მხატვრის თვალით ხედავს არაებული სოციალური წყობილების მთელ უკულმართობას. იგი ძლიერ თავისებურად გამოხატავს თავისი დროის მშრომელი ადამიანის სოციალურ პროტესტსაც და მის მუამბოხე განწყობილებასაც. ბებური ბერკაული დიდი ხნის უხმარ და ჟანგით შექმულ ხმალს ლეგავს. ახალგაზრდები ეუბნებოან მას, ხმალს რად ლესავ, შენ ცულს ან ცულს უნდა ლესავდეო. ბერკაული კი მას ასეთ პასუხს აძლევს:

კარგახანს ვლესე ოინი,
ვიქნიე ცული. ცელია.
დავღვარე ოფლი მრავალი.
მით მოერწყე ტყე და ველია:
მათ სამსახურში დავლიე
წუთისოფელი მთელია.
მაინც ვერ აპოვიყვანე
უბეს ნაქდომი გველია.
ქერის პურს დანატრებულსა,
ვინ მომცა ლუკმა სველია?
საკმაო ხანი ვითმინე,
მოთმენა გამომელია.
ახლა ხმალს ვლესავ გორდასა,
გალესვა იმის ჭერია;
იქნება იმან მიშველოს
და მომპოროს მტერია.

აქ პირდაპირ ნახსენები არ არის სოციალურად დაპირისპირებული ძალები, მაგრამ ჩაგრული მშრომელის მებრძოლი სულისკვეთება მკაფიოდ არის გამოთქმული. რა მძაფრ დრამატულ ენერგიას ანიჭებს ლექსს მითური სახე — „მინც ვერ ამოვიყვანე უბეს ნაჭდომი გველია“, თითქოს უღრმესი სოციალური პროტესტის უმძაფრესი პოეტური ელერადობაა მიგნებული. საგულისხმოა, რომ ლექსი „ბერიკაული“ დაწერილია ბობოქარ 1905 წელს.

სოციალურ და ეროვნულ უკუღმართობათა წინააღმდეგ მებრძოლი სულისკვეთების გამოხატვის თვალსაზრისით კიდევ უფრო საგულისხმოა პოეტის ერთ-ერთი შედეგრი — „კაი ყმა“, დაწერილი 1909 წელს, ლექსის ფაქტურაში აქაც არ ჩანს ეპოქის რაიმე გარეგნული ნიშანი. არც სოციალური და არც ეროვნული ძალების დაპირისპირება. აქ არის მხოლოდ ხალხი — თემ-სოფელი და მისი მტერი, არის დიდებული სურათი ბრძოლისა, რომელშიაც უნდა გამოიცადოს კაი ყმა.

მიდით, იქ მიდით, სადაცა
ხალხი ხალხზედა პლეაედეს;
მტერი ჩვენ გვემდეს, ჩვენ — მტერსა,
ხმლები, ხანჯრები ელაედეს.
სისხლის ტბა მუხლებს სწვდებოდეს,
ცოცხლები მკვდრებსა სთვლაედეს,
ფარების დადგეს ჯღრდეები.
თვლები თვლებს სწველაედეს,
მოციქულობდნენ ტყვიანი,
შუბები შუბებს სწვერაედეს;
კიაფრად მუზარადებსა
სისხლის წვიმაი ჰფერაედეს;
დაგელობდეს სიკვილი,
სულარაებსა ჰკერაედეს.

ეს არის დიდი სახალხო ბრძოლის სურათი, გადაყვანილი ისეთ პოეტურ ყოვლადობაში, რაც მას ანიჭებს დიდ განფენილობას დროსა და სივრცეში.

ასეთ ბრძოლაში კაი ყმა რისხვით უნდა ხედებოდეს მტერს. „ტივილს არ გამოიტყოდეს, თავზარსა სცემდეს სიკვილისა, ზედ ქორებულად ფრინავდეს“, ბრძოლაში პირველი შედიოდეს და ყველაზე ბოლოს გამოდიოდეს:

დარაჟად ედგეს ლაშქარსა,
როს ის ღრმა ძილით ხვრინავდეს.
სწორ ფიქრს აძლედეს თემ-სოფელს,
ცდუნება არა სძირავდეს.

იქ იდგეს ხმალამოწედილი.
საც ძალა აღმართს ჰკვალადეწ,
გაბეჩავებულს სიშართლეს,
უსამართლობა სძალადეს.
სხვისა იუბნოს სახელი.
თავის გარჯასა ჰძალადეს.

აწრიგად. პოეტის იდეალია ყოველგვარი სოციალური და ეროვნული ჩაგვრის წინააღმდეგ მებრძოლი გმირი. ასეთი გმირი. ვაჟას აზრით, მუდამ ღრმად ნიადაგობრივი და მთელი ერის უყეთესი ზნეობრივი თვისებების გამომხატველია.

ვაჟამ განოხატა თავის ეპოქის სული და ამიტომაც შესძლო ერთგვარად კიდევაც გაესწრო თავისი ეპოქისათვის.

მართლაც, შეიძლება ითქვას, რომ თავისი მხატვრული შემოქმედებით ვაჟამ შორს გაუსწრო თავის საუკუნეს და გარკვეული მნიშვნელობით თავისთავსაც გადააჭარბა, თავისთავზე მალაც დადგა. ბევრა რამეთი ეხმაურება და ეთანაზიარება იგი ჩვენი ეპოქის მოწინავე აზრის მოძრაობას, განსაკუთრებით თავის ჰუმანიტურ, ზნეობრივ და პატრიოტულ იდეალებში. მართო ის რად ღირს, რომ ვაჟამ ჰირდაპირ გენიალური მხატვრული ინტუიციით იწინასწარმეტყველა, რომ აღამიანთა მოდგმას კარგს არაფერს უქადის ბუნებისადმი შეუბრალებელი, უღნობელი. განუზრგველ-მტაცებლური დამოკიდებულება. დღეს იმ შესაძლებელ საშინელ კატასტროფაზე, რაც შეიძლება მოჰყვეს ასეთ დამოკიდებულებას ბუნებისადმი, მენიჭება ხომ დაუფარავად სტეხს განგამს...

განჭვრეტის დიდი ძალით იყო დამუხტული ვაჟას პოეტური სული.

მაგრამ ვაჟას ხმა დიდ ხანს იყო ჩამწყვედეული ჩვენი მთის ვიწროვებში, დიდ ხანს არ გასცილებია იგი საქართველოს საზღვრებს. ნამდვილად მხოლოდ ჩვენს დღეებში დაიწყო ვაჟა-ფშაველას გასვლა დიდ სამყაროში. მას, როგორც ჩაგრული ხალხის შვილს, ისე როგორც მთელ ქართულ ლიტერატურას, დიდ ხანს ჰქონდა გადაჭრილი მსოფლიო არენაზე გასასვლელი გზები. დამოუკიდებელი ქვეყნის შვილი რომ ყოფილიყო, განა ასე დიდ ხანს დარჩებოდა პოეზიის ეს გოლიათი ასე უცნობი მსოფლიოსათვის?

მაგრამ ზოგი ჭირი მარგებელიაო, უთქვამს ჩვენს ხალხს.

ვაჟა შობილია სწორედ იმ ხალხის მიერ. ვისაც სწყუროდა დამოუკიდებლობა და თავისუფლება, ოცნებობდა თავისუფლებაზე და

დღენიდავ იღწოდა მისთვის. როგორც ჩანს, საქირო იყო თავისი მგზნებარე გულის მთელი ძალით განეცადა სიმწარე თავისი ქვეყნის. თავისი ხალხის ეროვნული და სოციალური ჩაგვრისა, სიმწარე დაპირილი არწივის ტრაგიკული ბედისა, საქირო იყო თავის სამშობლომანა ერთად. მსგავსად თავისსავე მინდიასი, ტყვედ ჰყოლოდათ ქაჩებს. რომ სემინარიული ფშაველი — ლუკა რაზიკაშვილი პოეტ ვაჟა-ფშაველად ქცეულიყო.

შობილა კი ოდესმე დიად კაცობრიული რამ ფუფუნებისა და უღრტვინველობის წიაღში? შესაძლოა, ჩვენ — ადამიანები იმიტომაც ვიწოდებით წამებულებად, რომ ცხოვრებაში ყოველივე დიდასა და მშვენიერს უტკივილოდ და უტანჯველად დაბადება არ უწერია. თავად ვაჟამ ეს იცოდა ბრწყინვალედ, შეიძლება ითქვას, თუ ფილოსოფიურმა აზრმა სამყაროსა და სიცოცხლის უსასრულო მობრახობასა და განვითარებაში ნივთიერების მუდმივი შემოქმედებითი ტანჯვა მიაკვლია, ვაჟას პოეტურმა გენიამ ეს შემოქმედებითი ტანჯვა უმშვენიერეს თვალდანახულ სურათებად გადაშალა.

ქართულ ლიტერატურათმცოდნეობაში უკვე ითქვა, რომ ვაჟამ თავისი დიდი ჰუმანიზმის დროშა აღმართა სწორედ იმ დროს, როდესაც მსოფლიოს მრავალი ქვეყნის ლიტერატურაში ფეხს იკიდებდა საწინააღმდეგო ტენდენცია.

რასაკვირველია, ვაჟას ღრმა ჰუმანიზმი არც ციდან ჩამოვარდნილა მეტეორივით და არც მის გენიას მოჰყოლია, როგორც რაღაც თანდაყოლილი თვისება, ეს ჰუმანიზმი ქართველი ხალხის, კერძოდ კი მისი მშრომელი ქვედაფენების ისტორიულად გამომუშავებული სულისკვეთების აკუმულირებაა დიდ პოეტურ გენიამი.

ვინ იცის, იქნებ ღრმად კაცთმოყვარული იდეების წარმოშობისა და განვითარების ყველაზე ხელსაყრელ ნიადაგსაც სწორედ იმ ხალხთა ისტორიულ-სოციალური გამოცდილება წარმოადგენდეს, რომელთაც არაერთხელ უტარებიათ ეროვნული და სოციალური ჩაგვრის მძიმე უღელი, დამპყრობთა ბევრი შემოსევა განუტედათ. თავდასაცავად უბრძოლიათ და ამ ბრძოლაში შეუნარჩუნებიათ სტლის სიმხნევე, შეუქმნიათ თავისი თვითმყოფადი კულტურა.

ძნელია იმის გარკვევა. როგორი ნიადაგი ჰქონდა და რა პირობებში დაიბადა, ვთქვათ, ისეთი გენიალური კაცთმოყვარული მითი, როგორიცაა მითი მიჯაჭვულ ამირანზე. მაგრამ ერთი რამ მაინც საგულისხმოა. ამ მითს ძლიერ ღრმად აქვს გადგმული ფესვები. კავკასიონისა და მისი შემოგარენის ტომთა შორის, იგი ჩართულია ამ ტომების მსოფლშეგრძნების პირველ სათავეებში. უნდა ვიფიქროთ, იმ ორ ნაქადთაგან, რაც ყოველი ხალხის კულტურაშია, ეს მი-

თი, ალბათ, პროგრესულ ნაკადს ერთვოდა. ბევრი საგულისხმო რამ გაირკვეოდა, თუ ამ კუთხით თვალს გავაღვენებდით ქართული ხალხური შემოქმედების ისტორიას.



ვთქვა ქართული მითითებით მოდის ქართველი მშრომელი ხალხის ცხოვრების სიღრმეებიდან. მისი ნიჭიერება, მისი აზროვნების წყობა და ხასიათი უალრესად ხალხურია. ხალხური უშუალობისა და ბუნებრიობის ბეჭედი აზის მის სიტყვას, აზრსა და გრძნობას. ვთქვა არ არის სუბიექტივისტურ-ინდივიდუალისტური ტიპის შემოქმედი. მისთვის უცხოა სხვათათვის გაუგებარი და მიუწვდომელი თავნება ხილვა თუ წარმოსახვა, კარდახშული პიროვნული რეფლექსების ნაკადი, ხალხურად მოქნეული და ბუნებრივია მისი პოეტური სიტყვის აღნაგობაც და მიმოხვრაც. გავიხსენოთ შესანიშნავი ლექსი, ვაქაცურ სიმღერად გადაქცეული:

დამისხი, დამალეინე
ე ღვინო ოხერ-ტიალი,
ეგება წალმა ვიფიქრო
სოფლის უკულმა ტრიალი:
ეგება გულის ვარამი
ჩაკლა მა ჩიხვის რქაშია,
თვალწინ დამიდგეს ლაპაზი,
ერეოლა მამკიდოს ტანშია,
ჯეზი ვერა ჩემსა ღერჯასა.
გადავირო ზღვაშია.
თქვენთან ააღღერად სიკოცხვის
სიკვდილი მიჯობს ცდაშია:
ვერ მააწონებთ კარგ ყმასა.
რაც არ უჯდება ქვეაშია.

ყოველი ფრაზა აქ ისეა ნათქვამი, როგორც ხალხი იტყვოდა ხოლმე მთაში. მაგრამ მთლიანად ლექსი აწეულია დიდ პოეტურ სიმადლებზე, მოფიქრებული და განცდილია ბრძნულად. ჩამოსხმულია მთლიან შინაგან ფორმაში. პოეტის ნიჭიერების ძალაც ამ მთლიანობის შექმნაშია. რა მკვეთრად, რა სხარტად არის ნათქვამი გმობა არსებული სინამდვილისა, — ეგება წალმა ვიფიქრო სოფლის უკულმა ტრიალიო. ნაგულისხმევში შერწყმულია დრამატიზმი და მწარე ირონია: მხოლოდ მთვრალს შეიძლება მომეჩვენოს წალმართად ეს უკულმართი ქვეყანაო. ასევე მკვეთრად არის გამოხატული სულისკვეთება მუამბოხისა უკულმართი სოფლის მესვეურთა წი-

ნაღმდევ. — თქვენთან ძალღუგად სიცოცხლეს ბრძოლაში, ცდაში სიკვდილი მიჯობსო. უკომპრომისოა პოეტი უსამართლობისა და ბოროტების მიმართ, — ვერ მანათნებთ კარგ ყმასა, რაც არ უჯდება კეკაშიო. ვაჟა, რასაკვირველია ცარიზმის შავბნელ სინამდვილეს უმიზნებდა. მაგრამ მისი პოეტური სიტყვა შორს იტყორცნებოდა და ყოველგვარი სოციალური და ეროვნული ჩაგვრის წინააღმდეგ მიმართულ პროტესტად და უქცნობ ვსთეტიკურ ფაქტადაც რჩებოდა.

ვაჟა უღრმესი რეალისტია, მაგრამ განსხვავებული და თავისებური; მისი რეალიზმი ენათესავება ხალხურ რეალიზმს.

ხალხური რეალიზმი! — არის კი ეს ცნება მართებული? შეესაბამება მას გარკვეული სოციალურ-ისტორიული შინაარსი? ჩემი აზრით, უეჭველად შეესაბამება.

ხალხი ასე თუ ისე ყოველთვის რეალისტია თავის დამოკიდებულებაში გარემყარისადმი. იგი სინამდვილეს არ ღალატობს მაშინაც კი, როცა მას ზღაპრულ და მითიურ სამოსელში ხვევს. ხალხის აზრი და გრძნობა, უწინარეს ყოვლისა, მუდამ შეწყვილებული და შეუღლებულია შრომასთან — მის ამ მუდმივ, აუცილებელ წილხედთან. შრომა კი, როგორც მიზანშეწონილი ურთიერთობა ბუნებასთან, თავისთავად უკვე რეალისტური დამოკიდებულება ქვეყნიერებისადმი. შრომა ცხადყოფს და ამკვიდრებს ცხოვრებას, ბუნებას სწორედ მით, რომ იმორჩილებს და ითვისებს მის ნივთს, მის საგანს. ხალხის, როგორც მშრომელის მსოფლშეგრძნების პირველ წყაროს წარმოადგენს პრაქტიკული ალღო იმისა, რომ თავისი სასიცოცხლო მოთხოვნებისათვის დაიმორჩილოს ბუნება და მიითვისოს მისი ნივთი. სულიერ ცხოვრებაშიაც ხალხი არსებითად აგრძელებს თავის შრომას, უკეთ ვთქვათ, სულიერ შემოქმედებაშიაც ხალხი უფრო თავის შრომას ბაძავს, ვიდრე ბუნებას. აქაც იგი ამკვიდრებს ცხოვრებასა და ბუნებას სწორედ მით, რომ ცდილობს სახე უცვალოს მათ თავისი მისწრაფებებისა და ინტერესების მიხედვით.

უნდა ვიფიქროთ, რომ ცხოვრებისა და ბუნების ძალთა პირველი სახეცვლა ხალხის სულიერ შემოქმედებაში არის მითი. შეიძლება ითქვას, რომ ხალხი სწორედ მითით იწყებს სამყაროს მხატვრულ ათვისებას. მითი სამყაროს პირველქმნილი მხატვრული სურათია. იგი ასახიერებს ხალხის დამოკიდებულებას ცხოვრებისა და ბუნების პროცესებისადმი, გამოხატავს ხალხის რწმენასა და სულისკეთებას, ნატურასა და ოცნებას, სიხარულსა და მწუხარებას.

თავის პირველ სათავეებშიც ხალხური რეალიზმი არსებითად

მითოლოგიური რეალიზმია. თავის შეუწელებელ სწრაფვაში — ში-
ცნოს ბუნების ჭერ კიდევ შეუცნობელი საიდუმლოებანი — ხალ-
ხი ყოველთვის იშველიებს თავის მძლავრ ფანტაზიას. ფანტაზიით
„სწვდება“ და „იმორჩილებს“ იგი იმას, რასაც ჭერ კიდევ ვერ მი-
სწვდენია საქმით. პრაქტიკულად; ფანტაზიით ქმნის იგი ცხოვრების
გაუცხოებულ სურათებს, ბუნების იდუმალი ძალების ფანტასტიკურ
სახეებსა და სიმბოლოებს. სულს უდგამს უსულო საგნებს. ამეტ-
ყველებს უმეტყველო არსებებს, აცოცხლებს მთელ ბუნებას. იქნებ
სულიერი „შემოქმედების უნარიც შეუცნობელის შეცნობის დაუცხ-
რომელმა წყურვილმა გააღვიძა პირველად ადამიანში.

ვაჟა თავის შემოქმედებაში ხალხის პირველ გზაკვალს ადგას.
მაგრამ იმ დიდი განსხვავებით, რომ, თუ ხალხური რეალიზმი გულ-
უბრყვილო, გაუცნობიერებელი და სტიქიური რეალიზმია, ვაჟას
რეალიზმი ღრმად გააზრებული მითოლოგიური რეალიზმია. ვაჟა
შეგნებულად მიისწრაფვის შემოქმედების პირველქმნილი ფორმე-
ბისაკენ. შემოქმედებაც პოსთვის, უწინარეს ყოვლისა. შიშის დაბა-
დებაა ადამიანის სულში; მითში ხედავს პოეტი სიტყვიერი ხელოვ-
ნების თავანჯარა წყაროს. ამიტომაც თითქმის ყოველ მის ნაწარმო-
ებში არის რაღაც მითიური ელემენტი. ვაჟა თავის ნაწარმოებებს
ქმნის ცხოვრებისა და ბუნების მასალისაგან, მაგრამ იგი შორს არის
ცხოვრებისა და ბუნების ყოველგვარი მიბაძვისაგან. პოეტი ღრმად
იხედება სინამდვილის ყოველ მოვლენაში, მაგრამ არა იმისათვის,
რომ ფოტოგრაფიულად გადმოიწეროს და გაიმეოროს იგი. არამედ
იმისათვის, რომ მისი მასალისაგან შექმნას ახალი პოეტური სინამ-
დვილე, ახალი პოეტური სახეები.

ვაჟა სამშობლოს ბუნების მგზნებარე მომღერალი და გასაო-
ცარი მხატვარია. თუ სინამდვილეში შევხედავთ იმ მთებს, იმ ტყე-
ებს, იმ მდინარეებს. მთელ იმ ბუნებას, რაც პოეტის ქმნილებებში
გვეშლება თვალწინ, უეჭველად განგვაცვიფრებს საოცარი მსგავ-
სებაც და საოცარი განსხვავებაც ნახატისა და ნატურისა. და ჩვენ
ვიგრძნობთ დიდი ხელოვნების სიმართლის ძალას. არსებითად პოე-
ტი ბუნების არა მარტო დიდი მესაიდუმლე და მოამბავა. არამედ
მისი დიდი მეტოქეცაა. ვაჟა ეტოქება ბუნებას, ეტოქება მით, რომ
იმ სილამაზისა და სიდიადის კვალდაკვალ. რასაც ბუნება სტიქიუ-
რად და ბრმად შობს. პოეტი ქმნის, ხატავს და ძერწავს ბუნების დი-
დებულ გაუცხოებულ სურათებს.

მართლაც, ვის უნახავს მდინარეზე ხელპირის დასაბანად ჩამო-
სული მთა, სუდარაჩაკმულნი მთანი, თვალებდახუჭული მთები; ვის
უნახავს არავგი, პირი რომ უცინის, ტანიც რომ შვენის ხმლიანი; ვის

უნახავს მტკვარი და არაგვი, ერთურთს რომ ხმლებს უქნევენ და ფართო იცავენ თავს... ვაჟა ხედავს მათ ამგვარად, უკეთ ვთქვათ, ხატავს, ქმნის მათ ამგვარად. ამაში კი არის დიდი სიმართლე პოეტის ხელოვნებისაც და მისი ქვეყნის ბუნებისაც. ფიქრობ, ვაჟას ეგრეთააწოდებული პანთეიზმიც უმალ მისი პოეტური ხედვის ფენომენალური თავისებურებაა, ვიდრე მსოფლმხედველობა, ვაჟა ბრძენი მგოსანია, ნაგრამ განყენებულად მოაზროვნე ფილოსოფოსი არ არის. იგი არასდროს არ ცდილობს გარედან შეღებოს, გარედან დაასურათოს რაიმე განყენებული ფილოსოფიური დებულება. ვაჟა ერთი წუთითაც არ არის მხატვარი-ილუსტრატორი. იგი ქმნის მშვენიერ, განუმეორებელ პოეტურ სამყაროს, რაშიაც მხოლოდ შემდეგ შეგიძლიათ ამოიკითხოთ ფილოსოფიური აზრი.

თავისი უქცნობი ნაწარმოებების შესაქმნელად ვაჟამ შეგნებულად გადაადნო და გარდაქმნა თავისი მდიდარი ფანტაზიით ქართული მითები. ქართული თქმულებანი — ხალხის გენიის ეს შესანიშნავი ქმნილებანი. ამავე დროს პოეტი ძლიერ შორს არის იმისაგან, რომ ჰქონდეს მითიური სამყაროს რაიმე გულუბრყვილო რწმენა. მითი მისთვის, როგორც უკვე ითქვა, შემოქმედების პირველადი აქტია, ცხოვრებისა და ბუნების მოვლენათა პირველშობილი პოეტური სახეცვლა და გაუცხოებაა. სწორედ ცხოვრებისა და ბუნების ძალთა ასეთი წარმოსახვაა მთელი ვაჟასეული ფორმები და სახეები, ეს დევები და ქაჭები, ეს ძლიერი ვნებებით შეპყრობილი გმირები. მთელი ეს გაადამიანებული და ამეტყველებული ბუნება, კიდევაც რომ იტანჯება და კიდევაც რომ ხარობს. ვაჟა ყველაფერს სულს უდგამს, ყველაფერს აცოცხლებს, რადგან მისთვის ხელოვნებაში, ისე როგორც ცხოვრებაშიც, მშვენიერი და წარმტაცია მხოლოდ ის, რაც ცოცხლობს, მგრძნობიარობს, ფიქრობს და აზროვნებს. მშვენიერია შვლის ნუკრი, რომელიც ადამიანივით მოგვიტხრობს თავის მწარე თავგადასავალს; მშვენიერია დაკრილი არწივი, რომელიც მამაცი მგომარივით წამოდგომას ლამობს, რათა ეკვეთოს მტრებს: მშვენიერია უსაზღვროდ მომლოდინე მთები, რომელთა გულში სანთლები აინთებიან, როდესაც მათ არწივი გადაუფრენს თავზე: მშვენიერია ნისლი, რადგან იგი ფიქრია მთებისა...

ვაჟა შესტრფის და შეხარის ყოფიერების თავანკარა სათავეებს, ბუნების პირველად ფორმებს. არსთა და საგანთა პირველქმნილობას.

პირველქმნილობა, რასაკვირველია, პირველყოფილობა და ველურობა არ არის. იგი ყველაზე წმინდა, ყველაზე ხალასი ბუნებრი-

ვი ბუნებაა ყოველივესი, რაც კი იბადება, არსებობს და ვითარდება.

ვაჟა ანსხვავებს და ერთმანეთს უპირისპირებს არსთა და საგანთა ორ ბუნებას: პირველადს და მეორადს, ბუნებრივ ბუნებას და გარეშე პირობებით დანაშრევე ბუნებას. ადამიანი, როგორც ასეთი, როგორც გონიერი არსება, კეშმარიტად ადამიანურია მხოლოდ თავის პირველქმნილ არსებაში, თავის წმინდა, უზადო ადამიანურ დამოკიდებულებაში სამყაროსადმი. მაგრამ არსებობისათვის იგი აუტორლებლად უნდა ჩაერთოს მრავალნაირ კავშირ-ურთიერთობათა ერთობ დახლართულ ქსელში. ეს კავშირ-ურთიერთობანი მთელი ბუნების, მთელი საზოგადოების ის სასიცოცხლო არტერიებია. რომელთა მეშვეობით ხდება ყოფიერების „ნივთიერებათა“ განუწყვეტელი გაცვლა-გამოცვლა, განუწყვეტელი მოძრაობა და განვითარება. ამ მოძრაობასა და განვითარებაში ყოველ პირველქმნილობას, ყოველ წმინდა ბუნებრივ ბუნებას, მათ შორის ადამიანის წმინდა ადამიანურ დედაარსს ფენა-ფენად ედება ყოფიერების „ნივთიერებათა“ სხვადასხვა დანალექები. ამ დანალექთაგან ჩნდება ადამიანის მეორადი ბუნება, ჩნდება არსებობის პირობებით ნაკარნახევი და განსაზღვრული დამოკიდებულება სამყაროსადმი. მეორადი ბუნება კი ბოჭავს, ავიწროებს და ზოგჯერ კიდევაც აქრობს პირველადს; მაგალითად, ცხოვრების დანალექისაგან წარმოშობილი და აღზარდილი სული მომხვეკელისა თუ მტაცებლისა ყოველთვის ლამობს ჩაკლას ადამიანში წმინდა ადამიანური თვისებები. მაგრამ ყოველი ბუნებრივი ბუნება ცდილობს შეინარჩუნოს თავისი დედაარსი. მსგავსად ატომგულში დამწყვედული ენერჯისა, ბუნებრივი ბუნება ილტვის გაუსხლტეს გარეშე პირობების მარწუხებს. გააღლივოს, გახლიჩოს არსებობის შემონაგარსი და დაიცვას თავისი სიწმინდე, თავისი პირველქმნილობა. არსებითად ეს არის, თუ შეიძლება ასე ითქვას, წინააღმდეგობა და ბრძოლა არსსა და მისი არსებობის ფორმებს შორის...

ვაჟა არა განყენებულად, არა გონებრივი მკვრეტელობით, არამედ საგნობრივად, გრძნობად-პოეტური უშუალოებით ხედავს და განიცდის ამ ბრძოლას. და არა მარტო ადამიანი, არამედ ყოველი საგანი, ბუნების ყოველი ქმნილება ჩართულია ამ მწვავე ბრძოლაში. თვით მთაც, ხევიც, მდინარეც, ნისლიც, ხეც, ყვავილიც, ბალახიც, ხმელი წიფელიცა და ქუჩიც. პირიმზეცა და იაც იღვწის თავისი ბუნებრივი ბუნების შესანარჩუნებლად: ყოველი სულიერი და უსულო ილტვის, იბრძვის თავისი პირველქმნილი დედაარსის გამოსახსნელად გარეშე პირობების დანალექთაგან, კავშირ-ურთიერთობათა რთული ხლართებისაგან.

არსებობის უმაღლეს აზრს ვაჟა ხედავს ყოველი არსების განუწყვეტელ ლტოლვაში სრულყოფისაკენ. სრულყოფილი კი არსება იმდენად ხდება. რამდენადაც თავის მოძრაობასა და განვითარებაში იგი აღწევს თავისი ბუნებრივი ბუნების სისავსესა და სიწმინდეს.

პირველქმნილობის სიყვარულის ღრმა გრძნობაში საღდაც ერთმანეთს ხედებიან დიდი ვაჟა და მისი დიდი წინაპარი — ნიკოლოზ ბარათაშვილი. ბარათაშვილიც შესტრფის „ცისა ფერს, ლურჯსა ფერს, პირველად ქმნილსა ფერს“, როგორც სამყაროს უხრწნელი საწყისის გამოკრთომას. მაგრამ გენიოსი რომანტიკოსისათვის ეს პირველად ქმნილი ფერი ბუნების მიღმისეულია, არა ამქვეყნიურია. ვაჟასათვის კი ბუნების მიღმა არა არის რა, ბუნება ყოველსმოქცეულია, იგი თვით არის თავისივე აზრი, თავისივე მიზეზიკა და შედეგაც. ხოლო ადამიანი. როგორც ბუნების უმაღლესი ქმნილება. როგორც გონიერი არსება, ქეშმარიტი ადამიანია არა თავის ხორციელ. ბიოლოგიურ. არამედ თავის სულიერ პირველქმნილობაში.

ადამიანისა და ადამიანობის საკითხის პოეტური გადაწყვეტის თვალსაზრისით განსაკუთრებთა შინაარსეულია ვაჟას უკვდავი პოემა „გველის მკამელი“.

მინდიას სიბრძნე — ადამიანის გონების ეს უდიდესი ზეიმი და ძლევამოსილება — ბუნების უწმინდესი ნაყოფია. ეს სიბრძნე დიდი ტანჯვითა და წვალებით იზადება ბუნების იღუმალ ძალოვან. მინდიას ხომ „გულის ხედვა და თვალების, როგორც ბრძას და ყრუს. გაეხსნა“ მხოლოდ იმის შემდეგ, როდესაც ქაჩების ტყვეობაში გაწამებულმა თავის მოკვლა გადაწყვიტა და გველი შექაძა. და სანამ მინდია ერთგული რჩება თავისი წმინდა ადამიანური არსებისა, სანამ მისი კავშირი ბუნებასთან გონიერულ-სულიერი კავშირია. სანამ მისი დამოკიდებულება სამყაროსადმი ყოველგვარი გარეშე მინარევისა და დანაშრევებისაგან თავისუფალი დამოკიდებულებაა. გამომდინარე მისი ბუნებრივი ადამიანური ბუნებისაგან, — იგი ბრძენი კაცია. მას ესმის ბუნების ენა, გაგებულნი აქვს ბუნების ბეერი საიდუმლო. უძლეველი მეომარია. ადამიანთა მკურნალი და მასწავლებელია. ხალხის უცდომელი ბელადია, ქვეყნიერების ყველა სილაპაზის, ყველა ადამიანური ღირებულების ნამდვილი მკოდნე და დამფაებელია. ქაჩებთან ვადატანილი ტანჯვით მინდიამ თავისი პირველქმნილი ადამიანური ბუნება, თავისი სულიერი არსება გამოიხსნა თავისსავე ხორციელი არსების ტყვეობისაგან. იმ დღიდან მის სიკოცხლეს დიდი სულიერ-ზნეობრივი აზრი მიეცა: მან შეიძინა დიდი შინაგანი თავისუფლება; იგი უაღრესად თავისუფალი გახ-

და თავის არჩევანსა, მოქმედებასა და საქციელში: გულმოწყალებს და სიბრალულს იჩენს იქ, სადაც ეს საქირთა; შრომობს და ბუნების იმ დოვლათს ითვისებს, რის მითვისებაც ცოდვა-ბრალი არ არის; ებრძვის და ამარცხებს სამშობლოს მტრებს, რის გამოც „ველარავინ ბედავს რჩოლასა, მყუდროებაა ყველგანა...“ და მინდიასაც „მადლიერი ჰყავს ქვეყანა“. ასეც კი ჰგონიათ, რომ მინდია ღმერთთან ლაპარაკობს: — „ჩვენა გვწამ, შენც ხომ იცი, რომ ჰლაპარაკობ ღმერთთანა“ — ეუბნება მას ხევისბერი ბერდია. მინდიას მართლაც აქვს კავშირი ღმერთთან. მაგრამ ეს ღმერთია ქვეყნიერების საფუძველში მდებარე სიბრძნე, ცოდვა-მადლის დიდი გამკითხავი აზრი. მინდიამ აუცილებლად თავისი ბუნებრივი ადამიანური ბუნების გზით უნდა იაროს, რათა შეინარჩუნოს თავისი სულიერი არსების ნათიანობა და შინაგანი თავისუფლება. მაგრამ მას წინ ეღობება ცხოვრების მეტად მკაცრი, შესაძლოა, უფრო უღმობელი აუცილებლობა — აუცილებლობა ხორციელ მოთხოვნილებათა დაკმაყოფილებისა. მინდიას ცოლი — მზია ქმრისაგან მოითხოვს კარგი საარსებო პირობების შექმნას. მოითხოვს შემას, რომ ზამთარში ბავშვები არ დაუცივდეს, მოითხოვს ნანადირევს, რომ ბავშვებს მსუყე და ჭანისმიმცემი საქმელი ჰქონდეთ. თავისთავად ეს მოთხოვნა თითქოს ბუნებრივიცაა და კანონიერიც. მზია არც შედის და არც შეუძლია შევიდეს ამქვეყნიური ცოდვა-მადლის გარჩევაში; იგი მიიწმინდების თვალთ შეპყურებს ბუნებას და მოითხოვს მთელი წისი დოვლათის გამოყენებას ხორციელ-საარსებო მოთხოვნილებათა უსაქმიანოფილებლად. მზიას კიდევაც უყვირს, რატომ მიაჩნია მის ქმარს ცოდვად და ბრალად ხეების მოჭრა, ნადირთა ხოცვა. მინდია კი სწორედ მიიწმინდების ამ სულისკვეთებას უთვლის ბრალად და სულიერ მანკიერებად თავის უდანაშაულოდ „დამნაშავე“ ცოლს:

არ იცი, არა, ქვე-თხელო,
 ებედო, ზეზერე მგრძნობარე,
 თავისა სასიამოვნოდ
 წუთისოფლისა მცნობარე!

გზათა გასაყარიც აქ არის. მინდიასათვის მთავარია ქვეყნიერების ვაგება სიყვარულისა და სიბრალულის, ბოროტების წინააღმდეგ ბრძოლისა და სიკეთის გამრავლების თვალსაზრისით. მისი ცხოვრების დიდი მიზანია ქვეყნისათვის სასარგებლო საქმის კეთება. ბოლოს მისი სატანჯველიც ხომ ის არის: „რითიდა ვარგო ქვეყანას“ ან „ველარას ვარგებ ქვეყანასო“. მზიას კი წუთისოფელი მხოლოდ თავის სასიამოვნო სამყოფელად მიაჩნია; მისი დამოკიდებულება ბუ-

ნებისადმი მომხმარებლის დამოკიდებულება; მას მხოლოდ მომხმარებლის თვალსაზრისით შეუძლია შეათვასოს ყველა და ყოველგვარი ღირებულება ამქვეყნად. ამიტომაც არქმევს მას მინდია „ზეზე-რე მგრძნობარეს“.

ამრიგად, ერთმანეთს ეჯახება ორი აუცილებლობა, ორი გზა ცხოვრებისა, ორი სულისკვეთება — სულისკვეთება წმინდა ადამიანური სულიერობისა და სულისკვეთება ხორციელობისა. ამ შეჯახებაში, როგორც ვიცით, ხორციელ-ცხოველური სძალავს სულიერ-გონივრულს. მართალია, პირველადი ანუ მთავარი თვისობრივი განმსაზღვრელი ადამიანში წმინდა ადამიანური სულიერობაა, წინააღმდეგ შემთხვევაში ადამიანი ცხოველი იქნებოდა და არა ადამიანი. მაგრამ ვაჟა რეალისტიკა და იგი ხედავს, რომ ადამიანებში ჯერ კიდევ უფრო ძალმოცემულია მომხმარებლის ანუ ხორციელ-ცხოველური სულისკვეთება, ვიდრე სულიერ-ზნეობრივი სულისკვეთება. ხევისურთა კრებამაც ჩალხიას მეთაურობით შემთხვევით როდი უარყო მინდიას გულმონწყალება ბუნებისადმი. ბოლოს, ოჯახის დაქინებული მოთხოვნით თვით მინდიაშიც ხომ ბუნების მომხმარებელი სჯაბნის ბუნების დიდ მესაიდუმლეს. მინდიას პირველქმნილ წმინდა ადამიანურ არსებას, თანდათან ედება წვრილმან სურვილთა და ვნებათა ქანგი მისი სულიერ-გონივრული დამოკიდებულება ბუნებისადმი თანდათან იცვლება მომხმარებლის ხორციელ-ცხოველური დამოკიდებულებით. ამიტომ ქრება, ისპობა მისი ჰარმონიული კავშირი ბუნებასთან, იგი ყრუ და ბრმა ხდება ბუნების მიმართ, იფერფლება და იზრტიტება მისი სიბრძნე. ასე იბადება მინდიას დიდი ტრაგედია — ტრაგედია ადამიანის ჰუმანიტატი სულიერი არსის რღვევისა და შინაგანი თავისუფლების დაკარგვისა. თვითმკვლელობა კი ამ ტრაგედიის ბუნებრივი დასასრულია.

რა ბრძნული და პოეტურად რა ჟღერადია სურათი იმისა, რომ ბუნება ერთობ გულგრილია მინდიას მწარე ბედის მიმართ:

ნიაიეც მიდ-მოდოდა
უდარდოდ, ნელის მღერითა...
ფრთა გაჰკრის წვერსა ხმლისასა
ამოღერებულს ვნითა,
შაღებილს ჰიაფერადა
კაცის გულ-მკერდის წვენითა,
და გათამაშდის მწუანეზე
ლაღად, მოლხენით სტვენითა.

თითქოს ამ უმონაწილეობასა და გულგრილობაში არეკლილად მოჩანს და იკითხება:

ის, ვინც თავისი კაცობრიული სულიერობის სიმაღლიდან ეშვება ცხოველურ-მომხმარებელურ თავკერძობამდე, ლალატობს თავის ჭეშმარიტ კაცურ არსს და ამით აუფასურებს თავისთავს ბუნების წინაშე, ჭვეყნის წინაშე...

სიტყვას თუ გავათანამედროვეებთ, შეგვიძლია ვთქვათ, რომ მომხვეჭელ-მომხმარებლის დამოკიდებულება ჭვეყნისადმი, მეშხანური და ინდივიდუალისტურ-ეგოისტური მისწრაფებები ადამიანებს ნამდვილად უქარგავთ ჭვეყნიერების ყველა ძვირფასი ღირებულების, ბუნებისა და ხელოვნების ყველა სიმშვენიერის ჭეშმარიტ-ადამიანური აღქმის უნარს. ხორცისა და ნივთის მონას სულიერ სილამაზეთა კარები დახშული აქვს.

ვაჟა თავის მგზნებარე ლირიკაშიაც აგრძელებს „გველის მკამელის“ იდეურ მოტივს. თავის „კაფიებს“, დაწერილს 1903 წელს, პოეტი ასე იწყებს:

ჩონგურს სიმები მოვუწუჯ
და ზედ დავმლერი ამასა:
როგორ მივენდოთ ცხოველებრ
მარტო სმასა და ჭამასა?

ხოლო თავის შესანიშნავ „კაი ყმას“ (1909), ამაღლებული რაინდული ზნეობრივობით გამსჭვალულს, ვაჟა ამთავრებს თავკერძა ადამიანების ბინდიანსებური გმობით:

თავის ჯამს ჩასტკერო. საქვეყნოდ
არც როს არ გამანდგებთია;
თავისად სტოცხლობთ. მცონარედ
ლემი ალალოთ, ჰქვევდითია:
გაიგებთ კარგის გარჯასა
გწყინსთ და შურითა ხდებითა:
უქმად ჩამაპლევთ სიტოცხლეს,
უქმად საფლავში სწევითია.
დაჰკარგავთ სააქაოსა,
ვერც საიქიოს სწვდებითია,
არც იკით, დასჩნდით რისადა.
ან რისათვისა ჰქედებითია.

უფრო ადრე კი, ჯერ კიდევ „გველის მკამელის“ დაწერამდე, პოეტმა თქვა ადამიანის ამაღლებული სულიერი არსების სადიდებელი ლირიკული სიმღერა — „ხორცო, დაჰნელდი“ (1896):

ხორცო, დაჰნელდი, დამკლევდი,
სულო, იხარე. ჰლალობდე,
ღმერთმა დამკარგოს, თუ ამას
სიტყვის შნოსათვის ვაპობოდე.

ბორცი რას მიშველს მარტოკა,
თუ სულით არა ვგალობდე.
სულო, აყევადი, ამაღლდი,
დაე, ლეშითა ვწვალობდე.

ბოროტების წყაროდ აღამიანთა ცხოვრებაში ვაჟას ესახება ის ძალები — იქნება ეს სოციალური თუ ეროვნული უთანასწორობანი, ბნელი ადათები თუ ზნე-ჩვეულებანი, ცხოველური ინსტინქტები თუ ცრუ წარმოდგენები — რომლებიც ბორკავენ და არღვევენ აღამიანთა ბუნებრივ ბუნებას, მათ პირველქმნილ სულიერ არსებას. არსებითად სწორედ ამ ბნელი ძალების წინააღმდეგ ილაშქრებენ ვაჟას ვაჟკაცური და მთლიანი ხასიათის გმირები. მათ თავდაუიწყებით უყვართ სამშობლო, უყვართ თვისტომნი და ყოველ წუთს მზად არიან შეეწირონ მათ. მაგრამ ისინი ამავე დროს შორს არიან ყოველგვარი ტომობრივ-ეროვნული შეზღუდულობისაგან, ყალბი ტომობრივი წარმოდგენებისაგან, რაც აფერხებს და არღვევს სხვადასხვა ტომის აღამიანთა ბუნებრივ კავშირს. ეს გმირები თავუადებით იბრძვიან თავიანთი შინაგანი თავისუფლებისათვის, იბრძვიან იმისათვის, რათა გულსა და გონებას აპყარონ ველურ ვნებათა. ბნელ ზნე-ჩვეულებათა და სხვადასხვა ცრუ წარმოდგენათა ბორკილები. ეს ბრძოლა მკათიოდ და ცხოვლად არის წარმოსახული ისეთ ღიღებულ ეპიკურ ქმნილებებში, როგორიცაა „გოგოთურ და აფშინა“, „ალუდა ქეთელური“, „სტუმარ-მასპინძელი“ და სხვ.

გოგოთურსაც, ალუდა ქეთელურსაც, ჯოყოლასაც, აღაზასაც, ზვიადურსაც და პოეტის ბევრ სხვა გმირს სწყურია ენდოს და ყური მიუგდოს მხოლოდ თავისი წმინდა აღამიანური არსების. თავისი გულისა და გონების ხმას, იმოქმედოს მათი უშუალო კარნახით. ამ გმირებს სძულთ თავისი ქვეყნის, თავისი ხალხის მტრები და მუდამ შემართული არიან. რათა უკანასკნელ ამოსუნთქვამდე ებრძოლონ მტრებს, მოჰკლან, მოსპონ, გაანადგურონ ისინი. მაგრამ მათ უყვართ აღამიანი, როგორც ბუნების უღიღესი და უგონიერესი შვილი, უყვართ და ამის გამო თვით მტერშიაც კი აფასებენ ჯა პატივს სდებენ აღამიანს, მის კაცურ ღირსებებს. ისინი თითქოს გუმანით, იღუმალი შინაგანი გრძნობითა და პირველქმნილი სულიერი არსებით იმეცნებენ, რომ თავიანთ წმინდა კაცურ გამოვლინებაში აღამიანები არ უნდა იყვნენ ერთმანეთის მტრები, არ უნდა ჩაგრავენ ერთმანეთს. სწორედ ამ გუმანს, ამ შინაგან გრძნობას მიჰყვება ჯოყოლაც და აღაზაც სხვა ტომის ვაჟკაცთან — ზვიადურთან დამოკიდებულებაში. მაგრამ ამ წმინდა, თავისუფალი აღამიანური სულისკვეთების გამოვლენისათვის მათ თავს ატყდებათ

სხვადასხვა ცრუ წარმოდგენებითა და ადათებით შეპყრობილი თემის რისხვა. ეს წარმოდგენები და ადათები კი, რაც წლობით გამოშუშავებული და შთანერგილია ადამიანებში ცხოვრების პირობებით, საზოგადოებრივი ყოფით, შეადგენენ ადამიანთა არა პირველადსა და უშუალო, არამედ მეორად ბუნებას, სხვადასხვა ურთიერთობათა დანაშრეკვებსა და შემონაგარსს.

გმირები ილუპებიან ერთი მხრივ — თავისუფალი სულისკვეთებით გამსჭვალულ ადამიანებსა და მეორე მხრივ — ადათების დამცველ თემს შორის ატეხილ ბრძოლაში, რის სიღრმეშიც არსებითად ჩამალულია წინააღმდეგობა ადამიანთა პირველადს ბუნებასა და მეორად ბუნებას შორის; ილუპებიან, მაგრამ თავიანთი სიკვდილითაც ეს გმირები ამკვიდრებენ ამაღლებული რაინდული ზნეობის, მამაცობისა და შეუღრეკლობის იდეალს. როგორც ადამიანის თავისუფალი სულის უმაღლეს გამოხატულებას.

ვაჟა ბუნებასთან უშუალო სიახლოვის, მასთან ჰარმონიული შეწყობისა და შეგუების მგზნებარე ქომაგია. ბუნებრივი ყოფა, ლალი და თავისუფალი ცხოვრება ბუნების წიაღში მას არსებობის ყველაზე სავსე და შინაარსეულ ფორმად ესახება. ვაჟა ვერ ჰგუობს ვერაფერს ნაძალადევსა და ხელოვნურს, არაბუნებრივსა და შერყვნილს. ჯერ კიდევ თავის „მესტიერის ანდერძში“, რომელიც 1890 წელს არის დაწერილი, ვაჟა გადმოსცემდა თავის ზნეობრივსა და ესთეტიკურ მრწამსს, თავის მსოფლმხედველობას. ამ ლექსში პოეტი პირდაპირ ამბობს: ტანჯვა-ვაება ჩემს წადილს გზას ვერ აურევს და ქვეყნის ბომონის წინაშე ქედს ვერ მომანბრევიანებსო; ზოგმა თუ პირადი ბედნიერება არ დავსთმეთ, სოფელს ბნელი დაფარავს და არსებობა გაუქირდებო: კარგების ხვედრია რომ ცხოვრების გაუკეთესებისათვის თვითონ შვება და სიამე მოიკლონო; ნუგეშად მეკმარვის ჩემი სტვირი, რომლის ჟღერა, ვგონებ. ამაოდ არ ჩაივლისო; ლუმცა ზოგს არ მოსწონს „ჩემის სტვირის ველური ჟღერა“, მაგრამ ჩემი ანდერძი ბევრის გულს დაეწერაო. ამ ზნეობრივ მოტივებს ლექსში მოსდევს პოეტის ესთეტიკური კრედო: ვარდი ვარდია, მაგრამ იმას მაინც ტყეში მოსული ია მირჩევენია, ალვას — წალკოტის მეფეს — კლდეზე გაბარდნილი ღვია მიჯობს და თავმომწონე ვიფელის კოშკს — შავი ლოდები მირჩევენია, კლდეთა ძირს რომ ყრიანო. პოეტი ასკვნის:

ყველა ის მიყვარს, სადაც სიბრყივემ
სწავლის სახელით არ მიადნია
და ბუნებრივი წმინდა კმნილება
კოლვილის ხელით არ მიარღვია.

აი, სწორედ ამ „ბუნებრივ წმინდა ქმნილების“ იდეაა ვაჟას მსოფლმხედველობის შუაგული.

ეკვი არ არის, ვაჟა იცნობდა რუსოს მოძღვრებას და ზოგიერთი თავისი შეხედულებით კიდევაც უახლოვდებოდა მას. მაგრამ არავითარი საფუძველი არა გვაქვს ვიფიქროთ, რომ ვაჟა რასმეს პირდაპირ დაესვს ამ მოძღვრებას. ვაჟა უღარესად თვითმყობადია. მისი მსოფლმხედველობა, უწინარეს ყოვლისა, ქართველი ხალხის საუკუნეობრივი სულიერი გამოცდილების სიღრმიდან ამოდის, იგი მინდიას ფიქრებიდან არის გამოდნობილი და წარმოშობილი.

რაც შეეხება ხელთქმნილისა და ხელთუქმნილის, ხელოვნურისა და ბუნებრივის, ეიფელის კოშკისა და კლდეთა შავი ლოდების ვაჟასეულ დაპირისპირებას, იგი მეტად ღრმაშინაარსიანი დაპირისპირებაა. ამ დაპირისპირებაში ერთი წამითაც არ შეიძლება დავინახოთ ცივილიზაციისა და ისტორიულ-კულტურული პროგრესის უარყოფის იოტისოდენა ნიშანიც კი, პირიქით, ვაჟა მთელი თავისი შემოქმედებით ამკვიდრებს ცივილიზაციისა და პროგრესის იდეალს, პროგრესისას, არა როგორც რღვევასა და შერყევას „ბუნებრივი წმინდა ქმნილებისა“, არამედ როგორც მის გამოსხნას გარეშე დანაშრევებისაგან, მას აღდგენას, განმტკიცებას და განვითარებას ადამიანის სულშიც და მთელ ნივთიერ გარემოშიც. განვითარებისა და წინსვლის გზა, ვაჟას გაგებით, სწორედ „ბუნებრივი წმინდა ქმნილებისაგან“ მიმავალი გზაა.

პოეტი ჰგმობს და უარყოფს არა კულტურასა და პროგრესს, არამედ კულტურითა და სწავლით შენიღბულ კაცთმოძულებას. უანგარობით შენიღბულ ანგარებას...

შეიძლება, ითქვას, რომ ვაჟა თავისი შემოქმედებით თავისებურად ეხმაურება და უზიარდება თანამედროვე იდეას ადამიანის სულიერი გაწმენდის, განახლებისა და გაადაპიანების პროცესის შესახებ, რაც უნდა მოჰყვეს ღრმა სოციალურ პროგრესს, საზოგადოების ასვლას განვითარების ახალ უმაღლეს საფეხურზე.

შეგნებული სწრაფვა ცხოვრებისა ბუნების ისეთი სახეებისა და ფორმებისაგან, რომელთაც შენარჩუნებული აქვთ პირველქმნილი სასიცოცხლო ძალა და სურნელება, ვაჟამ გამოხატა იმდენად არა იმით, რომ მეტწილად მთაში ცხოვრობდა და უკანასკნელი სულისხმომის დროსაც მთიდან მოტანილი ფოთლები და ყვავილები დაიყარა გულზე, რამდენადაც იმით, რომ მან, ქართული სალიტერატურო ენის ბრწყინვალე მცოდნემ, თავისი პოემებისა და ლექსებისათვის აირჩია დედაენის ფშავურ-ხევსურული კილოკავი. ამან კი, როგორც ვიცით, მის პოეტურ შემოქმედებას მიანიჭა გამომსახვე-

ლობის უჩვეულო ძალა, განუმეორებელი თავისებურება და მომ-
ხიბვლელობა, განსაკუთრებული სიცხოველე და სურნელება.

ვაჟა ღრმად ინტელექტუალური შემოქმედია. მისი ესთეტიკა
არა მარტო უღრმეს გრძნობათა, არამედ აზრისა და სიბრძნის ესთე-
ტიკაცაა. ამ მხრივ იგი დიდი რუსთაველის პირდაპირი მემკვიდრეა.

ვაჟას შემოქმედება არ არის მოკლებული შესანიშნავ ფერწე-
რულ სურათებს, მაგრამ იგი უმაღლესი პოეტი-მოქანდაკე, პოეტი-ხუ-
როთმოდღვარია. იგი არა მარტო ფერებში ხედავს, არამედ უფრო
მეტად ძერწავს და ჰკვეთს გასაოცარ მონუმენტურ სკულპტურულ
ფორმებს. გაიხსენეთ, მაგალითად, უდიდესი მხატვრული ძალით
შესრულებული დიდებული მონუმენტური სურათი „ბახტრიონის“
ბოლო თავიდან — დაკრილ ლუხუმს უღრან ტყეში ჯაგარ-აშლილი
გველი რომ მკურნალობს! განა ეს არ არის ხელოვნების მარადიული
ძალითა და მომხიბვლელობით აღბეჭდილი სკულპტურული სურა-
თი? თანაც საშუალოდ ისტორიული ბედის რა ღრმა პოეტური
წარმოსახვაა ამ სურათში! თქმულება — მითი ღრმა რეალისტუ-
რი შინაარსით ივსება.

გაიხსენეთ, ტრაგიზმით აღსავსე ჯგუფური სკულპტურული სუ-
რათი პოემა „სტუმარ-მასპინძლის“ ფინალიდან... ო, რამდენის გაზ-
სენება შეიძლება.

მართალი იყო ტიციან ტაბიძე, ვინაც ვაჟას შემოქმედებაში მისი
მშობელი ხალხის სულის სიკაბუჯის გაქვდავენება დაინახა.

ვაჟას მთელი შემოქმედება უცილობელი პოეტური გამართლე-
ბაა საქართველოსა, ხელოვნებისა, ადამიანისა.

ვაჟას მიმართ თამამად შეგვიძლია ვთქვათ ის, რაც ცნობილმა
რუსმა მწერალმა — ლეონიდ ლეონოვმა თქვა ტოლსტოის შესახებ:
„ასეთი ადამიანების დგომა ეროვნული აზრის კაპიტანის ბოგირზე
თანამედროვეებს უნერგავს ნდობას აწმყოსადმი და უშიშროებას
მომავლისადმი“.

ვაჟას მხატვრული მემკვიდრეობა გვინერგავს ნდობას ქართვე-
ლი ხალხის წარსულისა და აწმყოსადმი, რწმენას მისი მომავლი-
სადმი.

მცირე სიტყვა დიდ მწერალზე

სიცილის უნარი მხოლოდ ადამიანებს აქვთ. მორწმუნენი ამ თვისებას ღმერთებსაც მიაწერდნენ. არ იცინიან, თუ ვერ იცინიან ცხოველები, ნადირები, ტყიურები.

აი, ხარხარებს ნამდვილი, შუმი ეპიკურელი, თუმცა ეპიკურეზე მას წარმოდგენაც არა აქვს. „სადაც სიამეა და მოლხენა, იქ ჩვენც ვართ, ასე მოგვდამს გვაროვნობით!.. აბა, შენი ჭირიმე, ორიოდ დღე ვიცოცხლო, გული მწუხარებით ვევისო, მოლხენა დავიკლო და ისე წავაყრევიო ზედ მიწა? შენც არ მომიკვდე... მაგაზე მეტი სისულელე იქნება? კაცი მუდამ მხიარული უნდა იყვე და სხვასაც იამება შენი შეხედვა“.

ვითარებაც შესანიშნავად არის შექმნილი სახარხაროდ. შვილი მამის საცოლოდ ორნაქმარეხსა და უშვილო ქვრივს დაეძებს. „ხა, ხა, ხა, ხა! აი, და ბეკინა!.. აი და შენი ჭირიმე!.. შენ გენაცვალე შენს ლამაზ წვერებში! ხა, ხა, ხა, ხა! შერცხვენილი ვიყვე, თუ სანაქებოდ არ მოვეუღბინო“.

ეპიკურული მსოფლმხედველობა შორს არის ჩვენგან. მაგრამ მშვენიერია ეს გოლიათური ხარხარი, შესანიშნავად გამოძერწილი ხასიათშიც და ვითარებაშიც. და განა იგი მხოლოდ „იმერელია“, ან გაფუქსავატებული იმერელი აზნაურის ნიშანია? არა, იგი დიდ ადამიანურ სიერცემიც არის გატყორცნილი. პირადად მე ეს ხარხარი უზომოდ მაყვარებს ადამიანს, მაყვარებს კირილე მიმინოშვილს, როგორც დიდებულ მხატვრულ სახეს; და მე ვფიქრობ: ადამიანის რაოდენი სიყვარული უნდა ჩაელვარა თვითონ მხატვარს თავის ქმნილებაში, რომ ესოდენ დიდი გადამღები ძალა მიეცა ამ სიყვარული-სათვის!

მწერალს ძალუძს ერთი უბრალო ფრაზის უკანაც კი დააყენოს დიდი ადამიანური შუქი. სიცოცხლის რა მოძალებული ტრფიალი და რა ნათელი იუმორია თუნდაც სიძის შორეულ მიაღერებაში საცოლოდ შეღერებულ ხანდაზმულ სიმამრისადმი: „აი და შენი ჭირიმე!.. შენ გენაცვალე შენს ლამაზ წვერებში!“

ბეკინაც როდია მართო იმერული ხასიათი. ისიც ფართო ადამიანურ თარგზე აკრილი ტიპია. ზლოგიყო ასოციაცია არ იქნება, თუ გავიხსენებთ მარად ზოგადადამიანურის დამტევ გენიალურ სტრიქონს: „სიყვარულს ყველა ასაკი მორჩილებს“. იმერული სამოსელის შიგნით ბეკინას ტრაგიკომედიაც ღრმა ადამიანური ტრაგიკომედიაა, ბეკინა გვახარებს თავისი ძალუში სასიცოცხლო ენერგიით, გვაცინებს თავისი უკულო ამპარტავნობით, ახირებულნი და უდარდელი ხასიათით, გვალონებს მით, რომ მოდუნებულა აქვს გულშემატკივრობისა და რეალობის გრძნობა. აერთოდ. რეალობის გრძნობის მოდუნება მწერლის თითქმის ყველა გმირის საერთო ტიპილია. და ესეც ზოგადადამიანური მოტივია, განუმეორებლად თავისებურ კონკრეტობაში გადაწყვეტილი მწერლის მიერ. პლატონი? მართო იმ ნიშნით, რომ ორნაქმარე და უშვილო სადღეინაკვლოს მკმუნვარე მძებნელია. იგი ღირსია იმისა. რომ უკეთეს ტრაგიკომიკურ სახეთა შორის ჩადგეს. იგი გვაცინებს თავისი საოკრად უცნაური თავგადასავლით, გვალონებს და თანაგრძნობს ნაპერწყალსაც კი გვიღვივებს გულში თავისი მწარე ღარდითა და ბოღნით. გვაშფოთებს თავისი გამხეცებით...

რა არის ეს, მხილება და დაცინვა?

ნუთუ მხილება და დაცინვაა, მაგალითად. დაუვიწყარი სახე მომტყუებელი და მოტყუებული ლატაკი აზნაურის აოლომონ მორბე-ლაძისა, რომლის გული ბოლოს „სიბრალულით აივსო ყოველი ღეთის გაჩენილისა და დაჩაგრულისაღმი“ და რომელმაც სასოწარკვეთით ამოიკენესა: „საშველი თუ მაინც მოგვეცემა როდისმე, რომ კაცური ცხოვრება გვეღირსოს“; ან კიდევ სახე თითქმის დამუნჯებული ლევან ქამუშაძისა, რომლის ცხოვრების ტრაგიზმით სავსე სურათს გვიშლის თვალწინ მწერალი?

აქ საჭიროდ მიმაჩნია აღვნიშნო, რომ თავის ფრიად საყურადღებო მონოგრაფიაში დავით კლდიაშვილზე ა. გაწერელისა ძალიან კარგად აქვს შენიშნული მწერლის ერთ-ერთი შესანიშნავი კონტრასტული ხერხი ხასიათთა გადასაწყვეტად მათი სიტყვაძვირობისა (უკეთ ვთქვათ, ენაჩავარდნილობისა) და სიტყვაძვირობის მიხედვით; თუმცა, არა გვგონია, რომ ამ სიჩუმისა თუ უსიტყვობის იქით სიცარიელე იყოს, პირიქით, მის იქით ადამიანური მწუხარების მთელი უკუნეთია, იგი დამუხტულია უმძაფრესი საყვედურით მოუწესრიგებელი ქვეყნიერების მიმართ.

ს. ჭილაიამაც, ჩემი აზრით, დავით კლდიაშვილის შეშოქმედების სწორი გასაღები მოიმარჯვა, როდესაც თავისი წერილი დაიწყო მწერლის სიტყვებით: მე არასდროს არავისთვის არ დამიციინიაო...

თვალწინ გვიდგება უდიდესი კაცთმოყვარე შემოქმედი!

ბეტი რომ არა ვთქვათ, საკმაოდ გაცვეთილი შეხედულების იმერცხა იქნებოდა იმის ჩიჩინი, რომ დავით კლდიაშვილმა ამხილა იმერეთის წვრილფეხა აზნაურობა, გვიჩვენა მათი უნიადაგობა, ისტორიულად განწირულება, დასცინა და ნაღვლიანი ღიმილით უთხრა უბადრუკ დაქინებულ, მაგრამ მაინც კულაბზიკა და მკვეხარა ადამიანებს. ინგრუვა თქვენი სამყარო, ესვენება თქვენი მზეო.

დიდი ამბავი, წყალწაღებულს უთხრა, წყალწაღებული ხარო, ამხილო და დასცინო იმას, ვინც უკვე აშკარად მხილებული და ნიადაგამოცლილია თავის ცხოვრების მიერ!

ეს რომ იყოს მთავარი დავით კლდიაშვილის ქმნილებებში, მაშინ იგი. ჩემი აზრით, ერთობ ლოკალური მნიშვნელობისა და მეტად კიწრო თვალსაწიერის მწერალი იქნებოდა. დიდად საბედნიეროდ, ეს ასე არ არის, არა, მას არ შეუხსნამს გაძვალტყავებულ ჭორებსა და ცხენებზე ადგილობრივი და სადღეისო კარიკატურები, როგორც ეს ეჩვენებათ ზოგჯერ, და მათი წარმავალი დოლი არ გაუშართავს.

დიდი ჰუმანისტისა და განუმეორებლად თავისებური მწერლის დავით კლდიაშვილის სიდიადე სწორედ იმაშია, რომ მან დუხჭირი ცხოვრების წიაღში აღმოაჩინა სისხლსავსე ადამიანური ხასიათები ღრმა გრძნობებით, დიდი ტკივილებით, მწვავე საკითხებით და გამოკვეთა მათი დაუვიწყარი სახეები. მწერალმა ამხილა არა ეს ადამიანები, არამედ მათი მწარე ხვედრის მემკვიდრეობით — სწორედ ის სინამდვილე, არსებულიც და შესაძლებელიც, რომელიც აჩანაგებს ადამიანებს.

ქართველი სერვანტესი, (ვგონებ, პირველად ეს გ. ნატროშვილმა თქვა) მართებული მიმსგავსებაა და ჩვენი მწერლის შემოქმედების გაგების სწორ გეზს იძლევა. მაგრამ ნათესაობა საძებარია არა მარტო გარეგნულში, ვთქვათ, იმაში, რომ ჩვენი მწერლის გმირებიც ხშირად მიაჩაქჩაქებენ გაბეხრეკებულ ჭორებსა და ცხენებს, არამედ უფრო მეტად გმირების ხასიათის შინაგან უსწორმასწორობაში, მათ ადამიანურ მისწრაფებათა და მათ ადამიანურ შესაძლებლობათა გათიშულობაში, რეალობის გრძნობის მოდუნებაში.

ადამიანის სიყვარული და გულშემატკივრობა ადამიანის მიმართ — მთავარია დავით კლდიაშვილის დამოკიდებულებაში გარემომცველ სინამდვილისადმი. მწერალმა გაუსწრო თავის ღროს იმის გააზრებაშიც, რომ თვით უმაღლესი კაცთმოყვარული იდეებიც კი თავისსავე წინააღმდეგ შებრუნდებიან, თუ საამისო გრძნობებიც არ ღვივის გულში, თუ მათ არ ახლავთ ღრმა ადამიანური გულშემატკივრობა.

შემთხვევით როდი აქვს ჩაწერილი დიდ მწერალს თავის მოგონებებში შემდეგი სიტყვები:

„ნაშრომს კი ვუძღვნი მათ ხსოვნას, ვინც გული სიყვარულით გამითბო, მასწავლა ადამიანის პატივისცემა და ნდობა“.

„ამ სიყვარულიანობის წყალობით ჩემი გულიც ადამიანის სიყვარულს ეჩვეოდა და სწავლობდა“.

„ეს სიტბო, ეს სიყვარულიანობა თან ახლდა ჩემს ლიტერატურულ შრომას, არასოდეს არ დამკლებია იგი და ამიტომაც ჩემი გავლილი ლიტერატურული გზა ბედნიერად გავლილ გზად მიმაჩნია“.

სიყვარული და გულშემატკივრობა — ესაა ქვაკუთხედი ნამდვილი ადამიანურობისა!

ო, როგორ საჭიროა ყოველივე ეს დღესაც. ხვალაც, ზეგაც.

გ ა ლ ა კ ტ ი ო ნ ი

მ ი რ ა მ ო გ ო ნ ე ბ ა

გალაქტიონი ქართული პოეზიის მთელი ეპოქაა.

ვიხსენებ პოეტთან პირადი შეხვედრის წუთებს... ჩემი დაკვირვებით, გალაქტიონი ერთობ რთული და მრავალწახნაგოვანი პიროვნება იყო, ძნელად გამოსაცნობი, ძნელად მისაწვდომი, ხან დიდი ბავშვივით უშუალო, ყურადღების მოყვარული, ხან პირქუში, მეფისტოფელივით სარკასტული, ხან თითქოს ძლიერ გულდია, ხან კი ასკეცად გულჩახვეული; უაღრესად განათლებული და უხვად ინფორმირებული ცოდნის ბევრ დარგში, განსაკუთრებით ხელოვნების სხვადასხვა დარგში. ზოგჯერ, ჩემი შეტყობით, პოეტი ჩვეულ ადამიანურ ნიღბად იკეთებდა ხოლმე მოჩვენებით მიამიტობას, მიაშიტურ გაოცებას. და ეს თითქოს კიდევაც შეენოდა მას. ერთი სიტყვით, გალაქტიონი, როგორც პიროვნებაც, მის უკეთესი ლექსებივით განუშეორებელი იყო.

ერთხელ. ვგონებ უნებლიეთ, ვაწყენინე პოეტს და პოეტმაც მაწყენინა.

1941 წლის ზაფხულში, ომის გაცხარებულ დღეებში, საქართველოს სახელმწიფო გამომცემლობამ, სადაც იმ დროს მეც ვმუშაობდი, გადაწყვიტა ფრონტისათვის დროდადრო გამოეცა ახალი პატრიოტულ-საბრძოლო ლექსების პატარ-პატარა კრებულები. ვუბოვეთ პოეტებს მოეწოდებინათ ახალი ლექსები.

— პირველი კრებული თქვენი ლექსით უნდა გაიხსნას, — ვუთხარით გალაქტიონს. ეს ესია მოვინა პოეტს და მან, მართლაც, თითქმის ყველაზე ადრე დაგვიწერა ლექსი; მესამე თუ მეოთხე დღეს ჩვენ უკვე ხელთ გვქონდა საკმაოდ მოზრდილი და შემდეგ უკვე საკმაოდ ცნობილი ლექსი გალაქტიონისა — „სამშობლოსათვის“, რომელშიაც ბევრი ისტორიულ-პოეტური წიაღსვლაა, ვთქვათ, ისეთი, როგორიცაა:

რა შეემთხვა ერთ კართავანს,
უაღრესად მძლავრს და ზვიადს,
რომთან ქიშპში მყოფ კართავანს,
თვით იმ რომს და ბიზანტიას?

მართალია, ეს ლექსი ერთობ ხშიერი საბრძოლო მოწოდებით მთავრდებოდა, მაგრამ მთლიანად იგი მაინც რთული პოეტური ნა-
კედლობისა იყო და არცთუ მკვეთრად თვალშისაცემი... გადაწყდა
კრებულის ორად გაყოფა, რომ ერთი კრებული დაპირებისამებრ
გალაკტიონის ლექსით, ხოლო მეორე უფრო პირდაპირი მოწოდე-
ბითი ლექსით გახსნილიყო. მოხდა ისე, რომ ეს მეორე კრებული
პირველ კრებულზე რამდენიმე დღით ადრე გამოვიდა. გალაკტიონმა
ნახა და სანამ თავისი ლექსის ამბავს იკითხავდა, მე დავასწარი:

— პატივცემულო გალაკტიონ, ხვალ-ზეგ გამოვა ის კრებულიც,
რომელიც თქვენი ლექსით იხსნება...

პოეტს არაფერი უთქვამს, იგი ცივად გავიდა გამომცემლობიდან.
რამდენიმე დღის შემდეგ მას საგანგებოდ გავუგზავნეთ კრებული,
რომელიც მისი ლექსით იხსნებოდა.

შემდეგი კრებულისათვის ისევ მივმართეთ გალაკტიონს.

— ჰო, ჰო, გასაგებია. — თქვა პოეტმა, — ალბათ, ახლაც პირ-
ველ კრებულს სცემთ და ჩემი ლექსით გინდათ გახსნათ! — ჩაიცი-
ნა და მერე თითქოს ნერვულად დაუმატა, — არ მიყვარს ეშმაკობა,
არ მიყვარს ყალთაბანდობა... რა იქნება, რომ არ დაგიწეროთ ლექსი?
მეწყინა.

— როგორც გენებოთ, ბატონო გალაკტიონ! თქვენი ლექსები
ჩვენ უფრო დიდი მიზნებისა და გრძნობებისათვის გვესაჭიროება.
ვიდრე რაიმე წვრილმანი გრძნობაა...

გრძელი დიალოგი არ გამართულა.

მეორე დღეს პოეტმა გამომცემლობაში მოიტანა ხელნაწერი და
გამომცემლობის სანდომიან მემანქანეს თვითონ უკარნახა ლექსი
„კავშირი გულთა შორის“.

— ამ გოგონას. როგორც ჩანს, ძალიან მოეწონა „კავშირი გულ-
თა შორის, კავშირი გულთა შორის“. — ჩვეული მთრთოლვარებით
თქვა პოეტმა და ეშმაკური ღიმილით გადახედა არცთუ მთლად გო-
გონა გოგონას.

ამრიგად ორი აღნიშნული ლექსი გალაკტიონმა დაწერა გამომ-
ცემლობის დაკვეთით. ამაში, რასაკვირველია. საკოკმანო არაფერია:
ხელოვნების ბევრი უკვდავი შედევი შექმნილა დაკვეთით.

ჩემს სამიშობილვო წერილში — „სამამულო ომი და ქართული
საბჭოთა პოეზია“, რომელიც ეურნალ „მნათობის“ 1942 წლის
№ 2-ში დაიბეჭდა, მიმოხილვას სწორედ გალაკტიონის აღნიშნუ-
ლი ლექსებით ვიწყებდი. ზარბაზნების ქუხილში უკვე აღარ სდუ-
მან მუშები: ზიზლი და მრისხანება ფაშისტი კანიბალების მიმართ

თითქოს ახალ, ნუქ, დრამატულ საღებავებად შეემატა გალაკტიონ ტაბიძის პოეტურ ფერადებს, — ვამბობდი მე, — შთაგონებული ისტორიული წიადსვლებითა და პარალელებით პოეტი მხატვრულად ასაბუთებს საბჭოეთის გამარჯვების გარღვევალობას-მეთქი; ბრძნულ, პოეტურ წინასწარმეტყველურად მივიჩნევი პოეტის სიტყვებს:

ჩვენს სამშობლოში
წყდება ბედი
კაცობრიობის.

შეხვედრის ძვირფასი წუთების იმ შინაგან ხატთა და მოძრაობათა სათვალავს თუ შევუდევით, რომელთაც ველარასოდეს ვერ გავაცოცხლებთ, სევდა დაგვახზრობს. ბევრჯერ წარმომიდგება თვალწინ ცოცხალი პოეტი. მკაფიოდ მახსოვს იგი მოსკოვში, მწერალთა მეორე საკავშირო ყრილობაზე. 1954 წელს. აქ პოეტი თითქოს ჩრდილში იყო; ჩრდილში ყოფნას კი ჩრდილების მოტრფიალუ მგოსანი ვერ იტანდა (ვინ გაექცევა თავის ადამიანურ სისუსტეს?); ეკლებგამოსხმული ჩანდა; ენაკვიმატობდა ზოგთა და ზოგთა მიმართ. მისი შესაფერი სახელოვნება რომ აკლდა საერთოდ მის სახელს, ამის ერთ-ერთი მიზეზი ალბათ ისიც იყო და არის, რომ მისი ლექსები ძნელად ითარგმნება რუსულ თუ სხვა ენებზე. მაგონდება ვიღაცის თქმული: პოეზია ის არის, რაც თარგმნის დროს იკარგებაო. იქნებ, ამ ნათქვამში, რაღაც სიმართლევც იყოს, განსაკუთრებით, ენის მუსიკაში ჩაძირული პოეტების მიმართ. გალაკტიონი ხომ ქართული ენის ჯადოქრული ამუსიკებაა.

რატომღაც პოეტისეული კარაღეთის დღეების მოგონებათა შუქის მოფენას ვგრძნობ, როდესაც ვიგონებ გალაკტიონის მოგზაურობას თავის სამშობლო კუთხეში — ვანის რაიონში, — 1955 წლის ივლისის პირველ რიცხვებში. თბილისიდან ამ მოგზაურობაში პოეტს ვახლდით: პოეტი ანდრო თევზაძე — წრფელი კაცი, მთელი არსებით მგრძნობელი პოეტური სიტყვისა, შესანიშნავი დეკლამატორი: მასწავლებელი ფატი ნიშნიანიძე — თავდავიწყებული მოყვარული გალაკტიონის ლექსებისა (ფ. ნიშნიანიძემ კიდევაც გამოსცა მოგონებები გალაკტიონის მოგზაურობაზე); კულტურის სამინისტროს წარმომადგენელი — ვახტანგ გურგენიძე და მე. თბილისის სადგურზე, ღამით ვაგონში რომ მოვიყარეთ თავი, მე მომიჩვენა, რომ მგზავრობის პირობები ვერ იყო მთლად სასურველი და ერთგვარი საყვედური გამოვთქვი მგზავრობის მომწყობთა მისამართით. გალაკტიონმა უმაღლესი მომიჭრა სიტყვა: „რა დააშავა ახლა ასე-

თი ამ ხალხმა, ჩემო ძამიკო“. გავჩუმდი. მხოლოდ გავიფქრე. არ კი მითქვამს: „თქვენზე ვწუხვარ, თორემ მე რა...“

ცოტა ხნის შემდეგ გალაკტიონმა თვალი შეგვაკლო და თქვა:

— ჩავალთ ახლა ჩვენ იქ, ჩემს სოფელში, და დიდ კოცონს ავაგზიზიზებთ, არა?.. ჩვენთან ერთად ჩვენი ბესიაც რომ ყოფილიყო. კარგი იქნებოდა. მაგრამ არა უშავს, ჩვენც ხომ ოქროპირები ვართ პოეტს მხედველობაში ჰყავდა ბესო ქლენტი.

იმაზე, თუ როგორ აღფრთოვანებით შეხვდნენ პოეტს თანამემამულეები, სიტყვას არ გავაგრძელებ. მე უფრო პოეტის პიროვნების გამოვლინებას ვინსენებ.

ჩემი შთაბეჭდილებით, თავის სამშობლო კუთხის მიწაზე რომ დადგა ფეხი, პოეტმა თითქოს მოიწყინა. ვინ იცის, გარდასულ სახეთა და სურათთა რაოდენი ლაშქარი შეესია მის მგრძობიარე ზღვას და რანაირი ფიქრები აღუძრა მას. სიტყვაძუნწობდა, იშვიანად თუ გაიღიმებდა. მახსოვს, მხოლოდ რამდენიმე ხანდაზმულ ნაცნობს გაუცინა. ხელი ჩამოართვა და ზოგიერთი, ეგონებ, კიდევაც მოიკითხა. კარგი იყო პოეტის შეხვედრა თავის ბიძაშვილთან — სვიმონ ტაბიძესთან — ტიცთან ტაბიძის ძმასთან. ისინი ერთმანეთს გადაეხვივნენ და მე მომეჩვენა, თუ მართლაც ასე იყო. დაბეჭითებით ვერ ვიტყვი, — ორთავეს თვალებში თითქმის ცრემლამდე მისული სიხარული შევნიშნე.

ვანელებმა რამდენიმე წვეულება მოაწყვეს გალაკტიონის პატივსაცემად. იქ არსად პოეტს წვეთი ღვინო არ დაუღევია. ბინად ვანის სასტუმროში ვიყავით. ერთი ღამის გათევა პოეტსა და მე ერთ ოთახში მოგვიხდა. რაღაცნაირი იღუმალებით აღსავსე ეს ღამე ჩემთვის დაუვიწყარია. შუაღამე გადასული იქნებოდა, როდესაც ძილში მძიმე ოხვრა ჩამესმა. გამეღვიძა. თვალი გალაკტიონის საწოლისაკენ გავაპარე. პოეტი თითქოს ღამის ლანდებს ეჩურჩულებოდა, ფანჯარას მისჩერებოდა, თვალები ფოსფორულად უკიაფობდნენ, დროდადრო ოხრავდა. შევეცადე, რომ პოეტს არ გაეგო ჩემი მღვიძრობა, უეჭველად ფრიად განსხვავებული სულიერი აღნაგობას ადაღიანი იყო გალაკტიონი. ჩანს, ზოგჯერ მას ძლიერი ღამეული ხილვები ჰქონდა. დილით პოეტს თითქოს სრულიად უადგილოდ და უკავშიროდ ვუთხარი:

— რაშია საქმე, ვერ გამიგია! ასე მეჩვენება. რომ აქაურ ღამეში თითქოს შავი გედები დასტურავენ.

პოეტი, მგონი, მიმიხვდა, რომ ღამის სიუცეტის განვითარება მსურდა, რათა მისი შემოქმედებითი ფსიქოლოგია მეგრძნო; შეფარული ირონიით მიპასუხა:

— ნუ გეჩვენება! რა უნდა შავ გედებს ამ ჩვენს მხარეში!

იმ დღეს რაიონის ცენტრს აუარებელი ხალხი მოაწყდა: მოსწავლეები, ინტელიჯენცია, კოლმეურნეები. საგანგებოდ გამართულ ტრიბუნაზე მასპინძელთა შორის მტკიცე ბურჯივით იდგა უღალწვეროსანი ქარმაგი კაცი — გალაკტიონ ტაბიძე. თვითული ჩვენთაგანი ცდილობდა თავისი საუკეთესო სიტყვა ეთქვა დიდ პოეტზე. მიუხედავად დიდი მონდომებისა, ჩემი სიტყვის კმაყოფილი ვერ დავრჩი. მახსოვს, შეკრებილთ მივმართე: „თქვენა დიდებული თანამემამულე საქართველოს სახალხო პოეტი — გალაკტიონ ტაბიძე თანამედროვე ქართული პოეზიის დიდი დედაბოძია. იგი ისევე უსწორებს მხარს ჩვენი დროის პოეტური კულტურის მსოფლიო მწვერვალებს, როგორც თავიანთ ეპოქაში მსოფლიო პოეზიის მწვერვალებს მხარს უსწორებდნენ შოთა რუსთაველი, ნიკოლოზ ბარათაშვილი, ვაჟა-ფშაველა“..

სხვებთან ერთად მეც შევეცადე მსმენელთათვის შეგრძნობინებინა გალაკტიონის შემოქმედების სიდიადე და სიმშვენიერე... მაგრამ, მოგეხსენებათ, მიტინგს თავისი განსხვავებული გარეგანი სმენა აქვს. გალაკტიონის პოეზიაში ჩასაწვდომად კი, ისე როგორც ყოველ დიდ პოეზიაში ჩასაწვდომად, შინაგანი სმენის განსაკუთრებული გამახვილებაა საჭირო...

შესანიშნავი იყო დიდი წვეულება ღამით, ტოტებგაშლილი უზარმაზარი კადრის ქვეშ — სოფელ სალხინოში — ლორთქიფანიძის კარმიდამოში. შესაძლოა, საღაც აქ გალაკტიონისეული ატმის ყვაილებას ან დაბინდული ქლიავის ფერებიც გაგხსენებოდათ. გალაკტიონი აქაც რატომღაც მკმუნვარე და მდუმარე იყო. შედარებით ხალისიანად გამოიყურებოდა იგი ერთ-ერთი საშუალო სკოლის მოსწავლეებთან შეხვედრისას; აქა-იქ მოსაწვლეთა ჭგუფებს რამდენჯერმე ხელიც გადახვია.

სოფელი ქყვიში. პოეტის მამაპაპეული კარმიდამო რაიონის პირად, მისი მამაპაპისეული სახლი-დარბაზი, დაბლა დადგმული უბოკონო. აქ პოეტი უჩვეულოდ შემოკრებილი და შეუდარებელი იყო. თითქოს მთელი ეს დღეები იგი შინაგანად ემზადებოდა, რომ აქ აფეთქებულიყო, დიდებულად აფეთქებულიყო. თავის ძველ :სახლში, ორმწკრივად გაშლილ სუფრაზე, რომელსაც იქით-აქეთ ესხდნენ პოეტის თანასოფლელები, კოლმეურნეები, მასწავლებლები, შინაური და გარეშენი. პოეტმა წარმოთქვა შესანიშნავი სიტყვა ფორმი-თაც და შინაარსითაც. ეს იყო მხურვალე აღსარება, შთაგონებული მონოლოგი. გულწარმტაცი ქადაგება. ბევრი კინო და ფოტოაპარატის ნაცვლად საქართველოს კინომუშაეებს ერთი მაგნიტოფონი

რომ წამოეღოთ და პოეტის ეს სიტყვა ჩაეწერათ, შთამომავლობას პოეტის ბრწყინვალე ნააზრევს შეუნახავდნენ. მე, რასაკვირველია, არ ძალმიძს იმ სიტყვის მიახლოებითი აღდგენაც კი, მხოლოდ ზოგ რამეს თუ გავიხსენებ ძლიერ მკრთალად, ძლიერ შორეულად.

— მოკეთებო, მეზობლებო, მეგობრებო! — მიმართა ხალხს პოეტმა, — მე მოვედი აქ ჩემს ძველ კარმიდამოზე, ჩემი რიონის პირად, მოვედი ჩემი ბავშვობის, ჩემი ყმაწვილკაცობის გადაკარგულ დღეებთან, მოვედი თქვენთან, რომ ერთხელ კიდევ განვაშტკიცო ბედნიერი შეგნება იმისა, რომ მე თქვენი სისხლი და ხორცი ვარ. რომ ჩემი ყოველი ღირსება და ყოველი ნიჭი თქვენებურია, თქვენი ზიარია, ჩვენებურია... მოვედი თქვენთან, ჩემს მეზობლებთან, ჩემს მოყვრებთან, რათა კვლავ და კვლავ გავიხსენო, რომ ჩემმა წინაპრებმა, თქვენმა წინაპრებმა, აქაურმა მიწის მუშამ, აქაურმა მეზობლემ მასწავლეს მე გულისხმიერება ყოველივე სულდგმულის მიმართ, ყოველივე იმის მიმართ, რაც კი ქვეყნად არსებობს. გულისხმიერება ნიშნავს იმას, რომ შეგეძლოს ყური დაუგდო მთელი ქვეყნის ხმას, მთელი ქვეყნის ჭირ-ვარამს, ყური დაუგდო ყოველი არსების ხმას, ამ ცრს, ამ მიწის, ამ ხის, ამ მდინარის ხმას და შენი ხმა, შენი გულისცემა შეუწყუო ამ ხმებს... მე აქაური მეზობლისაგან გამიგონია, დედაჩემისაგან გამიგონია, რომ არის ერთი მწივანა ჩიტი. რომელსაც თავისი ხმის გარდა არაფერი არ ესმის. ამიტომაც ამ მწივანა ჩიტის ხმა შესაზარია. იადონი კი მუდამ ყურს უგდებს ბუნების ხმას, ბუნების გალობას და თავისი ჰანგებით ეხმაურება მას. ამიტომაც არის იადონის გალობა ასეთი მშვენიერი და მომხიბლავი... ასეთი უნდა იყოს პოეტიც...

გალაკტიონმა დიდხანს ილაპარაკა გულისხმიერებაზე, როგორც ყველაზე დიდ სიკეთეზე, რაც კი შეიძლება ჰქონდეს მომადლებული ადამიანი; ილაპარაკა იმაზე, რომ გულისხმიერებით შეიძლება შემუსროთ თვით ბოროტებაც კი; ილაპარაკა შრომის წარმტაც სილამაზეზე, მის დიდ ზნეობრივ ძალაზე, ილაპარაკა საემშობლოს სიყვარულზეც...

პოეტის სიტყვას ყურს რომ ვუგდებდი, გზადაგზა, ასოციაციით. მისი ზოგიერთი ლექსის სტრიქონები მახსენდებოდა. ბუნების მუსიკისათვის ყურის დაგდებასთან დაკავშირებით გაახსენდა:

მოგონებებმა შენს ჩრდილში ნახა
მზე გამჟვირვალე, როგორც თევთიკი,
ვესაუბრები შენს ჩრდილს — რაა, რომ
მე პოეტი ვარ, შენ — ევკალიპტი?

ვწუხდი და აქამდე ვწუხვარ, რომ ვერც პოეტის სიცოცხლეში და ვერც მას შემდეგ მომიხერხდა დამეწერა მისი შემოქმედების შესახებ ვრცელი და საფუძვლიანი რამ, გარდა ორიოდე რეცენზიისა და რამდენიმე სახელდახელო დახასიათებისა, რაც ზოგიერთ წერილსა თუ ზეპირ სიტყვაში გამომიტყვამს.

მცირე წერილი, „გალაკტიონი“, დაიწერა და დაიბეჭდა („ლიტერატურული გაზეთი“, 1959 წელი, 21 მარტი, № 12) პოეტის სამგლოვიარო დღეებში, როდესაც ქართველი ხალხისა და ქართული მწერლობის მწუხარება მოულოდნელი დიდი დანაკლისის გამო პირგახსნილ ჭრილობას ჰგავდა, რომლის ტკივილი ჭერ კიდევ ვერ ჩამდგარიყო თავის ფოსოში.

რეცენზიას კი „გალაკტიონის რჩეულის გამო“, რაც გაზეთ „კომუნისტის“ 1955 წლის 14 აგვისტოს ნომერში დაიბეჭდა, საკმაოდ პრეტენციოზული სათაურით — „გალაკტიონ ტაბიძის პოეზია“, სულ სხვა „ბიოგრაფია“ აქვს. ეს რეცენზია დაიწერა რედაქციის დაკვეთით და ვიცი, რომ იგი ნამდვილად წაიკითხა პოეტმა. მოხდა ისე, რომ წინადღიო, ე. ი. 13 აგვისტოს გალაკტიონმა მითანამგზავრა თავის „პობედაში“. იმ დღეს ვაჟას საღამოს დავესწარით დუშეთში, მეორე დღეს კი — დიდ შეკრებილობას ჩარგალში — ვაჟას კარმიდამოზე. გალაკტიონმა, რასაკვირველია, არაფერი იცოდა იმის შესახებ, რომ მისი რჩეულის გამო დაწერილი მქონდა ცოტა რამ და არც ველოდი, რომ იგი იმ დღეს დაიბეჭდებოდა. მაგრამ რედაქციის მუშაკისაგან ჩარგალშივე გავიგე, რომ რეცენზია დაბეჭდილიყო. მალე გაზეთებიც მოიტანეს. შევწუხდი, ვაითუ პოეტმა ჩვეული შემპარავი ირონიით დამსეტყვოს-მეთქი. გაზეთი რომ უჩვენეს, თითქოს გაიკვირვაო, თვალეებში რაღაც ძნელად გამოსაცნობი ციაგი ჩაუდგა, ჩაათვალიერა გაზეთი, ირიბულად გადმომხედა და წამოიძახა: „აბა ჰე. აბა ჰე... გავახაროთ...“, მცირე პაუზის შემდეგ დაუმატა: „ხალხი, ძამიკო, ხალხი!.. აბა, ვინ? აბა, ვნახოთ!..“ და თითქოს ნაძალადევად გაიცინა. ღმერთმა უწყის, რა გაიფიქრა მაშინ პოეტმა.

ჩარგალში მიტინგის დამთავრების შემდეგ, ფშავის არაგვის პირას, მურყნიანში, მწვანეზე დიდი სუფრა გაიშალა. ვაჟასა და სხვა დიდი ქართველი კლასიკოსების მოსაგონარის შემდეგ თამადამ — გიორგი ლეონიძემ გულხშიერად და ალერსიანად ადღეგრძელა გალაკტიონი, უფროსი ძმა და ამჟამინდელი საქართველოს პირველი პოეტი უწოდა. გალაკტიონი რატომღაც მაინც მოწყენილად გამოიყურებოდა; სუფრაც ადრე დატოვა... თბილისში რომ ვბრუნდებოდით, იგი შოფრის გვერდით იჯდა და სულ ფიქრებში იყო წასული.

მიეღ გსაზე, როგორც მახსოვს, მხოლოდ ორხელ თუ სამხელ დას-
ძრა სიტყვა და ისიც უფრო თავისთვის ჩაილაპარაკა: „ხალხი, ჩვენი
ხალხი...“

სხვა შეხვედრათაგან მესხიერებაში განსაკუთრებით ცხოვლად
ჩამრჩა ერთი შეხვედრა. ეს იყო რამდენიმე თვით ადრე პოეტის და-
ლუპვამდე. იგი საქართველოს მწერალთა კავშირის შენობის შესას-
ვლელთან იდგა. იქვე სხვებიც იყვნენ, — მათ შორის ნადირობის
გატაცებით მოტრფიალე მწერალი ანდრო ლომიძე. ანდრომ მკითხა,
დავდივარ თუ არა სანადიროდ. ამას ყური რომ მოჰკრა, გალაკტიო-
ნი მომიბრუნდა და მითხრა:

— თოფ-იარაღი აისხი და ჩემთან ამოდი წყნეთში. პირდაპირ
საარაკოდ ვინადირებთ!

— ე, მაგრამ წყნეთში რა არის სანადირო, ბატონო გალაკ-
ტიონ?

— ვეფხი, ძამიკო, ვეფხი!.. აბა, ვეფხზე ნაკლები რა უნდა მოკ-
ლან ჩვენისთანა ვეფხებმა?

ეს იყო ჩემს მიერ გაგონილი უკანასკნელი ხუმრობა გალაკტიო-
ნისა.

აკაკი და გალაკტიონი

ასეა ხოლმე:

დიდი ხელოვანები იმდენად სრულყოფენ თავიანთ ხელოვნებას, იმ სიმაღლეზე ასწევენ მას, რომ თითქოს მთელ მის შესაძლებლობას ამოსწურავენ. ასე გგონიათ, რომ მომდევნოებს ხელოვნების ამ დარგში საკეთებელიც აღარაფერი რჩებათ: უკეთეს შემთხვევაში, ნიჭიერ მიმბაძველებად უნდა გალიონ თავიანთი დღე და მოსწრება... ან არადა ახალი გზები უნდა გაკვალონ.

აქ ილუზია და ნამდვილობა გადაწულია ერთმანეთში.

მართლაც, უკვდავი რუსთველის შემდეგ ხომ ბევრი ნაჭიერი ქართველი შეექვიდა ქართულ პოეტურ სიტყვას, მაგრამ არსებითად ვერც ერთი „ვეფხისტყაოსნის“ დიდ ჩრდილს ვერ გასცდა. სანამ გურამიშვილმა ამ ჩრდილში საჭიატოს არ მიაგნო და ქართულ ლექსს ახალი სასუნთქავი არე არ გაუჩინა. მერე ის იყო, რომ „მერანის“ ჭაბუკმა, მაგრამ ბედუკულმართმა ავტორმა ქართულ მუზას უძლიერესი და უმშვენიერესი ფრთები შეასხა და ახალ მწვერვალზე ატყორცნა. ეს მწვერვალი შემდეგ ახალ მწვერვალებად გაზიდეს ილიამ. აკაკი, ვაჟამ და ქართული ლექსის ნექტარი თითქოს სულ მთლად ამოსწოვეს. იმას, რაც მათ იმღერეს და როგორადაც იმღერეს. უკეთესად ველარაინს იმღერებდა. საეჭვო იყო, რომ გაუნდლებლად ქართული პოეზიის ხეს კვლავინდებურად მოესხა ნაყოფი მშვენიერნი. ლექსის დაწერა შეიძლება ყველამ მოახერხოს, მაგრამ ახალი პოეტური სამყაროს აღმოჩენა რჩეულთა ხეიდრია.

პირველი კი იმათ შორის, რომელთაც წილად ხვდათ ქართული ლექსის განედლება-განახლება, უეჭველად იყო გალაკტიონი. რასაკვირველია, ამისათვის მომწიფებული იყო ობიექტური ნიდაგიც, რომლის გარეშე ვერც ერთი გენიოსი ვერ მოახდენს რაიმე საგულისხმო ძვრას საერთოდ კულტურის, კერძოდ, კი პოეტური კულტურის სფეროში.

გალაკტიონმა წიწამურის ტრაგედიას ქართული პოეზიის ერთი დიდი ეპოქის დასასრული უწოდა:

წიწამურში რომ მოკლეს ილია,
მაშინ ეპოქა გათავდა დიდი.

მარტალია, ამის შემდეგაც ქართული პოეზიის ორი ტიტანი —
აკაკი და ვაჟა რამდენიმე წელს კვლავ ამდიდრებდნენ ერის საგან-
ძურს ბერძნული თვალ-მარგალიტებით, მაგრამ მათი პოეზიის მწვერ-
ვალი უკვე აღრევე იყო მათ მიერ დაპყრობილი. და სწორედ იმა-
ტომ, რომ ეპოქის ინტელექტუალური და ემოციური შინაარსი მომ-
წიფებული იყო ამისათვის, გალაკტიონმა ქართული პოეტური ხე-
ლოვნების საძირე ნერგებს ევროპულ-რუსული პოეზიის სიახლე-
ნიც დაამყნა და ქართული ლექსის ჯიშში განაახლა. ამ განახლების
ერთ-ერთი არსებითი ნიშანი მდგომარეობდა იმაშიც, რომ, თუ აქამ-
დე ქართული ლექსი დამყარებული იყო სიტყვის, ფრაზის, სახისა
და სურათის ზუსტსა და პირდაპირ მნიშვნელობაზე და ამ მნიშვნე-
ლობასთან შეთანხმებულ მუსიკალობაზე, გალაკტიონმა სიტყვას,
ფრაზას, სახესა და სურათს ერთგვარად მოხსნა ლოგიკური სიმკაც-
რე და ლექსი უმთავრესად მის ასოციაციურ-ემოციურ კავშირებზე,
მის მელოდიურ ელემენტებზე დაამყარა. აღრინდელი ლექსისათვის,
მაგალითად, სრულიად უცხო იქნებოდა ამგვარი პოეტური ასოცია-
ციები და კავშირები:

შორეული ქალის ეშბი
მოყა... მაგრამ როდის?
სიყვარული სიციცხლეში
მხოლოდ ერთხელ მოდის

ამაღლი, სულ. თეთრ აკლამაზე
მშვენიერების ლექსით მქებელი:
დღეს ყველგან მზეა და სილამაზე
სიკედელთან ჩემი შემრიგებელი.

აკავე კბეებს — სადაც სფინქსი ქვებს ეფარება.
და შიშში გრძნობდე. რომ ახლოა ბედნიერება,—
ოჰ! რამდენია სიციცხლეში ასეთი წამი!
და ვან-დეიკის ლანდებივით მწვანდება ღამე...
ოჰ! რამდენია, რამდენია ასეთი რამე-
სულში გენიით ატეხილი რეკავს ლერწამი,

მე ძლიერ მიყვარს იისფერ თოვლის
ქალწულელებივით ხიდიდან ფენა:
მწუხარე გრძნობა ცივი სისოვლის
და სიყვარულის ასე მოთმენა.

რა იყო ეს? ეს ხომ არ ნიშნავდა აკაკის პოეზიის რეალისტური
ტრადიციების უარყოფას? არავითარ შემთხვევაში! მარტალია, გა-

ლაკტიონი ნაყოფიერად დაესესხა სიმბოლისტურ პოეტიკას, მაგრამ აკაკის ესთეტიკური პროგრამაც მისთვის ყოველთვის სისხლხორცეული იყო. ამ პოეტური ნაკადების განვითარებით და გაღრმავებით გალაკტიონმა უეჭველად გააფართოვა ქართული ლექსის მელოდიურ-ემოციური საზღვრები, გაამდიდრა პოეტური მეტყველება, გააძლიერა მოულოდნელობის ელემენტი პოეზიაში.

საერთოდ, ჩემი აზრით, ესა თუ ის ლიტერატურული მიმართულება ერთგვარი პირობითი ჩარჩოა, რომელსაც ძნელად თუ შეუძლია დაიტოოს დიდი პოეტური შემოქმედების მთელი სიმდიდრე.

ქართულ საძირე ნერგთაგან თავის პოეზიაში გალაკტიონს ყველაზე მეტი აკაკის პოეტური ბაღნარიდან აქვს მოტანილი. მის ბევრ მშვენიერ ლექსში ახლებურად ჟღერენ აკაკისეული მელოდიები, რომლებიც თავის მხრივ ქართველი ხალხის საპირვარამო სიმღერების სულიდან არის ამოტაცებული. გავიხსენოთ თუნდაც, რა თავისებურ პოეტურ ექსპრესშია გადაყვანილი აკაკის „საიდუმლო ბარათი“-ს რიტმი ისეთ სრულიად განსხვავებულ ლექსში, როგორიცაა „ლურჯა ცხენები“.

მაგრამ საკითხი, თუ როგორ განვითარდა გალაკტიონის შემოქმედებაში აკაკის პოეზიის ტრადიციები, სპეციალურ გამოკვლევას მოითხოვს. აქ კი მე მსურს, შევეხო მხოლოდ აკაკის თემას გალაკტიონის პოეზიაში.

ეს თემა გალაკტიონისათვის ერთობ ორგანულია. მას უაღრესად და უგულწრფელესად უყვარს აკაკი და განუმეორებელი პოეტური სიმძაფრით განიცდის მის სიდიადეს, მისი პოეზიის ჩაუქრობელ ნათელს. მთაწმინდის საფანეში, ალბათ, აკაკის სამარის მიწაც კი არ იყო გამშრალი, როდესაც დაახლოებით 23 წლის გალაკტიონმა უძლიერესი პოეტური წარმოსახვით საყვარელი მგოსნის დიდებული ლანდი გამოიწვია და მის უკვდავ სახელს მშვენიერი ლექსი აღწო. ამ ნაღვლიანი, მაგრამ ამადლებული სულისკვეთებით გამსკვალულ ლექსს შეეყავართ რაღაც მალალადამიანური განცდების, სისპეტაკისა და სიდიადის ხელთუქმნელ სამყაროში. არა მგონია, ვინმეს — პოეზიის მოყვარულს — დაჰზარდეს მისი გახსენება:

მღუმარი მხარეს შორი მთებისას
დაძხარის ღამე და ანდამატი,
იქ, როგორც ლანდი მწუხარებისა,
გამოჩნდა მალალ პოეტის ლანდი!
თეთრი ჭაღარით მოსილი თმები
ელავდა ელვის ელვა-ციმციმით
და მოხიბლული იყო მთიები

დიდებულ სახის ღვთაებრივ ღირსებით.
 მძიმე და დაღლილ ფეხის ხმას გრძნობდა
 ნელინელ მსვლელი ღრუბელი ჩუმი
 და მოძრაობდა ღამის მნათობთა
 ალღელებული ელიზიუმი.
 გრძნობდა თანაბარ მოახლოებას
 განცვიფრებული და დიდი მთები,
 შეუცნობ — ხშირი შრიალით შეკრთა
 მშობლიური ტყის მწვანე ზვირთები.
 მაშინ ბავშვივით მიჩუმდა შქერი,
 შეწყდა მდინარეთ ზვირთების მღერა, —
 მხოლოდ გრაალმა გზა მრავალფერი
 ნაპერწკლის დროშით ააღღერა.
 და საიდუმლო შუქით შემოსა
 მიწყნარებული გზა იშვიათი: —
 ჩუმად, დაღლილი სანთლებით მოდის
 მწუხარე ღანდი... მაღალი ღანდი.
 ოპ! ასეთია დღეს განსაცდელი
 და არ დაგეტოვებს პოეტი ობლად,
 რომ არ აანთოს ისეუ სანთელი
 დავიწყებული ხატის მახლობლად.
 იქნება ჩვენთვის, იქნება ჩვენში,
 იქნება ჩვენთან მარად და მარად —
 ჩვენი სიზმრების სიდიადეში,
 ჩვენი ფიქრების ღრუ ჩვენი-ქარად.
 მაღლს არ მოგვკაცებს და შუქს უსიტყვოს
 მისი, პოეტის, მაღლით ანთება.
 კურთხეულ იყოს, კურთხეულ იყოს,
 კურთხეულ იყოს ეს მოღანდება.

დიდი მგონის სახიერება ერწყმის მშვენიერების გრძნობას, რა-
 საც უეკველად იწვევს ლექსის ჯტყუარი შინაგანი მუსიკა და ესოდენ
 დიდებული, ესოდენ მრავალმეტყველი სანახაობა — საიდუმლო შუ-
 ქით შემოსილი იშვიათი გზით და დაღლილი სანთლებით რომ მო-
 დის მწუხარე ღანდი დიდებული მოხუცისა. ეს თითქოს ილიას აჩრ-
 დილის მსგავსად საქართველოს მარად და ყველგან თანამდევს სულის
 ამადლებული სახეები. ეს განცვიფრებული მთებიც, შეუცნობი ხში-
 რი შრიალით შემკრთალი ტყის მწვანე ზვირთებიც, ბავშვივით მიჩუ-
 მებული შქერიც, მდინარეთა შემწყდარი სიმღერაც და ციხის ნაპერ-
 წკლებით აღღერებული გზაც — ბუნების ეს საოცარი განაბვა და
 გულისცემა, როგორც წარმტაცი პოეტური სურათი, განა როგორღაც
 არ გვაგონებს ბუნების იმ დაძაბულ მიყუჩებას, როდესაც ავთანდი-
 ლის სიმღერის სმენად მხეცნიც მოვიდნიან და წყალთაგან ქვანიც გა-
 მოსხდინან?

მე ვიტყვოდი: პოეტურ ხილვათა ასეთი ნათესაური თანაზიარობა სავსებით ბუნებრივია პოეტისათვის, ვინც ასე ღრმად განიკვლის მტკიცე მემკვიდრეობითს კავშირს დიდ წინაპართან.

გრიგალია თუ სეტყვაა,
არ მეშინია მე სხვისა;
ქართულში გამოხედვაა
იმ ერთი ვინმე მესხისა.

„აკაკის ლანდი“ — ეს შესანიშნავი პოეტური ხილვა ცივი გონებით არ წაიკითხება. იგი გულით უნდა მოისმინოთ და იხილოთ, რომ ნამდვილად ჩაწვდეთ იმ პოეტის მაღალი არსების უღრმეს პოეტურ განცდას, ვინაც თქვა — „ჩემი ხატია სამშობლო, სახატე — მთელი ქვეყანა“ და ვინც განსაცდელის ჟამს ობლად არ დაგვტოვებს და ყოველთვის აანთებს თავის პოეზიის კაშკაშა სანთელს ამ ხატის წინაშე. ამიტომაც იგი „იქნება ჩვენთვის. იქნება ჩვენში, იქნება ჩვენთან მარად და მარად“. ლექსის ამალღებულ სულისკვეთებას კიდევ უფრო აძლიერებს ძველი ქართული სამკვიდრებელი: „კურთხეულ იყოს, კურთხეულ იყოს, კურთხეულ იყოს ეს მოლანდება“.

ლექსი „აკაკის ლანდი“ — დიდი მგოსნის ბრწყინვალე პოეტური ძეგლია, რომლის ემოციურმა ენერგიამ, შესაძლოა, უფრო მეტად გვაგრძნობინოს აკაკის პოეზია, ვიდრე ცივი გონების ბეერმა ნაყოფმა.

ამ ლექსის დაწერის დროიდან დაახლოებით ოცდახუთი წლის შემდეგ გალაკტიონი კვლავ დაუბრუნდა აკაკის თემას უფრო ვრცელი მასშტაბით.

მართალია, პოემა „აკაკი წერეთელი“ პოეტური ძალით გალაკტიონის ლირიკულ შედეგებთან ვერას გზით ვერ მივა; აქ, როგორც ჩანს, მათი პარმონიული შერწყმის ნაცვლად, გონებისმიერმა რამდენადმე დაჩრდილა გულისმიერი, თანაც, უნდა ვიფიქროთ, ჟანრიც ვერ მოპყვა კარგად ხელში პოეტს, რადგან გალაკტიონი უწინარეს ყოვლისა, მთის მდინარესავით მოვარდნილი ლირიკოსია. მაგრამ პოემა მაინც ფრიად მნიშვნელოვანი ლიტერატურული ფაქტია, რომელშიაც იგრძნობა უღრმესი სიყვარული დიდი პოეტისადმი. ეს თავისებური პოეტური მონოგრაფია საკმაოდ ცხოვლად წარმოგვიდგენს აკაკის შემოქმედებითს პორტრეტს და მისი პოეზიის გაგებაში, შეიძლება ითქვას, თამამად დაუდგება წინ სქელტანიან მონოგრაფიებსაც კი. გარდა იმისა, რომ პოემის ცალკეული ადგილები ძლიერი პოეტური შთაგონებით არის შესრულებული, ფრიად საყურადღებოა მისი ისტორიულ-სოციალური და ეთიკურ-ესთეტიკური კონცეფცია.

პოემის ზნეობრივ-ესთეტიკური საფუძველი შეიძლება ასე გამო-

ითქვას: ისე როგორც ადამიანი სრული, სრულფასოვანი და ღირსეული შეიძლება იყოს მხოლოდ მაშინ, როდესაც იგი მთელი არსებით ეძლევა თავის საქმეს, როდესაც მას გააჩნია ისეთი კაცობრიული მიზანი. რაც მთელი მისი ადამიანური ძალების ამოქმედებასა და ხარჯვას მოითხოვს, პოეტიც. შემოქმედიც მხოლოდ მაშინ ქმნის გარდუვალსულიერ ღირებულებას, როდესაც უანგაროდ და მთლიანად ეწირება შემოქმედებას, როდესაც მისი ფანტაზია, მისი ნიჭიერება, მთელი მისი ადამიანური ძალები მოქმედებაში მოჰყავს დიდ საზოგადოებრივ მიზანს, ნათელ ზნეობრივ და ესთეტიკურ იდეალს. დიდი შემოქმედება დიდი თავდადებაა. ასეთი შემოქმედი იყო აკაკი.

პოემის შესავალში მოცემულია აკაკის ზოგადი პოეტური დახასიათება. მის უმაღლეს იდეალს შეადგენდა მშობელი ქვეყნისა და მშობელი ხალხის თავისუფლება. ამ იდეალმა და მისთვის უანგარო თავდადების გრძნობამ გაანაყოფიერა აკაკის პოეტური გენია. პოეტმა, რომელმაც „მთები დასდგა მარგალიტების“ და რომლის პანგებშიც ღრტყინავს „კაცის თრგუნვილი სული“. ადამიანურ უფლებათა ამაყი შეგნება „შტრისძიებად გადაქცეული“.

ხალხი არჩია წმინდათა-წმინდათ.
მასში წრფელ გრძნებებს აგზნედა დიდათ,
მან უმაღლესი მისწრაფებანი
გასდო მომავლის გზადა და ხიდათ.

აკაკის პოეზია მარადისობის თანაზიარია, მის სიმღერებში ჩქევს „მარადისი ახალგაზრდობა“. ამიტომ ეს სიმღერა უქრობი შექივიით ვაჰყვება ქვეყნისა და ხალხის მოშავალს.

წარულიან წელნი. მოვა სხვა ხანა
და იმ სიმღერით. იმ გპირთა თანა
იბრძვის. წინ იწევს და ძღერდება
ზეშთაგონებით სავსე ქვეყანა.

საკუთრივ პოემა ჩაფიქრებულია ორიგინალურად. პოეტი ისწრაფვის სურათებით, პოეტური ჩანახატებით, ლირიკული აღსარებებით. პოეტური თხრობით გვიჩვენოს და გვაგრძნობინოს ის გარე თუ შინა სამყარო, რომელმაც აწრთო და აღზარდა დიდი მგოსნის გული, გონება და ზნეობა, რადგან დიდი პოეზია, უწინარეს ყოვლისა, ადამიანის დიდი გონებრივი, ზნეობრივი და ემოციური ძალების ნაყოფია.

და აი, პოემაც „საქართველოს გზათა თანა“ მისდევს ერთ ცხენოსანს, რომელიც ზმანებაში მოველინა პოეტს. ცხენოსანის კვალდაკვალ ვხედავთ, ვგრძნობთ, განვიცდით საქართველოსა და ქართველი ხალხის ცხოვრების სხვადასხვა მხარეს — ისტორიასა და

ბუნებას, ყოფა-ცხოვრებასა და სულიერ განწყობილებას. ხალხის შრომასა და ბრძოლას, მწუხარებასა და სიხარულს, სიყვარულსა და სიძულვილს, ენასა და სიტყვას, როგორც სულში ვადატანილ სამშობლოს, ოცნებასა და მისწრაფებებს, იმედსა და უიმედობას — და ყოველივე ამას ექსოვება, როგორც სამშობლოს ხორცი ხორცთაჯანი და სისხლი სისხლთაგანი, აკაკის მოქალაქეობრივი და შემოქმედებითი ბიოგრაფია. პოეტი იბადება და ცოცხლობს სამშობლო ქვეყნის ქირსა და ლხინში, მის გულისცემასა და სუნთქვაში, აი, ესეც ხომ ქვეყნის ერთი სუნთქვაა, ფესვმაგარ მუხას რომ მიმართავს ცხენოსანი:

რადაც ვრცელი, იღუმალი
შენ გზახერებს ძალთა ძალი.
უხილავი უკვდავება,
პეუფება მრავალთვალის:
როგორა სცნოს კაცის სისხლმა,
აქ ქვა-ქვას რომ დაადულა,
რა ღიღება იგულისხმა?
პითხარ, მუსა, დიდო მუხა!
მსუელობათა დიდთა მჩენი
პიდოღნენ დღენი, თვენი;
ჟამო გაჰრა, კაცნი წაუვნენ...
სად? ვერა სცნობს დასარჩენნი.
ბევრი პოდგმა გადაშენდა
ღანგრეველი, ვიღა, მშენი,
მაგრამ ვანა მტერთა შენთა
საიდუმლო უთხრან შენი:

შემოსილო ერთ დროს ღრუბლით,
ეუბნოდა პარაც მუშლი;
იარებით დაიფარა
შენი მკერდი, შანი მკბლი.

ქვეყნის ისტორიის ეს დრამატული ვანცდა თითქოს ერთგვარი პოეტური ორეფლია ხალხური სიმღერისა „მუშლი მუხასა“, რომელიც შიაც ქართველმა ხალხმა მრავალპირნაცადი სამშობლოს სული გაამჟღავნა.

ჟამი დიდი ბედუქუღმართობისა სამშობლოს გულმხურვალე შვილთა გულში მწარე ნაღველს აგუბებს. ესეც ხომ სამშობლოს სუნთქვაა:

იყო საშინელი წამი,
გაყინველი, როგორც შხამი,
როცა სული უდაბნოა
და არა ჩანს ზეცის ნამი.

არ არსებობს გალიმება
არც ჭეშმარი. არც თქვენდაპირ...
ო. სიმებო! ო. სიმებო!
ხომ გიგარძენიათ თქვენ ეს წამი.

მაგრამ პოეზია, რა ნაღვლიანი და სევდიანიც არ უნდა იყოს ის, თუ ეს სევდა და ნაღველი ხალხის ცნობრების წიაღშია დაბადებული, მაინც ხალხის სიცოცხლისა და მისი სულიერი სიმშვენიერის მატყყებელია:

იგი გზაა და ცემციმი —
და მის ქნაოზე ზეური სიმი
სიკოცხლეა. თუ არ გაყუდა
ტლანქი ხელოთ დანაპირი.

ქვეშარითი პოეზია აფხიზლებს და აცისკროვნებს ხალხის სულს და ამ სულითვე სულდგმულობს; იგი ტკივილებითვე მკურნალობს ქვეყნის ტკივილებს; იგი სამშობლოს ძველი და ახალი იარების განსნაცაა და მოშუშებაც.

შე ვიგონებ გარდაპაჟალს
ამ ლაქეებს ბრავალთ ბრავალს.
როცა მტერი მოგვისპობდა
ყოველნაირ გამოსავალს.
მაგრამ შენ რას გაუყედრიდნენ.
ან რა შეელას. ანუ რა ეალს?
ჰკითხე მებს და ჰკითხე ვრიგალს.
შენს მწარე თავგადასავალს.
შენ ნუ გინდა. არ გაგონებ
უკზობას. მწარე დარებს.
დიდი ხნიდან შენზე ლაქერი
ამ არეზე დანატარებს.
მშრომელად შენნი. მღერომედ მქნის
და შემოქმედს დამადარებს,
არ გადამბიჭეს. არ გადმბიჭოს.
ბევრჯერ გამიღარ-სდარებს.

ამ აღსარებაშიაც ილანდება აკაკის პოეზიის ეროვნული ფესვები. ბუნება? ბუნების მუსიკა, მისი სახე და მისი მოძრაობა ხომ მართლაც დაუღვეველი სუნთქვა და გულისცემაა ქვეყნისა. ცხენოსანიც მიიჩქარის და თითქოს მას თან მისდევს საქართველოს ბუნების ფერების, ბგერების, ნაკვთების, ხვეულებისა და ხაზების ნიაღვარი.

და ლითონის ცივი ბზინვით,
აბრეშუმის ქსოვილივით
სივრცე გადაჰიმულია
სახნავ-სათეს ველთ ლივლივით

და გზის ყოველ ხვეულებით.
თითქოს რაღაც გრძნეულებით
შეიცვლება სახეობა
ხედით. ნაკვთით. ხვეულებით.

და იცვლება. და იცვლება,
რისი ცვლაც კი შეიძლება:
არემარე. გარეგნობა,
ნონათება. შენისლება.
თვითელი ჭაჭვი მთისა,
წვეტი ყოველ წვევრეალისა,
თვითელი გამოჩენა
ბორცვისა და გორაკისა —
თვით ხეობა, თვითონ ველი,
ხე ყოველი, ტყე ყოველი
აჩვენებს, თუ რანაირად
უხვია და უღვევლი,
რა ერცელია და ძლიერი,
დიდებული, მშვენიერი.
უბოლოო, მრავალფერი,
გათენება და ელფერი.
ისინი ხან უზარმაზარს
მოჩვენებით ჰგეანან ტაძარს;
როცა მიღულებულ შუქში
მოიკიდებს ცეცხლი ნაცარს.
ისინი ხან ზვინებია,
ქარს რომ მიუძინებია,
ოქროს ნისლში უხვევია
და ქედს მიუცილებია,
ისინი მზეს სწყურდებიან,
ჩუმად გამოცურდებიან,
შეთბებიან, გზას იცვლიან
და ქედს დაუბრუნდებიან.
ზოგი. როცა მზით ღვივდება.
შორით ამოტივტივდება,
აენთება. გაბრწყინდება
და სადღაც შორს გაცივდება.
მრავალნი გზას პირებიან
ნისლში ჩაიძირებიან,
ინთქმებიან თითქოს სადღაც
და კვლავ მოიწვირებიან.
ანდა, ასლა, მზად არიან.
რომ ღველფიან-ლადარიან
პაეროვან ბურუსებში
ელვარება გადარიონ;
მზად არიან შუქი ანთონ,

მიიფანტონ, მოიფანტონ,
მზის ჩასვლაში შეერიონ,
ქტრედისფერად გაილანდონ.
ხან იიან-ვარდებიან
გზებით მიიმართებიან,
ცაში კლდოვან მწვერვალებად.
გლექჩერებად მყარდებიან.

რა ძვირფასი ფერებია.
რა ნარნარი ჩქერებია.
მოძრაობენ იმნაირად.
თითქო სულიერებია.

რა სინაზით ელავს ველად
ლილისფერი მაჩიტელა,
დაუხრია კლდისკენ თავი
და სიზმრებში შედის ნელა.

ფოთოლთ ქლერა. წამთაქერა,
თითქოს სჯერა და არც სჯერა.
ყვავილობის ალტაცებას
მისცემა ფერა-ფერა.

იმისათვის, რომ მშვენიერი „ცა-ფარუზ, ხმელეთ-ზურმუხტო“
ამოემღერა, პოეტის გენიას უნდა შეეწოვა არა მარტო ერის ცხოვ-
რებისა და ერისათვის თავდადებულ ქართველთა გრძელი მატინანე,
არამედ მშობელი ქვეყნის ბუნების ულლვი ნაირფერობაც.

ცხენოსანი გადადის ღროთა მიჯნებსაც. იგი შემოდის ჩვენს ღრო-
შიაც. აქ მან ნახა

სულ სხვა მხარე. სულ სხვა ჰუნე,
სულ სხვაგვარი საუკუნე,
სულ სხვა ხანა წუთისოფლის.
ახლის გრძნობით მოღუღუნე.

და განახლებული ქვეყნის სუნთქვასა და გულისცემაშიაც ჩართუ-
ლია აკაკის დიდი პოეზია. მშვენიერი სიმღერა გადადის ცოცხალი
სახის მოძრაობაში: „ვილაც დადის, თვალს აცეცებს და საყვარლის
საფლავს ეძებს“. მართალია, სიმღერაში ისმის „ძველი დარდი და ნა-
ღველი“, „გატეხილი გულის ოხვრა“, მაგრამ

მასში თრთის და ცამდე აღის
მოწყურება სიღიადის,
რალაც დიდის და მალალის,
რალაც კარგის. იშვიათის.

რა მართლად არის ნაგრძნობი ნამდვილი პოეზია. მუდამ რომ გა-
წყურებს დიადსა და ამაღლებულს. ნათელსა და იშვიათს. რაც ყო-

ველავის სახელდებული როდია, მაგრამ ადამიანის ზნეობრივ ძალებს ყოველთვის ამალღებს და აფაქიზებს. ეს ესთეტიკური მრწამსიცაა — აკაკისაც და გალაკტიონისაც.

სადღაც ჩონგური წყრიალებს... და ჩვენი დროის ადამიანის სულსაც ფრავს ასხამს მშვენიერი „თავო ჩემო“, მიუხედავად იმისა, რომ იკვ ეარდასული დროიდან მოარჩევს

...უსაზღვრო მწუხარებას,
ულევ ცრემლთა მდულარებას,

ვარაჲს რასმეს და გულსაკლავს.
ფერმორებულულ ბედის ვარაკლავს,
წუხილს უბედურებისას,
ნაღველსა და ვაი-ვაგლახს.

აინღრა. რომელიც ასე შეიტკობ და შეითვისა ხალხმა,

მთელი ცაა, მთელი ზღვაა.
მაგრამ მეტად მეტისმეტად
ნაღელიანი სიმღერაა.

ეს ნაღველი კი დაბადებულია ქართველი ხალხის გულში იმ დროს. როდესაც იგი გმინავდა ეროვნული და სოციალური ჩაგვრის ორმაგი უღლის ქვეშ. ლექსიც „გახდა ხალხის კუთვნილება... რადგან სწორად გამოხატავს მისი გულის მოძრაობას“. აქ პოეტი იწყებს მსჯელობას, მსჯელობა, რასაკვირველია, არ არის პოეზიის ორგანული თვისება. თუმცა გააჩნია, სად და როდის. დიდი ოსტატი მას ზოგჯერ შესანიშნავ პოეტურ განათებად აქცევს.

რისთვის. მაინც, გვეკირდება ჩვენ
იმ წარსულის მწუხარება?

და იქვე პასუხობს:

ის გვეკირდება მის მიხედვით,
თუ რა გრძნობას გამოხატავს
თავის დარღვით, თავის სევდით.
მას შეგნება უნდა მტკიცედ
მომავლის ხმით და ფიცით.
ფასი თანადროულობის
ჩვენ წარსულის ცოდნით ვიცით.

ექვი არ არის, რომ ეს მსჯელობაა, მაგრამ ფრიალ საგულისხმო. პოეტის აზრი საკმაოდ ნაყოფიერია. შესაძლოა, მან მიგვიყვანოს საინტერესო დასკვნამდე პოეზიის ისტორიული არსის შესახებ და თვით გალაკტიონის ადრინდელი სევდიანი ლექსების გასაღებიც გვიჩვენოს.

ადამიანებს თავისთავად მწუხარება და ნაღველი არც ძველის-ძველი და არც ახალი არ სჭირდებათ. მაგრამ მათ მუდამ სჭირდებათ ადამიანობა და ადამიანური გრძნობები ანუ ყოველივე ის, რაც ადამიანურია. თავისი კონკრეტულ-ისტორიული შედგენილობით ჩვენი ჯროს ადამიანისათვის უცხოა. მაგალითად, ბედისწერის მწარე განაპტენიც ოიდიპოსის მიმართ, შუშანიკის წამებაც, ტარიელისა და ავთანდილის დიდი თავგადასავალიც, ჰამლეტისა და ოტელოს ტრაგედებიც. ანა კარენინას სულიერი დრამაც, მაგრამ ყოველივე ეს ადამიანებისათვის მუდამ საჭირო, ახლობელი და მიმზიდველი იქნება თავისი ადამიანური შინაარსით. ხელოვნებაც, პოეზიას იგი თუ მხატვრობა, მუსიკა თუ სახიობა, სხვას არაფერს შეიძლება ემყარებოდეს. თუ არა ადამიანურობის მარადიულ საწყისებს. მხოლოდ ხელოვნება ინახავს ყოველივე ადამიანურს თავის განუმეორებელ კონკრეტულ-ინდივიდუალურ სახიერებაში. და სწორედ ადამიანურობის მარადიული საწყისები ანიჭებენ ხელოვნების ქემშარტ ქმნილებებს საუკუნეობრივ სიცოცხლეს. ხელოვნების მშვენიერებაც მარადიულადამიანურის განსახებაა შინაარსისა და ფორმის ერთიანობაში. იგი დამთავრებულად არის ყოველ ცალკეულ ნაწარმოებში, მაგრამ ამავე დროს მრავალწახნაგოვანი და უწყვეტი ისტორიული პროცესიცაა. ამიტომ ხელოვნების წარსული სრულფუნქციონირებთანად მონაწილეობს მის აწმყოსა და მომავალში. შეიძლება ითქვას, რომ ხელოვნებას აქვს გრძელი ისტორია, მაგრამ არა აქვს წარსული, სამუდამოდ გარდასული და დაკარგული.

დიდი პოეზია, გარდა იმისა, რომ ესთეტიკურ სიამოვნებას გვანუჭებს. თავისი დროის ადამიანური შინაარსის ცოდნასაც გვაძლევს. წარსულის ცოდნა კი, პოეტის სავსებით მართებული აზრით, აუცილებელია იმისათვის, რომ თანადროულობა გავიგოთ და შევადგინოთ.

აკაკიმ. პოემის მიხედვით, ყველაზე სავსედ. ყველაზე მრავალმხრივად გამოხატა თავისი დროის საქართველოს ადამიანური შინაარსი. ქართული ხალხის ეროვნული და სოციალური ტკივილები. მისი ზნეობრივი იდეალები.

პოემის ავტორის ფართო ისტორიულ ერუდიციას მოწმობს პოემის ის საკმაოდ ვრცელი ნაწილი, რომელშიაც დახასიათებულია საქართველოს მდგომარეობა იმ დროს, როდესაც იგი მეფის რუსეთის კოლონიად ანუ „ერთ საცოდავ პროვინციად გადაიქცა“, როდესაც მეფის მოხელეთა განუკითხავი ძალადობა, შეერთებული ქართული ფეოდალური არისტოკრატის ასევე განუკითხავ ბატონობასთან, ალტანელი გადასახადები. შიმშილი და სიღატაკე. ეროვნულ-

ლობის ყოველივე გამოვლენისა და „საყვარელი დედაენის“ დევნა იწვევდა ქართველი ხალხის, ქართველი გლეხობის აჯანყებებს, რასაც თვითმპყრობელობა სისხლის ტბორში ახრჩობდა. ქართველი ხალხის ბევრი სისხლი, ცრემლი და ენერგია შეიწირა ეროვნული და სოციალური ჩაგვრის — ამ დიდი ბედუქულმართობის დრომ. მაგრამ, ბოლოს, მეფის მთავრობა თითქოს მიხვდა, ანუ პოემის სიტყვებით რომ ვთქვათ:

როგორც იქნა. მიხვდა მძორი,
რომ კვლა, დასჯა და ტერორი
სახელმწიფოს მართვისათვის
გზა ვერ არის სწორზე სწორი.

მიხვდა, რომ

საჭიროა გზა მელური,
მგლური, თითქოს მეზობლური.

და აი, ვორონცოვმა „შეუძახა მისიანებს“... მცირედი დათმობებითა, კარიერებითა და ჩინებით დაიწყო ქართველი თავადაზნაურობისა და მისი ინტელიგენციის „მოთაფვლა“. და ამათმა უმეტესობამაც ადგილად იცვალა ფერი: ქართველი ხალხის ეროვნული და სოციალური კეთილდღეობისათვის ბრძოლასა და თავდადებას მათ არჩიეს „სტანასთან მეგობრობა“. ეს იყო უამი სინიდისის დიდი განსაცდელისა. როცა

პატიოსან კაცად ყოფნა
ხომ ძნელია და ძნელია.

ო, რა მწარე განსაცდელია. ეს ხომ საშინელი ტკივილი და წყლუ-
ლია ყველა იმ დროისა და ვითარებისა, როდესაც საზოგადოებრივი
ცხოვრების ზნეობრივი საფუძვლები იმდენად მოშლილი და შერ-
ყეულია, რომ დიდი სულიერი რაინდობაა საჭირო იმისათვის, რომ
აღამიანმა აღამიანობა შეინარჩუნოს. ეს ხომ აღამიანის ამადლებუ-
ლი სულის კვნესაა იმ დროს, როდესაც ზნეობისა და სინიდისის ხმა
ეგოიზმისა და პირადი განდიდების ხახადალებული ვეშაპი ნთქავს.

განა აკაკისა და ილიას არ შეეძლოთ, ქედი მოეხარათ გაბატონ-
ებულთა წინაშე, ჩინ-მედლები მიეღოთ, გაქსუებულ მოხელეთა სა-
ვარძლებში ჩამჯდარიყვენ და ეცხოვრათ „მხიარულად, თავადურად,
ხელგაშლილად“.

მაგრამ არა. სწორედ ამ დროს აკაკი წერეთელი — შვილი „იმე-
რეთ მეფის შთამომავლის... ძველისძველი ფეოდალის“, მაგრამ ხალ-
ხის წიაღში აღზრდილი გენია —

ილიასთან ერთად. მსლებლად,
გამოვიდა თავის კლასის
პრალმდებლად და მამხილებლად.

პოემა უმღერის დიდი მგოსნის ამ სულეერ რაინდობას, მისი „მოუსყიდველი ჩანგის“ სიწრფელეს, ჩანგისას. რომელიც მხოლოდ სიმართლეს მსახურებდა და სიმართლით იმარჯვებდა.

საყურადღებოა პოემის ერთ-ერთი მოტივი იმის შესახებ, რომ აკაკი ქართველი ხალხის დემოკრატიული ფენების, კერძოდ კი გლეხობის სულისკვეთების გამომხატველი იყო არა მხოლოდ იდეურად. შეგნებით, არამედ ემოციურადაც, გრძნობათა წყობითაც, მეტყველებითაც. და სწორედ ამიტომ გახდა იგი მთელი საქართველოს გულის უღრმესი მესაიდუმლე, რომ იგი თანაბრად ახლობელი და გასაგებია ქართველთა ყველა ტომისათვის, რომ მისი პოეზია უაღრესად ხალხურია. შემთხვევითი არ იყო, რომ „ერთ მშვენიერ ხალხურ ლექსზე“, მესტიერე რომ მღეროდა, აკაკიმ თქვა: არამც თუ „მე, უბრალო მოშიარე“, არამედ თვით რუსთველი მოაწერდა ამან ხელსო. ამ დეტალით პოემა გამოხატავს იმას, რომ აკაკის პოეზიის თავანჯარა წყაროს ხალხური შემოქმედება. ქართველი ხალხის უმდადრესი ზეპირსიტყვიანობა წარმოადგენდა.

პოემა თავისებურად გადმოსცემს აკაკის მსოფლმხედველობის სათავეებს, მის შინაარსს!

როგორ მოვიქცეთ, რა ვაკეთოთ? — ეს დიდი და მწვავე საკითხი იდგა ილიას, აკაკის და მათი ქართველი თანამოაზრეების წინაშეც ისე, როგორც იგი იდგა ჩერნიშევსკისა და მისი მიმდევრების წინაშე.

რა ვაკეთოთ? — ეს საკითხი
აკაკის წინ ბევრჯერ იდგა.

მაგრამ, თუ რუსი რევოლუციონერ-დემოკრატებისათვის ამ საკითხს მხოლოდ სოციალური შინაარსი ჰქონდა, ე. ი. საქმე ეხებოდა მოქმედების სოციალ-პოლიტიკურ პროგრამას, აკაკისა და ილიასათვის იგი მწვავე ეროვნული ტკივილების მეურნალობის საკითხიც იყო. ამიტომ იყო, რომ აკაკის მხურვალე პატრიოტულ გულისფეთქებას ასე ესალბუნებოდა ბრძოლა დიდი გარიბალდისა. ვინც „კეთილშობილ ძლიერებას, სამშობლოსათვის თავდადებულ გმირის განსახიერებას“ წარმოადგენდა.

აკაკის მსოფლმხედველობაც ამ ორი ნაკადის — რევოლუციურ-დემოკრატიული იდეებისა და ეროვნულ-განმათავისუფლებელი ბრძოლის პროგრამის სინთეზში, მათს შერწყმაში მდგომარეობდა.

აკაკის კარგად ესმოდა, რომ საქართველო თავს ვერ დაიხსნიდა რუსეთის თვითმპყრობელობის — ამ სისხლისმწოვი ურჩხულის ბრკყალებიდან, თუ ამ ურჩხულს თავს არ მოჰკვეთდა რევოლუციური ძალა. ამიტომ მას საჭიროდ მიაჩნდა ეროვნული თვითშეგნებისა და სოციალური სამართლიანობის გრძნობის გაღვივებით ქართველი ხალხის მთელი ძალების დარაზმვა და მათი მიქცევა დიდი რევოლუციური მოქმედების საღიანარში. ამიტომ მოითხოვდა იგი საქართველოს სიმბოლოს — ჩონგურის სიმების შეხმატებილებზე უფლებას. საგულისხმოა ის შეფასება, რომელსაც ამასთან დაკავშირებით გალაკტიონი აძლევს აკაკის უკვდავ პოემას — „თორნიკე ერისთავს“.

დიდმა პოეტმა „ფერგადასულ წარსულს“ მიმართა არა იმიტომ, რომ უბრალოდ. დამტკბარიყო იმ სურნელებითა და რომანტიკით. რაც ყოველთვის ახლავს ხოლმე ძველ ამბავს, არამედ იმიტომ, რომ „მოშავლის გზა და ხიდი“ ეჩვენებინა. პოეტმა გამოკვეთა სახე დიდი მამულიშვილისა, როგორც ეროვნული თვითშეგნების, მოქალაქეობრივ-ზნეობრივი მოვალეობის მაგალითი და იდეალი. მან ყოველივე ამქვეყნიური სიტყობოება დასთმო ზეცისადმი სამსახურის გამო, მისთვის სულის ამ უმადლესი ნეტარების გამო. მაგრამ სულის ეს უმადლესი ნეტარებაც უკუაგდო, როდესაც სამშობლომ სამსახური მოსთხოვა.

ადამიანისა და ერის ზნეობის საფუძველთა საფუძველის — სამშობლო ქვეყნისათვის თავდადების გრძნობის აღზრდას ისანავს მიზნად აკაკი თავის „თორნიკე ერისთავში“.

იგი არის მოწოდება.

ქადაგება უმძაფრესი.

ძახილია პოეტისა.

ძმებისათვის, სხვებისათვის,

მთელი საქართველოს მკვიდრთა

გაერთიანებისათვის.

არაო. ამბობს გალაკტიონი, აკაკი არ იყო მხოლოდ თანდაყოლილი ინსტინქტებით აგალობებული ბუღბუღი საქართველოსი, უფარდელი და გულგრილი გენია, რომელმაც უბრალოდ „მიილოცა, მოილოცა“ და მხოლოდ ტკბილი ჰანგები მოჰფინა ქვეყანას. არა, მისი ანკარა, წკრილა და ძალდაუტანებელი ლექსები მშობელი ხალხის ტკივილებით გაწამებული და დიდი ფიქრებით აღსავსე მაღალი სულის მშვენიერი გამოსხივებანია. თუ, ერთი მხრივ, აკაკი თავის ნარნარი და ტკბილი ჰანგებით წარმტაც ადამიანურ სილამაზესა და სიმშვენიერეს. „სულის მაღალ ზნეობასა და სისპეტა-

ეკს“ ამკვიდრებდა, მეორე მხრივ, თავისი მწარე და გესლიანი სიტყვით ხალხის მტარვალებს, გადაგვარებულ და ზნეობრივად დაცემულ კაცუნებს ჰგმირავდა. ამ ცის, ამ მიწის, სიყვარულისა და სათნოების, გლეხისა და მუშის შრომის, ქართული აკვნისა და ქართული გაზაფხულის მშვენიერ საგალობლებს რომ ამბობდა, იმავე დროს მწარედ დასცინოდა „აპელაციის მცოდნეს“ და რაც მთავარია. ხანჭლის წვერს მტრის გულთან მოციქულობას შესთხოვდა. გალაქტიონმა კარგად გამოხატა აკაკის პოეტური გენიის ბუნება, რომ იგი თავისთავსი აერთებდა „მომღერალსა და უარწყოფელს... ორთველს და მეფარსტოფელს“.

თავის დროს პოეტს უფლი წვეთწვეთად აუვსო ნელველითა და მანქით. ისე ვით საუკუნეები სხუადასხუა მრავალ წამითა. მაგრამ ბრაჰლის ცეცხლი და ყინი მას არასდროს არ განელებია და როდესაც სანშობლოს სული ჰგმინავდა:

წყვდიადია. ცივა. ბნელა.
საით უნდა იყოს შეეღა?
წინააგრძნობამ პოეტისან
იგრძნო შორი ცისარტყელა.

გალაქტიონს აკაკის პოეზია გააზრებულნი აქვს, როგორც მთელი ქართველი ხალხის გონებრივი და ზნეობრივი ძალების, მისი პროგრესიულ-რევოლუციური პოტენციის უღრმესი გამოხატულება.

აკაკიმ მთელი საქართველო ამოიშღრა. სამშობლოს თავისუფლებსათვის

მან გულწრფელად. ეთკაცურად.
გააღვივა ბრაჰლის ქერა.
ძალებს რევოლუციისას
მკვეთრი სიტყვით ემსახურა.

გალაქტიონს ასე სჭერა: მეცხრამეტე საუკუნემ ბევრი პოეტი მოგვცა, მაგრამ პოეტი, როგორც პოეტი.

ვინც მთლიანად ასახავდა
თავისთავს და თავის დროსა.
ვინც გაფრენა იყო ქნარის...
ვინმე მსგავსი — აკაკისა
არ კოჟილა და არ არის.

დე, მხოლოდ განსაკუთრებული სიყვარულის გამო იყოს თქმული ეს სიტყვები. მაგრამ ეს განსაკუთრებული სიყვარულიც, დაბადებული დიდი პოეტის გულში, ხომ სიმართლეა თავისებური..

„კურთხეულ იყოს, კურთხეულ იყოს“... ქნართა უკვდავია მარადი ეღერა!

გალაკტიონის ერთი რჩეულის ბავო

სიყვარულით ვფერცლავთ წიგნს პოეტისას, რომლის მშვენიერი ლექსები — ლექსები „დაწერილი სისხლის წვეთით, დაწერილი სასოებით“ — ნამდვილად იქცნენ ჩვენი სულიერი ბიოგრაფიის სისხლხორცულ ნაწილად. იშვიათი დღე იქნება, რომ ქართველმა მკითხველმა თავისი ფიქრებისა და გრძნობების მოძრაობას ერთხელ მაინც არ შეაშველოს გულში ჩამწვდომი მელოდიები, სტროფები, სტრიქონები პოეტის ძველი თუ ახალი ლექსებიდან. ვინ იცის, სად, როგორ, რა ფიქრებისა და რა გრძნობების გამოსახატავად გაიხსენებენ „წინ, მეეტლევ! ეგ ცხენები გააქანე, გააქანე. მსურს, რომ ერთხელ კიდევ ვნახო გაზაფხულის მთები მწვანე“, ან „თავისუფლება სულს ისე მოსწყურდა, ვით დაქრილ ირმების გუნდს — წყარო ანკარა... დროშები ჩქარა“; — „რად ამრიალდა ჩემი ოცნება, როგორც გაფრენილ არწივის ფრთები“, ან „მშობლიურო ჩემო მიწავ, შენს საყვარელ სახელს ვფიცავ“; „რტოებში აკობს ბებერი ქარი, ყვავილთა ჭარი ფიფქით ბანაობს“, ან „სიცოცხლო, მამულო, მძაფრი, არა ფარული, შვილთა შენთა ხმამაღლა თქვან შენი სიყვარული“; „ცვრიან ბალახზე თუ ფეხშიშველა არ გავიარე, რაა მამული“, ან „ჭერ ლექსი მწვავდა, მერე მზე, ჭერ მზე და მერე ლექსები“; „შეხედეთ, რა ცაა, ესაა რაცაა“, ან „მიათოვოს, მოათოვოს კედელს ფარშავანგები“ და მრავალ სხვასა და სხვას.

და განა ყოველივე ეს ქართული პოეტური კულტურის უკეთეს საუნჯეთა რიცხვში არ შედის?

თუ უკანასკნელი 50 წლის მანძილზე გრძნობათა და ფიქრთა მოძრაობა საქართველოში უძლიერესად აისახა რომელიმე პოეტის შემოქმედებაში, იგი ყველაზე ღრმად, ყველაზე მძაფრად და ყველა თავის წინააღმდეგობრივი მიხვევ-მოხვევებით აისახა გალაკტიონ ტაბიძის პოეზიაში. ამ პოეზიას თამამად შეგვიძლია ვუწოდოთ ჩვენი საუკუნის პირველი ნახევრის საქართველოს ლირიკული მატრიანე.

პირველი რევოლუციის რომანტიკა, პოეტის პირველ ლექსებში რომ სხივოსნობდა, შენეღდა, მაგრამ არ გამქრალა პოეტის იმ პერიოდის შემოქმედებაშიც. როცა იგი ხარკს უხდიდა უიმედობას,

იბდიციდუალისტურ განდგომილებას. იქნეულობას. მაგრამ ისე როგორც ყოველი დიდი და ქეშმარიტი ხელოვნება, გალაკტიონის ამ დროის შემოქმედებაც არ ეტევა სიმბოლიზმის ვიწრო ჩარჩოებში. საქმე ის კი არ არის, რომ პოეტს მოვარგოთ ამა თუ იმ მიმართულების ყალიბი. მთავარია, გავიგოთ პოეტის შემოქმედება თავის-სავე განუზომებელ თავისებურებაში და აქ ვიპოვოთ მისი პოეზიის გასაღებიც.

სინამდვილე, რომელიც შეხვდა პოეტური მსოფლმხედველობის ჩანოყალიბებისათვის მომწიფებულ ცნობიერებას პოეტისას, იყო მძიმე და შავბნელი. რეაქციის სუსხი ძალობდა. არსებული სოციალური უკუღმართობა პოეტის შემეცნებაში ადამიანის ბედის საკითხად გამოინასკვა. ქვეყანა ადამიანის შებოჩილი და შეკვეცილი ძალების საუფლოდ, ხოლო ადამიანი შინაგანი გათიშულობის, სიკვდილის, წარმავლობის, უერთგულო სიყვარულის, გაცრუებულ იმედებისა და განუხორციელებელი ოცნებების წამებულ ტყვედ შეიგრძნო პოეტმა. ეს იყო მიჯაჭვული ამირანის სახება, რომლის ძლიერი ტრადიცია იმთავითვე მოსდევდა ქართულ ლიტერატურას. ადამიანის აღზევებისა და თავისუფლებისათვის წამებულ ამ გოლიათის სული, რასაკვირველია, სხვადასხვა კონკრეტულ-ისტორიულ შინაარსით ტრიალებდა ქართული კლასიკური ლიტერატურის თითქმის ყველა დიდ ქმნილებაში: უკვდავ „ვეფხისტყაოსანშიც“, გურამიშვილის „დავითიანსა“ და „ქართლის ჭირშიც“, ბარათაშვილის „მერანსა“ და „ბედი ქართლისაშიც“, ილიას „აჩრდილშიც“, აკაკის „თორნიკე ერისთავშიც“, ვაჟას პოემებსა და „დაქრილ არწივშიც“.

გალაკტიონი თავისებურად აგრძელებს ამ ტრადიციას. მის ლექსებშიც აბორგდა და აკვნესდა თავისი დროის წამებულ ადამიანი — მიჯაჭვული ამირანი.

შეხვედები კლდეები კლდეებს.

იქ ვილაკ კვნესის დიდი ხანია.

„ამირანია?“ — მივმართე ტყეებს.

და ტყე გუვუნებს „ამირანია!“

ეს მძაფრი კვნესა მიწამლავს ღლებს.

ის გული ისევ ჩემი გულია.

„დაჯარგულია?“ — მივმართე ტყეებს

და ტყე გუვუნებს „დაჯარგულია“.

ისე, როგორც თავის დროზე მწარე ხედრთან შეურიგებლობამ ბარათაშვილი მისცა თავისი „მერანის“ თავაწყვეტილ ქროლვას. სხვა სოციალურ ვითარებაში შებოჩილი ადამიანის წვალებამ.

„სინამდვილეთ შოკლუმა გრძობამ“ გალაკტიონი თითქოს აღეს-
წელი საიდუმლოების, გამოუცნობი ქიმერების, დაბინდული ჩრდი-
ლების ირვალურ სამყაროში გაინაპირა... საოცრად მგრძობიარე
სულში დაიბადა მიდრეკილება შემოდგომის მოწყენილი ფერებ-
საქენ, სიმარტოვისაქენ. სწორედ ამ დროს ხანიცადა პოეტმა სინამდ-
ლისტური პოეტიკის საქმოდ ძლიერი გავლენა. მაგრამ პოეტი არც
თავისი სულის წყობით, არც თავისი პოეტური ლექსიკით. არც თა-
ვისი განსხვავებული დამოკიდებულებით ქვეყნიერებისადმი. არ მო-
სწყვეტია მშობლიურ ნიადაგს.

მარტო ვართ, როგორც მთის ეკლესია, — ირწმუნებოდა პოე-
ტი: თუგინდ ჰვარს ეცვი, საშველი არ არისო, — ჩიოდა იგი. მის-
თვის ამირანი მარად წამებულ არსებად რჩებოდა. მაგრამ სამშობ-
ლო ქვეყნის უმბაფრესი სიყვარული, სამშობლოს ბუნების. მისი
ფორმების. მისი ფერების, მისი სიმღერების უღრმესი განცდა
ანელებდა. ზოგჯერ თითქოს კიდევ აქრობდა მოძალებულ სევდასა
და ნადევლს. კითხულობთ წარმტაცი მელოდიური ჰანგებით სავსეს.
ნაზი და ხალასი ფერებით შესრულებულს „გურიის მთებს“. „მთა-
წმინდის მთვარეს“, „მე და დამეს“, „ვერხვესს“. „მერის“. „პოეტის
ლანდს“, „ავდრის მლოდინს“, „თოვლს“, „შემოდგომის ფრავ-
ბინტს“ და მრავალ სხვას, ხედავთ. უსმენთ. ვანიცდით მთაწმინდის
მკრთალ შექმი მსუბუქ სიმშარივით გახვეულ მტკვარსა და მიტტეს.
ღაერწყებულ ჰიშკრის კარებზე ხავსს, ყავრებს, წვიმის წვეთებს.
ბაბურა მტრას, ეზოში რომ ყფეს, ჟირაფივით აქრელებულ მთებს.
ვერხვების მუსიკას, ცვრიანი ბალახის ბიბინს ეზოში, სადაც სასხ-
ლაით ხელში დადის მოხუცი ქართველი მამა, ნაზ და კდემამოსილ
ქართველ ქალებს, ლერწამქალწულებს და თქვენ თითქოს უღრო
მეტად ფერთა და ბგერთა მუსიკა გიპყრობთ, მშვენიერების გრძნო-
ბა გუფლებათ. ეიდრე პოეტის დაეინებული სევდა.

პოეტის ლექსებში წუხდა, გმინავდა, ბობოქრობდა თავისუფ-
ლებას. ბუნნიერებას, სილამაშეს მოწყურებული აღამიანის სული.
მას ზოგჯერ სამყარო სხეულთა, საგანთა, წარმოდგენათა უწესრიგო
გროვად ესახებოდა. მაგრამ დროდადრო შავნაღვლიანობის ბურუსს
პოეტის შენოქმედებაში ელვასავით გაჰკვეთდა სოციალური პროგ-
რესის რწმენა. ოპტიმიზმისა და რევოლუციური სულისკვეთების
ელვარე ნაპერწყალი. 1916 წელს ერთ თავის ლექსში პოეტი წერდა:

პო, როგორ მინდა, მეგობრებო, თუნდაც ერთი დღით,
ჩვენთვისაც იყოს უმაღლესი თავისუფლება!
ო, როგორ მინდა უფრო მძლავრად გავშალო ფრთები!
განა არ არის საშინელი საცოდაობა,

„ესე ქვეყანას, როგორც ჩვენი საქართველოა,
რევოლუცია არ აძლევდეს სიმშვენიერს?
ეკლანიური ორკესტრიით უნდა ისმოდეს
გრძნობათა ჩვენთა და ოცნებათ ძლიერი ქნარი.“

ეს უკვე უაღრესად ნათელი სტრიქონებია — ნათელი ნისწრა-
ფებებით. დამახასიათებელია. რომ გ. ტაბიძის თვით უაღრესად
მწუხარე ლექსიც კი სშირად აგებულება ერთ რომელიმე ნათელ
აზრსა და გრძნობაზე; ერთ რომელიმე ნათელ და რეალისტურ სტრი-
ქონსა თუ სტროფზე... და ლექსის მთელი პოეტური ენერჯიაც ამ
წერტილში იყრის თავს.

თავისი სოციალური მიდრეკილებით, პოეტური მსოფლმხედვე-
ლობის რეალისტური ნაკადით გ. ტაბიძე შინაგანად უგველად შე-
შინაღებული იყო რევოლუციური ქარტეხილების პოეზიისათვის,
იმიხათვის, რომ თვითმპყრობელობის დანგრევისთანავე ემდგრა
მეზნებარე პიზნი თავისუფლებისა — „დროშები ჩქარა“. რომ ღიღი
ოქტომბრის სოციალისტური რევოლუციის უშუალოდ დამსწრეს.
საქართველოში მოეტანა „სიმღერა ქვეყნის გადარჩენისა“, რომ გა-
ბედულად ეთქვა: „ახალ გრიგალებს ვსწირავთ სიცოცხლეს. ჩვენ.
პოეტები საქართველოსი“.

და პოეტმა. რომელსაც წინათ ფულობდა გრძნობა ძალთა.
განთა, ადამიანთა ღრმა გათიშულობისა. სოციალისტური რევოლუ-
ცია ვანიცადა არა მარტო ძველი ქვეყნის რღვევად, არამედ ცხოვ-
რების ახალ, მდიდარ და მთლიან ფორმათა შემოქმედებად. „მსოფ-
ლით ორკესტრად“. მილიონთა კოლექტიური აზრისა და ნებისყო-
ფის დიდებულ მოქმედებად.

ქვეყნის რევოლუციური განახლების პათოსით არის განსხვავ-
ლული პოეტის პოემები და ლექსების ციკლი: „ჯონ რიდი“, „ეპო-
ქა“. „პაციფიზმი“, „პრესა“, „რევოლუციურ საქართველოს“. ანიე-
რიდან პოეტისათვის ინდივიდუალიზმი შეუთავსებელი ხდება მშვე-
ნიერების, როგორც ცხოვრების ჰარმონიულობისა და სისხვის.
მართალ გრძნობასთან.

მოსპო რა ადამიანზე ადამიანის ბატონობის ყველა საფუძველი,
რევოლუციამ მოწნა ადამიანის ბედის ტრავიკულობა. ჩვენმა პოეტ-
მაც. ღრმად შეიცნო ადამიანის ტრავიკული ბედის საზღვრების გა-
დალაზვა, მან რევოლუციაში დაინახა ახსნილი ამირანი.

გადაილახა ვიუდგომი საზღვრები ბედს,
კაცობრიობის ცხოვრებაში სიცოცხლე შედს
ჯანსაღ, მშვენიერ, სრულყოფილ ადამიანის.

პოეტს უკვე ღრმად სწამს, რომ რევოლუცია აწესრიგებს ადამიანთა მოქმედებას და სწორედ ეს წესრიგი აჩვენებს ადამიანებს იმ ნათელ ურთიერთობასა და დამოკიდებულებას, რომელიც მათ საშუალებას აძლევს თავისუფლად დაამკვიდრონ თავიანთი ქვეყნის ადამიანური ძალები ცხოვრებისა და ბუნების ახალ ფორმებში. და პოეტსაც სამშობლო ქვეყნის ბუნების წიაღში ახლა უკვე მიჯაჭვული ამირანის გოდება კი აღარ ესმის, არამედ ხედავს, რომ აქ „სხივმოხილი და მოლექსე დამკვიდრდა ადამიანი“, რომ მილიონთა შეგნებაში მტკიცედ იკიდებს ფეხს შემოქმედებითი შრომის, სიკოცხლის დამკვიდრებისა და სოციალური ოპტიმიზმის სულისკვეთება.

გაოცლებულა ირველიე ყოველი,
მფეთქავი ძალა არეს ჰფენია,
სულ რომ არ იყო ქვეყნად ღიმილი,
შეხედე, ახლა რაოდენია.

პოეტი ადამიანის ტრაგიკული ბედის პოეტური მსოფლშეგრძნობიდან რადიკალურად გადავიდა გამარჯვებული ადამიანის — გათავისუფლებული ამირანის პათოსზე. ეს პათოსი ფეთქავს მის ახალ ლექსებში.

ზოგი ფიქრობს, რომ პოეტის ორგანული სამყარო მხოლოდ მის „ატმის ყვავილებსა“ და მის „ვერხვებშია“. მაგრამ ამ შეხედულების სრულ უსაფუძვლობას ცხადყოფენ გალაკტიონის ახალი ლირიკული შედევრები, საყვანი ჩვენი ეპოქის ძლიერი სუნთქვით.

მანც რაშია პოეტის ადრინდელი ლექსების ძალა?

წარსულის ყველა საზოგადოებრივი ფორმაცია სოციალურ უთანასწორობაზე იყო დამყარებული. ამიტომ ადამიანის ტრაგიკულ გრძნობებს კაცობრიობის წარსულში განუზომლად უფრო ვრცელი და ხანგრძლივი ისტორია აქვთ, ვიდრე სოციალური ჰარმონიისა და ბედნიერების გრძნობებს... და გასაუგებია, რომ დიდი ტალანტის პოეტმა ისეთ სოციალურ-პოლიტიკური ვითარების დროს, როდესაც ადამიანის ტრაგიკული გრძნობების განსაკუთრებული გამძაფრება მოხდა, დიდი პოეტური ძალით გამოხატა ეს გრძნობები.

იმ ახალი სოციალური გრძნობების სფეროში კი, რომლებიც სოციალისტური საზოგადოებრივი ურთიერთობის პირობებში ვითარდებიან, ადამიანთა გამოცდილებაც და ემოციური შრეებიც საკმაოდ ახალი წარმოშობისანი არიან. მიუხედავად ამისა, გალაკტიონ ტაბიძე უდიდესი პოეტური ძალითა და გულწრფელობით გამოხატავს საბჭოთა პატრიოტიზმის, სოციალისტური ჰუმანიზმისა და კოლექტივიზმის ამაღლებულ გრძნობებს, აქაც ხშირად პოეტი გვან-

ცვიფრებს თავისი ვირტუოზული ლექსით, მოულოდნელი და ტევად პოეტური სახეებით.

გალაკტიონის ლექსებში ყოველ საგანს, ყოველ თქმას თავისი განუმეორებელი მელოდია ახასიათებს. ამაშია გრძნობათა და განწყობილებათა გამოხატვის იმ უძლიერესი ოსტატობის ერთი საიდუმლოებაც, რაც გალაკტიონ ტაბიძის ლექსებს უკუკნობი მშვენიებით ავსებს. თუ პოეზიას საერთოდ, კერძოდ კი ლირიკულ პოეზიას, შეგვიძლია ვუწოდოთ გრძნობათა მეცნიერება, გ. ტაბიძის პოეზია ამ მეცნიერების ერთი უბრწყინვალესი მიღწევაა.

ზოგჯერ ჩვენ ვერ გავიზიარებთ პოეტის აღრინდელ გრძნობებსა და განწყობილებებს, კიდევაც უარვყოფთ და უკუვაგდებთ მათ, მაგრამ შეუძლებელია არ მოგვხიბლოს ამ გრძნობათა გამოხატვის უდიდესმა პოეტურმა ძალამ.

ჩვენ არ შეგვიძლია არ უარვყოთ სევდის, უიმედობის, საზოგადოებრივი აპათიის* განწყობილება, გამოხატული ლექსში „თოვლი“, მაგრამ არ შეგვიძლია არ ვიგრძნოთ პოეტური მუსიკის, პოეტური ფერწერისა და პლასტიკის შესანიშნავი შერწყმა ამ განწყობილების გამოსახატავად:

ძვირფასო. ვხედავ... ვხედავ, შენს ხელებს,
უღონოდ დახრილს თოვლთა დაფნაში.
ილეებს, ქრება და ვლავ ილეებს
შენი მანდილი ამ უდაბნოში.

თითქოს გავეყურებთ თოვლიან უდაბნოს, რომლის უდაბურებას აძლიერებს საოცარი პოეტური ფაქტურა — მანდილი, ხან რომ გამოჩნდება და ხან რომ ქრება... მწუხარებისა და მართობის რა ღრმა მიწვდომაა ამ ლაქაში.

თავისი პოეტიკის მდიდარ არსენალს, ნაცად პოეტურ ხერხებს პოეტი კარგად იყენებს საბჭოთა ადამიანების გრძნობათა ორგანიზაციისათვის.

რა ღრმად და რა მოულოდნელი პოეტური ხერხებით გადმოგვცა პოეტმა დიდ სამამულო ომში საბჭოთა ხალხის გამარჯვების დიდი სიხარული პატარა ლექსში „ღრუბლები ძაუგთან“.

მე კავკასიის ქედები მთხოვენ,
მე მთხოვს მუსიკა, თერგის ხმაურის
ეუსმინო ყაზბეგს, ხევის ბეთხოვენს —
აგუგუნება კაიშაურის.

იმ დღეებს ძეგლი უნდა აეუგო,
უნდა აღემართო წყებათა-წყება,
ვით აღმართა შენთან, ძაუგო,
გამარჯვებათა ჩვენთა დაწყება.

აქ თითქოს გამარჯვების ვითარების ხელთუქმნელი მელოდიაა დაკვირილი. ტალანტის ერთი შესანიშნავი თვისება ისიც არის, რომ იგი უაღრესად ამცირებს მანძილს სათქმელსა და თქმას შორის.

ათასი რიტორიკული მტკიცება სამშობლო კუთხის სიყვარული-სა, ათასი პათეტიკური აღწერა სამშობლოს თვალწარმტაცი მთები-სა და ტყეების, მდინარეებისა და მინდორ-ველების იმ ღრმა ადამიანური გრძნობის მეთასედსაც ვერ დაიტევდა, რაც გ. ტაბიძის თუნდაც ერთ პატარა მეტად პოპულარულ ლექსშია გამოხატული:

წყალტუბოდან ქუთაისში
მიმავლო ქარო,
თუ მისის ქუთაისმა
გკითხოს, ვინა ხარო.
უპასუხე, რომ სუნთქვა ხარ,
არ უთხრა კი — ვისი.
ისეც იგრძნობს ქუთაისი,
ჩემი ქუთაისი!

აქ პოეზია მეტყველებს თავისი საკუთარი ენით, ვითარებად, სურათად. მოქმედებად ქცეულ გრძნობათა ენით. მაგრამ აქ გრძნობა და აზრი გამოსახვის საშუალებებზე კი არ არის მორგებული, არამედ გამოსახვის საშუალებები შერწყმულია გრძნობასა და აზრთან.

თითქოს ჩვენი სულის სიღრმიდან ამოუზიდავს პოეტს საბჭოთა პატრიოტიზმის მგზნებარე გრძნობა და მშვენიერ, ნათელ ლექსში გაუმჟღავნებია. ამიტომ გვაღელვებს და გვზიზღავს იგი:

მშობლიურო ჩემო მიწავ,
შენს საყვარელ სახელს ვფიცავ,
რომ დავიცავ შენს მიღწევებს,
შენი ღრომის ფერს დავიცავ.

მკითხველს სავსებით სამართლიანად სურს, რომ ხელმისაწვდომად ჰქონდეს გალაკტიონის მშვენიერი ლექსები.

და აი, ჩვენ წინ გვიდევს „გალაკტიონ ტაბიძის რჩეული“, ტექნიკურად საკმაოდ კარგად გამოცემული სახელმწიფო გამომცემლობის მიერ 1954 წელს. ჩანს, შემდგენელს ბ. ჩიქობავას სიყვარულით უშრომია, განსაკუთრებით ლექსების დათარიღების მხრივ. ეს ძლიერ კარგი საქმეა; რადგან, რა უცნაურიც არ უნდა იყოს პოეტისათვის, რომელიც მტკიცედ მოითხოვს, „ნუ მიატოვებთ ლექსს უთავისტომოდ“, მიაწერეთ ლექსს თარიღი, — თვით მისი ლექსების დათარიღება არც თუ კარგად არის მოგვარებული. ვიმეორებთ, ამ მხრივ ეს „რჩეული“ გამოირჩევა. მაგრამ ჩვენ მაინც ბევრი რამ

გვაქვს საგულნაკლულო წიგნის მიმართ. შეიძლებოდა დაგვესახელებინა პოეტის ბევრი ლექსი. ძველი და ახალი. რომლებიც აუცილებლად უნდა შეტანილიყო რჩეულში, მაგრამ არ შეუტანიათ. მაგალითად, გაუგებარია რა მოსაზრებით არ არის შეტანილი რჩეულში „რომელი საათია“, „შემოდგომის ფრაგმენტი“. ან პირიქით, ვიტყვი პირდაპირ: ლექსი, რომლითაც რჩეული იხსნება, სრულიადაც არ ეკუთვნის გალაკტიონის რჩეულ ლექსთა რიცხვს. მაგრამ სუბიექტურ გემოვნებას აქ ფრთა უნდა შეეკვეცოს. გალაკტიონ ტაბიძის პოეზია უკვე იმ სიმალღეზეა აშული და უკვე ჩვენი ხალხის ისეთ კუთვნილებას შეადგენს, რომ მას ნამდვილად ძლიერი კოლექტივის მზარუნველი ხელი სჭირდება.

უკეთეს შემთხვევაში წინამდებარე რჩეული. ისე როგორც 1944 წელს გამოცემული კრებული. შეიძლება მიჩნეულ იქნას მოსაპყა-დებელ საფეხურად გალაკტიონის ნამდვილი რჩეულისათვის.

დიდი კონტის პატარა კრებული

წიგნების თარო. რა მეტად ჩვეულებრივი და ყოველდღიური იგი დღეს. ახლა იგი თითქმის ყველა ბინაში, ყველა ოჯახში არის, არსად მას მოულოდნელობის ნატამალიც არ ახასიათებს. მაგრამ რა დიდებული და ძვირფასი რამ არის იგი ნივთთა შორის. რამდენი ფიქრისა და აზრის, რამდენი ვნებათაღელვისა და გრძნობათა ფორიაქის, სიცოცხლისა და სიკვდილის, სიხარულისა და მწუხარების, სიყვარულისა და მძულვარების. რამდენი სახისა და ფერის, რამდენი გრიგალისა და მეხთატების საბუღარია თითქოს უსულო წიგნების ეს დამტვერილი ქორედები. ყოველივე ის. რაც უწვავი, უქკნობი, უძღვევლი და უკვდავია კაცობრიობაში, შეხიზნებია ქალაქის ამ გახუნებულ ფურცლებს, რომელთაც საკმარისია მცირე ალი წაელამუნოს, რომ ფერფლად იქცეს...

მერე რა საამო სასმენი და წარმტაცია ძახილი თუ ჩურჩული წიგნების თაროდან, ხან ერთი სტრიქონი დაგიძახებს, ხან მეორე, ხან ერთი გმირი გაგეხმაურება, ხან მეორე, ხან ლექსი, ხან ნოველა, ხან მოთხრობა, ხან რომანი... და ვინ მოთვლის, რამდენი ვინ და რამდენი რა.

პირადად მე ასე მგონია, არასდროს სულიერად ისე ამალღებული არა ვარ, როგორც იმ დროს, როდესაც წიგნის თაროს სხვადასხვა კუნჭულიდან მესმის ავთანდილის სიმღერა-ვედრება ან ნესტანის უსტარი, ბედის საზღვარს იქით მისწრაფული მერანის თქარუნი ან ბუნების ტრაგიკული მესაიდუმლის — მინდიას ჩივილი, ნადირობის სცენის ხმაური უკვდავი რომანიდან ან ღროთა დარღვეული კავშირით შეძრწუნებული ჭაბუკის მონოლოგი, დონელი ბობოქარი კახაკის ომახიანი ხმა ან წყვილიადთან და ქარიშხალთან შეღწეული მფრინავის — ფაბიენის გულისძგერა...

რამდენი ვინ და რამდენი რა!

რა სასიამოვნო და სასიხარულოა, როდესაც ყურით კი არა, სულით ან გულით ისმენთ წიგნების უხმო ძახილს, წიგნების ჩურჩულს. და რა კარგია, როდესაც ამ წიგნებს ემატება ახალი, სასურველი და წარმტაცი წიგნი.

ქართველი მკითხველი გაახარა გალაკტიონის მომცრო კრებულმა, ამას წინათ „საბლიტგამმა“ რომ გამოსცა და „ასი ლექსი“ ეწოდება. გადაშლით და პირველი გვერდიდანვე რაღაც განუმეორებლად წარბაცი სიძღერისა და სილამაზის ვერცხლის ძაფს იჭერთ და გინდათ დაუსრულებლივ მიჰყევთ მას.

კრებული შედგენილია სიყვარულით და იმ მიზნით. რომ მკითხველს შესაძლებლობა ჰქონდეს სახელდახელოდ იპოვოს პოეტის ლირიკული შედევრების ნიმუშები, ისეთები, მაგალითად, როგორცაა „მთაწმინდის მთვარე“, „ატმის ყვავილები“, „თოვლი“, „მამული“, „ვერხეები“, „მშობლიური ეფემერა“, „ლურჯა ცხენები“, „სალაყვარდე ანუ სილაში ვარდი“, „შემოდგომის ფრაგმენტი“, „ცამეტი წლის ზარი“, „მე და ღამე“, „მერი“, „გურიის მთები“, „რომელი საათია?“, „დროშები ჩქარა“, „განახლდა გული“. „გემი დალანდი“, „მშობლიურო ჩემო მიწავ“, „ჩემი ქეთაისი“, „ჩვენ პოეტები საქართველოსი“, „იმ დღეებს ძეგლი უნდა აკუგო“, „ჩემი სიძღერა“ და სხვა.

მაგრამ კრებული უნაკლოდ შედგენილი როდია. გული გვაანდრებათ, რომ აქ ვერ პოულობთ მთელ რიგ მშვენიერ ლექსებს, გასწივოსნებულთ ნამდვილი დიდი პოეზიით. გაუგებარია, მაგალითად, რატომ არ შევიდა კრებულში ცნობილი ლექსი „აკაკის ლანდი“ ანდა „სალამო“ ან კიდევ საუცხოო ლირიკული ქმნილება „დაბრუნება“, რომლის ცნობილ სტროფში სამშობლო მთების ფერთა ისეთი ჟღერადობაა მიგნებული, რომ სამშობლო ქვეყნის უმძაფრეს გრძნობას აღვიძებს.

სალამოს ლანდები. ვით ზინდი ნიავის.

მიდამოს სდებია.

გინახავთ თქვენ ფერი დაზინდულ ქლიავს?

ეს ჩემი სამშობლო მთებია.

ასეთი საყვედურები კრებულის მიმართ შეიძლება განვაგძობთ... და ეს ერთხელ კიდევ ადასტურებს. რომ რიცხვი „ასი“ სრულიადაც არ არის საკმაოდ დიდი პოეტის ნემკვიდრეობის ყველა პოეტური თვალმარგალიტის დასატყვად.

სავსებით მართალია ირაკლი აბაშიძე, როდესაც კრებულის მოკლე წინასიტყვაობაში წერს: „...გალაკტიონ ტაბიძეს ბევრი რან ანათესავებს ნიკოლოზ ბარათაშვილთან... თუ ნიკოლოზ ბარათაშვილმა მეცხრამეტე საუკუნეში ქართული პოეზია აღმოსავლური მუხამბახების გავლენას გამოსტაცა, გალაკტიონ ტაბიძემ მეოცე საუკუნის დასაწყისში იგი პროვინციული შეზღუდულობის, დაკნინების.

იდებური და ფორმალური. დაცემის გზას ააცდინა და მოწინავე ევროპული და რუსული თანამედროვე ახალი პოეზიის სიმალლეზე ასწია.

მეცხრამეტე საუკუნის ახალ ქართულ პოეზიას სათავე ნიკოლოზ ბარათაშვილმა დაუდო. მეოცე საუკუნის ახალ ქართულ პოეზიას სათავე გალაკტიონ ტაბიძემ დაუდო“.

სხვადასხვა ეპოქის ამ ორ დიდ პოეტს ანათესავენ მძაფრი დრამატული გრძნობა სამყაროსადმი დამოკიდებულებაში.

გავიხსენოთ თუნდაც სულ მცირე მაგალითი მათი პოეტური სიახლოვისა.

ორი მთაწმინდის მთვარე, ორი პოეტური ხილვა, რა დიდად განსხვავებული და რა საოცრად ნათესაური.

„გინახავთ სული, ჯერეთ უმანკო, მხურვალე ლოცვით მოქანცებული?
მას ჰგავდა მთვარე, ნახად მოარე, დისკო-ვადახრით შექმნიბინდული“.

„ჯერ არასდროს არ შობილა მთვარე ასე წყნარი!
მღუმარებით შემოსილი, შეღამების ქნარი,
ქროლვით იწვევს ცისფერ ლანდებს და ხეებში აქსოვს,
ასე ჩემი, ასე ნაზი ჯერ ცა მე არ მახსოვს“.

უდავოა, რომ გალაკტიონ ტაბიძე — უმძაფრესი გრძნობებისა და უდიდესი, განუმეორებელი ნიჭის პოეტი — ასრულებდა უპირველეს როლს ქართული პოეზიის განვითარებაში საუკუნის დამდგომიდან ჩვენს დღეებამდე. მისი პოეზიის სათავეები დადებულია ქართველი ხალხის 1905 — 1907 წლების პროგრესულ-რევოლუციური მოძრაობაში. ამ მხრივ დამახასიათებელია პოეტის განწყობილება, გამონათული ერთ-ერთ მის ადრინდელ ბრწყინვალე ლექსში — „გურიის მთები“. პოეტი შეჰყურებს ამ მთებს, მათ შორის ცნობილ ნასაკირალს, შეჰყურებს „განახლების თვალთ მზირალ“ სოფლებსა და იხიბლება მათი სიმღერის ძალით, მათი ბრძოლის ენით.

ჩემად! ეილაც მღერის მთაზე... რა ძალა ამ ტკბილ ხმაში!
არსად ასე არ მღერიან, როგორც აქ, ამ ქვეყანაში,
არსად. არსად არ არსებობს ბრძოლის ენი, ბრძოლის ქარი,
არსად ისე არ გადმოხეტის უქმარობის ნიაღვარი.

აი, სწორედ ეს უქმარობის გრძნობაა ყველაზე ორგანული პოეტისათვის. იგი სისავსისა და სრულყოფილების მაძიებელი პოეტი და მუდამ იტანჯება ყოველივე ნაკლებობით. ეს გრძნობა განაწყობდა მის სულს იმისათვის, რომ განსაკუთრებული სიმძაფრით განეცადა ეპოქის ტკივილები. პირქუში სინამდვილის ღრმა წინააღმდეგობათა დაწოლით პოეტის მგზნებარე სული ეძლეოდა სევდასა და ნადევლს იმის გამო, რომ უქმარი იყო თავისუფლება, ბედნი-

ერება, მშვენიერება და ჰარმონია ცხოვრებისა. და იბადება სიმღერები მიჯაჭვული ამირანის კენესასა და ტანჯვაზე, მთაწმინდის მთვარესა, სევდიან გედსა და ოცნებათა ლურჯ იალქნებზე, ქარით გაწამებულ ატმის ყვავილებზე, მამულზე, სადაც წინაპართა აჩრდილები მწუხარებით და სინანულით ავსებენ სულს, სატრფოს უბედურ ჯვარისწერაზე, მიუწვდომელ სინათლეზე, ვერხვის ფოთოლთა თეთრი ლაშქრის უშორეს ზღაპრად შრიალზე, ქარზე, რომელიც არ ჩანს, მაგრამ მაინც ეღება მწვერვალებს, მუხაზე, რომელიც პირველი ზედება ალიონს, ლურჯა ცხენებზე, უსულგულო დღეების ორომტრიალში რომ მიჰქრიან უსასრულებელში, ბედთან შეურიგებლობაზე, ღამებთან რჩოლაზე... იბადებოდა მშფოთვარე და ტკივილებით სავსე სიმღერები, ხშირად მეტად სევდიანი და მწუხარენი. მაგრამ მშვენიერნი გრძნობათა გამოხატვის სრულყოფილებით, ემოციური დაძაბულობით, წარმტაცი შინაგანი მელოდიურობით. ამ მშვენიერი ქმნილებებით პოეტი თითქოს ახშობდა იმ პირგახსნილ უფსკრულთა გრძნობას, როელთაც იგი ხედავდა არსებულ სამყაროში.

ეკვი არ არის, რომ გალაკტიონის ადრინდელ შემოქმედებაში საკმაოდ ძლიერი იყო სიმბოლისტური პოეტიკის ნაკადი. მაგრამ, როგორც ყოველი დიდი შემოქმედი, გალაკტიონი მიდიოდა თავისი საკუთარი და განუმეორებელი გზით. არსებითად მისი შემოქმედება იმთავითვე შორს იდგა დეკადენსისათვის დამახასიათებელ საშინელ და შემადრწუნებელ ხილვებისაგან, სიმახინჯის პოეზიისაგან, დაშლისა და დარღვევის გრძნობათაგან. პორნოგრაფიისაგან... თავისი განწყობილებით თვით უაღრესად სევდიან და იმედწარკვეთილ ლექსებშიც კი გალაკტიონი პოეტური ნივთის ისეთ ნათელ ქსოვილებს აკეთებს, ფერთა და მელოდიათა ისეთ ნატიფ შეზავებას ქმნის. რომ ლექსი მთლიანად, როგორც მშვენიერი ქმნილება, ჩრდილავს თავისსავე განწყობილებას.

ძვირფასო! სული ჰევსება თოვლით.
დღეები რბიან და მე ვბერდები!
ჩემს სამშობლოში მე მოვლე მხოლოდ
უდაბნო ლურჯად ნახევრდები.

პო, ასეთია ჩემი ცხოვრება.
იანვარს მოძმედ არ ვეძნელები.
მაგრამ მე მუდამ გამახსოვრება
შენი თოვლივით თეთრი ხელები.

ძვირფასო! ვხედავ... ვხედავ შენს ხელებს,
უღონოდ დახრილს თოვლთა დაფნაში
იელვებს, ქრება და კვლავ იელვებს
შენი მანდილი ამ უდაბნოში...

სატრფიალო ლირიკაში მთელს ქართულ პოეზიაში ბევრეი არ შეიძლება მოიძებნოს ქალისადმი ისეთი რომანტიკულად ამბილუბული, ფაქიზი, წმინდა და კდემამოსილი დამოკიდებულების მაგალითი, როგორცაა გალაკტიონის პოეზიაში. თვით „მესაფლაფეში“ — პოეტის ამ ერთ-ერთ ადრინდელ მწუხარე ლირიკულ ამბავში — საყვარულის წარმავლობის შესახებ, არაფერია უხეში და ქვეწადიერი. რამაც შეიძლება ჩრდილი მიაყენოს ქალის ადამიანურ ღირსებას.

გალაკტიონი ყოველთვის ისწრაფვის ლექსის ფორმალურა სრულყოფისაკენ, მაგრამ ფორმალისტური მის პოეზიაში არაა არის. ხელოვნებაში ყოველგვარი ფორმალობი არსებითად ხომ გამოდის არა უშუალო გრძობათა და აზრთაგან, არამედ რაიქე წინასწარ აღებული ფორმალური სქემისაგან. პოეტი კი, რომელიც წერდა სისხლის წვეთით, წერდა სასოებით, სულ ერთთავად უშუალო. მოულოდნელი და ღრმად ემოციურია.

გალაკტიონი შეუბრძნებელ წინააღმდეგობაში იყო ძველ ქვეყანასთან და ხშირად მას აღმოხდებოდა ხოლმე გარემონცველი წყვილიადით გაწამებული სულის კენესა.

ღმერთო, როგორ მოხდა, წვიმა მოსისხარი
თითქოს შეუწყვეტი კუბრის ნაკადია,
აღარ გათენდება ღამე საზოზლარი!
რომელი საათია? რომელი საათია?

მართალია, პოეტს ზოგჯერ ეგონა, რომ „საშველი არ არის“, მაგრამ მას არასდროს არ დაბადებია იმ სინამდვილესთან შემარბილებელი და დამამშვიდებელი სულიერი კავშირის გრძობა. ძველ ქვეყანაში პოეტს არაფერი გააჩნდა ისეთი, რასაც იგი ვერ დასთმობდა და ზურგს ვერ შეაქცევდა. და ამიტომაც იგი ასე გაბედულად, ასე უყოყმანოდ — თავისი განსაკუთრებული პოეტური გზით მივიდა ახალ ქვეყანასთან და გახდა მისი მომღერალი. ამ ახალ ქვეყანას პოეტი განიცდის არა მარტო როგორც ადამიანთა საზოგადოების გათავისუფლებას საუკუნეობრივ სოციალურ ბოროტებათაგან. არამედ საზოგადოების იმ ძალთა გათავისუფლებადაც, რომლებმაც უნდა იმუშაონ საერთოდ ადამიანთა ყოფიერებისა და მთელ სამყაროში არსებულ უსრულობათა ამოსავსებად, გამოსასწორებლად. პოეტი ხარობს მით, რომ ხედავს თავისუფალ ადამიანს — აშვებულ, ჭაპკებშემომსწვრეულ ამირანს და სიხარულის ამ გრძობას ერთგვარი პოეტური ჰიპერბოლითაც გამოხატავს — „სულ რომ არ იყო ქვეყნად ღიმილი, შეხედეთ ახლა რაოდენია“ —ო. მაგრამ უკმარისო-

ბის გრძნობა პოეტს მუდამ წვაავს. არასდროს არ ნელდება მისი წყურვილი სისავსისა, სრულყოფილებისა.

ცხადია, ბევრი რამ იმ სამყაროდან, იმ განწყობილებიდან, რომლებიც გალაკტიონ ტაბიძის პოეზიაში აისახა. წარსულში გადავიდა და გადავა, მაგრამ ის, რაც პოეტმა შექმნა, საუკუნეებში იცოცხლებს. მარტოდენ პურით როდი არსებობს ადამიანი. მის სულს, არანაკლებ ვიდრე მის სხეულს, ესაქიროება საზრდო. მშვენიერების განცდა სულის ერთ-ერთი მთავარი მოთხოვნაა.

გალაკტიონის ლექსებში ადამიანის სულის მოძრაობის იმდენი სიმართლე, სილამაზე და სინატიფეა, რომ გჯერათ ამ სიმართლის, სილამაზისა და სინატიფის და არ გჯერათ ადამიანის სიცოცხლის უმიზნობის მოტივისა, რაც აქა-იქ გაისმის ხოლმე პოეტის ადრინდელ ლექსებში; ანდა როგორ უნდა დაიჯეროთ უმიზნობა ადამიანის სიცოცხლისა, რომელსაც ძალუძს შექმნას ისეთი გარდაუვალი ღირებულებანი, როგორცაა თუნდაც თვით პოეტის მშვენიერი ლექსები.

ისე, როგორც ხელოვნების ყოველი ჰემმარტი ნაწარმოება. გალაკტიონის უკეთესი ღირიკული ქმნილებანი, უკვე იმ მოვლენებისა და განწყობილებებისაგან დამოუკიდებლად. რომლებმაც წარმოშვეს ისინი, — იქცნენ წარუხოცელ მხატვრულ-ესთეტიკურ ფაქტებად.

გალაკტიონი არასდროს არ მოსწყვეტა მრავალსაუკუნოვანი ქართული პოეზიის უკეთეს ტრადიციებს. იგი გაბედულად აგრძელებდა და ავითარებდა მათ. მაგრამ ამავე დროს პოეტი უხვად ამდიდრებდა თავის შემოქმედებას ევროპული და რუსული პოეზიის გამოცდილებით. ეს კი არამც თუ არ ანელებდა მისი პოეზიის ეროვნულობას, არამედ, პირიქით. აღრმავებდა და აფართოებდა მას. ნამდვილად კი სწორედ ეროვნული შეზღუდულობა. რაც კულტურათა ურთიერთგამდიდრებას გამოთიშავს, აღარბებს და ნამდვილ ეროვნულ თვითყოფობას უკარგავს მხატვრულ შემოქმედებას.

მარტო ის, რომ გალაკტიონი ასე კარგად, ასე ძლიერ გრძნობს ქართული ენის ყველა საუნჯეს. გრძნობს მთელ მის ემოციურ-გამოსახველობით ძალას და შეუძლია ეს ძალა შესანიშნავად გამოიყენოს, — მოწმობს პოეტის მტკიცე ნიდაგობროვობას.

ბევრი რამ არის ნოვატორული გალაკტიონის პოეზიაში, მაგრამ მათი გარკვევა სპეციალური გამოკვლევის საქმეა. საერთოდ პოეტის მდიდარი მემკვიდრეობა მოელის საფუძვლიან. ყოველმხრივ განხილვას, ღრმა იდეურ-ესთეტიკურ ანალიზს. შითუმეტეს. რომ ამ მემკვიდრეობის ღრმა ემოციურობისა და მოწიბვლელი ოსტატუ-

რობის გამო ახალგაზრდობა ხალისით სწავლობს საყვარელი პოეტისაგან... დიახ, მისგან უნდა ვისწავლოთ, — ეს უეჭველად სასარგებლო იქნება, მაგრამ ვისწავლოთ არა ყველაფერი, არა სულ სხვა დროითა და პირობებით გამოწვეული განწყობილებანი, არამედ ვისწავლოთ წერა სისხლის წვეთით, წერა სასოებით, ვისწავლოთ შექმნის ოსტატობა და ქმნილებაში მთელი გულის ჩადება.

ჩვენს ხალხს უყვარს პოეტის ლექსები. ისინი ახარებენ, ახალისებენ და პოეტური შემოქმედების სიმშვენიერეს აზიარებენ მას.

მკითხველებს სრული უფლება აქვთ მოელოდნენ ჩვენი გამომცემლობებისაგან პოეტის რჩეული ლექსების როგორც უფრო ვრცელ კრებულებს. ისე მეცნიერულად დამუშავებულ თხზულებათა სრულ კრებულს. „ასი ლექსი“ პირველი კარგი ნაბიჯია ამ მხრივ.

გ ა ლ ა კ ტ ი ო ნ ი

წავიდა ჩვენგან დიდი პოეტი.

ვაჟას შემდეგ ესოდენ კაშკაშა მნათობი არ მოსწყვეტია ქართული პოეზიის ცას.

რბთავითვე ორ ღიდ საგანს ეწირებოდა იგი, როგორც პოეტი, როგორც კაცი.

საქართველო, უწინარეს ყოვლისა;

პოეზია, უწინარეს ყოვლისა.

უეცარი ტრაგიკული წერტილი დაესვა მშვენიერ პოეტურ სი-
ცოცხლეს და დამთავრდა ძვირფასი წიგნიც, განუმეორებელი და
უკვდავი წიგნი. ამიერიდან სულ მეტი და მეტი ძალით ვიგრძნობთ
ამ წიგნის სიმშვენიერეს. ოდითგანვე ასეთი ყოფილა ჭეშმარიტი
პოეზიის ბედი.

გალაკტიონი პოეზიისათვის იყო დაბადებული და მისი პოეტუ-
რი მემკვიდრეობა მართლაც შლის საზღვარს მის სიციოცხლესა და
მის უკვდავებას შორის. სიკვდილი აქ სახსენებელი არ არის.

დროშები ჩქარა!

გალაკტიონს თამამად შეიძლება ეწოდოს მეოცე საუკუნის პირ-
ველი ნახევრის საქართველოს მგრძნობიარე გულის დიდი მესაი-
ღუმლე, მის შემოქმედებას კი — გრძნობათა მშვენიერი მეცნიე-
რება.

ყველას რაიმე აქვს სახსოვარი!

ქართველი ხალხიც თავის უძვირფასეს სახსოვართა შორის გუ-
დამ სასოებით შეინახავს გალაკტიონის ბევრ ხელხელ საგოგმანე-
ბელ ლექსს.

ვერ ვინმე მესხი მელექსე.

რაც კი მივლა მე გზები.

ჯერ ლექსი მწუავდა. მერე მზე.

ჯერ მზე და მერე ლექსები.

ამ დღეებში, ალბათ, ყველას გულში გვიძღვრს გალაკტიონის
ლექსების მუსიკა, დაგვსდევნ და ფუტკარივით გვებხევიან მისი
შესანიშნავი სტრიქონები.

ატმის ხე იდგა თაიგულივით...

გალაქტიონის გენია ჩვენი საუკუნის დამდეგის რევოლუციურმა როპანტიკამ გააღვიძა. იმ დღიდან პოეტის მშფოთვარე გული ეპოქის ბევრმა ნაპრალმა გაბზარა და მის სულში ბევრი ჟრუანტელი, ბევრი იმედიცა და უიმედობაც, ბევრი ტკივილიცა და სიხარულიც დააგუბა.

გალაქტიონის დიდი პოეზია ორ პოლარულ პათოსს შორის არის გამილილი: მიჯაჭვული ამირანის მწუხარე და უიმედო გოდებიდან („აღარ გათენდება ღამე საზიზღარი! რომელი საათია, რომელი საათია?“) ახსნილი და ჭაჭვებდალეწილი ამირანის სიხარულამდე („სულ რომ არ იყო ქვეყნად ღიმილი, შეხედე ახლა რაოდენია“; „ავერ მძლავრი და ტიტანი, მოსჩანს კავკასიის ტანი, მიჯაჭვული აქ იყო და აქ აეშვა ამირანი“).

პოეტის მშვენიერი ლექსები მუდამ ფრთას გასხამთ, სასიცოცხლო ენერჯიას გმატებთ, რადგან გრძნობთ უდიდეს პოეტურ ენერჯიას, გრძნობათა დიდ ადამიანურ სიღრმესა და სისავსეს.

ოჰ! ეს ფოთლები, ფენილი ქარით,
ეს მწუსარე და ნაზი ზმანება,
ეს ყვავილები, ეს ცა, მითხარით,
არავის თქვენგანს არ ენანება?

არა, ასეთი პოეტური ხილვები კი არ შლიან და არღვევენ ჩვენს სულს, არამედ ამთლიანებენ და აფართოებენ ემოციურად, ესთეტიკურად. დეკადანსის საბედისწერო რუბიკონი გალაქტიონმა თითქმის იმთავითვე გადალახა თავისი დიდი პოეტური ტალანტით... გალაქტიონის მთავარი მემკვიდრეობითი ძარღვი ნიკოლოზ ბარათაშვილის, ილიას, აკაკის და ვეჟას პოეტური სამყაროდან მოდის... და ისიც მათ შწყკრივშია ჩამღვარი.

მართალია, გალაქტიონმა თითქოს უცხოური მოტივებიც შემოიტანა ქართულ პოეზიაში, მაგრამ იგი მაინც უღარესად ქართველი ეროვნული პოეტია, არა იმდენად გარეგნული ნიშნებით, რამდენადაც თავისი სულის თვისებებით, პოეტური აზროვნების ხასიათით. სწორედ იმიტომ შესძლო გალაქტიონმა ქართული ლექსის უღრმესი და უდიდესი განახლება, რომ იგი ყველა ფესვით შეჭრილი იყო დიდ ქართულ პოეტურ მემკვიდრეობაში, რომ უბრწყინვალესად ფლობდა ქართული ენის სტიქიას. პოეტი საოცარი ძალით გრძნობს ქართული სიტყვის სურნელებას, მუსიკას, ფერს, შინაგან ნახატს. ოქნებ ანიტომაც ითარგმნება იგი ასე ძნელად სხვა ენებზე.

მთები აკრელდა, როგორც ჟირაფი,
მატარებელი მიჰქრის, ბინდდება,
ახლა იწყება წიფის გვირაბი,
თქვენ ხომ არაფრის შეგეშინდებათ?

რა შესანიშნავად არის მოქნეული ქართული სიტყვა!

დღეს გალაკტიონის ცხედარს მიიბარებს მთაწმინდა, თბილისს, ქუთაისს, მთელ საქართველოს მოაკლდება პოეტის ცოცხალი სახიერება, მაგრამ ქართველი ხალხი სასოებით მოუვლის მის შესანიშნავ პოეზიას — ახალი ცხოვრების მშენებელი ადამიანის სულია და ესთეტიკური გრძნობების აღზრდის ამ ანკარა წყაროს.

პოეზია — გულის სიბრძნე

გაუმარჯოს პოეზიას! განა მართო ლექსებში? ყველგან, სადაც არის იგი — სიტყვების, ბგერების, ფერების, ნაკვთებისა და ხაზების სტიქიაში — რომანში თუ ქანდაკებაში, მუსიკაში თუ ნახატში.

დე, დაიპყროს პოეზიამ ადამიანი მთლიანად! შესანიშნავი იქნებოდა ეს, რადგან დიდია პოეზიის არა მართო ესთეტიკური, არამედ ზნეობრივი ძალაც... და, შესაძლოა, დღეს ყველაზე მეტად, ვიდრე ოდესმე, საჭიროებს ადამიანი ამ ძალის ზემოქმედებას. რასაკვირველია, პოეზია არ არის ზნეობრივი მოძღვრება, მაგრამ თვით სილამაზისა და ჰარმონიის გრძნობა მუდამ არის დამუხტული ზნეობრივი ენერგიით.

გაუდაბურდებოდა, გავერანდებოდა ადამიანის სული, მას რომ პოეზიის მაღლი არ ჰქონდეს მინიჭებული.

ცისქვეშეთში არც დაბადებულა, არც გამოგონილა ისეთი რამ, რასაც შეეძლოს ადამიანთა გულების ისე დაახლოება და დამეგობრება, როგორც ეს შეუძლია პოეზიას, ხელოვნებას საერთოდ. ადამიანიდან ადამიანში, ხალხიდან ხალხში, ქვეყნიდან ქვეყანაში, საუკუნიდან საუკუნეში გადააქვს მას ადამინთა გულისძგერა, უთვალავი ფიქრი და აზრი, გრძნობა და ვნება... და ქმნის გულთა კავშირის უმშვენიერესსა და უსასრულო სამფონიას.

არის კი რამ ამაზე უფრო ადამიანური? პოეზია ცოცხლობს და მარად იცოცხლებს ადამიანთა გულის დაუსრულებელი ფეთქვით, ადამიანურობის სულ ახალი და ახალი იდეებით. ჭკუათამყოფელი აბა ვინ იფიქრებს, რომ რომელიმე ფორმულებით შეიძლება ამოიწუროს ადამიანის საკითხები, გადაიჭრას ჰუმანიზმის პრობლემები, საბოლოო ზღვარი დაიდოს სიკეთესა და ბოროტებას შორის? ეპოპეა ადამიანისა, მით უმეტეს ეპოპეა ადამიანის გულისა, — უსასრულოა როგორც სამყარო.

რასაკვირველია, პოეზია (ხელოვნება საერთოდ) ყოველგვარ საზოგადოებრივ ფუნქციას დაჰკარგავდა, მოკვდებოდა, რომ მას მუ-

დამ ერთი და იგივე აზრი, გრძნობა, განცდა და იდეა ჰქონდეს გა-
დასატანი გულიდან გულში, პიროვნებიდან ხალხში, დროიდან
დროში. იგი მუდამ კვალში უნდა ედგეს ცხოვრების განვითარებას
და მუდამ უნდა მიიკვლევდეს გზას ადამიანთა სულისა და გულის.
კოსმოსური სიღრმეებისაკენ, როგორც ადამიანურისა და ადამიან-
ურობის მუდმივი გამოვლინება. ამიტომაც სიახლე, ნოვატორო-
ბა პოეზიაში, მხატვრულ შემოქმედებაში საერთოდ, უმალ დაკავ-
შირებულია ახალი ადამიანური ფენის გახსნასთან, ჰუმანიზმის ახა-
ლი იდეის წამოჭრასთან, ვიდრე რაიმე ახალი გავომსახველობითი
საშუალების გამოყენებასთან. არა! ახალ მხატვრულ საშუალებათა
აღმოჩენაც არსებითად ადამიანურის სამყაროში შეღწევაა უფრო
ღრმად, უფრო ძალუმად.

პოეზია ამავე დროს მარადიული სიკაბუკეც არის ადამიანის სუ-
ლისა, მას მუდამ თან ახლავს პირველი ხილვის სინედლეც. სილა-
მაზის გრძნობის პირველქმნილობაც. განა არ არის მრავლისმეტყვე-
ლი ის ფაქტი, რომ ადამიანის პირველი შეხვედრა კოსმოსთან პო-
ეტური იყო? „ო, რა სილამაზეაო!“, — წამოიძახა ჩვენი საუკუნის
კაცმა, ვინც პირველი გაიჭრა კოსმოსში და იქედან პირველად მოავ-
ლო თვალი სამყაროს.

პოეზია დროთა უმშვენიერესი კავშირითაა.

ჩემს სულში ცოცხლობს ამირანის მითიც და „ვეფხისტყაოსა-
ნიც“, „დავითიანიც“ და „მერანიც“. „აჩრდილიც“ და „განთიადიც“.
„გველის მკამელიც“ და „მთაწმინდის მთვარეც“. „ნინოწმინდის ღა-
მეც“ და „ლეჩხი მეწყერიც“. ბევრი სხვა ქმნილებაც ადამიანის
მხატვრული გენიისა — შინაურიც და უცხოურიც. ახალიც. ძველიც
და ძველისძველიც. ასე იყრიან თავს ჩემს სულიერ არსებაში სხვა-
დასხვა დროის, სხვადასხვა საუკუნის უმშვენიერესი ადამიანური
განცდები. მე მოკვდავი ვარ, მაგრამ ეს განცდები როდი არიან მოკვ-
დავნი. დე, პოეტური პარადოქსი იყოს, მაგრამ მაინც ღრმა. მაინც
დიდებული თქმავ: თუმც არ არის ადამიანი მარადიული, მაგრამ ის
რაც მარადიულია, ადამიანურიაო.

განცდა, როგორც ადამიანის სულის რთული რეაქცია გარე მოვ-
ლენებზე, როგორც გრძნობად-ემოციური კავშირი ქვეყნიერებას-
თან, სამყაროს ეგრეთწოდებული მხატვრული ათვისების მთავარი
არხი, მთავარი საშუალებაა. პოეზიისა და მით უმეტეს ლირიკული
პოეზიის სათავე ხოჭ განცდა და განცდაა. მაგრამ ყოველი განცდა
როდი შეიძლება ამაღლდეს ხოლმე პოეზიამდე. მხოლოდ ის განც-
და, მხოლოდ ის გრძნობა ბადებს ჰუმანიტ პოეზიას, რომელიც თა-
ვისი დროის ღრმა ქვეყნიურ და ადამიანურ კავშირთა სიმებს არ-

ხევს, ადამიანის სულის მთელემაზე ძალებს აღვიძებს და შორს მიმავალ ასოციაციებს იწვევს. ასეთი განცდები სიტყვებში (მით უმეტეს, სიტყვათა „კისრისტეხაში“) როდი თავდებიან (შესაძლოა, ვერც თავსდებიან), არამედ ტალღისებურად ვრცელდებიან სიტყვებიდან სახეებში, სახეებიდან მუსიკაში, მუსიკიდან აზრთა და გრძობათა დიდ მოძრაობაში.

პისარევის ჭარბი უტილიტარული დამოკიდებულება პოეზიისადმი, რასაკვირველია, მიუღებელია, მაგრამ ფრიად საგულისხმოა მისი აზრი ლირიკოსების შესახებ. მხოლოდ პირველხარისხიანი გენიოსებს აქვთ უფლება იყვნენ ლირიკოსებიო, — ფიქრობდა იგი, — რადგან თავისი პირადი სულიერი ცხოვრების ჩვენებით მხოლოდ კოლოსალურ პიროვნებას შეუძლია მოუტანოს სარგებლობა საზოგადოებასო.

მეტისმეტია, არა?

ჩემი აზრით, ჰოც და არაც!

ამ აბსოლუტური საზომით, რა თქმა უნდა, კატასტროფულად შემცირდებოდნენ ლირიკოსები. და ვინ იცის, რამდენ ხანს უნდა გველოდინა „ცის გახსნისათვის“. მით უმეტეს, რომ, რაც დრო მოდის, ადამიანთა თაობები სულიერი კულტურის სულ ახალ-ახალ სიმაღლეებზე აღიან და ერთეულთათვის სულ უფრო და უფრო ძნელი ხდება ასცილდნენ ამ სიმაღლეებს. მიუხედავად ამისა, — კოლოსალურისა რა მოგახსენოთ, — მაგრამ თავისი ნიჭიერებითა და მოქალაქეობრივი სულისკვეთებით საკმაოდ მნიშვნელოვანი პიროვნება მაინც უნდა იყოს ის, ვინც ხალხის გასაგონად მღერის თავის განცდებს...

პოეზია გრძობათა სიბრძნეა, განცდათა სიბრძნეა, თუ ყოველგვარ სიბრძნეზე აღმატებული არა, ყოველ შემთხვევაში, მათი უეჭველი და უდავო ტოლფარდი მაინც ყველგან და ყოველთვის. სიბრძნე კი ბრძნულ დამოკიდებულებას საჭიროებს... და არაფერია ისე, არაპოეტური და პოეზიისათვის საზიანო, როდესაც მას მეტად „ძმობიჭურად“ და ფამილარულად ეპყრობიან, როდესაც გარითმული ნამცეცა გრძნობებით პარნასზე ასვლას ლამობენ.

მე ვთქვი, პოეზია გრძნობათა სიბრძნეა-მეთქი. რა თქმა უნდა, მხედველობაში მაქვს თავისთავად პოეტური სიბრძნე, მხატვრული სიბრძნე და არავითარ შემთხვევაში ამა თუ იმ ფილოსოფიურ-მეცნიერული მოძღვრების ილუსტრირება, როგორც ზოგჯერ ჰგონიათ ხოლმე.

არა ცივი და განყენებული ზნეობრივი კონცეფციით გვხიზლავს ჩვენ, მაგალითად, „კაი ყმა“, არამედ სწორედ პოეტური განცდის

სიბრძნითა და სიღრმით. ამ განცდის ძალა შემოდის ჩემში, როდესაც ვკითხულობ:

იქ იდგეს ხმალაშფედილი,
საც ძალა აღმართს კველაედეს,
გაბეჩაებულ სიმართლეს
უსამართლობა სძალაედეს,
სხვისა იუბნოს სახელი,
თავის გარჯასა კმალაედეს...

სულეთს შავიდეს ხმლიანი
ლალი ლალისა ცხენითა,
წინ მიუძღოედეს არწივი
ხმით მოყაყაშე, ფრენითა.
ქება უყიელონ გმირებმა,
გადასრულებმა ჩვენითა.
ერეკლემ ხელი გაჰხვიოს,
დაისუას თავის გვერდითა,
გამოეგებოს თამარი
მცინარი, თავის ფეხითა.
გახარებული უფალი
კარგ ყმას ჯვარს სწერდეს ზენითა,
ანგელოზები ხარობდენ.
აღქაჭნი იყენენ წყენითა.

ზნეობრივი იდეალიზმი. რაც დღესაც ნაკლებად როდი გვჭირდება ჩვენ, აქ პირდაპირ ამოხეთქილია პოეტური განცდის სიღრმიდან და არა პირიქით.

ან კიდევ: რა უბრალო, რა ლაკონური საშუალებით არის დაგზნებული პოეზიის უშრეტო ცეცხლი თამარისადმი მიმართვაში:

ქალო, ქართველთა სულის დგმავ,
ქალო, ქართველთა დედაო!
ტყუილად ვამბობთ შენს სიკვიდის,
თამარს ცოცხალსა გხედაო.

გულში გვინთიხარ ლამპრადა,
ნათობს და არა ჰქრებაო.
შენს და შოთაის მარჯვენას
ვემთხვიე ზედი-ზედაო.
შენა ხარ ერის სიცოცხლე,
თავი არ მომიკვდებაო!
მოწყალედ გვექმენ ქართველთა,
ჩვენო ლამაზო დედაო!

სწორედ პოეტის გულის მღვლეარების უღრმესი სიბრძნე ანიჭებს ამ „უბრალო“ ლექსს განუმეორებელ მომხიბველულობას.

უკვდავ მშვენიერებად სახლდება სულში „ჩვენო ლამაზო დედაო!“
და გრძნობათა მთელ ლაშქარს რაზმავს.

მე არ მინახავს ნიკორწმინდა, მაგრამ მე ვიცი მისი უქკნობი
პოეზია ასევე უქკნობი პოეზიის საშუალებით.

აქ რომ თაღებია,
სვეტთა შეკონება.
ისე ნაგებია,
სიზმრის გეგონება.
ნეტა ვინ ააგო...

გრძნობ, ვით ღიაღია
თორმეტი სარკმელი,
ხაზებში ანთია
ცეცხლი მისარკმელი:
ნეტა ვინ აანთო...

ნეტა ვინ მოჰქარგა
და როცა მოჰქარგა.
შიგ მიჰქარგ-მოჰქარგა
გზნება — ნიკორწმინდა!
მკვეთრი და მოქნილი
ნაზთა დასრულება
არის ამოღქმნილი —
ნატვრის ასრულება...

მზერა ქართულია
სივრცის დაუნჯებით,
თვალი გართულია
ფრთიან ფასკუნჯებით:
ფრთები, ფრთები გინდა,
კიდევ ფრთები გვინდა,
გინდა დაეუფლო
სივრცეს, ნიკორწმინდა!
შენ, ფრთამოღულუნეს
ეამთა სიმალღუნე,
ჩვენი საუკუნე
გიცავს, უახლესი:
მძლავრი ხელოვნება,
ხალხის ხელოვნება —
ბრწყინავს საქართველოს
ქებად ნიკორწმინდა!

თითქოს ვაზის ლერწებივით არის აქ გადაწნული ერთმანეთში
ნატიფად შესრულებული რომანტიკული სახეები, მთრთოლვარე რი-
ტმი, ნაზი და მსუბუქი მელოდია. ლექსში წყაროსთვალივით მოჩანს

უმძაფრესი პოეტური გრძნობა ხალხის ხელოვნების უკვდავებისა.

ახლა ერთი „პატარა“ თემი: „პატარა“ ინტიმიკ — სიბრძნე ქალის გულისა, უნაზეს პოეზიად გაცხადებული.

რა ჩურჩული ეამით ჩემთა ყურთა!

რა ჩურჩული! — ...დამდაგველი, მწველი.

ლამის სახლში შემოვიდეს თუთა,

ლამის წელზე შემომხვიოს ხელი.

ეს ჰიმნია იღუმალებით სავსე მარადიული ქალურობისა. სიყვარულის მარადიული წყურვილისა. სადღაც თითქოს რაღაც ჭოკონდას ღიმილისებური მიინიშნება შესანიშნავ პოეტურ განსახებაში. მზად ხარ ადიდო სიცოცხლის ეს მშვენიერი ძალა!..

ო, რამდენი ხელიხელ საგომანები მარგალიტი ბრწყინავს ქართული პოეზიის დიდ საგანძურში. და გვიხარია. უზომოდ გვიხარია. რომ დღევანდელი ქართული პოეზია უხვად ამრავლებს ამ მარგალიტებს. მეგობრებმა უკვე კარგად შენიშნეს, რომ კავკასიონის გადმოღმა ცოცხლობს და ვითარდება დიდი. თავისებური პოეზია. ალბათ, მომავალში კიდევ უფრო მკაფიოდ დაინახავენ იმ განსხვავებულსა და თვითმყოფადს, რაც ქართულ პოეზიას შეაქვს მსოფლიო ხალხთა პოეტურ კულტურაში. თუ ჭერ კიდევ ჩვენი საუკუნის დამდეგს დიდმა ფრანგმა მწერალმა — რომენ როლანმა განსხვავებულობა და თვითმყოფობა შესანიშნავად დაინახა ხელოვნების ისეთ დარგში, როგორც მუსიკაა, პოეზიაში თვითმყოფობა ხომ უფრო მკვეთრი და, მაშასადამე, უფრო ადვილი შესამჩნევია (1906 წელს პარიზში როლანის ინიციატივით გამართულა სომხური, ქართული, რუსული და სპარსული მუსიკის კონცერტი, რის შესახებაც იმავე წელს როლანი სწერს ერთ თავის კორესპონდენტ ქალს: „მუსიკაში მკაფიოდ გამოჩნდა ეროვნული განსხვავება: სომეხი ღრმა, ტრაგიკული და ვაჟაკურია თვით თავის მეოცნებობაშიაც კი; ქართველი ნათელი და მზიურია. თითქმის იტალიელია; რუსი დინამიური, ცვალებადი და ლბილია.“ («Иностранная Литература», 1906 წ. № 3. გვ. 223).

პოეზია, მათ შორის ღირთა, ადამიანის გულის მუდმივი თანამგზავრია. კარგად, აზრიანად, მღელვარებით წერს ამის შესახებ ერთ-ერთ თავის უახლეს ლექსში ცნობილი რუსი პოეტი ალექსი სურკოვი.

Все мы люди, все мы человек,
В космос огненным взлетаем змеем,
Плавим сталь, обуздываем реки,
Только с сердцем сладить не умеем.

Сердце шутит шутки с нашим братом,
Разностями разными волнует.
Гений, смело расщепивший атом,
Женщину к ничтожеству ревнует.

То терзает нас слепая ярость,
То тоска ночная душу гложет.
Даже оптимист, почувяв старость,
Хочет улыбнуться и не может.

А любви нераздельной пытки?
А разящий сердце нож разлуки?
Ну, а если сбросим «пережитки» —
Не прокиснем ли совсем от скуки?

Мысли обступают нас, тревожа
Нашу беспокойную природу.
Неужели будет жизнь похожа
На дистиллированную воду?

Будет душу грызть проблема эта,
Будет тонкой сеткой ткать морщины,
На нас не получить ответа
У кибернетической машины.

Думается мне, что с нашим схоже
Будет сердце нового героя.
Значит, и при коммунизме тоже
Лирику не выведут из строя.

ლექსი, როგორც ვხედავთ, არ არის მოკლებული ერთგვარ ადამიანურ შეშფოთებასაც...

სანამ გული საკირო იქნება ადამიანისათვის, არ მოიშლება მისი სიბრძნეც — პოეზიის ღვთიური ცეცხლი.

ღე, ყოველი ღღე იქცეს პოეზიის ღღედ ხალხისათვის!

პოეზია სათაპილანე

— მიყვარს წყაროს თვალი, მიყვარს სათავე, საიდანაც ანკარა, აუმღვრეველი წვეთები მოწანწკარებს. იგი ყოველთვის მაგონებს საყვარელ პოეტურ ქმნილებებს, მაგონებს პოეზიას. პოეზია კი, უწინარეს ყოვლისა, მიტაცებს თავისი უზარმაზარი ზნეობრივი ენერჯის გამო, — მეუბნებოდა ხოლმე ჩემი ერთი მეგობარი, კარგი მეგობარი, კარგი, თუნდაც იმიტომ, რომ უყვარდა რაღაც გულუბრყვილო, უვნებელი წაფილოსოფოსება, იგი ონში დაიკარგა და მე დამრჩა მისი ერთი ჩანაწერი, აი, ეს ჩანაწერიც:

„იმისათვის, რომ იარსებოს, რასაკვირველია, ადამიანმა უნდა მოიპოვოს და მოიხმაროს პური არსობისა, უნდა დაიკმაყოფილოს საარსებო მოთხოვნილებანი. ამ მხრივ ადამიანი მომხმარებელია და, კაცმა რომ თქვას, როგორც მომხმარებელი იგი დიდად არაფრით განსხვავდება სხვა ასეთივე მომხმარებელ სულდგმულთაგან. მომხმარებლის დამოკიდებულება სამყაროსადმი, თუნდაც ფრიალ განვითარებული, გაფაქიზებული და დახვეწილი, არსებითად მაინც ცხოველური დამოკიდებულებაა. ამ დამოკიდებულებით ადამიანის ზნეობრივი არსება შორს ვერც წავიდოდა და ვერც წავა. მაგრამ, მადლობა ღმერთს, არსებობისათვის ბრძოლაში ადამიანს დასჭირდა გაეკეთებინა იარაღი. და სწორედ ამან ასაწვლა მას კეთება, შენება, შექმნა, ასწავლა არა მარტო ნივთიერ, არამედ სულიერ ღირებულებათა შექმნაც. საკუთრივ ადამიანის ადამიანობა მაშინ დაიწყო როდესაც მომხმარებელში შემქნელიც წარმოიშვა და განვითარდა.

ადამიანში, ამრიგად, მომხმარებელიც ზის და შემქნელიც. მომხმარებელი სწორედ იმიტომ არის მომხმარებელი, რომ იგი არავის არაფერს აძლევს, ყველაფერს თავისთვის იხმარს, ყველაფერს თავისკენ მიითლის, ყველაფერს იხვეჭს და ითვისებს, რაც კი საჭიროდ მიაჩნია თავისი არსებობისათვის. შემქნელი კი სულ სხვაა. იგი თავის ძალას, თავის აზრსა და გრძნობას. თავისი გულისა და სულის ნაწილს აძლევს მას, რასაც აკეთებს. რასაც ქმნის. შემქნელის დამოკიდებულება სამყაროსადმი ნამდვილად შემოქმედებითი დამოკიდებულებაა. შემოქმედება, ამრიგად, გაცემია და არა მოხვეჭა: იგი

თავისთავის ხარჯვანა გარკვეულ ადამიანურ ღირებულებათა შესაქმნელად. თავისთავის გატანა, გარდაქმნა და გაცხადებაა ამ ღირებულებებში. შემოქმედება თავისი ბუნებით იმთავითვე რალაც ღიდი ზნეობრივი აქციაა.

მომხმარებელი და შემოქმედი!

ამ ორი საწყისის დავა და ბრძოლა ადამიანშიც, ადამიანთა საზოგადოებაშიც ათასნაირ კვანძებად იხლართება ისტორიულადაც, სოკიალურადაც, ფსიქოლოგიურადაც...

განა უბრალო საკითხია, თუ ვინ ვის გადასძლევს ადამიანში — მომხმარებელი თუ შემოქმედი?

ეს რომ ღიდი, ღრმა და ფრიად მწვალელებელი საკითხია. იქედანაც ჩანს, რომ ამ საკითხს, სხვებზე რომ არაფერი ვთქვათ, მოეპიდა ჩვენი ბრძენი პოეტიც — ვაჟა-ფშაველაც. მისი მინდიას ღიდი ტრადგედია არსებითად ხომ იმისგან წარმოსდგა, რომ იგი შეეცადა დაეკაზნა. დაეძლია ადამიანში მომხმარებელ-მიმთვისებელი, რათა სრული თავისუფლება მინიჭებოდა შემოქმედს. სიკეთის მთესველს, ვინაც თავისთავს მხოლოდ ამდლებულ ადამიანურ ღირებულებათა შექმნისათვის ხარჯავს. მინდია, რასაკვირველია, შორს არის სულსათვის ხორცის გვემის რელიგიური რწმენისაგან. მინდია სრულიადაც არ უარყოფს ადამიანის საარსებო მოთხოვნილებათა დაკმაყოფილების აუცილებლობას, იგი უარყოფს და ჰგმობს მხოლოდ უღმობელ ცხოველურ-მომხმარებლურ დამოკიდებულებას ბუნებისადმი: მას სწყურია დაამკვიდროს თანაზიარ-თანამგრძნობელი შემოქმედებითი დამოკიდებულება ყოველივე არსებულისადმი, რათა ამ გზით მისწდეს და ეზიაროს ცხოვრების ღიდ ჰარმონიას. მაგრამ მას წინააღმდეგა ოჯახი, წინააღმდეგა ცხოვრების მკაცრი ყოველდღიურობა თავისი ძლიერი სამომხმარებლო ინტერესებითა და საზრუნავით. მომხმარებელმა მინდიაში მოჰკლა შემოქმედი და მას ისღა დარჩენოდა რომ თავი მოეკლა. მისთვის ეს გარდუვალი იყო, რადგან უმად ლეს ჰიბრძნეს ზიარებულმა კარგად უწყოდა, რომ ადამიანში შემოქმედის ჩაქრობა და მომხმარებლის სრული გაბატონება მოასწავებდა ადამიანის დაქვეითებას ცხოველამდე.

ბოლოს და ბოლოს ადამიანში მაინც შემოქმედმა უნდა გაიმარჯვოს. რათა მთელი მისი სულიერი ძალები, მთელი მისი გრძნობები, აზრები და მისწრაფებები ნამდვილად გაადამიანურდეს...

პოეზია კი შემოქმედების ერთ-ერთი უმადლესი ფორმაა, იგი ადამიანის აზრთა და გრძნობათა გაადამიანურების ერთ-ერთი ყველაზე ძლიერი საშუალებაა და მას თვალი ყოველთვის სათავიდან უნდა გავადევნოთ“.

იქნებ უცნაურიცაა, რომ რატომღაც სურვილი დამებადა ორიოდე ზიტყვა პოეზიაზე დამეწყო სწორედ ამ საკმაოდ ზოგადი და, შესაძლოა, არც თუ მთლად კარგად გამართული ჩანაწერით.

რა გაეწყობა! დე, იყოს ეს ერთგვარი კამერტონი, რაც, ალბათ, მარტო მუსიკოსს როდი სჭირდება.

უპოეზიოდ. მართლაც, ძნელი და ბნელი იქნებოდა კაცის ცხოვრება. სანამ ადამიანს ექნება სრულქმნილი სიტყვის სიმშვენიერისა, სიბრძნისა და სიკეთის წყურვილი, მანამ პოეზია ადამიანის სულიერი ცხოვრების ერთ-ერთი უმთავრესი და უწყვეტი ნაკადი იქნება.

უდიდესი და უღრმესი პოეზიის არა მარტო ესთეტიკური, არამედ ზნეობრივი ზემოქმედების ძალაც.

არსებობს აზრი, რომ პოეზია ხელმისაწვდომია მხოლოდ რჩეულთათვის. განსაკუთრებული ნიჭით დაჯილდოებულ ადამიანთათვის. ერთხელ ერთმა ცნობილმა პოეტმა ნაღვლიანად თქვა, ო, რა ცოტანი არიან ქვეყნად, წარმოიდგინეთ, თვით პოეტთა შორისაც კი, პოეზიის ნამდვილი მოყვარულნი და გამგებნიო.

მართლაც ასეა?

ამ საკითხს ბევრი ასპექტი აქვს.

ვფიქრობ, ლექსის წერა, ისე როგორც ხატვა, სიმღერა, ნოტების კითხვა. ან რომელიმე მუსიკალურ ინსტრუმენტზე დაკრა მეტად თუ ნაკლებად ყველას შეუძლია ისწავლოს, მაგრამ ქვემარტივად პოეტურ ღირებულებათა შექმნა ანუ სრულქმნა სიტყვათა გულისა გასაგებირათა ძალუძს მხოლოდ ტალანტებს, ისე როგორც წარმატად შეუძლიათ იმღერონ მხოლოდ განსაკუთრებული ხმით, განსაკუთრებული მუსიკალური ნიჭით დაჯილდოებულ ადამიანებს. ეს ანბანური ქვემარტივებაა. მაგრამ ეს იმას როდი ნიშნავს, რომ ჩვენ ჩვეულებრივი ადამიანები მოკლებული ვიყოთ პოეზიის აღქმისა და პოეზიით აღფრთოვანების უნარს. მშვენიერების განცდისა და ესთეტიკური ტკბობის უნარი, ისე როგორც საერთოდ აზროვნებისა და მგრძნობელობის უნარი, ადამიანთა საყოველთაო თვისებაა. ეს ასე რომ არ იყოს. მაშინ განსაკუთრებულ ნიჭსაც არავითარი მნიშვნელობა არ ექნებოდა. მაგრამ პირველადი უნარი ჯერ მხოლოდ შესაძლებლობაა და არა მოქმედი. აქტიური სულიერი ძალა. განუკითარებლად იგი მუდამ ბრმა, თვალაუხელებელ ბავშვს ემგვანება, იმის გამო, რომ მე, როგორც ადამიანს, აზროვნების უნარი მაქვს. განუსწავლელად როდი შემიძლია ამოვხსნა რთული მათემატიკური ფორმულა, ჩავევდე აინშტაინის თეორიას, გავიგო თანამედროვე ფილოსოფია. ასევე. ის, რომ მე მაქვს ესთეტიკური განცდის უნარი, სრულიადაც არ ნიშნავს იმას, რომ ესთეტიკური კულტურის ამაღ-

ლების გარეშე შემიძლია ღრმად ჩავწვდეთ ხელოვნების, მათ შორის პოეზიის კემპარიტ ქმნილებათა მთელ პოეტურ სიბრძნესა და სიმშვენიერეს. ამ პარალელს უფლებამოსილებას, ჩემი აზრით, ოდნავადაც არ ეწინააღმდეგება ის, რომ პოეზიის, ისე როგორც მუსიკის, ფერწერის და ხელოვნების ყველა სხვა დარგის ზემოქმედება ადამიანზე გაცილებით უფრო უშუალოა, ვიდრე ვთქვათ, მეცნიერებისა.

კიდევ მეტი: შესაძლებელია პარალელის გაგრძელება: ისევე, როგორც მეცნიერული ცოდნის განუწყვეტელი დაუფლების გარეშე შეუძლებელია კვალდაკვალ მიჰყვეთ თანამედროვე მეცნიერების განვითარებას, ესთეტიკური კულტურის განუწყვეტელი ამაღლების გარეშე შეუძლებელია კვალდაკვალ მიჰყვეთ თანამედროვე ხელოვნების, თანამედროვე პოეზიის განვითარებას.

პოეზიის ხალხურობა, რაც თანამედროვეობის მოწინავე ესთეტიკური აზრის ერთ-ერთ არსებით მოთხოვნას წარმოადგენს, არავითარ შემთხვევაში არ მოასწავებს პოეტური შემოქმედების გამარტივებას და პოეზიის დაყვანას, თუ შეიძლება ასე ითქვას, მასობრივი გემოვნების დონემდე. პირიქით, ხალხის უკეთეს გრძობებს, აზრებს, მიწრაფებებს შეესაბამება პოეზიის განუწყვეტელი გაუზვევა ახალი პოეტური იდეებით, გამომსახველობის ახალი საშუალებებით, მშვენიერებისა და სიკეთის ახალი ამაღლებული იდეალებით.

მიუხედავად ამისა, საკმაოდ ძველი და გარკვეული მნიშვნელობით მართებულია დებულება, რომ პოეზია (საერთოდ მწერლობა) კი არ უნდა დავიყვანოთ ხალხამდე, არამედ ხალხი უნდა ავაპალოთ პოეზიამდე, რასაც სხვადასხვა ვარიაციებით და სხვადასხვა შემთხვევისათვის ღღესაც საკმაოდ ხშირად იმეორებენ, — რამდენიმედ ცალმხრივი და არასრულია. განსაკუთრებით ჩვენს დროში, როდესაც პიროვნებისა და საზოგადოების ურთიერთობა სხვა ხარისხშია გადასული. ჩემი აზრით, უფრო მართებული იქნება ვთქვათ: ხალხი უნდა ამაღლდეს დიდ პოეზიამდე, მაგრამ პოეზიასაც არანაკლებ მართებს ამაღლდეს ხალხამდე, ხალხის სულიერ მოთხოვნებამდე. მით უმეტეს, რომ ხალხი ყოველთვის ყველა ცალკეულ გენიოსზე გაცილებით უფრო დიდი გენიოსია და პოეზიის მთელი ოქროს მადანიც მის წიაღშია გაფანტული, ყველა უკეთესი პოეტური ქმნილებაც ყოველ დროში მისი გულიდან არის მოკვეთილი. საბოლოო ანგარიშით — ღღეს არა, ხეალ — ხალხი მაინც პოეზიის ყველაზე დიდი მოყვარული და გამგებია.

ღღეს ჩვენი დიდი სულიერი საუნჯის — ქართული პოეზიის ღღეა.

ქართული პოეზიის დიდი გზა კი ყოველთვის ქართველი ხალხის ისტორიული ცხოვრების, მისი ჭირ-ვარამის, მისი საარსებო საკითხების შუაგულში გადიოდა და თავის უკეთეს ნაწილში ყოველთვის ასახიერებდა ხალხის სიბრძნეს, მის სამოქალაქო, ეროვნულ. ზნეობრივ და ესთეტიკურ მისწრაფებებს. შოთას ნაანდერძევი სიბრძნის ეს ერთი დარგი გურამიშვილმა ქართლის ჭირის გასახსნელად მოიმარჯვა, ბარათაშვილმა ქართლის ბედის გასააზრებლად, მოძმეთა თვის გზის სიძნელის გასაადვილებლად, ილიამ ერის წყლულის სამკურნალოდ, აკაკიმ ხალხის ცხოვრების სარკედ, ვაჟამ ერის ზნეობის ასამაღლებლად. ღმერთთან სალაპარაკოდ.

ეს დიდი სამოქალაქო და ეროვნული ტრადიცია ღირსეულად განაგრძო და განავითარა ახალმა ქართულმა საბჭოთა პოეზიამ. და ეს პოეზია დღეს თავისი მხატვრულ-იდეური ღირსებით, თავისი მრავალხმოვანი ყდერადობით, თავისი ეროვნული თვითმყოფადობითა და განუმეორებელი მრავალფერადოვანი პალიტრით ყურადღებას იქცევს არა მარტო საბჭოთა კავშირში, არნედ მის საზღვრებს იქითაც. მაგრამ, მოდი, ამას ნუ გამოვედევნებთ. მით უმეტეს. რომ პოეზია სახელის განთქმისათვის კი არ არის გაჩენილი, არამედ მაღალი პოეტური ღირებულებების შექმნისათვის. მთავარი ის არის, რომ ქართული საბჭოთა პოეზია დღეს კარგად ასრულებს ჩვენი ხალხის იდეური, მხატვრული. ზნეობრივი და ეროვნული თვითცნობიერების ერთ-ერთი მთავარი ბურჯის როლს.

ბრძნობათა ბაგო

1. პირი მხე

ეს მოხდა ნადირობის დროს. ხუთნი ვიყავით. ვისვენებდით მდინარის პირას. ერთმა თქვა: — მირჩევნია ერთი დღე შეტი ვი-
ცოცხლო. ვერძე სიკვდილის შემდეგ ასი ძეგლი დამედგასო.

ოთხივენი შევედავეთ. ცხოველური, ეგოისტური მორალითა.
ვუმტყიცებდით; ასეთი მორალის კაცი ცხოვრებაში ვერ გამოიჩენს
ვერაერთარ ზნეობრივ სისპეტაკეს, ვერც რაიმე გამირობასა და თავ-
დადებას. მაგრამ მოხდა საოცრება. სწორედ ეს კაცი გამოგვეყო
ელვის სისწრაფით და თავგანწირვით გადაეშვა გადარეულ მდინა-
რეში. რომელსაც სახედაქარული დედაკაცი მოჰკიოდა. ჩვენმა
თანაჟონადირემ დახრჩობას გადაარჩინა ბავშვი, ვისაც მაღალ ნა-
პართან თვალი აქრელებოდა და წყალში გადავარდნილიყო.

რთულია ადამიანი, მაგრამ ერთი რამ ცხადია: ადამიანი, უწინა-
რეს ყოვლისა, საქმეა და არა სიტყვა.

უნდა გამოგიტყდეთ: გამიხნელდა იმ საკითხების მისადგომის მო-
ჭებნა, რომლებზედაც მინდა გასაგონად ვიფიქრო. ამიტომაც გავი-
ხსენე ეს ამბავი და ავირჩიე საყოველთაო მისადგომი — სიცოცხლე.
სიცოცხლე. მართლაც. მშვენიერებაა. თუ ვინმე ან რამე არ გიმწა-
რებს ან თვითონ შენ არ აფუტებს მას...

ცოცხლობდე — ეს იმას ნიშნავს, რომ ჰქმნიდე რაიმე საზოგა-
დოებრივ ღირებულებას, ჰქმნიდე კი იმას ნიშნავს, რომ არ კვდე-
ბოდე. ილტვოდე უკვდავებისავენ.

მაგრამ, ეთქვი თუ არა ეს, უმალვე გამახსენდა: ვაითუ ვინმე
წანომიხტეს და წინ წამომიდოს ერთი დიდი მოაზროვნის ნათქვამი:
ცოცხლობდე — ეს იმას ნიშნავს, რომ კვდებოდეთ. მაშასადამე,
გამოდის. რომ სიცოცხლე არ არის მხოლოდ სიცოცხლე, იგი სიკვ-
დილიცაა, სიკვდილიც არ არის მხოლოდ სიკვდილი, იგი სიცოცხლე-
ცაა.

რას იზამ! დიალექტიკაა. დიალექტიკა კი სამყაროს შეუვალი

კანონზომიერებაა. არ ერწმუნო ამ კანონზომიერებას, ეს იმას ნიშნავს. არ ერწმუნო მეცნიერებას. მეცნიერების შემეცნებითი შესაძლებლობა კი განუსაზღვრელია. თუმცა არის დარგი, სადაც მეცნიერული შემეცნება არცთუ ისე უფლებამოსილია. ეს არის შემოქმედების. მხატვრული აზროვნების დარგი. ყოველგვარი გაუგებრობის თავიდან ასაცილებლად ნიჩქარი ვთქვა: რასაკვირველია, მეცნიერებას შეუძლია შეისწავლოს და მისხლო-მისხლამდე გამოაკვიროს მხატვრული შემოქმედების ყოველი მხარე, ყოველი კანონზომიერება. მაგრამ მას არ შეუძლია არ იყოს ის, რაც არის, ე. ი. ხანამ მეცნიერება მეცნიერულ შემეცნებად რჩება, მას არ ძალუძს შეიმცნოს და აითვისოს სამყარო მხატვრულად. პოეტურად. მუსიკალურად. ეს მხოლოდ ხელოვნებისა და შემოქმედების საქმეა. მეცნიერება ეძებს საგანთა და მოვლენათა საერთო და საყოველთაო სათავეს. იგი საგანთა სტიქიას იმორჩილებს მათ ერთიანობაში, მათ არსში. ამიტომ მეცნიერება რამდენიმედ გულგრილია საგანთა განუმეორებელი პიროვნული ნიშნების მიმართ, მხატვრული შემოქმედება კი სწორედ მათს განუმეორებელ პიროვნულობაში შეიმეცნება. ხოლმე საგნებსა და მოვლენებს. მეცნიერება ზეიმობს იქ. სადაც საგანთა პიროვნული ნიშნები ითქვიფება და ინთქება საგანთა საწყისში, მათ არსში. ხელოვნება კი ცოცხლობს საგანთა მრავალსახუნებით და კვდება იქ. სადაც ქრება და იკარგება საგანთა განუმეორებელი პიროვნული ნიშნები.

რა ცვლილებაც არ უნდა გამოიწვიოს ადამიანთა ტვინში კაცობრიობის შემდგომმა პროგრესმა, მეცნიერებამა და ტექნიკის განვითარებამ. მათ შორის. თუ გნებავთ. ახალ სამყაროთა აღმოჩენამ მომავალ კოსმოსურ მფრინავთა მიერ, სამყაროს მხატვრული ათვისება — იქნება ის პოეზია, მუსიკა თუ მხატვრობა — მეცნიერული შემეცნების გვერდით — მუდამ დარჩება ადამიანის სულიერი ცხოვრების სრულფასოვანი წევრად. ფიზიკასა და ლირიკას სადავო არაფერი აქვთ და ერთი მეორეს ვერც წაშლის. ვერც გააბათილებს. პირიქით. ვფიქრობ, ერთი უმეოროდ ვერ იქნება. რადგან აუღესავი გონება ბუნების ვერც ერთ საიდუმლოებას ვერ ამოხსნის. და მათ სხვა დანიშნულებაზე რომ არაფერი ვთქვათ. არ არსებობს გონების იმაზე უკეთ ამღესავი, ვიდრე პოეზია, მუსიკა და მხატვრობაა. მე ასე მგონია: პოეზიის გრძნობის უქონლობა ისეთივე დიდი ადამიანური ნაკლია. როგორც მუსიკის გრძნობის ან ფერების. ხაზების. პლასტიკური ფორმების გრძნობათა უქონლობა.

ყოველივე ეს, რასაკვირველია. სიტყვამ მოიტანა, თორემ მე

იმის თქმა მინდოდა, რომ შემოქმედება ბრძოლაა უკვდავებისათვის. შემოქმედება ებრძვის ფორმულას: ცოცხლობდე — ეს ნიშნავს, რომ კვდებოდეთ. შემოქმედება ყოველთვის ცდილობს წარმავლობას გამოსტაცოს საგანი, დაიჭიროს ღროის სული, ღროის რიტმი, შეაჩეროს თვით ღრო და ყოველივე ეს ჩაკეტოს თავის ქმნილებაში.

ვთქვათ, იყო თუ არა იყო, მაინც იყო იმ ღროის ადამიანურ შინაარსში რაღაც. რაც შეიძლებოდა ასე დასახულიყო: ოდესღაც ვიღაც დაკარგულ სატრფოს დაეძებდა, იტანჯებოდა (ეს შეიძლება ცხოვრების ვითარებათა ათასნაირ ხლართებად წარმოვიდგინოთ), გავიდოდა ღრო, იპოვიდა თუ ვერ იპოვიდა ზანატრელს, ადრე თუ გვიან მაინც მოკვდებოდა ის ვიღაც, მოკვდებოდა მისი სატრფოც, ბოლო მოეღებოდა მათ ტანჯვასა და სიზარულს, მათ ვნებასა და ფიქრებს. ყველაფერი გადავიოდა უსასრულო სიცარიელეში. მაგრამ შემოქმედმა ღროს გამოსტაცა ეს კონკრეტული ადამიანური შინაარსი და თავის უკვდავ ქმნილებაში — „ვეფხისტყაოსანში“ გაამარადისა.

გამარადიულება არის შემოქმედების დაუცხრომელი წყურვილი.

წიგნს „მანონ ლესკო“ გალაკტიონმა წააწერა მშვენიერი ლექსი, რომელშიც არის ასეთი სტროფები:

ყველაფერი იგი გაქრა,
ვით სიზმარი გვიანი;
ღრომ ახალი ძალით დაჰკრა:
სხვა ადამიანი.

მაგრამ წიგნი მაინც დარჩა
ვაჟისა და ასულის,
როგორც სარკე, როგორც ფარჩა
ღროის ფერგადასულის.

შემოქმედება არის ერთადერთი თავშესაფარი, სადაც ადამიანი ემალება მადევარ სიკვდილს. პატარა თუ დიდი შემოქმედი ყოველ ადამიანში ზის. შემოქმედება მომავლის დაპყრობის, მომავალში დაბკვიდრებისა და განმტკიცების მუღმივი ეინი და წყურვილია.

„ხელოვნება თავად უკვდავებაა,

მხოლოდ ოსტატს ვერ ეწევა სიკვდილი...“

ათასეული წლები წალეკავენ ირგვლივ ყოველივეს. მხოლოდ სვეტიცხოველი დარჩება როგორც ღმერთთან და სიკვდილთან მებრძოლი იაკობი“. ასე ფიქრობს ერთგან ხუროთმოძღვარი არსაკი-

ძე, კონსტანტინე გამსახურდიას ცნობილი გმირი. შემდეგ იგი ასე ავითარებს ამ აზრს: „მართლაც და სხვა რა ევალება ოსტატს, თუ არ წამიერის მარადუამულად ქცევა? სხვა რა ევალება ამ ქვეყნად ოსტატს, თუ არ ჭიდილი წარმავლობის ნისლთან?“

ჩემი აზრით, ამ სიტყვებში არის შემოქმედების ბუნების, მისი უცვლელი ფსიქოლოგიური საფუძვლის ღრმა გაგება, გაგება იმისა, რომ შემოქმედი თავის ქმნილებაში ყოველთვის აქსოვს უკვდავებისა და მარადისობის გრძნობას.

პირადად მე მართებულად არ მიმაჩნია ქართულ კრიტიკაში გამოთქმული მოსაზრება იმის შესახებ, თითქოს მწერალმა შორეული წარსულის შემოქმედს გადასცა ჩვენი დროის მხატვრული აზროვნების დონე და ამით გმირი რამდენადმე მოსწყვიტა თავის ეპოქას. არა, ქართული ხელოვნების დონე იხილეთ ძველი ხელოვნების ისეთი ძეგლის შემქმნელს, როგორცაა სვეტიცხოველი, უეჭველად შეიძლებოდა, ჰქონოდა შემოქმედების ბუნების ამგვარი გაგება. საერთოდ კი, რომანში. ცხადია, თანამედროვეობიდან დანახული წარსულია წარმოდგენილი. სხვაფრივ არც შეიძლება იყოს. „დიდოსტატის კონსტანტინეს მარჯვენა“ ძველი საქართველოს ღირსსაჩსოვარი სახეა, ჩვენი დროის შემოქმედის მიერ ამოტაცებული წარმავლობისა და გარდასულობის უკუნეთიდან. ქართული საბჭოთა ლიტერატურის ეს ქმნილება მთელი ქართული ლიტერატურის იმ დიდ წრეში შედის. რომელიც ჰქმნის ჩვენი ეროვნული მხატვრული კულტურის სახეს და ამკვიდრებს მის საფუძვლებს. მიუხედავად იმისა, რომ რომანის ტერიტორიის უდიდესი ნაწილი გიორგი მეფის ცხოვრებასა და თავგადასავალს უჭირავს, მისი მთავარი მხატვრული ძარღვი და მთავარი იდეა ობიექტურად მაინც ქართული ხელოვნების შესანიშნავი ქმნილებების — სვეტიცხოვლის, დიდი ქართული ხელოვნის — კონსტანტინე არსაკიძისა და მშვენიერი ქართველი ქალიშვილის — შორენას ბედშია გამოსახული.

გვიდავია და, შესაძლოა, კვლავაც ვედავოთ ზოგ რამეში მწერლის ენობრივ პოზიციასაც. მის ისტორიულ თვალსაზრისსაც. მაგრამ ერთი რამ უდავოა: რომანის მთელი მხატვრულ-ენობრივი სისხლ-ხორცი კარგად ამჟღავნებს ქართული ენის ჭავარიანობასა და მის განუსაზღვრელ გამომსახველობით შესაძლებლობას. გვახარებს, რომ ქართულმა სიტყვამ ძღვეამოსილად გააჩერა სიკვდილსიციოცხლს გასაყართან მცხეთის ლავარდში შეცურებულ სვეტიცხოველი, მკლავმოკვეთილი ქართველი ხელოვნის ბორჯა და ქარაფიდან უფსკრულში გადაფრენილი ქართველი ქალის ტრაგიკული სახიერება. „დიდოსტატის მარჯვენა“ ძველი საქართველოს

თვალსაჩინო მონუმენტი, ახალ საქართველოში გამოძერწილი შარდისობისა და უკვდავების გრძნობით.

ჰაუ, რა შორიდან ვუვლი.

აი, კვლავ ამოცურდა მეხსიერებაში ჩვენი დროის დიდი ქართველი პოეტის — გალაკტიონის ერთი ლექსი:

პირიშუე, რისთვის ჩაფიქრებულხარ,
პირიშუე, ჩრდილი რაზე გვენია?
მტკვარო, შენ მაინც მითხარ, რას სწუხარ,
შენ მაინც რაზე მოგიწყენია?
ნუთუ გგონია, რომ ჩემი გული
ახლა საესეა მწამელელ გრძნობებით,
რომ ვერასდროს კვლავ ვეღარ გიხილავთ
და სამუდამოდ გემშვიდობებით?
დამშვიდლით! მუდამ თქვენთან იქნება
ჩემი სიმღერა და წრფელი ნანა,
შემოგწირავლით ერთად ყველაფერს,
მაგრამ სხვა რაა სიმღერისთანა?

არა, ვერ ვიტყვი, რომ ეს ლექსი გალაკტიონის საუკეთესო ქმნილებებს უტოლდებოდეს. მაგრამ იგი მაინც მალეღვებს, მალეღვებს მისი პოეტური სიბრძნე. შესაძლოა, ლექსის უშუალო საბაბი სრულიად შემთხვევითი რამ იყო. იქნებ ლექსი, მით უმეტეს, ლირიკული ლექსი მეტწილად სწორედ შემთხვევით იბადება. მაგრამ დაბალება უკვე შემთხვევითობისაგან თავდახსნაა. და ლექსიც მხოლოდ მაშინ იქცევა ნამდვილ პოეზიად, როდესაც იგი შემთხვევითის მიჯნებს გაარღვევს და წარმოსახვის უამრავი მოულოდნელი ძაფით დაგვაკავშირებს ქვეყნიერებასთან, მანამდე უცნობ კუთხეშიაც შეგვაკურთცინებს. კაცმა რომ თქვას, პოეზია და ხელოვნება საერთოდ საგანთა ერთგვარი გამოხსნაც არის შემთხვევითობათა დაბურღული აბლაბუდისაგან.

პოეზია რომ მხოლოდ თავისთავის გამოსახვა იყოს პოეტის მიერ, როგორც ამას ზოგი ფიქრობს ხოლმე. მაშინ იგი სხვებისათვის სრულიად გაუგებარი იქნებოდა, რადგან მას არ ექნებოდა საგანი თავის გარეშე. უსაგნოდ კი არც გრძნობაა და არც აზრი. ერთი ადამიანი მეორე ადამიანის აზრებსა და გრძნობებს მხოლოდ იმ საგნების მეშვეობით ხვდება, რომელთა გამოხატულებასაც წარმოადგენენ ეს აზრები და გრძნობები. ყოველი შემოქმედი, რასაკვირველია, გამოხატავს თავის დამოკიდებულებას საგნებისადმი. მაგრამ შემოქმედს მხოლოდ იმ შემთხვევაში შეუძლია გადავადოს თავისი განცდა და მღელვარება, თუ მისი დამოკიდებულების საგანი ჩვენი და-

მოკიდებულების საგანიც არის და თუ ამ საგანს ახალი სიღრმით გვიჩვენებს, ახალი ძალით განგვაცდევინებს.

მივუბრუნდეთ გალაკტიონის ლექსს. ვის ან რას შეარქვა ჩვენმა პოეტმა ეს ლამაზი სახელი — პირიმზე? პირიმზე ქალის სახელია, პირიმზე: მთის ყვავილიცაა. ამ ორფესვიან ქართულ სიტყვას თითქოს განსაკუთრებული პოეტური ბიოგრაფიაც და რაღაც განსაკუთრებული პოეტური სახოვნებაც გააჩნია. იქნებ ამის გამოც შეიყვარა პოეტმა ეს სატყუა იმდენად. რომ ბევრ თავის ლექსში გაახშირანა. იქნებ, აკაკის სულიცოს დარად ამ სიტყვაშიაც დიდი და მრავალმეტყველი სიყვარულის საგანია ნაგულისხმევი? იქნებ, პირდაპირი მისამართიც აქვს ვინმე გულმიმტაცი არსებობას? იქნებ სხვა სახელია მერისა, ვისი ტრფიალების ტრაგიკული ამბავი ასე მწუხარედ ამოიმღერა პოეტმა? იქნებ, ის ტყისპირელი დებია. პოეტს რომ ვარდებს თავაზობდნენ და ეუბნებოდნენ: „თქვენ ისეთი კარგი ხართ. თქვენ პოეტი ბრძანდებით?“ იქნებ... იქნებ... მაგრამ განა მარტო ქალია, განა მარტო სიყვარულია? „პირიმზე“ ქვია პოეტის მეორე ცნობილ ლექსსაც. მართალია. ამ ლექსშიაც გაიღვებენ ქალები — „ამოდის მთვარე და სამაიით ფერმკრთალ ქალების მიმოდის წყება“, მაგრამ აქაც პირიმზე უპირატესად სხვა ფერებსა და სახეებსა გამოვლენებული: „დავიწყებული ქიშკრის კარებზე ხავსი, ყაერები და წვიმის წვეთი“ (საიდან სად არ გატყორცნის ფიქრსა და გრძნობას ეს საოცრად მშობლიური და საოცრად მეტყველი ნახატი), ჟამთასვლით გამჭრალი „ათასი თეთრი დარბაზი“, ბედად გადარჩენილი „ცაშეტი სვეტი“, „მოხუცი ბალი“, ძმებმა რომ გაიყვეს, სამშობლო ქვეყნის წარმტაცი ზღაპრები. „მთები, სიზმრები და წინაპრები“, სადაც დიდ სიმშვიდეში რომ უხმობენ ათრთოლებულ სულს (ლექსი პირთამდეა დამუხტული უმძაფრეს პოეტურ შეცნაურებაში გარდამავალი განწყობილებით).. და რატომაც არ უნდა ვიგრძნოთ, რომ პირიმზედ შეიძლება ჩათქმული იყოს ბევრი, ძალიან ბევრი რამ. რაც პოეტის გულში სიმღერად და სილამაზედ აფეთქებულა თუ აფეთქდება. ვთქვათ, მაჰული. სადაც უღრმეს პოეტურ განცდად არის შენივთებული ცვრიან ბალახზე ფეხშიშველი გავლა, წინაპართა აჩრდილები, სხვა ხალხის ყრიაშული, მოგონება მოხუცი მამისა, რომელიც აქ ოდესღაც სასხლავით ხელში დადიოდა ვენახში, და საოცრად ღრმა, საოცრად მართალი ადამიანური სინანული და წუხილი; ან გმინვა ამირანისა, ერთმანეთთან შეხავსებულ კლდეებთან რომ გაისმის... და ტყეც რომ გუგუნებს „ამირანისა“; ან თავისუფლება, სულს ოხე რომ მოსწყურდა, „ვით დაქრილ ირმების გუნდს — წყარო ანკარა“; ან საქართვე-

ლოში მოტანილი „სიმღერა ქვეყნის გადარჩენისა“; ან განახლებული მშობლიური მიწა, რასაც ურღვევი ფიციტ ეკერის ხოლმე პოეტი; ან ტიტანი კავასიონი, სადაც მიჯაჭვული იყო და ჰადაც აეშეა ამირანი; ან ნიკორწმინდა, რომელიც „ნეტავ ვინ მოჰქარგა, და როცა მოჰქარგა, შიგ მიჰქარ-მოჰქარგა გზნება—ნიკორწმინდა“; ან კიდევ თუნდაც სრულიად უბრალო რამ: ყვავის ბახალა, ქარმა რომ ხეებს გადაახალა, ეხოში რომ ჰყეფს „ბამბურა მურა“... და ვინ მოთვლის, რამდენი რა — სამშობლოს მუსიკიდან, სამშობლოს ფერებიდან, ერთი სიტყვით, პირიმზე პოეტის შთაგონების დიდი წყაროა, თავანჯარა წყარო უმძაფრეს გრძნობათა, რასაც ეს ცა, ეს მიწა, ეს ხალხი, ეს ცხოვრება და ეს ენა ბადებს. არა, პირიმზე არ არის სამშობლოს უბრალო, პირდაპირი სიმბოლო. იგი სამშობლოა, მაგრამ ტანკენარი და სახეზოიური ქალიც არის. ვნებათა დიდი შედუღებაა. მერე, როგორ ჰგავს ერთმანეთს სამშობლოს სიყვარული და ქალ-ვაჟის სიყვარული (ალექსანდრე ბლოკმაც იმღერა ეს ერთხელ სულ სხვანაირად); იზინი ერთნაირ სითბოსა და სიტკბოს, სიხარულსა და ნაღველს, შვებასა და ტკივილს აგუბებენ გულში. თუ ოდნავ მაინც არ გიგრძენია მსგავსი რამ, გაგძინელდებათ პოეტის გრძნობის გაგება. საერთოდ პოეზიის სულს მაშინ ჩაწვდებით მხოლოდ, თუ მსგავს რამეს, უმცირეს ნასახად მაინც, საკუთარ სულიერ გამოცდილებაშიაც პოულობთ ხოლმე.

მაინც რისთვის ჩაფიქრებულა პირიმზე? ან მტკვარს რაზედ მოუწყენია? მეტისმეტად კადნიერი ხომ არ არის პოეტი, მათი დარდისა და წუხილის მიზეზს იმაში რომ ხედავს, თითქოს ჰგონიათ, რომ პოეტი მათ ვეღარასოდეს ვეღარ იხილავს და სამუდამოდ ემშვიდობება? იქნებ, მართლაც, გაგვიეღვოს კითხვამ, ერთი კაცისთვის, თუნდაც დიდი პოეტისათვის, ასე მწარედ რად უნდა დანაღვლიანდესო მთელი სამშობლო? მაგრამ არა, არავითარი კადნიერება აქ არ არის. ჰარმონიის დიდი გრძნობაა, სიბრძნეში გარდამავალი. რატომაც არ უნდა ეღარდოს და ენაღვლოს სამშობლოს არამცთუ დიდი პოეტის, არამედ თუნდაც ერთი პატარა და უბრალო შვილის დაკარგვა: გულქეაობა და გულგრილობა ყოველთვის არღვევს სანატრელ ჰარმონიას. არა, არამცთუ სამშობლოს, როგორც ცოცხალ საზოგადოებრივ ორგანიზმს, რასაც გულიც აქვს და სულიც, არამედ მთასაც, მთასაც კი, რომელიც მე შემეყვარებია და შემეიტკბია და რომლის ხატებაც გულით მიტარებია, უნდა ენაღვლოს ჩემი ნაღველი, უნდა ემწუხროს ჩემი სიკვდილი. მთას, ცხადია, არ შეუძლია იცოდეს. მაგრამ პირიმზემ, ჩემმა სანუკვარმა პირიმზემ უნდა იცოდეს, რომ ჩემსა და ჩემისთანების გარეშე მისი პი-

რიმზეობა უაზრო, უმეტყველო მღუმარება იქნება: პირიმზემ უნდა იცოდეს, რომ მისი მომხიბვლელობა მხოლოდ იმიტომ არის მომხიბვლელობა, რომ მე მხიბლავს, რომ ჩემს სიყვარულში მელანდებდა. და თუნდაც მხოლოდ იმიტომ, რომ ყოველი ადამიანი თავისი განუმეორებელი პიროვნებით, თავისი განუმეორებელი ემოციური კუთხით განიცდის და ანამდვილებს ქვეყნის ავკარგს, მის ჩრდილსა და ნათელს, მის სილამაზეს, ქვეყანას უნდა სტკიოდეს ყოველი ადამიანის ტკივილი. საქმე ეხება არა მარტო ჰუმანიზმის ღრმა გრძნობას, არამედ სიცოცხლის დიდ მთლიანობასაც, ურომლისოდაც სიცოცხლეს აზრი არა აქვს.

განა მხოლოდ პოეტს? განა მხოლოდ ეგრეთწოდებულ რჩეულებს? ყველას. ყველას აქვს (თუ უნდა ჰქონდეს?) უფლება უთხრას სამშობლოს: — მე, როგორც შვილი შენი, მოვალე ვარ მიყვარდე უმხურვალესად, მაგრამ შენც მოვალე ხარ გიყვარდე, თუნდაც მარტო იმისთვის, რომ შემეძლოს შენი სიყვარული, შემეძლოს შენთვის თავდადება!

არ იფიქროთ, რომ რაიმე ზნეობრივ ნორმებს ექადაგებდე, მხოლოდ ვცდილობ, გამოვარკვიო პოეტის გრძნობათა ანატომია, მივყვე მათ ასოციაციურ ქსელებს. და თუ სადმე პოეზია და ზნეობა, სილამაზე და სიკეთე ერთმანეთში გადადის, ეს მათი ბუნების საქმეა და არა ჩემი ცდისა.

მე მესმის და მაფროთოვანებს სილამაზე, სიღრმე და სიბრძნე პოეტის გრძნობისა, რადგან პირადადაც ასე მგონია, ასე მჭერა: თუ მე ველარასოდეს ვვლავ ველარ ვნახავ. ვთქვათ, ჩემთვის ბავშვობიდანვე საყვარელ გიჟმა მდინარეს — გუბაზოულს, რომლის ჩქერებიდან მე კალმახების გალობაც კი შემომსმენია, მას — ამ მდინარეს უქველად მოაკლდება რაღაც, ჩაუქრება ერთი პაწაწა შუქი, უმეტყველო გახდება მისი სილამაზის ის ნაწილი. თუნდაც ერთი ნამცეცი, რაც მე მივაკვლიე და რასაც ჩემი პიროვნების განუმეორებელი დალი დაეასვი.

არა. ნურავინ წაეტანება აქ სუბიექტივიზმს! იგი აქ არ არის! აქ გააზრებული გრძნობაა სიცოცხლისა და ქვეყნიერების ერთიანობისა.

განა თქვენ არ დაფიქრებულხართ: ქვეყნის რამდენი უთქმელი სილამაზე თან წაუღიათ ადამიანთა გარდასულ თაობებს და ამის გამო რამდენი სილამაზე დაჰკლებია თვით ქვეყანას? ან რამდენი სილამაზე დააკლდებოდა, ვთქვათ, საქართველოს (და არა მარტო საქართველოს), რომ თუნდაც მარტო ერთ ვაჟა-ფშაველას ვერ ეთქვა თავისი სათქმელი? ეს ხომ შეაძლებელი იყო? და როგორ

არ უნდა გვაფრთოვანებდეს და გვახარებდეს სიბრძნე იმ ეპოქისა, როპელც ყველა პირობას შეუტყმენს ადამიანს. რათა მას უთქმელი არ დარჩეს თავისი სათქმელი და ქვეყანას თავისი წილი სილამაზე შეჰმატოს, რათა ყოველმა ხალხმა, ყოველმა ერმა თავისუფლად ამომღეროს თავისი სიმღერა.

დიდ პოეზიას დიდი ასოციაციური არე აქვს — მონათესავე ფიქრთა. აზრთა და გრძნობათა გამოწვევის თვალსაზრისით. და მე არ გამკვირვებია, როდესაც ჩემმა ერთმა მეგობარმა გალაკტიონის ლექსზე საუბრის დროს ასეთი პათეტიკური მონოლოგი წარმოსთქვა: — მართალია, ადამიანთა გამთიშავ ძალებს — მტრობასა და ბოროტებას — ქვეყანა ბევრი სისხლითა და ცრემლით, ჭუჭყითა და ტალახით გაუსერია, მაგრამ ქვეყანა მაინც უფრო მეტად მშვენიერებათა უსასრულო მუზეუმი. ვიდრე სისამაგლეთა და საშინელებათა ბნელი საწყობი. ადამიანები სიკვდილს დასძლევენ, როდესაც ცხოვრება ისე მოეწყობა, რომ ყოველი კაცი თავს მოვალედ ჩათვლის, სუფთა გულით შემოვიდეს ამ მუზეუმში, ჭუჭყი და ტალახი კი არ შემოიტანოს, არამედ სადმე მის ერთ წერტილს მაინც თავისი სუფთა საღებავი დაადოს. გალაკტიონმა ხომ კარგად მოხატა თავისი კუთხე?

როგორც ვთქვი, ამ სენტენციას ძველებური, პათეტიკური მონოლოგის ელფერი დაჰკრავს, მაგრამ მე იგი მაინც მომეწონა, და აი, რატომ:

იქვი არ არის, რომ პოეტს თავის ზემოთ მოტანილ ლექსში გამოხატული აქვს მტკივნეული გრძნობა პირიმზესთან სამუდამო განშორებისა. ლექსს შემთხვევით არ ეწოდება „გამოსალმება“. და დღეს, როდესაც ვიციტ პოეტის ტრაგიკული ნახტომი, შესაძლოა, უფრო მეტი ძალით განვიცდიდეთ ამ გრძნობის მთელ სიწრფელესაც და იმ სრული პოეტური თავგამეტების ძალასაც, რაც ყოველ დიდ მხატვრულ ქმნილებაში სუფევს. ეს რთული გრძნობა პოეტმა კიდევ უფრო ღრმად და რელიეფურად გამოხატა თავის ერთ-ერთ ბოლოდროინდელ ლექსში.

მიდიხარ...

ისე მივაქვს წვალება

თითქოს ზღვის კარად თივას თიბავდე.

ვინა თქვა შენი გარდაცვალება?

არა, სწორედ დღეს შენ დაიბადე.

მიდიხარ... აღარ დაგემღურება

არც მიწიერი, არც ზეციერი,

ვინა თქვა შენი უბედურება?

არა, სწორედ დღეს ხარ ბედნიერი.

მიღიხარ... ტკბილი გქონდეს მგზავრობა,
სხვა ბინა მარად იყო ზღაპარი,
ვინა თქვა შენი მიუსაფრობა?
არა, შენ ჰპოვე თავშესაფარი.
მიღიხარ... შენს ბედს ბევრი ინატრებს,
მშვენიერს, ბედი სხვა არსად არი,
შენ სიერეებმა დაგაბინადრეს —
შენ უკვდავების ხარ ბინადარი.

მე ასე ვფიქრობ: შეცდება ის, ვინც ამ ლექსში სიცოცხლას უარყოფისა და განწირულების პოეზიას ამოიკითხავს. პირიქით იქ არის სიკვდილის საზღვრებს იქით სიცოცხლისა და უკვდავების ძიების, სიკვდილის უარყოფისა და მისი დათრგუნვის საოცარი გრძნობა. ეს გრძნობა კი იმდენად ღრმა, იმდენად ძლიერი და იმდენად გავარვარებულია, რომ როგორც ყოველი უაღრესი გავარვარება, სადღაც, რაიმე უცარი წუთის გამო კატასტროფული აფეთქების შესაძლებლობასაც შეიცავს. მაგრამ შესაძლებლობა შესაძლებლობაა, იგი შეიძლება მხოლოდ ლექსის გარეთ და ლექსის მიღმა აღსრულდეს, ან არ აღსრულდეს. ლექსში კი, როგორც უძლიერეს პოეტურ ნაწარმოებში, რჩება მხოლოდ ეს დიდი, ცეცხლოვანი გრძნობა — ადამიანის სულის შემმართებელი ძალოვნების მაჩვენებელი. და ამიტომაც პირადად მე, როდესაც ამ ლექსის სიღრმეში ვიხედები, ასჯერ და ათასჯერ მეტად მინდა ვიცოცხლო და ვიმოქმედო, ვიდრე მაშინ, როდესაც სიცოცხლის პირდაპირ გართმულ ქებათა-ქებას ვისმენ.

სიკვდილის გრძნობით არაფერიც არ იქმნება. მხოლოდ სიცოცხლისა და უკვდავების დიდი წყურვილი ბადებს ყოველ დიდ ქმნილებას. გალაკტიონის მოტანილი ლექსებიც სწორედ სამშობლოს უზომო სიყვარულისა და უკვდავების ძალუმი გრძნობით არის ნაშობი და ნაწრთობი, ამის პირდაპირი დადასტურებაც გვაქვს პირველ ლექსში: მე არ ვიქნებო (იგულისხმება). — მიმართავს პოეტი პირიმიზესა და მტკვარს, — მაგრამ.

დამშვიდდით! მუდამ თქვენთან იქნება
ჩემი სიმღერა და წრფელი ნანა,
შემოგწირავდით ერთად ყველაფერს.
მაგრამ სხვა რაა სიმღერისთანა?

ამრიგად. პოეტს სწამს უკვდავება თავისი უსაყვარლესი პირიმიზესი და თავისი სიმღერისაც, პირიმიზეს რომ სძლვის სამარადისოდ. და უკვდავებაც სწორედ უკვდავების ამ გრძნობაშია.

ვითომ ილუზიაა? ვითომ ეს გრძნობაც, ეს რწმენაც თავის მო-

ტყუებაა. რადგან ეამთა ვითარებაში შეიძლება პირიმზეც მოკვდეს, სიმღერაც გაქრეს? არა, არ არის ილუზია. ხალხი უკვდავია, ქვეყანა უკვდავია და შენ, როგორც მათ ნაწილს, წილი გიღვეს მათ უკვდავებაში. შენშიც არის თესლი მარადისობისა, მით უმეტეს, თუ შენი ადამიანური არსება გააზრებული გაქვს ხალხთან, ქვეყანასთან განუყოფელ ერთიანობაში.

მაგრამ, ვთქვათ. რომ ყოველივე ეს მართლაც ილუზია და ცდუნებაა. მერე რა? სხვა რაღა გვრჩება? მაშასადამე, ცდუნებაც რომ იყოს ეს გრძნობა, ეს რწმენა ადამიანისათვის აუცილებელია, რადგან უმისოდ არც არაფერი შეიქმნებოდა კაცთა მიერ. არსებითი სწორედ ის არის, რომ ქმნა, კეთება, ამღერება მუდამ სიცოცხლისა და უკვდავების გრძნობასთან არის დაკავშირებული. შეცნებულად თუ შეუცნობლად ამ გრძნობით რომ არ ხელმძღვანელობდეს, ეს გრძნობა რომ არ შექმნოდეს თავის ქმნილებაში, ადამიანი ხელსაც ვერ გაანძრევდა, ვერაფერს ვერ შექმნიდა. თვით უკიდურესი პესიმისტიებიც კი, როდესაც ხელოვნების რაიმე ნაწარმოებს ქმნიან, თუნდაც ისეთს, რომელშიაც უღრმეს უიმედობასა და სასოწარკვეთილებას გამოხატავენ, ჰქმნიან მხოლოდ და მხოლოდ სიცოცხლისა და მარადისობის შეცნობილი თუ შეუცნობელი გრძნობით, და ამის გამო ღრმა წინააღმდეგობაშიაც ვარდებიან თავისსავე მსოფლმხედველობასთან.

კეთება მარადისობისათვის — ეს ყოველთვის ყოფილა ყველა დიდბუნებოვანი ადამიანის უმაღლესი მისწრაფება. გაიხსენეთ გერცენიდან უკეთილშობილესი წუხილი ქაბუქისა: — უკვე ოცდაოთხი წლისა ვარ და მარადისობისათვის ჯერ კიდევ არაფერი გამიკეთებიაო.

ყოველივე ზემოთქმულთ მე ჩემებურად უკვე შევამზადე სარბიელი იმისათვის, რომ შემეძლოს განვაგრძო ხმამალალი ფიქრი სხვა სასიცოცხლო გრძნობებზეც, კერძოდ ენის გრძნობაზეც.

2. ბუტაშტაშს მტკვარი

ტრიბუნაზე იდგა ახალგაზრდა ქალი. ფიზიკას ასწავლის საშუალო სკოლაშიო, მითხრეს. ლაპარაკობდა შთაგონებულად, თავისუფლად, ენაწყლიანად და, რაც მთავარია, შესანიშნავი ჟარტულით. ჩემს გვერდით იჯდა დარბაისელი კაცი, იმ რაიონის ერთ-ერთი დიდი საწარმოს მთავარი ინჟინერი. მასწავლებელმა ქალმა სიტყვა რომ დაამთავრა, ინჟინერი მომიბრუნდა და მითხრა:

— რაცა ვართ, დედაენითა ვართ! ვენაცვალე ქართულ ენას! რა სილამაზეა, რა მშვენიერება! — წამით სიტყვა გაწყვიტა და უმაღლვე დაუმატა, — რასაკვირველია, მარტო ქართული კი არა, ყველა ენა მშვენიერია.

ისე გულწრფელი აღტაცებით იყო ეს ნათქვამი, რომ გულში ღრმად ჩამეჭრა. თუმცა დამატება ზედმეტად მომეჩვენა. გუნებაში გავივლე, რად იფიქრა, რომ ცალკერძობას შევწამებდი, ან უშუალო განცდა რად გაბზარა თითქოსდა სავალდებულო დასკვნით, განა შეიძლება ვინმეს ცოდვად ჩაეთვალოს თავისი ენის განსაკუთრებული სიყვარული?

ასე იყო თუ ისე, იმ საღამოს რაღაც არაჩვეულებრივად ძლიერი სინათლე მოეფინა ჩემს შეგნებაში აზრს იმის შესახებ, რომ ენა არა მარტო ადამიანთა ურთიერთობის საშუალებაა, არამედ მშვენიერებაცაა, სასიამოვნო განცდის საგანიც არის. ანუ, უფრო სწავლულად რომ ვთქვათ, ენა ესთეტიკური ფენომენიცაა.

მე არც ენათმეცნიერი და არც ფილოსოფოს-ესთეტიკოსი ვაზარა, მაგრამ მაინც მსურს, გამოვთქვა ხმამაღლა ზოგიერთი ჩემი ფიქრი ენის ბუნებაზე საერთოდ, კერძოდ კი ქართულ ენაზე. ახლა ამის პირდაპირი საბაბიც არსებობს. რა გასაკვირია, რომ ჩვენი დიდი ეროვნული დღესასწაულის დღეებში — საქართველოში საბჭოთა ხელისუფლების დამყარების დღეებში — ქართველ კაცს გულისყური თავის ენისაკენაც გაეჭყეს. მით უმეტეს, რომ სწორედ ამ ენამ მიიტანა და მიაქვს ქართველი ხალხის გულთან ჩვენი ეპოქის ყველაზე მაღალი იდეები.

მართლაც, საოცარი რამ არის სიტყვა. რომ უკვირდები, მას თითქოს განსაკუთრებული ფერიც აქვს, განსაკუთრებული სურნელებაც, ხოლო განსაკუთრებული ელერადობა ხომ აქვს და აქვს. სიტყვა საოცრად ერთადერთი და განუმეორებელია, როგორც ფორმა, და საოცრად ზოგადია, როგორც ცნება, როგორც შინაარსი. აიღეთ რომელიც გნებავთ სიტყვა, მაგალითად, „ლაყვარდი“. როგორც სიტყვა, იგი ერთადერთია მთელ ქვეყანაზე და, შესაძლოა, სწორედ ამ ერთადერთობაშია მისი სიმშვენიერეც, მაგრამ როგორც ცნება, იგი ამავე დროს ფრიად ზოგადია და ზოგადს კი სახე არა აქვს. უნდა ვიფიქროთ, რომ სიტყვის განცდა, როგორც მშვენიერებისა, ანუ სიტყვის ესთეტიკური განცდა, დაკავშირებულია, უწინარეს ყოვლისა, მის განუმეორებელ ფორმასთან.

„ვინ იცის, მტკვარო, რას ბუტბუტებ, ვისთვის რას იტყვი, მრავალ დროების მოწამე ხარ, მაგრამ ხარ უტყვი.“

ჩვენ გვინბლავს ამ პოეტური განცდის სიღრმე და სიწრფელე მთლიანად, მაგრამ აქ ყოველ სიტყვასაც თავისი საკუთარი ესთეტიკური გამოსხივებაც აქვს. ბუტბუტებს მტკვარი და ეს „ბუტბუტიც“, ეს „მტკვარიც“ რაღაც შეუხაცვლებელ შუქსაც გამოსცემს.

საგულისხმოა სიტყვის სხვა განზომილებაც.

აბა, ჩაიხედეთ თუნდაც ერთი ქართული სიტყვის — „წუთისოფლის“ სიღრმეში და ქართველი ხალხის რა გრძელ თავგადასავალს, მის რაოდენ ფიქრსა და განცდას ამოიკითხავთ შიგ. რა მართალი იყო ანატოლ ფრანსი, როცა ამბობდა, გარკვეული ცოდნის მეშვეობით ფრანგული ენის სიტყვარში შეიძლება, საფრანგეთის მთელი ისტორია წაიკითხოთო.

ენა რომ მხოლოდ და მხოლოდ უბრალო ურთიერთობის საშუალება იყოს და სხვა არაფერი, მაშინ ყოველ ასოკირაკიტა დოგმატიკოსს მართლაც ექნებოდა გზა ხსნილი ენათა სანგრევად. მაგრამ, საბედნიეროდ, ენა გაცილებით უფრო დიდი რამ არის, ვიდრე უბრალო საკომუნიკაციო საშუალება. ენა უმადლესი ესთეტიკური ფენომენიცაა, ესთეტიკური განცდის საგანიცაა, როგორც ვთქვით, და აღამიანის სულიერ არსებაში გადატანილი სამშობლოც არის. გავიხსენოთ მიხეილ ჭავჭავიძის მოთხრობა „მიწის ძახილი“, რომელიც მწერლის გარდაცვალებიდან რამდენიმე წლის შემდეგ გამოქვეყნდა.

მოთხრობის გმირი — ანდრო კაიშაური ცხრა-ათი წლისა იქნებოდა, როდესაც მისი მშობლები ანანურიდან მოზდოკში გადასახლდნენ. ანდრო რუსეთში დავაყვაცდა და იქვე ჩაება ნაროდნიკულ-რევოლუციურ მოძრაობაში. მალე იძულებული გახდა უცხოეთში გადახვეწილიყო. დამკვიდრდა საფრანგეთის ერთ-ერთ პატარა ქალაქში. კოსმოპოლიტურად განწყობილ ახალგაზრდას სრულებით გაღაავიწყდა ქართული ენაც, საქართველოც, მთელი თავისი წარსული, დედისა და მამის სახელებიც კი. ფრანგული ენა იქცა მის დედაენად, თვითონაც ანდრე კაშორი გახდა, ფრანგული ოჯახი შექმნა, ფრანგი შეილები და შეილიშვილები დაზარდა. და აი, თითქმის ოთხმოცდაათ წელს მიღწეულ ღრმა მოხუცს შემთხვევით ქართველი კაცი გადაეყარა, რაღაც-რაღაცები შეახსენა. მოხუცის ჩაშრეტილ მესხიერებაში პირველი დედაენის ბგერები გაკრთნენ, ამას დაკარგული სამშობლოს ლანდებიც მოჰყვა. მერე უეცარი გარდაქმნა: კაიშაური წმინდა ქართულ ენაზე ამეტყველდა; დედაენის ბგერებმა ბავშვობაში დანახული საქართველოს სურათებიც აღუდგინეს. კაცს სამშობლომ დაუძახა და იგი სამშობლოში დაბრუნების დაუცხრო-

მელმა სურვილმა შეიპყრო. პირველმა დედაენამ შექკრა და შეადღ-
ლა კაცის სიცოცხლის დასაწყისი და გასათავი.

მე არ ვიცი, დაადასტურებს თუ არა მეცნიერება მეხსიერების
ასეთი მიმოქცევის შესაძლებლობას. მაგრამ მთავარი და არსებითი
აქ იმდენად ფაქტის სისწორე როდია, რამდენადაც თვით მწერლის,
თვით შემოქმედის გრძნობისა და განცდის სიმართლე. მწერალი დე-
დაენას განიცდის, როგორც ადამიანის სულიერ არსებაში ჩაწნულ
სამშობლოს. მთავარი სწორედ ეს არის.

მართლაც, დიდი მტკიცება ხომ არ ჰქირდება იმას, რომ დედა-
ენის გრძნობა მხატვრული შემოქმედების ერთ-ერთი მუდმივ მოქ-
მედი საფუძველია. მწერლისათვის, მაგალითად, ენა არა მარტო მა-
სალაა, ვთქვათ. ისეთივე მასალა, როგორც ქვა მოქანდაკისათვის
(სამწუხაროდ, ზოგ ვინმეს მართლაც აქვს წარწოდგენილი ენა ასე
მკედარ მასალად), და არა მარტო ის სიტყვიერი მადანია, რომელიც
ტონობით უნდა გადაამუშაოს, რომ რამდენიმე გრძნობაში ძვირფასი
პოეტური კრისტალი მიიღოს, არამედ შთაგონებისა და შემოქმედე-
ბითი ფანტაზიის წყაროც არის, როგორც ზღუდში ჩახატული სამ-
შობლო.

მე ვერას ვიტყვი იმის შესახებ, თუ როგორია ენის როლი მხა-
ტვრული შემოქმედების ისეთ „უსიტყვო“ დარგებში, როგორიცაა
მუსიკა, მხატვრობა, ქანდაკება და ხუროთმოძღვრება. მაგრამ თუ
ეგრეთწოდებული „უსიტყვო“ ხელოვანი — ადამიანი, მართლაც
იმით განსხვავდება ისეთი „ხელოვანებისაგან“, როგორიცაა ბულ-
ბული, ფუტკარი. თობა და სხვა ამისთანანი. რომ მისი შემოქმედე-
ბა აზროვნებითი შემოქმედებაა, მაშინ შეუძლებელია რაღაცნაირად
მაინც არ გადაეცეს მის შემოქმედებას იმ ენის გრძნობა, რომლის
მეშვეობითაც იგი აზროვნებს. მაგრამ ეს ალბათ შემოქმედების
ფსიქოლოგიის ისეთი თვალჩაუწყდენელი სიღრმის მოკლენაა, რომ
განსაკუთრებულ რთულ გამოკვლევას მოითხოვს.

ყოველ შემთხვევაში, ერთი რამ ცხადია:

მწერალი და მწერლობა იწყება დედაენის გრძნობით. დედაენის
გრძნობისა და პოეტური აზროვნების განუყოფლობაზე ჯერ კიდევ
დიდი შოთა უბნობდა:

მაშინლა ნახეთ გელექსე და მისი მოშაირობა,

რომ ველარ მიხედეს ქართულსა, და უწყოს ლექსმან ძვირობა,

არ შეაპოკლოს ქართული, არა ქმნას სიტყვა მეირობა,

ხელმარჯვედ სცემდეს ჩოგანსა, იხმაროს დიდი გვირობა..

ყოველი ნამდვილი შემოქმედი, მათ შორის მთელი ხალხიც, რო-
გორც დიდი ერთობლივი შემოქმედი, არ შეიძლება, გულვრილი

იყოს თავისი ენის ისტორიული ბედის მიმართ. მას არ შეუძლია, შე-
ზრიგდეს აზრს დედაენის შესაძლებელი სიკვდილის შესახებ, რად-
გან სიკვდილის გრძნობით არაფერიც არ შეიძლება შეიქმნას.

მაგრამ ცხოვრებაში ბევრი უცნაური რამ ხდება.

ამ რამდენიმე ხნის წინათ „ლიტერატურნაია გაზეტაში“ წერდა
ერთი კრიტიკოსი ოსეთიდან, მე სრულიადაც არ მაწუხებს, თუ რა
ბედი ეწევა მომავალში ჩემს ენასო. ცნობილი საბჭოთა პოეტი —
დალესტნელი რასულ გამზათოვი კი, პირიქით, თავის ერთ-ერთ
მგზნებარე ლექსში ამბობს თუ ჩემს ენას ხვალ სიკვდილი მოელის,
მე მზად ვარ, დღეს სული ამომხდესო.

ძნელია ედავო ან ერთს ან მეორეს, რადგან ორივე გრძნობათა
სფეროში რჩება. პირველის აღიარება იმასა ჰგავს, რომ კაცი ამ-
ბობდეს, მე დედა არ მიყვარს და ფეხებზე მკიდია მოკვდება თუ
არაო, მეორესი კი — იმას, რომ კაცი ამბობდეს, მე დედა მიყვარს
და მინდა მუდამ იცოცხლოსო. რას იზამთ, ერთს დედა არ უყვარს,
მეორეს კი უყვარს. პირადად მე, რასაკვირველია, სიყვარულს ვემზ-
რობი, სიყვარულში მეტ სიმართლეს ვხედავ, ვიდრე უსიყვარულო-
ბაში, თუნდაც მხოლოდ იმიტომ, რომ ჩემი ხალხი მღერის: „წუთი-
სოფელი ასეა, ღამე დღეს უთენებია, რაც მტრობას დაუნგრევია სი-
ყვარულს უშენებია“.

მაგრამ ამ შემთხვევაში საქმე სიყვარულსა თუ უსიყვარულო-
ბაში როდია. მთავარია, გავითვალისწინოთ დედაენის როლი ხალ-
ხის სულიერ ცხოვრებაში. ხალხის კულტურის, კერძოდ, მხატვრუ-
ლი შემოქმედების განვითარებაში.

„ენა — კულტურის საფუძველია“ — წერდა ამას წინათ იგივე
„ლიტერატურნაია გაზეტა“. რასაკვირველია, ეს დებულება არავი-
თარ ახალ აღმოჩენას არ შეიცავს. მაგრამ იგი მიუთითებს მუდმივ-
მოქმედ ძალასა და კანონს, და ამდენად მუდმივი მნიშვნელობის დე-
ბულებაა. ენა — კულტურის საფუძველია. ცხადია, იგულისხმება
არა რომელიმე ერთი ხალხის ენა, არამედ ყველა ენა საერთოდ. აბა,
ხომ სისულელე იქნება, მაგალითად, სიცოცხლის ნიშნად რომ მხო-
ლოდ ერთი ვინმეს სუნთქვა ვიგულისხმოთ და სხვებისა კი არა.
სუნთქვა სუნთქვაა, ვინც უნდა სუნთქავდეს. ხალხის ენაც ხალხის
სასიცოცხლო სუნთქვაა. ამის შესახებ ძალიან კარგად თქვა ჭერ კი-
დეე ასი წლის წინათ დიდმა რუსმა პედაგოგმა კ. დ. უშინსკიმ თავის
შესანიშნავ წერილში — „დედაენა“:

„ხალხის ენა არის მთელი მისი სულიერი ცხოვრების საუკეთესო,
მარად უჭკნობი ყვაილი, მუდამ ახლად რომ იფურჩქნება, ყვაილი
იმ სულიერი ცხოვრებისა. რაც შორს, ისტორიის საზღვრებს იქით

იწყება. ენაში სახიერდება მთელი ხალხი და მთელი მისი სამშობლო; ენაში ხალხის სულის შემოქმედი ძალით აზრად, სურათად და ბევრად აისახება სამშობლოს ცა, მისი ჰაერი, ფიზიკური მოვლენები, მისი ჰავა, მისი ველები, მთები და ხეობები, მისი ტყეები და მდინარეები, მისი ქარიშხლები და ჭექა-ქუხილი — მშობლიური ბუნების მთელი ის ღრმა აზრითა და გრძნობით აღსავსე ხმა, რომელიც ასე ძალუმად მეტყველებს იმ სიყვარულზე, რაც ადამიანს აქვს თავის ზოგჯერ მკაცრ სამშობლოსადმი, ხმა, რომელიც ასე ნათლად გამოითქმის მშობლიურ სიმღერაში, მშობლიურ ჰანგებში და სახალხო პოეტების ლექსებში. მაგრამ ხალხის ენის ნათელ და გამკვირვალე სიღრმეში აირეკლება არა მარტო ბუნება სამშობლო ქვეყნისა, არამედ ხალხის სულიერი ცხოვრების მთელი ისტორიაც. ხალხის თაობანი ერთმანეთს ცვლიან, მაგრამ თითოეული თაობის ცხოვრების შედეგები რჩება ენაში შთამომავლობათა მემკვიდრეობად. დედაენის საგანძურში თაობანი ერთმანეთზე ალაგებენ ღრმა გულისძგერის ნაყოფთ, ისტორიულ მოვლენათა, რწმენათა და შეხედულებათა ნაყოფთ, განცდილი ქირისა და ღზინის კვალს,—ერთი სიტყვით, მთელი თავისი სულიერი ცხოვრების კვალს ხალხი გულმოდგინედ ინახავს ხალხის სიტყვაში. ენა არის ყველაზე ცოცხალი, ყველაზე უხვი და მტკიცე კავშირი, რაც ერთ დიად ისტორიულ ცოცხალ მთლიანობად აერთიანებს ხალხის გარდასულ, ცოცხალ და მომავალ თაობებს. ენა არა მარტო გამოხატავს ხალხის სიცოცხლის ძალას, არამედ იგი თვით არის ეს სიცოცხლე. როდესაც ქრება ხალხის ენა, თვით ხალხიც აღარ არსებობს! აი, რატომაა, მაგალითად, რომ ჩვენმა დასავლეთელმა ძმებმა გადაიტანეს უცხო ტომთა ყველა შესაძლებელი ძალადობა, მაგრამ როდესაც ეს ძალადობა ენას შეეხო, მაშინ მათ გაიგეს, რომ ახლა უკვე საქმე ეხებოდა თვით ხალხის სიცოცხლისა და სიკვდილის საკითხს. სანამ ცოცხლობს ხალხის ენა ხალხის ბაგეზე, მანამ ცოცხლობს თვით ხალხიც. და არ არსებობს უფრო აუტანელი ძალადობა, ვიდრე ის, როდესაც სურთ ხალხს წაართვან გარდასულ წინაპართა უამრავი თაობების მიერ შექმნილი მემკვიდრეობა. წაართვით ხალხს ყველაფერი და მას შეუძლია კვლავ დაიბრუნოს იგი. მაგრამ წაართვით ხალხს ენა და ის ვერასოდეს ვეღარ შექმნის მას; ხალხს შეუძლია თვით ახალი სამშობლოს შექმნა, მაგრამ ენისა კი — არასოდეს; მოკვდა ენა ხალხის ბაგეზე და მოკვდა თვით ხალხიც. მაგრამ თუ ადამიანის სული შეძრწუნდება ერთი მომაკვდავი ადამიანის მკვლელობის გამო, რაღა უნდა იგრძნოს ადამიანის სულმა მაშინ, როდესაც ხელყოფენ ხალხის მრავალსაუკუნოვანი ისტორიული პიროვნების სიცოცხლეს“.

კარგად ვიცი, გრძელი ამონაწერი ზოგჯერ საკუთარ აზრში ვაკუმის ამოსავლებად ხდება საჭირო. მაგრამ კანდიერებად ნუ ჩამომართმევთ, ამ შემთხვევაში ამას ვერ დავწამებ თავისთავს.

განა განსაკუთრებული მნიშვნელობა არა აქვს იმას, რომ ზემოთ მოტანილი სიტყვები ეკუთვნის დიდი რუსი ხალხის ჭკვიან შვილს, ხალხისა, რომლის ენას თითქმის არასდროს არ შექმნია ისეთი საფრთხე. როგორც ექმნება ხოლმე მცირერიცხოვანი ერების ენებს. და ამიტომ ეს სიტყვები იმას მოწმობენ, რომ თვით რუსი ხალხი (ვისთანაც საუკუნეების მანძილზე ერთად უფიქრია და უოცნებია ქართულ ხალხს მომავალზე, თავისუფლებაზე, სიკეთეზე, და სილამაზეზე) და მისი საუკეთესო შვილები ყოველთვის ჩაგრულ ერთა ქომავნი ყოფილან.

ცხადია, ენა, როგორც იტყვიან ხოლმე, ისტორიული მოვლენაა, ისტორიული განვითარების შედეგია. მაგრამ მას სიცოცხლისა და განვითარების თავისი განსხვავებული შინაგანი კანონიც აქვს. თუ საერთოდ მართალია ჰეგელის დებულება, რომ რაკი მოვლენა წარმოიშვა, მას განვითარების თავისი განსხვავებული შინაგანი კანონიც უჩნდება, მაშინ ეს დებულება ორმაგად მართალია ენის მიმართ.

ენის სიცოცხლე და ისტორიული განვითარება, რა თქმა უნდა, სისხლბორცეულად არის გადაწული ხალხის ცხოვრებასა და ისტორიულ განვითარებასთან. მაგრამ, როგორც ჩანს, თავის განვითარებაში ენა არ განიცდის ისეთ გარდატეხასა და ნახტომებს, როგორც ხდება ხოლმე ხალხის სოციალურ-ისტორიულ განვითარებაში. ენის განვითარება უწყვეტი ნაკადია, თუ, რასაკვირველია, რაიმე გარეშე ძალა ძალადობით არ შესწყვეტს მის დინებას.

ენა ხალხის ღაუცხრომელი შემოქმედების უდიდესი და უმშვენიერესი ნაყოფია. ხალხი — ხელოვანი მთელი თავისი სიცოცხლის მანძილზე ჭკმნის თავის ენასა და მის ყოველ სიტყვას, როგორც თავისებური ხელოვნების ნაწარმოებს, რათა რაც შეიძლება ცხოვლად, საგნობრივად, შთამბეჭდავად და ლამაზად გამოხატოს ყველაფერი ის, რასაც ხედავს და განიცდის, ჭკმნის სილამაზის კანონის მიხედვითაც, სიტყვა ხელოვნების ნაწარმოებიცაა ერთგვარად. რით არ არის, ვთქვათ, სიტყვა სიხარული ან სევდა, ყვავილი ან ფიქრი — ხელოვნებით შესრულებული სურათი ან სახე იმისა, რასაც გამოხატავს. ყოველი სიტყვიდან ხალხის გენია იცქირება.

გვაქვს ჩვენ ქართული ხელოვნებისა და ლიტერატურის უქკნობი ქმნილებანი, მაგრამ მათ შორის ყველაზე დიდი და ყველაზე მშვენიერი ქმნილებაა თვით ქართული ენა.

ყველაზე მეტად სწორედ ენაში ინახება და იკვერება ფენა-ფენად

ხალხის მთელი ისტორიული ცხოვრების ყველა მხარე, ყველა საფეხური. ენაა სიცოცხლისა და უკვდავების გრძნობის ყველაზე დიდი და მტკიცე საბუდარი. მხოლოდ ენის მეშვეობით იღებს ხალხი სულიერ მემკვიდრეობას წარსულიდან და ენის მეშვეობითვე გადასცემს მომავალ თაობებს გაზრდილ და გამრავლებულ სულიერ საუნჯეებს. ენა უწყვეტი ცოცხალი ნერვია, ხალხის ყველა თაობის სულიერ ორგანიზმში გაქსელილი და გატარებული. ზოგჯერ ასე გგონია, სიტყვას რომ ამბობ, მისი თრთოლვა მთელ ნერვს გადაეცემა და შორეულ წინაპართა გულისფეთქვასაც კი აღვიძებს.

თ. ახლაც მახსენდება სტრიქონები სიმონ ჩიქოვანის ლექსიდან „სერაფიტას გამოხმობა“:

ახლა შეგხვდი, მოშრიალდი კალონდი,
კლავ მიმღერე, რასაც ძველად ვალობდი.
უხსოვარ დროს რომ ვვალობდიოთ მე და შენ,
ორ მდინარედ შემოსული მცხეთაში.

შენი ხმები შენახულა ჰაერში.
გარინდული. შესუდრული კავშით!
მე შევარბევ. შენი ტბილი ლელენი
განმეორდეს, გაარღვიოს უკენი.

აბა, უვალი გააყოლეთ: თითქოს ჰაერში მართლაც შეირხა გარინდული ხმა და ქართულმა სიტყვამ გაარღვია უკენი. იმ დროს. იმ უხსოვარ დროში ვალობდა ის მშვენიერი ქალიშვილი. ვინ იცის, რას ვალობდა. ვალობდა ალბათ სიყვარულზე. თავის ქალურ სევდასა თუ სიხარულზე, ცასა და ვარსკვლავებზე, მტკვარსა და არაგვზე. ვალობდა ქართულს, ძველქართულს. და იყო იმ ვალობაში ქართული ბგერები. ქართული სიტყვები: სიყვარული თუ ავბედობა, გვემა თუ ნეტარება, წამი თუ წამწამი. ვედრება თუ ზეარაკი, მზეკაბუჯი თუ ირემი. ცრემლი თუ ვაზი, არაგვი თუ არმაზი... და ქართულმა სიტყვებმა წამოიღეს მომავლისაკენ იმ ვალობაში გახვეული გულისცემა, მოიტანეს ჩვენამდე. აბა, რა საშინელი ამოუცხებელი სიცარიელე, რა სულშემხუთავი წყვილია იქნებოდა იქიდან აქამდე, სერაფიტებიდან — ნატო ვაჩნაძემდე, ნატო ვაჩნაძიდან — პატარა ცირამდე, თამრიკომდე, ნანამდე და ამის გამო, რა საშინელი სიცარიელე იქნებოდა ჩვენს სულშიაც, რომ ენას (ამ შემთხვევაში, ქართულ ენას) არ გაება ცოცხალი, უწყვეტი კავშირი ჩვენს წარსულსა და მომავალს შორის. თუ ეს კავშირი არა, განა შესძლებდა პოეტი ისე მიახლოებოდა ლუშორეს, უუწინაპრეს, არმაზისდროინდელ თვისტომ

ქალიშვილს, რომ საოცარი გრძნობით ეთქვა, „უხსოვარ ღროს რომ ვგალობდით მე და შენო“?

ენა აზრის სინამდვილეა. ეს მეტად ღრმა და მართალი ჩაწვდო-
მაა ენის ბუნებისა. მართლაც, არაფერშიც არ შეიძლება იყოს ისე
განამდვილებული ხალხის აზრი და გრძნობა, ხალხის მთელი სუ-
ლიერი ცხოვრება, როგორც ენაში.

რა თქმა უნდა, წარმოშობის, აღზრდის, წრისა და ცხოვრების
სხვა პირობების შესაბამისად ყოველ ადამიანს ენიჭება ბუნებრივი
არჩევანი დედაენისა. მაგრამ დედაენის გრძნობა ერთ-ერთი ყველაზე
ძლიერი სასიცოცხლო გრძნობაა ადამიანისა. და იგი, ვისაც ეს გრძნო-
ბა დაჩლუნგებული აქვს, მე ასე ვფიქრობ, მეტი რომ არ ვთქვათ,
სულდაშრეტილი კაცია.

გადავაჩვიოთ ფიქრი ჩონჩხებს, ჩარჩოებს!

მოდით, ამიტომ აქ ფიქრს ცოტათი შევუნთოთ ქართული სიტყვით
დაკვესილი ცეცხლი, თორემ შეიძლება გაცივდეს იგი.

ქვე წვა, ვით კლდისა ნაპირსა, ვეფხი პირ-გამეხებული,
არცა მზე ჰგვანდა, არც მთვარე, ხე ალვა ედემს ხებული,
ასმათმან დამსვა შორს-გვარად გულსა მე ლახვარ-ხებული,
მერე წამოქდა წარბშერკმით, გამწყრალო, გარისხებული.

ვითა დავლაშლი, ისე გაეთენდი.

სამარეს ჩემსა როს
გარს ნისლი მოეცვას,
იგიცა შესწიროს
ცივგმან ლურჯსა ცას.

აყვავებულა მდელი, აყვავებულა მთები
მამულო საყვარელო, შენ როსდა აყვავდები.

ცა-ფირუზ, ხმელეთ-ზურმუხტო,
ჩემო სამშობლო მხარეო,
სნეული დავბრუნებულვარ,
მკურნალად შემეყარეო.

ნისლი ფიქრია მთებისა,
მათი კაცობის გვირგვინი.

რა ამოძრავებს კიპარისის ტანს?
ჩუმი შრიალი საიდან არი?
ქარი არა ჩანს, ქარი არა ჩანს,
მაინც მწვერვალებს ეღება ქარი.

დათბა. განვაგრძოთ.

მაგრამ ვგრძნობ, ვილაც მებღვირება. სჯობს კი, ნუ მებღვირება.
თორემ იმ ორივე ფეხით კოკლ ხარაზს მოვაგონებ, რომელიც შვილს
ჩასჩინებდა, ბიჭო, ჩემსავით სწორად გაიარეო.

...ჰოდა არსებობს ყოველი ენის არსებობის ერთადერთი უმაღლესი ბუნებრივი კანონი — სიცოცხლე ხალხისა. ხალხი ცოცხლობს და სანამ ცოცხლობს მას არ შეიძლება, არ წყუროდეს, უზომოდ არ წყუროდეს სიცოცხლე იმ ენისა, რომლითაც აზროვნებს, მეტყველებს და რომელიც თავის უმშვენიერეს ქმნილებად მიაჩნია.

ცოცხლობს ხალხი, ცოცხლობს მისი ენაც. ენათა ისტორიული ბედი განუყრელია ხალხთა ისტორიულ ბედთან.

ხალხები კი ერთმანეთს უახლოვდებიან. ჩვენს თვალწინ ინგრევა და იშლება ადამიანთა და ხალხთა გამთიშავი ზღუდეები. მიჯნები, ნაპრალები. ადამიანთა და ხალხთა ძმობის სულისკვეთება დღეს ღრმად იღვამს ფესვებს კაცობრიობაში. ეს არის ჩვენი დროის უდიდესი მოძრაობაც. უღრმესი სიბრძნეც. ეს არის ყველაზე დიდი სიკეთე, რაც ისტორიულ პროგრესს მოაქვს ადამიანებისათვის, რადგან ყოველი საზოგადოებრივი თუ პიროვნული უბედურების სათავე არსებითად ყოველთვის იმ მიზეზებში დადებულა, რომლებიც იწვევენ ადამიანების, ხალხების, ქვეყნების გათიშვასა და დაპირისპირებას.

და რა ძლიერი გრძნობაც არ უნდა გვიდუღდეს გულში, ნუ შევდრკებით, პირდაპირ დავაყენოთ საკითხი: ხომ არ ეკუთვნის ენათა სხვადასხვაობა ადამიანთა და ხალხთა გამთიშავ მიზეზების რიცხვს?

სხვადასხვა ცალკეულ ენათა არსებობა დაახლოებით ისეთივე მოვლენაა, როგორც, მაგალითად, სხვადასხვა ცალკეულ ხალხთა და ცალკეულ პიროვნებათა არსებობა, მაგრამ თავისთავად ეს სხვადასხვაობა რომ იწვევდეს ადამიანთა და ხალხთა გათიშულობას, მაშინ საერთოდ გათიშულობის მოსპობა შეუძლებელი იქნებოდა ან, ყოველ შემთხვევაში, მის აღმოსაფხვრელად საჭირო იქნებოდა ენათა, ხალხთა, პიროვნებათა სრული წაშლა და გადაშენება, მათი დაყვანა ერთ სახემდე, რაც წარმოდგენაშიაც კი შემზარავია.

მტრობასა და გათიშულობას ბადებს არა ენათა, ადამიანთა და ხალხთა სხვადასხვაობა, არამედ უსამართლო სოციალური წყობილებანი, ის ქვეყანა და ის საზოგადოება, სადაც არსებობენ გაბატონებული და დაჩაგრული კლასები, გაბატონებული და ჩაგრული ერები.

შორს წასვლა არ გვჭირდება.

მართალია, რუსული ენა და რუსული კულტურა უდიდეს ცხოველმყოფელ გავლენას ახდენდა რუსეთის ყოფილ იმპერიაში მოსახლეს დაჩაგრული ერების სულიერი კულტურის განვითარებაზე, მაგრამ ეს ხდებოდა გაბატონებული კლასებისა და მმართველი რეაქცი-

ული წრეების მიღმა და მათი სურვილების წინააღმდეგ. თვით ეს გაბატონებული წრეები კი მაინცდამაინც საიდუმლოდ არ ინახავდნენ იმას, რომ მათ ხელში რუსული ენა წარმოადგენდა არარუსი ხალხების ჩაგვრის ერთ-ერთ იარაღს, რეაქციული კოლონიზატორული პოლიტიკის იარაღს; თვით ენათა და ხალხთა სხვადასხვაობას ისინი იყენებდნენ იმისათვის, რომ ეროვნული შუღლი და დაქსაქსულობა შეეტანათ იმ ძალებში, რომლებიც არსებული უკუღმართი წყობილების დასანგრევად ირაზმებოდნენ.

მხოლოდ ოქტომბრის რევოლუციამ ამოკვეთა ძირშივე ხალხთა და ენათა ჩაგვრის, მათი გათიშულობისა და გადაშენების ყველა მიზეზი, ყველა ტენდენცია. პირველად კაცობრიობის მთელ ისტორიაში პრაქტიკულად დამტკიცდა, რომ ხალხთა და ენათა სხვადასხვაობა არამცთუ ხელს არ უშლის ადამიანებისა და ხალხების ძმური ინტერნაციონალური კავშირის გაძლიერებას და გაღრმავებას, არამედ, პირიქით, სწორედ ეს სხვადასხვაობა აძლევს დიდ აზრსა და დიდ შინაარსს ამ კავშირს.

ხალხებს, ადამიანებს აახლოებს და ამშობილებს საერთო სასიცოცხლო ინტერესები, თავისუფლების, დამოუკიდებლობის, თანასწორობის, მშვიდობისა და მეგობრობის იდეალები. ამაზე კარგად ამბობს ირაკლი აბაშიძე აღმოსავლეთის პოეტებისადმი მიმართულ ლექსში:

ასი ენა გვაქვს ხატად, საფიცრად
სულში, სხეულში ფესვებგადგმული,
თავისუფლება მკერდით დავიცვათ —
ას ენაზე გვაქვს ერთად დათქმული.

ღიახ, საერთო საკაცობრიო მიზნებსა და იდეალებს ყოველი ხალხი. ყოველი პიროვნება ყველაზე უკეთ და ღრმად სწორედ თავისი ისტორიულად ჩამოყალიბებული პიროვნული არსებისა და უწინარეს ყოვლისა, თავისი დედაენის მეშვეობით ითვისებს. თუ მე მოკლებული ვიქნები ჩემს განსხვავებულ ადამიანურ შინაარსს, ჩემს პიროვნულობას, ჩემს განსხვავებულ ემოციურ სამყაროს, მაშინ მე ისეთივე გულგრილი, უმეტყველო, უსახო და უმოქმედო ამრეკლავი ვიქნები პროგრესის და ჰუმანიზმის იდეებისა, როგორც ლოდია ხოლმე მზის სხივების უგონო ამრეკლავი.

სწორედ დედაენას და, უწინარეს ყოვლისა, დედაენას მიაქვს ყოველი ხალხის გულთან ის იდეები, რომლებიც საფუძვლად ედებიან ხალხთა ძმობასა და მეგობრობას.

თავისუფალი, უკლასო სოციალისტური საზოგადოების ბუნებისათვის უცხოა, სრულიად უცხოა ერთი ენის მიერ მეორე ენის ჩაგვ-

რა, ერთის მიერ მეორის მოკვლა და საერთოდ ყოველგვარი ძალადობა ენათა მიმართ, ძალადობა, რაც არსებითად უდრის ძალადობას ხალხთა მიმართ.

რასაკვირველია. ხალხის ენა, ისე, როგორც ხალხის ყოველი განმსხვავებელი თვისება, განვითარების შედეგია, ისტორიული მოვლენაა და, როგორც ასეთი, განუწყვეტლივ ვითარდება და იცვლება. მაგრამ თავისუფალ და ბუნებრივ განვითარებას არავითარ შეშფოთებაში არ მიუყვართ გათქეფისა და გაუსახურებისაკენ.

კიდევ ერთი გრძელი ამონაწერი.

1960 წლის 17 ნოემბერს, უკრაინული ხელოვნებისა და ლიტერატურის დეკადის დღეებში — მოსკოვში, „ლიტერატურნაია გაზეტამ“ დაბეჭდა ცნობილი უკრაინელი პოეტის — ვლადიმერ სოსიურას წერილი, სადაც ნათქვამია:

„მთელი ქვეყნიერებისათვის ცნობილია გიგანტური როლი დედენის პოპულარიზაციაში. მისი ძალისა და სილამაზის დამკვიდრებაში ისეთი კემპარითი ეროვნული პოეტებისა, როგორცაა პუშკინი, შევჩენკო, მიკუევჩი. მათ ხალხისაგან შეიწოვეს დიდებული, ბარაქიანი ენა და დაუბრუნეს იგი ხალხს კიდევ უფრო დახვეწილი, გამდიდრებული. მათი შემოქმედების მეოხებით დედამიწის ზურგზე მოსახლე ხალხებმა ისწავლეს ერთმანეთის უკეთ გაგება, ერთმანეთის პატივისცემა და დაფასება.

მაგრამ მხოლოდ ოქტომბრის რევოლუციამ მისცა უკრაინულ ხალხს იმის შესაძლებლობა. რომ მთელი ხმით ამეტყველებულიყო თავის დედაენაზე. და მას შემდეგ უკრაინული ენა განუწყვეტლივ ძლიერდება და მდიდრდება. მილიონების ნებისყოფის ამსახველ და გამომხატველ პოეტებზე, მათ აქტივობაზე დიდად არის დამოკიდებული ის, რომ თავიანთი ეროვნული ენა აამაღლონ ზოგადკაცობრიულის მოელვარე მწვერვალებამდე. მე ენების ბუნებრივი ურთიერთგამსკვალვისა და ურთიერთგამდიდრების მომხრე ვარ. აქ კი საქმე ეხება არა ცალკე. სიტყვებისა და სპეციფიკური გამოთქმების უბრალოდ სესხებას. მე ვფიქრობ, რომ შორეულ და ბრწყინვალე მომავალში ყველა ეროვნული ენისაგან მათი თანასწორობისა და ძმობის საფუძველზე წარმოიშვება ახალი, საერთო, საკაცობრიო ენა, რომელზედაც ილაპარაკებენ ჩვენი შთამომავალნი — კომუნისტური საზოგადოების ადამიანები. მაგრამ ეს მოხდება არა ენების ნივილირების გზით, არა ერთი ენის მეორე ენისადმი დამორჩილების გზით. ეს შესაძლებელი გახდება მხოლოდ თვითეული ეროვნული ენის სრული და ყოველმხრივი განვითარების პირობებში. პოეტი რასულ გამზათოვის ლექსის ცნობილი სტრიქონები:

წარმოადგენენ პოეტურ ჰიპერბოლას, დედაენის სიყვარულის უდიდესი ძალის გამომხატველს, სიყვარულისა, რაც ასე გვესალმუნება ჩვენ ყველას“. პოეტის ამ სიტყვებში გამოხატული აზრიც, გრძნობაც საგულისხმო და ნაყოფიერია. ჩვენ — საბჭოთა ადამიანებს — არ შეიძლება უმხურვალესად არ გვიყვარდეს დედაენა. მაგრამ ეს სიყვარული სრულიად გამორიცხავს არამცთუ მტრულ, არამედ უბრალო, გულგრილ დამოკიდებულებასაც კი სხვა ენებისადმი. ჩვენი უზომო სიყვარული დედაენისა გაციცკროვნებულა ყველა ენის თანასწორობისა და ძმობის სულისკვეთებით.

შორეული მომავალი კი იქნება, ცხადია, უფრო ბრწყინვალე, უფრო მშვენიერი, ვიდრე ჩვენ შეგვიძლია დღეს წარმოვიდგინოთ ან ვიწინასწარმეტყველოთ. ვინ იცის, რა ცვლილებებსა და კორექტივებს შეიტანს განვითარება ყოველ ჩვენს წინასწარმეტყველებაში — მათი სრულყოფისა და გამშვენიერების თვალსაზრისით. მაგრამ ერთი რამ ცხადია: თანასწორი, თავისუფალი და ყოველმხრივი განვითარების პირობებში ყოველი ხალხი და ყოველი ენა იმ ბრწყინვალე მომავალში შევა მთელი თავისი მოპოვებული საუნჯეებით, მთელი თავისი სულიერი სიმდიდრით.

ჰო, მართალია, ენათა სხვადასხვაობა დღეს ქმნის ერთგვარ უხერხულობას სხვადასხვა ეროვნების ადამიანთა პრაქტიკულ ურთიერთობაში, მაგრამ ამ უხერხულობას ასკეცად და ათასკეცად ანაზღაურებს ყოველი ხალხის დედაენის განუზომლად დიდი როლი სულიერი კულტურის ღირებულებათა შექმნაში. ამავე დროს ამ უხერხულობას თანდათან ამცირებს და სპობს, ერთი მხრივ, თარგმანის ხელოვნებისა და თარგმანის ტექნიკის განვითარება, მეორეს მხრივ კი, ადამიანთა ინტერნაციონალური შეგნების ზრდა. ეს შეგნება დროთა ვითარებაში ალბათ, ადამიანის შინაგან მოთხოვნილებად და სასიამოვნო განცდადაც კი აქცევს იმ ხალხის ენის შესწავლას, რომლის ქვეყანაშიაც მოუხდება ხოლმე მას ხანგრძლივად ყოფნა. მართლაც, თუ მე არაგარეგნულად, არამედ სისხლხორციელად მექნება შეთვისებული ხალხთა ძმობის იდეა, იმდენად მაინც როგორ არ შევისწავლი იმ ხალხის ენას, რომლის ქვეყანაშიაც მიხდება, ვთქვათ, 5—10 წლის, და ზოგჯერ მთელი ცხოვრების გატარება, რომ შევძლო უშუალოდ გამოველაპარაკო მას? თარგმანის ტექნიკის განვითარების მხრივაც, გამორიცხული ხომ არ არის იმის შესაძლებლობაც, რომ გამოგონილ იქნას ისეთი აპარატიც კი, რომელიც

ერთ ენობრივ ფორმებთან დაკავშირებულ ცნებებსა და ცნებათა კავშირებს გარკვეული იმპულსების მეშვეობით ზუსტად აღძრავს ხოლმე სხვადასხვა ენებზე მოლაპარაკე ადამიანებში. ვინ იცის, მომავალმა კოსმოსურმა მოგზაურმა ამგვარი აპარატით ისიც კი შესძლოს. რომ პირველ შეხვედრისთანავე თავისუფლად გამოელაპარაკოს რომელიმე სხვა სამყაროს მოაზროვნე არსებას.

ენათა ისტორიული ბედის საკითხმა, როგორც ხედავთ. ძალიან შორს გაგვიტყუა, ფანტაზიაშიც გადაგვაგდო. მაგრამ, ვფიქრობ, ყოველივე ეს საპატიებელია, რადგან დედაენის გრძნობა მოდის სიღრმიდან, მტკვრის, არაგვის, რიონის, ალაზნის თავბრუდამხვევად წარმტაცი ბუტბუტიდან.

შიპრიანი სტრიქონები

მინდა. ყოველივე ეს იყოს ჩემთვის უძვირფასესი მოსაგონარი და, თუ შესაძლებელია, ამ მოსაგონარში შემიზიარდეს მკითხველიც. მთელი ამბავი დაახლოებით ორ თვეში დატრიალდა.

საავადმყოფოში იმთავითვე გავიცანი ურანდუქი და უფაქიზესი სულის ადამიანი ანდრო გაბუნია. რა გასაკვირია, რომ იგი ღირსეულად ჰყავს მოხსენებული პაუსტოვსკის თავის წიგნში კოლხეთის შესახებ.

ანდრო და მე ერთ დღეს გამოვეწერეთ საავადმყოფოდან და რამდენიმე დღის შემდეგ მას საგანგებოდ მოეძებნა ჩემი ტელეფონის ნომერი და დამირეკა, მომიკითხა... თამამად შემიძლია ეთქვა, რომ ანდრო გაბუნია — შესანიშნავი ინჟინერი, წყალთა მეურნეობის გამოცდილი სპეციალისტი — ეკუთვნოდა ადამიანთა იმ კატეგორიას, რომლებიც ქვეყნის სუფთა ზნეობრივ ხერხემალს ქმნიან და რომელთა გამო შილერის კარლ მორს შეეძლო ეთქვა, მომეცით ათიოდე ასეთი ვაჟკაცი და ქვეყანას სრულიად განვაახლებო.

რამდენიმე დღის შემდეგ იმავე საავადმყოფოში, ჩემს მეზობელ პალატაში დააწვინეს ქართული ინტელიგენციის დიდი თავკაცი, ქართული მკვერმეტყველების ჯადოქარი — შალვა ნუცუბიძე. მე შემიძლია, ვიამაყო, რომ ერთ ჩემს პატარა წერილზე არსებობს მისი გამოსმაურება. შეიძლება ზოგიერთ რამეში ეკამათოთ მას, მაგრამ უდავოა, რომ ქვეყნის სულიერი ცხოვრების დიდ ისტორიას ქმნიან შალვა ნუცუბიძეები და მხოლოდ შალვა ნუცუბიძეები.

ამავე ხანებში ამავე საავადმყოფოში მკურნალობდა პოეტი გაბრიელ ჯაბუნაძე. მის ლექსებში მის გალუულ სახესა და საოცრად მეტყველ თვალებში ამოვიკითხე ხევსურეთის განუმეორებელი მთების ეპოპეა.

მეოთხეს კი, ვისი მოსაგონარიც მინდა იყოს აგრეთვე ეს სტრიქონები, გავეცნობით ქვემოთ სტრიქონებში.



თითქმის ბავშვობიდანვე თანშეზრდილ მეგობართა შორის იგი ყველაზე ლალი, მხიარული და თავისებური იყო. ო, რა ძნელია

წარსულ დროში მოიხსენიო უახლოესი ადამიანი, ვისთანაც სულ ახლახან ყველაზე სასიამოვნო შეხვედრას მოელოდი. ერთ დროს იგი დიდად იყო გატაცებული ლიტერატურული შემოქმედებით: გვარიან ლექსებს, მოთხრობებსა და ნარკვევებს წერდა. ყოველ შემთხვევაში, რამდენიმე ასე თუ ისე ცნობილი ლიტერატორი მას კარგ სამწერლო მომავალს უწინასწარმეტყველებდა. მეც მეგონა, რომ იგი ქართულ ლიტერატურაში თავის განსხვავებულ სიტყვას იტყოდა. მაგრამ ერთ მშვენიერ დღეს, როგორც იტყვიან ხოლმე, მან გადაჭრით აიღო ხელი კალამზე. მერე მხოლოდ ჩემთან მოწერილ წერილებში თუ გაეთამაშებოდა ხანდახან ლიტერატურულ საკითხებს ანუ, როგორც თვითონ ამბობდა, პრაქტიკული და არა თეორიული ესთეტიკის საკითხებს. კარგა ხანია ეს ჩემი მეგობარი სოფლად მასწავლებლობდა. შრომობდა პატიოსნად, ცხოვრობდა თითქმის უშფოთველად — გენიოსობის ყოველგვარი მწვალებელი სურვილების გარეშე. თან ახლდა უმცროსი და, გაუთხოვარი, საკმაოდ განათლებული. იყო ბუნების თავდავიწყებული მოტრფიალე და შესანიშნავი, გულზე ცეცხლწაქიდიებული მონადირე. ჩვენი მტკიცე მეგობრობის ერთ-ერთი საძირკველი ესეც გახლდათ. მართალია, საკუთარ ლიტერატურულ შემოქმედებას ვეღარ უხსენებდით, მაგრამ ლიტერატურის უსაზღვრო მოყვარული და დაუღალავი, თავდადებული მკითხველი იყო. მისი ბიბლიოთეკა ბევრს შეშურდებოდა. რამდენიმე ხნის წინათ მისგან წერილი მივიღე.

„როგორც ჩანს, — მწერდა იგი, — ისევ მაგრად გიტევს ავადმყოფობა. კვლავ მინდოდა ჩამოხვლა, მაგრამ არ მომიხერხდა. იქნებ, ასე სჯობს: დაგიცადო, სანამ აქ მესტუმრებოდე. გული არ გაიტეხო, დარდს არ მიეცე! იცოდე, გულგატეხილობა ნამდვილად დაგაძაბუნებს! იქამც იყოს! არყოფნა მხოლოდ სულიერად არაქათგამოცლილ ადამიანს შეუძლია მიიჩნიოს ყველაზე ნეტარ, მშვიდ და წყნარ მდგომარეობად. არა, ძმაო, სიცოცხლე, რანაირიც უნდა იყოს, მაინც ღირს იმად, ბეწვისოდენაც რომ გქონდეს შერჩენილი, კბილით და ფრჩხილით უნდა ჩაებლაუქო! შენ ჩაუბლაუქებლადაც იოლად გახვალ, თუ სულის ძალას გამოიჩენ. იფიქრე: ერთხელ კიდევ ხომ მაინც უნდა აეუარ-ჩაეუაროთ წყალგალმა ქალებს. იქ ისევ არის ჩაგუბებული გაუთავებლად ფართქალა სინათლე, როგორც ჩვენი ქაბუქობის ქამს...

სხვა რა? ისევ ჩვენს თავსამტკრევ საგანს მიუუბრუნდები. მოგეხსენება, რომ ლიტერატურას, განსაკუთრებით ქართულ ლიტერატურას, ისევ თავგადაკლული ვადევნებ თვალს, როგორც ყოველთვის. იცი, რა გითხრა? ბევრი რამ მახარებს, მაგრამ ბევრი რამ კი-

დევაც მაწუხებს, ძალიან მაწუხებს ჩვენს ლიტერატურულ ცხოვრებაში. მაწუხებს ის, რომ ზოგჯერ შეინიშნება რალაცნაირი უღარდებლობა: ვიღაც-ვიღაცეებისთვის თითქოს სულერთია გვექნება თუ არ გვექნება დიდი ქართული ლიტერატურა. იქნებ, მე ვცდები, იქნებ, ასე ეჩვენებოდათ ყოველთვის! ღმერთმა ქნას, რომ მე ვცდებოდე!.. მახარებს სულ მცირეოდენი გაელგებაც კი.

ღვთით, როგორც ძველად იტყოდნენ ხოლმე, ლიტერატურა ჩვენი წინ მიდის. ამ წინსვლაში ყველა თაობას შეაქვს თავისი წვლილი. ახალგაზრდობა კიდევაც ბობოქრობს და კიდევაც უხვობს. ძველებიც ფარხმალს არ ყრიან. ვიმეორებ, მე, როგორც გარედან მაყურებელს, ბევრი რამ მახარებს და ბევრი რამ მაფიქრებს: თითქოს სადღაც ჩვენი ლიტერატურის ღრმა წიაღში მწიფდებოდეს რალაც საგანგაშო და შესამფოთებელიც... განა მართო უღარდებლობის ნიშანი?

ასე მწამს და პირდაპირ უნდა ვთქვა: ქართული ლიტერატურა რომ არ ყოფილიყო, საქართველო აქამდე ვერ მოაღწევდა (არავითარი იდეალიზმი ამაში არ არის და შენ ნუ დამიწყებ შენებურად ბაიათებს სოციალურ-ისტორიული ფაქტორების შესახებ). ამიტომ ასევე პირდაპირ მინდა ვიკითხო: როგორი პირი უჩნს ჩვენს ლიტერატურასა და ხელოვნებას დღეს ქვეყნის მომავალი ბედის გამოჭედვაში? მუხრან მაქავარიანისა არ იყოს, ჩვენ კარგად ვიცით, საით მიდის ეს გზა (თუნდაც გზა პოლიტიკური, სოციალ-ეკონომიური და ტექნიკური განვითარებისა), თქვენ ის გვითხარით, საით მიდის თაობათა ცვლისა და ქვეყნის არსებობის დიდი გზა? სხვათა შორის, გალაკტიონმა შეუცნობი გზებით სიარულის გარდუვალობა ამოიძლერა:

ვთქვი: ჩიტსაც კი აქვს თავისი ზღუდე,
მე კი — მოხეტემ კიდითი კიდის —
არ ვიცი, ეს გზა საითკენ მიდის
და მაინც უნდა ამ გზებს გავუღდე.

ვიცი, ვიცი, რასაც ფიქრობ: შორიდან ვხედავ შენს იქვნეულად შექმუხვნილ სახეს და დამცინავ გამომეტყველებას, აქაო და რა უსუსურ საკითხებს აყენებსო. რაც გინდა ის იფიქრე და ის შემარქვი, მე მაინც ჭოუტად გავიძახი: ქართული მწერლობისა და ყოველი ქართული მწერლის პასუხისმგებლობა სადღაც აქედან, ამ საკითხებიდან უნდა მოდიოდეს.

და როცა ამ თვალსაზრისით შევყურებ დღევანდელ ქართულ სიტყვას, სადღაც გული მტკივა ამ სიტყვისადმი ზოგჯერ ერთობ გაიოლებული, შინაურულ-მამბიჭური დამოკიდებულების გამო. „მე,

მე და მხოლოდ მე“ ძალიან ხშირად, ზოგჯერ ძალიან გაზვიადებულად და მოსაბეზრებლად გაისმის. რასაკვირველია, სისულელე იქნებოდა იმის თქმა, რომ დღევანდელი ჩვენი ლიტერატურა თითქოს არ ექიდებოდეს დიდ საკითხებს, დღევანდლობის დიდ პრობლემებს. მაგრამ შეშფოთების გრძნობა, უწინარეს ყოვლისა, მაინც დიდი და მწვავე საკითხების ზიმიცირეს უკავშირდება. თავგამეტებული გულწრფელობით თუ სჭვრეტ, ზოგჯერ ისიც გეჩვენება, თითქოს ჩვენი ქვეყნის წინაშე, ქართველი კაცის წინაშე დღეს ძალიან ცოტა იყოს დიდი და მწვალებელი საკითხები. სულ ცოდივით, ზოგჯერ ისიც კი გეჩვენება, რომ ზოგიერთი მწერლისათვის თითქოს ყველაზე დიდი საკითხი იყოს პირადი განდიდება, უკეთეს შემთხვევაში. ცალკეული რჩეულების ბედის საკითხი. ამაზე კი კვლავ ჩემი „უსუსური“ მოსაზრება უნდა მოგახსენო: თუ ქვეყანა მხოლოდ რჩეულების საამებლად იქნება განწესებული, ასეთი ქვეყანა ეშმაკსაც წაუღია; ადამიანებიც ადვილად გაიმეტებენ მას ეშმაკისათვის. აქ რომ საქმე ცალკეულ პიროვნებების სურვილებსა და ხასიათს ეხებოდეს. ეშმაკისთვის გასამეტებელიც არაფერი იქნება. მაგრამ უბედურება ისაა, რომ ამ სუბიექტური მიდრეკილებების უკან დგას რაღაც პირქუში მოვლენა. განა თვითონ შენ ვერ ამჩნევ, რომ კიდევაც გამომღწავდა ტიპი ისეთი „შემოქმედისა“, რომლის შემოქმედებაში შემოქმედება სანთლით არის საძებარი, მაგრამ უკვე აღიარებულია, რადგან „რადაც მანქანებით“ მოხსენებულ იქნა რჩეულთა შორის. აქედან ზოგიერთი პირის მისწრაფებაც გასაგებია: რადაც უნდა დაუჯდეს მოიხვეჭოს რჩეულობა. საწინააღმდეგო არაფერი გვაქვს: იყოს, ბატონო, რჩეული, გაიხაროს კაცმა! კაცის გაზარებას რა სჯობს! რჩეულობის მაძიებლობაში, რასაკვირველია, ცუდი არაფერი იქნებოდა, რომ იგი აზნაურობის მაძიებლობას არ ჰგავდეს, რომ ამ მისწრაფებაში სხვებზე გაბატონების ჟინი არ იმალებოდეს. იყავ, ჩემო კარგო, რჩეული, ოღონდ ნუ შეეცდები მე ფეხი დაშაღვა... ყოველივე ეს სიტყვას მოჰყვა, თორემ ასეთ წვრილმანებზე წერა სრულიადაც არ მსურდა. თუმცა, კაცმა რომ თქვას, ეს საკითხები არსებითად პრაქტიკული ესთეტიკის საკითხებია... საზოგადოებრივ აზრს დიდი გასაქანი ესაჭიროება.

...ამ დღეებში გალაკტიონს ვათვალიერებდი. მე მას ხშირად ვფურცლავ. გალაკტიონმა ქართული ლიტერატურის დიდი თავი დახურა, ისე როგორც თავის დროზე ბარათაშვილმა, ილიამ, აკაკიმ, ვაჟამ, მოგვიანებით კი გასაოცარმა დავით კლდიაშვილმა... ამასთან დაკავშირებით რაღაც ფიქრები აღმეძრა და მინდა გაგიზიარო. დეე, ეს ფიქრები გულუბრყვილო იყოს. გალაკტიონი საოცრებაა. სამ-

წუხაროდ, იგი ჯერჯერობით ვერ გასცდა საქართველოს ფარგლებს. მასთან შედარებით ქონდრის პოეტებიც კი უფრო ცნობილები არიან. ამის მიზეზი, ჩემი აზრით, საოცრად პარადოქსალურია. ენობრივად გალაკტიონი ფრიად ეროვნული, ფრიად ქართულია და მისი გადატანა სხვა ენაზე უაღრესად ძნელია; მოტივებით კი იგი უაღრესად საყოველთაო, უაღრესად უნივერსალურია. ამ უნივერსალური მოტივებით იგი ვერ ანცვიფრებს განათლებულ უცხოელებს, მისი ჰუმანიტარული პოეზია კი, ე. ი. მისი განუმეორებელი თქმა ანუ მისი განუმეორებელი ენობრივი სტიქია არ ესმით. აქ იბადება გაუგებრობის ტრაგედია. ნამდვილად კი ბარათაშვილისა და ვაჟას შემდეგ გალაკტიონი ქართულ ლიტერატურაში უბადლოა როგორც უხინჯო, სუფთა შემოქმედი, ხელოვნების (პოეზიის) აბსოლუტური გრძნობით დაჯილდოებული ადამიანი. ეს გრძნობა, ისე როგორც მუსიკის აბსოლუტური გრძნობა, ხელოვნების ერთ-ერთი მარადიული თვისებაა. მე მხედველობაში მაქვს შემოქმედების გვარეობითი სრულყოფა თუ გვარეობითი განუმეორებლობა. მაგალითად, არ შეიძლება წარმოიდგინოთ „მერანის“ ან, თუ გნებავთ, „ჰამლეტის“ ან „ანა კარენინას“ სხვა ფორმა-კარგი და სრულყოფილი მხატვრული ნაწარმოები ის არის, რომელზედაც ვერ იტყვი, ეს სხვა ფორმაშიც იქნებოდა შესაძლებელი. გალაკტიონის შედეგები მხოლოდ იმ სისხლსა და ხორცშია შესაძლებელი, რითაც ისინი არიან ხორცშესხმული, სხვა რამეს მათ ვერ მიუსადაგებთ. აბა, სცადეთ სხვა ფორმაში წარმოიდგინოთ ისეთი „პაწია რამეც“ კი, როგორცაა „წყალტუბოდან ქუთაისში მიმავალო ქარო“, რომ ლექსი უმაღვე საპნის ბუშტივით გაქრეს. ამ ცოტა ხნის წინათ მე წავიკითხე ერთი ფრიად ცნობილი ქართველი პოეტის რამდენიმე ლექსი. ამ ლექსებს, რასაკვირველია, შენც წაიკითხავდი, უეჭველად აზრიანი, ჰკვირანური ლექსებია. ლექსების გონივრული ენერგია კიდევაც გაღელვებს. მაგრამ ერთი-ორი პატარა ლექსის გამოკლებით ამ ლექსებში ნამდვილი პოეზია არ არის. კიდევაც გაიფიქრებთ, ზოგიერთი მათგანი რატომ დაწერა პოეტმა ლექსად, როცა შეეძლო, იმავე თემებზე გაცილებით უფრო შთამბეჭდავი მოგონების ფურცელი ან რაღაც ესეისტური ეპიზოდის დაეწერა. ერთი სიტყვით, ზოგჯერ ცნობილ პოეტსაც უჩლუნგდება ხოლმე პოეზიის გრძნობა.

ამას წინათ ერთ სახელოვან პოეტთან მომივიდა შეჯახება. მან გალაკტიონის ერთ მშვენიერ ლექსზე თქვა „არა უშავს, წაიკითხავს კაცი, მაგრამ ახალი პოეტიკისა და ვერსიფიკაციის თვალსაზრისით ძალიან სუსტიაო“. ეს ლექსი შენ ალბათ კარგად იცი, მით უმეტეს ახლა, გულმა საქმის გაპირება რომ დაგიწყო. აი, ეს ცნობილი ლექ-

სი — პირთამდე საესე წარმავლობის განწყობილებით. ლექსი, მართ-
ლაც, გულგასახეთქია თავისი უსაშველო გრძნობით, მაგრამ უმშვე-
ნიერესია თავისი პოეტური სისავსით.

რისთვის მაგონებ, ვაზზე
მიმობნეულო ნამო,
ცრემლებს, დადენილს მძაფრი
ახალგაზრდობის გამო?

აქ თითქოს ყველაფერი მარტივი და უბრალოა, სიტყვებიც, მა-
თი წყობაც, რიტმიც, რითმაც. მაგრამ ეს უბრალო ლექსი სავსეა
პოეზიის უჩვეულო ენერგიით, მოვლენებისა და საგნების რაღაც სა-
ოცარი კავშირით! განა არ გაგონებს ბევრ რამეს განვლილი ცხოვ-
რებიდან, განა არ გაღეღეებს ვაზზე მიმობნეული ნამი და ისიც ამ
უბრალო, მაგრამ უმძაფრეს მსგავსებაში? ნუთუ უთვალავი ცოცხა-
ლი ძაფით არ გაკავშირებს ქვეყნიერებასთან, წარსულთან, მომავალ-
თან ეს ვაზი, ვაზზე მიმობნეული ნამი, ცრემლები, ცრემლები (ხომ
ვიცი, რომ შენ დაგდენია ასეთი ცრემლები), დადენილი მძაფრი
ახალგაზრდობის გამო? „მძაფრი ახალგაზრდობაც“ რა ზუსტი თქმაა.
ბარემ ბოლომდე გავიხსენოთ ლექსი:

მზემ ამოაშრო ნამი
და შლის საღამო ამო
ცთომებს, ჩადენილთ როსმე,
ახალგაზრდობის გამო!
მეტყვით: ეს იყო სრული
და მშვენიერი რამო,
რაც თავს გადაგვბდა მხოლოდ
ახალგაზრდობის გაპო.
ის გაზაფხული გაქრა,
მეგი, იარე, წამო!
აქ ხმაურობდა ტალღა
ახალგაზრდობის გამო...

აქ არ არის არავითარი დებულება, არავითარი ფორმულა, ყვე-
ლაფერი ნექტარივით არის ამოწოვილი ცხოვრებისაგან. აქ ყოველი
სიტყვა სავსეა განსაკუთრებული პოეტური აზრით, განსაკუთრებუ-
ლი ნერვული თრთოლვით. და სწორედ ამით არის დაძლეული სიტ-
ყვიერი მასალის წინააღმდეგობაც და სწორედ ამ წინააღმდეგობის
დაძლევით არის გადაქცეული სიტყვა პოეზიად. პოეზიის არცთუ ისე
მახვილი გრძნობაა საჭირო, რომ ჩაწვდეს ამ მშვენიერ გოდებას და-
კარგული, დაუბრუნებელი ახალგაზრდობის გამო. ველარასოდეს ვერ
დაიბრუნებ გარბენილ ნეტარ წუთებს, „ის გაზაფხული გაქრა“... მე
არ ვკისრულობ შევიდე იმის გარჩევაში, როგორია ეს ლექსი ზემოთ

ნახსენები „სახელოვანი“ პოეტის მიერ წამოყენებული ნიშნებით, ისე როგორც არ ვაპირებ შევიღე იმის გარჩევაში, თუ როგორია იაპონური ლექსის ფორმალური ნიშნებით მე-18 საუკუნის იაპონელი პოეტი ქალის გასაოცარი პოეზიით აღსაქმე სამსტრიქონიანი ლექსი:

На смерть маленького сына

О мой лавец стрекоз!
Куда в неведомой стране
Ты нынче забежал!

ვიცი მხოლოდ, რომ როგორც გალაკტიონის, ისე ტიიო-ნის ლექსი უმალლესი ხარისხის ლექსებია, ორთავე გულგასახეთი და მშვენიერი საკითხავია: რა რას გადასძალავს ჩვენს სულში: უსაშველო ნაღველი თუ სიმშვენიერე? ფიქრობენ, რომ ხელოვნების მშვენიერება ყოველთვის სძლევს საშინელ ნაღველსაც კი! თუ ასეა. — ეს ბედნიერებაა. მაშინ ყველაზე სევდიანი ნაწარმოებიც კი, თუ იგი მშვენივრად არის შესრულებული, სიხარულს მოგვგვრის! ტენდენციური სიხარულითა და აღტაცებით სავსე ნაწარმოები თითქმის ყოველთვის მოსაწყენია. ყოველ შემთხვევაში, ბევრი მათგანი გულს არ ეკარება. რატომღაც გულს უფრო ტრაგიკული და დრამატული ესაღებუნება. მაგრამ ადამიანის ბედის ტრაგიკულობის უთვალავმა ხლართებმაც გული გადაგვიღიეს. ყელთამდე ამოვიდა იმის მხატვრული თუ კიდე სხვა რამენაირი მტკიცებაც, რომ ადამიანი ტრაგიკული არსებაა. ამ მხრივ შემაზრზენად კაცობრიობას დოსტოევსკიც კი ეყოფოდა. მაგრამ ახლა, რაკი შორეულით და უცხოურით კოპწიაობაა მიღებული, მეც წავიკოპწიავებ: კაფქასაც შეუძლია ჩვენი სულის საოცარი ატკივება; ფრანგი კამილუ, იაპონელი კაბო აბეც და ბევრი მისთანანიც შესძლებენ ჩვენს შემფოთებას. ერთი სიტყვით, ძალიან დიდი ვინმე უნდა იყოს ნიჭითაც და ცოდნითაც. რომ ჩვენს სულიერ ტრაგიზმს რაღაც ისეთი ახალი რამ მიუმატოს, რომ ახალ მხატვრულ აღმოჩენად ჩაითვალოს. ან კი საჭიროა ტრაგიკულის გაძლიერება? რასაკვირველია, ცხოვრება ტრაგიკულსაც და დრამატულსაც აძლიერებს, იბადება ახალი პრობლემები, იხლართება ახალი კვანძები ტკივილიანი საკითხებისა... მე იგიც მინდა გითხხო: როგორ ფიქრობ, ტექნიკური პროგრესი დიდ სიკეთეს აყრის კაცობრიობას? ყოველ შემთხვევაში, ადამიანისა და ადამიანურობის დიდი გამაწესრიგებელი სიყვარულის ჩარევაა საჭირო, რომ ორთქლათ. ელექტრონით ან ატომის ენერგიით ამოძრავებულმა რკინამ ადამიანის კეთილდღეობაში რაიმე, თუნდაც ერთი ციცქნა წილი

მაინც დაიდოს. სხვაფრივ, იქნებ, ტექნიკურ პროგრესს ადამიანის გამართლებების მეტი არაფერი მოაქვს. ერთი სიტყვით ყველა გზა რომში კი არა, აი... იქ მიდის... ვიცით, ვიცით, ბატონო, რომ ადამიანი ტრაგიკული, წამებული არსებაა... მერე რა? რატომ მიაჩნია აქამომდეღამ ხელოვნებამ (თუ ცხოვრებამ) ადამიანი ტკბობას ტრაგიზმით, ტკბობას ტკივილებით? ჩვენ გატაცებით ვკითხულობთ ისეთ ნაწარმოებებს, რომლებშია ადამიანების ტანჯვა და წამება ასახული. ამის სათავე თითქოს ადამიანის სულშია თავიდანვე დაღებული. რომში დიდი სიამოვნებით უყურებდნენ, თუ როგორ კლავდნენ გლადიატორები ერთმანეთს. დღესაც ესპანეთში (ამბობენ, მექსიკაშიც) ხალხი აღტაცებით შეჰყურებს გავრეშებული ხარის რქაზე წამოგებულ ტორეადორს. ჩვენც ხომ აღტაცებაში მოვდივართ, როცა ერთი კუნთმავარი ბოქსიორი ისე მიალასლასებს მეორეს, რომ იგი გონებაში ჩაღრმობილი ეცემა ძირს? რა ბაღებს ჩვენში ამ ველურ გრძნობას? უბედურება იმაშია. რომ ჩვენდა შეუძინევლად ეს ველური გრძნობა თუ ერთადერთი არა, ყოველ შემთხვევაში, ერთერთი მასაზრდოებელია ჩვენი აქამომდეელი ესთეტიკური განცდისა. ამ მხრივ ფრიალ სიპტომატურია დოსტოევსკის ერთი გმირის განცხადება, ყველაზე დიდი სიამოვნება სხვისი უბედურების შეტყობააო. მაგრამ ტკბობაა კი ეს? ავბობენ, გოეთეს ვერტერმა თავის დროზე ბევრ ახალგაზრდას გაახვრეტინა ტყვიით შუბლი თუ მკერდი. მე ხელთ არა მაქვს ინფორმაცია. თუ რა წაჰკიდა ადამიანებს ბევრმა კარგად დაწერილმა, მაგრამ წამების სულისკვეთებით გამსჭვალულმა წიგნმა. ვფაქრობ (და ამ ფაქტში შესაძლოა, მართო არ ვიყო): მომავალმა ხელოვნებამ, ახალ სოციალურ ბაზაზე, აგებულმა ქვეყნის წარმოშობილმა, ადამიანები უნდა გააღაჩიოს წამებითა და ტკივილებით ტკბობას.

თუ ხელოვნება (პროზა, პოეზია, მხატვრობა, ქანდაკება, მუსიკა) შემეცნებასთან დაკავშირებული ესთეტიკური ტკბობაა, მაშინ იგი მართლაც ცხოვრების სისაყსით, ე. ი. მშენიერებით ტკბობა უნდა იყოს და არა ტკბობა ტკივილებით, ტკბობა სიკვდილით. ყოველ შემთხვევაში, ხელოვნება (პროზა, პოეზია, მხატვრობა, მუსიკა) ადამიანის სულიერ თუ ხორციელ კრილობებში ხელის რევა არ უნდა იყოს, ხელის რევა იმისათვის, რათა ეს კრილობები კიდევ უფრო გაამტკივნოს.

მითხარი, პირდაპირ მითხარი, დიდ უცნაურობას ვიტყვი, თუ ვიტყვი, რომ ხელოვნება — პოეზია, უწინარეს ყოვლისა, ადამიანური ტკივილების დაამებას უნდა ისახავდეს მიზნად? ადამიანიც, როგორც ტრაგიკული არსება, შეცნეულად თუ შეუცნეულად სწორედ

სიხარულს, სწორედ ტკივილების დაუყუჩებას მოელის ხელოვნებისაგან.

ამიტომ, ჩემი აზრით, ბევრ წვრილმანშიაც რომ ცდებოდეს, საბოლოოდ დიდი სიღრმეში მაინც დიდად მართალი იყო და არის ლიტერატურის თავის გალაშქრებაში მოდერნიზმის (არსებითად დეკადანსის) წინააღმდეგ.

თანამედროვე ადამიანის სულიერი არსება უკვე მომწიფებულია იმისათვის, რომ ყველაზე მეტად ინატროს ხელოვნება, როგორც სულიერი ტკივილების დაამების საშუალება. ადამიანი არსებითად ელოდება ისეთ გენიოსებს, რომლებიც სულიერი სიამის მიმართულებით წარმართავენ ლიტერატურისა და ხელოვნების მომავალ განვითარებას. ამისათვის სწორედ სრულიად ახალი თვისებებით დაჯილდოებული გენიოსებია საჭირო. ო, რაოდენი ძალაა საჭირო იმისათვის, რომ ადამიანები გადააჩვიოთ წამებით ტკბობას, სიკვდილით ტკბობას. არა, არა, არ იფიქროთ, რომ გორკის ლუკას მანუგეშებელი სიცრუის პოზიციაზე ვდგებოდე ან ბერანეუს „გიყების“ იდეას ვიზიარებდე:

Господи! Если к правде святой
Мир дорогу найти не умеет.
Честь безумцу, который навел
Человечеству сон золотой.

(გორკის არტისტი ფიქრობს, რომ ლუკა და ბერანეე ერთ პოზიციაზე დგანან).

მე კი არსებითად ხელოვნებისა და ლიტერატურის ახალი, მაღალი დანიშნულების საკითხს მივადექი, მათი დიდი მანუგეშებელი სიმართლის საკითხს შევეხე.

მგონია, რომ ეს გაცილებით უფრო აქტიური ესთეტიკური დანიშნულებაა, ვიდრე აქამდე ჰქონდა ლიტერატურას და ხელოვნებას. კერძოდ, ამსახველობა შედარებით გაცილებით უფრო დუნე და პასიური აქტია, ვიდრე მანუგეშებელი სიმართლის გამომგონებლობა, გამოკვლევა და შექმნა. იმისათვის, რომ ძლიერი ტრაგიკული სურათი დახატოთ, ალბათ, საკმაოა ნიჭიერულად და დაკვირვებულ თვალით ასახოთ (გადმოწეროთ) სინამდვილის რომელიმე შესატყვისი მოვლენა, მაგრამ იმისათვის, რომ რაიმე საზოგადოებრივი ან პიროვნული სულიერი ტკივილის დაამების საშუალება შექმნათ, მართლაც ამსახველობა არ კმარა. ჩვენს დროში ამსახველობის როლის შესუსტების სხვა მხარეც არსებობს. წინათ, როცა ცოდნის სხვადასხვა დარგი ქვეყნისა და დროის შესახებ შედარებით ნაკლებ ინ-

ფორმაციას იძლეოდა, ლიტერატურასა და ხელოვნებას ბევრი რამ ჰქონდა ასასახავი და გამოსახატავი (რასაკვირველია, იმის თქმა არ მინდა, რომ თითქოს ახლა ლიტერატურასა და ხელოვნებას ასასახავი და გამოსახატავი არაფერი ჰქონდეს). მაგრამ დღეს ყოველმხრივი ინფორმაციის სიუხვის პირობებში განუზომლად იზრდება ლიტერატურასა და ხელოვნებაში გამომგონებლობისა და მხატვრული გამოკვლევის როლი. თანამედროვე მკითხველთა გათვითცნობიერებულ წრეებსაც დღეს მოვლენათა აზრისა და არსის გახსნა უფრო იტაცებთ, ვიდრე მათი აღწერა. პირადად მეც, როგორც თანამედროვე მკითხველს, მაგალითად, თანამედროვე თბილისის ან თბილისელი კაცის სულის სიღრმისეული მხატვრული გამოკვლევა უფრო მალეღვებს და მათეჟრებს, ვიდრე მათი გამოხატვა და აღწერა (თუმცა, ვითომდა რა ახალ ამბავს ვამბობ; როდის არ ყოფილა დიდი ლიტერატურის დამახასიათებელი დიდი საარსებო საკითხების წამოჭრა და გამოკვლევა?) ერთი სიტყვით, მე ის მინდა მოგახსენო, რომ დღეს ტიპის (გინდა კაცის, გინდა მოვლენის) დახატვა თუ ასახვა დიდ მხატვრულ მიღწევად ვერ ჩაითვლება, თუ იგი ცხოვრების აზრის დიდ ძიებაში არ არის ჩართული, თუ მას ცოტაოდნად მაინც ადამიანის სულიერი ჭრილობების მოშუშება არ ძალუძს. სადღაც ამოვიკითხე: ხელოვნების უპირველესი დანიშნულებაა ადამიანში ადამიანურის დაგროვება და განმტკიცებაო. დიდებული ფორმულაა, მშვენიერი დებულებაა.

ეგრძნობ, დებულებისა და ფორმულის ხსენებაზე შენ როგორ უსიამოდ გელმიკება სახე. მეც მგონია, რომ ფორმულებმა სული ამოიღეს. განსაკუთრებით აუტანელია იმ ლიტერატორთა ეგრეთ-წოდებული კრიტიკული ფორმულები. რომლებიც ჰკუპის მასწავლებლობას ჩემულობენ. მაგრამ რა გაეწყობა, უდებულებოდ, უფორმულოდ ბიჯსაც ვერ გადადგამ არამცთუ მეცნიერებაში, არამედ ლიტერატურაშიც, ხელოვნებაშიც... უფორმულოდ, რასაკვირველია, კოსმოსური ხომალდი ასე ზუსტად ვერ შემოუვლიდა ირგვლივ მთვარეს და ასე ზუსტად ვერ დაეშვებოდა დედამიწაზე...

მხატვრულ სიტყვაში, ჩემი აზრით, დასაბამიდან ეჭიბრება და ხშირად კიდევაც ერწყმის ერთმანეთს ფორმულა და ნექტარი. მაგალითად, მე ვფიქრობ, ნიკოლოზ ბარათაშვილი უმშვენიერესი შერწყმაა ნექტარისა და ფორმულის. ილია და აკაკი ამ ორი საწყისის მძაფრი შეჯიბრების მაგალითს წარმოადგენენ. ვაჟაც მათი დიდებული შერწყმის ნიმუშია, თუმცა ნექტარის უპირატესობით. გალაკტიონი წმინდა ნექტაროსანია. პროზაშიც, რასაკვირველია, ამ ორი საწყისის რთულ დიალექტიკასთან გვაქვს საქმე (წარმოდგენი-

ლი მაქვს, როგორ გელიმება ამ ჩემი „თეორიის“ გამო; ისე კი სჯობს კობმა პრუტკოვს დაუჭერო და ფესვებში ღრმად ჩაიხედო). ამ შემთხვევაში, როცა ფორმულაზე ან ნექტარზეა ლაპარაკი, სრულიადაც არ იგულისხმება ცივი, მშრალი ან ჩატკბილულ-ჩაშაქრული სტილი. საქმე ეხება შენების, კეთების, შექმნისა და ფიქრის ორ სხვადასხვა ხასიათს. ზოგი წინასწარ დამზადებული ჩონჩხის გარეშე ვერაფერს ააგებს. ფიქრს ვერ გააბამს, ზოგი კი ფუტკარივითაა...

დაფრინავს ფუტკარი, ყვავილიდან ყვავილზე გადადის, ნესტარით თუ ხორთუმით წუწნის ყვავილების გულში მიცვარულ ნექტარს და პირში იგუბებს, ფეხებზე კი ყვავილების წებოვან ფიფქს იკრავს, რომ თავისი მშვენიერი ნაგებობის მასალა დააგროვოს. დაახლოებით ეს არის ფუტკრის საქმიანობის ფორმულა. მაგრამ იგი ფორმულით არ მოქმედებს. ფორმულით რომ იმოქმედოს, იქნებ, სულ სხვა მხარეს გაფრინდეს, ღალა სულაც ვერ იშოვოს, ან იმდენი იშოვოს, რომ სკაშიც ველარ დაბრუნდეს...

ქარგად დამიგდე ყური! თუ საკითხი დაისმება: ფორმულა თუ ნექტარი, პირადად მე, რასაკვირველია, მუდამ ნექტარის მხარეზე ვიქნები! ფორმულამ, დებულებამ, შესაძლოა, ყველაზე სავსედ და ყველაზე ზუსტად გამოსახოს აზრი და გრძნობა („ლპერთი“, სუბსტანცია), სხვანაირად რომ ვთქვათ, კეშმარიტება და მშვენიერება, მაგრამ დებულება (ფორმულა) ვერასდროს ვერ იქნება თვით ცოცხალი, ხორცშესხმული აზრი და გრძნობა. ნექტარი კი შეიძლება იყოს მხოლოდ თვით სუბსტანცია, თვით ცოცხალი აზრი და გრძნობა...

რა გასაკვირია, რომ შენ იცინი, ერთობ გაფილოსოფოსებულნი გკონივარ. რით გადაგარწმუნო? შენ კი არა, თვითონ მე არ მესმის ზოგჯერ ჩემი ნაფიქრალის ასავალ-დასავალი. მაგრამ იმას მაინც უნდა მიხედდე, რომ რაღაც დიდი ფიქრი მაწევს გულზე. მოდი და ნუ იფიქრებ რაღაცნაირი დაკნინებისა და დაჩივების საშიშროებაზე, რაღაცნაირი გადაგვარების საშიშროებაზე, როცა... მაგრამ წვრილმანებზე ლაპარაკი არ ღირს. მე მინდა ისევე დაბეჯითებით გავიმეორო, რომ საქართველოს აქამდე. ქართულმა ხელოვნებამ, უწინარეს ყოვლისა, ქართულმა ლიტერატურამ მოაღწევეინა, მისი მომავალიც ქართული სიტყვის მომავალ ბედზეა დამოკიდებული.

მე ვიცი, შენ მზადა ხარ დამარქვა ცენტრადის მონაზონი, ქვეყნის სატირალს რომ ტიროდა. არა, ძმაო, მართალია, მე. პატარა კაცი ვარ, მაგრამ ქვეყნის ბედისათვის პასუხისმგებლობა მეც მაკისრია. ყოველ შემთხვევაში, იღუმალი გულისწყრომის გამოტქმის

უფლება მაინც მაქვს, როცა, ვთქვათ, შემოქმედებითი უანგარობის შებლავას ვამჩნევ. შემთხვევით არ წამომცდენია შემოქმედებითი უანგარობა. მე იგი ხელოვნებისა და ლიტერატურის დიდი ნაწარმოების შექმნის ერთ-ერთ არსებით ობიექტურ პირობად მიმაჩნია. ბარათაშვილის „მერანი“ ან „ჩემი ლოცვა“ ან „სულო ბოროტო“ ან „შემოდამება მთაწმინდაზე“ იმისთვის არ დაუწერია, ქება-დიდებას შემასხამენო, არც აკაკის დაუწერია ამისათვის თავისი „განთიადი“ ან „თორნიკე ერისთავი“, არც ილიას — თავისი „განდევილი“, „აზრდილი“, „მგზავრის წერილები“, არც ვაჟას — თავისი „გველის მკამელი“, „სტუმარ-მასპინძელი“ ან „კაი ყმა“... შემოქმედებითი დაქინების პირველი ნიშანი, ჩემი აზრით, სწორედ შემოქმედებითი უანგარობის მოშლაა...

ღმერთო ჩემო! ნუთუ შენ ფიქრობ, რომ ჩემი ქადაგებით შენს ან ვინმეს მოთვინიერებას ვლამობ; არა, მინდა, ძალიან მინდა, რომ ამ წერილში აღძრულ საკითხებზე შენ აზრი გამოთქვა, წერილი მომწერო. თუ შენ არ შეგიძლია, ვინმეს უკარნახე, ვინმეს დაავალე, რომ მომწეროს შენი შეხედულებანი.

ალბათ მიხვდი და სამალავიც არაფერი მაქვს: ყველაფერი შენს თავშესაქცევად მოვიგონე. მაგრამ პასუხი აუცილებლად უნდა მომწერო. მართალია, ეს საკითხები შენს გასართობად არის წამოჭრილი, მაგრამ მაინც საკითხებია. ახლა მე რამდენიმედ იმ მოლას ვგვევარ, ხმა რომ გააგდო, ფლავს არიგებენო, და მერე თვითონაც რომ გაიქცა ფლავის მისაღებად.

თუ ერთხელ მაინც კარგად ჩაგაფიქრე, მე უკვე გამარჯვებული ვარ. შენი ევრეთ წოდებული შავნალვლიანობა მე ძალიან არ მომწონს. თუ ძმა ხარ, გამხიარულდი, რანაირი ტკივილებიც არ უნდა გქონდეს. სიცოცხლე რალაც მეტია და მას რალაც მეტი აზრი აქვს, ვიდრე სათითაოდ თვითულ ჩვენგანს შეიძლება, მოჩვენოს. შენ უკეთ იცი, თუ ღმერთი არ არსებობს, ყველაფერი დასაშვებიაო, — ფიქრობდა ერთი წამებული გენიოსი. კიდევ მეტი: თუ სიცოცხლის მთელი შინაარსი ის არის, რაც დაბადებასა და სიკვდილს შუა მდებარეობს, მაშინ... „ჩიტი ბღღენად არ ღირს“. მაგრამ სიცოცხლის უმაღლესი აზრი, ჩემი ფიქრით, სწორედ ამ უსაშველო, შეუვალი და გადაულახავი „ჭეშმარიტების“ გადალახვის ცდაშია — გადალახვისა სინდისით, სხვათათვის თავდადებით, დაუოკებელი სწრაფვით. „ცუდად ხომ მაინც არ ჩაივლის ეს განწირული სულისკვეთება“. აი, გასაღები უსაშველობის საშველისა. ერთი ჭიტყვით, უნდა აჯობო, უნდა მოერიო ავადმყოფობასაც და თუ საჭირო გახდა უფრო მეტ რამესაც.

ველი პასუხს და გელოდები გამოჯანმრთელებულს, გულგამაგრებულს“.



პასუხისათვის ვემზადებოდი ჩვეულებრივი ზოზინით. მაგრამ ამასობაში თავზარდამცემი ამბავი შემატყობინა ჩემი მეგობრის დამ: „იმ დღეს, თქვენ რომ წერილი გამოგიგზავნათ, ცოტა ხანს კიდევ უჭდა თავის საწერ მაგიდას და რალაცას წერდა. მერე ადგა და შელამების ხანს სახლიდან გავიდა, თითქოს საკმაოდ მხიარულ გუნებაზე იყო და არც კი მიკითხავს, სად მიდიხარ-მეთქი. იმ ღამიდან აღარ დაბრუნებულა. ცა და მიწა შევაჯერეთ და მისი ასავალ-დასავალი ვერაფრით ვერ გავიგეთ. მის მაგიდაზე დატოვებულ ქალაღებზე ხშირად არის დაწერილი მისი ხელით თქვენი სახელი. ერთგან თქვენს სახელს მიწერილი აქვს: „გამაგრდი, ბიჭო!“ მერე ცოტაოდენი ინტერვალის შემდეგ წერია: „ვერა, ვერ ამოვხსენი, რით უნდა ანუგეშოს ხელოვნებამ, ლიტერატურამ ადამიანი. თავი უნდა ვიმტვრიო და ამოვხსნა, უეჭველად უნდა ამოვხსნა! ცხოვრება მაინც არის მშვენიერი თამაში მარადისობასთან, უკვდავებასთან:

На песчаном белом берегу
Островка
В Восточном океане
Я, не отирая влажных глаз,
С маленьким играю крабом.

მაგრამ ეს მაინც ლირიკაა და არა ამოხსნა, არა ფორმულა. მე კი ამჟამად სწორედ ფორმულა მესაპირობება. რაიმეს მიშველის გალაკტიონის ლექსი, შუშხუნა როგორც ჩხავერი?

რამდენიმე დღე მივიღივარ,
ქვეშ ბალახი შეგება,
ჩემს ძახილზე: „მასპინძელო!“
ქალი გამომეგება.
თავსაფარი გაისწორა,
სახლში შემობატიუა,
ჩანს, რომ ძველი მეგობრობა
სიშორემ ვერ გათიშა.
— ჩემი ქმარი შინ არ არის.
შემობრძანდით ოჯახად.
სადაც არის გეახლებათ,
მოითმინეთ ცოტა ხანს.
იღვნენ ცაცხვი და მუხები
უმაღლესი წვეროთი,

მე მალალი აივნოდან
 შავ ზღვას გადავცქეროდი.
 აგე, მოდის მეგობარიც
 შედგა, სადაც ვერხვია.
 მე რე მოსწყდა,
 სიხარულით
 შემხვდა გადამეხვია.
 აკაშკაშდა ცაზე მთვარე.
 სუფრა... რა დარებია...
 ბევრი, ბევრი, ძმავ, კარგი დრო
 ერთად გვიტარებია!
 მოგონებათ ნაკადები
 სიხარულის მფენია:
 სიყმაწვილე, მეგობრები,
 ლექსი, შოთას გენია!“

ამის შემდეგ მსხვილი ასოებით წერია: „სად ხართ ახლა ტოლე-
 ბო — გოგოებო, ბიჭებო? სად ხართ დღეებო, მზისა და თაფლის
 დღეებო?.. შენ ერთი შემრჩი, ვისთანაც სულს მოვიოხებ და შენც
 გული გლალატობს... რა ვქნა, ჩემი ქვეყნის დაუარულებელი სი-
 ტურფე!“

„რა მოხდა არ ვიცი, — განაგრძობს წერილში ჩემი მეგობრის
 და, — ამ დროულ კაცს განა შეეწილო თავისთავისთვის რამე აეტეხა?
 არაფერი არ აკლდა: არც დაფასება, არც პატივისცემა; თვითონაც
 ყოველთვის მხნედ და იმედინად გამოიყურებოდა, ყოველთვის
 მხიარულ გუნებაზე იყო. მხოლოდ თქვენი ავადმყოფობა აწუხებდა.
 სამტროც მასთან არავის არაფერი ჰქონდა. ყველაფერი აუხსნელი
 და გაუგებარია...“

ოღონდაც, ოღონდაც!

მაგრამ იქნებ, საიდანმე დაბრუნდეს ჩემი საყვარელი მეგობარი?
 ხომ ბრუნდებიან დაკარგულები? მაშინ ვეტყვი მისივე სიტყვებს:
 „...სიცოცხლე, რანაირიც უნდა იყოს, მაინც ღირს იმად. ბეწვისოდენ-
 ნაც რომ გქონდეს შერჩენილი, კბილით და ფრჩხილით ჩაებლაუქო“..

მზაშეფრქვეული პოეტი

აღბათ არყოფნის უსასრულო ბნელეთს ეომებოდა პოეტის შთაგონება, როდესაც თხზავდა სევდიან სანუგეშოს — „არ დაიდარლო, დედაო“. ასე მგონია, თუ ასეც არის: იმ შთაგონების ნათელიდან იმზირება დღესაც მოხდენილი, ახოვანი მგოსანი თავისი ჭკვიანური, ფიქრმორეული ცისფერი თვალებით. იგი ხომ ყოველ ქართველ კაცს ჰგავდა და არავისაც არ ჰგავდა. ათასში გამოარჩევდით... და არა მარტო თავისი ფერებმოკარბებული ქართულით, არამედ თავისი თვალადობითაც.

ჯერ ადრევე, როდესაც მას მხოლოდ შორიდან ვიცნობდი, ქართული ცის რაღაც საოცარი სინატიფისა და სიანკარის უთქმელ გრძნობას მიღვიძებდა მისი „ხაზარეთისკენ მისცურავს წერო“, მომწონდა ყურღანებიდან გაფრენილი გნოლის პოეტური ნახაზები, საუკუნეთა სიღრმიდან გამოხმობილი პაემანის განსაცვიფრებელი ლირიკული ხვეულები, მაფრთოვანებდა გაჩაღებულ სასანთლესავით წარმოსახული სამშობლო — ივრის ვაზები, ვხედავდი ყვიჩალური ღამის დევურნაკეთებიან სურათებს, თითქოს მესმოდა თავქვეშ თქალთოებამოდებულ და შავ ყურღანებში მიძინებულ მხედართა ველური ფშვინვა, საქართველოს ლექსის მეხანძრეთა ძმობის, სიყვარულის, პირშეუშრობელი იარისა და ქართული ისტორიული ძეგლის შეუმუსრავე სილამაზის აღმურს მკიდებდა „ნინოწმინდის ღამე“; ვგრძნობდი მგოსნის სიტყვის განსაკუთრებულ სილალესა და სიმსუყეს, მისი პოეტური სახეების გასაოცარ ხორცოვანებას, თითქოს იგი იმთავითვე ამზადებდა ლაყლაყა ფერებით სავსე პალიტრას ახალი საქართველოსა და თავისი მღელვარე მამულიშვილური გრძნობების გამოსახატავად.

მერე ახლოს გაცნობა და მრავალი შეხვედრა. მათგან ახლა მხოლოდ ზოგიერთ ეპიზოდს ვიხსენებ.

ეს იყო ერთი წლით ადრე მეორე მსოფლიო ომამდე. ვინ რა იცოდა, რომ ქვეყანა კვლავ საარაკო თავზარცემათა წინაშე იდგა...

მე მოწმე გავხდი პოეტის შებმისა ერთ ფრიად განათლებულ და

ენაკვიმატ კაცთან — სახელმწიფო გამომცემლობის ერთ-ერთ კაბინეტში. ის კაცი ერთი ცნობილი ქართველი მწერლის პარადოქსებს იშველიებდა და გაცხარებით ამტკიცებდა, რომ პატარა ერებს მომავალი აღარ აქვთ, ისინი განწირულნი არიან, რომ ამიერიდან ქართველად დაბადება დიდი უბედურებაა...

დაახლოებით ასეთი დიალოგი გაიმართა:

— ერთ რასმეს გეტყვი, — თქვა პოეტმა, — ესენინთან მე ცოტა წანაჩხუბარი ვიყავი, მაგრამ ძალიან მიყვარდა და ძლიერ მიყვარს. როგორც შესანიშნავი პოეტი, უფრო მეტად კი იმიტომ, თუ სიმართლე გინდათ, რომ ხშირად ამბობდა: ჩემი ერთადერთი ბედნიერება ის არის, რომ რუსად ვარ გაჩენილი და რუსი დედის შვილი ვარო. ასევე ერთი დიდად ნიჭიერი სომეხი პოეტი ამბობდა, სომხობა ჩემი კაცობის ყველაზე დიდი ნიშანიაო. ვადიდებ მათ და ვიცი, ამ გრძნობაში მე მათ წინ თუ ვუსწრებ, თორემ არაფრით არ ჩამოვრჩები. განწირულების ვერავითარი მუქარა წარმოშობის ბედნიერ გრძნობას ვერ მომისპობს...

— მაგრამ ნუ დაივიწყებთ, პატივცემულო პოეტო, რომ ყოველივე ეს მხოლოდ ემოციაა და სხვა არაფერი, — ცივად უთხრა პოეტს მოკამათემ.

— აბა სხვა რა გინდათ რომ იყოს? — აბობოქრდა პოეტი. — ცუდი რა არის ამ ემოციაში? ხალხები და პოეტები ემოციებით ცოცხლობენ... რევოლუციებესაც არსებითად ემოციები ახდენენ... მაგრამ განა მხოლოდ ემოციაა ის, რომ კაცი თავის ვინაობას აღიარებდეს, რომ მას თავისი დედა სწამდეს? არა, ის, ვინც ერის დაშრეტას ჩხავის, მე ასე მგონია, თვითონ არის დაშრეტილი უსაშველოდ.

კამათმა საკმაოდ მწვავე ხასიათი მიიღო. მაგრამ მთელი მისი დრამატიზმის შუაგული, ჩემი აზრით, პოეტის ეს რეპლიკა იყო. კამათის სხვა დეტალების მოგონება საჭიროც აღარ არის.

სხვათაშორის. მაშინ პოეტს შევეყიოთხე, ვინ იყო ის სომეხი პოეტი, ვინაც თავისი კაცობა თავის სომხობას დაუკავშირა-მეთქი. შეკითხვა თითქოს არც კი გაუგონოს, გიორგიმ მაშინ არ მიპასუხა. მხოლოდ კარგა ხნის შემდეგ, როდესაც მისი ლექსების კრებულს ვრედაქტორობდი, მართო რომ დავრჩით, პოეტმა მითხრა, რომ მაშინ მხედველობაში ჰყავდა ელიშე ჩარენცი.

გიორგი ლეონიძის ლექსების კრებულს კი ვრედაქტორობდი ომის მეტად მკაცრ დღეებში — 1942 წლის მიწურულში. პოეტს ხშირად ვხვდებოდი. იგი ჩვეულებრივ ყოველთვის მჩქეფარე და ბობოქარი იყო, ჩაფიქრებულიც, შეშფოთებულიც ქვეყნის დიდი ქირ-ვარამით; სამშობლოს მძიმე განსაცდელით. მაგრამ, ამავე დროს,

ივი მუდამ სავსე იყო გამარჯვების იმედით, მტრის ძლევის რწმენით.

მისი ლექსების კრებულზე მუშაობის დროს ერთხელ კიდევ დავრწმუნდი, რომ გიორგი ლეონიძის პოეზიის ყველა მოტივი, ყველა თემა უაღრესად ორგანული იყო მისთვის, მე არც ერთ მის ამონამულარში არ მიგრძვნიას ძალდატანებული თუ მერყევი ბგერა, პოეტი ბოლომდე ერთგული დარჩა ყველა თავისი გრძნობისა (რაკი სიტყვამ მოიტანა, მახსენდება, რომ უკვე 50-იანი წლების პირველ ხანებში გიორგიმ აღტაცებით მიაშობო, თუ როგორ გაუგზავნა ცნობილმა აზერბაიჯანელმა პოეტმა — სამედ ვურლუნმა მადლობის დეპეშა «за верность чувств» პოეტ ტვარდოვსკის. როცა ამ უკანასკნელმა იმ დროის თავისი ერთ-ერთი გახმაურებული ლექსი გამოაქვეყნა).

გიორგი ლეონიძეს უმკველად ღრმად უყვარდა თავისი შთაგონების ერთ-ერთი მთავარი საგანი — მთავარი გმირი, მაგრამ, ჩემი დაკვირვებით, ამ გმირის ორთოდოქსალური მიმდევარი შინაგანად იგი არასდროს არ ყოფილა. პოეტს ჭირის დღესავით ეჭაჯებოდა განუკეთხავე სიმკაცრე და უღმობელობა ადამიანების მიმართ, ეჭაჯებოდა ყოველგვარი ტირანია და თავნებობა. გარდა ამისა, ქვეყნიერების აღქმის ყველა თვალსაზრისზე მალა პოეტი აყენებდა ეროვნულ თვალსაზრისს. თავისი შთაგონების ყოველ საგანსა და ყოველ მოვლენას იგი, უწინარეს ყოვლისა, ეროვნული კუთხით შეჰყურებდა, ეროვნული გზებით განიცდიდა. ეს კი გარკვეული ორთოდოქსიის ჩარჩოებში არ თავსდებოდა.

ერთხელ პოეტმა დაახლოებით ასეთი რამ თქვა:

ვერც კი წარმომიდგენია, როგორ შეიძლებოდა პოეტი ვყოფილიყავი, რომ ქართველი არ ვყოფილიყავი, ივრის წყალი არ მესღაპ და პატარძელის ყვავილების ბურუსი არ მესუნთქოს.

თავის ხელნაწერებში პოეტს თითქოს ერთგვარი ლირიკული არეულობა თუ დაუდევრობა სჩვეოდა. მაგრამ ასე მხოლოდ გარეგნულად სჩანდა, ნამდვილად კი იგი ყოველ თავის სტრიქონს შვილივით ელოლიაუებოდა. როგორც მახსოვს, ერთხელ კიდევაც თქვა, ჩემი სტრიქონები, ჩემი თინათინები და ჩემი ნესტანებია, მე მათ თვალისჩინივით ვუფრთხილდებიო.

მეც დიდი მოკრძალებით და მზრუნველობით ვეკიდებოდი ყოველ მის სიტყვას. ალბათ, სწორედ ამიტომაც, როგორც რედაქტორმა, ზოგი რამ ვღრჩიე პოეტს. რჩევა შორს არ დაუჭერია. მას შეეძლო სხვებისთვის ყურის დაგდება. მაგრამ ბესო ჟღენტთან ხუმრობით მაინც დაეჩივლა, ნამეტანი ჩაკრიკიტებული რედაქტორი აღმო-

მაინდომ. ეს ბესომ მიიხრა, მე კი პოეტს „ვესსაყვედურე“, რად მ-
ნივლე-მეთქი.

— მა რა მექნა, — გაიღიმა პოეტმა, — კრიტიკოსს კრიტიკოსე-
ბის პატრიარქთან ვუჩივლე...

გიორგი ლეონიძეს საერთოდ კრიტიკის დიდ სიყვარულს ვერ
დავწამებდით (თუმცა ბევრ ვინმეს შეგვიძლია, დავწამოთ ის?). ერთ
თავის ბოლო ანკეტაში კი პოეტმა თითქმის სულ მოუთავა ხელი
ქართულ კრიტიკას. მაგრამ საოცრებაა, ამავე დროს ნას ახლო მე-
გობრობა აკავშირებდა ლიტერატურულ-კრიტიკული აღროვნების
ბევრ წარმომადგენელთან, თვითონაც ხომ ლიტერატურის შესანიშ-
ნავი მკვლევარი იყო. მე ვიცი, რომ მას გულწრფელად უყვარდა
გერონტი ქაქობე და პავლე ინგოროყვა, ლევან ასათიანი და ბესო
უღენტო, შალვა აფხაიძე და გიორგი ნატროშვილი. გიორგი მარჯვე-
ლაშვილი და სერგი ქილაია. კერძოდ, პოეტი უეჭველად დიდად
აფასებდა ბესო უღენტის ენამკვეთობისა და პოლემიკური უნარის
ძალას. მანსოვს, ერთხელ. როდესაც მცირე უთანხმოების გამო ბესო
უღენტთან შეპაექრებას ვაპირებდი, გოგლა ჩემსკენ გადმოიხარა და
უფროსი წამჩურჩულა. უფრთხილდი. ბესოს მარწუხებში არ მოექ-
ცო...

ერთხელ პოეტს კეთხარი, მართალია, თქვენი მუხა უფრო კა-
ხეთისა და ქართლის სანახებზეა შეყვარებული, სურამის უღელტე-
ხილს იქით შედარებით ნაკლებად იხედება. მაგრამ თქვენს უკეთეს
ლექსებს მაინც მთელი საქართველო ამოუდგება მხარში-მეთქი.

— მაშა, მაშა, — მიპასუხა პოეტმა. — საქართველო ხომ ერთი
და განუყოფელია... ოღონდ თქვენებურ საცივს ვერასჯიხით ვერ შე-
კეწყე...

როგორც ჩანს, ცხარე სანელებლები არ მოსწონდა პოეტს, შე-
საძლოა, ამას მის შემოქმედებითს ბუნებასთანაც ჰქონდა რაიმე
კავშირი.

მინდა აღვნიშნო ერთი ნიშნული კაცური თვისება პოეტისა. პი-
რადად მე არ მანსოვს არც ერთი შემთხვევა, რომ გიორგის ალგად
უხსენებინოს რომელიმე თანამოკალზე, რომელიმე ქართველი მწე-
რალი. პირიქით, ხშირად მომისმენია მისი გამოქომავება მავანისა და
მავანის მიმართ.

გიორგი სიცოცხლის დიდად მოტრფიალე და ხალისიანი ბუნე-
ბის კაცი იყო. ჩემი აზრით, იგი ეკუთვნოდა იმ ადამიანთა ჯიშს,
რომლებთან შეხვედრაც ყოველთვის ახალ სასიცოცხლო ძალას გმა-
ტებთ, ცხოვრებას რაღაც ახალი რიტმით გიმდიდრებთ. ძნელად წარ-
მოიდგენთ მათ დაღონებულთ და სასოწარკვეთილთ, მით უფრო

თვალში გეცემათ მათი დადარდიანება და დამწუხრება. მე რამდენ-იმეჯერ ვნახე დამწუხრებული პოეტი. ერთხელ, ომის დროს, ფერი ქლეს ედო. შინაგან თართოლვას აეტანა, თითქოს ფარული ვაჟაკური ცრემლი ჩაგუბებოდა არსებაში. მაღიმალ ეწეოდა პაპიროსს, ის-ის იყო გაეგო ნიკოლოზ შენგელაიას მოულოდნელი გარდაცვალება კახეთის გზაზე. მეორეჯერ მისი წუხილი სხვაგვარი მეჩვენა, უფრო დაოკებული, უფრო ნასათუთევი. ალბათ იმიტომ, რომ შესანიშნავი ქართველი მწერლის — ქეთევან ირემაძის სიკვდილი არც-თუ მოულოდნელი იყო. ახლა, როდესაც ამ სიკვდილით გულშეძრული პოეტის სახეს ვიგონებ, ასოციატურად რატომღაც ყოველთვის მახსენდება მისივე სიტყვები: „ეს რა ცეცხლი დამახალა ცისფერთვალა ფორთოხალამ?“ და თვალწინ მიდგება თვითონ პოეტი, ვინაც ერთ-ერთი კონცერტის შემდეგ მოცეკვავე ლეილა თათეიშვილის ქართული კაბის კალთას ეამბორა. ეს ალბათ ქართველი დედის თავყანისცემა იყო. მესამეჯერ პოეტის მკმუნვარება, გამოწვეული გერონტი ქიქოძის გარდაცვალებით, კიდევ უფრო სხვაგვარი მეჩვენა, ეროვნული სიმძიმისა და წუთისოფლის გარდუვალი სიმუხთლის ბრძნული ფიქრით შეფერილი. უპრიანი იქნებოდაო, — თქვა პოეტმა გერონტის ერთ გახსენებაზე, — იგივე მეთქვა მასზე, რაც სოლომონ ლეონიძეზე მითქვამს — „ბრძენო, ენამზე, დიდო ქართველო, სამშობლოს აზრის გამომკვართველო“.

მე ვიცი. რომ გერონტი ქიქოძეს ძლიერ უყვარდა გიორგი ლეონიძე. — ჩვენი გოგლა, — იტყოდა ხოლმე, — ბიოლოგიურადაც კი ნამდვილი ქართველიაო.

მათ შორის სუფევდა, ალბათ, სიყვარული სიყვარულის წილ!

იმ ხანებში, როდესაც გიორგი ლეონიძემ სტალინური პრემია მიიღო, უღრნალ „მნათობში“ დავბეჭდე წერილი მისი ორი პოემის გამო. პოეტთან შეხვედრამდე და მის ღიმილიან საუბრამდე მე თვითონვე ვგრძნობდი, ბევრად უკეთესი იქნებოდა, რომ პოემებზე ჩემი სათქმელი აღრე მეთქვა. იმაშიაც ცამდე მართალი იყო პოეტი, რომ უპირატესად თემატური განხილვა ნაწარმოებისა ფრიად უკმარია. აქ პოეტმა თავისი შემოქმედების ერთი პრინციპიც გამოთქვა: სიტყვებში დამალული სილამაზის გამომჟღავნებაც და სიტყვებით ახალი სილამაზის გამომქერწყაც.

მაგალითი გნებავთ? აი, თუნდაც რამდენიმე ტაეპი ლექსიდან „იორის ღამე“:

მთვარე შრიალეს ფიჭვივით
დაუსრულებელ ოხვრაში,
ამოდის კობტა ბიჭვით
ცისკარი ახალ ჩოხაში.

შენ დამირწე, იორო.
მაჩქეფე თავზე მირონი;
დალაგდა ლექსის ჩიქნებად
ეგ შენი სანაპირონი —
შენი ჩანჩქრები, საწერი
აბრეშუმისა ბადითა,
შენს ვენახებში სუფრები
ჩონგურითა და მწვადითა;
შენი ბლღრიალა კალმახო,
აცვია თითქოს ჩითები;
დილა. რომელსაც ნისკარტით
ეზიდებიან ჩიტები...
და უწინდესი ტამარი,
არხზე წასქვილი პატარა;
შენმა ტინებმა სიმაგრე
ლექსებში გამომატანა!

ფერების შეზავება კი სად არ შეიძლება ისწავლოთ საქართველოში, თვით ქართულ ბაზრებშიაც კი. ასეთი იყო პოეტის აზრი.

გიორგი ლეონიძის უგულითადესი მეგობრის — შალვა აფხაიძისაგან გამიგონია ხოლმე: გოგლას ორი ძლიერი სპორტული გატაცება აქვს, თევზაობა და ბაზრებში ხეტილი.

პოეტის თევზაობა არ მინახავს და ამაზე ვერას ვიტყვი. თბილისის საკოლმეურნეო ბაზრებში კი ხშირად გამიღვევებია თვალი პოეტისათვის. ხან საქმიანად მიარღვევდა ხალხის ტალღას. ხან რომელიმე გამყიდველთან ხელჩართულ საუბარს წართავდა, ხან დახლებზე დალაგებულ ხილულსა და მწვანილულის ქორედებს ათვალეირებდა, იქნებ. მართლაც სწავლობდა ბობოქარ ფერთა შეზავებას! ეს ერთობ მიწიერი პოეტი ხომ ყველგან და ყველგან გულმხურვალე პოეტად რჩებოდა.

1955 წლის ზაფხული. ვაჟას დღე ჩარგალში. გალაკტიონმა ამიმგზავრა თავის „პობედაში“. გოგლაც ამოგრილდა.

აქ შეგეძლოთ გენახათ და გაგერჩიათ ორი დიდი პოეტის სხვადასხვა ხასიათი, ორი სხვადასხვა პოეტური სტიქია.

გალაკტიონი გულჩათხრობილი სტუმარია ვაჟას კარმიდამოზე, გოგლა კი მასპინძელი და შინაური კაცი.

გალაქტიონი გარედან ადევნებს თვალს საგნების, მოვლენების, ადამიანების მოძრაობას, გოგლა კი მოძრაობისა და ვითარების დაპატრონებას ლამობს, თავიაცობს.

გალაქტიონი ისე შეჰყურებს ამ ცას, ამ მიწას, ამ ხალხს. თითქოს რაღაც ქრუანტელისმომგვრელ იღუმალ მუსიკას უგდებს ყურსო. გოგლა კი ხარობს ცხოვრებით, ხარობს ამ ცით, ამ მიწით, ამ ხალხით. თითქოს ფერთა ლივლივა წვიმას ისხურებს თავზე.

გალაქტიონი ნაცრისფერი კოსტუმით არის შემოსილი და წვეროშვიბული. ბიბლიურ წმინდანს გაგონებთ. გოგლას კი ფერადოვნად აცვია და ჭერ კიდეც ქართული ზღაპრიდან მოსულ მზექაბეკს ჰგავს.

გალაქტიონი დაბინდულია, გოგლა მზეშეფრქვეული.

აქვთ ერთი საერთო შტრიხი: ერთიც და მეორეც რალაცაში დიდ ბავშვს გაგონებთ.

ჩარგალში გამართული მიტინგის შემდეგ არაგვის პირად, მურყინანში. მწვანეზე სუფრა გაშალეს, ნადიმობის დაწყებამდე აქ გალაქტიონი და გოგლა ერთმანეთს დიდხინით დაშორებულ ძმებივით მიესალმნენ. ვგონებ, მათ აქ ხელჩამორთმეულთ რამდენჯერმე სურათიც კი გადაუღეს. გოგლა კეთილი, ლამაზი ღიმილით შეჰყურებდა გალაქტიონს.

ნადიმს გოგლა თამადაობდა. მთელი საქართველოსა და მისი დიდებული კლასიკოსების სადღეგრძელოები რომ მოათავა, მერე პირველად გალაქტიონი ადღეგრძელა, უფროსი ძმა და დღევანდელი საქართველოს პირველი პოეტი უწოდა.

მერე?

„არ დაიდარდო, დედაო“, მაგრამ გიორგი ლეონიძეს, როგორც დიდ მამულიშვილსა და შესანიშნავ ქართველ პოეტს, არ შეეძლო, არ დაედარდა ტრაგიკული დასასრული მთაწმინდის გედისა (ვგონებ, ასე უწოდა მან გალაქტიონს თავის გამოსათხოვარ სიტყვაში).

მახსოვს, გალაქტიონის დაკრძალვიდან რამდენიმე ხნის შემდეგ გიორგიმ შემოიარა რუსულ გამოცემლობაში „ზარია ვოსტოკას“ შენობის მეოთხე სართულზე. იქ გაგვიზიარა მან თავისი შემოქმედებითი გეგმა, რომანის დაწერა მაქვს განზრახულიო. სხვათაშორის. პოეტმა იქვე ნაბიჯი გადადგა რკინის აივნისაკენ. რუსთაველის პროსპექტს რომ გადაჰყურებს. მაგრამ უმაღვე უკან შემობრუნდა, ნეკრუელიად შეაქრუოლა, თქვა, გალაქტიონის შემდეგ სიმაღლის უსიამო შეგრძნება დამჩემდაო.

მე ასე მეგონა. რომ გიორგი ლეონიძე თავის ახალგაზრდობას ყოველთვის წინ მიირეკდა, წინ მიირეკდა და ლამობდა დასწეოდა,

როგორც ბავშვი ლამობს დაეწიოს მაქციერა ჩიტს... დასწოდა და
ვადაესწრო.

ჩქარა!
მინდა ვუყულო.
თოფი ეტკორკნო ხმიანი,
ჩქარა. ზარით მარხილი
ოქროსჩარღახიანი!
ორმა გუნდმა კიდევაც
მდინარეში გასტოპა!
ჩქარა.
თორემ წასულა
ჩემი ახალგაზრდობა!

ერთხელ მსეშეფრქვეულმა პოეტმა საბედისწეროდ გადაუსწრო
თავის ახალგაზრდობას!

დიდოსტატის დიდოსტატი

გავონდებათ?

თბილისიდან მცხეთისაკენ — საქართველოს ისტორიის ამ ერთ-ერთი მთავარი შუაგულისაკენ — ახალგაზრდა მხედარი მიაგელვებს მშვენიერ ბედაურს — დარდიმანდს. სრბოლის ეინით ატანილი, გაფიცხებული ბედაური დროდადრო ფრთხება და თავს ართმევს მხედარს. მაგრამ ნაცადი მხედარი არ ღრკება; ეს დაუოკებელი ნაფარდი და ქროლვა კიდევაც ესალბუნება მის მღელვარე გულსა და აბობოქრებულ სულს.

დაახლოებით ასეთი ექსპრესიული სურათით იწყება „დიდოსტატის მარჯვენა“. მხედარი ამ ბრწყინვალე ნაწარმოების ავტორია. ვანა რასმეს გაუბრბის იგი? არა. ეს არის, ასე ვთქვათ, ერთგვარი რომანტიკული გაქრა დღევანდელობიდან ისტორიისაკენ, გაქრა იმისათვის, რომ წარსულის გმირული და ტრაგიკული სული შემოიყვანოს დღევანდელობაში. ხალხის ისტორია ხომ ცოცხალი ეროვნული არსების განუკვეთელი ნაწილია და მის მოწყვეტას ერის დღევანდლობისაგან, ალბათ, ამ არსების რალაცნაირ დახეიბრებად მიიჩნევდა დიდი მწერალი.

ასე მგონია, იმ ბედაურის თავგამეტებული ჰენება სიმბოლურად ქართველი კაცის სულის სწრაფვასაც ასახიერებს და რალაცათი თვით მხედრის — კონსტანტინე გამსახურდიას დიდ შემოქმედებითს შემართებასაც მოგვაგონებს.

დიდი მხატვრული ტალანტი, რასაკვირველია, იშვიათობაა, უნიკალური მოვლენაა. მაგრამ იგი, როგორც თვით კონსტანტინე გამსახურდია იტყოდა ხოლმე, წილნაყარია თავისი ხალხის უკვდავ სულთან. თავისი ხალხისათვის საამაყოც სწორედ მით არის, რომ იგი მისი სისხლი სისხლთაგანი და ხორცი ხორცთაგანია. ბუნებაში ბევრი რამ არის დიდებული და უნიკალური, მაგრამ ისინი არავის არ შეიძლება, ეამაყებოდეს. მაგალითად შესატყვის გეოგრაფიულ ზონებში მოსახლე ადამიანთა ტომებს არავითარი საფუძველი არა აქვთ იამაყონ, ვთქვათ ევერესტით, ალპებით ან კავკასიონის მწვერ-

ვალებით, ეს მწვერვალები ბუნების სტიქიური ძალების ნახელავია და მათს დიდებულებაში ადამიანებს წილი არ უდევთ. ადამიანებს კი გვეამაყება ის სიკეთე, რაშიაც წილი გვიძევს და რაშიაც ჩვენი სულის ნაწილია გადასული.

ქართველ ხალხს მის სხვა სახელოვან შეილებთან ერთად ეამაყება კონსტანტინე გამსახურდიაც, რადგან მის დიდ ტალანტში, თუ შეიძლება ასე ითქვას, შენივთებულია ქართველი ხალხის სულიერი გენები...

სწორედ თავისი ეროვნული გზებითა და ტემპერამენტით, თავისი დიდი შემოქმედებითი ღონითა და ფრთასახმული ფანტაზიით შეიჭრა იგი ისტორიული მასალების, ისტორიული გადმოცემებისა და ლეგენდების სიღრმეში, რათა დიადი წარსულის სული გამოეხმო და შეექმნა თავისი უქცნობი „დიდოსტატის მარჯვენა“ — ნაწარმოები, რომელიც, როგორც სიტყვიერი ხელოვნების შესანიშნავი ქმნილება, გარკვეული მნიშვნელობით გვერდში ამოუდგა თვით დიდებულ სვეტიცხოველს. იგი ისევ გაუძლებს და შეეტოქება ჭამთასვლას, როგორც სვეტიცხოველი ეტოქებოდა და ეტოქება მას საუკუნეების მანძილზე (მწერალიც ხომ ცამდე მართალია, უკვდავების საუფლოდ რომ შემოქმედებას და მხოლოდ შემოქმედებას მიიჩნევს).

ამ ისტორიული რომანის ძირითადი თემა — თემა შემოქმედისა და შემოქმედებითი შრომის ბედისა სოციალური ძალმომრეობისა და ტირანიის პირობებში — მხოლოდ შორეულ წარსულს როდი განეკუთვნება.

თავის უკეთეს გრძნობებსა და განზრახვებში შებორკილი და შეურაცხყოფილი ხელოვანის ტანჯვა რომანში უმაღლეს კაცობრიულ ტრაგიზმამდეა აყვანილი, რაც შეიძლება ყველა დროისა და ეპოქის შემოქმედებითი სულისა და ტირანიის შეუთავსებლობასა და შეურიგებლობას შეესაბამოს. ამ დიდი მხატვრული განზოგადების წინაშე, რასაკვირველია, აზრის უსუსურობა და ხელოვნების არსის შეუგნებლობა იქნებოდა საკითხის დასმა: შეესაბამება თუ არა მხატვრული ფაქტი ისტორიულ სინამდვილეს; მართლაც მოჰყვებთ ხელი სვეტიცხოველის ხუროთმოძღვარს და ეს მოკვეთილი ხელი მართლაც გამოსახეს ქრისტიანული ტაძრის კედელზე?

ძველი, გაუცკეთელი ჰემმარიტებაა: მხატვრული ლიტერატურის დიდი ნაწარმოები უმალ შესაძლებელის აღმოჩენაა, ვიდრე მომხდარი ფაქტის პირდაპირი გადმოწერა.

ეჭვი არ არის, რომ „დიდოსტატის“ ბედს გაიზიარებს მწერლის სხვა ნაწარმოებებაც — „მთვარის მოტაცებაც“... „ღაცით აღმაშენებელიც“, „ხოვანის მინდიაც“ და ბევრი შესანიშნავი ნოველაც; ეს ნა-

წარმოებები, როგორც იტყვიან ხოლმე, თანამედროვე ქართული ლიტერატურის ოქროს ფონდში შედის. მათ დიდად, ძალიან დიდად გაათავოთოვეს ქართული ლიტერატურის ესთეტიკურ-ინტელექტუალური თვალსაწიერი, აწაიღეს ქართული მხატვრული აზრის დონე. რასაკვირველია. ეს იმას როდი ნიშნავს, რომ მწერლის ვრცელსა და ნაყოფიერ შემოქმედებაში ყველაფერი თანაბარი ძალისა და თანაბარი ბრწყინვალეობისაა. მეტნაკლები შემოქმედებითი აღმართ-დაღმართი. როგორც ჩანს, არც დიდი მხატვრისათვის არის უცხო, თანაც ცნობილია, რომ მწერალმა ცხოვრებისა და შემოქმედების ერთობ რთული. ძნელი და წინააღმდეგობრივი გზა განვლო. მაგრამ პედთან და სიტყვასთან ჰიდლიში მწერალს ყოველთვის ახასიათებდა ნამდვილი რაუნდული სულიერი სტოიციზმი.

კონსტანტინე გამსახურდია მძაფრი რეალისტური ხედვისა და გზნების შემოქმედია. მის ეპოქალურ ნაწარმოებში „მთვარის მოტაცებაში“ ვრცლად და ცხოვლად აისახა ჩვენი საუკუნის ოციან-ოცდაათიანი წლების საქართველოს სინამდვილეში მომხდარი საზოგადოებრივი ძვრები და წინააღმდეგობანი. უდიდეს მხატვრულ-ესთეტიკურ ღირსებებთან ერთად ამ ნაწარმოებს საკმაოდ დიდი შემეცნებითი ღირებულებაც აქვს. ნამდვილ ესთეტიკურ კმაყოფილებასთან ერთად მკითხველს ამ ნაწარმოებში ყოველთვის შეუძლია ამოიკითხოს თვით ეპოქა, მიიღოს საკმაოდ უხვი ინფორმაცია ამ ეპოქის მოვლენების შესახებ. ნაწარმოები მკითხველის სულსა და გულს იპყრობს უცდომელი დაკვირვებით აღმოჩენილი და შესანიშნავი ოსტატობით გამოძერწილი ტიპიური მხატვრული სახეებით. ნაწარმოებში, ამრიგად, საქმე გვაქვს არა მარტო შემოქმედის განწყობილებას, მისი სუბიექტური მიდრეკილებისა და მისწრაფებების მხატვრულ განსხეულებასთან, არამედ უმთავრესად თვით გარემომცველი სინამდვილის მართალ და დიდებულ სურათებთან. განსაკვირვებელია ამ სურათების შესრულების ოსტატობა. ამავე დროს მწერლის შემოქმედებაში ძლიერია თავისებური რომანტიკული ნაკადიც — შემოქმედის მდიდარი შინაგანი სამყაროს მხატვრულ-ესთეტიკური უკუფენა. თითქმის ყოველთვის დიდი ემოციური ენერგიითა და მუხტული მწერლის ხილვები და წარმოსახვები, სენტენციები და ლირიკული აღსარებები. ზოგჯერ მწერალი პირდაპირ და გამოძვლავნებულადაც კი ერევა თავისი ნაწარმოებების მოქმედებაში, თავისი პერსონაჟების ურთიერთობაში. გაიხსენეთ მისი შეხვედრა თავისავე პერსონაჟებთან „მთვარის მოტაცებასა“ და „ვაზის ყვავილობაში“. ამ საგულისხმო მხატვრული ხერხით, რაც ამბავთა ლაღ, ეპიურ მდინარებს ნაკლებად არღვევს, მწერალს განსაკუთრებული ინტი-

მერი სიტბო და ლირიკული მღელვარება შეაქვს თავის ქმნილებებში. ამავე დროს ამით იგი თითქოს ცხადყოფს და ადასტურებს თავის სისხლხორცეულ კავშირს იმ ცხოვრებასთან, იმ ბუნებასთან, იმ ადამიანებთან. რომელთაც ხატავს.

კონსტანტინე გამსახურდიას მიერ შექმნილ სახეებსა და სურათებს თვალნათლივ ხედავთ. გრძნობთ მათ საგნობრიობას, ხორციელობას. ელერადობას. გზიბლავთ მათი სკულპტურული გამოკვეთალობა. გაოცებთ მათი ფერწერულობა. მწერალს თითქმის ერთნაირი ძალით ემარჯვება თავისი უამრავი პერსონაჟის როგორც სახობრივი, ისე ფსიქოლოგიური პორტრეტების ხატვა, ბუნების წარმტაცი სურათების გამოსახვა მეტყველი ინტენსიური ფერებით.

ამ უმდიდრეს პალიტრაზე რომ არაფერი ვთქვათ, რაც მწერალს თავისი მამაკაცი-პერსონაჟების უაღრესად ინდივიდუალიზირებულ სახეებს დასახატავად გააჩნია, იგი ქალის ბუნების, უკეთ ვთქვათ. ქალური სამყაროს უღრმესი მცოდნე და მესაიდუმლეა. თამამად შეიძლება ითქვას, რომ მის მიერ შექმნილი ქალთა უკეთესი სახეები — შორენა. დედისიმედი. თამარ შერვაშიძე და ბევრი სხვა — თავიანთი ჰომიბიბლელი მარადიული ქალურობითა და განუმეორებელი მშვენიერებით — ღირსეულად ამოუდგებიან გვერდში ქალთა დასამახსოვრებელ სახეებს მთელს თანამედროვე ლიტერატურაში.

ო. როგორ ვისურვებდით. რომ ჭერ კიდევ შეუსრულებელი რომაინი „თამარ“ ჩვეული ოსტატობით შესრულდებოდა და მხატვრულად ხორცშესხველა. ხელოვნებით უკვდავქმნილი „ქართველთა დედა“ დაამშვენებდეს მწერლის შესანიშნავ ქალთა კრებულს.

რა ვუყვით, რომ მწერალს 80 წელი შეუსრულდა. ეს ხომ თვალის ერთი დაფახულებაა მისი ქმნილებების დღეგრძელობასთან შედარებით... მაინც, რა საოცარი გათრეულობაა ხელოვანის სიცოცხლესა და ხელოვნების დღეგრძელობას შორის!..

შესაძლოა, მსცოვანი მწერალი კვლავინდებურად ვეღარ ამხედრდეს ფეხმარდ ბედაურზე. — წლებს თავისი მიაქვს. მაგრამ თავისი „ეოლოგი“ მაინც შესძლებს გავარდეს გზებზე. გაიქრას ბუნებაში, რათა ახალახალი შთაბეჭდილებები დააგროვოს.

საქართველოს სკირდებოდა და კვლავაც სკირდება მისი სიცოცხლეც, მისი მოუღლეელი კალამიც და მისი სახელიც.

დიდი შემოქმედის სახელიც კარგად „მუშაობს“.

ამას წინათ სომხეთში მითანამგზავრა ერთმა ჩემმა ახლობელმა კაცმა. იქ რამდენიმე სომეხ ქალსა და კაცს შევხვდი. ისინი არც მწერლები იყვნენ, არც მხატვრები, არც მსახიობები. უბრალოდ ჩვეულებრივი ადამიანები იყვნენ: საბჭოთა მუშაკები, დიასახლისები,

სტუდენტები, კარგად გვიმასპინძლეს, საუბარში ისინი ხშირად იხსენიებდნენ ჩვენს დიდ ადამიანებს, დიდ მწერლებს, მათ შორის, რასაკვირველია, გამსახურდიას. ერევნის სამედიცინო ინსტიტუტის სტუდენტმა ქალმა გამსახურდიას გმირებზედაც კი ჩამოგვიგდო სიტყვა; ბოლოს სთქვა: — ეს მწერალი ჩვენ ძალიან გვიყვარსო.

ვატყობდი, ამით მასპინძლებს ჩვენი გულების უფრო მეტი დამობილება სწადდათ.

სახელი — გამსახურდია — გულთა კავშირის სიმბოლოდ ეღერდა იქ ჩვენს შორის.

მრავალჯამიერ დიდოსტატის დიდოსტატს!

ქართული სიტყვის დიდოსტატი

(ქ. გამსახურდიას დაბადების 70 და შემოქმედებითი მოღვაწეობის
50 წლისთავის გამო).

მის მკაცრ, ენერგიულ სახეზე მუდამ არის აღბეჭდილი გონების დაძაბული მუშაობის, უძილო ღამეებისა და შემოქმედებითი წვის ნაკვალევი.

ახლაც, როდესაც იგი უკვე 70 წლის არის, ვერ იტყვიტ, რომ მოხუცია. შემოქმედების გაუტეხავ ნებისყოფას ახალგაზრდობა თითქოს მაინც დაუტყვევებია სადღაც მის არსებაში.

ხშირად უთქვამს და ხშირად დაუწერია კონსტანტინე გამსახურდიას, მწერლობა დიდი ტანჯვა არისო. არა, როგორ შეიძლება არ დაეუჯეროთ ეს იმ კაცს, ვისაც დიდი შემოქმედებითი შრომის ნახევარი საუკუნე აწევს მხრებზე.

კაცმა რომ თქვას, არც არის რაიმე სადავო იმაში, რომ მწერლობა ტანჯვაა. იგი ალბათ, მართლაც დიდი ტანჯვაა, რადგან ბევრ მსხვერპლს, ბევრ ადამიანურ სიამეთა დათმობას, უდიდესი სულიერი და ფიზიკური ენერგიის ხარჯვას მოითხოვს. ნამდვილი მწერლები, ნამდვილი შემოქმედები მართლაც დიდი ტანჯვითა და შრომით ქმნიან თავიანთ სახეებს, თავიანთ გმირებს, თავიანთ იმ განუმეორებელ მხატვრულ სამყაროებს, რომლებმაც სხვა ადამიანები უნდა გაახარონ, დაატკბონ, ააღლღონ, მშვენიერებასა და ჭეშმარიტებას აზაარონ. სწორედ ამიტომაც ვფიქრობ, რომ თუ მწერლობა მართლაც დიდი ტანჯვაა, იგი კიდევ უფრო დიდი სიხარული და ბედნიერებაა. არა მგონია ადამიანისათვის არსებობდეს უფრო დიდი ბედნიერება, ვიდრე ის, რომ შეგქმლოს მიანიჭო ადამიანებს სიხარულა, თუნდაც ერთი ბეწო ბედნიერებაც კი.

კონსტანტინე გამსახურდიას შემოქმედება დიდ სიხარულს ანიჭებს ადამიანს.

დიდი მწერლობა დიდი გულთამხილობაა. ნამდვილ მწერალს იმითაც გრძნობთ, რომ როცა მის ნაწარმოებს კითხულობთ, ასე

გგონიათ, რომ მისგან თქვენ ვერაფერს დამალავთ, რომ თქვენც ველ მოძრაობაში, თქვენს ოდნავ ღიმილსა თუ წარბის შეხრანშიც კი იგი უტყუარად ამოიკითხავს თქვენს ფიქრებს, ზრახვებს, ტკივილებსა თუ სიხარულს, რომ მას შეუძლია თქვენზე უფრო ღრმად ჩაწვდეს თქვენივე სულის მოძრაობას, მის ყველა საიდუმლოს.

კონსტანტინე გამსახურდიას შემოქმედებაში კარგად იგონება გულთამბილაობის ეს ძალა. იგი ადამიანურ ვნებათა გულმოღვინე ძველევარია. ამაშია მისი რეალიზმის ძალაც. მაგრამ იგი რომანტიკოსიც არის, მას უყვარს უჩვეულო ვითარებანიც, უჩვეულო ადამიანებიც. რომანტიკული ხილვებიც. არც ფერადოვან დეკორაციებსა და ეგზოტიკურ სანახაობებს ეკრძალება, არც მოუსვენარ ეროსს ივიწყებს, ნადირობის ტრფიალი ხომ არის და არის.

თამამად შეიძლება ითქვას, რომ ქართულ პროზაში ინტელექტუალურობის ისეთი ძლიერი ნაკადი არავის შემოუტანია, როგორც კონსტანტინე გამსახურდიამ შემოიტანა. ალბათ, შემთხვევითი არ არის, რომ იგი ასე დიდი ქომაგი და პატივისმცემელია თომას შანი-სა — უაღრესად ინტელექტუალური მწერლისა. მწერლის განსაკუთრებულ ყურადღებას იქცევს ადამიანის ინტელექტუალური არსება. მის სრულიად უბრალო და უბირ პერსონაჟებსაც კი თავიანთი სიზრძნე და თავიანთი ფილოსოფია გააჩნიათ. ავტორთან და მის მთავარ გმირებთან ერთად ისინიც ხშირად წარმოთქვამენ ხოლმე სხვადასხვა სენტენციებს, აფორიზმებს, ფრთიან სიტყვებს, პარადოქსალურ მოსაზრებებს. მწერალი არ უჩლექს ხოლმე ენას თავის გმირებს, ის მათ მთელი მათი გონებრივი შესაძლებლობებით ამეტყველებს.

ძნელი, რთული, ბოზოქარი და წინააღმდეგობებით სავსე ცხოვრებისა და შემოქმედების გზა განვლო მწერალმა. ეს გზა ვრცელი სპეციალური გამოკვლევის საგანია. მაგრამ ახლა ამ გამოკვლევის გარეშეც შეგვიძლია ვთქვათ, რომ, კონსტანტინე გამსახურდიას შემოქმედება ქართული ლიტერატურის განვითარების დიდ წრეში შედის. იგი ჩვენი ეროვნული კულტურის ძვირფას საუნჯეთა რიცხვს ეკუთვნის. მაგრამ მე ვიცი, რომ პირმოთნეობა დიდად სძაგს ჩვენს საყვარელ მწერალს და ამიტომაც ვამბობ:

სწორედ პირმოთნეობა იქნებოდა თქმა იმისა, რომ თითქოს მის შემოქმედებაში ყველაფერი განურჩევლად მოსაწონი იყოს. არა, მისი ზოგიერთი სუსტი ნაწარმოები იმ დიდი წრის მიღმა რჩება, ზემოთ რომ ვახსენეთ.

ნამდვილი დიდი ხელოვნება არ არსებობს ადამიანის დიდი რწმუნის, მისდამი დიდი სიყვარულისა და დიდი პატივისცემის გარეშე. კონსტანტინე გამსახურდიას დიდი ხელოვნებაც სწორედ ადა-

მონის სიდიდის იმ უღრმეს აწმენაში იღებს სათავეს, რაც მის შესა-
ნიშნავ ესთეტიკურ მრწანსში გამოიხატა: „მწერლობა გმირობის გა-
მოსარჩლებაა მხოლოდ, მიჩქმალული გმირობის ქომაგიცაა მწერ-
ალი“.

კონსტანტინე გამსახურდიამ კარგად იცის და თავის შესანიშნავ
წიგნებში კარგადაც გამოხატა ის, რომ ისტორიული ხანვითარების
სხვადასხვა საფეხურზე სხვადასხვაა ადამიანთა კონკრეტული გმირო-
ბის შინაარსი, მაგრამ ამ გმირობათა განუწყვეტელი ისტორიული
ჯაჭვი შეადგენს ისტორიის ცოცხალ შემოქმედებითს სულს, რასაც
სიკეთის, სილამაზის, თავისუფლების სრულყოფისაკენ მივყავართ.
სწორედ ისტორიის ეს სულია გამოსატლული მწერლის უკეთეს წიგ-
ნებში — თავის მძაფრ დრამატულსა და ტრაგიკულ გამოვლინე-
ბებში.

ფრიად ვრცელია მწერლის მიერ შექმნილი მხატვრული სამყა-
რო. იგი საესეა ნრავალი ამაღლებელი ბედით, შესანიშნავი სახე-
ებით, ცხოვრებისა და ბუნების წარმტაცი სურათებით. შესაძლოა,
ყველაფერი ერთნაირად არ გვიზიდავდეს ამ სამყაროში, მაგრამ სიტ-
ყვიერი ხელოვნების მშვენიერ ქმნილებებად მუდამ დარჩებიან დაუ-
ვიწყარი სახეები — დიდი შემოქმედის — კონსტანტინე არსაკიძისა,
მშვენიერი შორენასი, გიორგი მეფის, ფარსმან სპარსის, ქართული
ხუროთმოძღვრების უბრწყინვალესი ძეგლის — სვეტიცხოვლისა
(„დიდოსტატის მარჯვენადან“), ძველი საქართველოს ბრძენი მოღ-
ვაწის — დავით აღმაშენებლისა და გულწარმტაცი დედისიგედისა
(„დავით აღმაშენებლიდან“), თარამ ენხვარის, თამარ შერვაშიძის,
არზაყან ზვამბაიას, ლუკაია ლაბაქუას და სხვათა („მთვარის მოტა-
ცებიდან“) მრავალთა.

ეს სახეები გვასხარებენ, გვანადვლიანებენ, გვადლევენ, ფრთას
გვასამენ და როგორც ძველი ისე ახალი საქართველოს ცხოვრები-
სა და ბრძოლის სილამაზესა და პოეზიას გვაზიარებენ.

ქართველი ხალხი მადლიერია თავისი დიდი მწერლისა.

ლეო ქიაჩელი

„იშვიათია ადამიანი, რომელიც ასე ღირსეულად ატარებდეს მწერლის წოდებას; იმ გარემოებამ, რომ ის ერთ-ერთი ყველაზე პოპულარული თანამედროვე მწერალია სამშობლოში და მის გარეთ, რომ მის ნაწერებს თბილისშიც კითხულობენ და ერევანშიც, მოსკოვშიც და კიევშიც, სიდნეიშიც და ბუენოს-აირესშიც, მისთვის არასდროს წონასწორობის გრძნობა არ დაუკარგვინებია. მისი დევიზია ჰორაციუსის ლიტყვები: Nit admirali—ნუტრაფერი ნუ გააკვირვებს, ის მხოლოდ ხშირად სინანულს გამოთქვამს, რომ იმდენი ვერ გააკეთა, რამდენის გაკეთებაც შეეძლო“.

ამას წერდა ჩვენი სასიქადულო გერონტი ქიქოძე თავის გულთაღ მეგობარზე, — ჩვენს ასევე სასიქადულო ლეო ქიაჩელზე, — მისი დაბადების 70 წლისთავთან დაკავშირებით.

გულს გული იცნობს... თავმდაბლობა მართლაც ისე ამშვენებდა ორთავეს, როგორც კავკასიონის მწვერვალებს ქათქათა თოვლი. ორთავე კი მე-20 საუკუნის ათეული წლების მანძილზე თითქოს შეწყვილებულად იყო შებმული ქართული მხატვრული კულტურის დიდ უღელში. და თუ ვინმე ეწეოდა ამ უღელს დიდი ძალით, ეწეოდა ეს ორი უმწიკვლო რაინდიც. ამიერიდან მათ ჩაწყვეტილ აბეურებში ქედმაგარი ახალგაზრდობა უნდა შეეხებას და გასწიოს წინ ის უღელი, სწორედ ის უღელი, რომელიც ჩვენი დიდი წინაპრების ქედიდან ქედზე გადმოდის. ასეთია ცხოვრების გარდუვალი კანონი, ამას მოითხოვს ქართული კულტურის სასიცოცხლო ინტერესები.

ლეო ქიაჩელი. რა ახლობელი, რა ღვიძლია ეს სახელი!

ლეოს ძლიერ უყვარდა ჰადრაკის თამაში. მე მქონდა ბედნიერება ხშირად ვყოფილიყავი მისი მოქიშპე ამ სპორტში, მხოლოდ ამ სპორტში. ერთ დროს პირდაპირ დაბარებულებით მოვიდოდა მწერალთა კავშირში, სადაც მე ვმუშაობდი, და თვალს ჩამიკრავდა, ერთი ხელი ვითამაშოთო. ო, რა გამომეტყველი, რა ადამიანური იყო ეს თვალის ჩაკვრა, სავსე რაღაც უთქმელი ეშმაკური სხივით, ჭკუით, იუმორით. ჰადრაკით განსაკუთრებით ვიჭერეთ გული ორ

ზაფხულს, როდესაც ერთად ვისვენებდით ქვიშხეთში. ლეოს საოცრად სწყინდა წაგება, მღგება კი ნამდვილად ფრთას ასხამდა. თუ მეტოქეს დააშამათებდა, სარკასტულად ჩაიცივებდა და რაღაც გამოგონილ უცნაურ ფრაზას დააყოლებდა: „მატიკუს-მურმულიკუს“. არ შეიძლება ითქვას, რომ იგი ძლიერი მოქადრაკე იყო. თუმცა არც პარტნიორები ვყავდით დიდი გარდაქმნები. მაგრამ, ჩემი აზრით, მეტად საგულისხმო და თავისებური იყო სტილი ლეოს თამაშისა, თუ შეიძლება ასე ითქვას, მომლოდინე-კომბინაციური სტილი. იგი თითქმის არასდროს არ თამაშობდა ფართო, გაშლილი ფრონტით, ყველა უბნის მეთოდური ამოქმედებით. პირიქით, ყოველთვის თამაშის რომელღამე ერთ ნასკეს, ხშირად საკმაოდ გონებამახვილურს, ჩაიფიქრებდა ხოლმე წინასწარ და ცდილობდა ამ ნასკეში მოექცია თამაშის მთელი მსვლელობა. ჯულმოდგინედ უდარაჯებდა ასევე წინასწარ მონიშნულ შეცდომას პარტნიორისას, რომ როგორმე დაგებულ მახეში შეეტყუებინა... და თუ შეიტყუებდა, ერთს ვითომდა დარდიანად ამოიხენეშებდა, შთაგონებულ სახეზე შეკავებულ ღმირს დაიყენებდა და დინჯად, აუჩქარებლად ვანაგრძობდა მარყუჟის მოკერას. ამ ნიშნებით მეტოქეს უკვე შეეძლო ეგრძნო, რომ მის პარტიას მძიმე ხიფათი ემუქრებოდა...

თითქოს უცნაურობაა: იმ დროს, როდესაც შესანიშნავი მწერლისა და შესანიშნავი ადამიანის გარდაცვალების გამო, დიდი პოეტის სიტყვები რომ მოვიშველიოთ. გულში გწუხარება ჯერ ისევ ღამეს ათევს. — იგონებდე მწერლის ადამიანური ხასიათის თითქოს სრულიად უმნიშვნელო შტრიხს. მაგრამ არა. ეს იმიტომ გამახსენდა, რომ მისი თამაშის სტილი, საერთოდ მისი ადამიანური სტილი, მე მგონი, ძალიან ჰგავს მის შემოქმედებითს სტილს, მის კომპოზიციურ ხერხებს, კერძოდ მის ეანრობრივ მიდრეკილებას.

მართლაც, ლეო ქიაჩელი უპირატესად ნოველისტა, ბრწყინვალე ნოველისტი. შემთხვევით როდი წერდა გერონტი ქიქოძე, „მან ეს ეანრი კლასიკურ სიმალლეზე აიყვანაო“. ლეო ქიაჩელის რომანებიც არსებითად ნოველისტური აღნაგობისაა. მწერალს ემარჯვება გასაოცარი ოსტატობით მოუყაროს თავი რომელიმე ერთ მხატვრულ ნასკეში, თუ ერთ დრამატულ ვითარებაში უმძაფრეს ადამიანურ განცდებსა და ვნებებს, დროისა და სივრცის სულ მცირე მონაკვეთში ჩატიოს ცხოვრების უმდიდრესი მასალა, ერთი კუთხიდან განათოს სოციალური ყოფის საკმაოდ დიდი არე.

არაერთხელ თქმულა და ახლაც შეგვიძლია გავიმეოროთ, როგორც უდავო ფაქტი, რომ ლეო ქიაჩელი მე-19 საუკუნის ქართული კლასიკური მწერლობის დიდი რეალისტური ტრადიციების ერთ-

ერთი ყველაზე თვალსაჩინო დამცველი და გამგრძელებელია, რომ იგი მე-20 საუკუნის სამი რევოლუციის ქარცეცხლში განოვლილი საქართველოს საზოგადოებრივი ცხოვრების მხატვრული ნემატიანია, რომ მან მართლად ასახა ჩვენი ეპოქის მთავარი სოციალური ტენდენციები. ეს ასეა. მაგრამ ლეო ქიაჩელი, ისე როგორც ყოველი კემშიარტი მხატვარი, ძვირფასია ჩვენთვის არა მარტო მით, რომ მან, როგორც სარკემ, აირეკლა თავისი დროის გამოსახულება, არამედ მითაც და უფრო მეტად მითაც, რომ მან თავის სულში გამოძერწა ეპოქის განუმეორებელი სურათები, შექმნა თავისი განუმეორებელი მხატვრული სამყარო. არა ცხოვრებისა და ბუნების არეკლილი განმეორებით, არა მათი ასლის გადმოღებით გვხიბლავს ჩვენ შემოქმედი, არამედ ჯერ კიდევ უკვლევის მხატვრული მიკვლევით ანუ სწორედ მით, რასაც იგი უმატებს ჩვენს წარმოდგენას ბუნებასა და ცხოვრებაზე. ნამდვილი შემოქმედი კი არ იმეორებს ქვეყანას, არამედ ამდიდრებს, — ახალ სახეებს, ახალ ფერებს, ახალ ხაზებსა და ბგერებს მატებს მას.

ლეო ქიაჩელმა დადგა განსხვავებული მხატვრული ნაგებობანი. სწორედ თავიანთი განსხვავებული მხატვრული ნაკეთობით, თავიანთი განსხვავებული სკულპტურული ჩამოსხმულობით გვხიბლავენ ჩვენ ტარიელ გოლუა, ალმასგირ კიბულან და ბათაყვა, თავადის ქალი მანია და ჰაკი ამბა, გვადი ბიგვა და ბათუ ქარდუა. მთავარი სიძნელეც, ჩემი აზრით, მწერლის განსხვავებული შემოქმედებითი ინდივიდუალობის მიწვდომაში, ანუ იმის მიკვლევაშია, თუ როგორ ატარებს და ძერწავს იგი თავის სულში ქვეყნიერებას, და არა მისი ზოგად-თემეტიკური მასალის მოხაზვაში. ლეო ქიაჩელის ლიტერატურული მემკვიდრეობის მომავალ მკვლევარებს ამ მხრივ ბევრი რამ ექნებათ გასაკეთებელი.

ლეო ქიაჩელის, როგორც მხატვრის, სტიქია უმაღლეს სამყაროს მძაფრი ხილვადი აღქმამა, ვიდრე ლაპიდარული, დახვეწილი სიტყვის ძიება. იგი ჯადოქრული თვალთ ხედავს საგნებს, მოვლენებს, ადამიანებს, როგორც მთლიანობაში, ისე დეტალებში. გაიხსენეთ, თუნდაც ფეთქებადი დრამატიზმით სავსე ეპიზოდი, როდესაც გვადი ბიგვა გადაჭრით ემიჯნება ბოროტმზრახველ ფორიას. „გვადის ყოვლად უძრავი, შეუვალად ჩამოხურული სახიდან ორი პატარა მოჭუტული თვალი ყინულის ნამსხვრევებით ცივად გამოაშუქებდნენ“. აი, ამ მცირე დეტალშიაც თითქოს სიტყვას საოცრად მკვეთრი ნახატი სჭარბობს.

ლეო ქიაჩელი უღრმესი ჰუმანისტია ამ სიტყვის თანამედროვე გაგებით. ადამიანისა და სოციალური პროგრესის, ცხოვრების სიდი-

ადისა და მისი ძლევამოსილი წინსვლის რწმენა მწერლის მთელ შემოქმედებაში დაკავშირებულია მშვენიერების, სრულყოფილებას, სიცოცხლის სისავსის ნათელ განცდასთან. ადამიანის ყოველ სწეობრივ გმირობაში, საერთოდ ადამიანის სასიცოცხლო ძალების ყოველ დიდ დაძაბვაში მწერალი ხედავს წარმატაც სილამაზეს. თვით ისტორიულად განწირული თავადის ქალის ვნებათა გაავეზულ აფორიაქებაშიც კი მოჩანს რაღაც ტრაგიკული სილამაზე. გვაღი ბიგვას განკაცების, წარსულის სულიერი ტყვეობიდან მისი თავდახსნის პროცესი ზომ იმ ადამიანურ სილამაზედ არის წარმოდგენილი, მწვავე ტკივილებით რომ იბადება.

თუ იკითხავდნენ, რით არის შენივთებული ლეო ქიაჩელის მხატვრული სამყარო, — მე ვუპასუხებდი, მისი გულის დიდი მხურვალებით-მეთქი, ადამიანის უღრმესი სიყვარულით და ასევე უღრმეს სიძულვილით ყოველივე იმისადმი, რასაც შეუძლია ადამიანს ადამიანური სახე დაუკარგოს. სადღაც მწერალს ცხოვრებისა და ადამიანთა არსებობის რაღაც ჭერ კიდევ შეუცნობი ტრაგიკული სათავეს გრძნობაც გამოჰკარავს. გაიხსენეთ, მის დეკაცურ და მეტწილად ტრაგიკულ მამებს ზოგჯერ ავი სიზმრებიც აწვალებენ... ლეო ქიაჩელის მთელი შემოქმედება ცხადყოფს, რომ მას ყველაზე უმაღლეს ადამიანურ გრძნობად ადამიანთა ჭირთმოზიარობის გრძნობა ძიაჩნია. ამიტომაც არის თვითონ ადამიანთა მგზნებარე ჭირთმოზიარე მწერალი. ვის გულს არ შეძრავს ღრმა ადამიანური ტკივილით მისი გვადის შეყვირება: „სისხლიანი ვარ, მარიამ... არ მომეკარო!“, გვადისავე გაფრთხილება, რომ მისი შვილების თვალემა სისხლი არ უნდა ნახონ. მხოლოდ ქვაგულში შეიძლება არ გაადვიდოს ადამიანთა ჭირთმოზიარობის დიდი გრძნობა იმ დაუსრულებლად ზოგადადადამიანურმა ტკივილმა, რასაც ბადებს ენგურის ღმუილში შერეული ძახილი აღმასვლი კიბულანისა: „გივერგილ, იქე ხარი?“

ერთხელ ლეოს მოკრძალებით ვუთხარი, უცნაური კაცია თქვენი გვაღი ბიგვა-მეთქი. ლეომ თავისი ჭკვიანი თვალეები ღიმილით შემომანათა და თქვა:

— ოჰ, დიდად უცნაური, ღვთისპირიდან გადავარდნილი. მეც არ ვიცი, რა კაცია იგი. — მერე ცოტათი ჩაფიქრდა და დაუმატა, — მაგრამ დიდად მოსიყვარულე მამაა. ამიტომაც მიყვარს ეგ შეჩვენებული!

თითქოს რაღაც ფარდა გაიხსნა და მე დავინახე მწერლის მშვენიერი სულიერი ბაღნარი. მართლაც, ბევრი როდი მოიძებნება ისეთი მწერალი, ვისაც ასეთი ძალით, ასეთი შთაგონებით ეჩვენებინოს სი-

დადე და სილაძაზე მამაშვილური სიყვარულსა, სიბრძნე და სილა-
მაზე იმ მაღალი ვპირულ-ზნეობრივი შეწყვიდრეობისა, რომელიც მა-
მებთან შვილებს გადაეცემა.

ლეო ქაჩელის შთელი შემოქმედება თითქოს გეუბნება: ქვე-
ყანაც, ადამიანაც წინ მიდის; მომავალში ადამიანი უკეთესი, უფრო
სრულყოფილი იქნება, მაგრამ ამის გამო ადამიანის სიყვარული სახ-
ვალიოდ არ უნდა გადაიდოს. ადამიანს ერთხელ ეძლევა სიცოცხლე
და ამ ერთ სიცოცხლეშიც იგი ღირსია სიკეთისა, სიყვარულისა. ვი-
საც გული სიყვარულად, თვალი ხედვად და ყური სმენად აქვს შე-
ნართული, მას არ შეუძლია არ დაინახოს სილაძაზე და სილიადე მის
იოგვლავ მყოფ ადამიანებშიც, რომელთაც რასაკვირველია, თავისი
ჩრდელ-სინათლევ გააჩნიათ. აი, დაინახეთ, დაინახეთ, რა დიდებუ-
ლია ეს ცხოვასხეთელი. თუნდაც რამდენადმე უამგადასული დევ-
კაცი — ბათაყვა. რალაცნაირი გრიგალივით რომ შემოჭრილა ქალა-
ქის ორობტრიალში და თავისი უზადო გულით ამაყად დააქვს შვი-
ლს დიდი სიყვარული, მამათა გმირული და მაღალ-ზნეობრივი ტრა-
დიცია.

ლეო ქაჩელი დაიფერფლა სამშობლოსა და მშობელი ხალხის
სიყვარულში. მას მოუსავლეთში არაფერი წაუღია, რადგან იცოდა,
შესანიშნავად იცოდა, რომ ადამიანი მხოლოდ ის არის, ანუ უკეთ
ეთევათ. ადამიანში მხოლოდ ის არის ღირებული, რასაც იგი ქვეყ-
ნისთვის, ხალხისთვის აკეთებს. რასაც იგი ამქვეყნად ტოვებს.

ლეომ კარგი, ძვირფასი შემკვიდრეობა გვისახსოვრა!

1966

გიორგი ქუჩიშვილი

ადამიანის გარეგნობასა და ქცევაში არის რალაც მინიშნება შინაგან სამყაროსაკენ. გვაგონდება ცოცხალი პოეტი:

მის ძლიერ გამხდარ, შავგვრემანსა და მკმუნვარე სახეს, მის წრისებურად მოხაზულ შუბლს ყოველთვის აჩნდა მღელვარე ფიქრების ნაკვალევი. განუმეორებლად თავისებური შორისდებულებით წყვეტდა იგი თავის ფრაზებს, როცა გესაუბრებოდათ, და ყოველთვის ფიქრობდით, რომ ამ შორისდებულებით იგი როგორღაც აწესრიგებდა გრძნობათა შინაგან მოზღვაებას. ტრიბუნიდან მის მქექარე ხმასა და თავისებურად მეტყველ პაუზებს მკაფიოდ მიჰქონდა მსმენელამდე ყოველი მისი სტრიქონის აზრი. იყო რალაც უბრალო და კარგი არტისტიზმი მის კიბხვაში.

გიორგი ქუჩიშვილმა მტკიცედ დაიმკვიდრა საკმაოდ თვალსაჩინო ადგილი ქართული ლიტერატურის ისტორიაში. იგი ჩვენი დროის ერთ-ერთი უპოპულარესი პოეტია. მაგრამ ყოველი პოპულარობა როდია ამა თუ იმ შემოქმედის ღირსების მაჩვენებელი. კარგი და ნამდვილი პოპულარობა მხოლოდ ის არის, რომელიც დაკავშირებულია ხალხის უკეთეს იდეალებთან და მაღალ ზნეობრივ თვისებებთან. გ. ქუჩიშვილი ამ სფეროშია.

მწერლის ბიოგრაფიას, რასაკვირველია, არსებითი მნიშვნელობა აქვს მწერლის მსოფლმხედველობის შემუშავებაში. მაგრამ შემოქმედება, უწინარეს ყოვლისა, საზოგადოებრივი ცხოვრების ანარეკლია და იგი ყოველთვის შორს სცილდება კერძო ბიოგრაფიის ფარგლებს. მაგალითად, ქუჩიშვილის ბიოგრაფიის ვერც ერთ ცალკე მომენტს ვერ მივიჩნევდით იმ განწყობილების მთავარ წყაროდ, რომელიც გადმოცემულია თუნდაც ისეთ ლირიკულ ლექსში, როგორცაა „შემოდამება“. აქ საქმე საზოგადოებრივი ცხოვრების უფრო დიდ არესთან გვაქვს. ამ თავის ადრინდელ ლექსში პოეტი მღერის თავის მღელვარე ფიქრებზე, რომლებიც მას მოსვენებას არ აძლევენ. ეს ფიქრები შუალამეშიც ამაყენებენ, გამომიყვანენ, დამატარებენ მშობელ მხარეში, აივსებიან ქვეყნის დარღითა და ვარამით

და „ჩემთან ერთად ატირდებიანო“, — ამბობს პოეტი, და მართლაც, თეოპოპოზიტიზმის შავბნელ დროს ქვეყნის დარღითა და ვარაშით საქსე მღელვარე ფიქრები პოეტს მუდამ თან დასდევდნენ, მაგრამ ისინი ყოველთვის როდი სტიროდნენ. პირიქით, პოეტი მეტწილად ბობოქრობდა, მხნეობდა, ბრძოლისაკენ მოუწოდებდა, ვიდრე სტიროდა უსასოოდ. მართალია, პოეტის გზა ყოველთვის შეუეკვებელი არ ყოფილა, მაგრამ მისი ფიქრები არასდროს არ ჩაკეტილან ინდივიდუალიზმის ვიწრო ნაკუჭში. მათი საგანი ყოველთვის იყო ჩაგრული მშრომელი ხალხის ჭირ-ვარამი.

პოეტი სამწერლო ასპარეზზე გამოვიდა როგორც ქალაქის მშრომელი ელემენტების მომღერალი, პირველ ყოვლისა კი, როგორც მუშათა კლასის მომღერალი. იგი თავიდანვე გამსჭვალული იყო მშრომელი ადამიანის რევოლუციური ძალებისა და კაცობრიობის ბედნიერი მომავლის ღრმა რწმენით. ლექსსაც პოეტი იმთავითვე უფრო საბრძოლო-მომწოდებელ მიზნებს უსახავდა, ვიდრე ცალმხრივ ესთეტიკურს. ამის გამო, შესაძლოა, ვინმე მას წმინდა პარნასელად არ თვლიდა. მაგრამ განა ათას „წმინდა ესთეტიზმით“ ნაცოდვილარ სტრიქონს არ გააფასებს თუნდაც ერთი ასეთი ლალი პოეტური ამოძახილი:

ვინც ეწვევა საქართველოს
საოცნებო სერებს,
სიმღერაც რომ არ იცოდეს,
მაინც დაიმღერებს.

სიტყვის ასეთი მოქნევა მხოლოდ ქეშმარიტ პოეტს შეეძლო. და რამდენი ასე ღრმა პოეტური გრძნობით სავსე სტრიქონებია ქუჩიშვილის ლექსებში! ეს არის მხოლოდ, რომ მას მშვენიერისა და ამადლებულის განსაკუთრებული სფერო იზიდავდა. იგი უმაღლეს პოეზიას მშრომელი ხალხის შრომასა და ბრძოლაში, მისი სასიცოცხლო ძალების დამკვიდრებაში ხედავდა.

გ. ქუჩიშვილმა თავისი პოეტური კრეფო თავიდანვე გაბედულად დაუპირისპირა ბურჟუაზიულ-დეკადენტურ ესთეტიზმს:

მე „ბრბოს“ შეილი ვარ!
„ბრბოს“ ვუმღერი ქებათა-ქებას!
მისგან მოველი ჩემს რჩეულებს,
ჩემს მეუფებას!
ვინც „ბრბოს“ უწოდებს
უგუნურს და გულგამბეცებულს,
ის ნამდვილ ბრბოზე უგუნური,

1.

თავხელი არი,
 რაღვან ვერ ხედავს მის სიღრმეში,
 მის სალაროში,
 თუ რაოდენი სიძლიერე და
 საუნჯე არი.
 „ბრბო“ მესიაა,
 ეს ქვეყანა „ბრბომ“ უნდა იხსნას.

ცხადია, ამ „ბრბოში“ პოეტი გულისხმობდა მშრომელ მასებს, ეწინარეს ყოვლისა კი — რევოლუციურ მუშათა კლასს. და მაშინ, როცა „წმინდა ხელოვნების“ მოტრფიალუ ბურჟუაზიული ინტელიგენცია გაპკიოდა მასების უხეშ მატერიალურ ინტერესებსა და ინსტიტუტებზე, გ. ქუჩიშვილმა თავისებურად და გაბედულად ამოინაღერა ამ „ბრბოს“ შრომისა და ბრძოლის პოეზია. პოეტი კარგად ხედავდა, რომ ის, ვინც „მარადიული“ ეთიკურ-ესთეტიკური იდეალების საბურველით გამოდიოდა, სინამდვილეში ჩაფლული იყო ანგარების, ეგოიზმისა და ათასგვარი ბიწიერების წუმპეში. შრომა, მხოლოდ შრომა მიაჩნდა პოეტს ადამიანის მაღალი ზნეობრივი თვისებების წყაროდ. ამიტომაც არის ასე ძლიერი ქუჩიშვილის პოეზიაში მშრომელი ადამიანის ზნეობრივი სიუჟაქიზის გრძნობა.

პოეტმა ქალაქის ქუჩითა და ლარიბ-ლატაკთა უბნით დაიწყო. აქ ნათლად მჩაჩანდა ძველი ცხოვრების პირგახსნილი წყლულები — უმუშევრები, მაწანწალები, მათხოვრები, მეძავე ქალები, უპატრონო ბავშვები. ცხოვრების ამ გერებს — „ქუჩის ძმობილებსა და დობილებს“ უმღერდა პოეტი მხნე სიმღერებს. კაპიტალისტური ქუჩის შეურაცხებელი კონტრასტები, ცხოვრებისა და ადამიანების რღვევის შემზარავი სურათები იქცევდა პოეტის ყურადღებას. მაგრამ იგი არასდროს არ ცდილა შეექმნა ქუჩის სიმანხიჩეთა ავადმყოფური პოეზია. გაეიდვალებინა „ცხოვრების ფსკერი“. მან მხოლოდ მიუთითა ბურჟუაზიულ-ბიუროკრატიული საზოგადოების ამ გასისხლიანებულ სხეულს — ქუჩას — და შესძახა ამ საზოგადოების მესვეურთ — აი, თქვენი სინამდვილე! თქვენ უნდა დაიღუპოთ! თქვენივე ქუჩით მოდის თქვენი მესაფლავე!

ეს იყო გაფიცვების, დემონსტრაციების, ბარეკადების ქუჩა. აი, ამ რევოლუციურ ქუჩას გულისხმობდა პოეტი, როცა წერდა:

ქუჩიშვილებს ქუჩა გვიყვარს,
 ქუჩა არის დედა ჩვენი,
 მომავლისკენ ის წაგვიყვანს.
 რომ ვიხილოთ მზე სხივმფენი.

შემთხვევითი არ არის, რომ, როცა პოეტი ეხება მუშათა შრომა-ტა და ბრძოლას, მის სიტყვას ცეცხლი ემატება, მის ლექსს — ენერ-

გაული ხმოვანება. პოეტი შემდეგი სიტყვებით მიმართავდა მუშათა კლასს:

შენზე ძლიერ და მტკიცედ
არაინ მყვარებია,
შენი ჰიერი და ლხინი
უბით მიტარებია.

და სწორედ იმიტომ, რომ ქუჩიშვილის პოეზიას იმთავითვე საფუძვლად ედო მშრომელი ხალხის ჯანსაღი სოციალური გრძნობები, მას ბრძოლის დროსა არ დაუხრია შავბნელი რეაქციის წლებშიაც კი. სევდისა და უიმედობის კილო, რომელიც იშვიათად მაინც შეიპარებოდა ხოლმე პოეტის ხმაში, მხოლოდ სუსტი ბინდი იყო მის ოპტიმისტურ განწყობილებაში. ეგ „ღამეა ვრცელი, სულსა ფლობს ჭმუნვა, სულსა ჰკლავს გლოვა“, მხოლოდ დისონანსად გაისმოდა „მომავალი ქარიშხლის წინამორბედ პოეტის“ შემოქმედებაში. პირველი რევოლუციის დროს მას ხელი არ ჩაუქნევია მარცხით დამთავრებულ ბრძოლაზე და ერთი წამითაც არ სწვევია შავბნელ სინამდვილესთან შერიგების განწყობილება. იგი კვლავინდებურად მხნეობისა და ბრძოლისაკენ მოუწოდებდა რევოლუციურ ძალებს:

ნუ მიეცემით სასოწარკვეთას
ჯალათთა ხელით დახოცილ ძმებზე;
სიმხნე, სიმტკიცე ვიდოდეს თქვენთან
ციხე-ციმბირში, კატორღის გზებზე.
და თუ უკაცურ ტიალ ზამთარში
ვინმე თქვენგანი გზად გაითოშა, —
ვინც გადარჩებით, გასწით თოვლ-ქარში!
გწამდეთ: დროებით დაეშვა დროშა.

ანრიგად, გადახდილ ბრძოლას პოეტი არსებითად მომავალი სოციალური რევოლუციის საფუძვლად მიიჩნევდა და ბრძოლის ცეცხლს უღვივებდა „რწმენა-იმედ დაკარგულებს“.

დიდმა პროლეტარულმა მწერალმა გორკიმ გვიჩვენა, თუ როგორ არღვევს ადამიანის ძალებს, ადამიანის პიროვნებას კაპიტალიზმი თავისი განუყრელი თვისებებით — მომხვეჭელობის ველური ეინია, ინდივიდუალიზმით, ეგოიზმით, ნივთების ფეტიშიზმით; თუ როგორ შეაქვს ადამიანის სულში სკეპტიციზმისა და დეკადენტიზმის შხამი იმ ბრმა სტიქიურ ძალებს, რომლებიც კაპიტალისტური საზოგადოების წიაღში მოქმედებენ. ადამიანის დარღვეული პიროვნების გამთლიანების ერთადერთ საშუალებად დიდ მწერალს მიაჩნდა თავისუფალი შრომა, რომლის სუფევა მხოლოდ სოციალისტურ საზოგადოებაშია შესაძლებელი.

გორკის სოციალურმა მოტივებმა ძლიერი გამოხმაურება ჰპოვეს გ. ქუჩიშვილის შემოქმედებაში.

თავისი რევოლუციური ოპტიმიზმი და იმის ღრმა რწმენა, რომ მხოლოდ შრომასა და მშრომელებს შეუძლიათ, შეაერთონ და გაანთლიანონ დაშლილი სასიცოცხლო ძაფები, პოეტმა კარგად გამოხატა თავის ცნობილ ლექსში „მუშათა სიმღერა“:

სისხლითა და ოფლითა ვრწყავთ
შავ ჭურღმელებს, ბნელ სარდაფებს,
იქა ექსოვთ და იქ ვაერთებთ
სასიცოცხლო დაშლილ ძაფებს!
მოვა დრო და ჩვენი წყრომა
გადიქცევა ნქავერ ღვართქაფად
და ქვეყანას მოედება
ყიჟინის ხმად, ბრძოლის დაჯად.

ასეთი იდეური მიდრეკილებისა და განწყობილების პოეტს არ შეეძლო რევოლუციური პროტესტით არ შეეხვედროდა პირველ მსოფლიო იმპერიალისტურ ომს. პოეტის სულს ზარავდა ომის საშინელებათა ქაოსი; იგი მოუხმობდა იმ ძალებს, რომლებიც იარაღს ომის იმპერიალისტ გამჩალებელთა წინააღმდეგ მიაბრუნებდნენ:

ჰაუ! სადა ხარ, სად ბანაკობ,
ნემო ლაშქარო!
ველად გაქრილი შენ გუიღვს
შენი მხედარი!

რად არ იღვიბებ ძილქემისგან,
მუშათა ჯარო!

მეფის ცენზურის მიერ აკრძალულ ლექსში პოეტი პირდაპირ მოუწოდებდა ხალხს იარაღისაკენ მეომარ იმპერიალისტურ მთავრობათა წინააღმდეგ:

კმარა! აივსო ფიალა
ზღვა ცრეალებით და თმენით!
ბრძოლით ვუწამლოთ იარაღს.
ჩვენსავენ, ვინც არის ჩვენნი!
მოძმენო! ხელი იარაღს!
დავსცეთ მოძალადენი!

რასაკვირველია, აქ პოეტის სიტყვა უნდა შეფასდეს არა რაფინირებული პოეტური ფორმის თვალსაზრისით, არამედ მისი საზოგადოებრივი მნიშვნელობით. თვით მხატვრული სიტყვის გენიოსებიც კი დიდი სოციალური ძვრების პირობებში უყოყმანოდ მიმარ-

თავდნენ ლექსს-მოწოდებას, ლექსს-ლოზუნვს. ამ დროს პუბლიცისტური პათოსი მხატვრული სიტყვის ღირსებაა და არა ნაკლი.

„ჩემი სული ქალაქის სულიაო“, ამბობდა გ. ქუჩიშვილი და მართლაც, მისი შემოქმედების ძირითადი თემატური მასალა ქალაქის ცხოვრებიდან არის აღებული.

სოფელი პოეტის ადრინდელ შემოქმედებაში უმთავრესად ბუნების განცდასთან არის დაკავშირებული. ბუნება კი პოეტს უსაზღვროდ უყვარს, იგი მას ადამიანთა ცხოვრების გულგრილ, ჩარჩოდ კი არ მიაჩნია, არამედ ცხოვრების ცოცხალ ქსოვილად, შესაძლოა, ბუნების ასეთ შეგრძნებასთან არის დაკავშირებული ისიც, რომ პოეტი უფრო ბუნებით აღძრული გრძნობების მხატვარია, ვიდრე თვით ბუნების ფერადოვანი სურათებისა. პოეტისათვის ბუნება არის მისი ოპტიმისტური მსოფლშეგრძნების უშრეტეი წყარო:

ვიშ, ბუნების სიღიადეს,
ვიშ, სიციხის უშრეტ წყაროს!
რომ შემეძლოს ხელს მოხვევადი,
დავკონიდი მთელ სამყაროს.

პოეტს ხიბლავს ბუნების დიადი ჰარმონია და მას შეუძლია თავისი ალტაცების გრძნობა გადმოგვეცეს სადა, გულწრფელი და გამჭვირვალე ლექსით:

აი, დაპებრა ნიაჟა,
ტყემ ნაზად დაიშრიალა,
დაირაკრაჟა ტოროლამ,
ღრუბლებში შეისრიალა.
ბულბულმა ჩანგი მომართა,
ქედანმაც დაიფრთხიალა
აჟღერდა ცა და ხმელეთი,
როგორც ფანდური წკრიალა.

უეჭველად მოხდენილი პოეტური სახეა წკრიალა ფანდურივით აჟღერებული ცა და ხმელეთი. არის ამაში ბუნების ხელთუქმნელი მუსიკის ნათელი პოეტური ხილვა.

მაგრამ პოეტი ზოგჯერ გულუბრყვილო შეხედულებამდე მიდის ბუნებისა და ადამიანის დაპირისპირებაში. ერთგან იგი ადამიანს ბუნების „ერთ კენიწა“ უსასო არსებად სახავს. ნამდვილად კი ადამიანი და ადამიანთა საზოგადოება არამეტუ ბუნების უმადლესი და უმშვენიერესი ქმნილებაა, არამედ უმშვენიერესი ბუნების შემქმნელიცაა, როგორც მისი გონივრული ფენომენი.

გ. ქუჩიშვილის შემოქმედების ძირითადი ჟანრი სოციალურ-პოლიტიკური ლირიკაა. მაგრამ მის შემოქმედებაში მნიშვნელოვანი

ადგილი უჭირავს აგრეთვე ეპიკურ ჟანრსაც — პოემებსა და პროზას. წარსულ რევოლუციურ ბრძოლებს ასახავენ პოემები: „შავი სამეფო“, „9 იანვარი“, „პროლეტარიატი“, „ოქტომბერი“ და სხვ. პატიმარი რევოლუციონერის წამებას აღწერს პოეტი პოემა „მეტეხში“; მეფის ჭარბთან დევნილი რევოლუციონერის შეტაკება და დაღუპვა აღწერილი პოემაში — „რისთვის“. თავის დროზე ეს ნაწარმოებები აღვივებდნენ მშრომელი მასების რევოლუციურ შეგნებას, ამხილებდნენ თვითმპყრობელობისა და კაპიტალიზმის შავბნელ სინამდვილეს, ხალხის მტარვალთა მხეცურ სახეს. მათ დღესაც არ დაუკარგავთ გარკვეული ისტორიული მნიშვნელობა.

ცალკე უნდა აღინიშნოს პოემა-ლეგენდა „ჯაჭვის ხიდი“, როგორც ქართული მხატვრული სიტყვის საყურადღებო ნიმუში. იგი შესრულებულია ღრმა ლირიკული უშუალოდით. აქ არის საქართველოს ბუნებისა და ისტორიის მძაფრი გრძნობა; მსუბუქი და ძალდაუტანებელი ლექსით მოთხრობილ დრამატულ ამბავში ჩაქსოვილია ნაზი ჰუმორი. აქ არ არის პოეტური საღებავების სიუხვე, მაგრამ მკითხველი ნათლად ხედავს ლეგენდას პერსონაჟებსა და ნივთიერ გარემოს—ჯვარის მონასტერს, ჯაჭვის ხიდს, მღელვარე არაგვს, ხედზე მამავალ ბერსა და არაგვის ტალღებში მობანავე ქალს. ლეგენდის ტრაგიკულ ფინალში გამოსახულია სიცოცხლის გამარჯვება, სიცოცხლის ძალთა ზეიმი. „ჯაჭვის ხიდი“ ეხმაურება ილიას „განდევილს“.

თავის პროზაშიაც ქუჩიშვილი თავს დასტრიალებდა ღარიბ-ღატაკთა უბნებს, ხალხისათვის თავდადებულ ადამიანებს. მაგრამ ქუჩიშვილი-პროზაიკოსი ფართო ტილოებისა და დიდი ხასიათების მხატვარი არ არის. მისი პატარ-პატარა მოთხრობები არსებითად პოეტური დღიურებია, რომლებშიაც უფრო იმდროინდელი ცხოვრების ტიპური ამბებია აღწერილი, ვიდრე ცოცხალი ხასიათები.

ცხოვრების სახსარს მოკლებული ახალგაზრდა ქალი ღამით ეთხოვება თავის პაწია შვილს და თავს იხრჩობს მტკვარში („უსახელო“); აგურის მზიდველ მუშას ფეხი დაუცდა მოლიპულ ხარაჩოზე და ტვინი მიწას დაანთხია. „შენობა აშენდა... დიდებული ღვინი გაიპართა: იცლებოდა სახლის პატრონის სადღეგრძელოდ ძვირფასი სასმელებით სავსე აზარფეშები, ხოლო აგურის მზიდველის სახელი კი, რომლის სისხლით და ტვინით აშენდა სახლი, არავის გახსენებია“ („აგურის მზიდველი“); მაღარო ჩაინგრა, მრავალი მუშა მოჰყვა შიგ, „ათასი კუმო დაღუპულ ძმების... ათასი ზარი გულშკვდარ დედების... მაღაროს პატრონი კი განმარტოებით იდგა და „სინდისდამშვიდებული“ ზარალის ერთიორად ანაზღაურებაზე ოც-

ნებობდა...“ („მადაროში“); მანქანამ მუშას ხელები წააგლიჯა და უპატრონოდ, ულუკმაპუროდ დარჩა მუშის ოჯახი („ხელები“) და სხვ.

ჩვენს სოციალისტურ ქვეყანაში დღეს ძველი წიგნებილა თუ მოგვაგონებს ასეთ ამბებს. კაპიტალისტური ქვეყნების სინამდვილე კი ყოველთვის სავსეა ასეთი შემზარავი ამბებით. კაპიტალიზმის ანტი-ჰუმანური ბუნება ყველგან ერთია, რომელ ქვეყანაშიც არ უნდა იყოს ის. მაგრამ ასევე ყველგან გარდაუვალია მისი დალუპვაც.

გარკვეულ ისტორიულ ინტერესს არ არიან მოკლებულნი ქუჩი-შვილის ის მოთხრობებიც („წითელი თოვლი“, „წითელი დროშის ქვეშ“, „ივანე“ და სხვ.), რომლებიც წარსულ რევოლუციურ ბრძოლებს ასახავენ.

იყო ქუჩიშვილის შემოქმედებაში წინააღმდეგობანი.

მხოლოდ სოციალისტური რევოლუციის ცხოველყოფელმა ძალამ გააცოცხლა პოეტში მისი შემოქმედების პროგრესულ-რევოლუციური ნაკადი. ამადღდა და გაფართოვდა პოეტის მხატვრული იდეური სამყარო. მის პოეზიაში ძალოვნად გახმაურდა საბჭოთა პატრიოტიზმის მოტივი.

პოეტის მგზნებარე სიყვარული სამშობლოსადმი ადრევეც არ ყოფილა უსაგნო და ეფემერული. „უმაძულოს მემამულეზე მეტად მიყვარს მამულიო“, — ამბობდა წინათ პოეტი. მაგრამ ეს არ იყო სამშობლოს მაშინდელი სინამდვილის მიღება. პოეტს უყვარდა სამშობლო სწორედ იმიტომ, რომ უყვარდა მშრომელი ხალხი, სწამდა მისი მომავალი და ხედავდა იმ ძალებს, რომლებიც დაამსხვრევდნენ ჩაგვრისა და მონობის ბორკილებს და სახეს უცვლიდნენ სამშობლოს. პოეტი კარგად გრძნობდა, რომ ის, ვინც გვერდს უვლიდა ქვეყნის სოციალურ შინაარსს და სამშობლოს სიყვარულზე მღეროდა უსაგნოდ, განყენებულად, — არსებითად მოკლებული იყო ნამდვილ პატრიოტულ გრძნობას.

პოეტის პატრიოტული შეგნების ეს ნათელი ნაკადი ბუნებრივად შეერწყო სოციალისტური სამშობლოს მგზნებარე სიყვარულს. სამშობლოს ცნება გაივსო ახალი შინაარსით. ახლა პოეტისათვის არ არსებობდა სამშობლო მისი სოციალისტური შინაარსის გარეშე. სოციალისტური სამშობლო — ეს არის ლენინის იდეათა გადაქცევა სინამდვილედ, ეს არის გამარჯვებული მშრომელი ხალხი, ხალხთა შეგობრობა, თავისუფალი შრომის სუფევა, სოციალისტური ქარხნები და ფაბრიკები, საკოლმეურნეო მინდვრები და ბაღები, გმირული საბჭოთა არმია და ყოველივე ის, რაც კომუნისმის მშენებელი ქვე-

ყნის მჩქეფარე სინამდვილეს შეადგენს. ქუჩიშვილიც ამ სამშობლოს ძლიერებასა და სილამაზეს უთხზავდა ჰიმნებს:

ვიღრე ესულდგმულობ დედაპიწაზე,
ჩემო სამშობლო, გწამდეს, იცოდე:
შენს ძლიერებას და სილამაზეს
შევეუქმნი შენებრ მშვენიერ ოდებს.
და თუ არსებობს ისეთი ხელი,
შენზე აღმართვა რომ დააპიროს, —
მყის მოკვეთს ჩემი მახვილრ მკრეღი,
რომ შენი გული არ გაიგვიროს.

პოეტ-ტრიბუნის, პოეტ საბჭოთა მოქალაქის შესანიშნავი სახე ნათლად დაგვიდგა თვალწინ საბჭოთა ხალხის დიდი სამამულო ომის დღეებში.

აი, დიდი ადამიანური და პოეტური ბიოგრაფიის საგულისხმო ფაქტი:

1942 წლის მძიმე განსაცდელის დღეები. პიტლერელთა ურდოები კავკასიონის კარიბჭეების შემოლენწვას ლამობდნენ. საბჭოთა არმიის ერთ-ერთი ქართული ნაწილი ბაქსანის ხეობაში ებრძოდა მტერს. და ამ დროს თითქმის სამოც წელს მიღწეული პოეტი მიდის ბრძოლის ველზე და იქ სანგრებში მგზნებარედ მოუწოდებს საბჭოთა მეომრებს:

ელვა-ჰეჰით გამოზრდილნო,
არ დაზოგოთ მტერი არსად.
თავს დაატყდით ყველგან მებად
საზიზღარზე საზიზღარსა.

პოეტმა თვითონ მიიტანა თავისი ლექსი ბრძოლის მოწინავე ხაზზე და უშუალოდ ჩააბა დიდ ბრძოლაში. სკოლის სკამიდანვე ნაცნობი პოეტის ხმა, ცხადია, განსაკუთრებული ძალით აგზნებდა ქართველი საბჭოთა მებრძოლების გულს.

გ. ქუჩიშვილისათვის იმთავითვე უცხო იყო ნაციონალური შეზღუდულობა. მისი პატრიოტული გულისცემა ყოველთვის დაკავშირებული და შეწყობილია ხალხთა მეგობრობისა და მსოფლიოს ყველა კუთხის მშრომელი მასების ინტერნაციონალური ერთიანობის დიდ გრძნობასთან. თვალი გადაავლეთ პოეტის კრებულებს და თქვენ იქ იპოვით მრავალ ლექსს, რომლებითაც პოეტი ეხმაურება სხვადასხვა ქვეყნის ხალხთა რევოლუციურ-გამათავისუფლებელ მოძრაობის ყოველ მნიშვნელოვან ფაქტს.

საბჭოთა პერიოდში ქუჩიშვილის პოეზიის ძირითადი მოტივია სოციალისტური შრომის მოტივი. თავისუფალ შრომაში ხედავს პო-

ეტი სიცოცხლის უმაღლეს აზრსა და სილამაზეს; „შრომაში ვპოვე მე სილამაზეო“, — აცხადებს იგი, და ამ სილამაზის უმაღლეს გამოხატულებად მიიჩნევს იმას, რომ სოციალისტური შრომა ჰქმნის ყველაზე უძვირფასეს საუნჯეს — ადამიანის ახალ ბუნებას, მის მაღალ მორალურ თვისებებს, კოლექტივიზმის ცხოველმყოფელ გრძნობებს. პოეტი სამართლიანად ანათესავებს შრომას, მუსიკასა და პოეზიას. მას ხიბლავს სოციალისტური შრომის რიტმი და ამ რიტმთან შეწყობილი მოძრაობა ადამიანთა სულისა სოციალისტურ ფაბრიკებსა და ქარხნებში, საკოლმეურნეო მიწდვრებზე, სოციალისტური მშენებლობის ყოველ უბანზე.

როგორც ყოველი საბჭოთა პოეტისათვის, ქუჩიშვილისათვისაც შთაგონების უდიდეს საგანს წარმოადგენენ რევოლუციის გენიოსი ბელადები. ამ შთაგონების სათავე იმთავითვე იყო დადებული პოეტის მსოფლმხედველობაში: იგი ხომ თავის რჩეულებს მშრომელი ხალხის წიაღიდან გამოელოდა. პოეტის გული თავიდანვე ზრდიდა წრფელ სიყვარულს ამ რჩეულთადმი. და მისი ყოველი სტრიქონი ამ თემაზე გამსჭვალულია წრფელი გრძნობით. პოეტი ხარობს და ამბყობს იმით, რომ სწორედ მუშათა კლასის რევოლუციურმა ენერგიამ, მისმა სულიერმა ძალებმა წარმოშვეს ადამიანის უმაღლესი ტიპები — პროგრესული კაცობრიობის უბადლო გენიოსები.

მრავალმხრივი იყო ქუჩიშვილის შემოქმედება საბჭოთა პერიოდში. პოეტი მგზნებარედ ეხმაურებოდა ჩვენი დიადი ეპოქის ყოველ მოვლენას, იგი კვალდაკვალ მიჰყვებოდა ჩვენი ცხოვრების სწრაფ სრბოლას.

პოეტის ლექსებში ხშირად ერთმანეთს ენაცვლებოდნენ უმძაფრესი ლირიკა და ორატორული სიტყვა, გულში ჩამწვდომი შთაგონებული სიმღერა და პუბლიცისტური ლოზუნგები. მაგრამ პოეტის ლექსი არასდროს არ ყოფილა ნაწვალები, მას ყოველთვის თავისუფალი და ძლიერი სუნთქვა მოჰყვებოდა. პოეტურ სასეთა ბუნდოვანება ორგანულად უცხოა ქუჩიშვილის შემოქმედებისათვის.

ჩვენმა სახალხო პოეტმა გალაკტიონ ტაბიძემ თავის უახლოეს მეგობარ პოეტს — გიორგი ქუჩიშვილს მოუწონა ჩანგის სიწმინდე, გულის სიწრფელე.

ხალხი კი მუდამ სათუთად ინახავს წრფელი გულის პოეზიას.

ნათელი სტილის ნათელი პიროვნება

(გერონტი ქიქოძის დაბადების 75 წლის გამო)

მაღალი სულის მწერალი და ადამიანი იყო გერონტი ქიქოძე — ბრძენი კაცი, ბევრის მცოდნე, ბევრის მნახველი, მუდამ ჭირთმოზიარედ და ალერსიანად რომ შეჰყურებდა ადამიანებს, ქვეყნიერებას და თვალი კი ყოველთვის სიკეთისა და სილამაზისაკენ ეჭირა. მოკრძალებული, თავმდაბალი, უპრეტენზიო, არასოდეს ამაყობდა თავის განათლებით, თავისი ინტელექტუალური ღირსებებით. იგი ეკუთვნოდა ისეთ მოღვაწეთა რიცხვს, რომელთაც შეჰყურებ, გულდაჭერებულად ფიქრობ, რომ შენი ქვეყნის, შენი ხალხის სულიერი კულტურის განვითარების საქმეს საიმედო ძალები ჰყვანან.

გერონტი ქიქოძე შვენოდა საქართველოს, შვენოდა თბილისს. იგი მუდამ დაამშვენებს ქართული ლიტერატურის ისტორიას.

თუ სერთოდ ადამიანის პიროვნების, მისი ხასიათისა და ტემპერამენტის განმასხვავებელი ნიშანი შეიძლება მოიძებნოს რომელიმე ერთი ძლიერი გრძნობისა თუ ვნების სიჭარბეში, მაშინ გერონტის პიროვნების უპირველეს თვისებად შექველად სილამაზისა და სიმშვენიერის განსაკუთრებით გამახვილებული გრძნობა უნდა შივიჩნოთ. ეს წარმოსადეგი, შუბლმაღალი კაცი ყოველთვის მზად იყო მუხლი მოეყარა ბუნების ხელთუქმნელი თუ ადამიანის ხელთქმნილი სიმშვენიერის წინაშე. ამაში მეღაუნდებოდა არა მარტო მისი ნამდვილი პოეტური ბუნების სტიქია, არამედ მისი გააზრებული სულიერი მიდრეკილებაც, ადამიანური კონცეფციაც. სიმშვენიერეთა შორის კი უმაღლეს სიმშვენიერედ მას ადამიანის ზნეობრივი არსების უზადობა, ხოლო ზნეობრივი ენერჯიის პირველწყაროდ ბუნება და ბუნებასთან შრომითი ურთიერთობა მიაჩნდა. ამიტომაც უყვარდა უზომოდ ბუნება. ბუნებაში გასვლა მისი უდიდესი სიხარული იყო. ხელოვნებისა და ლიტერატურის ყოველი მნიშვნელოვანი ქმნილება მისთვის, უწინარეს ყოვლისა, ადამიანის ზნეობრივი ძალის შენივთებას და სასწაულებრივ გამჟღავნებას წარმოადგენდა.

კერძოდ. ქართული ლიტერატურისა და ქართული ხელოვნების ყოველ ძველსა თუ ახალ ძეგლებში იგი ქართველი ხალხის ზნეობრივი ენერჯის უმაღლეს გაცხადებას ხედავდა. მახსოვს, ბოლნისის სიონის კართან, რომლის თავზე შენახულია ცნობილი ისტორიული წარწერა. გერონტიმ თქვა: თლილი ლოდების ამ დიდებულ ანსამბლში ქართველი ხალხს შეუშუსრავი ზნეობრივი ძალაა ჩაბუღებულიო.

როგორც ვიცით, გერონტი ქიქოძეს არ ჰქონია სპეციალური შრომა ესთეტიკისა და მხატვრული შემოქმედების ზოგად თეორიულ პრობლემებზე. მაგრამ ყოველ მის წერილს, ნარკვევს, ისტორიულ-ლიტერატურულ შრომას და თუნდაც მის ბრწყინვალე თარგმანებსაც კი ყოველთვის რაღაც განსაკუთრებული პოეტური სილამაზისა და ხატიფობის ატმოსფეროში შევყავართ. ამ ატმოსფეროს ქმნის არა მარტო მისი უაღრესად ნათელი და გამქვირვალე სტილი, შესრულების შესანიშნავი ოსტატობა, არამედ მხატვრულ-ესთეტიკურ იდეათა საოცარი სიუხვეც, გონებრივი თვალსაწიერის დიდი სიფართოვე. გერონტის სტრიქონი, მისი ფრაზა, მისი აზრის მოძრაობა და მისი სიტყვის მადლი თითქმის ყოველთვის გაქეზებთ ეძიოთ რაღაც ახალი სილამაზე, ეზიაროთ ახალ ესთეტიკურ და ზნეობრივ იდეებს. განუზომლად დიდია გერონტი ქიქოძის როლი საქართველოში ესთეტიკური კულტურის დანერგვასა და ამღლებაში. ამ მხრივ მისი ლიტერატურული მემკვიდრეობა დიდხანს შეინარჩუნებს წყაროსთვალის სიანკარესა და სინედლეს.

გერონტი ქიქოძე დიდი შინაგანი თავისუფლების ადამიანი იყო. ორგანულად ეზიზღებოდა ყოველგვარი ტირანია ადამიანების მიმართ, მათ შორის ავტორიტეტების ერთგვარი ინტელექტუალური ტირანიაც. არასდროს ენთქმევიანებოდა გარეშე ძალებს, გარეშე მოვლენებს, რაგინდ გრანდიოზულნიც და თავბრუდამხვევნიც უნდა ყოფილიყვნენ ისინი. გერონტი ყველგან და ყველაფერში, ყოველი ფაქტისა და მოვლენის მიმართ მტკიცედ ინარჩუნებდა თავის ადამიანურ პოზიციებს, თავის დამოკიდებულებას. შემთხვევითი როდი იყო ის განსაკუთრებული სიმპათია და სიყვარული, რაც ალექსანდრე ყაზბეგის შემოქმედებისადმი ჰქონდა. მის სულს, ალბათ, ახლოს ეხმიანებოდა ამ შესანიშნავი მწერლის გმირების სულიერი რაინდობა, მათი ხასიათის მთლიანობა, მათი უანგარო ნდობა ნიაღვარივით მოვარდნილი გულისთქმისადმი.

გერონტი ქიქოძე უაღრესად თანამედროვე ტიპის ადამიანი იყო როგორც თავისი ინტელექტუალური შინაარსით, ისე ზნეობრივი და ჰუმანისტური იდეალებით.

მის მდიდარ ლიტერატურულ მემკვიდრეობასთან ერთად გერონტი ქიქოძის ნათელი პიროვნებაც, მისი პოეტური და რაინდული სულიც ქართველი ხალხის სულიერი ცხოვრების დიდ მატრიანეში შედის.

ჩვენს ახალგაზრდობას კი თამამად შეუძლია თავის სულიერ ბიოგრაფიაში ბევრი რამ გადმოიწეროს გერონტი ქიქოძისაგან.

1962

დაუპიწყარი სახელი

ერთ საუბარში გიორგი ლეონიძემ დიდი ქართველი მამულიშვილი უწოდა გერონტი ქიქოძეს. პოეტი ცამდე მართალი იყო, თუმცა, ვფიქრობ, თვითონ გერონტი არც დიდობისა და არც დიდების მოტრფიალე ადამიანი არ ყოფილა. უბრალოდ, ის იყო ნათელი, უმზაკვრო კაცი, ვისაც თავისი კარგი გულისა და მდიდარი პოეტური სულის ყველა კარი მუდამ ღია ჰქონდა სილამაზისა, სიმართლისა, სინათლისა და სიკეთისათვის. ალბათ თავისდა შეუმჩნევლად ავიდა იგი თავის კუთვნილ სიმაღლეზე. არსებობს უტყუარი მოწმობა იმისა, რომ გერონტი ქიქოძეს შეეძლო, პირადად დიდად ესარგებლა ერთი ფრიად დიდი ნაცნობობით, კეთილგანწყობილი და თითქმის ძეგობრობამდე მისული ნაცნობობით. მაგრამ მას ამ ნაცნობობით სარგებლობა გუნებაშიც კი არ გაუვლია.

გერონტი ქიქოძე ქართული კულტურის დიდ მოღვაწეთა კრებულს ეკუთვნის. მისი ლიტერატურული შემკვიდრეობაც დიდ ეროვნულ საგანძურში შედის.

გონებაგახსნილი და გემოვნებიანი ქართველი მკითხველი ყოველთვის გატაცებით დაეწაფება გერონტი ქიქოძის შესანიშნავ მონოგრაფიებს, ლიტერატურულ-ისტორიულსა და ფილოსოფიურ-ესთეტიკურ ნარკვევებს, საგულისხმო ლიტერატურულ პორტრეტებს. მწერლის მადლიანი კალამი ეხება კლასიკასაც და თანამედროვეობასაც, — საკმაოა თვალი მოვალოთ მის ვრცელ თემატიკურ არეს, რომ თვალწინ დაგვიდგეს დიდი ერუდიციისა და ფართო გონებრივი ჰორიზონტის მწერლის ნათელი სახე. გ. ქიქოძის თითქმის ყოველ ნაწარმოებში, უწინარეს ყოვლისა, ცხოვლად და მკვეთრად გრძნობთ დიდი ჰუმანისტურ-პროგრესული აზრისა და ღრმა ეროვნული გრძნობის ძალუმ ფეთქვას, მუშაობასა და მოძრაობას. ეს ნაწარმოებები მკითხველის ცნობიერებას ამდიდრებენ, აუხევენ და ამალევენ არა მარტო თავიანთი უშუალო შინაარსით, თავიანთი უშუალო მასალი-

თა და ინფორმაციის სიუხვით, არამედ ვრცელი ინტელექტუალურ-ემოციური განფენილობითაც, პოტენციური აზრობრივი დიაპაზონითაც.

ისტორიული გამოცდისა და კრიტიკული აზრის რა მკაცრ წნეხშიც უნდა გატარდეს, ვთქვათ, ეროვნული ენერჯისა თუ ეროვნული სუბსტანციის ის გაგება, რაც გერონტი ქიქოძის ნაწერებშია გამოხატული, იგი მაინც ყოველთვის ინარჩუნებს ძლიერ რაციონალურ ბირთვის ქეშმარიტების შემდგომი ნაყოფიერი ძიებისათვის. თვით გერონტი ქიქოძეც ხომ ქეშმარიტებისა და მშვენიერების დაუცხრომელი მაძიებელი იყო.

ნაფიქრის, ნაზრევის, განცდილისა და ნახულის გადმოცემის ის უბადლო ოსტატობა — სიზუსტე, სიცხადე, ბუნებრივობა, სილალე და სისადავე — რაც გერონტი ქიქოძეს ახასიათებს, ზოგჯერ სრულყოფილობის იდეალსაც კი უახლოვდება, სტილში მელავნდება პიროვნება. არავითარი ზიზილ-პიპილები, არავითარი ქყეტელა საღებავები. მას ჰირისდღესავით ეჯავრებოდა ყოველგვარი მანერულობა, ხელოვნური ლამაზსიტყვაობა, პრანქვა-გრეხა, სიტყვიერი ჯამბაზობა, მანერულობა სიცარიელის სამოსელიაო, — იტყოდა ხოლმე.

გერონტი ქიქოძე უაღრესად მოკრძალებული და თავმდაბალი ადამიანი, ზნეობრივად გაუბზარავი, თბილი და მიმზიდველი პიროვნება იყო. მას ორგანულად ეჯავრებოდა ყოველგვარი თვითგანდიდება, ყოყოჩობა და გაზვიადებული წარმოდგენა თავის თავზე.

არ შეიძლება, არ გავიხსენოთ მისი ერთი სარკაზმი—ერთი ნიშანი ზასიათისა, ერთხელ, ერთი ორატორის მოსმენის შემდეგ, ვის სიტყვაშიაც საკმაოდ დიდი დოზით იყო წარმოდგენილი თავის ქებაც, ყოყოჩობაც და გაზვიადებაც თავისი დამსახურებისა. გერონტი ღიმილით შემეკითხა:

— გურულო, შენ თუ იცი, რა არის მათხაქუნა?

— როგორ არა, — ვუპასუხე, — ჩემს სოფელში მათხაქუნას ხეზე მცოცავ პატარა ჩიტს ვეძახით. კოდალას მოდგმისაა.

— ჰოდა, — განაგრძო გერონტიმ, — აფრიკის დიდ ტყეებშიაც ყოფილა ერთი ჯიშის მათხაქუნა, წონით ათი გრამიც არ იქნება. მიაჯდება თურმე უზარმაზარ ხეს, ათი ვაჟაკი გაშლილ მკლავებს რომ ვერ შემოაწვდენს, დასცხებს, დასცხებს ერთი ციკქნა ნისკარტს და მერე უცბად სასწრაფოდ გადაცოცდება ხის მეორე მხარეზე და დახედავს, გავხვრიტე თუ არა ეს გოლიათიო... რა ვქნათ, ზოგიერთს მართლაც ჰგონია, რომ მათხაქუნას შეუძლია უზარმაზარი ხის გახვრეტა...

გერონტის უკომპრომისო სიმართლის გრძნობა ახასიათებდა.

შეიძლება ითქვას, რომ იგი საკუთარ წარმოდგენასაც არ შეიწყნარებდა, თუკი იოტისოდენა სიყალბეს შენიშნავდა. მას ყველაზე დიდ სიკეთედ ამქვეყნად თავისუფლება და ყველაზე დიდ ბედნიერებად ის გონებრივი, ზნეობრივი და ფიზიკური თვითგაუქეთესება მიაჩნდა, რასაც ადამიანი დიადი საზოგადოებრივი მიზნისათვის შრომასა და ბრძოლაში აღწევს. შემთხვევით რთლი ხიბლავდა მას იულიუს ფუჩიკის ზნეობრივი სტოიციზმი და უსაზღვრო ერთგულება თავისი სოციალური იდეალებისადმი. იგი ასე ახასიათებს ამ უბადლო მებრძოლს: „მის ნაწერებს გატაცებით კითხულობდნენ და წაიკითხავენ ყველგან, სადაც ადამიანის გული თავისუფლების სიყვარული-სათვის ძვრს. ესაა გამანადგურებელი საბრალმდებლო ოქმი ყოველივე ძალმომრეობის წინააღმდეგ. კიდევ უფრო დიდ მოკრძალებას იწვევს მისი პიროვნება... ეს იყო საოცრად ჰარმონიული პიროვნება, აქტიური პოლიტიკური მოღვაწე და მეოცნებე პოეტი, რევოლუციის რომანტიკოსი და ფხიზლად მოაზროვნე რეალისტი ერთსა და იმავე დროს... მას სიკვდილი არ მიაჩნდა უდიდეს უბედურებად; ის ამბობს, რომ ადამიანი არ პატარავდება იმის გამო, რომ თავს ჰკვეთენ, უდიდეს უბედურებად მას უღირსი საქციელის ჩადენა მიაჩნდა“.

ამ სტრიქონებში გამოხატული სულიერი სამყარო უეჭველად ახლოს ენათესავება თვით ამ სტრიქონების ავტორის სულიერ სამყაროს.

გერონტი ხშირად იხსენებდა ცნობილ ლათინურ აფორიზმს: „ადამიანი ვარ და არაფერი ადამიანური ჩემთვის უცხო არ არის.“ მართლაც, მას არც ერთი ადამიანური ვნება არ ეუცხოვებოდა, მაგრამ თავკერძობას, ადამიანებისადმი ბატონკაცურ დამოკიდებულებასა და ეგოცენტრიზმს მთელი არსებით ჰგმობდა. ამ მხრივ ფრიალ დამახასიათებელია მისი თუნდაც ერთი ფრაზა, რომელსაც გიორგი ქუჩიშვილის დასახასიათებლად ამბობს: „იგი იმ ვაჟკაცური და სულდიდი ადამიანების მოდგმას ეკუთვნის, რომელთაც თავიანთი სიკვდილი არ მიაჩნიათ სამყაროს კატასტროფად“.

აქაც არ შემიძლია, არ გავიხსენო გერონტის ერთი ადამიანური თვისება. ერთხელ მიაშობო, როგორ გაუცივდა გული სამუდამოდ ერთ ახლო მეგობარზე, ოღონდ მისი სახელი არ გაუმხელია:

— ერთ საღამოს დიდხანს ვისეირნეთ რუსთაველის პროსპექტზე. დიდხანს ვისაუბრეთ ლიტერატურაზე, ხელოვნებაზე, საქართველოზე, მოგვქვივდა. გადავწყვიტეთ რესტორან „ორიანტში“ შევსულიყავით. გვიანი იყო. დარბაზს უკვე ალაგებდნენ. ერთ მაგიდას მაინც მივუჭექით და ოფიციანტს ვთხოვეთ ვევახშმებინეთ. იგი შუახნის კაცი იყო. მან მთელი გულით მოინდომა ჩვენი პატივისცემა, —

რას გვაქმევ, ძმობილო? — შეეკითხა მას ჩემი თანამეინახე. — თქვენთვის, ბატონო, ყველაფერს გავაჩენთ, რასაც ინებებთ, — თქვა ოფიციალტმა და ნებით თუ უნებლიეთ ჩემს მეგობარს მხარზე ხელი შეახო. ეს იყო და ეს, ჩემმა თანამესუფრემ თვალები გადმოაკაკლა: — რა შენი ტოლი მნახე, შე მუტრუკო, და საშინელი მეზი დაატენა გაოგნებულ ოფიციალტს, გაშრა, გაფითრდა, დაირღვა საწყალი კაცი, აღარ იცოდა რა ექნა, ბოდიშის მოხდას შეეცადა, მაგრამ ვინ აცალა... შე კი მიწა გამხეთქოდა ის მერჩივნა, ვიდრე კაცის ასეთ დამცირებასა და გათელვას შევესწრებოდი. ენა მუტელში ჩამივარდა, აღარც მახსოვს, მერე რა ვქენით, როგორ მივლასლასდი ბინამდე. ის დღე იყო და ჩვენი შეგობრობა უთქმელად შეწყდა, მხოლოდ ცივად თუ დავექნევდით თავს ერთმანეთს. გონს რომ შოვედი. სიმართლე გითხრა, იმ ოფიციალტზე უფრო ჩემი ძმაცაყო დამენანა. ვთქვი, თავისთავად ადამიანი ისეთი დიდებული ფენომენია, რომ არსებითად პირწავარდნილი ეგოცენტრიზმი და ბატონკაცურობა საშინლად აკნინებს, აპატარავებს, პირუტყვს ამსგავსებს მას. ადამიანი მხოლოდ ადამიანის დაფასებითა და სიყვარულით იქცევა სრულფასოვან ადამიანად, მაღალ არსებად.

ვერ ვიტყვი, რომ გერონტის ნამბობის გადმოცემაში შევძელი მისი უბადლო სტილის დაცვა. მაგრამ ნამბობის შინაარსი ზუსტად მაქვს აქ მოტანილი.

თავის მოგონებებში — „განთიადიდან შუადღემდე“ — თავისი სულიერი მომწიფების ერთ აღრინდელ პერიოდს ასე ახასიათებს გერონტი ქიქოძე: „მე ვფიქრობდი, რომ დაკარგული დოგმატების სახაზღაურო აღმოვაჩინე ჩემი სამძობლოს აღორძინების იდეაში. მე არ ვახდენდი ქართველი ერის იდეალიზაციას: უკვე გამოსული ვიყავი იმ ასაკიდან, როდესაც შეყვარებულნი ნეტარი აღტაცებით შესტკერიან თავიანთი ტრფიალის საგანს. იმ ლაქებს, იმ მანკს, რომელნიც ქართველ ერს ჩავგვისა და მონობის საუკუნეებმა დაუტოვეს, მეც ვხედავდი ჩემში, მაგრამ დარწმუნებული ვიყავი, რომ ძველი იბერული და კოლხური ტომების ჩამომავლებს ჭანსალი ფესვები ჰქონდათ და ბებერი მუხის ტოტებს, მრავალჯერ გასხეპილთ მტრების მიერ, ახალი ნორჩი ყლორტების გამოღება შეეძლოთ“

ამ აღსარებაში მწერლის უმთავრესი ვულისნადებიც არის ნაგულისხმევი. სამშობლოს აღორძინების იდეა მას მთელი ცხოვრების გზას მიუნათებდა. ეს სინათლე ჩაუქრობელია.

წიგნი და ავტორი¹

(ფიქრები რუსთველოლოგიის საკითხებზე)

ისტორიის მეცნიერებასა თუ ლიტერატურის ისტორიაში არის საკითხები, პრობლემები, რომელთაც საკვანძო, პრინციპული და გადაწყვეტი, შეიძლება პირდაპირ ითქვას, სასიცოცხლო მნიშვნელობა ენიჭებათ, არა მარტო ამა თუ იმ ხალხის წარსულის შესწავლის, არამედ მისი კულტურის აწმყოსა და მომავლის განვითარების თვალსაზრისითაც. ასეთი საკითხები, ჩვეულებისამებრ, ლიტერატურიდან, წმინდა ფილოლოგიური სფეროდან გადაიზრდებიან ხოლმე დიდ ცხოვრებისეულ პრობლემებად და მათს გადაჭრაზე ბევრით არის დამოკიდებული ის, თუ როგორ უნდა აიგოს ხალხის ისტორიული და კულტურული განვითარების მთელი კონცეფცია. ქართული ლიტერატურისათვის ასეთი საკითხი იყო და არის „ვეფხისტყაოსნის“ ორიგინალობის საკითხი. ერთი შეხედვით, რა არის აქ ისეთი, რომ სპეციალისტი ფილოლოგის კაბინეტის კედლებს სცილდებოდეს, მთელი კულტურის განვითარების ბედზე გავლენას ახდენდეს და ამიტომ ესოდენ მღელვარე, დაუცხრომელი პაექრობისა და დავის საგნად იყოს ქცეული? მაგრამ საქმე ის არის, რომ მთელმა საუკუნეებმა, საქართველოს ისტორიის თავისებურებამ აქცია იგი საკვანძო საკითხად, მთავარი ძარღვისა, მთავარი არტერიის მოძებნად და დადგენად, ვინაიდან რა იყო საქართველოს ისტორია ასეული კი არა, ათასეული წლების მანძილზე, თუ არა ბრძოლა თვითმყოფლობისათვის, თავის გადარჩენისათვის, მზის ქვეშ თავისი ადგილის შენარჩუნებისათვის მარტო ირანის კი არა, მთელი აღმოსავლეთის მოწოდებისათვის თავის დასახსნელად ჯერ მაზდეანური და შემდეგ მუსლიმანური ირანის მიერ პოლიტიკური და კულტურული შთანთქმისაგან. საქართველოს ისტორიის აზრი და გამართლება ის არის, რომ ეს შთანთქმა არ მოხდა, არც პოლიტიკური და არც კულტურის ისტორიის აზრით. ეს ვერ მოახერხა ვერც აქემენიდური ირანის მსოფლიო

¹ წერილი დაწერილია გ. ნატროშვილის თანავტორობით.

იმპერიამ ორი ათას ხუთასი წლის წინათ, ვერც სასანიდების ირანმა ახალი წელთაღრიცხვის მე-3-7 საუკუნეებში, ვერც სეფიანთა ირანმა, მე-16-ე საუკუნის პირველი წლებიდან მე-18 საუკუნის დასაწყისამდე თავზარს რომ სცემდა ახლო აღმოსავლეთს, ვერც სეფიანთა შემდეგ აღზევებულმა ნადირ-შაჰმა აფშართა ყიზილბაშური ტომიდან, ვერც ყაჯართა დინასტიის დამწყებმა ალა-შაჰმად ხანმა, რომელმაც მართალია კრწანისის ბრძოლა მოიგო, მაგრამ წაავო ისტორიული ომი, ოცდახუთი საუკუნე რომ გრძელდებოდა.

„იბერები არ ემორჩილებოდნენ არც სპარსელებს, არც მიდიელებს და მაკედონელთა უღელიც აიცილეს“, — წერდა ბერძენთა დიდი ისტორიკოსი პლუტარქე ჩვენი წელთაღრიცხვის პირველ საუკუნეში; მომდევნო საუკუნეთა მემკვიდრეებს ეს სია თუ ჩამოთვლა შეეძლოთ შეევსოთ (და ასეც გააკეთეს) ბიზანტიელებით, არაბებით, მონგოლებით, თურქ-სელჯუკებითა და ოსმალებით... ბევრზე ბევრი მოსულა აქ. ბევრჯერ კარგა ხნითაც მოურთხამს ფეხი და დამკვიდრებულა, მაგრამ საბოლოოდ საქართველო მინც საქართველოდ დარჩენილა, ქართველს ისევე აუნთია თავისი ჩამქრალი კერა, ხელახლა აუგია დანგრეული ტაძარი, ხელახლა დაუწყია თავისი ისტორია...

საკითხი იმის თაობაზე, არის თუ არა „ვეფხისტყაოსანი“ „ამბავი სპარსული, ქართულად ნათარგმანები“, ჩვენს შეგნებაში უნებურად გადაწვევის ამბავთა და პრობლემათა იმ წრეს, რომელზეც ზემოთ ვლაპარაკობდით და ეს სავსებით ბუნებრივი და ლოგიკურია. აბა ჩაუფიქრდეთ: თუ მართლაც ყველაზე მაღალი და სრულყოფილი გამოვლენა ქართული სულისა, მისი გენიალური ქმნილება, აკაკის სიტყვით სახარების ადგილი რომ ექირა ძველ საქართველოში, ე. ი. მარტო პოეზია კი არა, რელიგიაცა და მორალური კოდექსიც იყო, თუ ეს წიგნი, თუნდაც ამბის, ფაბულის, სიუჟეტის სახით წამოღებულია ირანულიდან, მაშინ ჩვენი კულტურის ისტორიას აზრი კი არ ეკარგება, მაგრამ იმხელა ჩრდილი ადგება, ისეთ ბურუსში ეხვევა, რომ აქ ძნელი ხდება იმის გარკვევა, თუ სადღაა და რაშია ქართული კულტურის თვითმყოფობა. ხშირად უკვირთ ხოლმე: რატომ განვიცდით ასე მწვავედ ამ წმინდა ფილოლოგიურ პაექრობას, რა მოხდა, ბოლოს და ბოლოს, გერმანელები სულაც არ წუხან იმის გამო, რომ ინგლისელმა ქრისტეფორე მარლომ „ფაუსტი“ გოეთეზე ორი საუკუნით ადრე დაწერაო. მაგრამ ამის მთქმელი, ეტყობა, არ დაჰკვირვებია ისტორიის სპეციფიკურ კანონზომიერებას. „ფაუსტის“ ამბავი არაფერს არ ცვლის გერმანიის ლიტერატურის ისტორიაში, „ვეფხისტყაოსნის“ ფაბულის ვითომ სპარსულობა კი ყირაზე აყენებს ქართული ლიტერატურის ისტორიას. რატომ ხდება ეს?

იმიტომ რომ პოეტი ხალხის სულიერი წინამძღოლი იყო, და რუსთაველზე კარგად არავის უსწავლებია ქართველისათვის „სჯობს სიცოცხლესა ნაზრახსა“... ურუსთაველად გაუგებარი ხდება უთვალავ თაობათა შრომა, ღვაწლი, ბრძოლა, სისხლი, ტანჯვა და წამება ქვეყნის გადასარჩენად... „სჯობს სიცოცხლესა ნაზრახსა“... საქართველოს დედოფალმა ნესტან-დარეჯანმა საწამლავი დალია ატენის ციხეში, როცა ეს ციხე შაჰ-თამაზმა აიღო, რა ჩამოთვლის აქ რჯულისა და სამშობლოსათვის ყველა წამებულთა სახელებს, მთელი „ქართლის ცხოვრება“ არის უზარმაზარი მარტიროლოგი, მეტყველი საქვედრო-სასიცოცხლო ბრძოლაზე, რომ როგორმე გადაურჩეს საქართველო ოსმალურ-ყიზილბაშურ უღელს.

აქ ერთი აუცილებელი შენიშვნაა საჭირო: ცხადია, გაუვალი უფსკრულია ერთი მხრით დიდ ჰუმანისტებს (ფირდოუსი, საადი, ჰაფიზი) და მეორე მხრით, ირანელ დამპყრობელთა შორის სეფიანთა თუ ყაჯართა დინასტიიდან. ირანის დიდ კულტურასაც ისე როგორც ბერძნულს, ბევრი რამ მიუყვია საქართველოსათვის, მაგრამ ეს არ შეხებია იმ ფუძისეულს, იმ ნიშატსა თუ ღვრიტას, რომელიც ეროვნული კულტურის თვითმყოფობას განაპირობებს. ისე კი მსოფლიოში არ არსებობს ხალხი, მეზობლისაგან რომ არაფერი ესწავლოს. არც საქართველო აქ გამოინაკლისი არ შეიძლება იყოს, მაგრამ აქ ამაზე როდი ვლაპარაკობთ. აქ საქმე ეხება სასიცოცხლო ფესვებს, რომლებიც მუხას მუხისა აქვს, ხოლო ჰადარს — ჰადრისა.

ყოველივე ზემოთქმულის შემდეგ გასაგები ხდება ისტორიული მნიშვნელობა იმ ამბისა, რომ პავლე ინგოროყვამ თავის ახალ ნაშრომში „ვეფხისტყოსანის“ შესავალი და ბოლოთქმა“ (ტექსტოლოგიური ნარკვევი) დამაჯერებლად და საბოლოოდ დაამტკიცა, რომ სტროფი, რომელიც უკვდავი პოემის მიმართ საუკუნეთა მანძილზე ბევრ ცდომილ აზრსა და გაუგებრობას ბადებდა, ეკუთვნის არა რუსთაველს, არამედ ყალბისქმნელს; იგულისხმება სტროფი „ესე ამბავი სპარსული“... „ეს სტროფი, — წერს მკვლევარი, — არ ყოფილა არქეტაში, საიდანაც მომდინარეობენ მთელი რიგი ხელნაწერები: IV—I, V—OΓKJ, VI—ა. უფრო გვიან, როდესაც ეს სტროფი შეუტანიათ არქეტაში ხელნაწერისა VI—I, იგი ჩაუწერიათ არა „ვეფხისტყოსანის“ შესავალში („ამბავისა დასაწყისი პირველი“), არამედ სრულიად უადგილოდ მოუთავსებიათ თვით პოემის ტექსტში (კარში: „ამბავი პირველი როსტევან არაბთა მეფისა“).

ხელნაწერთა ამ ჩვენების შემდეგ მკვლევარი დაწვრილებით განიხილავს სტროფის პოეტიკას და ლექსიკას, დამაჯერებელი ლოგიკური ვარაუდებით ადგენს ამ სტროფის კავშირს სხვა ყალბ სტროფებთან და ცხადყოფს პოემისათვის მის ხორცმეტულ ხასიათს.

პავლე ინგოროყვამ ნათელყო ამ სტროფის სიყალბე და აქედან ლოგიკური დასკვნაც გააკეთა — ამოიღო ეს სტროფი პოემის ტექსტიდან. ამრიგად, დღეს ჩვენ პირველად ხელთ გვაქვს „ვეფხისტყაოსნის“ გამოცემა, რომელიც თავისუფალია ინტერპოლატორთა ნაყალბევისაგან.

ეს არის ქართული საბჭოთა ფილოლოგიის საგულისხმო წარმატება.

უკვე ნახევარ საუკუნეზე მეტია, რაც პავლე ინგოროყვა დაუღალავად და შეუღწელებელი გულისყურით სწავლობს, იკვლევს და აშუქებს ქართული კულტურის, ქართული ლიტერატურის ისტორიის, კერძოდ კი რუსთველოლოგიის არსებით საკითხებს. თავის ამ დაუცხრომელ ძიებაში იგი, რასაკვირველია, არ ეკრძალება ზოგიერთი თავისი ადრინდელი დასკვნის გადაღახვასაც კი და დიდი შინაგანი შემართებით იპრება საკვლევნი საკითხებისა და მოვლენების ახალ-ახალ სფეროებში. მკვლევარი პარდაპირ იწვის საქართველოსათვის, იწვის რუსთაველისათვის. და მხოლოდ სექპტიკოსებს თუ შეუძლიათ კეროვნად არ შეაფასონ მგზნებარე მკვლევარის ფრიადი ღვაწლი.

პავლე ინგოროყვას შრომებში ვერ იპოვნით ცივი კალმის ნაკვალევს. მისთვის უცხოა, თუ შეიძლება ასე ითქვას, ყოველგვარი აკადემიური გულცივობა. იგი ყოველთვის ისწრაფვის საქმეში ჩააბას მკითხველის არა მარტო ანალიტიკური გონება, არამედ მისი მოქალაქეობრივი ფიქრებიც, პატრიოტული გრძნობებიც... ეს კი ჩვენი აზრით, უეჭველად ღირსებაა და ოდნავაც არ ვნებს ქეშმარიტების საქმეს.

მკვლევარს ახასიათებს გულმხურვალე შემოქმედებითი დამოკიდებულება მასალისადმი, გაბედული კიდილი მასალასთან. და ეს არის აუცილებელი თვისება არა მარტო ხელოვანისა, არამედ მეცნიერისაც.

რასაკვირველია, ფაქტი (საბუთი, ცნობა), როგორც იტყვიან ხოლმე ერთობ ჭიუტი რამ არის. მას ვერსად გაექცევით, იგი ქეშმარიტების საშენი მასალაა. მაგრამ ის, ვინც ფაქტის (საბუთისა თუ ცნობის) გულგრილი, პასიური ამთვისებელი ანუ ყურმოჭრილი მონა ხდება, ქეშმარიტების ძიების ისეთსავე მარცხიან გზას ადგება, როგორც ის, ვინც ფაქტს გვერდს უქცევს ან ამახინჯებს და აყალბებს მას. თავისთავად აღებულები, საერთო კავშირებიდან და პროცესებიდან გამოთიშული ფაქტი (საბუთი, ცნობა) ერთობ უძრავი და შეზღუდული რამ არის. ნამდვილი სიმართლე მოვლენისა თუ საგნისა კი ამ უძრავობასა და შეზღუდულობაში როდია, არამედ იმ

რთულ და ცოცხალ კავშირშია, რასაც ფაქტების ერთობლივობა ქმნის. ეს ცოცხალი კავშირი კი განსაკვერტი და მისაკვლევია. იგი ზედაპირული და ხელშეშახები არ არის.

ისტორიული ფაქტებისა და საბუთების, ცნობებისა და ჩვენებების რთულ ხლართებსა და კავშირებში გარკვევისათვის, რასაკვირველია, არ კმარა მარტო მათი ცოდნა, ამისათვის საჭიროა შემოქმედებითი განჭვრეტის უნარი, ცხოველმყოფელი სულიერი ალლო და თუ გნებავთ, ერთობ ცხოველმყოფელი ფანტაზიაც. საერთოდ აღიარებულია და ვგონებ, დღესაც არავინ უარყოფს, რომ ალლო და ფანტაზია საჭიროა თვით უაღრესად ზუსტ მეცნიერებაშიც კი, ვფიქრობთ, მკვლევარს, ვისაც ეშინია გასცდეს თვალდანახულისა და ხელშეშახების საზღვრებს, დიდი არაფერი მოჰყვება ხელში, ყოველ შემთხვევაში, ამოხსნისა და აღმოჩენის სიხარულს იგი ძნელად თუ ეზიარება.

პავლე ინგოროყვას კი ვრცელი ისტორიულ-ლიტერატურული მასალის საფუძვლიან ცოდნასთან ერთად ამოხსნისა და აღმოჩენის ერთობ მძაფრი გზნება აქვს.

აი, ახლა ქართველ მკითხველს განზრახული ორი წიგნიდან ხელთ აქვს პირველი წიგნი — პავლე ინგოროყვას მიერ კრიტიკულად დადგენილი ტექსტი ჩვენი უდიადესი ეროვნული საუნჯის — „ვეფხისტყაოსნისა“, რომელსაც თან ერთვის ისტორიულ-ლიტერატურული გამოკვლევა-მონოგრაფია „შოთა რუსთაველი“ და ტექსტოლოგიური ნარკვევი — „ვეფხისტყაოსნის შესავალი და ბოლოთქმა“.

წიგნი უქველად ფრიად მნიშვნელოვანი და საგულისხმო მოვლენაა მთელ ჩვენს ლიტერატურულ ცხოვრებაში. შეიძლება ითქვას, რომ იგი ერთგვარად აჯამებს და აგვირგვინებს თვით პავლე ინგოროყვას თითქმის სამოცწლიან დაძაბულ ნაშრომს, ნაღვაწს, ნაზრეკს რუსთველოლოგიაში, ამიტომაც ალბათ ყველაზე მართებული იქნება ეს წიგნი გავიზროთ პავლე ინგოროყვას ყველა სხვა შრომასთან კავშირსა და მთლიანობაში.

მსგავსად იმისა, როგორც ხელოვანი ხუროთმოძღვარი სხვადასხვა საშენი მასალისაგან ცდილობს ააგოს დიდებული შენობა, ჩვენი მკვლევარიც მრავალი ისტორიულ-ლიტერატურული მასალისაგან ცდილობს აღადგინოს და წარმოგვისახოს არა მარტო შოთა რუსთაველის ბიოგრაფია, არამედ შოთასდროინდელი და მისი წინარე საუკუნეების საქართველოს საზოგადოებრივ-კულტურული ცხოვრების ისტორია... და თუ თავის მთლიანობაში ხუროთმოძღვრის ქმნილება გვაჭერებს და გვაღელვებს, გვმართებს ნაწილს მთელი არ დავაჩრდილვინოთ იმის გამო, რომ შენობის ზოგიერთი ცალკეული ნაკვ-

თისა და პროპორციის გადაწყვეტაში, შესაძლოა, ვერ დავეთანხმობთ ხელოვანს, ასევე, შესაძლებელია, ზოგიერთ წერილმანში არ დავეთანხმობთ მკვლევარს, მაგრამ მის მიერ წარმოდგენილი ისტორიულ-ლიტერატურული კონცეფცია თავის მთლიანობაში დასაბუთებული და დამაჯერებელია.

ჩვენს წინაშეა დიდი ისტორიული სიმართლე.

პირველ ყოვლისა, ეს არის მტკიცება იმისა, რომ საქართველო ძველი კულტურის ქვეყანაა, შემაჯავლი ევროპის კულტურულ წრეში, რომელმაც ჯერ კიდევ ადრევე დასავლეთის ტრადიციებთან ერთად შეითვისა აგრეთვე აღმოსავლეთის ტრადიციებიც; „ხოლო მე-12 — 13 საუკუნეთა საზღვარზე, თამარის ეპოქაში, საქართველო წარმოდგენს ევროპის ცივილიზაციის დიდ სახელმწიფოს ახლო აღმოსავლეთის მიჯნაზე. საქართველომ დაიჭირა ბიზანტიის ადგილი“ (გვ. 17) ...და მართლაც, მდიდარი საზოგადოებრივ-კულტურული ნიადაგისა და დიდი ისტორიული შემზადების გარეშე შეუძლებელია წარმოდგინოთ მხატვრულ-ფილოსოფიური აზრის ისეთი ამწვერვალეობა, როგორც არის „ვეფხისტყაოსანი“. ავიღოთ ამ ქმნილების თუნდაც მარტო ენობრივი ფენომენი. ცნობილია, რომ „ვეფხისტყაოსანში“ უმდიდრესი და უბრწყინვალესი ქართულით არის გამოთქმული მისი დროის გარესამყაროს ყველა ვითარება, კაცობრიული აზრის, გრძნობისა თუ ვნების ყველა შესაძლებელი მიმოხვრა, ყველა შესაძლებელი ნიუანსი. ამ დროისათვის ქართულ ენას გამოვლილი აქვს განვითარების დიდი გზა, იგი უაღრესად განვითარებული და დახვეწილი საურთიერთობო საშუალებაა, ერთობ განვითარებული აზრის სინამდვილეა. ასეთი სიმდიდრისათვის კი ენას არ შეეძლო მიეღწია, რომ მას გამოვლილი არ ჰქონოდა ხალხის ცხოვრების საკმაოდ რთული ფორმები — სიტყვამბადი საკომუნიკაციო ვითარებანი, კავშირები და ურთიერთობანი. ექვი არ არის, რომ რუსთაველის ენაში დაგროვილი და დაკვერილი იყო ამ ენაზე მოლაპარაკე ხალხის ისტორიულ-საზოგადოებრივი ცხოვრების დიდი გამოცდილება.

მაგრამ განა მარტო ენა გვიმოწმებს ამას?

პაველ ინგოროყვას თხზულებებს, მათ შორის მის რუსთაველოლოგიურ შრომებს, დაბეჭითებით შევყავართ დიდ ისტორიულ-ლიტერატურულ სამყაროში. აქ კი თითქოს ყველაფერი ცოცხლობს, ყველაფერი სუნთქავს. ხალხის ისტორიის ყოველი ნაკვთი განცდილი და ათვისებულია ცოცხალ უჯრედად, რომლის ერთი ძარღვის ფეთქვაც კი მთელ ეროვნულ ორგანიზმს გადაეცემა.

მონოგრაფია „შოთა რუსთაველი“ ასაბუთებს და ცხადყოფს, რომ კაცობრიობის მხატვრული აზრის ერთ-ერთი უბრწყინვალესი ქმნი-

ლება—„ვეფხისტყაოსანი“ მთლიანად და განუყოფლად ამოზიდული და აღმოცენებულაა ქართულ ეროვნულ ნიადაგზე და რომ მისი გენიალური ავტორი არის ქართველი ხალხის ხორცი ხორცთაგანი, სისხლი სისხლთაგანი, სული სულთაგანი.

ეს არის, ასე ვთქვათ, მთავარი მეცნიერული დასკვნა, რომლის წინაშეც ყველა დანარჩენი უეჭველად ფერმკრთალდება.

როგორც ცნობილია, წინააღმდეგ ამ დასკვნისა, „ვეფხისტყაოსნისა“ და მისი ავტორის მიმართ არა ერთი და ორი შემცდარი აზრი გამოთქმულა, მათ შორის აზრი პოემის სიუჟეტის თუ ფაბულის უცხოური წარმომავლობის შესახებ. და ეს იმ დროს, როდესაც თვით რუსთაველის ეპოქის საქართველოს სინამდვილე — თამარის გამეფებისა და მასთან დაკავშირებული ისტორიული მოვლენების სახით — ამ ფაბულის ყველაზე რეალურ და ხელშესახებ წყაროს შეიცავდა.

თავის მონოგრაფიაში პავლე ინგოროყვას კარგად აქვს ამოშიფრული პოემის ფაბულაც და პოემის სულიც თვით ეპოქის მოვლენებსა და საერთო სულიერ ატმოსფეროში.

მონოგრაფიაში ფრიად საგულდისხმო ისტორიულ-ლიტერატურულ შიშობილვასთან ერთად დიდი ადგილი აქვს დათმობილი რუსთაველის ვინაობის ანოცნობისა და მისი ბიოგრაფიის საკითხებს. როგორც ვიცით, დაახლოებით ამ ორმოცდაათი წლის წინათ პავლე ინგოროყვას პირველი რუსთველოლოგიური შრომის — „რუსთაველიანას“ გამოქვეყნებამ დიდი ყურადღება მიიქცია და აზრთა ცხოველი ამოძრავება გამოიწვია არა მარტო სპეციალისტთა შორის, არამედ მკითხველთა ფართო წრეებშიც. მას შემდეგ პავლე ინგოროყვას მონაკვლევე ცოცხლობდა და ცოცხლობს როგორც დიდად მნიშვნელოვანი მოვლენა რუსთველოლოგიაში, ცოცხლობდა თუნდაც იმითაც კი, რომ წლების მანძილზე მის მიმართ გამოითქვა არა ერთი და ორი როგორც დადებითი ისე კრიტიკული მოსაზრება, არსებითად იგი ზოგიერთთა ახალი შრომების საბაზიც კი გახდა. ამრიგად, თუნდაც მარტო მათ მიერ აღძრული საკითხებისა და მოსაზრებების კვლობაზე პავლე ინგოროყვას შრომებს რუსთველოლოგიური კვლევა არსებითად ახალ დიდ წრეზე გაჰყავდა, თანაც ეს შრომები „ვეფხისტყაოსნის“ შექმნის თარიღისა და მისი ავტორის ბიოგრაფიის თითქმის ყველაზე ვრცელ პოზიტიურ მასალასა და დასკვნებს შეიცავდნენ. და თუ ყოველი მეცნიერული კვლევის საბოლოო მიზანი სწორედ საკვლევი საგნის რაობის დადგენა ანუ პოზიტიური შედეგია, მაშინ საგნის რაობის არათუ ამომწურავი დადგენა, არამედ ამ მხრივ ყოველი ჭერიოზული ცდაც კი ჭეშმარიტებისაკენ მიმავალ უკვალ და ძნელ გზაზე მისასაღმებელია.

რასაკვირველია, ამა თუ იმ პოზიტიური დასკვნის მიმართ შეიძლება წამოვაცუნოთ და განვაფიქროთ უარყოფელი მოსაზრება, მაგრამ მხოლოდ ნეგატიური მსჯელობით დიდს ვერაფერს მოვიპოვებთ, თუ თვით საგნის არსებითი შინაარსის აღმოჩენის გაბედულება არ გამოვიჩინეთ. დაე ამ გაბედულების თუნდაც ერთი წილი გამართლდეს!

როგორც ვთქვით, სწორედ საგნის არსებითი შინაარსისაკენ სწრაფვის ძლიერი გზნებით არის აღბეჭდილი პავლე ინგოროყვას ისტორიულ-ლიტერატურული გამოკვლევები.

რუსთველოლოგია ვითარდება და წინ მიიწევს. ბევრი ლიტერატორი, ბევრი მეცნიერი ეჭიდებოდა და ეჭიდება მის პრობლემებს. ვინმესთვის მონოპოლიური უფლების მინიჭება ამ დარგში შეუძლებელიც არის და დიდად მავნებელიც იქნებოდა.

უეჭველად დიდი და მნიშვნელოვანია პავლე ინგოროყვას ღვაწლი იმ წარმატებებში, რაც დღეს რუსთველოლოგიას აქვს. ათეული წლების მანძილზე მკვლევარი უდიდესი თავგამეტებითა და ერთგულებით დასტრიალებს თავს რუსთაველის თემას მის ახლო თუ შორეულ მისაღდომებზე, ვამბობთ, ახლო თუ შორეულ მისაღდომებზე, რადგან, ვფიქრობთ, ეს თემა ამ ცნების ფართო ეროვნულ ისტორიულ-ლიტერატურული გაგებით — მკვლევარის მთელი მოღვაწეობის მთავარ შინაარსს შეადგენდა და შეადგენს; ყველა მისი შრომა პირდაპირ თუ არაპირდაპირ ამ თემის რკალში შედიოდა და მისი ნამდვილი გასაღების ძიებას წარმოადგენდა. სწორედ ამ შრომების ბაზაზეა შექმნილი მონოგრაფია „შოთა რუსთაველი“, რომელიც დართული აქვს „ვეფხისტყაოსნის“ ახალ გამოცემას.

რაა მთავარი ამ ნაშრომში?

მას, მსგავსად დიდი საოკეანო გემისა, აქვს თავისი წყალზედა ნაწილიც და წყალქვეშა ნაწილიც. თავისი ზედაპირი და თავისი სიღრმე.

აქ, უწინარეს ყოვლისა, თვალში საცემია რუსთაველის ვინაობის, მისი ბიოგრაფიისა და მისი მსოფლმხედველობის გარკვევის გულმოდგინე ცდა. მართლაც, მთელი წარმოდგენილი მასალა ამ საკითხების გაშუქებისაკენ არის მიმართული. მკვლევარი ვრცელი ისტორიულ-ლიტერატურული საბუთებისა და წყაროების მოშველიებით არკვევს რუსთაველის ვინაობას, იძლევა მის ისეთ ვრცელ და მწყობრ ბიოგრაფიას, როგორც დღემდე არავის წარმოუდგენია... მაგრამ მთავარი აქ ცალკეული ბიოგრაფიული დეტალების სიზუსტე თუ სისწორე როდია, არამედ იმის დამაჯერებელი მტკიცება, რომ გენიოსი პოეტი იმავე დროს იყო თავისი ეპოქის უდიდესი სახელ-

მწიფო მოღვაწე, სამშობლო ქვეყნისათვის თავდადებული ადამიანი, ერის სულიერი მამა. მონოგრაფიაში ჩვენ ვხედავთ და განვიცდით ასეთ რუსთაველს; მის სიღრმეში კი ვგრძნობთ და ვიჭერებთ იმ დიდ ნიადაგს. იმ ისტორიულ გარემოს. იმ ძალებს, რომელთაც შეეძლოთ წარმოეშვათ დიდი ეროვნული გენია და ჩვენი ხალხი ტოლფასოვან წევრად შეეყვანათ ცივილიზებული კაცობრიობის დიდ წრეში. აი სწორედ ჩვენი ხალხის ამ დიდი ისტორიული ცხოვრებისა და ნიადაგის ჩვენებას ისახავს მიზნად პავლე ინგოროყვას გამოკვლევები. ამაშია მათი მთავარი პათოსი.

რასაკვირველია, „ვეფხისტყაოსანი“ რომ ერთბაშად ციდან არ შეიძლებოდა ჩამოვარდნილიყო, რომ იგი ხალხის დიდი სოციალურ-ისტორიული გამოცდილების, მისი დაძაბული სულიერი ცხოვრებისა და სულიერი ენერჯის უდიდესი აკუმულაციაა, — ეს ცხადი ხდება ყველასათვის, ვინც კი ამ დიდებული ქმნილების სულს ეზიარება. ჩვენ უფლება გვაქვს ვთქვათ ყველა მტერმოყვარის გასაგონად, რომ ხალხს, ვინც ნიადაგი მოუშადა „ვეფხისტყაოსანს“, არ შეიძლებოდა, არ ეცხოვრა დიდი თვითმყოფი ისტორიული ცხოვრებით, რომ ის, ვინაც ეს ნაწარმოები შექმნა, არ შეიძლებოდა სისხლხორცეულად არ ყოფილიყო დაკავშირებული ამ ცხოვრებასთან და არ ყოფილიყო გამომატველი თავისი ხალხის უკეთესი თვისებებისა და იდეალებისა.

აი ამ აზრების, ამ ფიქრების მტკიცე რეალურ საყრდენებსა და საფუძვლებს ვპოულობთ ჩვენ პავლე ინგოროყვას გამოკვლევებში. და ეს გვახარებს ჩვენ, გვახარებს, რადგან არა გვსურს, ვეკუთვნოდეთ იმ ჭიშის სულდგმულთ, რომელთაც თავისი მოდგმა და ნათესაობა არ ახსოვთ.

პავლე ინგოროყვასადმი მიძღვნილ თავის ლექსში პაოლო იაშვილი ამბობდა: „და გულში გივლის მტკივან ალივით შენ რუსთაველის მერიდიანი!“ და მართლაც, არ შეიძლება განსაკუთრებით არ აღინიშნოს მკვლევარის ერთობ მახვილი გრძნობა პოეზიისა, მისი ერთობ მახვილი სმენა პოეზიის მიმართ, ვგულისხმობთ პოეტური სიტყვის არა მარტო ტექნიკური კომპონენტების ღრმა ცოდნას, არამედ პოეზიის არსის, პოეტური ფენომენის წვდომის უნარს. ხოლო ეს თვისება, ჩვენი აზრით, უეჭველად სავალდებულოა ყველასათვის, ვინც კი ხელს ჰკიდებს პოეტური ქმნილების გამოკვლევას, მით უმეტეს ისეთი დიდებული და უბადლო ქმნილებისა, როგორც — „ვეფხისტყაოსანი“.

თამაშად შეიძლება ითქვას, რომ „ვეფხისტყაოსნის“ პოეტურ არსში ჩაწვდომისა და მისი შინაგანი მუსიკის ათვისების მხრივ პავლე

ინგოროყვას გარდა მათი პირდაპირი ამოცანების გადაწყვეტისა; მნიშვნელოვანი წვლილი შექმონდათ და შეაქვეთ საერთო ჩვენი მხატვრულ-ესთეტიკური კულტურის ამალგებაშიც.

ტექსტოლოგიური ნარკვევი „ვეფხისტყაოსნის შესავალი და ბოლოთქმა“ ბევრ გონებამახვილურ და გაბედულ დაკვირვებასა და მიგნებას შეიცავს: (გაადევნეთ თვალი თუნდაც ერთი სარითმომ სიტყვის დადგენას: „საკამათებლად“, „მოსახმარებლად“, „საქებაჩაგებლად“).

აი, კიდევ ერთი მაგალითი. მკვლევარი „ვეფხისტყაოსნის“ მსოფლმხედველობის დიამეტრალურად საწინააღმდეგო იდეებს პოულობს „მიჯნურობის კარის“ მის მიერ ჩანართად მიჩნეულ სამ სტროფში, კერძოდ სტროფში:

მას ერთსა მიჯნურობასა კვიანნი ვერ მიხვდებიან,
ენა დაშვრების. მსმენლისა ყურნიცა დავალდებიან;
ვთქვენ ხელობანი ქვენანი, რომელი ხორცთა ხვდებიან.
მართ მასვე ბაძვენ, თუ ოდეს არ სიძვენ, შორით ბნდებიან.

მიუხედავად იმისა, რომ ზოგნი ამ სტროფში რაღაც განსაკუთრებულ ღრმა შინაარსს პოულობენ და მას შოთას ფილოსოფიური მსოფლმხედველობის საქვაკუთხედო დებულებადაც კი მიიჩნევენ, მკვლევარის მიერ ამ სტროფის უკუგდება სამართლიანად და დასაბუთებულად მიგვაჩნია.

ჯერ ერთი, ჩვენი აზრით, უეჭველად მცდარი და არამართებულა, როდესაც „ვეფხისტყაოსნის“ ცალკეულ სტროფებში ეძებენ ამა თუ იმ ფილოსოფიური დებულების ან რომელიმე რელიგიური დოგმის გალექსებასა თუ ილუსტრაციას. ხელოვნების როგორც ყოველი დიდი და ჭეშმარიტი ქმნილება, „ვეფხისტყაოსანიც“ ისეთივე მნათობია, რომელიც ანათებს საკუთარი და არა ნასესხები სხივით. პოემა მთლიანადაც და მისი ცალკეული ნაწილებიც თვითონ არის სამყაროს თავისთავადი პოეტურ-ფილოსოფიური აღქმა და არა რომელიმე წინასწარ აღებული ფილოსოფიური თუ რელიგიური მოძღვრების ლექსად გამოხატვა თუ გადამღერება (უნდა შევნიშნოთ: ამ თვალსაზრისით ექვს იწვევს თვით ჩვენი მკვლევარის პარალელიც რუსთაველის სტროფისა ემპედოკლესთან).

ვიმეორებთ, უკუგდება სტროფისა „მას ერთსა მიჯნურობასა...“ სავსებით მართებულია. არ ძვიძლება ამ სტროფში ამოვიკითხოო სხვა რამ გარდა იმისა, რაც მასში პირდაპირ მოჩანს. პირდაპირ კი მოჩანს ხორციელი შორიდან ბნედიტი ბაძვა სიძვისა... ასეთი რამ კი რუსთაველს არ შეეძლო მიჯნურობის კარისათვის მიეკუთვნებინა. უეჭველად დამაჯერებელია როგორც საბუთიანობის, ისე მაღალა

პოეზიის თვალსაზრისით, მკვლევარის დასკვნა, რომ ესა და სხვა ამ-
დაგვარი სტროფები რუსთაველისადმი მტრულად განწყობილი იმ
ყალბისმქმნელების ნახელავია, რომელთაც სურდათ „შიგნიდან“ გა-
ეტეხათ და გაეშავებინათ თავისი დროის ღრმა ჰუმანისტური და თა-
ვისუფალი მოაზროვნეობის სულისკვეთებით გამსჭვალული გენია-
ლური პოემა.

პაეღე ინგოროყვას ახალი წიგნი ფრიად საგულისხმო წინგადად-
გმული ნაბიჯია „ფეფხისტყაოსნის“ კვლევის საქმეში. ეს, რასაკვირ-
ველია, იმას არ ნიშნავს, რომ მკვლევარის ტექსტოლოგიურ დასკვ-
ნებში არაფერი იყოს პრობლემატური და საკამათო. მით უმეტეს იმ
შემთხვევებში, როდესაც საქმე ეხება ფართოდ გავრცელებულ და
ქართველი მკითხველის შემეცნებაში დიდი ხანია ფეხმოკიდებულ
და მტკიცედ შთანერგილ სტროფებს, ზოგჯერ აფორიზმებსაც კი.
მაგრამ მკვლევარის დაკვირვებები და დასკვნები თვით ასეთი სტრო-
ფების მიმართაც კი, მიუხედავად მათი პრობლემატურობისა, ფრიად
ნაყოფიერია კვლევიითი აზრის გაცხოველების თვალსაზრისით.

ხასიათები და გარემოებანი

მინდა, სიტყვა ჩამოვაგდო თანამედროვე ქართული პროზას რამდენიმე ნიმუშზე, უკეთ ვთქვათ, იმ საკითხებზე, რომელთა საბაბს ისინი იძლევიან. მაგრამ სიტყვის დასაწყისში საჭიროდ მიმაჩნია გავიხსენო ერთი. პატარა, მაგრამ საგულისხმო პოეტური გაპაექრება, რომელიც დაიწყო და დამთავრდა „ლიტერატურული გაზეთის“ 1959 წლის ორი ნომრის (15 და 16) ფურცლებზე. კონსტანტინე ჭინაძემ შემდეგი ლექსით მიმართა კონსტანტინე გამსახურდიას:

ლექსს ნუ აიგდებ, მეგობარო, ეგრე აპუჩად!
ის კაცთა მოდგმის ნუგეში და სიხარულია,
უხსოვარ დროში დაეიწყებას რაც კი ვაღდერჩა,
სულ მის წიაღში ჩამჯდარი და შეხიზნულია.
მასში სიკეთემ თესლი თვისი გულუხვად სთესა,
ის ბოროტებას წინ ხედებოდა, როგორც საშანი;
შერთვია ბევრი ალტაცება, ცრემლი და კენესა,
გადააფენია ვარდები და იასამანი.
აჩქარებია მისი კითხვით რამდენ გულს ძგერა,
რამდენი სული აფხნებულა გაოცებული,
მოკლილთა საქმე არ გეგონოს ლექსების წერა,
არა, არასდროს არ ჩაქრება მისი სანთელი!
რა ეუყოთ, ბევრი გარეშე თუ შემოესია,
არ საწამებელს ნუ იწამებ და პოეზიად
ნუ მიგაჩნია შენ სიტყვების კორიანტელი.

კ. გამსახურდიამ ლექსითვე უპასუხა:

არ მესმის რად ეძალეობი
ღია კარების დიღირეთა,
შე ვგულისხმობდი ნიადაგ
ხოცვას ნადირთა მცირეთა...
ნუ ნაღვლობ, ჭერ კიდევ ვარჩევ
ნაძვისგან მელაკუდასა,
თუ ღვინო გამოლეთულა
ამაოდ ბერავთ გუდასა.
არც ამრეგია არასდროს

თავთუხი და ტყის ავშანი,
მხოლოდ ზეალმტაც იღვას
ამშვენებს რითმის ჭავშანი.
ვისაც ენებოს, გამკიცხოს.
მე ახლაც ასე მგონია,
ჩვენ პოეზიად ვერ ჩავთვლით.
გართმულ კაკოფონიას.

როგორც ვხედავთ, უთანხმოება არც ისე ღრმა და მწვავეა. ორივე მხარე არსებითად ლექსის მაღალი ხარისხისათვის იღვწის. მაგრამ ამ გაპაექრებაში არის რაღაც ობიექტური კანონზომიერებაც და ყურადსაღები ობიექტური აზრიც.

ვგონებ, არ შევცდები, თუ ვიტყვი, რომ დღეს ჩვენში ლექსის მეტისმეტად „ქარბი წარმოება“ და არც „სიტყვების კორიანტელი“, არც გართმული კაკოფონია სანთლით საქებარი არა გვაქვს. ამიტომ ამ დარგში საკმაოდ თვალნათლივ არის შესული ძალაში „ოღეს ტურფა გაიფდეს“.. ამით, რასაკვირველია, იმის თქმა არ გვინდა, რომ ლექსი, როგორც პოეტური ფორმა, რაიმე შინაგან კრიზისს განიცდიდეს (თანაც ლაპარაკია ლექსზე და არა საერთოდ პოეზიაზე. რაც მართო ლექსის კუთვნილება არასდროს არ ყოფილა); მაგრამ ფაქტის წინაშე თვალს დავხუჭავდით და სიმართლეს გვერდს ავუქცევდით, თუ მხედველობაში არ მივიღებდით ლექსის მნიშვნელობის ისტორიულ ევოლუციას, მისი საზღვრების გადანაცვლებასა და მიწევ-მოწევას. „ვეფხისტყაოსანი“ მთელი საუკუნეების მანძილზე ეწეოდა ჩვენი ეროვნული ლიტერატურის დიდ ჰაპანს. გურამიშვილის „დავითიანისა“ და მით უმეტეს ბარათაშვილის „მერანსა“ და „ბედი ქართლისას“ შეეძლოთ შესკიდებოდნენ ამ ჰაპანს. ისინი არსებითად სინთეზურ ფორმებს წარმოადგენდნენ და ეროვნული ინტელექტუალური ცხოვრების თითქმის მთელ სფეროს მოიცავდნენ, რომანის ფუნქციასაც ითავსებდნენ. აკაკის, ილიას, ვაჟას ლექსი ჭერ კიდევ ინარჩუნებდა სინთეზურ ხასიათს. მაგრამ განვითარებამ ალბათ ფორმათა დანაწევრება მოითხოვა და იმ დროიდან, რა დროიდანაც პროზა, ასე ვთქვათ, თავის სრულ უფლებებში შევიდა. ეროვნული ლიტერატურის განვითარება მეტად ცალმხრივი და ღარიბი იქნებოდა რომანის, მოთხრობის, ნოველისა და დრამატურგიული ნაწარმოების გარეშე.

ერთი სიტყვით, როგორც უნდა იყოს ჩვენი ლიტერატურის განვლილი გზა, დღეს ამჟამად, რომ მართო ლექსები, თუნდაც განუმეორებელი შედეგები, თანამედროვე ეროვნული ლიტერატურის დიდ ტვირთს ველარ აწევენ. ამ საქმეს სხვა უანრებისა და, უწინარეს

ყოვლისა, პროზის ძალოვანი მხრები ესაჭიროება. ლექსს კი თავისი სპეციფიკური სფერო რჩება. აქ, ცხადია, ლაპარაკი არ შეიძლება რაიმე სუბიექტურ უანობრივ მიყვრძობებაზე. საქმე ეხება მხატვრულ ფორმათა განვითარების ობიექტურ ტენდენციებს, რაც დღეს მართა ჩვენში როდი შეინიშნება.

ეს დიდი საკითხია და მისი გაშუქება დიდ გამოკვლევას მოითხოვს. მე მხოლოდ მეტად ზოგადი დაკვირვების საფუძველზე აღვჩაბრი აქ ეს საკითხი და მიმაჩნია, რომ აწინდელი დიდი ქართული ლიტერატურა წარმოუდგენელია დიდი პროზის გარეშე. ამ საკითხს, ჩემი აზრით, განსაკუთრებული მნიშვნელობა აქვს ჩვენში. საქართველოში, სადაც ერთ დროს კიდევაც გავრცელებული იყო შეხედულება, რომ თითქოს საქართველო მხოლოდ პოეტების ქვეყანაა. რომ ჩვენი ეროვნული ხასიათისათვის არც თუ ისე ორგანულია ღრმა, ძირდამდგარი ეპიკური აზროვნება. ეს შეხედულება, ცხადია, ყოველგვარ საფუძველს იყო მოკლებული.

თანამედროვე ქართული პროზა მეტად საიმედოდ იმაგრებს მუხლს და დიდ გზაზე გამოდის. განა დიდად სასიხარულო არ არის. რომ მისი ზოგიერთი ნიმუში უკვე საბჭოთა კავშირის საზღვრებს იქითაც გავიდა.

აქ მე მინდა შევეხო უკანასკნელი დროის ქართული პროზის ზოგიერთ ნიმუშს და ისიც ზოგიერთი საერთო პრინციპული საკითხის წამოჭრის თვალსაზრისით. ამ ნიმუშების შესახებ უკვე ბევრი რამ ითქვა, მაგრამ მსჯელობის გაგრძელება სხვადასხვა კუთხით, სხვადასხვა განათებით საქმეს არ ავენებს. ჩვენ, მაგალითად, კმაყოფილებით ვხედებით წარსულის ამა თუ იმ ლიტერატურული ფაქტის ყოველ ახალ საფუძვლიან ანალიზსა და გამოკვლევას. ასეთი გამოკვლევები ხელს უწყობენ იმას, რომ ლიტერატურული შემკვიდრების მდიდარი გამოცდილება გადმოეცეს თანამედროვეობას და ჩვენი ლიტერატურის შემდგომი განვითარების საქმეში ჩაერთოს. მაგრამ, ჩვენი აზრით, ერთ ადგილზე გაიყინებოდა ან, უკეთეს შემთხვევაში, ერთ მოჯადოებულ წრეში იტრიალებდა, თუ ცოცხალ ლიტერატურულ პროცესებს მოწყდებოდა და ამ პროცესების წარმართვაში მონაწილეობას არ მიიღებდა.

ამბობენ, რომ დღეს ქართულ პროზას ახასიათებს ჩვენი დროის ადამიანის მორალური ბუნების გამოკვლევისა და გამოხატვის განსაკუთრებული მიდრეკილება. ჩემი აზრით, ეს სწორი დაკვირვებაა. რასაკვირველია, ადამიანის ზნეობრივი არსება არასოდეს არ ყოფილა ლიტერატურის პერიფერიული საგანი, იგი ყოველთვის „აწვავლებდა“ მწერლობას და ყოველთვის იდგა, თუ შეიძლება ასე ითქვას,

ლიტერატურის ყურადღების ცენტრში. მაგრამ ლაპარაკია განსაკუთრებით გაძლიერებულ ინტერესზე და ამაში უეჭველად არის ერთგვარი კანონზომიერებაც, სიახლეს და შესაბამისობაც ჩვენი საზოგადოებრივი ცხოვრების მომწიფებულ ამოცანებთან.

ჩვენმა საზოგადოებამ უკვე გაიარა ღრმა სტრუქტურული ცვლილებების ის პერიოდი, როდესაც პირველ ადგილზე ყოველთვის წამოწეულია საზოგადოებრივი ფსიქოლოგიის მკვეთრად გამიჯნული, მაგრამ შედარებით დაუნაწევრებელი ფორმები, როდესაც სიკეთისა და ბოროტების უპირატეს საზომს შეადგენს ადამიანთა მკვეთრად დაპირისპირებული დამოკიდებულებანი და ურთიერთობანი.

ჩვენი ქვეყნის დღევანდელ სინამდვილეში კი საზოგადოებრივი ყოფიერებას მთელი შინაარსი, ახალი ადამიანის ფორმირების ამოცანები, რაც მთელი ძველი წარმოდგენების, შეხედულებების, გრძნობებისა და ინსტინქტების გარდაქმნასა და გადაახლებას მოითხოვს, ჩვენს ლიტერატურას გეზს აძლევს ადამიანების ზნეობრივი ბუნების უღრმესი და უფაქიზესი ქსოვილებისაკენ. ახლა ისე როგორც არასდროს, სიკეთე და ბოროტება საკვლევეია ადამიანის სულის მიკროსკოპიულ კუნჭულებშიც, მთელ მის ინტელიქტუალურ და ემოციურ შედგენილობაში.

ჩვენი დროის ამ „მიწისქვეშა“ ბიძგს ადამიანთა ზნეობრივი არსების სიღრმეებისაკენ მეტნაკლები ძალით ჩვენ ვგრძნობთ ქართული პროზის თითქმის ყველა მნიშვნელოვან ნაწარმოებში; თანაც, როგორც ჩანს, მხატვრული აზრი ახლა გეზს იღებს ჩვენი დროის სულიერი განვითარების ერთ-ერთი შესანიშნავი ნაკადისაკენ — სიკეთისა და სიმშვენიერის ორგანიული დაახლოებისა თუ შერწყმისაკენ.

ბრძოლა ნამდვილი განმისათვის

დემნა შენგელაიას „განძი“ მრავალმხრივ საყურადღებო ნაწარმოებია. ბევრი რამ არის ამ ნაწარმოებში ისეთი, რაზედაც შეიძლება გაიმართოს დიდი მსჯელობა სინამდვილისადმი გარკვეულ იდეურ-ესთეტიკური დამოკიდებულების თვალსაზრისით.

ნაწარმოების მთელი ამბავი დატრიალებულია წმინდა შემთხვევის ირგვლივ ანუ, როგორც იტყვიან ხოლმე, ნაწარმოების ფაბულას საფუძვლად უდევს უეცარი შემთხვევა. ეს მხატვრული ხერხი — სიუჟეტის აგება შემთხვევითობაზე — რამდენადმე ახალია დ. შენგელაიასათვის. რადგან იგი, უპირატესად, ხასიათების ბუნებრივ მოძრაობისა და განვითარების მიმყოლი მწერალია. მისი სიუჟეტები შეტწილად თვით პერსონაჟთა ხასიათების ბუნებრივ მოძრაობას მისდევენ, მისი ამბებიც და ვითარებებიც ხასიათთა ურთიერთობის ნასკვებს წარმოადგენენ. ამაში აღვილად დავრწმუნდებით, თუ გავიხსენებთ „ბათა ქექიას“, „შთაგონებას“, „წითელ ყაყაჩოს“ და თუნდაც მწერლის ადრინდელი ნაწარმოების — „სანავარდოს“ მხატვრულ აღნაგობას.

„განძი“ კი სხვაგვარი აღნაგობისაა. ერთმა უბრალო ქართველმა კაცმა — მშრომელმა, პატროსანმა კოლმეურნემ — საულიამ ჩაის პლანტაციიში მუშაობის დროს შემთხვევით იპოვა მიწაში ჩაფლული განძი — ოქროს ფულებით სავსე ღერგი. ამ შემთხვევამ ერთბაშად შეატრიალა საულიას ბედი, იგი დადგა მწვეავე ზნეობრივი გამოცდას წინაშე, რაც უმაღვე მძიმე დრამად განვითარდა.

როგორც ვთქვით, აქ საქმე გვაქვს წმინდა შემთხვევითობასთან, რადგან მიწაში ჩაფლული ოქროს პოვნას უშუალო და პირდაპირი მიზეზობრივი კავშირი არა აქვს არც გარემო პირობებთან, არც არსებულ საზოგადოებრივ ურთიერთობასთან. არც თვით პერსონაჟის მიზანსწრაფულ მოქმედებასა თუ ქცევასთან. ღერგი თავისთვის იყო მიწაში, საულიაც თავისთვის მუშაობდა პლანტაციიში, მათი გზები მხოლოდ შემთხვევით შეხვდნენ ერთმანეთს. მაშასადამე, ეს შემთხვევა არ არის ტიპური, რადგან ასეთი რამ ძლიერ იშვიათად,

ათასში ერთხელ ხდება ხოლმე. მაგრამ თუ შემთხვევითობას დაეარ-
ქმევთ ისეთ მოვლენასაც, რომელსაც უშუალო და პირდაპირი მი-
ზეზობრივი კავშირი აქვს წინარე მდგომარეობასა თუ მოქმედებას-
თან და რომელიც ყოველთვის შესაძლებელია, მაგრამ აუცილებელი
არ არის, მაშინ ასეთი შემთხვევითობა ტიპურია. მაგალითად, მ. შო-
ლოხოვის „ადამიანის ბედის“ ამბავში ბევრი რამ არის შემთხვევითი:
სოკოლოვის ტყვედ ჩავარდნა, მისი ცოლშვილის დაღუპვა, უღედ-
მამო ბავშვთან შეხვედრა და სხვ. მაგრამ ყველა ეს შემთხვევა ტი-
პურობას არ არის მოკლებული. ვთქვათ, არც დიდი თევზის დაჭე-
რის შემთხვევაც ჰემინგუეის „მოხუცსა და ზღვაში“, რადგან ყო-
ველთვის შესაძლებელია მეთევზემ დაიჭიროს დიდი თევზი. ასევეა
სტეინბეკის „მარგალიტშიც“ — ბავშვს რომ მორიელმა უკბინა, კი-
ნომ რომ დიდი მარგალიტი იპოვა, რადგან ყოველთვის შესაძლე-
ბელია ღარიბულ ფაცხაში დაიბუღოს მორიელმა, ყოველმა მარგა-
ლიტის მძიებელმა იპოვოს დიდი მარგალიტი, არსებითად ასეთი
შემთხვევები ის ერთეულობანია, რომელთაც ჰეგელი ზოგადის გამო-
ხატულებად თვლიდა მხატვრულ მოქმედებაში.

ამრიგად, ტიპური შემთხვევები თავისთავად შეიცავენ ბუნები-
სა თუ საზოგადოებრივი ცხოვრების ტიპურ ნიშნებს, მაგრამ ისეა
შემთხვევას, როგორცაა მიწაში ჩაფლული ოქროს პოვნა, თავისთა-
ვად ტიპურობის რაიმე არსებითი ნიშანი არ გააჩნია. ასეთ შემთხ-
ვევას, ისე, როგორც, ვთქვათ, ციდან ჩამოვარდნილ მეტეორს, შე-
უძლია მხოლოდ შეგვავსოთ ან გაგვანცვიფროს, აღგვაფრთოვანოს
ან თავზარი დაგვცეს თავისი მოულოდნელობითა და უჩვეულობით.
კერძოდ, დ. შენგელაიას „განძში“ ოქროს პოვნის შემთხვევა ნაწარ-
მოების მხატვრული ფორმის ისეთი ელემენტი, რომელიც მხოლოდ
მოქმედი პირის ზნეობრივი ბუნების გამოსაცდელად არის შექმნი-
ლი. როგორც ვთქვით, ფორმის ეს კომპონენტი თავისთავად რაიმე
ტიპურ ნიშანს არ შეიცავს, მაგრამ ამის გამო, არ შეიძლება იგი გა-
ვიტანოთ აქტიური მხატვრული ფორმის გარეთ. გარდა იმისა, რომ
ასეთი ხერხები თუ ფორმები საკმაოდ ხშირად და ეფექტურად არის
გამოყენებული წარსულის ბევრ მხატვრულ ქმნილებაში, თვით
მხატვრული შემოქმედების ბუნება გულისხმობს საგანთა უადრეს
ინდივიდუალიზაციას და მას შეუძლია სრულიად განსაკუთრებული
ხერხებითა და საშუალებებით გადმოგვცეს გარკვეული ესთეტიკური
დამოკიდებულება სინამდვილისადმი, მისწვდეს სინამდვილის არსე-
ბით ნიშნებს და შექმნას ტიპური სახეები. მაშასადამე, მთავარია ის,
თუ როგორ აქცევს შემოქმედი თავისი ფანტაზიით მიკვლეულ ფორ-
მას სინამდვილის მხატვრული ათვისების საშუალებად, როგორ და-

ქუფლება სინამდვილეს და რამდენად მართალ, დამაჯერებელ და წარმატ სურათს გადაგვიშლის თვალწინ.

მხატვრული ხერხებისა და ფორმების შეზღუდვა და დაკანონება არსებითად მხატვრული შემოქმედების აღკვეთა იქნებოდა, რადგან იგი სწორედ ფორმათა მუდმივი ძიება და აღმოჩენაა. ხოლო ფორმათა უშრეტ წყაროს შეადგენს, ერთი მხრივ, თვით სინამდვილის უსასრულო მრავალფეროვნება და უწყვეტი განვითარება. მეორე მხრივ კი, სინამდვილისადმი ესთეტიკური დამოკიდებულების ინდივიდუალურ კომპლექსთა უღვევი ნაირსახეობა. ამას ერთვის ადამიანთა შემოქმედებითი აზრის დიდი ნამოღვაწარიც — ტრადიციული ფორმების მემკვიდრეობითი ნაკადიც. ზღაპარი რაა, ზღაპარიც კი, როგორც ფორმა, შესაბამისი ისტორიული სახეცვლილებით დღესაც ხომ ინარჩუნებს სინამდვილისადმი ესთეტიკური დამოკიდებულების გამონატვის ერთგვარ უნარს. ლოცვა, ფიცი, ღალადისი თითქოს სამუდამოდ უნდა გადაჰყოლოდნენ თავიანთ ვითომდა პირველ სათავეს — რელიგიურ წარმოდგენათა სამყაროს. მაგრამ მხატვრულ შემოქმედებაში აქ ფორმების გამოყენების უბრწყინვალეს მაგალითებზე რომ არაფერი ვთქვათ, მათ ძალა არ დაუკარგავთ ისეთ დარგშიც კი, როგორიცაა პოლიტიკურ-პუბლიცისტური აზროვნება.

რაკი სიტყვამ მოიტანა, ერთი კერძო კამათიც უნდა გავიხსენო. ერთ ამხანაგურ საუბარში რამდენიმე კაცი ამტკიცებდა, გოტიკა, როგორც არქიტექტურული ფორმა, მხოლოდ და მხოლოდ ქრისტიანობის ნაყოფი და ქრისტიანულ-რელიგიური მისწრაფებების გამონატულება არისო. ჩემი აზრით, ეს საფუძველშივე მცდარი შეხედულებაა. ეს იმასა ჰგავს რომ ვთქვათ, რაკი არსებობდა საეკლესიო გალობა, თვით გალობასაც მხოლოდ ეკლესიური შინაარსი ჰქონდაო. მაგრამ, საბედნიეროდ. ეს ასე არ არის: გალობა, უწინარეს ყოვლისა, ადამიანთა მუსიკალური გენიის ნაყოფია... ასევეა გოტიკაც. იგი, უწინარეს ყოვლისა, თავისი ეპოქის გარკვეულ სოციალურ-ეროვნული ფენის ადამიანთა არქიტექტურული გენიის ნაყოფია და როგორც ასეთი, ალბათ, თანამედროვე არქიტექტურის ერთ-ერთი სამემკვიდრო საფეხურიცაა. ექვი არ არის, რომ ქრისტიანულმა წარმოდგენებმა გარკვეული ფაქტორის როლი შეასრულეს გოტიკური ფორმების განვითარებაში. მაგრამ თუ ეს ფორმები მომწიფებული არ იქნებოდა მთელი წინა პერიოდების არქიტექტურის განვითარებით, რასაც, ცხადია, მრავალი სხვადასხვა ფაქტორი განაპირობებდა, ევრაეითარი ქრისტიანობა ვერ წარმოშობდა მათ. უნდა ვიგულისხმოთ, რომ დაახლოებით ასეთივე კანონზომიერება მოქმედებს სხვადასხვა მხატვრული ფორმების განვითარებაშიც.

ყოველივე ეს იმას მოვყვარებით, რომ შემთხვევითობა, რაც „განძის“ სიუჟეტურ ღერძს შეადგენს, სრულიად უფლებამოსილი მხატვრული ხერხია. ახლა ვნახოთ, რამდენად გამოიყენა მწერალმა ეს ხერხი სოციალური ხასიათის სიმართლის მისაგნებლად.

კოლხეთის ბუნების ძუნწად, მაგრამ მკაფიოდ შესრულებული სურათების ფონზე გვაცნობს მწერალი თავისი ამბის გმირებს. უკეთ ვთქვათ, პეიზაჟური სურათები აქ ჩაწერილია ადამიანების შრომასა და განცდებში. დ. შენგელაიას სიტყვიერი ფერწერა ძლიერია. საულია „ჩას“ ბარავს ნადარბაზევთან და მისი შრომის მსვლელობაში თანდათან თვალწინ გვემლება ამ ადგილ-გარემოს სურათი, თითქოს ამობრუნებული ნოტიო მიწის მსუყე სუნიც გვცემს. იქვე საულიას ახალგაზრდა ცოლი, თასმასავით ტანმოქნილი ფუნდუ ჩაის დუყებს ჰკრეფს, ორივე ხელს წამოფოთლილ ჩაის სიხშირეში აფათურებს და ჩვენ ვხედავთ, ჩაის ხუჭუჭა ბუჩქების ჩამუქებულ მწკრივებს. ქვემოთ გადაშლილია თვალშეუდგამი ვაკე, ხვატში გატრუნული სიმინდის ყანებით, პალიასტომის ნოყობი და ჭაობები; იქით კიდევ ბარისპირივით მოლაპლაპე მდორე რიონი მოჩანს. ყანას თეთრი ნაქრებით თავწაკრული კოლმეურნეები შესევნიან და „ოდოიას“ აგუგუნებენ. ეს გუგუნი გვალვის გუგუნს უერთდება. თითქოს ყოველივე ეს თვით კოლხეთის დადღადა ფერადებით არის¹ დაწერილი.

შრომობს ხალისით და იმედებით სავსე კაცი. მაგრამ სადამო ეამს მას ბოროტ ბედისწერასავით გადაუჭრა გზა სრულიად მოულოდნელმა შემთხვევამ. ნადარბაზევის ანწლმოდებულ კუთხეში საულია წააწყდა მიწაში ჩაფლულ ღერგს, სავსეს ოქროს ფულებით. მთელი ეს ეპიზოდი დაწერილია დ. შენგელაიასათვის დამახასიათებელი სიმძაფრით. იგი სავსეა რაღაც ტრაგიკული და შემაზრზენი სიმბოლიკით. მკახე, ცივი და რამდენიმედ მისტიკურად შეფერილი დეტალებით. სვრელის თავის ჩამოსასწორებლად საულიამ ბარი რომ დაჰკრა, ქვესკნელიდან ყრუ ბუბუნი შემოესმა. ეს თითქოს ქვესკნელის ძალების ავისმალუწყებელი ხმა არის. მიწამ პირი შავად რომ მოიღო, „ღრადომ თუ სორომ თვალეებში რისხვით შემოაბნელა“. საულიამ სოროდან ნოტიო მიწის ამოყრა დაიწყო, „მიწასთან ერთად თითქოს სიბნელეც ამოჰქონდა... ხვრელში თანდათან თენდებოდა და მერე რაღაც ყვითელი შუქი ცივად, უსიცოცხლოდ აკიაფდა“. შემდეგ ის იყო, რომ ხვრელის წკვარამ წყვდიადში, რაშიაც საულია ხელს აფათურებდა, რაღაც შემზარავად ასისინდა და „ზამთრის ძილისაგან ნავიანევიად გლვიძებული მაისის გველი ორკაპიან ნესტრის სანსალით ხვრელიდან ზარდამცემად წამოიშარათა“.

წარმოიდგინეთ, მთვარის ცივი, უსიცოცხლო შუქით განათებული ყრუ ადგილი და განმარტოებული ადამიანი, რომელიც ზარდაცემული შესტკერის ქვესკნელის სიბნელიდან ამოკლანდელ წითელ გველს, თავს იქეთ-აქეთ რომ ასხმარტალებს. ეს მართლაც სულისგამყინავი სურათი თითქოს სიხარბისა და თავკერძობის იმ ბნელი ინსტინქტების თავისებური ესთეტიკური დახასიათება-შეფასებაა, რომლებიც შემთხვევით ნაპოვნმა განძმა გააღვიძა საულისას სულში.

...საულიამ ვერ ჩააბარა გამოცდა. ოქროს პირველშეხებისთანავე დაირღვა, დაიშალა მისი ზნეობრივი არსება. იგი ცდილობს მიითვისოს ნაპოვნი განძი, დაუშვლოს ქვეყანას: საყვარელ ცოლსაც დიდი გვემისა და ძრწოლის შემდეგ გაუმხელს საიდუმლოს. მაგრამ როცა ცოლის მხრივ გამხელის-საშიშროებას იგრძნობს, გამხეცებული მივარდება და ფეხშიძიე ქალს მუცელში წიხლს ჩასცხებს, რასაც როგორც ვიცი, ცოლის დაღუპვა მოჰყვება. ამრიგად, როგორც მწერალი გვარწმუნებს, „იმ სისხლიანმა ბნელმა წარსულმა და გარდასულმა ჟამთა სიღვემ თავისი სიხარბით, ბოროტებითა და ძარცვა-გლეჯით თითქოს იქიდან ცაყი გადმოჰყო და ბრკყალები ყელში ჩაუქირა საულიას“, წარუყვეთა ნებისყოფა, ნოუქლა საზოგადოებრივი გრძნობა, ჩაუქრო შრომის ხალისი. დაუბრმავა სულის ყველაზე ფაქიზი, ყველაზე მგრძნობიარე და ყველაზე მხედველი თვალი — თვალი სიყვარულისა. ერთი სიტყვით, „ნანე, თუ ოქრო რასა იქნს. კვერთხი ეშმაკთა ძირისა“. ეს ხომ ჭერ კიდევ შოთამ თქვა, თქვა და შესანიშნავადაც ჩაგვახედა ოქროს მოყვასთა სულში:

ვა, ოქრო მისთა მოყვასთა
 აროდეს მისცემს ლხენასა.
 დღედ სიკვდილამდე სიხარბე
 შეამქნევს კბილთა ღრქენასა;
 შესდის და გასდის, აკლია,
 ემდურვის ეტლთა რბენასა,
 კვლა აქა სულსა დაუბანს,
 დაუშლის აღმაფრენასა.

შოთამ, ცხადია, ეს თქვა სულ სხვა დროისა და სულ სხვა ხულიერი კონსტიტუციის ოქროს მოყვარეებზე. მაგრამ ოქრომ საულიასაც ხომ დაუბა სული, დაუშალა აღმაფრენა. რაშია საქმე? გვაჭერებს თუ არა საულია თავის საქციელში? არის თუ არა ამ საქციელში ჩვენი დროის სოციალური ხასიათის სიმართლე? რატომ გაიღვიძა საულიას სულში ასეთმა სიხარბემ და გამდიდრების ყოვლისჩამოქმედმა ვნებამ? იქნებ, ყოველი და ყველა დროის ადამიანი ასეთია, ე. ი. იქნება სიხარბე, მომხვეჭელობა, ეგოიზმი, ოქროსმოყვარე-

ობა და ანგარება, ადამიანის ბუნების მარადიული თვისებებია და მათი ამოძიკვა ადამიანთა ფსიქოლოგიიდან არავითარ ძალას, არავითარ სოციალურ პროგრესს არ ძალუძს? აი, კითხვები, რომლებიც ბუნებრივად გვებადება საულის თავგადასავლის გამო.

თავის დროზე დიდი რუსი მწერალი — დოსტოევსკი ფიქრობდა, რომ „ბოროტება კაცობრიობაში სუფევს უფრო ღრმად, ვიდრე ფიქრობენ მკურნალი სოციალისტები, რომ საზოგადოების ვერც ერთ წყობაში ვერ აიცილებთ ბოროტებას, რადგან ადამიანის სული იგივე დარჩება, რომ არანორმალობა და ცოდვა მომდინარეობს თვით ამ სულიდან“... ამიტომ, მისი აზრით, არცერთ ადამიანს არ შეუძლია იყოს მსაჯული დამნაშავეისა და ბრალეულის, რადგან „თვით ადამიანის მსაჯულმა უნდა იცოდეს თავისთავის შესახებ, რომ იგი საბოლოო მსაჯული არ არის, რადგან თვით იგიც ცოდვილია და სასწორი და საზომი მის ხელში სისულელე იქნება, თუ თვითონ... ქედს არ მოიხრის ჭერ კიდევ აუხსნელი საიდუმლოების კანონის წინაშე და არ მიმართავს ერთადერთ გამოსავალს — ლმობიერებასა და სიყვარულს“.

ამრიგად, ამ თვალსაზრისით ბოროტებასა და უსამართლობას ახსნა და გამართლება თვით ადამიანის ცოდვილ ბუნებაში აქვს. ამიტომ ადამიანებმა ფარხმალი უნდა დაჰყარონ ყოველგვარი ბოროტებისა და უსამართლობის წინაშე და, მსგავსად ალიოშა კარამაზოვისა, მიმართონ მხოლოდ ლმობიერებასა და სიყვარულს, მიენდონ თავისი ცოდვილი სულის შინაგან, იმანენტურ კანონებს.

დოსტოევსკიმ თავისი დროის რუსეთის სინამდვილეში გენიალური მხატვრის თვლით დაინახა ბევრი ბოროტება, ბევრი სულიერი მანკიერება, რაც საუკუნეობრივი სოციალური უკულმართობით იყო გამოქმუშავებული და ჩაკვერილი ადამიანთა ფსიქოლოგიაში. ჯადოქარმა მხატვარმა ეს ფსიქოლოგია უდიდესი ძალით გამოხატა თავის დიდებულ მხატვრულ ქმნილებებში. მაგრამ სულიერი მანკიერებანი, რაც ასე ღრმად იყო ფესვგამდგარი მის ღროინდელ საზოგადოებაში, მან ყველა დროისა და ყველა წრის ადამიანების თვისებად მიიჩნია. ადამიანის სულის იმანენტურ კანონად სცნო ეს იყო დიდი მხატვრის მსოფლმხედველობრივი შეზღუდულობისა და წინააღმდეგობრიობის გამოხატულება.

ადამიანი თავისთავად, დამოკიდებულებათა და მიმართებათა გარეშე არ შეიძლება იყოს არც კეთილი და არც ბოროტი. მე ცუდი ან კარგი. კეთილშობილი ან ბოროტი, ხარბი ან გულუხვი შეიძლება ვიყო მხოლოდ სხვებთან — ადამიანებთან, საგნებთან და მოვლენებთან დამოკიდებულებასა და ურთიერთობაში. მაშასადამე, ჩემს ადა-

მიანურ ბუნებას განსაზღვრავს ის, თუ როგორია ჩემი დამოკიდებულება და ურთიერთობა საზოგადოებასთან, ქვეყნიერებასთან, საგნებთან და მოვლენებთან. ადამიანი, როგორც საზოგადოებრივი არსება, სწორედ ამ უამრავ დამოკიდებულებათა და მიმართებათა რთული ქსოვილია.

მაგრამ ჩემს დამოკიდებულებასა და მიმართებას საგანთან განსაზღვრავს არა მარტო ის, თუ როგორი ვარ მე ამ შემთხვევაში, არამედ ისიც, თუ როგორია ჩემი დამოკიდებულების საგანი. საბოლოო ანგარიშში კი ადამიანის ყველა დამოკიდებულების და მიმართების ხასიათი და შინაარსი დამოკიდებულია იმაზე, თუ როგორ არის აგებული ის ქვეყანა, ის საზოგადოება, რომელშიც ადამიანი ცხოვრობს. ყოველი ადამიანი თავისი ეპოქისა და თავისი სოციალური წრის შვილია. იგი მთელი თავისი სულიერი ავლადიდებით იმ ურთიერთობათა და დამოკიდებულებათა ნაყოფია, რომლებიც დამახასიათებელია ამ ეპოქისათვის. საზოგადოებრივი ურთიერთობის შეცვლისა და განვითარების შესაბამისად იცვლება და ვითარდება ადამიანის ბუნებაც, მისი ფსიქოლოგია. ეს, რასაკვირველია, იმას არ ნიშნავს, რომ შეცვლილ საზოგადოებრივ ვითარებაში ადამიანი მეტნაკლები ხანგრძლიობით არ ინარჩუნებდეს მთელი წინა თაობებიდან შემკვიდრებლად გადმოცემულ თვისებებს.

შოთას ზემოთ მოყვანილ სტროფს თუ ჩავუკვირდებით, დავინახავთ, რომ პოეტი ოქროსმოყვარეობასა და სიხარბეს ადამიანის ბუნების რაღაც თანდაყოლილ თვისებად კი არ მიიჩნევს, არამედ მხოლოდ იმ ადამიანების თვისებად თვლის, რომლებიც რაღაც მიზეზთა გამო ოქროს მოყვარენი გამხდარან. ოქრო მხოლოდ „მისთა მოყვასთა“ შეპყრის სიხარბის კბილთა ღრუკენას, დაუბამს სულს და დაუშლის აღმაფრენას. ამრიგად, დიდი პოეტი ჯერ კიდევ XII საუკუნეში სკვრეტს ადამიანის ბუნების უპყიდროეს კავშირს მისი ცხოვრების პირობებთან.

ეკვი არ არის, რომ ადამიანთა ბუნებაში ბევრი რამ არის ფესვგამდგარი საუკუნეობრივად, მაგრამ ადამიანის ბუნების შინაარსი არ არის მარადიული და უცვლელი. მაგალითად, ხარბი და ოქროსმოყვარე, ისე როგორც გულუხვი და უანგარო, შეიძლება გახდეს ყველა ადამიანი. მაგრამ ერთია ადამიანის ბუნების შესაძლებლობანი და მეორეა ადამიანის ბუნება თავისთავად. ფოლადისაგან შეიძლება დამზადდეს საქსოვი დაზგაც და ქვემეხიც, გუთანიც და მახვილიც, მაგრამ ფოლადი თავისთავად არც დაზგაა და არც ქვემეხი, არც გუთანი და არც მახვილი; იგი მხოლოდ ამა თუ იმ ხარისხის ფოლადია. დაახლოებით ასევეა ადამიანიც. თუ რა შესაძლებლობანი იქცევიან

მისი ბუნების რეალურ თვისებებად, ანუ როგორი გარკნობები და ვნებები, მისწრაფებანი და შეხედულებანი მოიკიდებენ ფეხს ადამიანის ბუნებაში, საყსებით დამოკიდებულთა მისი ცხოვრების პირობებზე, მის აღზრდაზე და იმაზე, თუ რა სულიერ თვისებათა შემკვიდრებითი ტვირთი მოჰყვება.

ხოლო თუ ადამიანის ბუნების საყოველთაო თვისებებზე ვილაპარაკებთ, შეგვიძლია, ვთქვათ, რომ მთავარ ასეთ თვისებას, გარდა მეტნაკლებად მყარი სასიცოცხლო ბიოლოგიური ინსტინქტებისა, შეადგენს გონიერული ამთვისებლობისა და მიზანმისწრაფული მოქმედების მეტნაკლები უნარი, ანუ ის, რომ ყველა ადამიანი გონებით აღიქვამს და ითვისებს გარე სამყაროს, ყველა ადამიანი მიზანსწრაფულად ერევა გარესამყაროს პროცესებში და ცდილობს მათ დაუფლებას. მაგრამ ამ უაღრესად ზოგად ადამიანურ თვისებათა განვითარებასაც, მათ შორის თანდაყოლილ ბიოლოგიურ ინსტინქტების განვითარებასაც, განსაზღვრავს და განაპირობებს ადამიანთა საზოგადოებრივი ყოფიერება. ავიღოთ თუნდაც ყველაზე მყარი ბიოლოგიური ინსტინქტი — გამრავლების ინსტინქტი, თუ თვალს გავადევნებთ მისი განვითარების გრძელ გზას ადამიანთა საზოგადოებაში, დავინახავთ, რომ იგი ჭერ კიდევ უხსოვარ დროში გარდაიქმნა მარტივი ბიოლოგიური ფორმიდან გარკვეულ ადამიანურ საზოგადოებრივ დამოკიდებულებად — ქალ-ვაჟის სიყვარულის სოციალურ გარკნობად, რომლის ბიოლოგიურ ბირთვს უკვე ფენა-ფენად აქვს შემოგარსული საზოგადოებრივ-პოლიტიკური განვითარების თითქმის მთელი ისტორია. მაგრამ მთავარი ის არის, რომ თვით ეს გარკნობა, თვით ეს დამოკიდებულება, მართალია, ძლიერ ნელა, თითქმის შეუქმნევლად, მაგრამ მაინც დევლება და ვითარდება ადამიანთა საზოგადოებრივი ყოფიერების განვითარების შესაბამისად.

ამრიგად, ჩვენ მივადექით არაერთგზის დადასტურებულ ჭეშმარიტებას, რომ სიკეთე და ბოროტება, დადებითი და უარყოფითი, როგორც საზოგადოებრივ ცხოვრებაში, ისე ცალკეული ადამიანების ხასიათში, სრულად კონკრეტულ-ისტორიული შინაარსის მოვლენებია და არა ადამიანის ბუნების რაღაც მარადიული და უცვლელი საწყისები. ამ დასკვნის სასარგებლოდ მეტყველებს თუნდაც მრავალი მაგალითი იმისა, რომ ის, რაც ერთ დროსა და ერთს გარემოში ან ერთი წრის ადამიანებისათვის შეიძლება სიკეთე იყოს, სხვა დროსა და სხვა გარემოში, ან სხვა წრის ადამიანებისათვის ბოროტებად იქცეს.

როგორც ვხედავთ, საულის თავგადასავლის ანსნა ბევრ რთულ საკითხთან არის დაკავშირებული, ამ თავგადასავლის გამო ჩვენს

კრიტიკაში გამოითქვა სხვადასხვა აზრი. ზოგს ჰგონია, რომ საულისა საჭიციელი მისი ცხოვრების რაიმე კონკრეტული პირობებით, ან კერძოდ მის პიროვნებაში შემორჩენილი რაიმე განსაკუთრებული ფსიქოლოგიური მიდრეკილებით კი არ არის გამოწვეული, არამედ მით, რომ საერთოდ ადამიანის ბუნებაა ასეთი, რომ ადამიანის ესა თუ ის ქცევა მომდინარეობს დამოუკიდებელი თვისებებიდან. მართალია, დ. შენგელაიამ თავისი გმირების მდიდარი სოციალური გარემო დაგვიხატაო. — გვარწმუნებს ერთი კრიტიკოსი, — მაგრამ მისი დიდი მხატვრული გამარჯვება ის არის, რომ გვიჩვენა ადამიანის ზნეობრივი ბუნების მოძრაობა ამ გარემოსაგან დამოუკიდებლადო. ეს აზრი განვითარებული და „დასაბუთებულია“ შემდეგნაირად:

„მწერლის აზრით, ადამიანის ბუნება საესეა კონფლიქტებით, მაღალი გრძნობებით და მასთან ერთად მიუტევებელი სუსტი მხარეებით; ადამიანში ბუღობს ბევრი ქვენა ინსტინქტი და პიროვნება იმარჯვებს მათზე მხოლოდ იმ შემთხვევაში, თუკი იგი ნამდვილად შეებრძოლება მათ. მწერლის თანახმად, არ არსებობს ცალკე დადებითი და ცალკე უარყოფითი თვისებები; ისინი ერთ მთლიანს წარმოადგენენ ადამიანის მდიდარ, დაუშრეტელ, ზნეობრივ სამყაროში. არსებობს მხოლოდ დიდი, გაუთავებელი, ამაღლებული და კეთილშობილი ბრძოლა ადამიანის შიდაბუნებაში და ეს ბრძოლა არის ერთადერთი საწინდარი ადამიანის მაღალი სულიერი საწყისებისა. ამგვარია, ჩვენი აზრით, დემნა შენგელაიას მოთხრობის „განძის“ ჩანაფიქრის ერთ-ერთი მხარე.

ადამიანი არ არის ანგელოზი. თითქოს გვამცნობს ავტორი, ადამიანი არც ნახევრად პიროუტყვია, როგორც ამას ამტკიცებს ბევრი თანამედროვე საზღვარგარეთელი ავტორი. ადამიანი, დ. შენგელაიას მოთხრობის მიხედვით, არსებაა, რომელიც ებრძვის საკუთარ უარყოფით თვისებებს. იზრდება, ვითარდება და ერთგვარად აღემატება საკუთარ პიროვნებას. ჩვენ ვართ ის, რასაც ბრძოლით, ნებისყოფით, პიროვნების სიმტკიცით მოვიპოვებთ, ასეთია ავტორის რწმენა. მოთხრობის დიდ მხატვრულ ღირსებას ისიც წარმოადგენს, რომ მასში არ არიან „უარყოფითი“ და „დადებითი“ გმირები, ჩვენი სოციალისტური საზოგადოებისათვის მისაღები და მიუღებელი ტიპები. ამ მხრივ, დ. შენგელაია შეუღარებლად მაღალ გემოვნებას და ადამიანის ბუნების დახვეწილ ცოდნას ამჟღავნებს“.

როგორც ვხედავთ, აქ ლაპარაკია არა რომელიმე კონკრეტული დროისა და გარემოების ადამიანის ზნეობრივ ბუნებაზე, არამედ საერთოდ ადამიანზე, განურჩევლად იმისა, თუ რომელ ეპოქას ან რომელ საზოგადოებრივ ფენას ეკუთვნის იგი. გამოდის, რომ ადამიანის

ზნეობრივი ბუნების განვითარება და მოძრაობა დროსა და გარემო-
ზე კი არ არის დამოკიდებული, არამედ თვით ადამიანის შიდაბუნე-
ბაში (!) წარმოებულ გაუთავებელ ბრძოლაზე მაღალ გრძნობებსა და
მიუტკეველად სუსტ მხარეებს შორის. მაშასადამე, ადამიანის კარგი
თუ ცუდი ყოფაქცევა განისაზღვრება არა დროისა და გარემოების
ამა თუ იმ კონკრეტული პირობებით ან ცალკეულ ადამიანებში შე-
მორჩენილი რაიმე გარკვეული სულიერი მიდრეკილებით, არამედ
საერთოდ ადამიანის ბუნებით. ამავე დროს, დადებითი და უარყო-
ფითი თურმე ერთი მთლიანი და განუყოფელი ყოფილა ადამიანის
ზნეობრივ ბუნებაში.

მაშინ, საკითხავია, როგორღა არჩევს ან რა ნიშნით გამოყოფს
თავის ბუნებაში ავსა და კარგს ადამიანი, რომელიც მხოლოდ თავის
სუბიექტურ სამყაროში ყოფილა ჩაკეტილი და მთელი მისი განვი-
თარება მხოლოდ მის პიროვნებაზე ყოფილა დაყარებული?

ერთი შეზღვევით, თითქოს ცუდი არაფერია იმაში, რომ ადამიანი
ყოფილა ისეთი არსება, „რომელიც ებრძვის საკუთარ უარყოფით-
თვისებებს. იზრდება. ვითარდება და ერთგვარად აღემატება საკუთარ
პიროვნებას“. მაგრამ იმისათვის, რომ ადამიანი ებრძოდეს საკუთარ
უარყოფით თვისებებს, მას ხელთ უნდა ჰქონდეს რაიმე საზომი, რაი-
მე კრიტერიუმი, რომ უარყოფითი და დადებითი გაარჩიოს. ამავე
დროს, პიროვნული, სუბიექტური საზომი აქ ნაკლებად გამოდგება,
რადგან ერთმა შეიძლება სწორედ ის თვისება მიიჩნიოს უარყოფი-
თად, რაც მეორეს დადებითად მიაჩნია.

ერთი სიტყვით, კრიტიკოსი დ. შენგელაიას მიაწერს მეტად გულ-
უბრყვილო და შინაგანი წინააღმდეგობებით სავსე სუბიექტივიზმს
და ეს მიაჩნია მის დიდ მხატვრულ გამარჯვებად.

როგორც ზემოთ ვთქვით, ადამიანის ბუნებაში, ცხადია, ბევრი
ავი და კარგია ჩათესილი და ჩაკვერილი საუკუნეობრივად. მათგან
ბევრი რამ ჩვენი დროის ადამიანებშიაც არის შემორჩენილი და შე-
მონახული, ზოგი რამ ალბათ მომავალშიც კარგა ხანს შეინახავს თავს,
აქა-იქ. მაგრამ თუნდაც ის ფაქტი, რომ ყოველ ისტორიულ ეპოქაში
ყოველი სოციალური ფენის ფსიქოლოგიაში ყოველ ავსა და კარგს
უაღრესად კონკრეტულ-ისტორიული შინაარსი აქვს, თვალნათლივ
მოწმობს, რომ ეს ავი და კარგი ადამიანის ბუნების რაღაც მარადიუ-
ლი თვისებებისაგან კი არ წარმოსდგება, არამედ ადამიანთა საზოგადო-
ებრივი ყოფიერების კონკრეტული პირობებისაგან. ადამიანთა სა-
ზოგადოების განვითარება ყოველ ნაბიჯზე ადასტურებს, რომ ადა-
მიანს, როგორც სოციალურ არსებას, ამაღლებს ან აქვეითებს, აკე-
თილშობილებს ან აფუჭებს რაღაც ისეთი რამ, რაც მისი ბუნებრივ-

ვი ბუნების გარეშე დგას. ამიტომაც სწამს მოწინავე კაცობრიობას, რომ თუ იმ „რალაც ისეთ რამეს“ მოვსპობთ, ან უკეთ ვთქვათ, გარდაქმნით, თუ ადამიანის ფსიქოლოგიას გვათავისუფლებთ საუკუნეობრივი ნალექებისაგან, ადამიანი, როგორც ბუნების უბრწყინველესი ფენომენი, წარმოსდგება მთელი თავისი სიდიადითა და სიმშვენიერით. ადამიანის შესახებ შეიძლება იგივე ითქვას, რაც შესანიშნავმა რუსმა პოეტმა ბლოკმა თქვა ქვეყნიერების შესახებ:

«Сотри случайные черты
и ты увидишь: мир прекрасен».

ხოლო თუ იმ ზნეობრივ და ესთეტიკურ კონცეფციას გავყვებით, რასაც დ. შენგელაიას კონცეფციად ვეთავაზობენ, მაშინ, მართლაც, ხელიდან უნდა გავაგდოთ ყოველგვარი სასწორი და საზომი, ხელი უნდა ავიღოთ საზოგადოებრივი ცხოვრების გარდაქმნაზე და მივედლოთ ადამიანის ბუნების სტიქიას, ვუყუროთ, როგორ ებრძვის ადამიანი საკუთარ უარყოფით თვისებებს და როგორ იზრდება და ვითარება იგი საკუთარი პიროვნების ჩარჩოში.

მართლაც, თუ დადებითი და უარყოფითი თვისებები „ერთ მთლიანს წარმოადგენენ“ და ერთი სულიერი „ნივთიერებიდან“, ერთი წყაროდან, ე. ი. ჩვენზე ბუნებიდან მომდინარეობენ, მაშინ როგორღა შეგვიძლია ჩვენ აღვიჭურვოთ შემოქმედებითი მრისხანებით საუკუნეობრივად დალექილ სისაძაგლეთა და საშინელებათა წინააღმდეგ, რასაც გორკი მოგვიწოდებდა, და ვებრძოლოთ კაცისმკვლევებს, ქურდებს, მექრთამეებს, ბიუროკრატებს, სახალხო ქონების დამტაცებლებს, მლიქვნელებს, ბატონკაცობის მოყვარულებს და სხვადასხვა ჭურის მეთავისეებს, რომლებიც, სამწუხაროდ ჯერ კიდევ ბოლომდე არ გადაშენებულან? თუ ყველა დროსა და ყველა პირობებში ადამიანი ცოდვილია და მისი ზნეობრივი განვითარება მხოლოდ მის შიდაბუნებაში წარმოებულ გაუთავებელ ბრძოლაზეა დამყარებული, მაშინ თვითეულ ჩვენგანს მხოლოდ იმ შემთხვევაში შეუძლია დაკვდეს სხვისი საქციელი, თუ მგლის „მორალს“ გაჰყვება: როცა სხვას სჭამს — ეს კარგია, როცა მას სჭამენ — ეს ცუდია.

თუკი „არ არსებობს ცალკე დადებითი და ცალკე უარყოფითი თვისებები“ და თუ „ისინი ერთ მთლიანს წარმოადგენენ ადამიანის... ზნეობრივ სამყაროში“, მაშინ არსებითად წაშლილია საზღვარი უანგარობასა და ანგარებას, გულკეთილობასა და გულღვარდიანობას, სიუხვესა და სიხარბეს, კაცთმოყვარეობასა და კაცთმოძულეობასა და სხვა მისთანათა შორის!

შეგონებ, არც ერთ დიალექტიკას დღემდე შეურიგებელთა ასეთა

შერიგება არ მოუხდენია. როდესაც საქმე გვაქვს დაპირისპირებული მოვლენების, — ვთქვათ, ბუნებაში — სინათლისა და სიბნელის, სითბოსა და სიცივის, საზოგადოებაში — შრომისა და კაპიტალის, ერთი ფორმაციის გაბატონებული და დაჩაგრული კლასების, ფსიქოლოგიაში — სიყვარულისა და სიძულვილის — ერთიანობასა და ბრძოლასთან, იგულისხმება, რომ ისინი რაღაც ერთ მთლიანს კვ არ წარმოადგენენ, არამედ ერთიანი პროცესის ერთმანეთის საწინააღმდეგო მხარეებს, რომლებიც ერთმანეთს ებრძვიან, ერთმანეთში აჭრებიან და ერთმანეთს გამოირიცხავენ.

მაგრამ იმას, ვისაც ნებსით თუ უნებლიეთ დადებითსა და უარყოფითს, სიკეთესა და ბოროტების კატეგორიები კონკრეტულ ისტორიულ-საზოგადოებრივ სფეროდან გადააქვს განყენებული ჯუბიექტურობის სფეროში, ყოველთვის ადვილად ეკარგება საზღვარი მათ შორის.

მტკიცება, რომ თითქოს „განძის“ „დიდ მხატვრულ ღირსებას“ ისიც წარმოადგენს, რომ მასში არ არიან „უარყოფითი“ და „დადებითი“ გმირები და რომ „ამ მხრივ დ. შენგელაია შეუდარებლად მაღალ გემოვნებასა და ადამიანის ბუნების დახვეწილ ცოდნას ამჟღავნებს“, — მეტი რომ არ ვთქვათ, — მეტად უსუსურია, როგორც ესთეტიკური პრინციპი, და უსაფუძვლოა ფაქტიურად. არ არის სწორი, თითქოს „განძში“ არ იყოს დადებითი სახეები (სხვა საქმეა, რასაკვირველია, თუ რამდენად სრულყოფილნი არიან ისინი). მაშ ვინ არის მოხუცი ოტია (იქნებ, ამიტომაც თელის ზოგიერთი ამ პერსონაჟს ზედმეტად ნაწარმოებში) ან მომხდარი ღრამის მთავარი მსხვერპლი — ფუნდუ, ან კიდევ მთელი ჯგუფი კოლმეურნეებისა, რომელთა სულის დაბმა ვერ შესძლო ოქრომ?

მაგრამ მთავარი სადავო ამ შემთხვევაში ის კი არ არის, არიან თუ არა „განძში“ დადებითი და უარყოფითი სახეები, არამედ ის ესთეტიკური პრინციპი, რომელიც წამოყენებულია ამასთან დაკავშირებით და რომლითაც თითქოს ერთი ხელისმომხმით მოხსნილია ჩვენი ლიტერატურის ერთ-ერთი ძირითადი პრობლემა — დადებითი და უარყოფითი სახეების პრობლემა. ნუთუ კრიტიკოსი სერიოზულად ფიქრობს, რომ საკმაოა ჩვენმა მწერლებმა თავიანთი პერსონაჟები არ გაჰყონ დადებით და უარყოფით სახეებად და ყველაფერი რიგზე იქნება — დიდ მხატვრულ ღირსებასაც მიაღწევენ, მაღალ გემოვნებასაც და ადამიანთა ბუნების დახვეწილ (!) ცოდნასაც გამოამჟღავნებენ“?

მაგრამ მაშინ, რანაირი გემოვნება და ადამიანის ბუნების როგორი ცოდნა ჰქონია შექსპირს, რომელმაც შეჰქმნა ერთი მხრივ სუ-

ლით ხორცამდე უარყოფითი სახეები — იაგო, დანიის ხელმწიფე კლავდიუსი, გონერია, რეგანა და სხვ. მეორეს მხრივ კი უაღრესად კეთილშობილი გმირები — ოტელო, ჰამლეტი, კორდელია და სხვ. მაგრამ მოვიდეთ უფრო ახლოს. რა ვთქვათ შოლოხოვზე, რომელმაც დადებითი გმირის ისეთი სახე დაგვიხატა, როგორც არის სოკოლოვი, და ამავე დროს, ეპიზოდურად, მაგრამ მაინც გვიჩვენა უარყოფითი სახე სამშობლოს საზიზღარი მოღალატისა? მოვიდეთ კიდევ უფრო ახლოს. რანაირი გემოვნება მივაწერთ კონსტანტინე გამსახურდიას, რომელმაც თავის „ვანის ყვავილობაში“ დახატა ერთის მხრივ ნუნუ უჯირაულისა და გოდერძი ელანიძის დადებითი სახეები, მეორეს მხრივ კი აქვია უჯირაულის, კანკრეს და სხვათა უარყოფითი სახეები?

დადებითი და უარყოფითი სახეების საკითხი რთული საკითხია. შეიძლება ითქვას, რომ წარსულის მთელი დიდი ლიტერატურის, კერძოდ კრიტიკულ-რეალისტური ლიტერატურის ერთი მთავარი საერთო პათოსი სწორედ დადებითი გმირის ძიების პათოსი იყო. დღესაც არსებობდა დადებითი გმირის დაუცხრომელ ძიებაშია უცხოეთის თანამედროვე პროგრესული ლიტერატურა.

მაგრამ დადებითი გმირის სახეს განსაკუთრებულ მნიშვნელობა აქვს საბჭოთა ლიტერატურისათვის, იმ ლიტერატურისათვის, რომლის საზოგადოებრივ-აღმზრდელითი როლი განუზომლად გაზრდილია, რადგან ახალი ადამიანის ფორმირება მოითხოვს საუკუნეობრივად განმტკიცებული ვნებების, ინსტინქტების, ემოციების, შეხედულებებისა და წარმოდგენების გარდაქმნასა და განახლებას. სწორედ ამიტომ შეადგენს ჩვენი ესთეტიკის ერთ-ერთ ძირითად მოთხოვნასა და ძირითად პრინციპს ჩვენი დროის ადამიანების სულიერი ღილაკების, მათი მაღალი მორალური თვისებების მართლად და შთამბეჭდავად ჩვენება, დადებითი სახეების შექმნა, რათა ისინი მისაბამ მაგალითად იქცნენ ხალხისათვის.

ამრიგად, ამ ესთეტიკურ პრინციპს უწუალო კავშირი აქვს ჩვენი ლიტერატურის ნოვატორულ ბუნებასთან და იგი არ არის შემთხვევით მოგონილი ვილატების მიერ, როგორც ეს ზოგიერთს ეჩვენება. რასაკვირველია, ეს იმას არ ნიშნავს, რომ თითქოს ამ საკითხის გაშუქებაში არ იყო დაშვებული ზოგიერთი შეცდომა ჩვენს ლიტერატურულ კრიტიკასა და ლიტერატურის თეორიაში. ჩემი აზრით, უმკველად ცალმხრივი და მცდარი იყო ე. წ. „იდეალური გმირის“ თეორია. თუმცა, კაცმა რომ თქვას, აბა რომელი ახალი საკითხი გადაჭრილა ცხოვრებაში ერთბაშად, უშეცდომოდ და უდავილარაბოდ. თვით ლიტერატურაშიც ხომ გვხვდებოდა და ახლაც გვხვდება ხოლ-

მე ცოცხალ ადამიანურ ვნებებსა და გრძნობებს მოკლებული „დადები-
ბითი“ გმირი, რომელიც მხოლოდ სასურველი კარგი თვისებების
უბრალო ჯამს წარმოადგენს და არა სისხლსავე მხატვრულ სახეს.
ასეთი სახე, ცხადია, ვერც გვაჭერებს და ვერც გვალეღვებს. მაგრამ
არის, მეორეს მხრივ იმის მაგალითებიც, როდესაც, ვითომდა ყველა
ამქვეყნიური ვნებებისა და ინსტინქტების მართალი ჩვენების მიზ-
ნით, ხატავენ ისეთ დაშლილ და გაჩანაგებულ სახეებს, რომლებიც
შესაძლოა, ზოგჯერ კიდევაც გვაჭერებენ თავიანთი წვრილმანი და
ზედაპირული სიმართლით, მაგრამ ფრთას ვერ გვასხამენ. ვერაფე-
თარ ზნეობრივ და ესთეტიკურ იდეალს ვერ გვისახავენ. უიდეალო
ლიტერატურა კი, მეტი რომ არ ვთქვათ, ერთობ უსარგებლო ანუ
მსმენელთათვის არამარგი ლიტერატურაა.

ორივე შემთხვევაში შებღალულია მხატვრული შემოქმედების
ბუნებაც, რადგან სამყაროს მხატვრული ათვისება არც უკვე ათვისე-
ბულის სხვადასხვა ფერადებით შეღებვას ნიშნავს და არც საგანთა
ზედაპირული ნიშნების პირდაპირ და განურჩეველ გადმოწერას.

დ. შენგელაია შორსაა იმისაგან, რომ ყველაფერს თვისობრივ გა-
ნუყოფლობაში ხედავდეს და განურჩევლად ეკიდებოდეს დადებით-
სა და უარყოფითს ადამიანებში და ადამიანებს შორის. თავის საკ-
მოდ რთულ მხატვრულ წარმოსახვებსა და ხილვებში მწერალი არ
გაურბის მსჯავრისდადებას. „განძიც“ გარკვეული მსჯავრდადებაა.

მაგრამ „განძის“ ჩანაფიქრი არაა ვითომდა ადამიანის ბუნების
მარადიული სისუსტისა და გაორების ჩვენება. ყველა აშკარა ნიშ-
ნით „განძში“ მწერლის მიზანია გვიჩვენოს, თუ რაოდენ მავნე და,
თუ გნებავთ, რაოდენ პათოლოგიურიცაა ჩვენი საზოგადოებრივი
ურთიერთობის პირობებში სიხარბე, ოქროსმოყვარეობა და პარა-
ზიტული კეთილდღეობისაკენ მისწრაფება. მაგრამ ამ ჩანაფიქრის
განხორციელებისას, ჩემი აზრით, მწერალს სწორედ საულისას სახის
გამოძერწვაში რამდენადმე დაერღვა მხატვრული ზომა, სადღაც და-
აკლდა საჭირო საღებავი. ასე გვგონია, რომ საულისა უმალ თავს
გვაჩვენებს ოქროთი გაგიყებულ კაცად, ვიდრე ნამდვილად არის,
თითქოს როლს ასრულებს და ეს როლი მისი როლი არ არისო. და
ეს ხდება არა იმიტომ, რომ თითქოს ჩვენს დროში, ჩვენს საზოგა-
დოებაში არ შეიძლება იყვნენ ხარბნი და ოქროსმოყვარენი. ასეთი
წარმოდგენა თავის მოტყუება და ნეტარმორწმუნეობრივი სიყუყუ-
ჩე იქნებოდა ჯერ ერთი, ისეთი ადამიანური ვნებები, როგორცაა
სიხარბე, ოქროსმოყვარეობა, შური, ეგოიზმი და სხვა მისთანანი,
იმდენად მკიდე ინსტინქტებისაგან არიან ნაკეთები, რომ მათი აღ-
მოფხვრა არც თუ ისე ადვილი საქმეა. მეორეც, ცნობილია, რომ

ჩვენს საზოგადოებაში ჭერჭერობით საარსებო საშუალებების განაწილება ხდება შრომის რაოდენობისა და ხარისხის მიხედვით და, მაშასადამე, ადამიანთა ნივთიერი კეთილდღეობა არ არის თანაბარი და ერთნაირი. მეტი რომ არ ვთქვათ, ერთობ მტკნარი გულუბრყვილობა იქნებოდა გვეფიქრა, რომ ნივთიერი კეთილდღეობის ამ უთანაბრობას არ გააჩნდეს ისეთი ნაოკები თუ ნაკეციები, რომლებშიც არ შეეძლოს გალვივება სხვადასხვა ეგოისტურ ვნებებს, მათ შორის სიხარბისა და ოქროსმოყვარეობის დახანებულ თესლს. სწორედ ამგვარ ნაკეცში ვერ მოაქცია მწერალმა საულია და, მაშასადამე, მის ფსიქოლოგიურ პორტრეტს მოაკლო მხატვრული კონკრეტულობა; სწორედ ამან აფიქრებინა ზოგიერთს, რომ მწერალი თითქოს საერთოდ ადამიანის ბუნების რაღაც მარადიულ გაორებას გვიხატავს სიკეთესა და ბოროტებას შორის.

ერთი სიტყვით, საულიას ხასიათი ვერ არის საკმაოდ შეზღაბებული თავისი თავგადასავლისათვის. სანამ ოქროს იბოვნიდეს, იგი მორალურად მთლიანი და თანამედროვე სულისკვეთების პიროვნებაა. როგორც ჩანს მწერალმა იგრძნო, რომ ასეთი ხასიათი მთლად ბუნებრივად ვერ მიდიოდა თავისი შესაძლებელი გამოვლენისაკენ და ამიტომ შეიტანა მის ბიოგრაფიაში საგულისხმო დეტალი. 'ოდესაც საულიას ერთი მტკაველი მიწის გამო მეზობლისათვის წაღლი მოუქნევია და კინაღამ მოუკლავს. ამის შემდეგ იგი განრიდება მოსისხლეებს და სვანეთიდან კოლხეთში გადმოხვეწილა. ეს, რასაკვირველია, მეტყველებს საულიას გარკვეულ მესაკუთრულ მიდრეკილებაზე, მაგრამ მას შემდეგ საულიას ცხოვრებისა და შრომის კარგი სკოლა გაუვლია. ახლა იგი ამ შემთხვევის მოგონებაზე ხომ ისევ ოხრავს, რომ თითქოს გულსაც თან ატანსო. მაშ, უნდა ვიფიქროვათ, რომ იგი წარსული ცოდვისაგან განწმენდილი ადამიანია. რაც შეეხება სათნო მოხუცის — რკინიგზის დარაჯის — ოტიას გულარძნილებას საულიას მიმართ, რომ მას „ბაღლობიდანვე მისგან ნანებებურები და ასე ნაზი, უთქმელი ქალი“ — ფუნდუ — რატომღაც არ ემეტებოდა საულიასათვის, „სულ ეშინოდა. ამ ბრვე ვაჟკაცის უხეშობამ და გულფიცხობამ. საწყალი გოგო არ დამიჩაგროსო“ — ეს ხომ მხოლოდ გუმანია. დ. შენგელიას მეტად მახვილი სმენა აქვს ადამიანთა ფსიქოლოგიის ასეთი ყრუ ტონების მიმართ, მაგრამ თავისთავად ეს გუმანი ღრმად მხატვრულ მოტივად მაინც ვერ არის ვადაქცეული.

საულია ერთბაშად მშრომელი, ხელმართალი და ჰირსა და ლხინში დმერთმა მოგვესო, რომ იტყვიან, სწორედ ისეთი ყაზახი იყო. შენჩემობა და წუწურაქობა კირივით სძულდა და საერთო საქმე თავის

პირად საქმედ მიაჩნდა“. კოლექტივში შრომასაც ისე შეჩვევრდა, რომ გული სულ იქით მიუწევდა. იგი ნივთიერადაც წელმომაგრებული კაცია: მართალია, ჯერ მხოლოდ პატარა ქოხი უღვას. მაგრამ უკვე ყველა შესაძლებლობა აქვს განახორციელოს გულისწადილი, აიშენოს ახალი სახლი, გამართოს ოჯახი, წაიყვანოს ქალაქში თავისი საყვარელი მეუღლე და იქ კარგ ექიმებთან უმკურნალოს, რომ უძეოდ არ დარჩენენ, ბევრი წარმტაცი სანახაობა უჩვენოს, გაახაროს და გაახალისოს. არ ჩანს, რომ საულიას შურდეს რომელიმე მეზობლის კეთილდღეობა, ან ეხარბებოდეს ვინმეს მიერ უპატიოსნო გზით მოხვეჭილი სიმდიდრე. ან კიდევ ვინმე მას ავიწროვებდეს და აბოროტებდეს; საულიას წინ უდევს პატიოსანი მშრომელი კოლმეურნის, მოსიყვარულე ქმრისა და კარგი მოქალაქის გზა. მას არაფერი უშლის ხელს, რომ ამ გზას გულდანდობილად გაჰყვეს, ერთი სიტყვით, არც გარემო ვითარების რაიმე კონკრეტულ კოლიზიაში, არც თვით მისი ხასიათის ემოციურ და ინტელექტუალურ შედგენილობაში არ არსებობს რაიმე ნიშანი იმისა, რომ შესაძლებელ შემთხვევაში ოქრო დაიპყრობს მის სულს. დაშლის მის ზნეობრივ არსებას.

და აი ასეთ კაცს ნაპოვნი ოქროს დანახვისთანავე იმდენად შეიპყრობს სიხარბე და პარაზიტული ცხოვრების წყურვილი, რომ რეალობის გრძნობასაც კი ჰკარგავს. საულიამ იცის, რომ ჩვენი სახელმწიფოებრივი კანონის მიხედვით, მას არა აქვს უფლება მიითვისოს ნაპოვნი ოქრო, ხოლო იმ შემთხვევაში, თუ ქურდულად მაინც მიითვისებს, მას შეუძლია იფიქროს მხოლოდ იმაზე, რომ რაღაც ბნელი გზებით. დასჯისა და განკიცხვის მუდმივი შიშის ქვეშ, ოქრო აქციოს უშრომელი შემოსავლის წყაროდ. მაგრამ, რასაკვირველია, იგი ვერც საკუთარ ქარხნებსა და ფაბრიკებს აიშენებს, ვერც საკუთარ ადგილ-მამულებს შეიძენს. ერთი სიტყვით, მან იცის, რომ იმ საზოგადოებაში, რომელშიც იგი ცხოვრობს და რომლის კარგი და ერთგული წევრი იყო აქამდე, ოქროს უკვე დიდი ხანია აღარ აქვს ის ფუნქცია, რაც მას აქვს კაპიტალისტურ საზოგადოებაში. მიუხედავად ამისა, ოქროს იგი მაინც ისე ებღაუჭება, როგორც ვთქვამთ მას ჩაებღაუჭებოდა გამდიდრებაზე მეოცნებე კაცი სულ სხვა დროსა და სულ სხვა საზოგადოებაში. საულია სამინლად იტანჯება, სამინლად წვალობს, მთელ მის არსებას აჩანაგებს და აფორიაქებს მეტად მწვავე ბრძოლა, რომელიც ოქროს პოვნისთანავე ატყდა მის სულში, მის ვნებებსა და შეგნებას შორის, მის ემოციურ და ინტელექტუალურ საწყისებს შორის. მწერალი უეჭველად ღრმა ფსიქოლოგიური სიმართლის გზაზე დგას, როდესაც გვიჩვენებს, რომ ვნებები, ინსტინქტები, ემოციები, ადამიანში გაცილებით უფრო კონსერვა-

ტიული და „უძრავი“ არიან, ვიდრე შეგნება. მაგრამ, ვფიქრობ, მხატვრული სიმართლე იბღალემა მით, რომ საულის ვნებებსა და ემოციებს არ აზის მისი ცხოვრების პირობების შესაბამისი განსაკუთრებული დადი, არა აქვს კონკრეტული შინაარსი, თუ კონკრეტულ მისამართი.

ერთი სახელდახლო პარალელი.

სტიინბეკის კინომაც იპოვა დიდი მარგალიტი. იქ, რასაკვირველია, სულ სხვა სოციალური გარემოა და მარგალიტსაც სულ სხვა ფუნქცია აქვს. კინოც სულ სხვა სულიერი კონსტიტუციის ადამიანია. მისი ბედის მსგავსება საულის ბედთან მხოლოდ იმაშია. რომ მის სულსაც იპყრობს და აფორიაქებს მარგალიტი, ისიც გააფთრებით ებღაუჭება ამ ძვირადღირებულ ნივთს, ისიც სცემს ერთგულ ცოლს, როდესაც ეს უკანასკნელი ცდილობს ისევ ზღვაში გადააგდოს მარგალიტი. რადგან იგი უბედურების მომტან მავნე საგნად მიაჩნია. მაგრამ კინოს სულში აღძრულ ყველა ემოციას. ყველა ვნებას აზის მისი ცხოვრების პირობების შესაბამისი დადი და აქვს კონკრეტული მისამართი. კინო ოცნებობს იმაზე, რომ მარგალიტში აღებული ფულებით განდიდრდება. ახალ ხელსაწყობსაც შეიძენს. თვითონაც გამოეწყობა, ცოლსაც და უსაყვარლეს შვილსაც კარგად გამოაწყობს და. რაც მთავარია, შვილს სკოლაში შეიყვანს, სადაც იგი ისწავლის წერას და ნაწერის წაკითხვას. ისწავლის ციფრებს, გაიგებს ნამდვილ სიმართლეს, თუ რატომ იჩაგრება მისი თვისტომი ხალხი, და ამის შეოხებით ისინი გახდებიან თავისუფალი ადამიანები.

ამრიგად. ჩვენ ვხედავთ. რომ პერსონაჟის გრძნობები და ვნებები ნაწრთობია მისი ცხოვრების კონკრეტული ვითარებით, დამუხტულია დროისა და გარემოს სულით. ეს არის მხატვრული კონკრეტულობა.

ასეა სინამდვილეშიც, ცხოვრებაშიც: ყოველი ადამიანური ვნება და გრძნობა — სიყვარული იქნება იგი თუ სიძულვილი, გულუხვობა თუ სიხარბე, შური თუ ექვი — ყოველთვის დროისა და გარემოების თარგზუა აჭრილი. მათ ყოველთვის აქვთ გარკვეული ეპოქისა და გარკვეული სოციალურ-ეროვნული წრისათვის დამახასიათებელი განსაკუთრებული წრთობა, განსაკუთრებული ჯავრი.

საულისა სიხარბესა და ოქროსმოყვარეობას კი. როგორც ვთქვი. აკლია სწორედ ეს განსაკუთრებული წრთობა მისი ცხოვრების რაიმე განსაკუთრებული ვითარებით ან მის ფსიქოლოგიაში შემოიხენილ რაიმე განსაკუთრებული მიდრეკილებით. საულისა სულში აღძრული ვნება თითქოს უთარგო და უმისამართაა. მისი სიხარბე არის საერთოდ სიხარბე, ნაკლებ განსხვავებული და ნაკლებ ინდივიდუა-

ლიზარებული. ამიტომაც გამოიყურება მისი საქციელი ანუ მისი ხასიათის ასე მკვეთრი შებრუნება რამდენადმე არაბუნებრივ მოულოდნელობად. ლაპარაკია: სწორედ არაბუნებრივ მოულოდნელობაზე და არა ისეთ მხატვრულ მოულოდნელობაზე, რაც არსებითად თვით ხასიათთა და საგანთა ახალი მხარეების მიკვლევასა და ჩვენებას ნიშნავს. ბევრ კარგ მხატვრულ მოულოდნელობას ვიპოვით ჩვენ თვით დ. შენგელაიას ნაწარმოებებში. მაგრამ აქ მაინც სჯობს გავიხსენოთ უბრწყინვალესი და საყოველთაოდ ცნობილი ნიმუში. ხასიათის ერთობ მკვეთრი შებრუნება და დიდებული მხატვრული მოულოდნელობაა იმაში, რომ ფრად კეთილშობილი ბუნებისა და კრისტალურად წმინდა სინდისის გმირს ისეთი შემმუსვრელი ექვიანობა შეიპყრობს, რომ უსაყვარლეს არსებას ახრჩობს. ამალღებული გრძნობებითა და უფაქიზესი სიყვარულით სავსე ადამიანი შებრუნდება ჩვენს თვალწინ და ველურ ვნებათა საშინელ მოვარდნას გვიჩვენებს, მაგრამ რა მტკიცე შინაგანი ლოგიკა და რა დიდი ბუნებრივობაა ამ მოულოდნელობაში, რა გენიალურად არის შემზადებული ხასიათი თავის ამ უმძაფრესი გამოვლენისათვის. ის არის მრავალკირანცადი, დიდსულოვანი და მამაცი მეომარი, მაგრამ შავკანიანი ქედმაღალ და დაუნდობელ თეთრკანიანთა შორის. და მისი დიდი ადამიანური ვნებაც სწორედ იმითმ არის ესოდენ ზოგადკაცობრიული. რომ იგი აღძრული და ნაწრთობია მისივე მკაფიოდ გამოკვეთილი პიროვნული ბედით, დროისა და გარემოების კონკრეტული ვითარებით.

ზოგჯერ ხასიათის მკვეთრი და მოულოდნელი შებრუნება ამა თუ იმ სოციალური ტიპის მხილებს ხერხიცაა. გგონია, რომ თქვენს წინ დგას შესანიშნავი ადამიანი, კეთილი და პატიოსანი, მაგრამ რომელიმე ახალ ვითარებასა და ურთიერთობაში უეცრად აღმოჩნდება. რომ ნამდვილად იგი სულმდაბალი და ბიწიერი, ანდა პირიქით. მაგრამ ხასიათის ყოველი ასეთი მკვეთრი შებრუნება მხოლოდ მაშინ არის დამაჯერებელი და მხატვრული სიმართლის შემცველი, თუ იგი პერსონაჟის ფსიქოლოგიური წყობის შინაგანი წინააღმდეგობის. ან რაიმე სულიერი თვალთმაქცობის გამჟღავნებაა და არა ხასიათის ლოგიკის დარღვევა. მაგალითად, გორკის შემოქმედებაში ხასიათთა ყოველი მოულოდნელი გამოვლინება არსებითად ყოველთვის ამა თუ იმ სოციალური ტიპის გამოქვადვენებაა (მოვიგონოთ მაწანწალა ჩელკაში. გლეხი გაბრიელი და სხვ). თანამედროვე უცხოელ მწერალთა შორის, რამდენადაც მე ვიცი, გრეკემ გრინი ხშირად გვიჩვენებს ხასიათთა მოულოდნელ. თითქმის ალოგიურ სახეცვლილებას. მწერლისათვის ეს ხასიათის გამჟღავნების ხერხია. ზოგჯერ

გრჩებათ. შთაბეჭდილება, რომ მწერალი თითქოს ნიღაბს ხდის საერთოდ ადამიანს. მისი ბუნების რალაც მარადიულ საწყისებს. სუბიექტურად, მწერლის მსოფლმხედველობის მიხედვით, შესაძლოა, ნაწილობრივ ეს ასეც არის. მაგრამ ობიექტურად მწერლის სახეთა მოძრაობასა და განვითარებაში მაინც ჩანს თანამედროვე კაპიტალისტური სამყაროს სოციალური ტიპების ბუნება, ერთგვარი სოციალური მიმოქროის ლოგიკა.

საულის თავგადასავალი არ არის ნიღაბის ახდა, იგი უმალ ზნეობრივი ნორმის მტკიცებაა. მართალია, მწერალმა, ბოლომდე ვერ აქცია შემთხვევითობა ტიპიური ინდივიდუალიზაციის საშუალებად, მაგრამ ხასიათი მაინც ისე წარმართა, რომ გვიჩვენა სიხარბისა და ოქროსმოყვარეობის შეუთავსებლობა ჩვენი საზოგადოების ზნეობრივ კოდექსთან. საულის სულში ბოლოს მაინც იმარჯვებს ზნეობრივი შეგნება. „განძში“ არის ერთგვარი მინიშნება იმისა, რომ ნამდვილი განძი ნაპოვნი ოქრო კი არ არის, არამედ გარდუვალი ზნეობრივი ღირებულება, რასაც მხოლოდ შრომა ქმნის და რაც პიროვნების მთლიანობაში პოულობს გამოსატყულებას (ოტია და ფუნდუ როგორც მთლიანი პიროვნებანი უპირისპირდებიან საულის); სამწუხაროდ, ეს ნოტივი სრულ მხატვრულ გადაწყვეტას ვერ პოულობს ნაწარმოებში.

ზოგიერთ შენიშვნას იწვევს საულია აგრეთვე როგორც ეროვნული ხასიათი. ქართველი კაცის ხასიათში საკმაოდ მტკიცედ არის შემონახული ბევრი რამ ქალის კულტისა თუ ქალისადმი მოკრძალებული დამოკიდებულების საუკუნეობრივი ტრადიციიდან. ქალის მანდილი სასიკვდილოდ შერკინებულ მოსისხლე მტრებსაც კი აგებინებდა ქარქაშში მახვილს. არც ის არის შემთხვევითი, რომ ქალურ საწყისს ქართული ენის აღნაგობაშიც პირველი ადგილი აქვს დათმობილი. ჩვენ ვამბობთ: დედამიწა, დედაბოძი, დედა-მამა, ქალვაჟი, და-ძმა, ადგილის დედა და სხვ. მართალია, ქალისადმი უხეში დამოკიდებულების მხრივ საულის ქართულ ლიტერატურაში ჰყავს თითო-ოროლა წინამორბედი, მაგრამ, ჩემი აზრით, ის ერთგვარად მაინც ამრუდებს ეროვნულ ხასიათს, როდესაც ფუნდუს მუცელში წიხლს ჩასცემს.

ფუნდუ გვაჯერებს თავისი ქალური გულით. ზნეობრივი სიფაქიზით, გვადლევენს თავისი ტრაგიკული ბედით. ფუნდუს ვერ დაუბა სული ოქრომ, მან უარყო იგი. მან გაჰკიცხა ოქროს ციებ-ციხელებით შეპყრობილი ქმარი. ეს კი დაუჯერებლად და ფსიქოლოგიურ სიყალბედ მიაჩნია სწორედ იმ კრიტიკოსს, ვინც საულის საქციელს ადამიანის ბუნების რალაც მუდმივი იმანენტური კანონებით ხსნის.

ფუნდუს მიმართ კი იგი მეორე უკიდურესობაში ვარდება და სულ გვერდს უვლის ქალის ბუნებას, როგორც ასეთს. მისი აზრით, რაკი ფუნდუ სიობლესა და სიღარიბეში იყო გაზრდილი, ოქროს დანახვაზე მას ელეთ-მელეთი უნდა მოსვლოდა და თვალები სიხარულით გაფართოებოდა.

მართალია, ფუნდუ სიობლეში იყო გაზრდილი. მაგრამ ისეთ საზოგადოებრივ ვითარებასა და ატმოსფეროში, სადაც არ შეიძლებოდა გაღვივებოდა „გაუთავებელი, მაგრამ მაინც ადამიანური წადილი სიმდიდრის ზრდისა, უზრუნველი, მფლანგველური ცხოვრებისა“, რაც კრიტიკოსს საერთოდ ყოველი ადამიანის თვისებად მიაჩნია, მაგრამ მთავარი ის არის, რომ ფუნდუ სულით და ხორციით ჯანსაღი ახალგაზრდა ქალია და, როგორც ყოველი ჯანსაღი ბუნების ახალგაზრდა ქალი, ისიც ხარბია სიყვარულისადმი. ხარბია საყვარელი მამაკაცის სიბოლესა და ალერსისადმი. ეს არის მშვენიერი სიხარბე. საულისა და ფუნდუს უყვართ ერთმანეთი და არ შეიძლება ეს სიყვარული ფუნდუს უდიდეს ბედნიერებად არ მიაჩნდეს. ახალგაზრდა ქალი ამ სიყვარულს ვერაფერზე ვერ გასცვლის, ვერ გასცვლის, როგორც იტყვიან ხოლმე, ვერც მის წონა ოქროზე. ფუნდუს ოქრო უნდა უარყო თუნდაც მარტო იმიტომ, რომ ქალს არ შეიძლება არ შეზიზღდეს ის. რაც მას საყვარელი მამაკაცის გულს წაართმევს. და რა არის დაუჭერებელი იმაში, რომ ფუნდუმ დაჰგმო ქმრის საქციელი და უარყო ოქრო, რამაც შებღალა და შეუურაცხყო მისი უწმინდესი გრძნობები ქალისა და მშრომელისა.

ასე წაეკითხე მე ლამაზად და მღელვარედ მოთხრობილი ამბავი „განძი“.

დემნა შენგელაია

(დაბადებიდან 60 წლის შესრულების გამო)

დემნა შენგელაიას ნაწარმოებებს როცა ვკითხულობთ, თვალწინ გვეშლება ქართველი ხალხის ცხოვრების სხვადასხვა პერიოდის სურათები. სხვადასხვაგვარ ადამიანთა სახეები. შესრულებულ სხვადასხვა მანერით და სტილით. თუ ერთ კუთხეში შევამჩნევთ ნისტრკისა და ეროსის ქალღმერთ ქიმერებს ან ქალაქის ცხოვრების ნატურალისტურად გაშიშვლებულ ფორმებს. მეორე — უფრო ვრცელ მხარეზე დავინახავთ ადამიანთა ცოცხალ რეალისტურ სახეებს. ჩვენი ხალხის ყოფისა და ჩვენი ქვეყნის ბუნების თვალწარმტაც სურათებს. მიუხედავად ამ კონტრასტული სხვაობისა, რაღაც ნათელ გაჰაერთიანებელ ტონს მაინც ვიგრძნობთ და ინტერესით მოვაკვლვით თვალს სურათებისა და სახეების მთელ კრებულს.

დემნა შენგელაიას შემოქმედებითი და მოქალაქეობრივი ზიოგრაფია მკიდროდ არის გადაწული ქართული ლიტერატურის განვითარებასთან ოციანი წლებიდან მოყოლებული. ამ განვითარების ყველა დამახასიათებელი წინააღმდეგობა თავისებურად აირეკლება მწერლის მთელ შემოქმედებაში. ქართული საბჭოთა ლიტერატურის პირველი დღიდანვე დემნა შენგელაია ჩვენი ლიტერატურული ცხოვრების შუაგულში ტრიალებს როგორც თავისი მხატვრული შემოქმედებითი. ისე თავისი პრაქტიკული მოღვაწეობით.

დემნა შენგელაიას მთელი შემოქმედების მაგისტრალურ პუნქტებად შეგვიძლია მივიჩნიოთ მისი ნაწარმოებები: „სანავარდო“, „ბათა ქეჩია“, „შთაგონება“ და „წითელი ყაყაჩო“. შუალედი ნაწარმოებები კი პირველთა ან მომდევნოთა ირგვლივ ჯგუფდებიან.

„სანავარდოში“ მწერალი ჯერ კიდევ მოწყვეტილია რეალისტური კლასიკის დიდ ტრადიციებს. აქ მას ერთგვარ ესთეტიკურ ხარისხში აჰყავს თავისი სუბიექტური წარმოდგენა სამყაროს ქაოსურობაზე. მას იტაცებს დაშლილი და დარღვეული ნივთები. იდეები და ინსტინქტები, რაც ფეოდალური არისტოკრატის დეგრადაციისა-

და აუცილებელი განწირულების ფსიქოლოგიური უკუფენა იყო. არის ამ ნაწარმოებში ტრაგიკული განცდაც იმისა, რომ წარმავალსა და განწირულს თითქოს თან მიჰქონდა რაღაც განუმეორებელი სილამაზე. ამავე დროს „სანაპარდო“ უხვად შეიცავდა ქართულ ეროვნულ კოლორიტს და ეს რამდენადმე აკავშირებდა მას ეროვნულ ნიდაგთან.

„ბათა ქექია“ და მისი ჯგუფის ნაწარმოებები კი უკვე სულ სხვა პოლუსზე დგას. „ბათა ქექია“ — ეს ერთ-ერთი ყველაზე თვალსაჩინო რომანი მწერლის მთელ შემოქმედებაში — უკვე ნათელი რეალიტური სწრაფვაა ქვეყნიერების დიდი წესრიგისა და ჰარმონიისაკენ. ამ რომანში ყველაზე მკაფიოდ გამომქლავნდა, რომ დემნა შენგელაია თავის ბუნებით, თავისი ნიჭის მიღრეკილებით ნათელი გახწყობილებისა და რეალისტური ხედვის მწერალია.

„ეს, ნეტამც არ მენახე. რა გინდოდა, შე ოხერო დედაბერო, რას მერჩოდო, რომ მოხველ და ეგრე უმოწყალოდ მოჰკალი იგი, ჩემო ოცნებად ქცეული ნამდვილი სიღუფე?“

თავისი ადრინდელი მიჯნურისადმი, ახლა უკვე ჩიფჩიფა დედაბრისადმი მიმართული ამ სიტყვებით ამთავრებს თავის გრძელ ამბავს. ქვიანი და ენამახვილი, მხიარული და გულგაუტეხელი ქართველი ვლუხკაცი — ბათა ქექია. ამ სიტყვებში ნაღველნარევი იუმორიც არის. დანაკლისის ტრაგიკული განცდაც და სიცოცხლის წარმტაცი ნმეენიერების დიდი წყურვილიც.

ამაში თვითონ მწერლის მსოფლშეგრძნების ნაწილიც არის, მისთვის ხომ დამახასიათებელია ერთგვარი შფოთვა ადამიანის ბედის გამო. იმ სილამაზისა და სიკეთის შებღალვის გამო, რაც არის და რაც შეიძლება იყოს ადამიანებში.

ბათა ქექიას მთელი ამბავი, რომელშიც გამოსახულია ქართველი გლეხობის განმათავისუფლებელი მოძრაობის ნახევარი საუკუნის ისტორია — 1905 წლის რევოლუციის ჩათვლით, სავსეა ქართველი ხალხის ცხოვრებისა და ბრძოლის დრამატული სურათებით. პრაქალკირნაცადი, მაგრამ მხნე და გულგაუტეხელი ბათა ქექია კარგად განასახიერებს ხალხის ნათელ ბუნებას, მის ჩაუქრობელ ოპტიმიზმსა და დაუცხრომელ მისწრაფებას ცხოვრების გაუმჯობესებისა და გარდაქმნისაკენ.

მათელი თავისი სულიერი წყობით ბათა ქექია ნამდვილი ქართველი კაცია. ეს ჩანს მის ერთ ღრმა ფსიქოლოგიურ თვისებაშიც. მწერალთან ერთად მას სიკვდილის მეტად ტრაგიკული განცდა ახასიათებს. მაგრამ ამაში უიმედობისა და განწირულების სულისკვეთების ნათამალიც არ არის. პირიქით, სიცოცხლის უსაზღვრო სიყვარულ-

ლობა. შესაძლოა, თავისი ერის მცირერიცხოვნობის ან კიდევ სხვა რაიმე ისტორიული პირობების გამო გამომუშავდა ქართველ კაცში, ერთი მხრივ, ყოველგვარი გულგრილობის გამომთიშავი წყურვილი სიცოცხლისა და, მეორე მხრივ, სიკვდილის საშინელების შეგრძნება. გაეიხსენოთ, რა ღრმა ტრაგიკული გრძნობითა და რა პლასტიკური სიცხადით ჰყვება ბათა ქექია პატარა წითელრაზმელის, დედისერთა ჯოჯოს შემთხვევითი სიკვდილის ამბავს.

„ბათა ქექია“ მწერლის დიდი ტრამპლინი იყო საბჭოთა საქართველოს ახალი სოციალისტური ყოფის ნათელი რეალისტური სურათებისა და ახალი ადამიანების ცოცხალი, განუმეორებლად თავისებური სახეების შექმნისაკენ.

შემთხვევითი არ არის, რომ თავის რომანს ახალი თბილისის თემაზე მწერალმა „შთაგონება“ უწოდა. მართლაც, აქ საქართველოს მუშათა კლასის ძველი და ახალი თაობის შრომა და ბრძოლა ცხოვრების ახალი სოციალისტური ფორმების დასამკვიდრებლად, საბჭოთა ინტელიგენციის საზოგადოებრივი მოღვაწეობა გააზრებულია როგორც შთაგონებული შემოქმედება, რაც არა მარტო ნივთიერ, არამედ უდიდეს ზნეობრივ და ესთეტიკურ ღირებულებებსაც ქმნის.

მწერალს ხიბლავს ადამიანის გამოსვლა ბნელი და გაუცნობიერებელი ინსტინქტების ტყვეობიდან. ადამიანის ინტელექტუალური ინტერესებისა და თვითცნობიერების ზრდა, რაც დაკავშირებულია ახალი საზოგადოებრივი ურთიერთობის განვითარებასა და განმტკიცებასთან.

ერთხელ თავის გამოსვლაში დემნა შენგელაიამ თქვა, ჰუმანიზმის გარეშე არაერთარი მწერლობა არ არსებობსო. ეს მართალი აზრი მისი შემოქმედებითი პროგრამაც არის. ყველა მის რომანსა და მოთხრობაში იგრძნობა შფოთვა და წუხილი ადამიანის ბედზე. მის სიკვდილ-სიცოცხლეზე.

ღრმა ჰუმანიტური სულისკვეთებით არის გამსჭვალული დემნა შენგელაიას ნაწარმოები სამამულო ომის თემაზე „წითელი ყაყაჩო“. ეს ნაწარმოები მოგვითხრობს იმაზე, რომ ომმა, რომელშიც საბჭოთა ადამიანების შესანიშნავი მორალური თვისებები და უღრმესი პატრიოტული შეგნება გამოქვავდა, მრავალი ადამიანის ბედი გააუკლმართა და უმოწყალოდ დაამსხვრია. სოციალისტურმა სამშობლომ უდიდესი მსხვერპლი გაიღო თავისი შესანიშნავი შვილების სასათ. და მხოლოდ ფაშიზმის ბნელ ძალებზე გამარჯვებით იქნა ანაზღაურებული ეს უდიდესი დანაკლისი. ამ გამარჯვების დიდ ნათელ პოეზიასთან ერთად „წითელი ყაყაჩოში“ არის ღრმა წუხილიც დაღვრილ სისხლზე, ადამიანთა დამსხვრეულ ბედზე. ეს კეთილშობილუ-

რი წუხილი კი გზას აძლევს დიდ ოცნებას ჰარმონიულად მოწესრიგებულ ქვეყნიერებაზე, მშვიდობის, დემოკრატიისა და სოციალიზმის ძალების საყოველთაო გამარჯვებაზე, რასაც ემსახურება ჩვენი მწერალი თავისი შემოქმედებით.

დემნა შენგელაია სულით ისევ ახალგაზრდაა და მისგან, როგორც ქართული მხატვრული სიტყვის თვალსაჩინო ოსტატისაგან, მკითხველი ჯერ კიდევ ბევრს მოელის.

1956

სიტყვა სახელოვან მწერალზე

თავისი ბიოგრაფიითაც და თავისი შემოქმედებითაც გამოჩენილი ქართველი საბჭოთა მწერალი — ალექსანდრე ქუთათელი კვალში უდგას ჩვენი საუკუნის ყველაზე დრამატულ მონაკვეთებსა და პერიოდებს. ბობოქარმა წლებმა ვერ გატეხეს იგი ვერც ფიზიკურად და მით უმეტეს ვერც სულიერად. მას 75 წელი შეუსრულდა, მაგრამ ახლაც ახალგაზრდულ, სპორტულ ფორმაშია... და რაც მთავარია, გაცვთა და დაუანგება არ დასატყობია მის კალამს, რული არ მორგეცა მის მხატვრულ ფანტაზიას. პირიქით, მწერლის ბოლოდროინდელ ლექსებს. მოთხრობებს და რომანს („სათვალთვალო“) ახალგაზრდული გზნება ატყვია, თანაც მათ მწერლისათვის იმთავითვე დამახასიათებელი ეპიკური სიმშვიდე ახასიათებთ.

ალექსანდრე ქუთათელი დაიბადა 1898 წელს ქალაქ ქუთაისში, ინტელიგენტის ოჯახში — მამა მოსამართლე იყო, დედა კი საშუალო განათლების მქონე, თავისი დროისათვის ფრიად განათლებული ქალი. ისინი მოწინავე და სპექტაკი ადამიანები იყვნენ. ალექსანდრე მათი უკანასკნელი მეცხრე შვილი იყო. მომავალმა მწერალმა ბავშვობა ქუთაისში გაატარა. ათი წლის ალექსანდრე 1908 წელს მისმა უფროსმა ძმამ ნიკომ (იშყამად რუსული ენისა და ლიტერატურის მასწავლებელმა, შემდეგ კი პროფესორმა) თბილისში წამოიყვანა და კლასიკურ გიმნაზიაში მიაბარა. მომავალი მწერლის მეორე ძმაც — დავითი პროფესორი იყო (ზოოლოგი), ხოლო მესამე ძმა — გიორგი გამოჩენილი მხედართმთავარი წითელი არმიის ქართული დივიზიის მეთაური გახლდათ. დაახლოებით 1927 თუ 1928 წელი იყო, მე, როგორც ახალბედა წითელარმიელი, პრესის მუშაკი პირდაპირ მოხიზლული ვიყავი ამ შესანიშნავი მხედრული წრთობის, აზოვანი, მტკიცე ნებღსყოფის მეთაურით და უნდა გამოვტყდე, მით უფრო მეტი ინტერესითა და გულსჩხმეირებით გავიცანი იმავე წელს მისი უმცროსი ძმა ალექსანდრე ქუთათელი, რომლის ერთი იმდროინდელი ლექსის რამდენიმე სტრიქონი აქამდე ჩამრჩა მეხსიერებაში: „ლედის ღეროდან გაიმღეროდნენ ფრთამოქარგული მოლაღურები“... იმ დღი-

დან ჩვენი გულითადი მეგობრობის დედაბი არ გაბზარულა, არ დარღვეულა. მეპატიოს ეს მცირე პირადულ-ინტიმური გადახვევა...

1916-1918 წლებში ალ. ქუთათელი კიევის უნივერსიტეტის საქურნალო ფაკულტეტის სტუდენტია. 1918 წლის ზაფხულში იგი საქართველოში ბრუნდება და იმეამად თბილისში დაარსებული უნივერსიტეტის სიბრძნისმეტყველების ფაკულტეტზე შედის. აქ იგი გულმხურვალედ გაიტაცა ქართული უნივერსიტეტის დამაარსებლის, დიდი მეცნიერის, ისტორიკოს ივანე ჯავახიშვილისა და კლასიკური ფილოლოგიის დოქტორის, იმეამად პეტროგრადიდან ჩამოსული გრიგოლ წერეთლის ლექციებმა. ცნობილია, რომ გრიგოლ წერეთელს ეგვიპტეში ნაპოვნ პაპირუსებზე დაწერილი ბერძენი დრამატურგის მენანდრეს კომედიების გაშიფვრამ მსოფლიო მეცნიერის სახელი მოუპოვა. ეს მეცნიერი სტუდენტ ალ. ქუთათელს განსაკუთრებული ყურადღებით ეპყრობოდა და განზრახული ჰქონდა მისი დატოვება ბერძნული ენისა და ლიტერატურის კათედრაზე.

აღსანიშნავია, რომ ალ. ქუთათელმა 1923 წელს დაწერა ბერძნულ მითზე აგებული დრამა „ქრისე“ და იგი თავის საყვარელ პროფესორს — გრიგოლ წერეთელს მიუძღვნა. ეს დრამა ავტორმა წარადგინა ქართული თეატრის არსებობის სამოცდათხუთმეტი წლისთავის აღსანიშნავ კონკურსზე. დრამამ პრემია დაიმსახურა და დაიბეჭდა იმ დროს სპეციალურად გამოსულ ქურნალ „სახიობაში“. — ასე გამოჩნდა პირველად სამწერლო ასპარეზზე ალექსანდრე ქუთათელი. აღსანიშნავია, რომ ანტიკური სამყაროსა და კლასიკური ფილოლოგიის ცოდნის პირდაპირი თუ არაპირდაპირი ანარეკლი ხშირად იგრძნობა მწერლის შემოქმედებაში. ამავე დროს მწერლის გააზრებაში ყოფითი დეტალებიც კი ხშირად თავისებურ ფილოსოფიურ განზოგადებამდეც კი მალდდება.

ა. ქუთათელის შემოქმედების თემატური არე ერთობ ფართოა: ძველი და ახალი სოფელი, გლეხკაცობა და მისი ცხოვრება, ძველი და ახალი ქალაქი, ინტელიგენცია და მისი ძიებანი. საკმაოა გავისხეწნოთ ლექსები — „ალისმერეთი“, „შემოდგომა“, „ნაცნობი ბალი“, მრავალი მოთხრობა, მათ შორის შესანიშნავი „აბესალომ და ეთერი“, „იონა და მანანა“, რომანი „სათვალთვალო“, და განსაკუთრებით კი ოთხტომიანი ეპოპეა „პირისპირ“, რომ ნათლად ვიგრძნოთ მწერლის ფრიალ ვრცელი თემატიკური დიაპაზონი.

თავისი განსაკუთრებული მხატვრული ენერგიით მკითხველს ხიბლავს ლირიკული მოთხრობა „აბესალომ და ეთერი“, რომელშიაც მხატვრულად სახეცვლილი თუ გარდაქმნილია „საქართველოს ბულაბულად“ მიჩნეული ვანო სარაჯიშვილის ცხოვრება და შემოქმედება.

ამ მოთხრობის მხატვრულ ქსოვილში ორგანულად არის ჩაწნული ხალხური „ეთერიანის“ გზნება და სურნელი. ამავე დროს მოთხრობა ეხება ბელოვენებისა და სინამდვილის ზღვარისა თუ მიჯნის საკითხს.

ომის შემდგომდროინდელი სოფლის ცხოვრებას ეხება მოთხრობა „იონა და მანანა“. საქართველოს წარსული და მომავალი ირეკლება სიმბოლურად ამ მოთხრობის პერსონაჟთა ბედში, ალ. ქუთათელს ძნელად უპოვით ისეთ ნაწარმოებს, რომელიც გზადაგზა რაიმე ფილოსოფიურ თუ ეთიკურ-ესთეტიკურ პრობლემას არ ეხებოდეს. ამ მხრივ საგულისხმოა ამ ბოლო დროს ეურნალ „მნათობში“ დაბეჭდილი ფსიქოლოგიური რომანი „სათვალთვალ“. რომანი ეხება ინტელიგენციის ცხოვრებისა და რუსი და ქართველი ხალხის ქმურ-ურთიერთობის თემას.

ალ. ქუთათელის შემოქმედების მთავარ ფაქტად მაინც მისი ვრცელი რომანი „პირისპირ“ რჩება. ამ რომანზე ავტორმა მეოთხედი საუკუნე იმუშავა. ეს არის რომანი ახალი სოციალური სამყაროს აღმოცენებისა და დამკვიდრების შესახებ.

რასაკვირველია, ძნელია მიაკვირო ნაწარმოების ყველა იმ გენეტიური ნაკადის სათავე, რომელთა ორგანულობა-ერთიანობამ განაპირობა რომანის მხატვრული აღნაგობის თავისებურება, მაგრამ ხელთა გვაქვს ჩვენი საბჭოთა ლიტერატურის ერთი მთავარი ძირითადი გეზი.

ალ. ქუთათელის რომანი „პირისპირ“ სოციალისტური რეალიზმის პრინციპით აგებული ნაწარმოებია. ამ ნაწარმოებში მოცემულია თავისი დროის მკვეთრი სოციალური დახასიათება. ავტორი თვალწინ გვიყენებს იმ დროის სხვადასხვა საზოგადოებრივი წრის წარმომადგენელთა ცოცხალ, შთამბეჭდავ სახეებს. ეს რომანი მწერლის ღრმა შთაგონებით, დიდი შრომითა და დიდი ცოდნით შექმნილი ნაწარმოებია. ამ ნაწარმოებში მოვლენები და სახეები არა მარტო დანახული და განცდილია ემოციურად, არამედ ღრმად გააზრებულიცაა გარკვეული იდეური თვალსაზრისით.

ქართული, რუსული და მსოფლიო ლიტერატურის ღრმა ცოდნამ გაამდიდრა და უხვი გახადა მწერლის გამომსახველობითი საშუალებანი, გაათართოვა მისი მხატვრული თვალსაწიერი. ალ. ქუთათელი თავისი ნაწარმოების პერსონაჟებს ცალმხრივად კი არ ხატავს. არამედ სოციალური გამოცდილების მრავალმხრივობითა და მრავალწახნაგოვნებით გვიჩვენებს.

რასაკვირველია, რომან „პირისპირში“ დახატული სურათები შორს დგანან დღევანდელი საქართველოს სინამდვილისაგან, მაგრამ ისინი კვლავ და კვლავ ინარჩუნებენ გაუხუნარ ელვარებას. დაუვი-

წყარ და საგულისხმო მხატვრულ ფაქტად რჩება იმ დროს გადახდილი ბრძოლების მნახველისა და მონაწილის — რომანის მთავარი გმირის. ქართველი ინტელიგენტის — კორნელი მხეიძის სახე. მისი სულიერი ზრდისა და დაეუკაცუების ისტორიაც. სწორედ ამის გამო შედის ალ. ქუთათელის ისტორიულ-რევოლუციური რომანი „პირისპირ“ ახალი ქვეყნის დამკვიდრების სულისკვეთებით გამსჭვალულ ცნობილ დიდ ნაწარმოებთა რიცხვში.

ამრიგად, ალ. ქუთათელის რომანი „პირისპირ“ ეძღვნება დიდ ისტორიულ ფაქტს საქართველოში — საბჭოთა ხელისუფლების დამყარებას. ნაწარმოებში შთამბეჭდავად არის გამოხატული თუ როგორ მიმდინარეობდა რევოლუციური მოვლენების გავლენით რომანის მთავარი გმირის. ახალგაზრდა ქართველი ინტელიგენტის — კორნელი მხეიძის სულიერი ჩამოყალიბება. ამ პერსონაჟის ბედი მკვიდროდ არის გადანასკვლელი რეალური ისტორიული პირების — ს. კიროვის, ს. ორჯონიკიძის, ს. ქავთარაძის ცხოვრებასა და მოღვაწეობასთან. ცოცხლად, შთამბეჭდავად და ქემშარიტი ოსტატის ხელით არის დახატული რომანში ამ რევოლუციურ მოღვაწეთა პორტრეტები.

ვუსურვოთ ჩვენს საყვარელ იუბილარს დღეგრძელობა და ახალ-ახალი შემოქმედებითი წარმატებანი!

1973

ბიორგი ნატროშვილი

„ოთახში ბნელოდა, ფარდები აწეული იყო და სადღაც ახლოს მაშხალებს რომ ისროდნენ, იმის შუქი შემოანათებდა ხოლმე ფანჯარაში, ეს იყო რაღაც შიშისმომგვრელი სინათლე, მზის შუქზე უფრო თეთრი და თანაც მკრთალი, თითქოს არა ამქვეყნიური. როცა ის მოეფინებოდა მიდამოს, მაშინ ფანჯარაში ჩანდა, რომ გარეთ ხშირი თოვლი იყო, ნელ-ნელა ეშვებოდნენ ფანტელები ციდან, როგორც ფარვანები, ისე ეხვეოდნენ სინათლეს; ნელ-ნელა ეშვებოდნენ, თითქოს ეზარებოდნენ ჩამოსვლა დადლილ, ნაჭრილობევ და გეწუხებულ მიწაზე, სოფლის ატალახებულ ქუჩაში, თითქოს არ უნდოდნათ ამ წმინდა, მღუწარე და პატარა ვარსკვლავების ყოფნა ქვეყნად, სადაც ამდენი შფოთი და ვაი-ვაგლახი იყო.

როცა შუქი ჩაქრებოდა, ბნელოდა ისე, რომ თვალთან თითს ვერ მიიტანდა ადამიანი.

ბავშვი დაწყნარებულიყო, შემდეგ კი ისევ გაისმა მისი ხმა:

— დედა, ილაპარაკე... როცა შენ ლაპარაკობ, ოთახში აღარა ბნელა“.

ამ პატარა, მაგრამ საკმაოდ მეტყველ სურათში, ყოველგვარი ქარბი ფერადოვნების გარეშე რომ არის შესრულებული, კარგად იგრძნობა მწერლის ხელწერის თავისებურება — მიწრაფება ბუნებრივობისა და სიცხადისაკენ, უწვალებელი და ტევადი სიტყვი-საკენ. სურათს, როგორც ვხედავთ, განსაკუთრებულ ტრაგიკულ ელერადობას აძლევს ბავშვის თხოვნა, მისი საოცარი წარმოდგენა, რომ დედის ხმა ფანტავს სიბნელეს. რა მართალი ჩახედვია ბავშვია სულში! (და განა მართო ბავშვის სულში?). ფსიქოლოგიურად რა ზუსტი და რა ღრმია ეს გრძნობა, თანაც რაოდენი გულუბრყვილო სიანკარე და, თუ ვნებავთ, რაოდენი სიბრძნეც არის შიგ. თითქოს ამ უბრალო რეპლიკაში თავი მოუყრია ქვეყნის მთელ ტკივილსო. აქ ილანდება არა მართო უმანკო სულის შემოფოთება ომის საშინელებებით, დიდი ნდობა დედისადმი, არამედ ადამიანურ კავშირთა ცხოველმყოფელობის უღრმესი შეგრძნებაც. ალბათ, საერთოდ ლიტე-

რატურაში ბევრიც მოიძებნება მსგავსი ნახატი გრძნობისა, მაგრამ აქ, ამ სურათში იმდენად უშუალო და ორგანულია, რომ იგი არ შეიძლება არ იყოს მწერლის საკუთარი მიგნება, საკუთარი დაკვირვება და უფრო მეტიც — საკუთარი დამოკიდებულება სამყაროსადმი. იქნებ მწერლის მთელი სათქმელის თავიდათავიც ეს იყო. ამ გრძნობის შინაგანი ენერგია ისე დიდია, რომ იგი შეიძლება სულში თანაგრძნობის, გულშემატიკვრობის, სიყვარულის უზარმაზარ ხანძრად აფეთქდეს და ანაზღად წამოიძახოს: „ადამიანო, იფხიზლე, ილაპარაკე... როცა შენ ფხიზლობ და ლაპარაკობ, ქვეყნად სიბნელე ქრება“.

არაა საჭირო მხატვრული ოსტატობის მოსაწყენი გაკვეთილები... წერა შეიძლება კაცმა ისწავლოს, მაგრამ გულში ჩამწვდომი სიტყვის აღმოჩენას ნიჭი სჭირდება.

გიორგი ნატროშვილს ძალუძს ასეთი სიტყვების მიკვლევა. ზემოთმოტანილი ეპიზოდიც ამოღებულია მისი ერთი პატარა მოთხრობიდან „ბავშვი“, რომელიც ომის თემაზეა დაწერილი.

გიორგი ნატროშვილი საკმაოდ ცნობილი ახალგაზრდა ლიტერატორი — კრიტიკოსი იყო, როცა ომში წავიდა. ომიდან მან მძიმე კრილობა და თავისი შემოქმედებითი ბიოგრაფიის ახალი თავიც მოიტანა; იგი იქ გამოირკვა როგორც პროზაიკოსი. მოულოდნელი არ ყოფილა მისი გადასვლა ამ ჟანრზე. იგი თავის კრიტიკულ-ლიტერატურულ წერილებშიაც ადრევე ამქადაგებდა მიდრეკილებას სიტყვიერი მხატვრობისადმი. ახლა იგი უკვე ორქანროვანი მწერალია. თავისი პროზა მან ომის შთაბეჭდილებებით დაიწყო, მაგრამ ომის თემამ მტკიცედ მაინც ვერ მოიკიდა ფეხი მის შემოქმედებაში. პირიქით, ამ შთაბეჭდილებებმა მწერალში თითქოს გაამძაფრეს ბავშვობიდანვე შესისხლბორცეული სამყაროს — თავის ქვეყნისა და თავი-სი ხალხის ცხოვრების მხატვრული წარმოსახვის უნარი. ერთის შეხედვით, თითქოს უცნაურია, რომ ომში უამრავი სიკვდილის მნახველმა, ყველაზე უკეთ მაინც მშვიდობიანი „უღარღელი კაცის სიკვდილი“ დახატა, ჯარისკაცთა ბევრი გმირობისა და ტანჯვა-წვალების მოწმემ, ყველაზე უკეთ მაინც მშვიდობიანი კაცის შრომის პოეზია გამოსახა. ომში მრავალი შინაჯაში ადამიანის დამნახავმა, ყველაზე უკეთ მაინც იმ ავკაცი ბობოლას დრტვინვა და შიში გვიჩვენა, ვინაც უშრისძიების მოლოდინში გუთანს ჩაბლაუჭებია და გამწარებული ბღავის: „ბიჭო მიხავ! გაგიხმეს ეგ მარჯვენა, გუთნისდღღისათვის თოფი ვის დაუკრავს... — ბღავის ცხოველურად და მცირე იმედს ეპოტინება, — არ გაგონილა, რომ ვინმეს შირაქში, მთელ საქართველოში გუთანი სისხლით შეეღებოს!“

აქ რაიმე ზოგადი კანონზომიერების ძებნა ამაო იქნება. ეს მწერლის შინაგანი ბუნებით. მისი ნიქისა და ხასიათის თავისებურებით უნდა აიხსნას. ყოველ ნიქს ალბათ თავისი მთავარი არჩევანი აქვს მოვლენათა სამყაროში, დროსა და გარემოში.

უნდა ვიფიქროთ, ომის შემზარავმა სინამდვილემ, სადაც ზღვარი სიცოცხლესა და სიკვდილს შორის თითქმის წაშლილია, სადაც სრულიად უსაიდუმლო სიკვდილი ნიღბახდელი დაგელობს და ღმინლისაათვის, იუმორისათვის ადგილს არ ტოვებს, მწერალს წინააღმდეგობისა თუ კონტრასტის ძალით განსაკუთრებული სიმკვეთრით აგრძნობინა მშობლიური გარემო, როგორც ომში დანახული და განცდილი ქვეყნიერების სრული წინააღმდეგობა.

გიორგი ნატროშვილი უაღრესად ნიადაგობრივი მწერალია. არა მარტო თავისი კარგი და ძარღვიანი ქართულით, არამედ თავისი გმირებითაც. მათი გრძნობებისა და აზრების წყობითაც, საღებავებითაც და მხატვრული მასალითაც. მას თითქოს ადგილის დედის თვალი აქვს აყოლილი, მისი მოთხრობებზე აშბები უმთავრესად კახეთის საანახეში ტრიალებს, აქვე არიან შობილნი და აღზრდილნი ის ადამიანებიც. რომელთა სახეებისა და ხასიათების გამოძერწვაც იტაცებს მას. აქ მას მხატვრული ფანტაზიაც და სიტყვაც დიდებულად უჭრის. მკითხველი გიორგი ნატროშვილის მოთხრობების ვერც სიუჟეტურ მოტივებში, ვერც ხასიათებისა და სურათების ხატვის ხერხებში ვერ იპოვის ვერაფერს მყვირალა, მოღურ სიახლეებს. მაგრამ ეს მოთხრობები უაღრესად თანამედროვე და ახალია სწორედ თანამედროვეობის უმძაფრესი გრძნობით, ღრმა ჰუმანისტური სულისკვეთებით. იდეურ-ზნეობრივი მოტივებით, განუმეორებელი მხატვრული სახიერებით, თავისებური ნათელი იუმორით.

აქ სანიმუშოდ გიორგი ნატროშვილის მხოლოდ ერთ მოთხრობაზე შევჩერდებით. ეს მოთხრობა, ჩემი აზრით, მრავალმხრივ ახასიათებს მწერლის შემოქმედებით თავისებურებასაც, მის ინდივიდუალურ ხელწერასაც და ფრიად საყურადღებო და საგულისხმო თავისი ზნეობრივ-ესთეტიკური კონცეფციით, მხატვრულ-იდეური მოტივებით. ეს არის მოთხრობა ერთი მოხუცი კახელი მეცხვარე კოლმეურნის თავგადასავალზე — „ისევ გაზაფხული იყო იორზე“.

ქართულ ლიტერატურაში მოხუცი ადამიანების ბევრი შესანიშნავი სახეა შექმნილი. ბევრს რომ არ გამოვედევნოთ, გავიხსენოთ თუნდაც ტარიელ გოლუა, აღმასგირ კიბულანი, ბათუ ქარღუა, ბათაყვა და სხვ. შეიძლება ითქვას, რომ ლეო ქიაჩელმა შექმნა მეოცე საუკუნის ქართველი მოხუცი კაცის უთაგონებელი მხატვრული მა-

ტიანე, რითაც გვიჩვენა იმ მემკვიდრეობითი სულიერ-ზნეობრივი ძალების სიდიადე და სილამაზე, რომლებიც ქმნიან დროთა და თაობათა უწყვეტ კავშირს. მოხუცი კაცის რამდენიმე საყურადღებო სახე შეიქმნა ქართულ ლიტერატურაში ამ უკანასკნელ წლებშიაც. დამახასიათებელია, რომ უმეტეს შემთხვევაში ისინი გამოხატავენ შრომის, ვაჟკაცობის, სულიერი სიმტკიცისა და ზნეობრივი სიფაქიზის ტრადიციათა ძალას.

გ. ნატროშვილის მოთხრობის გმირი — მოხუცი მშრომელი კაცის ეს ახალი სახე — თავისებურად აგრძელებს ქართველი მოხუცი კაცის დაწყებულ მხატვრულ მატრიანეს. იგი ბებერიი, მაგრამ საკმაოდ სადღეისო და საჭირობოროტოა თავისი საზოგადოებრივ-ადამიანური მოტივებით. დიახ, იგი სრულიად უბრალო ადამიანია, მაგრამ რას ნიშნავს უბრალო ადამიანი? რას ემყარება ჩვენს დროში ადამიანების დაყოფა უბრალოებად და არა უბრალოებად? თუ უბრალოება ღარიბ სულს, პრიმიტიულ აზრებს, წვრილმან გრძობებსა და მდბაღ ვნებებს გულისხმობს, მაშინ ლაპარაკიც ზედმეტი იქნება უბრალო ადამიანის ამბლებულ სულიერ თვისებებზე, მის კეთილშობილ ბუნებაზე. მაგრამ არ შეიძლება, რასაკვირველია, უბრალო ადამიანი გავაიგივეოთ კაცუნასთან, სულმდბაღ პატარა კაცთან. უბრალო ადამიანობა შეურაცხყოფელი და დამამცირებელი იქნება ყოველი ადამიანისათვის, თუ იგი გამოხატავს ყალბ წარმოდგენას რაღაც გარდუვალი თვისობრივი ზღვარის შესახებ უბრალოებასა და არა უბრალოებას შორის, თუ იგი ერთს უფლებას მისცემს მადლიდან დაბლა დაჰყურებდეს მეორეს.

მაგრამ ამა თუ იმ მაღალი მდგომარეობის ადამიანს ზოგჯერ იპყრობს ხოლმე ყალბი ილუზია, მსგავსი შექსპირის ლირის ილუზიისა, როდესაც თავის განსაკუთრებულ საზოგადოებრივ მდგომარეობას ნაწერს თავის მოჩვენებით ადამიანურ განსაკუთრებულობას. ასეთ ილუზიებს ჩვენი ეპოქა თანდათან აცლის ნიადაგს.

კითხულობთ მოთხრობას „ისევ გაზაფხული იყო იორზე“ და ხედავთ, რომ თვით ყველაზე უბრალო მშრომელი ადამიანი არცთუ ისე უბრალოა, როგორც ეს შეიძლება გარედან მოჩანდეს ან ეჩვენებოდეს ვინმეს — მადლიდან დაბლა დამყურეს. ეცნობით მოხუცი იორანს და გინდათ განაგრძოთ იგი, გინდათ თქვათ, ხმამაღლა თქვათ: — ეი, თქვენ ადამიანებო, უკუაგდეთ სამარცხვინო ჩვეულება, ნუ უყურებთ ადამიანებს, როგორც ვეება საზოგადოებრივი მანქანის უმნიშვნელო ნაწილაკებს, ადამიანები სამყაროებია, მთელი სამყაროები.

არ შეიძლება ითქვას, რომ იორამი თავისთავად ახალი ადამიან-

ნი იყოს, მაგრამ იგი სწორედ ის სალი და ნაცადი ადამიანური მასალაა, რომელიც დროთა და თაობათა კავშირს ქმნის.

კარგია, როცა მხატვრული სახე ისე ახლოს მოდის შენს გულთან და ისე ახლობელი ხდება, რომ ჩაღაც ძლიერ განცდილსა და ახლობელს ვინმეს გაგონებს. მოხუცი იორამი მაგონებს მე ერთ ჩემს ახლობელ კაცს, მის უკანასკნელ წუთებს. იგი სოფლის შესანიშნავი ხურო და კარგი მიწის მუშაე იყო, მეტად მართალი, პატიოსანი და მთლიანი პიროვნება. ღრმამოხუცებამდე ისე მივიდა, რომ არც შალაშინი და არც თოხი ხელიდან არ გაუგდია. ჯანმრთელიც იყო და ღონიერიც. ჩემს დღეში სურდოს გარდა არაფერი შემყრილა. იტყოდა ხოლმე. მაგრამ ერთხელ რომ წაიქცა, წაიქცა და აღარ წამომდგარა. ივანობისთვის გარდაიცვალა. მშვენიერი დღე იდგა. ვამიგონია, ასეთი დღის გამო იტყოდნენ წინათ გურიაში, ცაპ მირონი ჩამოსტირისო. მართლაც, იმ დღეს ცა ისე კრიალა, ისე სასურველი და ქრუანტელის მომგვრელი იყო, რომ მხოლოდ ასეთი ცის შემყურეს მოგაწუებოდათ გულზე გალაქიონისეული სევდა, თუ ოდესმე მოგწოლიათ გულზე სევდა იმის გამო, რომ ფრთა არ გასჭიათ და არ შეგიძლიათ აფრინდეთ მაღლა, შეუერთდეთ რაღაც დაუღვეველ სილამაზეს. ქვეყნიერება სავსე იყო მზით და ჰაერით, მოხუცს კი არც მზე ჰყოფნიდა და არც ჰაერი. ხუთ დღეს უკონოდ იყო. სიკვდილის წინ კი რამდენიმე წუთით გონს მოვიდა; ღია კარებიდან ეზოში გაიხედა, სადაც ახალგამოროდებული სიმინდის ყანა ღაღანებდა. როგორც ჩანს, თვალის ერთი მოვლებით შენიშნა ერთ ადგილას შეჭვთვული რამდენიმე ძირი სიპინდი. შვილიშვილს ანიშნა, ახლოს მოდიო. და სულისდაფევაში წარმოთქმულ ნაწყვეტ-ნაწყვეტი ბგერებით ძლივს გააგებინა. რომ იმ ადგილას სიმინდი კარგად არ იყო გამეჩხერებული, გაამეჩხერეთ, თორემ ვერცერთი ვერ იხეირებსო. ეს იყო და ეს. რამდენიმე წუთის შემდეგ მოხუცი გათავდა. როგორც ხედავთ, გასაოცარი არაფერი მომხდარა. მაგრამ ამ წუთებში საოცარი ძალით ვიგრძენი ადამიანის შემოქმედი სულის სიმშვენიერე და უბერებლობა. რამდენი მსგავსი რამ გამიგონია. რამდენი მსგავსი რამ დაუხატავთ და აუწერიათ უფრო დრამატულსა და ძლიერ ფორმებში. მაგრამ უშუალოდ ნახული და განცდილი ხელსხვაა. სულ რამდენიმე წუთი გამოსტაცა მოხუცმა სიკვდილს. მაგრამ ისიც საქმეს მოახმარა; კაცი კვდებოდა, მაგრამ თავისი წილი წესრიგი მიანიც შექმნდა ბუნებაში, ცხოვრებაში. პოლით და ნუ ვამეორებთ ერთი დიდი მწერლის სიტყვებს:

Хоть не вечен человек,
но, чтоечно, человечесно.

მოთხრობა „ისევ გაზაფხული იყო იორზე“ სწორედ ადამიანის შემოქმედი სულის უხრწნელობის, შრომისა და სინდის-ნამუსის კაცის საღიდებელი პოემაა. დე, ეს ადამიანური თვისებები არც თუ ისე ახალი იყოს, კიდევ მეტი, თუნდაც ძველი იყოს, ისე, როგორც ქვეყნიერება (სხვათა შორის, ძალიან ბევრ ახალ თვისებებს ხომ არ ვთხოვთ ჩვენ ადამიანებს, მაშინ, როდესაც ახალი ადამიანური თვისებები არც თუ ისე სწრაფად იბადებიან). მაგრამ სიახლე აქ თვით ამ ადამიანურ თვისებებში კი არ არის საძებარი, არამედ იმ ადგილში. რომელსაც ისინი იკავებენ ჩვენი დროის ადამიანთა ურთიერთობაში, ჩვენს იდეურ, ესთეტიკურ და ზნეობრივ შეხედულებებში.

ძველი, ნაცადი მეცხვარე ოდესღაც უბადლო სარქალი და კარგო ბინისთავი — მოხუცი იორამი არ არის რთული ადამიანური ხასიათი. პირიქით, მის ბუნებას თითქოს ერთგვარი პირველადი თუ წარმართული სინედლეც კი შერჩენია: შეუძლია ძილბურანში წარმოიდგინოს, რომ მგელი მგელს კაცივით ესაუბრება, მგელი ძაღლს კაცივით ელაგება და ემუქრება. მაგრამ იგი შრომისა და სინდის-ნამუსის კაცია, ზნეობრივად გაუბზარავი, საქმისა და მეგობრობისათვის თავდადებული. ერთ დროს თურმე თავსაც კი იკლავდა იმის გამო, რომ ზვაემა ცხვარიცა და მოძმე მწყემსი ბიჭებიც ალაზანში დაულხჩო. ახლა იორამი ღრმა მოხუცია. მის სახეს, მის ადამიანურ არსებას ჩვენ ვხედავთ ორ წინააღმდეგობაში. ერთი წინააღმდეგობა, უფრო შინაგანი, თუ შეიძლება ასე ითქვას, უფრო ფსიქოლოგიური ფილოსოფიური წინააღმდეგობაა: შრომის კაცს სწყურია ბოლომდე აკეთოს თავისი საყვარელი საქმე, მაგრამ ძალა არ შესწევს, მის არსებაში ერთმანეთს დასკიდებია სხეულის სიძაბუნე და სულის უცხოობი სიკვამლე; მეორე წინააღმდეგობა უფრო საზოგადოებრივ-ურთიერთობითი წინააღმდეგობაა: ამ სინდის-ნამუსის კაცს, ხალხის საქმისა და სახალხო ქონების უანგარო გულშემატკივარს, ცუდი ადამიანების მეოხებით, ქურდობაში დასდებენ ბრალს და დამნაშავეს სჯამზე დასვავენ.

ორთავე წინააღმდეგობა, როგორც ვხედავთ, სრულიად შესაძლებელი და, მაშასადამე, ცხოვრებისეულია.

მიყვებით, როგორ ვითარდება და როგორ იხსნება ორთავე წინააღმდეგობა მოთხრობაში.

მოხუც იორამს გული ერჩის და ღონე არ მოსდევს, შრომაში დაპურებულს შრომა სწყურია, მაგრამ — შრომა უკვე აღარ შეგიძლია და დაისვენეო — ეუბნებიან. აბა ცუდი რა არის იმაში, რომ სურთ პატივი დასდონ ადამიანის ღვაწლმოხსილებას; კოლმეურნეობის ხელმძღვანელებსაც, ვაჟიშვილსაც, რბალსაც, შვილიშვილებსაც სიკეთე

უნდათ იორამისათვის, არც ზრუნვას მოაქლებენ, არც პატივისცემას. ამ მხრივ მოხუცს განა რაიმე სამღერავი უთქმის? ერთ დროს ქალაქშიაც ხომ წაიყვანა ვაჟიშვილმა საცხოვრებლად, მაგრამ მოხუცმა აქაც ვერ გასძლო უსაქმოდ და ის იყო, რომ ფეხსაცმელების ფაბრიკაში მოეწყო დარაჯად. აქ მან თავისი მართალი გულისა და წმინდა სინდისის თვალთ შეხედა ადამიანებს. მაგრამ ადამიანი, ვინც უნდა იყოს ის, უეჭველად ცდება, როდესაც ყველას თავისი საზომით ზომავს და ყველას თავის ზნეობრივ თვისებებს მიაწერს. ეს შესაძლებელი ადამიანური შეცდომაა. მაგრამ მთელი უბედურება იმაშია, რომ ზნეობრივი ადამიანის ასეთი შეცდომა უფრო მეტი ბოროტების მომტანია, ვიდრე არამზადსი, რადგან, როცა პატიოსანს უპატიოსნოც პატიოსანი ჰგონია, უპატიოსნობა დაუსჯელი რჩება და პატიოსნებასაც ჩირქი ეცხება. ასეთი იყო იორამის უნებლიე შეცდომაც. იგი თავისი ნაცადი საზომით ზომავდა ადამიანებს, „სინდის-ნამუსზე ენდობოდა ყველას, როგორც მთელ თავის გრძელ სიცოცხლეში იყო მიჩვეული“. ამას კი მოჰყვა ერთ-ერთი ყველაზე ტკივილიანი, ყველაზე მწვავე ვითარება. რაც კი ადამიანთა ურთიერთობაში შეიქმნება. როცა მართალი კაცი თაღლითი ადამიანების ხლართებში გაებმება და უმართებულად დაისჯება. საქმე ის არის, რომ ასეთ შემთხვევაში კაიკაცობა უფრო დაუცველია, ვიდრე ცუდკაცობა, რადგან სიმართლეს, პატიოსნებას, ერთგულებას ნიღაბი არ სკირდებათ, ისინი უნიღბოდ დადიან; ცუდკაცობა და მანკიერება კი მუდამ ნიღაბფარებულია. ფაბრიკაში ტყავი დაიკარგა, ქურდი ვერ იპოვეს, დარაჯი იორამი ქურდების ხელისშემწყობად მიიჩნიეს და სამართალში მისცეს. სასამართლოსკენ რომ მიჰყავდათ, გაოგნებულ მოხუცს ფეხებში ვილაც ბიჭები წაჰოედნენ. ისინი „ერთმანეთს ერჭინებოდნენ და სულაც არ ედარდებოდან, რომ ახლა, ამ წუთში მთელ კახეთს თავი ეჭრებოდა“. ეს ერთი პატარა დეტალი — და მთელი ვითარება ნათლად იხატება. კარგად ვგრძნობთ ალალმართალი მოხუცის დიდ სულიერ ტკივილსაც და ვხედავთ იმასაც, რომ მისი ზნეობრივი ღირსება, მისი სინდის-ნამუსი მთელი კახეთის, მთელი ხალხის სინდის-ნამუსია. მართლაც, არსებობს კი რაიმე ზნეობრივი ღირებულება, რომელიც ხალხის გულში არ იყოს დაბადებული და ხალხს არ ეკუთვნოდეს? იორამიც ხომ ხალხის ზნეობრივმა ძალამ იხსნა შერცხვენისა, დამცირებისა და დაჩაგვრისაგან.

კარგად, ძლიერად არის შესრულებული სასამართლოს ეპიზოდი, არა იმდენად თავისი დრამატული დაძაბულობით, რანდენადაც თავისი აზრობრივი დატვირთვით. მეტად საგულისხმო და მრავლისმეტყველია განსაკუთრებით ორი კახელი მწყემსის შემთხვევი-

თი დასწრება სასამართლო პროცესზე. თითქოს სწორედ მათ თავი-
ანთი უშუალოდ და გულალალობით შემოიტანეს ამ დარბაზში
ხალხის სინდის-ნამუხის ძალა და შუქი, „იორამს მოსამართლისა
აღარა ესმის რა, ყური იმ მწყემსისაჲკენ უჭირავს, თითქოს მისი ბე-
დი ამათ აბარიათო, თითქოს უკუნ წყვილიადში რაღაც შუქი გამოჩნ-
დაო“. მწყემსებმა იცნეს მოხუცი და კიდევაც გაუკვირდათ, იორამს
აქ რა უნდაო, იცნეს სასამართლოს თავმჯდომარეც — მათივე წრი-
დან გამოსული ქალი — „ძიძილანთ მიხაკოს გოგო“ და კიდევაც
გააგონეს: „მერჯ და, ეგ მიწადასაყრელი, ლასტის ქოხში არ არის
გაზრდილი? რატომ არ იცის, რომ სარქალი ტყავს არ მოიზარავ-
და“.

ვინ იცის, თესლი ნოყიერ ნიადაგში ჩავარდა თუ თავისთავადაც
უკვე ღვიოდა იგი მოსამართლის შეგნებაში. ყოველ შემთხვევაში,
ხალხის რწმენა და სინდისი ყველაზე მარჯვე გზა აღმოჩნდა სიმატ-
ლისაჲკენ. ასე გამართლდა მართალი კაცი, ასე გადაწყდა ერთი წი-
ნააღმდევობა მის ცხოვრებაში. შეიძლება ვიღავთ დრამატული
რიტმის შენელებაზე ამ გადაწყვეტაში, მაგრამ გადაწყვეტის აზრის
სიღრმე და სისწორე დავას არ უნდა იწვევდეს. საქმე იმაშია, რო-
გორ წავიკითხავთ და როგორ გავიგებთ მას.

იმავე მწყემსებმა გამართლებულ და განხარებულ იორამს ერთ-
გვარი საყვედურით უთხრეს, აქ რა გული გიძლებს, იქ საქონელი
გელუპებათო. ესლა აკლდა ისედაც საქმის სევდით შეპყრობილ ბე-
რიკაცს. მან ისევ ივრის სანაპიროების საძოვრებს მიაშურა. ვერ
ისვენებს შრომის კაცი, სურს ბოლომდე დაიდოს წილი საქვეყნო
საქმეში, ბოლომდე იშრომოს და იღვაწოს. ცოტადა აკლია იორამს
(აკლია კი?), როგორც მხატვრულ სახეს, რომ მთელი თავისი ცხოვ-
რებით შთაგვაგონოს: ნამდვილი კაცური კაცი ის არის, ვისაც მი-
სვენებას არ აძლევს პასუხისმგებლობის გრძნობა ადამიანთა ბედს-
სათვის, ცხოვრების ნამდვილი ადამიანური წესრიგისათვის. ქვეყნიე-
რების სილამაზისათვის, ყოველივე კარგისა და ცუდისათვის. რაც
მის ირგვლივ ხდება. იორამს თითქმის იძულებით აბრუნებენ სო-
ფელში, თავის კარ-მიდამოში, რომ იქ კაკლის გრილში მხარ-უებოზე
წამოწვეს და დაისვენოს. მაგრამ ასეთი დასვენება დიდი სატანჯვე-
ლია მისთვის. თქვენ იქნებ გულგრილადაც ჩაუაროთ ბერიკაცს, რო-
მელსაც სულ ერთთავად დანა უჭირავს ხელში და ჩხირებს თლის.
ერთი წუთითაც არ დაფიქრდეთ იმაზე, თუ რა დარდი აწუხებს მას.
ზვენ — ადამიანები ყოველთვის როდი ვართ ყურადღებიანი ადა-
მიანის ისეთი მოძრაობების მიმართ, რომელთა იქით რაღაც დიდი
ტივილი და წუხილი იმალება.

აღბათ, ჩვენს შესაძლებელ გულგრილობას ებრძვის მწერალი, როდესაც მოხუცი იორამის მართალსა და დარდიან გულში გვახედებს: „აღარ შემიძლიან, ბიჭო!.. მარტო ვარ, შვილო, დარდმა მომიღო ბოლო... საქმე მომეცი რამე“ — შესჩივის იგი კოლმეურნეობის თავმჯდომარეს. ვინმემ იქნებ კიდევაც თქვას, რა მარტოობა აუტყდა ამ ახირებულ ბერიკაცს, შვილიცა ჰყავს და შვილიშვილებიც, დადგეს და დაიხვენოს. მაგრამ ასე იოლად როდია საქმე. აქ ძალაშია ფსიქოლოგია და, თუ გნებავთ, ფილოსოფიაც შრომის კაცისა, ვისაც შრომა შემოქმედებით სიხარულად გადაქცევია, მარტოობა მას უფრო სხვანაირად, შესაძლოა, უფრო ღრმადაც ესმის. მისთვის ყველაზე დიდი და ყველაზე მწარე მარტოობა — უმოქმედობაა, ყველაზე დიდი და მტკიცე კავშირი ქვეყნიერებასთან კი შრომაა. იორამს აღბათ კიდევაც შეუძლია გათხრათ, თუ კაცი ადამიანებისა და ქვეყნისათვის რაიმეს აკეთებს, უკაცურ კუნძულზეც რომ იყოს. მარტო არ იქნებაო.

საცდელ ნაკვეთში ხელი რომ მოეცარა, იორამი ხომ მართლაც სადღაც გადაიკარგა და განმარტოვდა. მაგრამ, როგორც ჩანს, ამ სიმარტოვემ ვერ დაჩაგრა და ვერ გააწვარა ბერაყე, რადგან თუმცე საქმეს აკეთებდა, მეცხვარეებს საზამთრო ბინას უწადადებდა, იმ ბუნებით სუნთქავდა, რომელშიაც ფესვები ჰქონდა გაღმჯული; ეს ბუნება ხომ ისე საოცრად ჰგავს მას, თითქოს ნათელი იმისი არსება ამ ბუნებიდან არის ამოწერილი და ამოტვიფრებული. „აქაური გაზაფხული ქვეყნად ნახულ არცერთ გაზაფხულს არ ჰგავს. თითქოს სულ შებრუნებით და უკუღმა ხდება აქ ყველაფერი. მეწამულ აღმურში ჰხვევენ ნაცრისფერ მიდამოს თრიალის ბუჩქებზე, გაზაფხულზე წითლად რომ ჰყვავიან, შემოდგომაზედაც მათ ფოთოლი ისე უწითლდებათ, თითქოს მიწას ხანძარი მოსდებიაო. ფერდობებს მოდებული ქაფთარა ძეძვი კი ყვითლად ჰყვავის. ამიტომ აქ გაზაფხულიც და შემოდგომაც, თითონ ზამთარაც კი ერთი ფერისანი არიან. ზამთარშიაც აქ ხომ მუდამ გაზაფხულია, პატარა გაზაფხულს რომ ეძახოდნენ ჯერ კიდევ ის ქართველები, რომელთაც უხსოვარ დროს პირველი ფარეხები ააგეს ამ მიდამოებში“. აქ ჰქონდა ჰინი მოჭრილი იორამს და ამიტომაც ჩიოდა ხოლმე: „მინ წადით... განა იქაც დაჰბერავს ეს ნიაფი, განა იქაც მოიტანს ნეტარ სუნს ოლღუნისა და თრიმლისა, კოწახურისა და ფშატისა“.

უნდა გიყვარდეს, ძლიერ უნდა გიყვარდეს ადამიანიცა და ბუნებაც, რომ იგრძნო, თუ როგორ ამშვენებს ადამიანი ბუნებას და ბუნება ადამიანს, რომ შესძლო მოგვითხრო მათ შესახებ ისე, რომ ადამიანი ბუნებას გაყვარებდეს, ბუნება კი ადამიანს.

კარგია, როდესაც მწერალი იმდენად გადაგდებთ თავის გრძნობებსა და აზრებს, თავის სიყვარულსა და სიხარულს, თავის განცდებსა და ფიქრებს, რომ თქვენც ისევე გინდათ უმღეროთ ქვეყანასა და ადამიანებს, როგორც ის უმღერის.

არც მოხუცი იორამი და არც ივრის პირის ბუნება გ. ნატროშვილის მოთხრობაში მოკლებული არ არის ამ გადამდები გრძნობების ძალას.

მაგრამ თუ რამეში ეთქმის საყვედური მწერალს, ჩემი აზრით, უწინარეს ყოვლისა, იგი ეთქმის თავისი გმირის (და, სამწუხაროდ, არა მარტო ამ მოთხრობის გმირის) გონებრივი ცხოვრების ერთგვარ წინელებასა და შეზღუდვაში. ისეთი შთაბეჭდილება გრჩებათ, რომ მწერალი თითქოს ერიდება თავისი პერსონაჟების გრძნობების, აზრების, ფიქრებისა და განცდების გაღრმავებას, თითქოს ფრთხილობს, ვაი თუ უბრალო ადამიანების სულიერი სამყაროს სიმართლე დაკარგვიო. ვფიქრობ, ეს გადაპარბებული სიფრთხილეა; საერთოდ უნდა ითქვას, რომ ჩვენი დროის ადამიანები სინამდვილეში უფრო ინტენსიური ინტელექტუალური ცხოვრებით ცხოვრობენ, ვიდრე ზოგიერთ მხატვრულ ნაწარმოებში.

არ არის საჭირო ნაწარმოებში ენა მოუეჩლიქოთ ადამიანებს და ხელოვნურად შემოვზღუდოთ მათი გონებრივი ჰორიზონტი, მით უმეტეს მაშინ, როდესაც მათ დაკისრებული აქვთ სერიოზული თემის ანუ ღრმა ცხოვრებისეული წინააღმდეგობის გახსნა და გადაწყვეტა. ასეთ შემთხვევებში მხატვრული სიტყვის დიდი ოსტატები აატარა, უმნიშვნელო პერსონაჟებსაც კი უღრმესი ჰიბრძნით ტვირთავენ და ამით ოდნავადაც არ არღვევენ ხასიათის სიმართლეს.

მხატვრული სიმართლე შესაძლებელს მიგნებაცაა.

ჩემი აზრით, ის საფიქრებელი და სატანჯველი, რაც იორამს აქვს, მოითხოვს მის მეტ ინტენსიურ სულიერ ცხოვრებას; იგი არ შეიძლება არ იყოს თავისებურად დაბრძნებელი კაცი. საქმე რომ მხოლოდ შრომის უბრალო ჩვევასთან და მასთან დაკავშირებულ მარტივ რეფლექსებთან გვეკონდეს, მაშინ მოხუცი იორამი არც თუ ისე საყურადღებო და საგულისხმო იქნებოდა. არა მშრომელი ფუტკრის „ფსიქოლოგია“, არამედ ადამიანი-შემოქმედის ფსიქოლოგია — აი, რა არის დიდებული და წარმატატი ამ შესანიშნავი ქართველი მოხუცი კაცის მხატვრულ სახეში. შემოქმედება კი, წინააღმდეგ ყველა დროისა და ყველა ჯურის ფროიდებისა, ადამიანის მიზანშეწონილი შრომაა, ადამიანის შეგნებული ჩარევაა საგანთა სტიქიაში.

მაგრამ რა ეშველება იორამის სატანჯველს? იგი ხომ მართლაც ღრმა მოხუცია, მას ხომ მართლაც აღარ შეუძლია კვლავინდებური

შრომა და გარჯა! თითქოს გადაუწყვეტელია ეს წინააღმდეგობა, უსაშველოა იორამის დარდი.

მაგრამ, ვინ იცის, იქნებ სწორედ ამ უსაშველობაშია საშველიც, სწორედ შრომის ამ გაუთავებელ, დაუცხრომელ წყურვილშია სი-
დიადე ადამიანისა.

მწერალიც თავისი მოთხრობის შესანიშნავ ფინალშიც ადამიანის სულის გაუთავებელ სიჭაბუკეს უმღერის; არ შეიძლება ჩააქროთ ეს სიჭაბუკე, როგორც არ შეიძლება ჩააქროთ ეს უცნაური გაზაფხუ-
ლი, რომელიც ასე ძაღობს კახეთის სანახებში — „ისევ ვერ გაიგებ-
დი, გაზაფხული იყო თუ შემოდგომა იორზე. ვერც იმას მიხვდებო-
დი, ჭაბუკი იყო იორამი, თუ ღრმა მოხუცი, რომელსაც გზათაუკან
წანწალი აღარ შეეძლო“.

გიორგი ნატროშვილი ქართული საბჭოთა პროზის თვალსაჩინო, თავისებური ოსტატია.

ეროი სანქტაკლის გამო

მარჯანიშვილის სახელობის თეატრმა წელს რამდენჯერმე წარმოადგინა ორნაწილიან თეატრალურ მისტერიად ჩვენი გამოჩენილი დრამატურგის — პოლიკარპე კაკაბაძის ორი აღრინდელი პიესა — „სამი ასული“ და „ტყის ქალები“. დადგმა ეკუთვნის საკმაოდ თავისებური ხელწერის ახალგაზრდა რეჟისორს — მედეა კუჭუხიძეს.

სიტყვას ვიღებ ჩვეულებრივი მაყურებელი.

„სამი ასულისა“ და „ტყის ქალების“ მხატვრულ-დრამატულ ნაკეთობაში უეკველად იგრძნობა რაღაც მონაბერი უცხოური წყაროებიდან, როგორც ჩანს, თავის დროზე ახალგაზრდა ავტორი გატაცებით ეწაფებოდა მეტერლინკს, ჰაუპტმანს, ჰამსუნს. იბსენს და ბევრ სხვას. რასაკვირველია, გავლენა შეუძლებელი იქნებოდა, რომ თვითონ შემოქმედი არ ყოფილიყო შინაგანად განწყობილი ამგვარი წარმოსახვებისათვის და რომ თვით დროის ატმოსფერო არ ყოფილიყო ხელსაყრელი ამისათვის.

„სამი ასულიც“ და „ტყის ქალებიც“ ზღაპრულ-სიმბოლისტური ხასიათის პიესებია.

ვგონებ, სადავო არ იქნება თუ ვიტყვი, რომ თანამედროვე ცივილიზაცია არსებითად გამორიცხავს ზღაპრულ-მითოლოგიურ დამოკიდებულებას სამყაროსადმი.

მართალია, ეს ასე არის, მაგრამ ხელოვნება, როგორც ადამიანის სულის მუდმივი მოთხოვნილება და მუდმივი თანამგზავრი, როდი იფიწყებს და როდი ჰკარგავს თავისი განვითარების აღრინდელ საფეხურებს, აღრინდელ ფორმებს. პირიქით, იგი მათ იცავს, ინახავს და ყოველთვის აახლებს თავისი ახალი ამოცანების შესაბამისად. ამიტომაც ხელოვნება სრული უფლებამოსილია თავის ამოუწურავ არსენალში იქონიოს ზღაპარიც და მითიც, როგორც ხერხი, როგორც საშუალება სამყაროს მხატვრული წარმოსახვისა.

პოლიკარპე კაკაბაძე იმ შემოქმედთა რიცხვს ეკუთვნის, რომლებიც თავიანთ შემოქმედებაში — ხშირად იყენებენ ზღაპრულ სა-

ხეებსა და ზღაპრულ ვითარებებს. ამავე დროს დამახასიათებელია, რომ დრამატურგის შემოქმედებითი განვითარების სხვადასხვა საფეხურზე მისი შემოქმედების ამ ზღაპრულ-მხატვრულ მხარეს სხვადასხვა მხატვრულ-ემოციური დანიშნულება და ხასიათი ეძლევა. მაგალითად, ქართული დრამატურგიის ერთ-ერთ უშესანიშნავეს ქმნილებაში — „ყვარყვარე თუთაბერში“ ზღაპრულ ელემენტს ფრიად დიდი რეალისტური დატვირთვა აქვს. აქ ქართული ზღაპრის „ნაცარქექიას“ გროტესკული ნიღბის თარგზე შექმნილია უაღრესად რეალისტური კომიკური ტიპი, რომელსაც ალბათ ძნელად თუ წაშლის და დააბერებს ჟამთასვლა. დაახლოებით ასეთივე რეალისტური ავსება აქვს ზღაპრულ მხარეს „კახაბერის ხმალშიც“...

მაგრამ სულ სხვა ავსებისაა იგი „სამ ასულსა“ და „ტყის ქალებში“.

აი, ჩვენ გულმოდგინებით ვაღვწევთ თვალს იდუქლებით მოცულ ვითარებათა და სახეთა მოძრაობას. გვწადაია, გულით გვწადაია დავიჭიროთ აზრი, გავიგოთ გრძნობა, ამოვხსნათ განცდა, მიკვყდეთ ხელოვნების მშვენიერებას, მაგრამ ეს არც თუ იოლი საქმეა...

ვფიქრობთ კია, რომ სადღაც ამ სახეების, ნიღბების, მოქმედების, რეპლიკების და სიტყვების იქით. უკეთ ვთქვათ, მათ სიღრმეში, მათ რთულსა და უცნაურ ხლართებში იმალება რაღაც მნიშვნელოვანი, იმალება ადამიანის ყოფიერებისა თუ მისი სულის მოძრაობის რაღაც დრამატული თუ ტრაგიკული კვანძი, აქ თითქმის ყოველი სახე, ყოველი სურათი, ყოველი მოძრაობა და ყოველი რეპლიკა არსებითად ერთგვარი ქარაგმა თუ ნართაული ნიშანია, რათა გამოაღვიძოს შენშივე მთვლემარე გრძნობა და აზრი, აღძრას ესა თუ ის განწყობილება, მოგაგონოს რაღაც ტკივილი: თუ სიამე. რასაკვირველია, აქ უფრო მეტად, ვიდრე სხვა შემთხვევაში, საჭიროა თვითონ მაყურებელმა და მსმენელმა შეიტანოს რაღაც თავისი დანახულსა და გაგონილში, შეიტანოს თავისი აზრი, გრძნობა და რაღაცნაირი წესრიგიც კი, თუ გნებავთ, ერთგვარ ბუნდოვნებასა და ბურუსში, ყოველ შემთხვევაში აქ შენ, როგორც მსმენელი და მაყურებელი, არ შეიძლება პასიური იყო და ელოდო, რომ პიესა. სპექტაკლი მარცვალ-მარცვალ ჩაგიკაკლავს ყველაფერს, აგიხსნის, გამოგიკვეთს ყველა სახეს, ყველა იდეას, ერთი სიტყვით, შენ როგორღაც გვერდში უნდა ამოუდგე ავტორს, რეჟისორს, მსახიობს, მხატვარს, კომპოზიტორს და მათ კვალდაკვალ და მათგან დამოუკიდებლადაც გაიზიარო და განიცადო სპექტაკლის მთელი დრამატული ორომტრიადლი.

ამ შემთხვევაში, საფიქრებელია, რომ ხელოვნების, ოსტატობის ძალა და მოძიბვლულობა აქ სწორედ იმაში უნდა იყოს, თუ რა სიღრმის, რა დაძაბულობის ასოციაციურ ნაკადს წარმოშობს, მონათესავე ფიქრთა და განცდათა რანაირ წყებას გამოიწვევს.

სცენაზეა ტანჯვა, მას ასახიერებს სადღაც უდაბურ ადგილას აგებულ კოშკში გამომწყვდეული სამი ასული. ისინი იტანჯებიან პატიმრობით, იტანჯებიან ქანცგამწყვეტი ნაძალადევი შრომით. არის ვიღაც მტანჯველი, არის ვიღაც სულთამხუთავი. პიესაში მას საბაგელი სახელი—ჯაჯო ჰქვია. იგი არ ჩანს, იგი სცენის მიღმაა. დროდადრო გაისმის მისი მუქარა, მისი შემზარავი ხმა. ეს ხმა მოჰყვება რაღაც ავისმაუწყებელ ქლარუნსა თუ გრუხუნს (რეჟისორი ხაზს უსვამს, აძლიერებს მთელი სცენური ფაქტურის პირქუშულ იდუმალობას). იგრძნობა, რომ გარეთ ავდარი, ქარი და წყვილია (შეგიძლიათ, წარმოიდგინოთ წყვილიაღში მოქცეული ტანჯული ადამიანებიც, ტანჯული ქვეყანაც). რაღაც თუ ვიღაც კარს არახუნებს. ასულნი კრთებიან, გმინავენ, მაგრამ ადამიანში იმედი უკანასკნელ ამოსუნთქვამდე ცოცხლობს, სად არის საშველი? ვინ არის მშველელი? სამთავან თვითეული ასული თავისებურად ნატრობს მხსნელს: ერთი — დაკარგულ ძმას, უებრო მეომარს, წმინდა ადგილები გასათავისუფლებლად რომ გაჰყოლია ჯვაროსნებს, მეორე — ჯვარცმულსა და მკვდრეთით აღმდგარ მაცხოვარს, მესამე — ვაჟკაცსაქმროს, ჩაუქ უფლისწულს. სამივე ერთად კი ეძებს გამოსავალს, ეძებს ნუგეშს, ეძებს ბედნიერებას, თითქოს ლივლივებს და ერთმანეთში გადადის გრძნობა ნათესაობისა, გრძნობა განგებისა და გრძნობა სიყვარულისა. შესაძლოა, ფიქრმა გაგიელვოთ: ხომ არ არის საერთოდ ხელოვნება ძიება გამოსავლისა, საშველისა. თითქოს ავტორიც ჩაგვირჩილებს ყურში: იფიქრეთ. რაც გინდათ, ოღონდ იფიქრეთ, იფიქრეთ ადამიანის სატიკერებზე, ადამიანის საკითხებზე, უფიქრობა აჩლუნგებს, აფუჭებს ადამიანებს!

გვებადება კითხვა: უნდა შევიბრალოთ ეს სამი გაწამებული ასული? ვთქვათ შევიბრალოთ, მაგრამ შებრალება, როგორც იტყვიან, რა ბედნაა. შებრალება არ შველის ტანჯულს, არ შველის საერთოდ ადამიანს.

სამი მწყაზარი ასული, მტრედებივით რომ კრთებიან კარის ყოველ დარახუნებაზე, მწყარებივით სუსტები და მშიშარები არიან. ისინი დიდხანს ვერ ბედავენ კარი გაუღონ ვიღაც სანატრელს, ვიღაც შეჭირვებულს; ყოყმანობენ, აგვიანებენ, სუსტებს, გაუბედავებს, კი თუნდაც მშვენიერთ, ბედი არ უღიმით... ბოლოს, როგორც იქნება ღა უცნობს კარს რომ გაუღებენ, ხელში მკვდარი შერჩებათ.

ამრიგად, დაგვიანებული სიკეთე შეიძლება ბოროტებად შებრუნდეს. სასოწარკვეთილ ასულთაგან ერთი — ევა ცდილობს ვნებისა და სიყვარულის ძალით სასწაული მოახდინოს, მკვდარს თავისი სითბო გადასცეს და გააცოცხლოს. ეს არის მშვენიერი ტრაგიკული განცდა თუ ოცნება (მერე რა, რომ მაყურებელთა შორის ვიღაც იცინის!.. გამოძალული ყველაფერი ყალბია: სიტყვაც, საქმეც, გრძობაც). იმედი მაინც უკანასკნელი სტოვებს გულს, თუნდაც სამარედ გადაქცეულს, როგორც კაპიტანი ჩააძირავად განწირულ ხომალდს.

გული უნდა შეგვიძრას ევას გოდებამ დამსხვრეულ იმედებზე. მისმა მწარე საყვედურმა, რომ ასე დიდმა ქვეყანამ ასე დიდი სატანჯველი და სიბრძნე დაატეხა თავს პატარას, სუსტს, დაუცველს, შესაძლოა, წამოგვეპრას მწვავე საკითხიც: რად უნდა იყოს ესოდენ დაუცველი ადამიანი ამ დიდსა და სახსვე ქვეყანაში, უნდა ვიფიქროთ ამ დიდი ქვეყნის უკეთესად მოწყობაზე, მით უმეტეს. რომ ყველა და ყველაფერი კვდება, მათ შორის იმედებიც. ხოვნაც, უკვდავია მხოლოდ ის წვლილი. რაც შენ შეგაქვს ქვეყნის უკეთესად მოწყობასა და გალამაზებაში.

ჩემი აზრით, რეჟისორი სწორად მოქცეულა. რომ სკენიურად ერთმანეთზე გადაუბაძს „სამი ასული“ და „ტყის ქალები“. ისინი მხატვრულ-დრამატურგიული კონცეფციის თვალსაზრისითაც შინაგანად ერთმანეთს ავსებენ. ამიტომ ერთიან კომპოზიციურ ჩარჩოებში მოქცეული თეატრალური სანახაობაც ერთიანი ტონალობისაა. აქაც სპექტაკლის მასალისაგან მონათესავე წარმოსახვების გზით უნდა გამოიკვეთოს მხატვრული იდეა. ერთგვარი რეალიტური გააღლები სადღაც მაინც უნდა მოიძებნოს. ეს გასაღები. ჩემი აზრით, პიესის ბოლოშია.

გავიხსენოთ ერთმანეთთან და ტყის ქალებთან ნარჩოლი ოთხი ქმის დამამთავრებელი რეპლიკები. „ჩვენ ეს კრილობები გვაძცნობს, რომ ადამიანი ვერ გაბედნიერდება ველურ ბუნებაში განდგომით“; „მართალია, ბუნება მხეცების დედაა“; „სოფელი ქმნის სიტყვას და წერს დაფაზე წმინდა კანონებს“; „კაცთა სახეზე იხატება სოფლის წესები“; „ის სიწმინდე გადმოვიწეროთ არა მარტო სახეზე, გულზეც! ავმალღდეთ სულით!“; „მხოლოდ სულით ამადლება არის თავისუფლება“; „კაცი მალღდება სიპართლისათვის ბრძოლაში...“

თვით პიესის ვითარებათა და სახეთა მოძრაობაში ძნელად აუ შეიძლება ვიპოვოთ ამ ტევადი ანდაზური რეპლიკების რეალიტური გადაწყვეტა. მაგრამ ჩვენ ძალგვიძს შევაგებოთ მათ თვით სპექ-

ტაკლის საერთო უღერადობით აღძრული აზრი, გრძნობა თუ განცდა და შევავსოთ ისინი ჩვენეული შინაარსით. თუ გნებავთ, ერთგვარად კიდევაც გავათანამედროვოთ ისინი, შევუხშიანოთ მათ ჩვენი იდეურ-ესთეტიკური მიდრეკილება.

შორს მიმავალ განვრცობათა თუ განტოტებათა შესაძლებლობას შეიცავს. მაგალითად, რეპლიკა „მხოლოდ სულით ამალღება არის თავისუფლება“, თუ ამ აზრს მისტერიის ქსოვილში უძრავად ჩავტოვებთ და განყენებულ ზნეობრივ-ფილოსოფიურ იდეად წარმოგვიდგენთ, უკეთეს შემთხვევაში, მას მხოლოდ ერთი პაწაწა ნაპერწკლის ციალს შევეუნარჩუნებთ, მაგრამ თუ სულის ამალღებად სამყაროს ახსნასა და გარდაქმნაში ადამიანის გონებრივი და ზნეობრივი სრულყოფის უწყვეტ პროცესს ვიგულისხმებთ, მაშინ იგი შეიძლება საქმაოდ ღრმა და ცხოველ აზრად გაიშალოს.

ტყის ქალები, როგორც ბუნების უშუალოდ გამომხატველნი, ველურ ვნებებს ასახიერებენ. ისინი თითქოს თავისუფალნი არიან სოფლის ყოველგვარ წესთაგან. მაგრამ მათი თავისუფლება მხოლოდ მოჩვენებითი თავისუფლებაა. მათგან შორს არის სულით ამალღება. არსებითად ისინი ხორციელობის ტყვეები არიან. მათ მხოლოდ ხორციელი ვნების, ხორციელი ჟინის კარნახთ შეუძლიათ იმოქმედონ და იმოძრაონ ბრძად. ისინი შებოქილნი არიან საკუთარი ბუნებრივი არსების თანდაყოლილი ჭაქვებით, მათ მოქმედებათა არჩევანის უნარი არ გააჩნიათ, მაშასადამე, მოკლებულნი არიან ნამდვილ შინაგან თავისუფლებას.

აქ მყურებელს შეუძლია ფიქრი გაადევნოს შესაძლებელ კავშირთა წყებას, წარმოსახვათა ნაკადს. თუმცა მსახიობების გადაქარბებულად არეულ-დარეული ხტუნვა და ხმაური, ვგონებ, რამდენადმე აძნელებს გაბმულ ფიქრს და არც თუ ესთეტიკურ სიამოვნებას იწვევს. იქნებ ეს ერთობ სუბიექტური აღქმა იყოს, მაგრამ მაინც ვფიქრობთ, რომ ზომიერება აქ ურიგო სამსახურს როდი გაუწევდა ხელოვნებას...

სიმბოლურ ვითარებებსა და ნიღბებს ასე თუ ისე მაინც ვკითხულობთ.

სოფლის წესთაგან გამიჯნულ ტყის ქალებს არჩევანი არა აქვთ: ნათი ნებისყოფა შეკრულია ბრმა ინსტინქტებით, ხორციელობის ვნებებით, ამიტომ მათი მოქმედებაც, მათი გზაც ცხოვრებაში ბრმა და შემთხვევითია. ბრმა გზა კი, როგორც წესი, მუდამ სიბნელეში მიდის. სიბნელეში კი, ვინ იცის, რამდენი ხრამი და უფსკრულია.

რას მეტყველებს ოთხი ძმისა და ოთხი ტყის ქალის ზღაპრულ-დრამატული თავგადასავალი?

ოთხი ძმის სამშობლო სოფლის წმინდა დაფებზე მაღალი ზნეობის მცნებები ეწერა, მაგრამ თვით სოფელი უზნეო, ცრუ და დაუნდობელი იყო. იქ ადამიანები ხშირად ერთმანეთს გაღესილი ხანჯლებით უსაფრდებოდნენ, ლაღად, არხეინად კი მხოლოდ პირმოთნენი ცხოვრობდნენ. ოთხი ძმა აღრვეე დაობლებულა ღა მათი მამობილობა უკისრია ვილაც ჭადოქარს, ვისაც მთელი სოფელი თავის კლანკებში ჰყოლია. იგი თურმე სოფელში თესდა ავზნეს და თვითონვე მკურნალობდა სნეულებს. მასთან სამკურნალოდ მიჰყავდათ შეშლილები და შეყვარებულები. მაგრამ ერთ დღეს სოფელი ამბოხებულა და ჭადოქარი მოუქლავთ. კვლავ უპატრონოდ დარჩენილი ოთხი ძმა სოფელს აღუზრდია, მათ ზეპირად დაუსწავლიათ ძველ დაფებზე დაწერილი მცნებები და მუდამ მზად ყოფილან იმისათვის, რომ გაკირვებულებს მიშველებოდნენ. მაგრამ სხვები თურმე დასცინოდნენ ძმებს და კუბოებს სთავაზობდნენ „ყველა სიწმინდის დასამარხავად“.

ძმები სტოვებენ სოფელს. სადაც დაფებზე დაწერილი მაღალა ზნეობის მცნებათა საფარქვეშ სუფევს ბოროტება და უკეთურობა. ისინი მიდიან თავისუფლების, სიკეთის და სიწმინდის საძიებლად, მიდიან „უმწიკვლო, მართალ, ბედნიერ ცხოვრების მოსაწყობად იმ კანონებით, რაც წერია სოფლის წმინდა დაფებზე“.

საღდაც ტყეში მიტოვებულ სასახლეში შეხიზნული ძმები ყოველდღე მიეშურებიან ცალ-ცალკე ქვეყნის ოთხ მხარეს და ეძებენ ტყის ქალებს — ბუნების უმანყო შვილებს. როგორც ხორციუმსხმულ უმწიკვლოებას. მაგრამ ტყის ქალებთან შეხვედრამ მათ ვერ მოუტანა ვერც ბედნიერება. ვერც თავისუფლება, ვერც წმინდა სიყვარული, ვერც ზნეობრივი სიმტკიცე. პირიქით, ხორციელობის პირველყოფილ ვნებებს აყოლილნი თვითვე ბლაღავენ მაღალ ზნეობას. ლამობენ შეაცდინონ ერთმანეთის საცოლოები და ერთმანეთს ხანჯლებით ჭრილობებს აყენებენ. თავის მხრივ ერთმანეთის უშრითა და მოქიშპეობით ტყის ქალებიც ხომ სწამლავენ და ამახინჯებენ ერთმანეთს.

ანრიგად, ზღაპრული სიუჟეტი, სიმბოლური ნიღბები, უცნაური და ზოგჯერ საკმაოდ ბუნდოვანიც, მაგრამ მაინც პოეტური დიალოგები აღვიძებენ ასოციაციურ ნაკადს: საზოგადოების ზნეობრივი იდეალების და ადამიანის ყოფა-ქცევის მწვავე გათიშულობა სულიერად აღარბიბებს და აცარიელებს ადამიანს, სულიერად დაცარიელებულ ადამიანში კი ძალობს ცხოველი. ყველაზე დიადი და მშვენიერი სიკეთე ამქვეყნად — თავისუფლება დაწყვილებულია ადამიანის არა მარტო გონებასთან, არამედ ზნეობასთანაც, თავისუფლების

სრულყოფის გზა ემთხვევა ადამიანის ზნეობრივი სრულყოფის გზასაც, კეშმარიტ თავისუფლებას გვანიჭებს არა მხოლოდ სამყაროს საიდუმლოებათა შეგნება, არამედ ჩვენი ზნეობრივი ბუნების ამალღებაც, თვით ჩვენს არსებაში ცხოველური საწყისების დაძლევაც...

ერთი სიტყვით, სპექტაკლი იძლევა დაფიქრების საბაზს. სანახაობითაც გვიზიდავს ერთგვარი უჩვეულობით.

1972.

თავის წიგნებში იცოცხლებს

ამ სტრიქონებს რომ ვწერ, წინ მიწყევია მისი წიგნები პეგობრული სამახსოვრო წარწერებით.

ამ წიგნებში ცოცხლობს მისი სული, ცოცხლობენ მისი გმირები, ცოცხლობს ისტორიული საქართველო. თავისი ისტორიული გმირების სახეებსა და საქმეებში იგი არსებითად ხომ ქვეყნის ისეთი წარსულის გამოსახვას ცდილობდა, რაც თავისთავად არასდროს არ კვდება. მის ისტორიულ თხზულებებში ხალხის ისტორიული შემოქმედება გვაგონებს ცოცხალი ორგანიზმის სისხლის მიმოქცევას, რაშიც სალი და საარსებო უჯრედები უზრუნველყოფენ ორგანიზმის ზრდასა და გამძლეობას. იგი ფიქრობდა, რომ როგორც ცხოვრებაში, ისე შემოქმედებაში, წარსული ბუნებრივად და უფლებამოსილად შემოდის აწმყოში. იგი განუყოფელია შემდგომი განვითარებისაგან. მწერალს სწამდა, ღრმად სწამდა, რომ თუ ხალხი დაჰკარგავს თავის წარსულს. იგი დაჰკარგავს არა მარტო თავის სახეს, არამედ დაჰკარგავს თავის მომავალსაც. იქნებ, ესეც იყო ერთ-ერთი მიზეზი იმისა, რომ მწერალი მეტწილად ისტორიულ თემატიკას ეტანებოდა.

გაიხსენეთ მისი ერთ-ერთი ადრინდელი მოთხრობის „კრწანისის სევდის“ მთავარი გმირი — ბრმა არაგველი მოხუცი — ლომათა. თითქოს ერთი მთლიანი მკვრივი ლოდისაგან არის გამოკვეთილი ამ გოლიათის არა მარტო გარეგნული სახე, არამედ მისი არცთუ ისე რთული შინაგანი სამყარო — მისი უღრმესი და უწმინდესი სიყვარული სამშობლოსადმი, მისი უსაზღვრო მწუხარება — მწუხარება მამისა, ვისაც მტერთან ბრძოლაში დაუკარგავს ყველა შვილი, მწუხარება ძველი მეომრისა და მშრომელისა, ვისაც უნახავს და განუცდიდა თავისი ხალხის ამოკლეთა, თავისი სამშობლო მიწა-წყლის აოხრება გააფთრებული მომხდური ურდოების მიერ.

თვალწინ გვიდგას კრწანისის მწველი სევდით შეპყრობილი ეს რომანტიკული, მაგრამ ნამდვილად მონუმენტური ბრმა დევკაცი და ვტიქრობთ, რა დიდებული, რა ძალოვანი, რა მშვენიერი და იმედ-

მომცემია კაცი თუნდაც თავის უსაშველო მწუხარებაში, თუ ამ მწუხარებით ამკვიდრებს სანშობლოს შეუშუსრავ სიყვარულს.

თითქოს ეს ფიქრი გასდევს ერთ-ერთ მთავარ ლეიტმოტივად გოთუას თითქმის ყველა ისტორიულ ნაწარმოებს, მათ შორის მრავალკარიან „გმირთა ვარაშს“.

ლევან გოთუა!

დიდად გულდაწყვეტილი ვამბობ ახლა ამ სახელს. და მჯერა, რომ ამ გულდაწყვეტილობის მოზიარება ახლა ქართველი ხალხიც, ქართველ მკითხველთა ფართო წრეებიც.

მეტად რთული და წინააღმდეგობრივი გზის, მეტად ტრაგიკული ბედისა და თითქმის ასევე ტრაგიკული გრძნობის მწერალი იყო ლევან გოთუა. ტრაგიკული გრძნობისა, მაგრამ არა განწირულების სულისკვეთებისა...

ვარ, რომ იყო და აღარ არის!

იყო ნაყოფიერი, დიდად ნაყოფიერი მწერალი, მკლავმოუღლე მშრომელი, შთაგონებადაუღვეველი და უხვი მთხზველი, შესაძლოა, ზოგჯერ ზედმეტობამდეც უხვი. ქმნიდა, წერდა, გამალებით წერდა, ლამაებს ათენებდა, იღვწოდა, მოღვაწეობდა (იგი ხომ თბილისის საბჭოს რამდენიმე მოწვევის დეპუტატიც იყო), გულმხურვალედ მოჭირნახულებდა ჩვენი ერის ისტორიულ ძეგლებს... ქმნიდა, მოღვაწეობდა — ყველაზე ნაკლებ საკუთარი განდიდებისათვის, ყველაზე მეტად თავისი ხალხის, თავის ქვეყნის აღზევებისათვის.

მაშასობს, ამ ათიოდე წლის წინათ ერთად მოვიწახულებთ ფიტარეთის შესანიშნავი ტაძარი, — მე-13 საუკუნის ძეგლი. ფიქრმორეულმა და კეთილად მოლიმარე მწერალმა თქვა მაშინ: — რაა რომ მარტო ჩვენ შეეცქერით ამ ძეგლს, ამ ფრესკებს... მინდა, ამას მთელი საქართველო ზედავდეს, რომ თავისი ისტორიული სიმტკიცე იგრძნოს და ირწმუნოსო.

ლევან გოთუას — ამ ფრიად თავისებური ხელწერის მწერალს, ფერთა საოცრად თავისებური შეზავებისა და საოცრად განსხვავებული შემოქმედებითი პალიტრის მფლობელ მხატვარს — ბევრი, ძალიან ბევრი შემოქმედებითი შთანაფიქრი დარჩა განუხორციელებელი. ვინ იცის, რამდენი ამაღელვებელი და გატაცებით საკითხავი წიგნი დაჰქარგა სამუდამოდ ქართველმა მკითხველმა მით, რომ საქმეში ჩაგვერია ვერაგი, შემპარავი სიკვდილი.

სულ ოციოდე დღის წინათ ლევან გოთუა კვლავ გატაცებით უბრუნდებოდა მისივე თაოსნობით ადრევე წამოწყებული იმ კოლექ-

ტიური კრებულის გამოცემის საქმეს, რომელიც ეძღვნებოდა დიდ-
გორის ომის — ოთხასწლიანი ტყვეობიდან საქართველოს გამოსს-
ნის — 850 წლისთავს.

არ დასცალდა.

მხოლოდ მისი წიგნები გააგრძელებენ ღვაწლმოსილი მწერლის
მოუსვენარ, ბობოქარ სიცოცხლეს.

პენდოზი მის გულს

წრფელი მღელვარებითა და პოეზიის ნატიფი გრძნობით შესრულებულ თავის გულთბილ წერილში ანა კალანდაძის პოეზიის გამო შალვა აფხაიძე სხვათა შორის ეხება ღიმილის საკითხს, მაგრამ არა იმ ღიმილისას, რაიმე სასიამოვნო ხორციელი შეგრძნების გამო. ვთქვათ, გემრიელი საჭმელით დანაყრების გამო რომ გაიშლება ხოლნე კაცის სახეზე. არა, იგი ეხება სულ სხვა ღიმილს, ღიმილს, როგორც ადამიანის ბუნების შინაგან მზიურობას, ადამიანის იმ განსაკუთრებულ სულიერ მდგომარეობას, როდესაც გული ბრძენია და გონება კეთილი; იმ ღიმილს, რომელიც ადამიანისა და მაღალადამიანურ ღირებულებათა დიდი სიყვარულის გამონაშუქია. შემთხვევითი არ არის, რომ ამ საკითხში შალვა აფხაიძე იშველიებს ცნობილი ფრანგი მწერლის ანტუან დე სენტ ეკზიუპერის — ამ ნამდვილად დიდი ჰუმანისტის სიტყვებს ღიმილის შესახებ. შალვა ასკვნის: „ამ შინაგანი ღიმილის არსის სიტყვებით ახსნა და გადმოცემა არც ისეთი იოლი საქმეა. ის უნდა განიცადო. ამ მოუხეღავ, შინაგან ღიმილს მგერის ხოლმე ანა კალანდაძის ლექსების კითხვა“.

ამ სტრიქონებში, მე ვიტყვოდი, ჩანს ქართული მხატვრული სიტყვის ერთ-ერთი საგულისხმო და უანგარო, მოკრძალებული და უპრეტენზიო მოღვაწე — თვითონ შალვა აფხაიძე. იგი ნამდვილად არის კეთილი ღიმილის კაცი და პოეტი. კეთილი ღიმილი მისი სულიერი წყობის მთავარი დუღაბია. ის კი ადამიანის უღრმესი რწმენიდან მოდის.

როდესაც შალვა აფხაიძის ლიტერატურულ შემოქმედებას ეცნობით, არ შეიძლება თვალში არ მოგხვდეთ სწორედ უღრმესი რწმენა ადამიანისა, ადამიანისა, როგორც შემოქმედისა. პოეტს აქვს ამ რწმენის პირდაპირ გადამღები განცდა.

მართლაც, საოცრებაა ადამიანის გენია!

ზადლაც მიწის წიაღში არის მადანი. იგი უსულო და უძრავია. მაგრამ მოვა ადამიანი, მოვა ადამიანი-შემოქმედი, დაამუშავებს, გადააღწავს მადანს და შექმნის საოცარ მანქანებს.

ქვეყნიერება სავსეა ათასნაირი ბგერებით. თავისთავად ეს ბგერები უმეტესელო და უგონოა. მაგრამ მოვა ადამიანი, მოვა ხელოვანი, შეკრებს, შეაზავებს ამ ბგერებს და შექმნის წარმტაც მუსიკას, უკვდავებასთან რომ გაზიარებს.

კაცობრიობას თავისი სასიცოცხლო ურთიერთობისათვის დასჭირდა სიტყვები და მან შექმნა სიტყვების უდიდესი და მრავალფეროვანი მარაგი. ჩვენ ვხმარობთ ამ სიტყვებს ჩვენს ყოველდღიურ ურთიერთობაში და არც კი ვფიქრობთ მათს რაიმე განსაკუთრებულ მნიშვნელობაზე. მაგრამ მოვა ადამიანი, მოვა შემოქმედი, შეეკიდება სიტყვის ზოდებს, ააწყობს, აასხამს, აანთებს და შექმნის სიტყვის მშვენიერ ქმნილებებს, ადამიანის აზრების, გრძნობების, ვნებების ქვესკნელებსა და ზესკნელებში რომ გვახედებენ.

ავტორი, ხედავთ უზარმაზარ ლოდს ან პიტალო კლდეს. იგი მკვდარია და უაზრო. მაგრამ მოვა ადამიანი, მოვა ოსტატი და ლოდისაგან გამოკვეთს შესანიშნავ ქმნილებას. ლოდი ამეტყველდება და მარადისობასთან დაიწყებს კამათს.

ვაკყურებთ ქვეყანას და ზოგჯერ გგონიათ, რომ ყოველ ნივთში, სამყაროს ყოველ ნივთიერ თუ არა ნივთიერ ნაკვეთში იმალება რაღაც ისეთი, რაც შეიძლება დიდებულ ადამიანურ ქმნილებად იქცეს. გგონიათ, თითქოს ლოდებში სძინავთ დიდებულ ქანდაკებებს, ქვეყნად დაღვრილ ფერებში — მშვენიერ ფერწერულ სურათებს, მადნებში — კოსმოსურ ხომალდებს, ქვეყნიურ ბგერებში — მომხიბვლელ პანგებს, სიტყვებში — მშვენიერ ლექსებსა და რომანებს... მაგრამ ყოველივე ეს ხომ შენს სულშია, დიდებულ ადამიანო, ყოველივე ეს ხომ შენმა გონებამ და ხელმა უნდა ამოზიდოს!

ვინა თქვა ადამიანის უღონობა.

ალბათ ფიქრებმა ადამიანის სიდიადეზე ათქმევინეს ჩვენს პოეტს:

ვიღიმი ჩემთვის და აღარ ვწუხვარ.
მიუღწევლობის აღარ მღრღნის სევდა,
ჩემი ოცნება იქ დაჰქრის ცაში
და ვხედავ, ვხედავ.
ძმადნაფიცები
როგორ შევიდნენ უკვდავებაში.

შალვა აფხაიძე მიპყვება ტრადიციული ქართული რეალისტური ლექსის გზას. მთავარი კი ის არის, რომ მის ლექსებში იგრძნობა მისი კეთილი ღიმილის გამოსხივება. მისი პოეტური პალიტრაც უმთავრესად თბილი და ხასხასა ღიმილისფერი საღებავებისაგან შესდგება. პოეტს არ სწყინდება ცისარტყელას ფერები, გაზაფხულია ვუერები.

მე ხომ თოვლშიაც ზამბახს ვაჰჩნევდო,
გააღმასებულ ყინვაში — იას.

ღეე. უთვალავგვრაც იყოს თქმული დიდება სიცოცხლის ამ ფერებისა, პოეტისათვის ისინი მაინც მუდამ ახალი და უხრწნელია. მისი გული მიილტვის იქითკენ, სადაც გაზაფხულის ეს ფერები უშუალოდ და მკაფიოდ იბადებიან.

უნდა ვესტუმრო ჩემს ზღაპრულ სოფელს,
ლიმილით შევხედე იელებს, შქერებს —
ვით შადრევანნი, მალლა რომ სცემდნენ
გაზაფხულობით გაჩენილ ფერებს.
ჩემი სოფელი სხვა ნათელს მომფენს
და გამომატანს სულ სხვა სიმღერებს.

არა, ეს არ არის ეგრეთ წოდებული „მიწასთან დაბრუნების“ წყურვილი, არც უძირობის განდიდებაა. ეს არის ლტოლვა ფერთა სიანჯარისაკენ, რაც სწორედ ნათელ და ღიმილიან სულიერ სამყაროს ესატყვისება. პოეტისათვის, რომელსაც ადამიანის გონების ყოველი წარმატება პირდაპირ ფრთებს ასხამს და ალტაცებით წამოაძახებინებს — „დიდ დროში ეცხოვრობ, ეს მიხარია, თაფლად ვიღვრებიო“, ორგანულია დაჟინებული გატაცება გაზაფხულის ფერებით. აი, ლექსი „თუმცა მოვხუციდი“. ისევ ლოდინი გაზაფხულისა: „იასამნის ფარფაშა ბუჩქთან“.

ვეუცი აპრილი როგორ შემოვა,
გრუხუნით მოვა,
ღიმილით მოვა,
ცოსარტყელათა მოვა ფერებით,
მომაყრის უხეად იებს და ვარდებს,
აავსებს სივრცეს საამო ხმებით,
გულში მერცხალი გაინავარდებს.

ამას წერს 70 წლის... კაბუჯი, დიახ, კაბუჯი უწინწყლებოდ, რადგან ლამაზი და წარმტაცი მომავალი დღის მოლოდინი კაბუჯის მოუღლეულ სულს სჩვევია, ხოლო მოქანტულ სულს სწმირად უკანმოტოვებული წლების სევდიანი მოგონება იპყრობს. არის რაღაც თავისებური სილამაზე და სიბრძნე მსცოვანურ კაბუჯობაში. ოღმცა იგი იმდენად სათუთი და საფრთხილო მგონია, რომ ვაგლახად ხელის ხლებაც კი არ შეიძლება... ო, თანაც პოეტი... პოეზია ხომ არსებითად მარადი სიკაბუჯეა, წუთის გამარადისება, უამთაველია უღმობელობასთან კიდილია. შალვა. რასაკვირველია, აქაც ალბათ. მხარში უდგას თავისი გულითადი მეგობრის — ჩვენი სასიქადუ-

ლო პოეტის — გიორგი ლეონიძის პოეზიას, მის ფრთხან სიტყვას, რომ ლექსი და სიკაბუეე განუყრელია. შალვასაც ხომ სწამს.

ჩემს სიკაბუეეს და მის ოცნებას
ლექსი ხომ მაინც გაიმეორებსო.

შალვა აფხაიძის პოეზია საესეა სიცოცხლისა და სიკაბუეის დიდებით. მაგრამ არ იფიქროთ, რომ პოეტი შეჭხაროდეს და უმღეროდეს შიშველ სიცოცხლეს, შიშველ სიკაბუეეს. ოჰ, არა, არა! სიცოცხლე სიცოცხლისათვის, სიკაბუეე სიკაბუეისათვის — ისეთივე უაზროდ შეკრული ცარელი რკალია, ისეთივე უგონო თვითგანმეორებაა, როგორც ყოველივე ამქვეყნად. რაც კი მხოლოდ თავისთვის არის, დიდი საქვეყნო მოძრაობიდან გამოთიშული.

ყველას სწყურია სიცოცხლე! არის სიცოცხლე თავისთავად. ეს ქეშმარიტებაა უცილობელი. მაგრამ ეს ქეშმარიტება არ იწვევს დიდ ადამიანურ აღფრთოვანებას. დიდ სულიერ ფრთაშესნმას.

სიცოცხლე მხოლოდ მაშინ იქცევა ამქვეყნიურ უმაღლეს ღირებულებად, როდესაც იგი დაიშუხტება დიდი საქვეყნო მიზნით.

სიცოცხლეს თავისთვის და თავისთავად არ შესწევს უნარი მოიცივას სიცოცხლის ქეშმარიტი ღირებულება.

რისთვის და ვისთვის? აი, რა ქმნის სიცოცხლის წარმტაც მუსიკას, მის სილამაზეს. მის პოეზიას.

შალვა აფხაიძე შეჭხარის და უმღერის სამშობლოზე გადაგებულ სიცოცხლეს და სიკაბუეეს.

სიცოცხლე სამშობლოსათვის! — აი, შალვა აფხაიძის პოეტური სამყაროს წყარო. მისი ღირიკუელი აღსარებები აღსავსეა სამშობლოს შეუქცეველი და თავგამეტებული სიყვარულით. პოეტი პირდაპირ რალაც წარმართული სიმტკიცით ამკვიდრებს ამ სიყვარულს. მას სურს ჩაუმღხლებლად მიჰყვეს სამშობლოს ცხოვრების უმღელ დიდებას.

მიყვუე. სანამღე მობიწევს ძალა,
შექა უკანასკნელს რომ შევხვდე მშვილი.
და მიწას. რომლის ტრფობამ დამცალა.
გადავცე ძვლებით ეს სიბო დიდი.

მაგრამ პოეტისათვის სამშობლოს სიყვარული, უწინარეს ყოვლისა, ამაღლებული ზნეობრივი გრძნობაა. იგია წყარო სულიერი რაინდობისა და ვაკეაცობის, გულმართლობისა და ერთგულების, შინაგანი გაუთიშველობისა და ნათელი რწმენის. ამ გრძნობის მოღუნებას ადამიანი მიჰყავს შინაგანი რღვევისაკენ, სულიერი სიმტკიცის მოშლისაკენ. პოეტს უსამშობლოდ სიცოცხლე ვერც წარმოუდგე-

ნია. პოეტს ის დღე არაფრად უნდა, რომელიც საცხე არ არის სამ-
შობლოს სუნთქვით.

ის დღე რად მინდა, თუ არ ეუმღერე
ჩემი სამშობლოს დიდ სილამაზეს,
თუ არ დამატებო ჩუხჩუხით ლეღმ,
და გარიყრაჲს ყივილ-ხივილში
არ დაუჲარე ფეხდაფეხ ვაზებს.

არა იმდენად მოულოდნელი და ელვარე პოეტური აღმოჩენე-
ბით, არამედ თავისი იქვემდებარებული გულწრფელობით იპყრობს
ჩვენს ყურადღებას პოეტის პატრიოტულ-ლირიკული აღსარებანი.
წიქუშად აი ერთი მიმართვა თავისი სანუკვარისადმი:

ბევრჯერ ასულო სისხლით უძღებ გოლგოთის
მთაზე!

მე ეღვაჯარ შენს წინ მუხლმოდრეკილი
და შემოგცქერი ერთსა სხივოსანს —
შენ. განფენილსა, დიდო შუქო, მთებად, ვე-
ლებად:

შენგან მეფრქვევა ცა ასე წმინდა, ასე თბილი
და მხოლოდ შენი ნათელი მმოსავს.
შენ ხომ შორი გზის ხარ საწყისი და გაგრძელება,
ძველ ნანგრევებში მესმის შენი ქვეთინი მწველი
შენს ყოველ დილის აღმობრწყინებას,
როგორც სიხარულს ველი და ველი.
შენ ხარ გმირობის, უკვდავების მზიური ფარი,
შენ ხარ, იყვი, შენ დარჩები ჩემი ლამპარი.

ლექსის ერთგვარი რომანტიკულ-პათეტიკური ჟღერა პოეტის
წრფელი სულიერი მღელვარების რიტმზეა აწყობილი.

გინდათ, იგრძნოთ ღიმილში და ღიმილით დანახული დღევანდე-
ლი საქართველო? გინდათ იგრძნოთ პოეტის წრფელი და თავგამე-
ტებული სიყვარული სამშობლოსი? წაიკითხეთ მისი ლექსები! ამ
ლექსების დიდი უმეტესობის თითქმის ყოველ სტრიქონს ახალი,
დღევანდელი საქართველოს სურნელება ასდის.

პოეტის ეს პატრიოტული მღელვარება, რასაცვირველია, ნაკარნა-
ხევია ეპოქის სულით, იმ გარემოთი და იმ დროით, რომლის შესახე-
ბაც პოეტი ამბობს:

„დიდი ნათელი ჩემი დროისა
ამისერის მალა... მალა... სულ მალა“.

ამ დროის სული კი ყველაზე მეტად სწორედ პოეტის პატრიო-
ტულა გრძნობის ზნეობრივ შედგენილობაშია.

თვით პოეტიც ხომ კარგად გრძნობს, რომ დროის ამ ნათელში

დღღია მეჭკვიდრეობა იმ ადამიანების სულიერი სიწმინდისა და გმი-
რობისა, რომლებიც იყვნენ, იბრძოდნენ და რომელთაც

„მრავალ თაობის ზოდეს სიმძიმე,
რომ გაეფანტათ ცხოვრების ბინდი,
ტახტზე დაესვათ მზე მოციმციმე.
რომ თავისუფლად გვესუნთქა მარად.
მომბას გაეკრა ცაში კამარა,
მათ ფრთებს ასხამდა ოქტომბრის ქარი.

მათ მომავლისკენ გააგეს ხილი.

იმათგან მოდის ჩვენი ნათელის.
ჩვენი სიცოცხლის უშრეტი წყარო...
და მინდა მუხლი მათი ხსოვნის წინ
ნაღობის ნიშნად მეც მოვიყარო“.

ეკვი არ არის, პოეტის არა მარტო ლექსებში, არამედ მის ადა-
მიანურ-მოქალაქეობრივ ხასიათშიც შენივთებულია ჩვენი ეპოქის
საზოგადოებრივი გამოცდილების ნათელი მხარეები.

მაგრამ, რაკი წესია, მოდი, გავუხსენოთ პოეტს მისი აღრინდე-
ლი ჰიმნოლისტური ცთუნებანიც, მისი ცისფერყანწელობა. თუმცა,
კაცმა რომ თქვას, იმდენად არაორგანული ყოფილა იგი მისთვის,
რომ მაშინდელი ლექსების შესახებ თვით პოეტი უღმობელი გულ-
ახდილობით ამბობს: „ახლა მათი გახსენებაც კი მაწითლებსო“... ბო-
ლო ეს ნამდვილად მტკიცე და სისხლბორცვეული, რაც სიჭაბუკიდან
გამოჰყოლია მას და რაც წარუხოცელ საფანელად დასდებია მის
სულს, კარგად არის გადმოცემული მის ახლახან გამოქვეყნებულ
ავტობიოგრაფიულ პოემაში — „ჩემი თაობა“. ეს არის „დედაენი-
სა“ და „ბუნების კარის“ ჩაუქრობელი სინათლე, ცხრაასხუთი წლის
მღელვარე დღეების რომანტიკა, ხალხისა და სამშობლოს თავისუფ-
ლების დაუცხრომელი წყურვილი.

აქვს შალვა აფხაიძეს ერთი ლექსი—„ქვაზე წარსაწერი“, —
ათქმის ქართული ხალხური ლირიკის კილოზე აწყობილი, ერთი
შეხედვით სრულიად უბრალო და უსამკაულო, მაგრამ, ჩემი აზრით,
საგულისხმო პოეტური ხილვის შემცველი. ლექსი იწვევს პოეტურ
ასოციაციებს, აღსავსეს, თუ შეიძლება ასე ითქვას, ოპტიმისტური
ტრაგიზმით. აქ არ არის ხელთუქმნელი ძეგლების აგების პოეტური
მტკიცება. აქ არის პოეტური ეპიტაფია — სიკვდილის გაღმა გახე-
დვა, სიცოცხლის მარადიული ძაფის ძიება... და თუ სადმე შეიძლება
მოიძებნოს ეს ძაფი, პოეტს სწამს, რომ იგი მხოლოდ და მხოლოდ
შენი ქვეყნის სიყვარულში, შენი ხალხის გულში მოიძებნება.

უკვე ლექსის პირველსავე სტრიქონს („უცხო მგზავრო, ქვიშა ქვეშ ვწევარ“) მოაქვს რაღაც უთქმელი თრთოლვა, ხალხური ტრადიციებიდან მობერილი ბინდი. უბრალო მონოლოგი აგრძელებს ბედის გამხელას, გულის განდობას.

მე მიუვარს ნაქერალა,
მტკვარი ჩქარი, ფერწარმტაცი...
და ვიყავი ჩემი ქვეყნის
სულ პატარა ჭარისკაცი.

და თუ უკვდავება რაიმე სახით, თუნდაც სიტყვაში, თუნდაც ხსოვნაში, შესაძლებელია, მისი უფლება, პოეტის რწმენით, აქვს იმას, შვირეა იგი თუ დიდი, ვისაც თავის გულის უკეთესი ნაწილი მიუცია სამშობლოსათვის.

არ გაემქრალვარ... ჩემს მიწაზე
მიზრდილი ვარ სისხლით, ძვლებით...
და თუ ატყდა ქარიშხალი
საფლავიდან დავიძვრები.

შალვა აფხაიძისათვის უცხოა ყოველგვარი პოეტური ქედმაღლობა, უცხოა ქურუმობისა და რჩეულობის თავკერძული ფსიქოლოგია. ასეთ ფსიქოლოგიას ხალხის ალალი გულიც ვერ იკარებს. ხალხმა იცის, რომ თვით უდიდესი გენიოსიც კი ჩვეულებრივი ადამიანია და ჩვეულებრივი ადამიანის როლში იგი დიდებულია.

შალვა აფხაიძეს სწამს, რომ პოეტი, ისე როგორც ყოველი ადამიანი, რომელიც თავის გულის სითბოს, თავის ძალებს აძლევს ქვეყანას, თავის მოკრძალებულ ადგილშიაც პოულობს საამაყოს. პოეტის „გაზაფხულის სიმღერის“ ერთი მუხლი ასე ჟღერს:

მოვდივარ... ვარდის ფურცლები,
წზის ნატეხები მაცვივა.
ვამაყობ, რომ კომუნისტის
პატარა ჭარისკაცი ვარ.

თავმდაბლობა, როგორც იტყვიან, ამშვენებს ადამიანებს. მათ შორის როგორც ჩანს, პოეტებსაც.

კარგი, ლამაზი გულწრფელობა ახასიათებს შალვა აფხაიძეს ცხოვრებაშიც, ლექსშიც, სიტყვაშიც, წერილებშიც. პოეტი საკმაოდ მკაცრია თავის მიმართაც. როცა საქმე ქვეყნის პოეზიას ეხება. იგი ჩვეულებრივი ულმობელი გულანდილობით აცხადებს: „საკმაოდ მდიდარი ხარკი მივიტანე სქემატური, პლაკატური პოეზიის წინაშე“. ცხადია, ჩვენ გვესმის, რომ ეს ხარკი დროის ნაკარნახევი იყო და არა მართა ერთი პოეტის ცოდვა. თანაც პლაკატშიაც ჩვენ გულწრფელი და უნიღბო ვიყავით.

პოეტს აქვს დაუქმყოფილებლობის გრძნობაც, მე ვიტყვოდი, ფროდ ბედნიერი გრძნობა. გამიგონია, დიდ გოეთესაც კი ზოგჯერ ექვი ეპარებოდა თავისი ქმნილებების პოეტურ ძალაშიო... ჩვენებურ ბანდაურს კი, ამბობენ, ღრმად სწამს, რომ მისი ლექსები შედეერებია. რა გაეწყობა, ნეტარ არიან მორწმუნენი!..

შალვა აფხაიძე თავისი ლექსების კრებულის — „გაზაფხულის განთიადების“ წინათქმას ასე ამთავრებს: „...სრულიად არ ვარ კმაყოფილი ჩემი შემოქმედებითი მუშაობით. მხატვრული შემოქმედება ნიშნავს დიდ ჰილილს სიტყვასთან, ცდას — საზოგადოებრივ რეზონანსის მქონე ფიქრები თუ ემოციები სიტყვის საშუალებით გადმოსცე. ეს არის მეტად რთული და ძნელი საქმე. ბედნიერად ჩავთვლიდი თავს, რომ მეგრძნო პატარა აგური მაინც მაქვს მიტანილი კულტურის იმ დიდ შენობის ასაგებად, რომელსაც ახალი ქართული კულტურა ეწოდება“.

ჩემი აზრი პოეტის ამ განცხადების შესახებ მოკლედ უკვე გამოთქვი მთელ ამ წერილში. აქ კი ვიტყვი: ვენდობი პოეტის დიმილს, ვენდობი მის გულს, მის ტკივილსაც. მის სევდასაც.

პოეტს ბევრი ლექსი აქვს მიძღვნილი მეგობრებისათვის. ბევრი ნამდვილი და მართალი გრძნობაა ამ ლექსებში, ნწარეცა და ტკბილიც. ამ ლექსთა შორის ერთი მაინც მინდა გამოვყო, მეტად ინტიმური, მეტად პირადი, მაგრამ წარმტაცი თავისი უშუალობით, თავისი მოალერსე სინათლით. ეს არის ლექსი — „ნ. თ-ძეს, ჩემი ცხოვრების თანამგზავრს“ — გულისწორობისა და გულთა კავშირის ლამაზი ჰიმნი. პოეტი უმღერის თავისი ცხოვრების თანამგზავრს. ლექსის თითქმის ყოველი ნაკეთი პირველი გატაცების ძალით ეღერს. აი, შუა და ბოლო ამ ლექსისა:

ჩვენ ერთად გავვლეთ აღმართ-დაღმართი,
ყველა ყვაილში გამოსარჩევო.
ახლაც ვით წინათ, როგორც წარმართი,
შენზე ელოცულობ, ძვირფაო ჩემო!

ჩემთვის შენა ხარ სინათლის ზღუდე,
შენს სინათლეში კიდეც დავებრლო,
და სიკვამლე რომ დამიბრუნდეს,
მჯერა, მაინც შენ შეგიყვარებდი.

ეს შესაშური ერთგულებაა დიდი გრძნობისა, კარგი და ლამაზი. ღრმა და წმინდა გრძნობას კი განსაკუთრებული პოეტური სამკაულების გარეშეც შეუძლია ამაღლდეს ნამდვილ პოეზიამდე.

პოეტის შემოქმედებითი სახის ეს სახელდახელო ჩანახატიც კი

დაუმთავრებელი გვრჩება, რაკი აქ ვერ ვეხებით მის საყურადღებო კრიტიკულ წერილებს. თუმცა საქმეს გვიადვილებს ის, რომ შალვა აფხაიძის კრიტიკული წერილები ერთგვარად მისი პოეზიის გაგრძელება თუ სხვა სახეობაა. ისინი, პირველ ყოვლისა, ყურადღებას იპყრობენ გრძნობიერი, ემოციური დამოკიდებულებით თემისადმი, ფაქიზი გემოვნებით და ნათელი მხატვრულ-ესთეტიკური მრწამსით.

უხვი, ბარაქიანი შემოდგომა გაზაფხულის მოტრფიალეს!

1967

მშობლიური სიტყვის მებაღე¹

შემოქმედის პიროვნებიდან, რასაკვირველია, ბევრი, ძალიან ბევრი რამ გადადის მის შემოქმედებაში. მაინც საკითხავია: შემოქმედება და შემოქმედის პიროვნება განა ყოველთვის ხმაშეწყობილია?

კარგი ხელოვანი კარგი კაციც უნდა იყოსო. მაგრამ არის ასე ყოველთვის? ეჰ, ვინ იცის...

ის კი დაბეჭიბებით ვიცი, რომ ცნობილი ქართველი მწერალი — პოეტი, დრამატურგი, პროზაიკოსი გიორგი შატბერაშვილი კაცური კაციც იყო, უღვარძლო და უბოროტო. გონივრულ სიღინჯესა და სიდარბაისლესთან ერთად მის პიროვნებაში განსაკუთრებით მიზიდავდა ბუნებრივი სისადავე, ძალდაუტანებელი თავმდაბლობა. სულიერი უზვიადობა. ეს თვისებები დასაფასებლად მიმაჩნია იმიტომაც. რომ, ვფიქრობ, მეტი რომ არ ვთქვათ, პირდაპირ ამაზრზენი უგემოვნებობაა, როდესაც რაიმე განსაკუთრებული ნიჭით დაჯილდოებული ან რაიმეთი წარჩინებული პიროვნება, იქნება იგი ხელოვანი. მეცნიერი თუ სხვა ვინმე, რალაცნაირად თავს ამადლის ქვეყანას, თავს ამადლის ადამიანებს და თავის მიჰართ განსაკუთრებულ გუნდრუკის კმევას მოითხოვს. გიორგი შატბერაშვილი ძალიან შორს იყო ასეთი უგემოვნებობისაგან.

საზღაურად ცოტაა განა: ის, ვინც რაიმე სილამაზეს, სიმშვენიერესა თუ სხვა რამ ღირებულეებას ქმნის, ამდენადვე ქვეყანასაც აუქეთესებს და თავის სულსაც ამდიდრებს და ალამაზებს. მებაღე, ვინაც მშვენიერ ბაღს აშენებს, ქვეყანასაც სიმშვენიერეს კმატებს და თავის სულშიაც აღვივებს მშვენიერების გრძნობას. იქნებ, საჭირო იყოს შებრუნებულადაც ითქვას: ვისაც სულში არ უღვივის სიკეთესა და მშვენიერების გრძნობა, იგი ლამაზსა და მშვენიერს ვერაფერს შექმნის, ოღნავადაც ვერ გააუქეთესებს თავის წილ ქვეყანას. მაგრამ

¹ ეს მცირე მოსაგონარი წერილი გამოქვეყნდა გაზეთ „ლიტერატურულ საქართველოს“ 1970 წლის 18 დეკემბრის № 51-ში. მალე ამის შემდეგ მე მივიღე ერთი ჩემი ძველი მეგობრის პირადი წერილი — გამოხმაურება ჩემს ჰატარა დაბეჭდილ წერილზე. საჭიროდ ჩავთვალე მეგობრისათვის შეპასუხნა იმავე გაზეთში გამოქვეყნებული ღია წერილით, რომელიც აქ ამ წერილს მოსდევს.

არა, არ შეიძლება ადამიანში არ იყოს თუნდაც უმცირესი, თუნდაც ფერფლწაყრილი ნაპერწკალი შემოქმედებისა, ღმრთეებისა და სიკეთისა. საჭიროა მხოლოდ ამ ნაპერწკლის გაღვივება. ამიტომაც, ალბათ, მეტ-ნაკლებად ყოველ ადამიანს ძალუძს თავისი წილი ქვეყნის გაუკეთესებაც და, ამდენადვე, თავისი თავის გაუკეთესებაც, შესაძლოა, ყველაზე დიდი ბედნიერებაც ასეთნაირი თვითგაუკეთესება იყოს...

ეს ფიქრები წამომეშალა, როდესაც ერთხელ კიდევ გადავაეღე თვალი გიორგი შატბერაშვილის ნაწარმოებებს, მათ შორის, რა თქმა უნდა, ერთ-ერთ ყველაზე ძლიერს, ყველაზე ძარღვიანს, ყველაზე სახოვანს — „მკვდრის ნებს“. ეს მოთხრობა თითქმის გედის სიმღერა იყო მწერლისა. ამის განაო იგი იმასაც მოწმობს, თუ რაოდენ ძალმოცემულ მხატვრულ ნიჭს შეაკვეცა ფრთები უდროო სიკვდილმა. მწერალს არ დასცალდა დაეწერა განზრახული ისტორიული რომანი აბო თბილელზე, რათა მის ტრაგიკულ თავგადასავალში გაეგრძელებინა ადამიანის ბუნების გმირული საწყისის სიდიადისა და სილამაზის გამოსახვა. სწორედ გმირული, ვაჟკაცური, შემართებული სულისკვეთების აპოლოგია არის მწერლის უმთავრეს ნაწარმოებთა ძირითადი პათოსი. ამ მხრივ საგულისხმოა მწერლის ერთ-ერთი ყველაზე სისხლსავესე მხატვრული სახის — თენგოს მამის, თითქოს კერპული ნებისყოფით შეკრული, მაგრამ არსებითად გაორებული ადამიანის — გიორგის კამათი თავისსავე ავ და სკეპტიკურად მეორე მესთან — ავგიორგისთან:

„— დაზოგილი ღონით ნატვრა ვის შეუსრულებია... თუ ერთბაშად არ დაიხარჯე, თუ ერთბაშად არ მოიქნე ფრთა, ერთხელაც ვერ აფრინდები არწივივითა...“

— ვინც ერთბაშად დაიხარჯება, ცეცხლი წაეკიდება და ბურბუშელასავით დაიწვის.

— სინათლეს ის ცეცხლი აჩენს... მერე სინათლე სხვას უშუქებს გზასა“...

სხვათათვის გზის გაშუქების მოტივი დიდი ქართული ლიტერატურის უკეთესი ჰუმანისტური ტრადიციებიდან მოდის. გიორგი შატბერაშვილის ეს ტრადიცია სისხლხორცეულად ჰქონდა შეთვისებული.

მწერლის უკეთესი მხატვრული ქმნილებანი ნათლად მოწმობენ, რომ გულში ჩამწვდომი ქართული სიტყვის სათქმელად მას შეეძლო დაუზოგველად ხარჯვა თავისი ნიჭისა, შეეძლო ფრთის ერთბაშად მოქნევა, რომ მალა აფრენილიყო.

აქ არ შემიძლია არ გავიხსენო მოთხრობის ერთი ნაკვეთი, სა-

დაც მწერალი თავისი ღამეული ფიქრებით ერევა ამბის განვითარებაში და გულმხზურვალედ ემუხსაიფება თავის საყვარელ გმირებს — თენგო ბიქსა და ხიზამბარელს:

„გარეთ ცივი ღამეა... უზარმაზარი ცივი მთვარე აშტქებს მთაწმინდაზე აღმართულ ტელემზერის კოშკს... უზარმაზარი ფანტასტიკური სატაქტურით აწვდილა ეს კოშკი... ბრწყინავს და მიცურავს. მიდიან ღრუბლები, მიდის კოშკი, მიდის დრო...“

არა, დრო კი არ მიდის, დრო დგას და ჩვენ მივდივართ. დრო უძრავია სივრცესავით, თვალუწვდენია სივრცესავით, ის უსახო და უსახელო მდუმარებაა. რომელსაც ხანდახან ჩვენი ძახილი არღვევს. ჩვენ მივდივართ. მივქრით იმ ღრუბლებივით, დრო კი დგას, როგორც მთაწმინდაზე აღმართული ტელემზერის კოშკი...

შუალამე დიდხანია გადავიდა.

ოთახში ცივა... მუხლები მეყინება. და მაინც თქვენზე ვფიქრობ — თენგო ბიქო და უსახელო ხიზამბარელო...

ეს ფიქრი თუ მიშველის, ეს მტანჯველი ფიქრი თუ დამავიწყებს იმას, რომ რადიატორი უკვე გაიყინა და ოთახში ცივა.

ვგრძნობ, როგორ ვიქანცები, როგორ მტანჯველად შრიალბს ფიქრი. როგორ ბნელდება ირგვლივ... ველარაფერს ვხედავ... თქვენ კი უფრო ცხადად. უფრო გარკვევით მეხატებით. ასე მგონია, ხელითაც კი შემიძლია შევეხო თქვენს ძლიერ მხარ-ბექს, ხელი ჩამოგართვათ, ვიგრძნო თქვენი ძლიერი მაჯა, დაგეჭიდოთ...

თბილისში ახლა ყველას სძინავს, მხოლოდ მე ვფიქრობ. ვეძებ სიტყვას, და ვცდილობ თქვენს გაცოცხლებას, მეც თქვენსავით ვეკიდები საჯილდაო სიტყვის მძიმე ლოდს“.

ამ სიტყვებში იწვის, ცოცხლობს, სუნთქავს თვითონ მწერალიც.

არა, იგი მართლაც სიტყვის ლოდს როდი ეჭიდებოდა. ლოდი ცივია და უმეტყველო, ლოდი სიმბოლურადაც ვერ ქმნის ცოცხალ კავშირთა ამაღელვებელ ქსოვილს. მწერალი ძალების დაუზოგველად ეჭიდებოდა ცოცხალ ქართულ სიტყვას და სულს უდგამდა ამაღელვებელ მხატვრულ სახეებს.

გიორგი შატბერაშვილს თამამად შეგვიძლია მივაკუთვნოთ ქართული სიტყვის კარგი მებაღის სახელი.

ღია წერილი კვალ მემობარს

თქვენ ერთობ დინჯი, თავდაპერილი და უფრო ფიქრჩახვეული, ვიდრე გულჩახვეული, კაცი ხართ და რაკი თქვენ, თქვენი სიტყვებით რომ ვთქვათ, მოთხოვნილებამ დაგძლიათ, რათა ჩემს ერთ პატარა წერილს გამომხაურებოდით პირადი ბარათით, ერთხელ კიდევ ვრწმუნდები, რომ საკითხს საგულისხმო საზოგადოებრივი მნიშვნელობა და სიმძაფრე აქვს. ამიტომ გადავწყვიტე გაგესაუბროთ ღია წერილით. მინდა, მოგიხსენიოთ სახელითა და გვარით, მაგრამ თავს ვიკავებ. რადგან არ ვიცი, გინდათ თუ არა ეს თქვენ, თუმცა ვერ დაგპირდებით, რომ ზოგიერთმა ცნობამ, რაც, შესაძლოა, გზა და გზა დაჰპირდეს, თქვენი ვინაობის კვალზე არ დააყენოს მკითხველი.

თქვენ მწერთ:

„თქვენს წერილში („ლიტერატურული საქართველო“, № 51, 1970 წ. 18 დეკემბერი), რომლის საერთო შეფასებას მე არ ვკისრულობ. ერთმა ადგილმა მიიქცია ჩემი განსაკუთრებული ყურადღება, თქვენ წერთ: „პირდაპირ ამაზრზენი უგემოვნებობაა, როდესაც რაიმე განსაკუთრებული ნიჭით დაჯილდოებული ან რაიმეთი წარჩინებული პიროვნება, იქნება იგი ხელოვანი, მეცნიერი თუ სხვა ვინმე, რაღაცნაირად თავს ამადლის ქვეყანას, თავს ამადლის ადამიანებს და თავის მიმართ განსაკუთრებული გუნდრუქის კმევას მოითხოვს“. ცამდე მართალი ბრძანდებით, ოღონდ თვით სიტყვა უგემოვნებობა მე მაინცადამინიც არ მომწონს: ძნელად გამოითქმის და თანაც, რაც მთავარია. ზუსტად და მკვეთრად ვერ გამოხატავს ნაგულისხმევ აზრს, თუმცა ამ შემთხვევაში უგემოვნებობის ელემენტიც არის, უფრო სწორი იქნებოდა: ამპარტავნობა, კადნიერება, თავგასულობა, მატრაკვეცობა, მეტიჩრობა, კუდაბზიკობა და მისთანანი“.

არ შემიძლია კმაყოფილი არ ვიყო მით, რომ ჩემი ერთი პატარა წერილის თუნდაც ერთმა არსებითმა ადგილმა ისეთი მომთხოვნი მკითხველის განსაკუთრებული ყურადღება მიიქცია, როგორც თქვენ ხართ. ბოლოს და ბოლოს, ზოგჯერ მთელ რომანსაც ხომ სწერენ რომელიმე ერთი შეხედულებისათვის, ერთი კონცეფციისათვის.

მე, როგორც ყოველი ავტორი, რასაკვირველია, მსურველი ვარ, რომ ჩემი შეხედულება რაც შეიძლება მეტმა მკითხველმა გაიზიაროს, ამ შემთხვევაში კი მსურს იგი გაიზიაროს სწორედ ჩემეულ სიტყვიერ ფორმაში, რადგან აქ ფორმა გარეშე და გულგრილი როდია შინაარსის მიმართ.

თქვენ განათლებული კაცი, შესანიშნავი მთარგმნელი და გამოცდილი სტილისტიც ხართ. ბევრგან უგდებენ ყურს თქვენს რჩევას და არა მარტო სტილის საკითხში, მაგრამ ამ შემთხვევაში თქვენს რჩევას ვერ ვიზიარებ.

შესაძლოა, სიტყვა უგემოვნებობა, მართლაც ცოტათი ძნელად გამოითქმის, მაგრამ ნაგულისხმევ აზრს. ვფიქრობ, კარგად გამოხატავს. იგი არ არის კალმის წვერზე შემთხვევით წანოგებული სიტყვა, ნაფიქრი და ნაგრძნობია. სიტყვა უგემოვნებობა გულისხმობს ესთეტიკურ შეფასებას. შეფასებას ჰარმონიისა და სილამაზის თვალსაზრისით, ხოლო რაც შეეხება ზნეობრივ შეფასებას, იგი მთელი ჩემი ფრაზის სული და გულია. მეც სწორედ ამ ორი შეფასების შერწყმა მსურდა ჩემს მსჯელობაში. თქვენს მიერ მოწოდებული სიტყვები კი მხოლოდ პირდაპირ, გამომკლებულ ზნეობრივ შეფასებას გულისხმობს და ამდენადვე, ჩემი აზრით, ისინი უცმარისი და ცალმხრივია: თანაც ზოგიერთ მათგანს გროტესკულობის იერიც დაჰკრავს...

მე ვამბობ: სადღაც და როგორღაც უუქველად აკლია სილამაზის, სიმშვენიერის, ჰარმონიის, უწინარეს ყოვლისა, საზოგადოებრივი ჰარმონიისა და სიკეთის გრძნობა იმას. ვინც ფიქრობს. ამაყად ეღერს არა საერთოდ ადამიანი, არამედ თვითონ ის — განსაკუთრებული მდგომარეობის პირი — და ამის გამო მოიხზოვს არა მარტო განსაკუთრებული ხოცბა-დიდებას. არამედ კიდევ მეტსაც. თუ ასეთი პიროვნება სადმე და როგორმე ჰტჰანიზმსაც კი ღალატებს, იგი ყალბია თავის ღალადისშიც. სიყალბე კი. მოგეხსენებათ. ძნელია გაამართლო რამელიმე თვალსაზრისით.

ამრიგად, მე ვიცავ სიტყვას და მის ისეთ კონტექსტს, რომელიც აახლოვებს მშვენიერსა და ზნეობრივს, სილამაზესა და სიკეთეს, ესთეტიკურსა და ეთიკურს, ვფიქრობ, ასეთი დაახლოების სულისკვეთება აღმოცენებული და მომწიფებულია ჩვენი დროის სიდრმეში.

მაგრამ თქვენს ენობრივ შენიშვნას თქვენ სასხვათაშორისოდ თვლით, როგორც ჩანს, თქვენ უფრო სხვა რამ გაღონებთ, გაღონებთ ზოგიერთთა მიდრეკილება ქედმაღლობისა და განდიდებისაკენ, გაშფოთებთ ლიტერატურული საქმოსნები, რომლებიც ნაკლებად იწუხებენ თავს იმაზე ფიქრით, თუ რა ღირსების სულიერ საზარდოს

აწვდიან მკითხველებს და უმთავრესად იმის ცდაში არიან, როგორ განხორციელდეს, როგორ გაიზიარონ მეხოტბეები და როგორ გამოსცენ თავიანთი უმწიფარი, მოსაწყენი წიგნები. თქვენ ფიქრობთ, რომ ეს ცუდი სენი საშიშად იკიდებს ფეხს ჩვენს ლიტერატურულ ცხოვრებაში. ამაში კი, თქვენი აზრით, „ბრალი მიუძღვის, უწინარეს ყოვლისა და უმთავრესად, თვითონ მწერალთა საზოგადოებრიობას..., რომ არაფერი ვთქვათ აშკარა კრეატურასა და მლიქვნელებზე, რომლებიც ყველგან... მოიპოვებიან“.

შემდეგ თქვენ წერთ: „ლიტერატურის ყოველგვარ საქმოსნებს და ხელოსნებს, თუგინდ ერთგვარად ნიკიერთ და ცოდნის ნამცეცებს დაუფლებულთ... ხოტბას ასხამენ. იმათ კი იმდენი რიგიანობა არ ყოფნით (კეთილშობილებზე არაფერს ვიტყვით), რომ სულიერი წონასწორობა, ყოველი კაცის დამამშვენებელი თავმდაბლობა შეინარჩუნონ. ასეთი მახინჯი მოვლენის წინააღმდეგ ღასტიკი და უკომპრომისო ბრძოლა უნდა გააჩაღონ მწერლებმა, კერძოდ, კრიტიკოსებმა. ამას კი ჩვენ ვერა ვხედავთ“.

რა გვეთქმის? თქვენ თვალი ხედვად გაქვთ, ყური სმენად და ჩვენ კი არავითარი საფუძველი არა გვაქვს იმისა, რომ თქვენი დაკვირვება, რა მწვავეც და გამძაფრებულიც იყოს იგი, ობტიკურ ცდუნებად ან მოყურებად მივიჩნიოთ, არსებობს რუსული ანდაზაც, რომ კვამლი უცეცხლოდ არ იქნების, თანაც თქვენს დაკვირვებაში მოჩანს დიდი სიყვარული ქართული ლიტერატურისა, ძლიერი და გულწრფელი სურვილი იმისა, რომ ჩვენი მწერლობაც და ჩვენი მწერლებიც იყვნენ ჩვენი ხალხის უკეთესი და უწმინდესი ეთიკური ესთეტიკური იდეალების გამომხატველნი, მაგრამ მაინც საკითხავია: ნუთუ ის მახინჯი მოვლენა, რაზედაც თქვენ ლაპარაკობთ, იმდენად ალაგობრივი და სუსტფესვებიანია, რომ მის აღმოსაფხვრელად საკმაოა მხოლოდ თვით მწერლების, კერძოდ კი კრიტიკოსების სასტიკი და უკომპრომისო ბრძოლა მის წინააღმდეგ. საკმაოა ეყვნების შებმის გაბედულება? მაგრამ ეს გაბედულებაც ხომ რალაცამ და ვილაცამ უნდა აღზარდოს და გაამაგროს!

რასაკვირველია, უამრავჯერ თქმულა და ალბათ კვლავაც უამრავჯერ ითქმის, რომ მწერლობას უდიდესი როლი აქონრია ადამიანთა სულის აღზრდასა და ფორმირებაში. თვითონ მწერალიც პიროვნულად მაღალი ზნეობის მაგალითი უნდა იყოს, მაგრამ მხედველობიდან არ უნდა გავუშვათ საზოგადოებრივი შეგნების სხვა უდიდესი ფაქტორებიც...

რაც შეეხება კერძოდ კრიტიკას, მე თუ მკითხავთ, ისეთი კრიტიკა რომელსაც ამა თუ იმ შემოქმედის ხოტბის ან გმობის გარდა

მკითხველისათვის თავისი არაფერი აქვს სათქმელი, საჭიროც არ არის...

უშეკველია, თქვენ კარგად გახსოვთ სპინოზას ერთ-ერთი ბრწყინვალე აზრი, რაც ქართულად დაახლოებით ასე გამოითქმის: ბედნიერება სიმამაცისათვის მიღებულ ჭილდოში როდია არამედ თვით სიმამაცეშია. თუ საერთოდ ლაპარაკი შეიძლება ადამიანის სულიერ-ზნეობრივი სრულყოფისაკენ გზის გამკვალავ მარადიულ სიბრძნეებზე, ვფიქრობ, მათ შორის სპინოზას ეს აზრი ერთ-ერთი უშესანიშნავესი სიბრძნეა, იგი რასაკვირველია, ადამიანის მოღვაწეობის ყველა დარგს ესადაგება, უწინარეს ყოვლისა, კი შემოქმედებას. ბედნიერება დიდი ანგარიშით, მართლაც ხომ შემოქმედებაშია და არა შემოქმედებისათვის მიღებულ ჭილდოსა და ქება-დიდებაში.

თუმცა, სამწუხაროდ, ჩვენს დროშიაც საკმაოდ აღმოჩნდებიან ისეთები, რომლებიც არ იქნებიან განწყობილნი ამ აზრის სასარგებლოდ. შესაძლოა, ზოგჯერ სასაცილოდაც კი აიგდონ ესა და ამდაგვარი აზრები, ნახულიდანაც და გაგონილიდანაც შეიძლება მაგალითების მოტანა. მაგრამ არ არის საჭირო საღებავების გაშუქება. პირქუში ფერები გუნებას უფუჭებს ადამიანს.

თქვენ ალბათ, ატყობთ, რანაირ ბეწვის ხილზეა გავლა საჭირო, რომ არამკითხე მორალისტის როლში არ გადავევარდეთ. ერთი რამ მაინც უნდა ითქვას: სპინოზას ზემოთ მოტანილი აზრისა და მისგან გამომდინარე უანგარობის უკუგდება განსაკუთრებით საშიშია შემოქმედების დარგში. იქნებ, სრული თავგამეტებისა და ერთგვარი ზნეობრივი იდეალიზმის გარეშე დიდი, კემშარიტი შემოქმედება წარმოუდგენელიცაა.

ნუ შეგვაშინებს: ცნება ზნეობრივი იდეალიზმი. იგი არ მოასწავებს იდეალისტურ მსოფლმხედველობას. იგი გვესაჭიროებდა ჩვენ როგორც პაერი, როგორც მზე. უმისოდ სუნთქვა ძნელდება, ზნეობრივი ატმოსფეროს გაქუქუყიანება ყოველ გაქუქუყიანებაზე უარესია. საგულისხმოა, რომ ეს მოტივი პირდაპირ თუ არაპირდაპირ გამოიხატა დღევანდელი ქართული ლიტერატურის ზოგიერთ ნაწარმოებში.

არც ის არის შემთხვევითი, რომ ქართულ ლიტერატურაში გაისმა ლოზუნგიც: გაუმარჯოს დონ კიხოტს! ამ ლოზუნგის გამო დავაც კი ატყდა ქართულ პრესაში. დავაში ჩარევას და ისიც დაგვიანებით, მე არ ვაპირებ, მე მინდა მხოლოდ ვთქვა: რასაკვირველია, მშვენიერი და დიდებულია კაცობრიობისათვის წამებული გმირის — მკმუნვარე სახის რაინდის კეთილშობილება, უანგარობა, რაინდული ზნეობა, მაგრამ თვითონ დონ-კიხოტი, როგორც ვიცით. მოკლებულია

რეალობის გრძნობას, აყოლილია მოჩვენებებს. ამიტომ მის ზნეობრივ იდეალიზმს სიკეთის ნაცვლად ზოგჯერ ბოროტებაც კი შეუძლია მოუტანოს ადამიანებს.

ჰე, ერთობ თავსატეხი საკითხების რკალში შემიყვანა თქვენმა ბარათმა, წერტილი უნდა დავსვა. მაგრამ არ შემიძლია არ ვითხრათ: მალონებს თქვენი ბარათის ნაღვლიანი დაბოლოება. იგი თითქოს არც შეეფერება თვით ბარათის მებრძოლ ხასიათს.

1971

ბ ა მ ხ ე ლ ა

ჩემს „მოპაექრეს“ დიდი მოკრძალებულობის გამო არ სურდა თავისი ვინაობის გამხელა, ახლა იგი ცოცხალი აღარ არის და მე არამცთუ ცოდეად, არამედ ჩემს ადამიანურ მოვალეობად მიმაჩნია გავამელავნო მისი ვინაობა. ის იყო გიორგი კვარაცხელია — ფრიად განათლებული, საკმაოდ მახვილი კალმოსანი და უაღრესად თავმდაბალი კაცი. მე რომ გავიცანი, საქდესში მუშაობდა; ამავე დროს ითვლება მარქსიზმ-ლენინიზმის კლასიკოსების ერთ-ერთ ძლიერ მთარგმნელად. უფრო აღრე, რამდენადაც გამოვიცნია, გაზეთ „კომუნისტის“ ერთ-ერთი თვალსაჩინო თანამშრომელი ყოფილა, ხშირად მეტად მნიშვნელოვანი მოწინავე წერილის დაწერას მას ანდობდნენ... თავის პირად კეთილმოწყობაზე არასდროს არ უზრუნია... საკმაოდ შევიწროებულ პირობებში ცხოვრობდა და ბოლოს დააეადმყოფებული დიდ ხელმოკლეობასაც განიცდიდა... მისი გარდაცვალების გამო ნეკროლოგის გამოქვეყნებაც კი დაავიწყდათ...

ვფიქრობ, ჭერ კიდევ ძალაში რჩება მაიაკოვსკის სტრიქონები იმაზე, რომ ბედნიერებისათვის ჩვენი დედამიწა ჭერ-ჭერობით ნაკლებად არის მოწყობილი... ამიტომ მით უმეტეს გვმართებს გულისხმიერება ადამიანების მიმართ, განსაკუთრებით მოკრძალებული ადამიანების მიმართ.

კვლავ მრავლად ეთქვას...

ახლა, როცა ორიოდ სიტყვა მინდა, ვთქვა ერთი ჩვენი თვალსა-
ჩინო პოეტის შემოქმედების გამო, მთვარეზე წვიმების ზღვის მიდა-
მოებში კვალს ავლებს პირველი საბჭოთა მთვარემავეალი. ფიქრი
უნებლიეთ გამირბის პარალელისაკენ. იქ, ფიზიკის. მათემატიკის და
სხვა ზუსტ მეცნიერებათა უღმობელი ლოგია მოქმედებს, ფანტას-
ტიკა სინამდვილედ იქცევა, ზღაპარი, მითი, პოეტური ხილვა თით-
ქოს ზღვარს იღებს, თავდება, ქრება. აქ კი, პოეტის ლექსებში ისევ
ისე გვიტალღებს გრძნობებს ქაჩებით სავსე იმერეთის ტყეები. ისევ
ისე ფიქრთამშლელი და გაუხუნარია თვით უცნაური ზღაპარიც კი
ოქროს ფრინველზე, ბაგრატის ნანგრევებზე რომ ჯდება. უბინადრო
მგზავრებს ზვას რომ უშუქებს და ყოველ ღატაკს ბუხარსა და ლამ-
პარს რომ უნთებს...

მაგრამ, ვფიქრობ, წინააღმდეგობა მოჩვენებითია.

რთული შემოქმედებითი წარმოსახვებისა და ხილვების გარეშე
უფერადებოდ. ურომანტიკოდ და, თუ გნებავთ. უზღაპროდ. უმი-
თოდ იშრიტება ადამიანის სული და, მაშასადამე. იშრიტება პოე-
ზიაც, უპოეზიოდ კი მეცნიერებისა და ტექნიკის თვით უმაღლესი
მიღწევაც მარტოდენ უსულგულო რამ იქნებოდა.

კოლაუ ნადირაძის — ამ ფრიად განათლებული და უტყუარი ეს-
თეტიკური გრძნობის პოეტის შემოქმედება შედის ქართული საბ-
ჭოთა პოეზიის დიდ ბიოგრაფიაში და მის ერთ-ერთ ფრიად განსხვავ-
ებულ, ფრიად თავისებურ თავს შეადგენს. პოეტური ოსტატობისა
და ფორმის თვალსაზრისით ყოველივე უკეთესი თავისი ცისფერყან-
წული წარსულიდან მან შეუნაკადა თავის მთავარ, განახლებულ რე-
ალისტურ შემოქმედებას. ლექსის ტრადიციული ფორმა მან გააუხვია
და გაავსო ახალი შინაარსით, ეპოქის სუნთქვით, ღრმა სამოქალაქო
და პატრიოტული მოტივებით, ამავე დროს, ჩემი აზრით. საგულის-
ხმოა პოეტის ინდივიდუალური ხელწერის, უკეთ ვთქვათ. მისი პოე-
ტური მსოფლშეგრძნების ერთ-ერთი არსებითი თავისებურება. იგი
თითქოს ნაკლებად ეძებს შთაგონების წყაროს ნივთებისა და საგნე-

ბის ნოდრაობაში. მას უფრო სწორედ ის სულიერი და ზნეობრივი ძალები. ის ვნებები და გრძნობები იტაცებენ, რომლებიც სათავეს უდებენ ამ მოძრაობას. არა იმდენად ნამოქმედარის გარეგანი სახიერება აღაფრთოვანებს პოეტს, რამდენადაც თვით შემოქმედის სულის ვითარება, ალბათ, ამიტომაც ვერ ვპოულობთ ქარბად პოეტის შემოქმედებაში საგნობრივ ფორმათა აღტაცებულ ხობტა-დღედებას...

და თუ განცვიფრების გრძნობა ერთ-ერთი საჭირო თვისებაა პოეზიისა. მაშინ გასაგებია, თუ რატომ არის კოლაუ ნადირაძის პოეზიაში წრფელი გრძნობა განცვიფრებისა, ორი უდიადესი სასწაულის წინაშე — ადამიანისა და ბუნების წინაშე. შემთხვევით როდი მოუწოდებს პოეტი ყოველ პოეტს: „ამ ორ სასწაულს უდიადესს უცქირე ხარბად“. მართლაც, ადამიანზე, ადამიანის გონებაზე სასწაულებრივი ჭერ ხომ არაფერი აღმოჩენილა და არც შექმნილა სამყაროში? ამიტომაც, რწმენა და სიყვარული ადამიანისა ყველაზე სასიხარულო სულიერი ვითარებაა პოეტისათვის.

ბევრი გადამდები სიყვარული და სიხარულია პოეტის ლირიკაში, მაგრამ ერთიც და მეორეც ფრიალ დრამატული და ტკივილგებიანი გრძნობაა მისთვის:

ეგ მართლა სიყვარულია, თუ წამება და ჭვარცმა?
ნეტავ. სანამდე ვაგრძელო ლექსად ცრემლების აცმა!
მოკვდები, — გული ამოშკრან და საკირეში დამწვან!
დამწვან და ნაცრადქცეული, გადამაფრქვიონ თბილისს.
რადგან მე მუდამ მალხენდა მასთან შეხვედრა დილის,
როს ცისფერ თვალებს ახელდა ჩემი ქალაქი ტყბილი.

გვაღელვებს, უეჭველად გვაღელვებს თავისი სიმძაფრით, თავისი სუწრფელით ეს ტკივილებამდე მისული სიყვარული ახალი თბილისისა, ახალი იმერეთისა და მთელი ახალი საქართველოსი.

ჭერ კიდევ აღრევე ღრმად გვაგრძნობინა პოეტმა განახლებული თბილისის დილის განუმეორებელი სილამაზე. მისი ცის თავზარდამცემი სიდიადე. სამშობლო ქვეყნის ომისშემდგომი ცხოვრების მჩქეფარე რიტმი, მისი შემოქმედებითი შემართება შთამბეჭდავად გადმოსცა პოეტმა შთაგონებულ-ლირიკულ სურათებსა და აღსარებებში, მას ძალუმს ერთი მცირე დეტალით სულში წამოშალოს გულისშემძრავ ასოციაციათა. მოგონებათა და სახეთა მთელი გროვა, რაოდენი ემოციური სითბო და სიტკბოა ომბალოს სუნში, იმერეთის სხვაგვარი იერის გაზაფხულის საღამოს რომ მოედინება მინდვრებიდან.

ბუნების მეტად თავისებური განცდა ახასიათებს პოეტს; თვით სიკვდილიც შეწყყნარებული და დაძლეულია ბუნების საოცარ

მთლიანობაში. ადრევე პოეტი გულმხურვალე კურთხევას ადავლენდა ამ მთლიანობის მიმართ. საქმობლოს ბობოქარ ცხოვრებასთან შერწყმული ბუნება აბობოქრებდა პოეტის ზულს.

ეს სილიადე თავზარდამცემი
ენაწართმეულ ქურუმად მაქცევს.
სად დაეითიო ეგ აღტაცება,
ეს სიყვარული ტკივილს რომ აღწევს?!

მთელი თავისი ლირიკული მგზნებარებით გვარწმუნებს პოეტი, რომ ბუნება თავისუფალი ქვეყნისა სიხარულის უშრეტა წყაროა და ქვეშარიტი პოეზიის ამოცანაა გახსნას და საცნაურყოს ადამიანებისათვის ეს წყარო. პოეტს თითქოს იმთავითვე ჰქონდა ბუნებისა და მისგან აღძრული სიხარულის ერთგვარი კოსმოსური ქდერადობის შეგრძნება.

მალე სიღრმეში დედაპიწის დაძგერს გული
და მთელ სამყაროს გადალეკავს ზღვა სიხარულია.

მას თითქოს ზოგჯერ ბუნების ბარათაშვილისებურ-რომანტიკული ხილვაც ახასიათებს, შეუძლია, ყური დაუგდოს ვარსკვლავების საუბარს, ღაინახოს, როგორ ჩაშოდის „ხავერდის კიბის საფეხურებით დიდი სიჩუმე ციდან“.

თავის მრავალმოტივიან პოეზიაში კოლაუ ნადირაძე უქვევლად წარმატებით ახორციელებდა და ახორციელებს თავის პოეტურ პროგრამას.

შეასხი ხორცი, რაც შენ გტანჯავს და არ გასვენებს!
ტრფობა და ზეცა, ამ სამყაროს იღუმალება,
მშვენიერების უკვდავება, ეპოქის სუნთქვა —
უნდა გარდიქცეს შენი სულის მოძრაე ძალებად.
რომ სთქვა სიმღერა, ჭერ რომელიც არავის უთქვამს...

მხცოვანი ეთქმის შესანიშნავ პოეტსა და გულწმინდა, გულსავესე მოქალაქეს — კოლაუ ნადირაძეს, მაგრამ მის სტრიქონებს მხცოვანება არ დასტყობია. მას კვლავ ბევრი რამ აღეღვებს, ბევრი რამ არ ასვენებს. დე, კვლავ ხშირად ქცეულიყოს ის შემოქმედებითი სიხარულის ცრემლების სეტყვად, რათა კვლავ მრავლად ეთქვას განსხვავებული, ამაღეღვებელი სიმღერა!

სახელოვანი პოეტი

რუსთაველის ნაკვალევის პოეტური ძიება რომ წამოიწყო. წარსულის გაუვალ უღრანში კი არ გახიზნულა პოეტი. მას არც უგულო რომანტიკული მოგზაურობა დაუწყია ეამგადასულ ეგზოტიკურ სამყაროში — უსიცოცხლო ლანდებსა და აჩრდილებს შორის. ნამდვილად ეს იყო უდღიადესი სულიერი მემკვიდრეობით ფრთაასხმული პოეტური აზრის ჩაღრმავება ჩვენი დროის მრავალ მოვლენასა და საკითხში, ჭირსა და ლხინში, ტკივილსა და სიხარულში.

ირაკლი აბაშიძემ ბევრი შთაგონებული სიმღერა უძღვნა საბჭოთა სამშობლოს, საბჭოთა ხალხს, ჩვენი ეპოქის ადამიანთა გმირულ შემართებას, ხალხთა მეგობრობას. ბევრ პოეტურ აღტაცებას გვაზიარა მან, ჩვენი ქვეყნის ძლევაშობილი წინსვლის გამო; ბევრჯერ მოუხიბლავს და დაუტკბია მას მადლიერი მკითხველი თავისი მოხდენილი პოეტური სტრიქონებით, თავისი თბილი და ტკბილი პოეტური ხმით, წრფელი, გულგანდობილი ლირიკული აღსარებებით, ხალასი ლექსებით. მაგრამ მართო თბილი და ტკბილი ხმის პოეტი როდია ირაკლი აბაშიძე. თავისი დიდი წინაპრის კვალდაკვალ მავალი იგი დიდი კაცური და ეროვნული ფიქრის პოეტიცაა: მას ახასიათებს თავისებურად გამოსახული ტკივილიანი პოეტური მღელვარება და შინაგანი წვა, ამ მხრივ საგულისხმოა პოეტის ერთი პარალელი: როგორც ომში დაჭრილნი ნატყვიარების ყრუ ტეხვით გრძნობენ მოსალოდნელ დარსა თუ ავდარს, „მგოსნებიც მათებრ ტკივილით გრძნობენ ამინდის ყოველ ცვალებადობას“ (უნდა ვიგულისხმოთ: გრძნობენ ყოველ აშკარა თუ იდუმალ ძვრას ქვეყნისა და ხალხის სულიერ ცხოვრებაში). პოეტის შემოქმედებითი მრწამსი შეიძლება ასე გამოითქვას: ისე როგორც სინათლეს წვა წარმოშობს, ქვეშაირიტ პოეზიასაც ტკივილი ანუ ქვეყნის ჭირ-ვარამისა თუ სიხარულის ღრმა განცდა ბადებს, ნამდვილი შემოქმედი მხოლოდ ის შეიძლება იყოს, ვინც ქვეყნით არის სავსე. ჩვენს პოეტსაც თავისი უღრმესი შთაგონების სათავედ სწორედ ქვეყნის ცხოვრება და ბედი მიაჩნია:

ის ხან მინათებდა
სხივით, ნათელით,
ხან ჩემს გულს გლეჯდა
ათორის კბილებით:
ქვეყნის სატკივრით
მე ვარ ჯანმრთელი,
მე უნდა მოვევლე ამ სატკივრებით.

ჯანმრთელობა სატკივრით უეჭველად მრავლისმეტყველი ძარღვიანი თქმაა. ეს არის სწორედ ისეთი პოეტური სვლა, სიტყვის ისეთი მოქნევა, რაც ფიქრს, აზრს, გრძნობას, პოეზიად აქცევს.

ვის არ უყვარს თავისი საწმობლო? საწმობლოს სიყვარული ერთ-ერთი ყველაზე ბუნებრივი და ცხოველმყოფელი გრძნობაა ადამიანურ გრძნობათა შორის. რასაკვირველია, ჩვენც გვიყვარს ჩვენი საქართველო. ხშირად კიდევაც ვფიქრობთ: როგორ შეიძლება არ გიყვარდეს ეს ზღაპრულად მოხატულ-მოქარგული, ოცნებასავით აზვირთებული ხე და მიწა, მთა და ბარი? პოეტიც თავის წრფელ ღირიკულ აღსარებაში უეჭველად იერთებს და ინაქადებს ჩვენს გულის ხმასაც, როდესაც თავის ერთ-ერთ უახლეს ლექსში მიმართავს ხოლმე საწმობლოს:

როცა შენ დამთმობ უმაღლეს ძალით,
რომ შენი მოდგმა კვლავაც განახლდეს —
მადლობას ვეტყვი საკუთარ თვალებს,
რომელთაც შენი ზეცა მანახვეს...

მადლობას ვეტყვი საკუთარ მეხლებს,
რომლებიც უთვლელ შენს გზებს თელაჯდნენ.

მადლობას ვეტყვი საკუთარ მკლავებს,
რომლებიც შენს ლურჯ მთებს ეხვეოდნენ,
მადლობას ვეტყვი ჩემს ყურთასმენას,
რომ შენი ხმების ცეცხლით ღლეებოდა;
მადლობას ვეტყვი საკუთარ ენას,
რომ შენი ხობებით არ იღლებოდა,
მადლობას ვეტყვი გულს. სავსეს რწმენით,
შხამი რომ დიდხანს ვერ მოერია,
რომელსაც შენით და მხოლოდ შენით
და სხვა რამ ძგერით არ უძგერია.

სიცოცხლისა და სამყაროს საოცრად ჰარმონიული განცდაა ამ სტრიქონებში, მომხიბვლელია ეს თავგამეტებული თაყვანება საწმობლო ქვეყნის სილამაზისადმი. მაგრამ პოეტმა იცის, კარგად იცის, რაოდენ უაზრო და უმეტყველო იქნებოდა მთელი ეს სილამაზე, თუ

მას არ აამეტყველებდა და დიდი ადამიანური შინაარსით არ გაავსებდა მისი მოჭირნახულე ხალხი, მისი მოჭირნახულე ადამიანი თავისი შემოქმედებითი აზრით. სამშობლო არ არის მხოლოდ მიწა-წყალი, მთა და ველი, იგი, უწინარეს ყოვლისა, თვით ცოცხალი ხალხია, ხალხის ენა და კულტურაა, ხალხის წარსული, აწმყო და მომავალი. ხალხის, ადამიანის სიცოცხლეა უმთავრესი და უდიდესი შინაარსი სამშობლოსი. ამიტომაც ამბობს პოეტი ნიქთა შორის ყველაზე მაღალი ნიქის — გონივრული სიცოცხლის ნიქის საღიღებელ ჰიმნს:

სიცოცხლე დაღის როგორც მოძღვარი: —
სიყვარულს, აზრს და მიზნებს ამაღლებს,
შენ ხარ ცოცხალი, შენ ხარ ცოცხალი,
მაშ, გაიხარე,
მაშ, იამაყე!

ჩვენი დროის გამოჩენილი ქართველი პოეტი — ირაკლი აბაშიძე ქართული კულტურის ერთ-ერთი თვალსაჩინო მესვეურიცაა — იგი არის პოეტი-აკადემიკოსი, საქართველოს მეცნიერებათა აკადემიის ვიცე-პრეზიდენტი, ქართული საბჭოთა ენციკლოპედიის მთავარი რედაქტორი... რასაკვირველია, ათასი სხვა ტიტულიც რომ ჰქონდეს, მისი ლაღი პოეტური ბუნება, მისი მგზნებარე პოეტური გული მაინც ათასჯერ მეტად მიმზიდველი და მისანდობი იქნება.

ხმათა პოეზია

თუ ოდესმე ტყეში გზა აგბნევიათ და შეშფოთებულს მერე კაცის ხმა გაგიგონიათ, უეჭველად იგრძნობდით ხმის რაღაც განსაკუთრებულ ძალას. უთვალაუნაირია ხმები — ქვეყნიურ კავშირთა ეს ულუფი ძაფები. ხმათა შეზავებისაგან შემთხვევით როდი იბადება ყველაზე უმშვენიერესი რამ ამქვეყნად — მუსიკა.

ვის გულს არ უგრძენია წარმტაცი პოეზია ხმათა, იღუმალთა და არაიღუმალთა, იმ ხმათაც, ანაზღად რომ აღმოცენდებიან სადღაც სივრცეში და თითქოს რაღაც დიდი საიდუმლოებისაყენ გიწვევენ.

მოდო, ყური მიუვუგდოთ ამ ამ ხმებსაც. შეიღზე მეტი საუკუნის წინათ რომ აღმომხდარან ბრძენი მგოსანის ბაგეთაგან და დღეს ხელახლა რომ შობილან თანამედროვე პოეტის სულში.

რა საოცრად შორეული და რა საოცრად ახლობელიცაა ეს ხმები!

ერთი სასწაულმოქმედება პოეზიისა ისიც არის, რომ მას ძალუძს უშორესი გადააქსოვოს უახლოესს.

რა ხმებია ეს ხმები?

ძახილია, განდობაა, ლაღადისია, ევღრებაა, აღსარებაა?

„ნუ, ნუ შემრისხავ... მე აქ ვუღგავარ, მე აქ მოველი, სადაც გიზგიზებს სუნთქვა შენი და შენუელი“: „მე აზრი ვოყავ... ბელი კაცთა მე არ მებარა. — ჩემად ნუგეშად. ჩემად ტანჯვად მე ეს მეყოფის...“ — „შენგან ვანდგომა, ო, ჭყარცმულო, მე რად დანბრალდა“. — „ო, ენავ ჩემო, დედაო ენავ. შენ, ჩვენო ნიქო, სრბოლავ და ფრენავ“: „დამამხობელმან მე საწუთრომ დამამხო, თამარ“.

ძველი, ნაცადი ნაკეთობაა ლექსისა? ჰო, ესეც არის. ბევრი რამ არის მემკვიდრეობითი და ტრადიციული ამ „ხმათა“ პოეტურ აღნაგობასა და ხასიათში. მეტწილად უეჭველად ბარათაშვილის კითხვები, მიმართვები, იღუმალთქმანი, შეღაღადებანი, პაუზები მოგაგონდებათ. მაგრამ განა დღეს ნაკლები კითხვები აღელვებენ გონებას? განა დღეს არ მოითხოვს ჩვენი სული შევღაღადოთ ქვეყნიერების დიად ძალებს, თაყვანი ვცეთ მშვენიერსა და ქეშმარიტს, დავვმოთ, დავწყველოთ მაგნე და ბოროტი, გულის კარი გავულოთ

სიხარულსაც და სევდასაც, აღტაცებასაც და მწუხარებასაც... ან რად უნდა დაიშროტოს თავდაპირველი სინედლე ჩვენი სულისა? რად უნდა მოაკლდეს მას ექსტაზის ძალა.

ჩვენ ყოველთვის როდი ვფიქრობთ იმაზე, თუ რა უსასრულოდ მრავალფეროვანი შეიძლება იყოს ადამიანთა სულიერი კავშირი ქვეყნიერებასთან. შეიძლება ითქვას, რამდენი ადამიანიცაა, იმდენი განსხვავებული და თავისებური ძაფია გაბმული სამყაროსთან. და იქნებ, სწორედ ამაშიც იყოს სიცოცხლის სიბრძნეც და სიმშვენიერეც, კაცმა რომ თქვას, ადამიანთა მოდგმის მილიონთა და მილიონთა არსებობას რა აზრი ექნებოდა, თუ ყველას და ყველაფერს ერთი დაიტევდა. ასეა თუ ისე, თუ გწამთ ადამიანი, კიდევაც უნდა გწამდეთ მისი ნამდილ ადამიანურ ნიჭთა ყოველი პიროვნული გამოსხივების შესაძლებლობაც, უფლებამოსილებაც, სრულფასოვნებაც.

...პოეზიაც, — მე ასე მგონია, — ადამიანურისა და ადამიანურობის დაუღვეველი საგანძურის მარადიული ძიებაა სიამეთა და ტკივილთა დაუსრულებელ გზებზე.

მითქვამს და კვლავაც ვიტყვი: არ მჯერა არავითარი ნოვატორობა პოეზიაში (საერთოდ, ხელოვნებაში), თუ იგი ამავე დროს არ მოასწავებს ადამიანურობის რაიმე ახალი კუთხის, ახალი ნაკადის მიგნებას.

თანაც, იქნებ, დღეს, ვიდრე ოდესმე, გვმართებს უფრო მახვილი თვალი და ყური გვექონდეს ადამიანურ ტკივილთა მიმართ.

გვაქვს ამის საფუძველიც.

უბრალოდ რომ ვთქვათ, ადამიანმა თავისი არსებობის მთელ მანძილზე საკმაოდ ბევრი იტანჯა და ეწამა, წვალებისა და მწუხარების საკმაოდ დიდი გამოცდილება დააგროვა იმისათვის, რომ დღეს განსაკუთრებით მგრძნობიარე იყოს ყოველ ადამიანურ ტკივილთა მიმართ. ყოველ შემთხვევაში, ჩვენი ადამიანობა დიდად არის დამოკიდებული იმაზე, თუ რა ძალით არის დამუხტული ჩვენი სული ადამიანური ტკივილებით, მით უმეტეს, ვერას იტყვის პოეტი ახალსა და აღმაფრთოვანებელს, თუ მას სულში არ სტკივა თავისი დრო, თავისი ქვეყანა, თუ სულში არ სტკივა ადამიანი.

აი, ჩვენი დროის ქართველი პოეტიც, თუ შეიძლება ასე ითქვას, უბრალოდ პოეტურ-ტურისტული თუ პოეტურ-სპორტული ენით რომ დადგომოდა რუსთაველის ნაკვალევს, შესაძლოა, კიდევაც გავერთეთ და გავეხალისებინეთ თავისი სალალობო ლექსებით, რადგან „ჩვენ მათიცა გვეამების, რაცა ოდენ თქვან ნათელად“, მაგ-

რამ ვეპვ. რომ შევეყვანეთ საგულისხმო პოეტურ აზრთა და გრძნობათა სამყაროში.

მაინც რამ დააყენა პოეტი დიდი რუსთაველის ნაკვალევზე? წმინდა პოეტურმა ინტერესმა? მაშინ, რაღად ჩასვამდა ლექსში უბრალოს, მაგრამ ბევრისმთქმელ სტრიქონებს:

უგულოდ ბნელა,
ცა უტყუა,
მიწა ბრმა არი...

ო, უგულობავ,
ულმერთობა
შენთან რა არი!

მსოფლიოს ყველა ხალხის და ყველა ეპოქის ჰუმანისტთა შორის ერთ-ერთი უდიდესი ჰუმანისტის, ქართული პოეტური აზროვნების მამამთავრის, დიდი ეროვნული გენიის — რუსთაველის ნაკვალევის ძებნა თავისთავად უკვე მრავალისმეტყველი პოეტური ლაშქრობაა ხალხის ისტორიული ბედის ნაკვალავ თუ უკვალავ გზებზე.

დიდი ისტორიული გადასასვლელებისა და გარდაქმნების უამს ხალხი თავისი საარსებო ძალებითა და სულის სიმტკიცის სიმაგრეებს ხშირად თავისი დიდი წინაპრების ცხოვრებასა და მოღვაწეობაშიც ეძებს, ხშირად იწვევს შორეული წარსულიდან დიდი თავკაცების აჩრდილებს, რომ თავისი ისტორიული ბედის წარმართვაში მოიშველიოს.

დღეს ჩვენ უჩვეულო და უმაგალითო გზებით მივემართებით მომავლისაკენ. და ისე, როგორც ცხოვრების განუცდელ დიდ ცვლილებათა მომლოდინე ყოველი ადამიანი, დიდ საზოგადოებრივ გარდაქმნათა გზაზე დამდგარი ხალხიც, ალბათ, ყველაზე მძაფრად თავისი ისტორიული ბედის საკითხს განიცდის. ვფიქრობ, სადღაც აქ არის სათავე იმ ფიქრთა და განწყობილებათა, რომელთა თავისებურ ლირიკულ უკუფენას წარმოადგენს პოეტური ციკლი „რუსთაველის ნაკვალევზე“. შემთხვევით როდი მიიჩნევს პოეტი თავის პოეტურ ძიებას ვალად სამშობლოს წინაშე, ხოლო თავის პოეტურ არსებას — მესხთა ძახილად, მესხთა წუხილად.

შენ აქ ხარ,
აქ ხარ...
დასრულდა კვალი.
მშობელი მიწის
ეს მედო ვალი;
აქ შენი მშვიდი

ნაბიჯი შეწყდა,
აქ დაწდა ცრემლი,
ბმელეთს რომ რეცხდა;
ვდგავარ შენს სახლთან.
შენს ჩამქრალ ცეცხლთან,
წუხილი მესხთა,
ძახილი მესხთა.

და ამ პოეტურ ძიებათა გზაზე ყველაზე მნიშვნელოვანი და საგულისხმო მაინც რუსთაველის ხმათა მიკვლევაა. მართლაც, უკვე თავისთავად, რა კარგი, რა ლამაზი, რა შთაგონებული ხილვაა: საღდაც შორეული პალესტინის სანახებში, კიდევ უფრო შორეული წარსულიდან — შვიდი საუკუნის გადაღმიდან გაიგონოთ დროისა და სივრცის უხილავ ნაკეცებში შენახული ხმა დიდი წინაპრისა, ხმა იმდენად მშობლიური და იმდენი ადამიანური გზნებითა და ტკივილებით სავსე, რომ შეიძლება მთელი თაობის აღსარებადაც. კი აქედღერდეს.

იყო თუ არ იყო შოთა რუსთაველი პალესტინაში — ეს ისტორიული კვლევის საგანია, პოეტმა კი თავისი პოეტური ამოცანისათვის აირჩია (და ამის სრული უფლებაც ჰქონდა) გადმოცემისა თუ ლეგენდის ფაბულა, მხტოვანი შოთა იერუსალიმის ჭვარის მონასტერს შეეკედლაო.

მაგრამ ნუთუ ამქვეყნიურ საზრუნავსა და საფიქრალს გაექცა, ადამიანებს განერიდა ადამიანობისა და ადამიანის გონების უდიდესი ქომაგი და მონასტერში ჩაიკეტა ცოდვათა მოსანანიებლად იმის გამო, რომ მას უღმერთობას, ქრისტესაგან განდგომას სწამებდნენ? ო, რა უღონო და უგონო გადაწყვეტა იქნებოდა პოეტური ამოცანისა! არა, იგი აქ — ქრისტეს ამ სავანეში — მოვიდა აწორედ ღმერთთან საკამათოდ, ადამიანისა და ადამიანურობის დასაცავად. და ამაში არის რუსთაველის ღრმა პოეტური გაგება. ყოველი „ხმა“ არსებითად დავაა ღმერთთან, დავაა იმ ძალასთან, რომელიც ესწრაფვის ადამიანის ძალთა შებოჭვას და მათ მიქცევას მხოლოდ ერთი ვნების, ერთი გზნების სადინარში.

თუ არა ადამიანთა გულის ბრძენმა მესაიდუმლემ — შოთა რუსთაველმა, აბა ვინდა იცოდა, რომ ადამიანის ბუნება მრავალფეროვან ადამიანურ ვნებათა რთული შენადნობია. და ამიტომაც ყოველ დროში და ყოველ ვითარებაში ყოველივე ადამიანური, მათ შორის, რწმენაც მხოლოდ მაშინ არის წრფელი და ქეშმარიტი, როცა იგი ამ შენადნობის სიღრმეშია წარმოშობილი.

ბრმად ვერაფერს იწამებდა რუსთაველი. ბრმა რწმენა რწმენაც

არ არის! საკმარისია, სულს აეხსნას ძალადობის ბორკილი, რომ ვამკლავნდეს მთელი მისი სიყალბე.

რწმენა რუსთაველისა უღრმესი და უნათლესია.

„ხმა ჭვარის მონასტრის გალავანთან“ — ხმა შორს მიშველო ასოციაციებით. აქ არც ერთ სტრიქონში არ თავდება თქმული თუ სათქმელი. გვაჭერებს, გვაღელვებს ჩივილი დიდი რუსთაველია. რომ უნდობლობა ეცხადების კაცის მაღალ გონებას, მის ღრმა და ჭეშმარიტ რწმენას, გვაღელვებს, რადგან ეს ყოველი დროის მოძალადისა და ძალადობის თვისებაა. რუსთაველი ედავება უზენაესის სწორედ ამ ძალადობას, ედავება ადამიანის გონების სიღიადისა და სრულფასოვნების პოზიციიდან.

მე ჩემს გონებას.
ცნობას ვთელიდი
ჩემს დიდ საუნჯედ.
რადგან არსთავანს
მე შებოძა
ეს საბოძველი, —
შენ მთხოვდი
თაყვანს,
თაყვანს განუსჯელს,
მე მხოლოდ განსჯის,
მხოლოდ განსჯის
ვიყავ მლოცველი.

ღმერთთან კამათის ეს რენესანსული მოტივი გრძნობათა და აზრთა დიდ ხვეულებში გადადის: რაა სიკეთე. რაა სათნოება. რაა სიყვარული, თუ მათი სახელით ადამიანები წარღვნისა და მეორედმოსვლის, განსჯა-განკითხვისა და ჯოჯოხეთის მუდმივ მოლოდინში იქნებიან? არა! ადამიანები კი არ უნდა იბადებოდნენ აღთქმებისა და მცნებებისათვის, მცნებები და აღთქმები უნდა იქმნებოდეს ადამიანებისათვის. ადამიანურ ვნებათა მოვარდნილი ნიაღვრების ბრძენმა მკვლევარმა — რუსთაველმა, რასაკვირველია, ყველაზე უკეთ იცოდა, რომ იქ, სადაც ადამიანებს ცივი და გაქვავებული მცნებები ნთქავენ, შეიძლება თვით უმადლესი ღვთაებრივი მოძღვრებაც კი, მოძღვრება ბოროტთა ძლევისა, მტერთა შემუსვრისა. კეთილთა მეუფებისა, მოყვასთა აღზევებისა, იქცეს ადამიანთა უმძიმეს ბორკილად.

მხოლოდ ძალადობამ, უზენაესთა ძალადობამ. პირდაპირმა თუ არაპირდაპირმა, მიაჩვიეს ადამიანები გულის დახურვას, ბნელმეტყველებას!

შენ, „მაღალ მწვერვალთა სალოცავო, ხატო ნაპრალთა“, შენ.

„ძღველთა ნუგეშო, დავრდომილთა თავშესაფარო“. მოითხოვ ჩემ-
გან უგონო ერთგულებას, განუხჯელ მორჩილებას და თაყვანისცე-
ნას! მაშასადამე. შენ არ გწამს სრულფასოვნება ჩემი ადამიანური
არსებობისა. არ ენდობი ჩემს გონებას, არ ენდობი ჩემს ჭიჭყვას. მაშ,
რალა შეგაკავებს იმისაგან, რომ იძალადო ჩემზე და მცნებათა შენ-
თა ლანდელ მაქციო, გამძარცვო ვნებათგან, წამართვა სული, წა-
მართვა ენა!

ვიცი: ღმერთთა და კაცთა ძალადობამ საუკუნეები წარსტაცა
ადამიანთა გონებას, თორემ, ვინ იცის, რა უხსოვარ უამს ვიქნებო-
დით მიღწეული სამყაროს მეასე გალაქტიკამდე.

ამიტომაც გვესმის ის სულიერი ტკივილები, რომლებითაც სავ-
სეა რუსთაველის საყვედური შემოქმედისადმი:

თუ განმაკაცე.
თუ დამადგი
თვალი სრულქმნილის,
თუ მომეც ძალი
ხან ფრთაშესხმის,
ხან დაღონების,
მე მწადლა შენგან
სიტკბოც ცნობის
თავისუფლების,
მე მწადლა შენგან
სიხარულიც განხმულ გონების.

ვინ დასდო ბრალი ადამიანს იმის გამო, რომ მას სწადია, გული
მისი თავისუფლად და დაუბრკოლებლად ასრულებდეს თავის საქ-
მეს — მიმოაქცევდეს სისხლს მის სხეულში? რად უნდა დაედოს
ბრალი ადამიანს იმის გამო, რომ მას სწადია, გონება მისი თავისუ-
ფლად და დაუბრკოლებლად ასრულებდეს თავის საქმეს — აზრე-
ბით ავსებდეს მის ადამიანურ არსებას?

ეს უაღრესად ბუნებრივი სასიციოცხლო წადილია ადამიანისა.
„და თუ შენ მაინც ცოდვად მითვლი ამ ჩემს საწადელს, — ედავე-
ბა ღმერთს რუსთაველი, — ცოდვა არცოდვის ქვეშაირიტი სად ძევს
სამძღვარი?“

აქ, ამ პოეტურ განააზრში, ეს კითხვა იმ მწვავე, ანუ, როგორც
ილია იტყოდა ხოლმე, იმ წყველა-კრულვიან საკითხთა რკალში ექ-
ცევა, თითქმის მუდამ თან რომ სდევს კაცთა ცხოვრებას, მაგრამ
ყოველ ახალ ვითარებაში ახალი შინაარსით იცვებიან. მაგალითად,
დიდმა ტრაგიკულმა გენიამ — დოსტოევსკიმ მხოლოდ ერთხელ წა-
მოაძახებინა თავის პერსონაჟს — „რად ტირის ბავშვი?“. მაგრამ
ვინ იცის, როდის მოხსნის ამ კითხვას ადამიანი? ასევე, ვინ იცის,

სად ექნება ბოლო კითხვას: „ცოდვა არცოდვის ქეშმარიტი სად ძვეს სამზღვარი?“.

კითხვები, კითხვები — პირგახსნილი კრილობები ჩვენი სულისა!

„ხმა ჯვარის მონასტერში“ — განა ცალმხრივი გზნებით შეპყრობილი, ბედთან შერიგებული მოხუცის სასომიხილი ხმა არის ეს? მაგრამ ვინა თქვა, პოეტის სულის შერიგება მონასტრის ბინდინთან თაღებქვეშ დავანებულ სიჩუმესთან! არა, ეს არის შეურიგებელი მაღალი გონების შეშფოთებული კითხვები! ეს კვლავ დავაა ადამიანის სულის შემბოქავ ძალასთან!

ვის უნდა თავდახრილი, ქედმოდრეკილი ადამიანი? მხოლოდ მოძალადეებს!

ყოველი კითხვიდან თითქოს კაცთა ბედის თვალი იცქირება, ყოველი კითხვის უკან მწვავე სულიერი ტკივილი იმალება.

მე დავიკარგე...
დავიკარგე,
თუ დღეს აღმოვჩნდი?
დავთრგუნე სული,
თუ ეს სული
მე დღეს გავწმინდე?
ვარ სამშვიდობოს,
ვარ აღმართზე
თუ თავდაღმართში?
რა უნდა ერქვას
ჩემს აქ ყოფას,
სუნთქვას აწინდელს?
მე გარდვისახე?
ძველი ჩემი
გახმა უვავილი?
კვლავ ახალ ვარდთა
უფრო კარგთა
დღეს ვარ მფლობელი?
კვლავ ვფარავ სულში,
თუ გულმართლად
დავთმე ყოველი?
დავთმე?
და, იქნებ,
არც რამ მქონდა დასათმობელი?

ვით ასცდებოდა რუსთაველს ხვედრი იმისა, ვინაც საუკუნე გაიგო, მაგრამ ვისაც საუკუნემ ვერ გაუგო.

ბედის რა მკვეთრი შეტრიალება, სულის რა მწვავე ტკივილი უნდა განეცადა მას, ვისაც ყველაზე უკეთ ესმოდა, თუ როდის იკარ-

გება ადამიანი ამქვეყნად, რომ ეკითხნა: დავიკარგე. თუ დღეს აღმოჩნდიო. რა ბურუსი უნდა იდგეს გარეთ, რა გრიგალი უნდა ბოქრობდეს შიგნით, რომ არც კი იცოდე, აღმართში ხარ თუ თავდაღმართში?

მაგრამ განა მარტო ბურუსში იკარგება ადამიანი?

ვინ იცოდა, თუ არა რუსთაველმა, რომ ადამიანი ამქვეყნად იკარგება მაშინ, როდესაც თავისი ადამიანური ძალები უმოქმედოდ მიაქვს სამარის კარამდე და უნაყოფოდ გადააქვს არყოფნის უსასრულობაში. ადამიანი მოდის ამქვეყნად მხოლოდ იმისათვის, რომ ამქვეყნად და ქვეყნისათვის დაიხარჯოს. და თუ ისე გადის წუთისოფლიდან, რომ ერთ ნაპერწკალსაც ვერ უმატებს ქვეყნიერებას, დაკარგულია სამუდამოდ. მაგრამ ერთ ცოდვას სჩადის ის, ვინც თავისთავად იკარგება (თუმცა იკარგება კი ვინმე თავისთავად?) და ათასს ის, ვინც იმდენად ბორკავს ადამიანს, რომ საშუალებას არ აძლევს დაიხარჯოს ქვეყნისათვის...

ვინ შემატა ქვეყანას უფრო მეტი სიბრძნე და სილამაზე, ვიდრე რუსთაველმა... და მაინც იგი „უკვე სამარის კარს მიმდგარი, დაღამებული“ — მტანჯველი ექვით შეპყრობილი ეკითხება განმგებელს:

მარქვი სად ვეყოი,
სად ვარ მცდარი,
სად ვარ მართალი?

აქაც ეს მტანჯველი ექვი დავაა და არა შერიგება.

არა, არც ისე ცალპირად არის ნაქსოვი კაცის სული, არც ისე მარტივი და ნათელია ყოველივე, როგორც ეს ღმერთებს სურთ და ჰგონიათ, სურთ და ჰგონიათ... და აქედან წარმოსდგება მათი უნდობლობაც კაცთადმი.

რუსთაველმა იცის, რუსთაველი ხედავს, რომ კაცთათვის გაუცხოებულ და კაცთაგან განცალკევებულ უზუნაეს ძალას არ შესწევს უნარი სამართლიანად გაანაწილოს ქვეყნად ბედნიერება — სიკეთე და სიყვარული, ღიმილი და სილამაზე.

„ხმა ზეთისხილის ბღში“ — შესანიშნავი პოეტური მიკვლევაა რუსთაველის ღრმა რენესანსული ჰუმანიზმისა და ასევე ღრმა რენესანსული პატრიოტიზმის განუყოფელი ერთიანობისა. შორს, ძალიან შორს იტყორცნება შუქი ამ მინაკვლევისა: არ შეიძლება იყოთ ხალხის (ადამიანის) მეგობარი და მოქირნახულე და არ ნდობდეთ, არ ცნობდეთ მის ბუნებითს სახიერებას, მის სამშობლოს. სამშობლო განუყოფელი ნაწილია ხალხის (ადამიანის) სიცოცხლისა, იგი, უწინარეს ყოვლისა, ხალხის (ადამიანის) უახლოეს სასიცოცხლო კავშირთა ქსელია.

მხოლოდ უღრმეს ჰუმანიტსა და უღრმეს პატრიოტს შეეძლო ასე ერთნაირის ძალით, ერთნაირი გულმხურვალეობით გამოეხატა სულ სხვადასხვა ტომის ადამიანები, ეთქვა მათი ადამიანური მეგობრობისა და ძმობის ისეთი მშვენიერი ჰიმნი, როგორც „ვეფხისტყაოსანია“. ცრუ და ყალბია ჰუმანიზმის, ადამიანთა ძმობის ყოველგვარი ქადაგება, იქ, სადაც არსებითად უკუგდებულნი და უარყოფილია სხვადასხვა ტომთა თანასწორობა და ტოლფასოვნება.

გვაჭვრებს პოეტი, რომ რუსთაველი ვერ მიიღებდა ვერც აღთქმულ სამოთხეს, ვერც აღთქმულ სულის უკვდავეებას, თუ მათ სანაცვლოდ სამშობლო წაერთმეოდა. ეტყოდა, უეჭველად ეტყოდა თავის ვედრებაში რუსთაველი ქრისტეს: მწამხარ იმდენად, რამდენადაც ძალგდის ენუგეშო ჩემს ხალხს, ჩემს სამშობლოსო.

შემინდე, ღმერთო,
 გამულის წინ ყოვლის დათობა;
 მნათობი შენი
 საქართველოს მწამდა მნათობად...

ო, პალესტინაე,
 პალესტინაე!
 ყოვლის მომცველის,
 ყოვლის მფლობელის
 მწამდა შენი
 სიტყვის, ცხოვლისა,
 მაგრამ უადრეს,
 უწინარეს,
 უმალ ყოვლისა,
 მე სამშობლოსთვის.
 სამშობლოსთვის
 ვიყავ მლოცველი.

„ხმა სამრეკლოსთან“ — ვედრებაა, მაგრამ შიგნით ნატამალიც არ არის იმპევეციურის კერეტისა. უსასო ღვთისმოსავობა ასეთ ხმას ვერ შობს, ხმას, სავსეს ამპევეციური ფიქრითა და ზრუნვით, სამშობლოს ბედის უმძაფრესი განცლით. აქაც, ისე, როგორც „ხმათა“ მთელ ციკლში, ლოცვა, ვედრება მხოლოდ გარსია იმ დიდი შინაგანი დრამატიზმისა, რომელშიაც ნამდვილად იკითხება რუსთაველის გული, გული. ცეცხლმოდებული სამშობლოსათვის. სწორედ ამ მძაფრი დრამატიზმით გვაღვლეებენ დღეს ჩვენ ის კითხვებიც, რომლებიც შორეული წარსულის მონღოლთა ბატონობის შავი დღეების მოახლოების წინაგრძნობას გამოხატავენ:

რად მეჩვენება
უამი ჭირთა მოახლოების,
რისხვა განგების
შემოწყრომა მაღალ სამართლის
რატომ ჩანს შავად
უსაზღვრობა აღმოსაელეთის,
რად მესმის გლოვა
შორი ქართლის სამრეკლოების.

„ხმა კატამონთან“, — ეს არის მგზნებარე გულის თრთოლვაზე აწყობილი სადიდებელი დედაენისა. ამ სადიდებლის ყოველ პოეტურ ნაკვეთში თითქოს სკულპტურულად არის ჩამოსხმული ღრმა აზრი, ღრმა გრძნობა. თუ არა ქართული სიტყვის უპირველეს ჯადოქარს, აბა, ვის, ვის მართებდა ეთქვა ყოველთა უწინარეს გულში ჩამწვდომი დიდება დედაენისა. ამიტომაც ვუჭერებთ ჩვენი ღროის პოეტს, რომ მის სულში ნაშობი სტრიქონები ნამდვილად არის ხმა რუსთაველისა — საშვილიშვილოდ გამოქრული შორეულ საუკუნიდან. ამიტომაც აქვს ალბათ თვით ლექსსაც საშვილიშვილოდ გაქრის პოეტური ძალა.

დაეცეს, იქნებ, სიმაგრე ყველა,
მოისრას, იქნებ, ყველა ყმა ველად,
დაედოს მტვერი ყველა დიდ ხსოვნას,
დააკვდეს აზრი საპოვნის პოვნას,
ყოველ ნერგს, იქნებ, დაატყდეს მენი,
ყოველ ძეგლს, იქნებ, დაედგას ფეხი:
მხოლოდ შენ, უჭკნობს.
შენ, ხატად ქცეულს,
რა დრო, რა დასცემს
შენს უკვდავ სხეულს?

„ხმა თეთრ სენაკში“, „ხმა ჯვარის მონასტრის ბინდში“ — აღსარებაა აყვანილი უღრმესი სულიერი ტანჯვის დიდებულ პოეტურ სახიერებამდე. სიყვარული აგვამადლებსო... ეს ხომ რუსთაველმა განუგებორებელი პოეტური ძალით განასახა თავის უკვდავ პოემაში. სიყვარული იქ ხომ უდიდესი ადამიანური ძალაა, თავისი ბუნებით მოწოდებული იმისათვის, რომ შეაკავშიროს ადამიანები, გამოიხსნას მშვენიერება, აღადგინოს სიმართლე, შემუსროს ბოროტება. და უკვე ბუნებრივია, რომ აქ, ამ პირად აღსარებაში სიყვარული ჰკრავს და აერთიანებს რუსთაველის მაღალ სულიერ მისწრაფებათა დიდ წრეს: ადამიანი, სამშობლო, სიყვარული. იქნებ, სწორედ ამ სამების ერთიანობამაც ცხადპყო მისთვის ყველა სხვა სამების არარსებობა. არსებითად ყველა ზეციერს, ყველა ღმერთს ეტოქება ძალა

იმ მიწიერი, ადამიანური სიყვარულისა, რომელიც გაცხადებულია ამ „ხმებში“. გვჯერა, რომ სწორედ ასე, სწორედ ასეთი ტიტანური თავგამეტებით შეიძლებოდა ყვარებოდა შოთას თამარი:

თუ ცოცხალ ვიყავ,
თუ რამ ძალი
მწამდა მოწყალის,
თუ მწამდა ლხინი.
მწამდა ცრემლი
ნიაღვარული, —
მე სიყვარულით,
სიყვარულით
ვიყავ ცოცხალი,
ჩემს სუნთქვას ერქვა
სიყვარული,
გულს — სიყვარული.

პირადი აღსარება შესანიშნავ პოეტურ განზოგადობამდე აღის. მშვენიერებისა და კემშარიტების სათავეს რუსთაველი ღმერთში კი არ ხედავს, არამედ დიდ ადამიანურ სიყვარულში.

კემშარიტების
დასაფრენი,
დასაბუღარი,
ჩემთვის სულ იყო
სიყვარული,
სულ სიყვარული.

ამ ყოვლისმომცველ მიწიერ სიყვარულში, რომელიც მხოლოდ ადამიანთა საკუთრებაა, სადღა რჩება ადგილი ღმერთისათვის?

ნურც ერევა ის კაცთა გულის საქმეებში! მას — უფლებათა უფალს — შეუძლია მხოლოდ ჩააქროს სიყვარულის ნიკი და უგულოდ დატოვოს კაცი.

ო, უგულობავ.
ულმერთობა
შენთან რა არი!

ბოლოს, შთაგონებული „უცნობი მინაწერი პალესტინის ქართულ პერგამენტზე“ — განსხვავებული „ხმათაგან“ თავისი მშვიდი ეპიკურ-სურათოვანი აღნაგობით. თუ „ხმებში“ — მათი ლირიკულ-აღსარებითი ხასიათის შესატყვისად — მეტია არა ხილვადი. არამედ მძაფრი სულიერი მღელვარების სახეები, თუ მათ ქღერაში ტიტანის სულის მოძრაობას ვეზიარებით, „უცნობ მინაწერში“ თვალნათლივ ვხედავთ ამ ტიტანის ხორციელ სახეს, ვხედავთ მის ღრმად დათოვ-

ლილ ლომის ფაფარს, თეთრ საბურველად პირზე რომ ბურავს, ვხე-
დავთ მის ოღნავ სველ მილულულ თვალებს, მის ღონიერ ღაწვს, ჩა-
მავალი მზის მკრთალი ნათელი რომ აფენია... და, რაც მთავარაა
ვხედავთ მძაფრი დრამატიზმით აღსავსე დიდებულ სურათს, თუ რო-
გორ გადის წუთისოფლიდან „კვლავად ზვიადი, კვლავად უცვლე-
ლი“ ბრძენი პოეტი — დიდი მემამბოხე განუყოფელ უფლებათა
მპყრობელი ძალის წინააღმდეგ.

მცირე პირადული გადახვევა:

გულახდილად უნდა ვაღიარო, რომ პირადად მე ამ ლექსში აღ-
დგენილი პორტრეტი რუსთაველისა გაცილებით უფრო მეტად მა-
ჯერებს და მაღელვებს, ვიდრე ის, ვიდაც მომხატველს რომ მიუხა-
ტავს ჯვარის მონასტრის სვეტზე იერუსალიმში. ვერ იქნა და ვერა,
ვერ შევეუთანხმე იმ ჩამქრალი მოხუცის პორტრეტი ჩემს წარმოდ-
გენას შოთა რუსთაველზე.

ირაკლი აბაშიძემ ლექსების ამ ციკლით ახალი ფურცელი გა-
დაშალა არა მარტო თავის პოეზიაში, არამედ მთელ თანამედროვე
ქართულ პოეზიაში.

პოეტი, მოღვაწე, მოქალაქე

კარგია, როცა ეპოქის ღრმა გრძნობა, გადაქცეული ლექსად, სიმღერად, ფერებად, ბგერებად, სახელებად — გაგიტაცებს და გულს შეგიძრავს.

რასაკვირველია, აქ ტალანტის ძალაა საჭირო.

ამ ფიქრთან მიმიყვანა ერთმა ლექსმა, დაწერილმა 1969 წელს. მას ეწოდება, „რუსეთის ველებზე“.

ველები, ტრამალები სიმბოლოა რუსეთისა, მთები, მწვერვალები — სიმბოლო საქართველოსი.

ლექსის სიღრმეში იძვრის გრძნობა დიდი პარმონიისა, სადაც ყოველ პოეტურ ერთეულს, როგორც ყოველ მუსიკალურ ფრაზას, შეხარუხნებული აქვს თავისი განუმეორებელი სახიერება. ქეშმარიტად არ არსებობს უფრო მაღალი სოციალური და ჰუმანისტური იდეალი, ვიდრე ადამიანთა და ხალხთა ძმობაა. დაე, მწვეანობდნენ და ბიბინებდნენ ველებიც, მთებიც, ოღონდ ველები ველებად დაჩინენ, მთებიც მთებად. აქ ღრო მეტყველებს პოეზიის ენით. ჩუმი დრამატიზმი აღრმავეებს პოეტურ განცდას:

ო, ნუ მოგვასწროს იმ ამბის ელდას —
ჩვენთაგან ერთმა იგრძნოს ობლობა,
უსასრულობა დასრულდეს ველთა
და მწვერვალების მიუწვდომლობა;
ო, ღწერთმა ნუ ქნას, ასრულდეს წვევლა
და ვულკანები ცაში ატოტდნენ,
პირი მიწისა სულ იქცეს ველად,
ან დაიფარონ მთებით მარტოდენ.

ხატოვანი წარმოსახვებითა და მღელვარე ფიქრებით ავსებს პოეტის სულს უკიდვგანო ველთა განფენილობა, მწვანე, მინდორთა მდორე ლელვა, ზღვისოდენა მდინარის ელვარება. მაგრამ წარმტაც ხილვათა შორის იგი მაინც გულით დაეძებს თავის მთებს, ოცნებობს თავის რიონსა და მტკვარზე.

სულს აფრთოვანებს ქვეყნიერების სხვაობათა დიადი პარმონიული ერთიანობა.

ველის პაერი ზოგჯერ ცხელია.
ზოგჯერ მთა მკაცრობს და პირქუშია,
მთა მაღალია, ველი ვრცელია,
მაგრამ ერთმანეთს როდი უშლიან.

და პოეტს სწამს, რომ ველებსაც და მთებსაც ერთი მზე ათბობთ,
ერთი ცა ხურავთ და „არ არსებობენ უერთმანეთოდ“.

ლექსი ბუნებრივი და აზრიანი მოძრაობით გადადის გულითად
მიმართვაში მოძმე ხალხის შვილისადმი:

შენი ველის და ჩემი მთის დარი
ცისქვეშ მე და შენ რა გვეგულება,
სხვადასხვაობით არის მდიდარი
ბუნებაც, ქვეყნის აგებულებაც.

ჩვენ ამ სიმდიდრეს ეუმღერით ერთად,
ნუმც მიეფაროს ღამის უკუნი,
შენს ხმაში სვექდეს გრიგალი ველთა,
ჩემს სიმღერაში — მთების გუგუნი.

სულ იყოს ერთი მიზნისკენ ფრენა,
გულები ერთი ცეცხლით აენთონ,
სხვადასხვა იყოს სიმღერის ენა,
აზრი და გრძნობა იყოს საერთო.

ასე მკვეთრად, ასე ცხოვლად გამოხატავს პოეტი დროსა და თავისთავს. დიდი ფიქრის რიტმშია ჩართული შესანიშნავი აფორიზმიც: „სხვადასხვაობით არის მდიდარი ბუნებაც, ქვეყნის აგებულებაც“.

ამ ლექსში გრიგოლ აბაშიძე მძაფრი ოსტატობით ამჟღავნებს ეროვნულ და ინტერნაციონალურ გრძნობათა შეწყვილების დიდ და ნათელ პოეზიას. საგულისხმოა, რომ პოეტური განცდის დაძაბულობა აქ თითქმის დრამატულ ჟღერადობამდე აღის.

საუბარი გრიგოლ აბაშიძეზე ამ ერთი ლექსით იმიტომ დავიწყეთ, რომ ეს ლექსი მიგვაჩნია მისი შემოქმედებითი ხელწერის ერთ-ერთ მკაფიო ნიმუშად.

გრიგოლ აბაშიძე ფართო დიაპაზონის შემოქმედია. მის ნიქს ახასიათებს საბედნიერო შერწყმა მძაფრი ლირიკული მღვლვარებისა, ღრმა განცდისა და ფართო ეპიკური აზროვნებისა, პოეტური აზრის მკაცრი შინაგანი ლოგიკისა და გრძნობათა სიუხვისა, ფრაზის აზრობრივ-ემოციური სისავისისა და სიტყვიერი მასალის მომკირნეობისა.

რა თქმა უნდა, მწერლის ფიქრები უმთავრესად და უპირველეს ყოვლისა სამშობლო ქვეყნის — ახალი საქართველოს ბედსა და ყო-

ფას დასტრიალებენ; მის აწმყოს, წარსულსა და მომავალს ემსკვალებიან. მაგრამ მწერალი შორს არის ყოველგვარი უსაგნო და ფუფე მეხოტბეობისაგან, მისი საუკეთესო ლირიკული, ეპიკური და პროზაული ქმნილებანი ქართველი ხალხის სულიერი ცხოვრების ამა თუ იმ მხარეთა შთაგონებული მხატვრული ანარეკლია.

მწერლის შემოქმედებაში დიდი ადგილი უჭირავს ისტორიულ თემატიკას. ქართველი ხალხის გმირულ წარსულს უმღერის ბევრი მისი შესანიშნავი ლექსი, ნათელი რომანტიკით არიან აღბეჭდილნი ისტორიულ-რევოლუციურ თემაზე აგებული ნაწარმოებნი მწერლისა, საქართველოს ისტორიის ამალელებელ ფურცლებსა და დიდებულ ეპიკურ სურათებს გვიშლიან თვალწინ პოემა „გიორგი მეექვსე“ და ფართოდ ცნობილი ისტორიული რომანები „ლაშარელა“ და „დიდი ღამე“. გარდა იმისა, რომ მწერლის ეს ნაწარმოებნი გატაცებით იკითხებიან, რაც მათს მხატვრულ ღირსებას მოწმობს, ისინი საგულისხმონი არიან იმიტაც, რომ მათ მხატვრულ სახეთა სისტემაში ისტორია გააზრებულია არა როგორც დღევანდელობას მოწყვეტილი, უკან მიტოვებული და ჩამქრალი ნაკვეთი ჟამთასვლისა, არამედ როგორც ხალხის დღევანდელი ცხოვრების ცოცხალი ფესვები, თანამედროვეობის ცოცხალი ნაკადი. ამიტომაც სიკეთისა და ბოროტების ბრძოლა, ის ტკივილები, ის სულიერ-ზნეობრივი საკითხები, რომლებიც თითქოს მხოლოდ წარსულის კუთვნილებაა, დღევანდლობაში პოულობენ გამოძახილსა და გაგრძელებას..

გრიგოლ აბაშიძის წიგნები ამშვენებენ ქართული საბჭოთა ლიტერატურის საგანძურს და ისინი ვრცელ მონოგრაფიულ განხილვებს მოელიან. მწერალი თავისი შემოქმედებითაც და თავისი საზოგადოებრივი მოღვაწეობითაც სისხლხორცულად არის შეზიარებული ჩვენი ხალხის სანუკვარ ფიქრებთან და ოცნებებთან.

პოეტი და მისი რამდენიმე მოტივი

ეს ჩასკვნილი, ლომთავა თუ ლომფაფარა კაცი ბუნებას თითქოს ერთობ ელვარე ფერებით დაუწერიანო, მისგან პირდაპირ მოჩქეფს შუშხუნა იუმორი. მის თვალს არ ეპარება არც ერთი კომიკური ვითარება... იგი ხარბად იჭერს ღიმილით დამუხტულ წუთებს გარემომცველი სინამდვილისა, თავისთავად, შესაძლოა, ამ წუთებს ერთობ სავალალო შინაარსიც კი ჰქონდეს, მაგრამ ჩვენ მაინც ვიცი-ნით. რა გაეწყობა, ასეთია ჩვენი ბუნება, სულდგმულთა შორის მხოლოდ ჩვენ, ადამიანებს, გვაქვს მონიჭებული სიცილის უნარი... და, შესაძლოა, იმიტომაც, რომ მხოლოდ ჩვენ ძალგვიძს დავინახოთ გონების თვალთ როგორც „ღვთის გაჩენილის“, ისე ჩვენს მიერვე შექმნილი ქვეყნის ნაკლოვანებანი და შეუსაბამობანი. სიცილი, ალბათ, ერთგვარი საშუალებააა ჩვენი ამქვეყნიური ტვირთის შესამსუბუქებლად. დიახ, არც ისე უღრუბლო და უმწუხაროა ჩვენი წუთისოფელი, რომ იუმორის გრძნობა ადამიანის ერთ-ერთ ბედნიერ თვისებად არ ჩავთვალოთ.

ამ თვისებით კი უხვად არის დაჯილდოებული კარლო კალაძე, პირადად მე ბევრჯერ მომისმენია და მინახავს მისგან აფეთქებული სიცილი. არა, ბევრიც რომ ვიძუნწოთ, არ შეიძლება ზოგიერთი მისი ნაკვესი არ მივაკუთვნოთ გონებამახვილობის უმაღლეს კლასს. კიდევ მეტი: ზოგიერთი მისი ნაკვესი თუ ეპიგრამა შეიძლება საუკუნის დიდ ხუმრობადაც ჩაითვალოს. მაგრამ სანამ ცოცხალ ვართ, სჯობს იმ ნაკვესებმა ზეპირსიტყვაობაში იცოცხლონ.

შემოქმედი რომ შემოქმედებაში განსხვავებული და თავისებური უნდა იყოს, — ეს თვით შემოქმედების ბუნებიდან მოდის, მაგრამ, როგორც ვხედავთ, ჩვენი პოეტი ცხოვრებაშიც საკმაოდ ხაზგასმული თუ ნიშანდებული, ანუ, როგორც იტყვიან, საკმაოდ კოლორიტული პიროვნებაა. თანაც იგი ერთობ საზოგადოებრივი და გულგამზიარებელი კაცია, ადვილად ამყარებს კონტაქტს ადამიანებთან და ცდილობს გადასდოს მათ თავისი ხალისიანობა. პოეტის ხასიათშიც და შემოქმედებაშიც შეიძლება ბევრი რამ აიხსნას მისი ერთი ტაეპით ლექსიდან „სოფლად“.

გამოვდივარ... და თუ ისევ მდუმარ
გზაზე ვინმე წარბშეკრული ვნახე,
თავს მოვიკლავ მისალმების უმალ,
ლიმილით არ გაუუნათო სახე.

უეჭველად მომხიბვლელია ეს თავგამეტება. იმისათვის, რომ ღიმილით გაუნათოს სახე ყოველ მოწყენილ ადამიანს, მით უმეტეს, თუ ვიცით, რომ არიან ისეთები, რომელთაც გულში ლახვრად ესობათ სხვათა სიხარული. უხალისოდ და უსიხარულოდ კი, მე ასე მგონია, პოეტი პატრუქივით ჩაქრებოდა. შემთხვევით როდი ამბობს იგი ერთ თავის ლექსში, მოწყენილი და ცივი საღამო ჩემს დაუდგრომელ და უქრობ ხალისთან შეუწყობი და შეუსაბამოაო. თავისი ხასიათით იგი სადღაც ეპიკურელია, ეპიკურელია არა ფილოსოფიური გაგებით, არამედ დაქინებული მისწრაფებით საამო განცდებისა და ემოციებისაკენ. უფრო სწორად რომ ვთქვათ, ქართველი დარდიმანდია. მის პოეზიაშიც ბევრი რამ არის ხალისიანი, დარდიმანდული. მაგრამ, დახეთ, ამ დარდიმანდმა ქართველმა კაცმა თავისი შემოქმედების თითქმის 45 წლიანი გზა აღნიშნა ერთ-ერთი ყველაზე დარდიანი სიმღერით. მაშასადამე, უნდა ვიფიქროთ, არც ქართული დარდიმანდობა ყოფილა უდარდებობა და არც ჩვენი პოეტის შემოქმედება ყოფილა მოკლებული ერთგვარ ტრაგიკულ ძარღვს. „ჩემი დღისა და ღამის წიგნიც“ და „მამაც“ უწოდა პოეტმა ამ ლირიკულ პოემას. გულშედიდი ხნის ნაზარდი დარდია ამ პოემაში ჩაქსოვილი. ამ დარდის ფესვები საკმაოდ ღრმად მიდის პოეტის ბიოგრაფიაში, პოეტის ბიოგრაფიიდან კი — ჩვენი ქვეყნის ბიოგრაფიაშიც, ქვეყნისა, რომლის გულმხურვალე მომღერალი იყო და არის პოეტი.

ერთი წამით ჩავიხედოთ პოეტის ბიოგრაფიის სათავეში:

„ჩვენი ოდა-სახლი ხელახლა იყო აშენებული უკვე ჩემს დროს, — წერს პოეტი თავის ავტობიოგრაფიულ ესკიზში. — ცეცხლის ალით გააღული ფიცრები მახსოვს, კარგად მახსოვს, — ოჯახში არაერთხელ უამბნიათ, თუ როგორ გადაგვწვა ცხრაას ხუთში ალიხანოვის დამსჯელმა რაზმმა“. პოეტი ახსენებს თავის პაპას. რომლის შვილები რევოლუციურ ბრძოლებს გაუტაცნია. „უფროსი ვაჟი (მამაჩემი) რაჟდენ კალაძე საზოგადო მოღვაწე გახლდათ, მარქსისტ-ლენინელი. თავის დროზე საკმაოდ ცნობილი ჟურნალისტი, ზულ უმცროსი კი — მინა გმირულად შეეწირა მუშათა უბნის დაცვას ცხრაას ხუთში. და მე ვამაყობ ახლა, საქვეყნოდ ცნობილ „ცხრაძმის“ ობელისკს და ქუჩას თბილისში ჩემი ალალი ბიძის სახელიც რომ აწერია.

მამის ხშირმა პატიმრობამ, გადასახლებამ, ჩვენი ოჯახის არალეგალურმა ცხოვრებამ, ბინის ცვლამ ჩემზე უთუოდ თავისებური

გავლენა მოახდინა... მე სიყმაწვილე უმეტესად ნაქერალას ქედის კალთებზე გავატარე, ტყიბულის მაღაროების მახლობლად, ძველი გელათისა და ხრესილის თვალწარმტაც ბუნებაში. ანბანიც აქ ვისწავლე და დედის ჩაგონებით მოკითხვის ბარათებსაც აქედან ვუგზავნიდი შორეულ ჩრდილოეთში გადასახლებულ მამას, შემდეგ კი თანდათან (ვგონებ, ჩემდა შეუძმჩნევლად) ეს ჩემი ბარათები ლექსებმა შეცვალეს და მე სამუდამოდ ვენდე ქართული სიტყვის ძალასა და სილამაზეს⁴.

არის რაღაც საგულისხმო ლექსებად ბარათების ამ გადაზრდაში.

30-იან წლებში პოეტის მამა ცილისმწვამებლობის ატალღებამ იმსხვერპლა. გარეგნულად თითქოს ეს ფაქტი უდევს საფუძვლად „ჩემი დღისა და ღამის წიგნს“. მაგრამ არსებითად პოემა სცილდება ამ ავტობიოგრაფიული მოტივის ჩარჩოებს. იგი თითქოს მთელი თაობის სულის მოძრაობის ემოციური სურათის წარმოსახვას ისწრაფვის.

ჯამსა ხილვისასა, როცა პოეტის სულს იპყრობს გაწყვეტილი წამის გრძნობა (ო, რა მტანჯველია ეს გრძნობა!). მას ეცხადება მამის ზმანება. შეხვედრა და დიალოგი მამასთან თითქოს ერთბაშად ხსნის გულის ყველა კირილობას, ძველსა და ახალს. არა, ერთი წუთითაც არ უთქვამს „არა“, ერთი წუთითაც არ გამიჯენია მამის სულიერ მემკვიდრეობას, მის სამომავლისო რომანტიკას, მაგრამ პოეტი მაინც თავდახრილია მამის აჩრდილის წინაშე: ვერ დაიტირა მშობელი, უფრო მეტიც — ვერ გამოექომაგა მის ალალ სიმართლეს. სულში ჩასახლდა რაღაც გაუგებარი, რაღაც აუხსნელი. „დავიტირო იქნებ ჩემი ბედისწერა“. — სწუხს დღეს პოეტი. რა არის ეს? თაობის შემფოთებული სინდისის ხმა? ცოდვა, თუ ტრაგედია? იქნებ, ერთიც და მეორეც... და განა მხოლოდ ერთეულნი იყვნენ დამძიმებულნი ამ ცოდვითა თუ ტრაგედიით? დროის სულს, დროის სახეს ყველა ძერწავს, ყველა აკეთებს; ისიც კი, ვინც განზე დგას და არაფერს აკეთებს. ბევრიც ეცადო, ვერ გაექცევი პასუხისმგებლობას შენი დროისათვის. გაქცევა სულმდაბლობაცაა. თაობათა ანგარიშგება კი მკაცრი და ულმობელია. შესაძლოა, მამები, საერთოდ, უფრო სულგრძელები იყვნენ შვილთა მიმართ, ვიდრე შვილები მამათ მიმართ. თუმცა, ვინ იცის... დროს გააჩნია!

თაობათა კავშირის მწვავე საკითხებს პოეტის გულიდან დაუძრავს შეშფოთების ხმები. ეს ხმები აღვიძებს ფიქრებს, დარდიან ფიქრებს... დე, იყოს დარდი, იყოს ნალველი! დარდი ხშირად სულის გამსპეტაკებელიცაა.

თაობათა კავშირი საზოგადოებრივი ცხოვრების ყველაზე დიდი სასიცოცხლო ნერვია. შესაძლოა, ყველაზე მგრძობიარეც. ამ ნერვში გადის ადამიანთა ისტორიული არსებობის ყველა სიხარული და ტკივილი. მაგრამ ზოგჯერ, ალბათ, შესაძლებელია დაზიანდეს ან გაწყდეს ეს ცოცხალი ნერვი და დარჩეს მხოლოდ უსიცოცხლო ძაფი ცივი მოგონებებისა, მშრალი ცნობებისა. გაწყვეტილი ან დაზიანებული ნერვი კი ძლიერ მტკივნეულია. შემაზრზენია გარიყვა თუ განმარტოება ეპითასვლაში. ამოდ ჩავლილი სიცოცხლის მტანჯველ გრძნობას, ამქვეყნად, ყველაზე უმალ თაობათა კავშირის დარღვევა ბადებს. თაობათა კავშირის რღვევა სადაც ხალხისა და ერის ცოცხალი ორგანიზმის რღვევაც არის. მძიმეა, მწარეა, როცა შვილებს მშობლებისა არა ესმით რა და მშობლებს — შვილებისა.

პოეტს კი ესმის რევოლუციურ ბრძოლებში ნაწრთობი მამის გულისნადები. პოეტის წარმოდგენაში მამა თავისი ტრაგიკული ბედით გააყვებული და რწმენადაკარგული ადამიანი როდია; იგი შეურყეველი რწმენის კაცია, რომელსაც სჯერა, „რომ სიმართლეს ბელტი ვერ დაჰფარავს მიწის“. ახლა მისი აჩრდილიც კი შვილს სწორედ ახალი ქვეყნის სიყვარულს უწონებს. პოეტისათვის მამის ყველაზე უძვირფასესი მემკვიდრეობა — სიმართლისათვის თავგამეტების სულისკვეთება და იდეალებისადმი უანგარო ერთგულებაა. ამიტომაც მიაჩნია მამა პოეტს თავისი სიმღერის პირველ სიტყვად, ამიტომაც ეალერსება მის აჩრდილს:

რა კარგი ხარ, მამავ, შენსა რომ არ იშლო,
ვკოცნი მე შენს თვალბს, რა მეტყველად
სდუმან!
რომ გაბედოს ვინმემ და მოგვიგოს ნიშნი, —
შეთქმულივით ვიცი, შეაჩვენებ უმალ!

ნიშნის მომგებნი, რასაკვირველია, მოიძებნებოიან... მერე რა? ურწმუნოებს შეუძლიათ ნიშნის მოგება, მაგრამ საეჭვოა, შეუძლიათ თუ არა ადამიანურ სილამაზეთა გამრავლება? მიწიერებას ყოველთვის თან სდევს ბიწიერებად გარდაქმნის საფრთხე. პოეტი ვერ მიიღებს იმით გზას, ვინც აშკარად დასწყევლეს და დაგმეს ყოველგვარი რწმენა. უნდა გიყვარდეს, უნდა გწამდეს რაღაც წმინდა, რაღაც მაღალი, რომ სილამაზით აგვევსოს სული.

პოეტი ეძებს თაობათა კავშირის ცოცხალ ძაფებს. ავერ სარკე ირეკლავს და ერთ ჩარჩოში აქცევს მამას, შვილსა და შვილიშვილს. მაგრამ ეს ხომ ანარეკლია, ეს ხომ-სარკის ეფემერაა! პოეტს კი სწყუთრია ნამდვილი და მტკიცე სულიერი ერთობა. მას უყვარს „ხელჩარ-

თული შებმა“ შეილის ფიქრებთან და მათი გადანასკვა მამის იდეა-
ლებთან. იგი დაუინებით ელტვის საუკუნის განუყოფლობას, თაო-
ბათა გაუთიშველობას:

მზე სამთავეს ერთად გვინათებდეს მინდა!
ისე, როგორც გრგვინვა ცხრაასიან წლების,
სართულ-სართულ ქართულ ქერის ამალღების
სილამაზეც არის სიმამაცე შეილთა.
ყველა, ყველა, ყველა — პატარა თუ დიდი,
პირველი დღის სწრაფვა, მეორე დღის ხიდი,
ყველა წამი იწვის ერთ განუყრელ წამად, —
საუკუნე ჩვენი არ იყოფა სამად!

მაგრამ საუკუნის მთლიანობისა და თაობათა ურღვევი კავშირის
თვით ამ გულმხურვალე მტკიცების სიღრმეში ილანდება რალაც
მწვავე გრძნობა, თითქოს თვით ეს მტკიცებაც ნაკარნახევი იყოს
სწორედ რალაც ბზარითა თუ ნაპრალით. გაწყვეტილი წამის გრძნო-
ბაც ხომ თვით პოეტს ეკუთვნის?

ჩვეულებრივ, კარლო კალაძე ხალისიან ფერებს ეტანება. „ჩემი
დღისა და ლამის წიგნშიც“ თითქოს ასეთივე ფერებია, მაგრამ მათ
შეზავებაში არის დარდიც, შეშფოთებაც და ძლიერი წყურვილიც
გაუბზარავი საუკუნისა, გაუთიშავი თაობებისა.

მრავალჭირნაცად წინაპართა სულის სკოლა დიდი სკოლაა პოე-
ტისათვის. ბრძოლასა და განსაცდელში გამოწრთობილი ზნეობა სულ
სხვა ღირსებისაა. და, მართლაც, ნურავინ დაიკვეხნის უზადობას სინ-
დისისას, თუ იგი ქირ-ვარამში გამოცდილი და გამოწრთობილი არა
აქვს.

საგულისხმოა, რომ ჯერ კიდევ თავის სიჭაბუკეში, როცა ირგვ-
ლივ საკმაოდ მძლავრობდა წინაპართაგან არამცთუ გამიჯვნის, არა-
მედ ყველა მათი სულიერი გამოცდილების უარყოფის სულისკვეთე-
ბა, პოეტი წინაპართა დიდი ღვაწლის ერთგული რჩებოდა. მიწაზე
ფეხის დადგმაც კი წინაპრებს აგონებდა:

ღეღაო მიწავ. ფეხს რომ გაბიჯებ,
ვგრძნობ, წინაპართა ძვლები იბტრევა.

და პოეტი მზად იყო მათგან მიელო არა მარტო დიდი სულიერი
მემკვიდრეობა, არამედ სახელიც კი:

მთაო, გაღმიში, მაშ, როგორც ნისლი,
არაგვის ქალებს ვადაკარგული,
რომ ქვეყნის გულზე მეთი ხალისით
ეხეტიალობდე თერგდალუული.

ამას წერდა პოეტი ლექსში — „ნახტომი გულიდან“ (შემდეგ ამ ლექსისათვის პოეტს „დარიალის კლდეებში გავლა“ დაურქმევია), წერდა მაშინ, როცა დიდი სოციალური ძვრების რომანტიკით გატაცებული ქაბუჯი თაობის დამკვიდრების სულისკვეთებას უსაზღვრო სივრცეებისაკენ ლტოლვით გამოხატავდა, შინაგანი შეუზღუდაობის სურვილი პოეტს რაღაც გრანდიოზული ფორმების მოძრაობისაკენ ეწეოდა, იგი თითქოს ლამობდა ყოველდღიურობის მდორე მდინარებიდან ამოვარდნას და ახალ, უჩვეულო სამყაროში გასვლას, ახალი ადამიანური კავშირების გაბმას. რამდენიმედ განყენებული და „კოსმოსური“ იყო მაშინ პოეტის მხატვრული მსოფლშეგრძნება. ქროლვა, სწრაფვა, უჩვეულობა იტაცებდა მას. ამ მხრივ დამახასიათებელია „დარიალის კლდეებში გავლის“ პოეტური ფაქტურაც: გაქროლებული ლურჯა, სიბილით მოჭრილ მანძილებს რომ ისვრის, ნაბიჯიანი მთები, ხევის ბუნაგიდან ამოსროლილი ყვლგაგულდული მდინარე, კლდეების ღმუილი, დარიალში ველურივით გადმომხტარი მრისხანე თერგი და სხვ. თითქოს რამდენადმე ხელოვნურიც და გულუბრყვილოც იყო მეტაფორული მასალა, რაშიაც პოეტი ახვევდა თავის ახალგაზრდულ სწრაფვას. მაგრამ თვით მისწრაფება, რომ ქროლვით გადაეწვრო თავისთავისათვის, საკუთარ სულში ატეხილი ტკივილებისათვის („გადააშორე ამ ტკივილს, ლურჯავ“), მსგავსად იმისა, როგორც თანამედროვე ზეხმოვანი თეიმფრინავი უსწრებს ხოლმე საკუთარ გუგუნს, უეჭველად საგულისხმო პოეტურ აზრს შეიცავდა. ეს იყო ცხოვრებაში თავისთავის პოვნის, თავისი ადამიანური სამყაროს დამკვიდრების რომანტიკული გზა. გადაუსწარი თავისთავს, რათა იპოვო თავისთავი! განა ზოგჯერ არ გვამართლებს ადამიანებს რაღაც უკან მოვიტოვოთ ჩვენი არსებიდან, რაღაცას გადავუსწროთ თუ გავუქცეთ საკუთარ სულში, რომ ადამიანურად ავმადლდეთ და მოვლენათა დახლართულ მოძრაობაში ვიპოვოთ თავისთავი?

გვკვი არ არის, რომ თავის ზოგიერთ პოეტურ მოტივში, კერძოდ. მქროლავი ლურჯას მოტივში, პოეტი ასე თუ ისე დავალებული იყო ქართული პოეტური კულტურის უკვდავ ქმნილებათაგან, პირველ ყოვლისა ბარათაშვილის „მერანისა“ და გალაკტიონის „ლურჯა ცხენებისაგან“. თუმცა ერთი შეხედვით, უცნაურიც კი იყო ახალი სოციალური სინამდვილის დამკვიდრების სულისკვეთების გამომხატველი რომანტიკული სწრაფვის „მიახლოება“ იმ დიდებულ ექსპრესიასთან, რაც „მერანში“ გაპირობებული იყო სწორად არსებული სინამდვილის უარყოფით, ღრმა ეროვნული, სოციალური და მასთან დაკავშირებული პიროვნული დრამით. ბედის საზღვრის გადა-

ლახვის სულისკვეთებით, ხოლო „ლურჯა ცხენებში“ — თავისი დროის რომელიღაც ტრაგიკული ნერვის უმძაფრესი განცდით: მაგრამ. როგორც ჩანს, გველენები და მიახლოებანი პოეტურ შემოქმედებაში ყოველთვის როდია დამოკიდებული სულისკვეთებათა თანახმიურებაზე. აქ. ალბათ, ზოგჯერ მხატვრული შემოქმედების დამოუკიდებელი შინაგანი კანონებიც მოქმედებენ. რომელთა სრული უარყოფა სრული უაზრობა იქნებოდა. მით უმეტეს, რომ არსებითად სწორედ ამ კანონების მოქმედებასთან არის დაკავშირებული არა მარტო სულ სხვადასხვა სულისკვეთების გამომხატველ პოეტურ ფორმათა დაახლოების შესაძლებლობა, არამედ მხატვრულ ღირებულებათა გამძლეობაც. განწყობილებანი, სულისკვეთებანი, აზრები და იდეები იცვლებიან, მაგრამ ჭეშმარიტი მხატვრული ქმნილებანი საუკუნეებს უძლებენ.

თაობათა განუწყვეტელი კავშირისა და წინაპართა სულიერი მემკვიდრეობის დაცვის მისწრაფებას კარლო კალაძის შემოქმედებაში ნიადაგს უნაგრებდა ეროვნული ფესვების ძლიერი გრძნობაც, რაც იმთავითვე მეტად ორგანული იყო პოეტისათვის. ამ მხრივ იგი მტკიცედ ადგა ილიას, აკაკის და ვაჟას დიდ გზას. პოეტი არ აპყოლია თავის ღრობზე საკმაოდ გავრცელებულ ნიჰილისტურ განწყობილებებს.

პატრიოტული მოტივით პოეტის ადრინდელ ნაწარმოებთა შორის შეიძლება ყველაზე დამახასიათებელ ლექსად მივიჩნიოთ „ძახილი აღმოსავლეთს“. ფორმალური შესრულების თვალსაზრისით, ეს ლექსი შორს არის სრულყოფისაგან, მაგრამ მაშინ — 1926 წელს — ქართულ პოეზიაში ეს იყო ერთ-ერთი ვაჟაკური, გაბედული პოეტური ხმა. პოეტმა გულმხურვალედ გასძახა ისტორიული ბედუქვლმართობით გატანჯულ და გადაკარგულ თვისტომებს — ფერეიდანელ ქართველებს... შეიძლება ითქვას, რომ ეს ტკივილი დღესაც არ არის მოშუშებული, ამდაგვარი ეროვნული მოტივებისათვის დატუქსეს მაშინ პოეტი, ეროვნული შეზღუდულობა უყიფინეს და 1931 წელს გამოცემულ რუსულ „ლიტერატურულ ენციკლოპედიაშიც“ ჩაუწერეს, კარლო კალაძის შემოქმედების განვითარებაში იყო პერიოდი, როდესაც იგი ბურჟუაზიული ტენდენციების გავლენაში მოექცა და თავისი ხარკი გადაუხადა ნაციონალიზმსო.

ჩემი აზრით, არ იყო სამართლიანი ეს საყვედური.

აკი იმავე 1926 წელს თავის „მხედრულში“ პოეტი მგზნებარედ უმღეროდა საბჭოთა ქვეყანაში დამკვიდრებულ ხალხთა მეგობრობას:

თუმცა სხვადასხვა გორის ვართ,
 გეარჩევენ სხვა გვარ-ტომობით,
 ჩვენ გულის ღრმად ერთი გვაქვს...
 ხორციით და სისხლით ტოლები!
 ახლა ხევიდან ხევებში
 მტრობით ხომ არვინ გადარბის!
 ძმადშეფიცული მოვდივართ.
 როგორც ზვირთები არაგვის!

გარდა ამისა, გადაკარგულ თვისტომებთან შეხშიანებაც და თუ
 გნებავთ, ერის აღრინდელი ტყვივლების მოშუშების სხვა მოტივე-
 ბიც არსებითად ხალხთა თავისუფლების, მათი ძმობისა და მეგობ-
 რობის მოტივის გაგრძელება თუ განვრცობა და, მაშასადამე, ეპო-
 ქის სულისკვეთების გამოხატულება იყო. პოეტს სწამდა. პოეტს
 სჯეროდა, რომ რევოლუციურ ეპოქას უნდა ემყურნალა ქვეყნისა
 და ხალხის ყველა კრილობისათვის... და ის, რაც სტკივა სამშობ-
 ლოს, რაც სტკივა ხალხს, არ შეიძლება არ სტკიოდეს პოეტსაც...
 ადამიანი სულიერად შეიძლება აღდგეს და გამთლიანდეს მხოლოდ
 თავის ხალხთან, თავის სამშობლოსთან ერთად. ამ მოტივს — მო-
 ტივს ადამიანის სულიერ-ზნეობრივი არსების ორგანული კავშირისა
 თავისი ქვეყნის, თავისი ხალხის ბედსა თუ უბედობასთან — პოეტა
 არაერთხელ უბრუნდება პოეტურ სიმწიფეშიაც.

ცას ხელით ხალხთან ერთად ვწვდებოდი,
 ბორკილთ ნაღწი ფეხქვეშ გვეყარა, —
 მეც ვინგრეოდი. მეც ვშენდებოდი
 ისე. ვით ჩემი ცა და ქვეყანა.

პოეტს მუდამ ფლობს სამშობლოს მთელ ისტორიულ ბედთან
 განუყრელობის გრძნობა. ეს გრძნობა კი არაერთხელ ჰუმანიზმის
 დიდი გრძნობის ნაწილია. სამშობლო სხვა არა არის რა. თუ არა
 ადამიანის უპირველეს და უახლოეს კავშირთა ცოცხალი ხეუთლი:
 დედა, მამა, ძმები, დები — ადამიანები, ხალხი, რომლებთანაც გაი-
 ბმის ხოლმე ჩვენი პირველი ადამიანური კავშირები, გზები. ბილი-
 კები, მთები, ველები, მდინარეები, სოფლები, ქალაქები, პირველნი
 რომ შეგვიღებენ ხოლმე სამყაროს კარებს, ენა, რომლითაც პირვე-
 ლად ავმეტყველდით, წინაპართა დიდი სულიერი საგანძურები, ხალ-
 ხის დიდი მატრიანე, ზღაპრები, ლეგენდები, სიმღერები, ჰანგები,
 პირველნი რომ გვაზიარებენ სულის დიად ნაყოფთ... რასაკვირვე-
 ლია, ამის იქითაც ჩვენ განუწყვეტლივ ვაბამთ ახალ კავშირებს, მაგ-
 რამ ისინი არსებითად აგრძელებენ პირველ კავშირთა ხეუთლს. დი-
 დი ანგარიშით ქვეყნიერება აგრძელებს და აღრმავებს სამშობლოს
 ისე, როგორც კაცობრიული — პიროვნულს.

ვინ მოთვლის, რამდენი ვინმე და რამდენი რამე წამოიწყებს ხოლმე ადამიანის სულში სამშობლოს მშვენიერ სიმღერას, რამდენი რამის ხატება გაჰყვება გულს დღეთა დასასრულამდე... და, ვინ იცის, სად, როგორ და რამდენნაირ ფიქრს გადაექსოვება თვითოეული მათგანი... აი, ვთქვათ, ხატება ძელქვების იმ კორომისა, პოეტის სამშობლო სოფლის ბორცვს რომ ამშვენებდა პოეტის ბავშვობაში. საერთოდ, ქართველ კაცს უყვარს მცენარეები, იგი გულგრილად ვერ ჩაუვლის ვერც ვაზსა და ვერც კაკლის ხეს, ვერც ქაღარსა და ვერც ვერხვს, ვერც ვაშლისა და ვერც ატმის ხეს, ვერც წიფელსა და ვერც მურყანს, ვერც ძელქვას... ბევრჯერ წმინდა ხედაც კი შეუ-რაცხავთ ზოგიერთი მათგანი.

ძელქვა, ვგონებ, საქართველოს, კერძოდ, კოლხეთის ბუნების ერთ-ერთი იშვიათი ხელწერაა, დაახლოებით ისეთივე ხელწერა, როგორც არყის ხე რუსეთის ბუნებისა.

რასაკვირველია, ძელქვაც, ისე როგორც ბუნების ყოველი უსულდგმულო საგანი, უმეტყველო, უგონო და გულცივია, სანამ მას კაცის ხელი, თვალი და აზრი არ მოჰკიდებია. კაცის თვალითა და აზრით კი იწყება მისი ცხოვრების გრძელი და წარმტაცი ზღაპარი, იბადება პოეზია. ბევრი რამ არის ამ ზღაპარში: მშობელი მიწის ტკივილიცა და სიამეც, მხურვალეობაც და სიგრილეც...

იმ „ძველ ძელქვებს“ პოეტმა დაგვიანებით, თითქმის ხანდაზმულობაში, უმღერა, უმღერა მაშინ, როდესაც დიდი ხნის შემდეგ კვლავ ეწვია სამშობლო სოფელს და ნახა, ძელქვები ისევ იდგნენ „ჭგუფად, ვით ძველი დიდებულები“; მხოლოდ ერთი მათგანი გადასდგომოდა იმ გზას, სოფელს რომ გაჰყავდა. აქ კი პირველი ხილვის სიანკარე სხვა ფიქრს, სხვა ამბავს გადაეხლართა, უჩრჩი ძელქვის ტრაგედიაში სხვა სიღრმეები გაიხსნა. სოფელმა დასცა ნიადაგში ღრმად ფესვგადგმული ხე. პოეტი ხედავს სოფლის დიდ ძალას, მის უღმობელ სიმართლეს, მაგრამ აძრწუნებს დიდებული და მშვენიერი ძელქვის სიკვდილიც:

შეძრწუნებული დავრჩი სიკვდილით,
ხე ჩემს კიშკართან ეგდო გულაღმა.

ბედი უღრეკთა? ისინი ხომ თავისას არ იშლიან, თავისას არ თმობენ, თავს აკლავენ იმას, რაც სწამთ, რაც სჯერათ, რაც უყვართ; მათ არ შეუძლიათ შელირწება, შეგუება და ამიტომ იღუპებიან აღმატებულ ძალასთან კიდილში. მათ ეჭავრებათ ლირწნი და შემგუებულნი. ფეხქვეშ რომ ეგებიან და ტალახივით ეღებიან აღზევე-

ბულთ... დაცემული ძეღქვის ერთი კუნძი კი ბუზარში განაგრძობს თავის აალებულ ზღაპარს. ძეღქვა იწვის, მაგრამ პოეზია არ კვდება:

ალარ დგას როგორც ხე ახოვანი,
კუნძია ახლა, მაგრამ ფარული
გულში აქვს სითბო ათასწლოვანი,
ენი, სიცოცხლე და სიხარული.

ო, ეცემიან, იწვიან, იღაგებიან, მაგრამ სითბოს, სიცოცხლეს, სილამაზეს მაინც სულით მალაღნი ამრავლებენ.

კ. კალაძის შემოქმედება გააზრებული იდეური მიმართებისაა. პოეტის ყველაზე დიდი და ყველაზე ორგანული რომანტიკა გადახდილ რევოლუციურ ბრძოლათა რომანტიკაა. თავისი სულიერი ბიოგრაფიის სათავეს პოეტი ასე გამოხატავს:

ვიცი. და გულში მაქვს ჩარჩენილი,
ცხრა ძმამ თუ სისხლი როგორ დაღვარა. —
ღეღაენასთან ერთად ლენინი
ჩემმა მშობელმა მეც შემაყვარა.

თავისი შთაგონების უმაღლეს საგანს კი ასე განსაზღვრავს პოეტი:

სულ ერთია, კლდეა თვალწინ,
თუ ზურმუხტი მდელოსი, —
სულ ერთია, ოღონდ იყოს
კალთა საქართველოსი.

ამრიგად, პოეტის მსოფლშეგრძნებას იმთავითვე ახასიათებს გარკვეული შინაგანი დისციპლინა. ო, ეგ სიტყვა — დისციპლინა, — შესაძლოა, ერთობ ცივი და ერთობ არაპოეტური იყოს. იგი ხომ შებორკვას და მორჩილებას მოასწავებს. მაგრამ ამ შემთხვევაში საქმე ეხება გარკვეული მსოფლმხედველობით, გარკვეული სოციალური და ზნეობრივ-ესთეტიკური იდეალებით მოწესრიგებულ სულიერ სამყაროს, საქმე ეხება ადამიანის მრწამსს. ჩემი მრწამსი კი ჩემი შინაგანი დისციპლინაა. და თუ მე განვიციდი, ვაზროვნებ და ემოქმედებ ჩემი მსოფლმხედველობის შესაბამისად, მაშინ მე შინაგანად თავისუფალი ვარ, მე წესრიგი შემაქვს ჩემი ინსტინქტებისა და ემოციების მოძრაობაში, მე თვალს ვუსწორებ და ვშველი ჰემმარიტებს, თუნდაც იგი ანგრევდეს და ლეწავდეს მთელს ჩემს გაუცნობიერებელ ვნებებს... ეგ ასე არის... თუმცა. ვინ იცის. შესაძლოა. ერთობ დაოკებულ და დათვინიერებულ გრძნობებში იმალებოდეს პოეტისა თუ პოეზიის სუსტი მხარეც, რადგან პოეზია იქნებ სწორედ მაშინ აღწევდეს მწვერვალებს, როდესაც შეუზღუდავი და

შეუბორკავი გრძნობებითა და ვნებებით იკვებება. მაგრამ ყოველი ეპოქა, მით უმეტეს, დიდი გარდაქმნებით დამუხტული ეპოქა თავის „კანონებს“ უწესებს გრძნობებსაც, აზრებსაც და, მაშასადამე, პოეზიასაც. დიდ ისტორიულ გადასვლებზე — მწვავე სულიერ-ზნეობრივი გამოცდების ეპოს — ზოგჯერ განა აუცილებელი არ არის გულის მხურვალე სიმღერის დაყუჩება გონების მკაცრი დასკვნების წინაშე?

კარლო კალაძე ყოველთვის კვალში უდგას დროს.

30-იან წლებში შექმნილი ლექსები, რომლებიც შეიძლება დალაგებულ იქნან ციკლების. — „მთების ეპოსის“, „ხერთვისის განთიადების“ და ცნობილი ლირიკული ლექსის „ფიქრის გორას გაზაფხულის“ ირგვლივ. შეადგენენ პოეტის შემოქმედების მნიშვნელოვან ეტაპს. ამ ლექსებში მთავარია შემოქმედებითი შრომისა და ადამიანთა სულიერი გაღებვის მოტივები, დაკავშირებული შენების, აღორძინების და ბუნების ძალთა დამორჩილების პროცესებთან. პოეტი აღიღებს სიცოცხლის ძალებს, აღიღებს გმირულ საწყისებს ცხოვრებასა და ადამიანებში.

შესაძლოა, ყოველთვის ვერც კი მოჰქონდა წარმატება პოეტის ჭიდილს ქართული სიტყვის სტიქიასთან, მაგრამ იგი დიდხანს რჩებოდა ახალ ფორმათა დაუცხრომელ მაძიებლად, პოეტ-ექსპერიმენტატორად. ერთი რამ კი, სახელდობრ, ომახიან-ხალისიანი კილო ანუ ეგრეთ წოდებული მაჟორი ბოლომდე დარჩა მისი ლექსის ორგანულ თვისებად. მართალია, „ფიქრის გორას გაზაფხულის“ ნათელი საგზაფხულო ტონები სამამულო ომის წლებში „საარტილერიო დუელის“ მკაცრი საბრძოლო-პატრიოტული ჰეროიკის დრამატულმა ტონებმა შესცვალეს, მაგრამ პოეტის ლექსში სისხლიანი დღეების სუნთქვამაც ვერ ჩააქრო სიცოცხლის ძალების ძალუმი ჟღერა. დამახასიათებელია, რომ პოეტის მიერ აღქმულ ომის სინამდვილის თვით ყველაზე პირქუშ და ტრაგიკულ ვითარებაშიაც კი — მწვავე სიუჟეტებსა და სურათებში — თითქმის ყოველთვის მონაწილეობს სიყვარული, ქალი, სიმღერა... პოეტს სწამს, რომ კეთილისა და ბოროტის დაუნდობელ ბრძოლაში სიყვარული კეთილის უღვევი ღონე და უქანგავი აბჯარია. ამიტომაც სიკვდილთან გაკამათებულ მეომრებს ყველაზე დიდი შინაგანი გასხივოსნებისა და შემართების ძალას აძლევს სწორედ მოგონება საყვარელი არსებისა, მოგონება ამურის პირველი ნაისრალისა. მათ ფიქრებს იმედის შუქივით ერთვის „ის ერთი წუთი დაუვიწყარი“. ბარათიც კი, ბარათიც რაა სასურველისა — „თითქოს იმედად მეტად მცირეა“, მაგრამ თუ აი ამ ქართველ ჭარისკაცს ჰკითხავთ, თერგის ნაპირებთან მძიმე ბრძოლე-

ბი რომ გადაუხდოდა. გეტყვით, რომ ეს ბარათი „ბრძოლების მონაწილეა“. აზრის შესაყრავად პოეტის მიმართავს პოეტურ სენტენციას:

როგორ დაცხრება გულისქმა ბრძოლით.
კაცს ჰხრები როგორ მოელუნება. —
თავის სატრფო და გულისტოლი
ყოველთვის გვერდით თუ ეგულება.

აღსანიშნავია. რომ ცხოვრების მწვავე და რთული საკითხების წამოჭრის კვალობაზე პოეტის შემოქმედებაში თანდათან ძლიერდება სენტენციურ-შეგონებითი ნაკადი. პოეტის გულიცა და თვალიც თითქოს უფრო ვამოძველები და ანალიტიკური ხდება. შემთხვევითი არ არის, რომ პოეტის ერთ-ერთი „საპროგრამო“ ლექსი — „სიყვარული“, შექმნილი 50-იან წლებში, არსებითად შეგონებითი ხასიათისაა. შესაძლოა. ე. ლექსი პოეტმა მომავალ „რჩეულებში“ არც კი შეიტანოს. მაგრამ იგი მაინც საგულისხმოა თავისი ერთგვარი საეტაპო მნიშვნელობით პოეტის შემოქმედებაში. მოულოდნელი და განსაკუთრებული ლექსში არაფერია, მაგრამ მას აქვს ნათელი შინაგანი სარკე, რომელშიაც ბევრი რამ ირეკლება. ლექსი და პოეზია. საერთოდ, არ. საპირობებს არც მოყოლას, არც აღწერას. იგი უნდა წაიკითხოთ და განიცადოთ დაახლოებით ისე, როგორც ჰუსიკას ან მხატვრობას განიცდით. აქ კი მაინც უნდა გაეყვეთ ლექსის ძარღვს. პოეტი გეკამათებათ თუ გესაუბრებათ თქვენ სიყვარულს გამო. გესაუბრებათ, რომ ფიქრებში შეგიყოლიოთ და თავის სანუეკარ აზრამდე მიგიყვანოთ. ალბათ, შენც გიყვარს და გხიბლავს ცინცხალი ცისკარი, გულს გიხილავს, განადვლიანებს პირქუში ცა. გხიბლავს სიბნელიდან ამოცურებელი მშვენიერი სანახები სამშობლოსი. გახარებს ფერებად აფეთქებული გაზაფხული და, ვინ იცის, იქნებ შენც

კიდო კიდემდე მოიარე მიწა ქართველთა
და სიყვარულში ახლაც ისე შემოგათენდა,
რომ მზემ ნათელი ხელებგაწვდილს
შემოგაფრქვია...
და ან სიყვარულს — სიყვარული მაინც არ ჰქვია!

გიტაცებს, ალბათ, წინაპართა ნაამაგარის — ძველი ტაძრების, ციხე-კოშკების, ძეგლების, ნანგრევების, ხელოვნების ნიმუშების — ერის ისტორიული ცხოვრების ამ დიდი წიგნის კითხვა, სულში მუდამ უღერს „ვეფხისტყაოსანი“, გალეკვებს მცხეთაც, არმაზიც... გეგუთის „დაქცეული ციხე-დარბაზებიც“ და, ვინ იცის, იქნებ. შენც დადიხარ და

ქვთა გულშეკრულზე ნაჩუქრომევე გრებილს
დაეძებ

და სასობით შეგიძლია მუხლზე დაეცე...

ჩუქურთმაც თითქოს აწყვეტილი გულის

ძარღვია...

და ამ სიყვარულს — სიყვარული მაინც არ ჰქვია!

შეგიძლია თავი დასდო სამშობლოსათვის, თავი დასდო თბილისისათვის

მტრმა საზღვრების მყუდროება თუ დაარღვია...

და ამ სიყვარულს — სიყვარული მაინც არ ჰქვია!

რაგინდ გიყვარდეს, რაგინდ გზიბლავდეს სამშობლო ქვეყნის ბუნება.მთები და ჩუქურთმები... ძველი ქართული... ჩვენი ახალი ქალაქები ცად ამართული, უსულს უსიცოცხლო გრძნობაა. თუ ამ ქვეყნისა და ამ ბუნების ადამიანი არ გიყვარს... არარა არის აღფრთოვანება ბუნებისა და საგნების სილამაზით. აუ შენ იმავე დროს შეგიძლია გულგრილად ჩაუარო ადამიანებს, მათ ტანჯვასა თუ სიხარულს, გულგრილად ჩაუარო ბიჭუნას, „დედაუნას“ რომ ჩასხივებია.

მაშინ ჩვენს იმედს და სიცოცხლეს

გზა დაკარგვია —

და ამ სიყვარულს — სიყვარული მართლაც.

არ ჰქვია!

აქ არის კარგი პოეტური გუმანი: დიდი სიყვარულის გზა ნივთების ტყვეობისაგან თავდახსნის გზაა. რა თვალწარმატაციც უნდა იყოს ბუნება, რა დიდებული და ბრძნულიც უნდა იყოს საგნებისა თუ ნივთების წყობა, ისინი მაინც ადამიანურ ღირებულებათა და თვისებათა გარეშეა. სიყვარული კი (და, თუ გნებავთ, სიძულვილიც) შეიძლება იყოს მხოლოდ ადამიანის ადამიანთან დამოკიდებულება და არა ნივთებთან დამოკიდებულება. არსებითად სიყვარულიც და სიძულვილიც შეიძლება მხოლოდ იმისა, რაც ადამიანს ახასიათებს ანუ რაც ადამიანურია. ადამიანი კი ერთხელ ცოცხლობს და ცოცხლობს როგორც პიროვნება, როგორც ერთადერთი და განუმეორებელი. ზოგადი ნიშნებით, რასაკვირველია, ადამიანები მეორდებათ. მაგრამ პიროვნებანი — არასოდეს. ადამიანს, როგორც პიროვნებას, ვერც ვერავინ შეცვლის, ვერც ვერავინ გაიმეორებს, ვერავინ იცოცხლებს მისი სიცოცხლით, ვერავინ იტყვის მის ხათქმელს: მისი სულის, მისი არსების ანაბეჭდი მთელ სამყაროში ერთადერთი და განუმეორებელია. ეს ერთადერთობა და განუმეორებ-

ლობა მისი ბედისა და უბედობის სათავსოც. მხოლოდ აქ შეიძლება იყოთ მისი მტერიცა და მოყვარეც, მისი თანაზიარიც. მართლაც, თუ სიყვარული ამქვეყნად შესაძლებელია, შესაძლებელია სიყვარული მხოლოდ იმისა, ვინც თქვენს გვერდით არის და თქვენს დროში ცხოვრობს, ვისთანაც ზიარი გაქვთ დღე და ღამე, ცა და მიწა, ჭირი და ლხინი, სიკეთე და ბოროტება. სიყვარული, პოეტის აზრით, ბედთა ზიარობაა:

აი ჩვენც ბრძოლამ და იმედმა დაგვაძმოძილა,
ვგრძნობთ: სიყვარული მხოლოდ ჩვენი ძმობა
ყოფილა!

სიყვარული ადამიანისა განყენებულად, ზოგადად, მხოლოდ მი-
რაჟია და არც არავის არაფერს ავალებს. ბევრს რასმეს კი მხო-
ლოდ კონკრეტული ადამიანების სიყვარული გვავალებს. სწორედ
ეს სიყვარული იწვევს მთელი ჩვენი ძალების ამოქმედებას. მომავ-
ლის დიდი საქმე მხოლოდ იმათ უკეთებიათ, ვისაც თავისი დროის
ადამიანებო ჰყვარებიათ, მათი ჭირ-ვარაშით უცხოვრიათ და მათი
ბედნიერებისათვის უღეწიათ. მომავალს მხოლოდ დღევანდელ
ცოცხალი ადამიანები ქმნიან და არის უდიდესი ადამიანური სიკე-
თე სწორედ იმაში, რომ ამ ცოცხალი ადამიანების საკეთილდღეოდ
გააკეთოთ ის, რაც შეგიძლიათ გააკეთოთ. ეს იქნება ნამდვილი ბრძო-
ლა მომავლისათვისაც და იმის ბედნიერების გრძნობაც, რომ რაღა-
ცით. — თუნდაც სულ მცირეოდენი რაშეთი, — გაახარე ადამიანი და
თუნდაც ერთი ბეწოთი მაინც იმაზე უკეთესი დატოვე წუთისოფე-
ლი, ვიდრე დაგზდა იგი.

აქეთკენ არის მიმართული პოეტური შეგონებაც:

რასაც გვიჩვენებს თვითელი წამის ისარი,
საკეთილდღეოდ
მხოლოდ ცოცხალ გულისთვის არ...

ამ გზით, ამ რწმენით, „კერის ცეცხლით გაღვივდება დღე წი-
ნანდელიც“ და „მომავლის შუქიც შიგ თვალებში შემოგვეფრქვევა“.

ვფიქრობ, კარგია, როცა პოეტი ფიქრებში შეგიყოლიებს და
ცოცხალ სიტყვას აგადევნებს. ვინ იცის, სად და როდის მოგვიხდე-
ბა გავიხსენოთ: „და ამ სიყვარულს — სიყვარული მაინც არ ჰქვია“.

კარგია ისიც, როცა ქმნილებაში, როგორც სარკეში, ჩანს თვი-
თონ შემოქმედიც. აი, მე ვხედავ მას, მესმის მისი ხმა, რამდენიმედ
გაძნელებული თუ დაძაბული, თითქოს ცდილობსო, სიტყვას რაც

შეიძლება, გულის მეტი მღელვარება ამოაყოლოს: მერე რა? თუ „ჩუქურთმაც თითქოს აწყვეტილი გულის ძარღვია“, განა სიტყვას ნაკლებად მართებს იყოს გულის ნაგლეჯი?

პოეტი უმღერის სიყვარულს, როგორც ძმობასა და მეგობრობას, სიყვარულს, რომელიც ანთებს, მაგრამ არ აღნობს, აკავშირებს, აახლოვებს, მაგრამ არ სპობს, არ ნთქავს.

დიდი სულიერი სისავსისა და პარპონიის სათავეს პოეტი ხედავს ადამიანთა ისეთ ძმობასა და მეგობრობაში, რომელიც გამორიცხავს პიროვნულისა და განსხვავებულის ყოველგვარ შებღალვასა და წარხოცვას.

ხალხთა ძმობა და მეგობრობა კარლო კალაძის მთელი შემოქმედების ერთ-ერთი მთავარი თემაა. მაგრამ პოეტი არა მარტო პოეზიაში, ცხოვრებაშიაც მეგობრობის გულხმიერი რაინდია. მეგობრობის გეოგრაფია მის ცხოვრებაში არანაკლებ ვრცელია, ვიდრე მის შემოქმედებაში. მას აუარებელი გულითადი მეგობარი ჰყავს — რუსი, უკრაინელი, სომეხი, აზერბაიჯანელი, აფხაზი, დაღესტნელი, ოსი და ბევრი სხვა ერის შვილი. მათმა ამბავმა შეიძლება პოეტის ბიოგრაფიის ძალიან დიდი ტომი შეადგინოს. ვიტყვიტ მხოლოდ: მეგობრობით ნაწრთობი თუ ნაქსოვი სული ადამიანისა და პოეტისა უეკველად უხვი და ლაღია.

თუმცა მეგობრობაცაა და მეგობრობაც. ზოგჯერ ანგარებაც და გაბატონების ჟინიც იკეთებს ზოლმე მეგობრობის ნიღაბს. მაგონდება, ასეთ ცრუ მეგობრობაზე პოეტმა ერთხელ თქვა: — ღმერთმა გვაშოროს მეგობარი, რომელიც გეალერსება, გულში გიკრავს, რომ მერე უეცრად წელში შეგივიარდეს და მიწაზე დაგცესო. დიახაც! რად უნდა დავივიწყოთ უკვდავი სიბრძნე:

მოყვარე-მტერი ყოვლისა მტრისაგან უფრო მტერია.

კარლო კალაძის მთელ შემოქმედებაში, თითქმის ყოველ მის ლექსში, იგრძნობა რაღაც გასაოცარი შეპყრობილობა ყოფიერების სიხარულით. განსაკუთრებით მას შემდეგ, რაც სიცოცხლის შეღწეულმა და შეხუთულმა ძალებმა ომის ბორკილები აიყარა და ქვეყნიერებამ ბოროტის ძლევა იზეიმა, პოეტი თითქოს ახალი ძალით შეიჭრა თავის ბუნებრივ სტიქიაში. ფურცლავთ მის ლექსებს და თითქოს ვიღაც განუწყვეტლივ ჩაგძახით: — არის ცა, მიწა, მზე, ჰაერი, არის საქართველო, თბილისი, მტკვარი, რიონი, ენგური, ალაზანი, არის შოთა, ვაჟა, ილია, აკაკი, არიან მეგობრები, არის ქართული სიტყვა, არის ქალი, არის ვენახი და ხარ შენ, მამასადამე, არის

უშრეტი წყარო სიხარულისა, და შენ ძალგიძს მოიპოვო სიხარული, მოიპოვო იმისათვის, რომ მთელ ქვეყანას გადასდო.

თავად პოეზიაც პოეტს მიაჩნია სიხარულად, სიხარულად ხილვისა, მიკვლევისა, აღმოჩენისა. პოეზიისა და სიხარულის ეს შეწყვილება სრულიად ბუნებრივია იმ პოეტისათვის, ვინც ქვეყნად ფუტკარივით დაედებს სიყვარულისა და სიხარულის ნექტარს და ვინც ფიქრობს „სიცოცხლე ჩემი, კაცმა რომ მკითხოს, ამ სიხარულის ერთი პწკარია“.

მაგრამ ყოფიერების ეს სიხარული, რასაც ასე განუყოფლად ეძლევა პოეტი, ცხოვრების ტრაგიკულ მხარეთა დაუნახავობისა და მათთვის გვერდის ავლის ნაყოფი როდია. ეს ხომ უსაგნო, უაზრო სიხარული და, მაშასადამე, სულის სიბრძავე იქნებოდა. არა, პოეტმა იცის, კარგად იცის, რომ ცხოვრებაში ბევრია ტკივილიცა და მწუხარებაც. მაგრამ მიიღებთ თუ არ მიიღებთ პოეტის შეხედულებას, — ეგ სხვა საქმეა, მას მაინც ასე სწამს: სიმღერამ, ხელოვნებამ, პოეზიამ, კი არ უნდა გააღრმავოს და გააძლიეროს ჰევედა, მწუხარება ტკივილი, არამედ. პირიქით, უნდა შეამსუბუქოს, უნდა ჩააქროს იგი, ამიტომაც ნატრობს პოეტი: „ნეტავი თვალის გახელით ბნელი კვლავ დამაფრთხობინა“.

დე, ჰგავდეს პოეზია ბნელის დამფრთხობ თვალის გახელასაც.

კარლო კალაძის ჟანრობრივი დიაპაზონი საკმაოდ ფართოა. იგი წერს პოემებსაც და პიესებსაც. მაგრამ, ჩემი აზრით, მისი ნიჭისათვის ყველაზე ორგანული მაინც ლირიკაა, განსაკუთრებით, ჟანრულ-პეიზაჟური ლირიკა, ლირიკული ნატურმორტები თუ პორტრეტები. პოეტის შემოქმედებაში ყველაზე უმაღლესწორედ ასეთი ხასიათის ლექსები იქცევის ყურადღებას თავისი გამოკვეთილი პოეტური აზრით, დამთავრებული პოეტური ფორმით. ამ ლექსებში სიტყვაც საგნის გარეგნული აღწერის საშუალებიდან გადაქცეულია საგნის დამორჩილების საშუალებად, საგნის შინაგანი პოეტური აზრის, მისი რიტმისა და სახიერების, მისი წარმოსახვითი კავშირების გადმოცემის საშუალებად. ერთ ფრიად საგულისხმო ლექსს „ძველ ძელქვებს“ ამ მხრივ უკვე ზემოთ შევხეთ. დინჯი და დრამატიული „ძველი ძელქვებისაგან“ განსხვავებით, მაგალითად, „მუხა-ბერდია“ მოკისკასე ლექსია, მაგრამ ამ ლექსშიაც დგას სამშობლო ქვეყნის საამო სურნელება.

ახალ ყანებში ჩამდგარო.
მუხავ, მითხარი ვინა ხარ?
მეფე ერეკლეს კაცივით
აგრე ვინ შემოგინახა!

ამ ჩვენს ხეხსა და მდინარეს
 დაჰყურებ მაღალ-მაღალი,
 ბადის გასროლა თუ მოგწონს,
 ტალღების აყალმაყალი!
 მუხავე, შენ ჩრდილქვეშ დაუჭდები,
 დაუუცდი ფიროსმანიშვილს,
 ხელდალოცვილი კაცია —
 სუფრას მინდორზე გამოშლის!

აქ პეიზაჟის გრძნობა თავისი მოულოდნელი და თითქოს უცნაური ასოციაციებით გადადის სიცოცხლის, ბუნებისა და სამშობლოს შთაგონებულ განცდაში. თუ თქვენ გინახავთ სადმე ყანაში, მხტოვანი კაცივით, შემორჩენილი მუხა, პური გაგიტეხიათ ან თვალი მოგიტყუებიათ მის ჩრდილში, მოგისმენიათ მშობლიური მდინარის ტალღათა აყალმაყალი, დაგინახავთ ბადის გაშლა და ოქვების ფართხალი, — ადვილად შეუზიარდებით პოეტის გულისნადებსაც და ხელდალოცვილი კაცის მოლოდინსაც.

მოვისმინოთ „იგავი ბუხარის წინ“ — ეს ერთიანი ლირიკული მეტაფორაა, ლექსად თქმული ქართული ნატურმორტი. იგავ რომ საღებავებით შეესრულებინა რომელიმე კარგ მხატვარს, ალბათ, სამხატვრო გალერეასაც დაამშვენებდა (ეს ლექსი 1945 წელს არას დაწერილი; შემდეგ პოეტს მისთვის რატომღაც „გუდა-სტვირი და ღვინის გუდა“ დაურქმევია და, ჩემი აზრით, სათაურში ჩაუქვრია ერთგვარი რომანტიკული შუქი). ეს ლექსი კარგად გამოხატავს სწორედ პოეტის ერთ-ერთ მთავარ თემას — პოეზიისა და სიცოცხლის ძალთა კავშირს, ქართული სიმღერისა და ქართული კერის შეწყვილებას. ლექსსა და სიმღერას კაცივით თავის სამშობლო აქვს. უსამშობლოდ ლექსი თუ სიმღერა უსაშველო უსახობა იქნებოდა. ბევრიც ეღაპრით, ასე სწამს პოეტს. თითქოს თვალწინ გვეშლება მითიური ელფებით მოსილი სურათი: მოგიზგიზე ქართული ბუხარი და ბნელი კუნძულიდან გამომხტარი ორი ქინკა: გუდა-სტვირი და ღვინის გუდა, მუხლებზე რომ შემოსხდომიათ და ილღიაში რომ შეკუჭვია მელექსეს. ერთი რომ ჯამს უვსებს ღვინით, მეორეს სიხარულით ევსება გული, „რომ სტვირს უკვდავი სული შთაბეროს“.

სტვირის ქარასხა პირმოვერცხლილი,
 როცა ნატყვიარ მარჯვენას მიქებს,
 ის ტიკიც ღიბზე დაკრული ღილით
 დახედავს ჯამს და... ტკბილად ტკტიკებს.

ლექსი ქართული ფესვიდან იხსნება. ბახუსის კულტი ქართველხალხში არასდროს არ ყოფილა ფართოდ გავრცელებული. ღვინო

ქართველ კაცს უმაღლესი ჯან-ღონის შემატების, მხიარული განწყობი-
ლებისა და სასიცოცხლო ძალების აღმგზნებ საშუალებად მიაჩნდა,
ვიდრე უგონო ღრეობისა და ლოთობის საგნად, ორი გულის იგავიც
აქედან ამოაქვს პოეტს. კაცის შრომით მოპოვებული ბუნების მად-
ლი — მზის მცხუნვარებისა და მიწის წვენი შენაზავი, აღვიძებს,
აბობოქრებს სიცოცხლის ძალებს, ხოლო სიცოცხლის აგზნებული
ძალები ბადებს სიმღერას, პოეზიას.

პოეტი დაჟინებით ელტვის იმას, რაც გულსაც და თვალსაც ახა-
რებს. სწორედ ქართული სოფლის ცხოვრებიდან ამოხატული, გუ-
ლისა და თვალის გამხარებელი სურათით იქცევეს ყურადღებას ლექსი
„მედოქეებს“. ეს ლექსი, დაწერილი 1947 წელს, პოეტის უკეთეს
ქმნილებათა რიცხვს ეკუთვნის. იგი არ გამოირჩევა რაიმე განსაკუთ-
რებულ პოეტური სამკაულებით, რითმით, რიტმით და ჟღერადო-
ბით. „აყალო მიწით მძერწავების“ მსგავსად პოეტი სრულიად უბრა-
ლო საშუალებებით ხატავს მთელ სურათსაც და დეტალებსაც. შთამ-
ბეჭდვად გადმოგვცემს სოფლელი პატარძლის სილამაზით ელდა-
ნაცენი ახალგაზრდა მედოქის მღელვარებას. მცირე დეტალით თვალ-
წინ გვიდგება სურასავით ტანაწყობილი ლამაზი ქალი. აი, დამახა-
სიათებელი ლაკონიზმიც: ლამაზი პატარძლის მეუღლე რომ ომგა-
დახდილი ვაჟაკია, ამას ვხვდებით ღობეზე გადაკიდებული ჭარის-
კაცური ფარაჯით და ღიმილით სავსე რეპლიკით, თუ შინ ასეთი სა-
ბედო ელოდა, დიხაბაც სასახლოდ უნდა მოეწყო ქვეყნებო...
ვგრძნობთ „გამომწვარ თიხის ფერის“ მედოქეებს — „წარმართთა
მეტოქეებს“, ამ უშუალო მხატვრებს, რომლებიც სრულიად უბრა-
ლო მასალით — აყალო მიწით, და ხელოვნების უშუალო გრძნო-
ბით ძერწავენ ამ ლამაზ სურებს, ხალმებს, დოქებს, კინკილებს, ჭუ-
რებს, ახლა პირღია „ღვევბივით გაბაწრულები“ რომ გაწოლილან
გოგორა ურმებზე. ერთი სიტყვით, პოეტი გვიწყობს სასიამოვნო
შეხვედრას ქართული სოფლის ადამიანებთან და ქართული ხალხუ-
რი ხელოვნების ნიმუშებთან. ამ შეხვედრაში არის კარგი და ნათე-
ლი პოეზია.

საერთოდ, პოეტის ბევრი ლექსი აღბეჭდავს ამგვარ სასიხარუ-
ლო შეხვედრას ჩვენი ქვეყნის ადამიანებთან და ბუნებასთან, სოფ-
ლებთან და ქალაქებთან, თბილისთან და აფხაზეთთან, მეგობრებ-
თან და წინაპრებთან, ზღვასთან და მდინარეებთან. ყველა ლექსი
ერთნაირი ძალისა როდია. მაგრამ მათ შორის არ შეიძლება არ აღი-
ნიშნოს „ღედა“ და „მასწავლებელი ქალი სოფლად“.

„ღედა“, ეს სადა, ნათელი და ძალდაუტანებელი ლექსი, მართ-
ლაც, გულითადი შეხვედრაა ომის ჰერგადახდილ ქართულ კერასთან

და მის მარად მღელვარე გულთან, მის ხელთუქმნელ სიბრძნესთან —
ქალარა დედასთან

საგულისხმოა, რომ პოეტის შემოქმედებითი განვითარება მიი-
მართება არა პოეტურ ფორმათა გართულებისაკენ, არამედ, პირი-
ქით... მიისწრაფება, რომ ხალხის გულთან მიიტანოს თავისი სუ-
ლიერი მღელვარება, თავისი ფიქრი და სიხარული, პოეტს სულ
უფრო და უფრო ეწევა პოეზიის ხალხური სათავეებისაკენ პოე-
ტური სიტყვის სისადავისა და გამკვირვებლობისაკენ. ალბათ, პოეტი
კარგად გრძნობს, რომ ეს მას აყენებს, თუ შეიძლება ასე ითქვას,
ეგრეთ წოდებული „რთული პოეზიის“ წრის გარეთ, მაგრამ პოეტი,
როგორც ჩანს, ამას არ ნანობს; თავისი პოეტიკით იგი მიიწვევს თავის
ხალხთან, თავის ეპოქასთან რჩება და დაბეჭითებით აცხადებს:

მე გადაწყვიტე ვიფიქრო მხოლოდ
სიტყვის მომხიბვლელ სისადავეზე.

და შემთხვევითი არ არის, რომ ამ მხრივ პოეტი, უწინარეს ყოვ-
ლისა, აკაკის „გაყვეთილს“ მიმართავს:

გამითენდება ნათელი დილა
და: „რა კარგია“, ვიტყვი, „რა კარგია!“
ვიპოვი მკითხველს და გულახდილად
გავეხუმრები, როგორც აკაკი.

აკაკისებური ხალხური სინათლე და სისადავე თავს იჩენს პოე-
ტის უკეთესი ლექსების როგორც სახობრივ, ისე რიტმულ აღნაგო-
ბაში. ამის ერთ-ერთ ნიმუშად შეიძლება დავასახელოთ ლექსი „მას-
წავლებელი ქალი სოფლად“ — ეს ალტაცებული შეხვედრა იმერე-
თის მიმხატულ სოფელთან, მისი ახალი ყოფა-ცხოვრების ცოც-
ხალ სურათებთან და, რაც მთავარია, სულით და ხორცილთ ლამაზ
ადამიანთან, ახალგაზრდა მასწავლებელ ქალთან. ლექსში იგრძნობა
რომანტიკული სინათლე, კრიალა ფერები, ნარნარი სულიერი მოძ-
რაობა.

მიყვარს, როცა თვალს შევასწრებ სოფელს
ჩუმად მძინარეს,
ვარსკვლავები კენჭებივით როცა მიაქვს
მდინარეს!..
გაზაფხულის დილა მიყვარს, — მისი თვალის
ბრიალი, —
შლიფათ რომ გამოგხედავს ქალი
თავსაფრიანი...

მაგრამ სოფლისა და ბუნების სილამაზე მხოლოდ მაშინ არის
წარმტაცი და მომხიბვლელი, როცა იგი გაშინაარსიანებულია ადა-

მიანით. ამიტომაც ეუბნება პოეტი ახალგაზრდა მასწავლებელ ქალს:

ან რად მინდა მთა-გორები ასე მიმოხატული,
სოფლად რომ არ გაისმოდეს
შენი ტყილი ქართული.

პოეტი ერთგვარ რომანტიკულ გაზვიადებასაც მიჰართავს:

შენ ისეთი ძალით გვხიბლავ და ისეთი უფლებით,
რომ ცისპირზე ჩერდებიან მოგზაური ღრუბლები.

არა, ეს არ არის უგანცლო ლამაზსიტყვაობა! განა არ უთქვამთ და დიდებულადაც არ უთქვამთ, თუ როგორ არწევს სიყვარული ვარსკვლავებს? რით ვერ შესძლებს სულიერი და ხორციელი სილამაზე ღრუბელთა შეჩერებას? ეგ ხომ პოეზიად ქცეული გრძნობაა!

ლამაზი ადამიანი ალამაზებს ქვეყანას. ეს აზრი მთასავით ხნიერიია. მაგრამ ახალია პოეტური გრძნობა ამ აზრისა. კარგი და მიმზიდველია ჩვენი დროის ახალგაზრდა მასწავლებელი ქალის ლირიკულ-რომანტიკული პორტრეტი.

ბევრი გზა უვლია, ბევრი შეზვედრა ჰქონია, ბევრი მოსაგონარიც აქვს პოეტს. არ შეიძლება მის პოეტურ ბიოგრაფიას არ ამდიდრებდეს, ვთქვათ, ნაცნობობა და პოეტური შეხმაურება მაიაკოვსკისთან, შეხვედრა ნაზიმ ჰიქმეთთან და ედუარდ ბაგრიცკისთან კუნცოვოში, გასაუბრება გურგენ მაართან საიათნოვას ლექსების გამო, შეხვედრა ცნობილ უკრაინელ პოეტებთან და მრავალი სხვა ასეთი რამ. მაგრამ დროსა და თავისთავს, შესაძლოა, პოეტი არანაკლები ძალით გამოხატავდეს თბილისელ ტაქსის შოფერთან საუბარში, შოფერთან, რომელიც მხოლოდ ერთ რამეში ეჯობრება პოეტს: თბილისის სიყვარულში. პოეტივით მასაც ახარებს ის, რომ თბილისი იზრდება, შენდება, მშვენდება, მაგრამ პოეტივით მასაც განსაკუთრებული ძალით ხიბლავს თბილისის განუმეორებელი სახიერება, მისი ქართული სული.

პოეტი ხშირად მღერის მგზავრულსაც. მაგრამ შორეული გზები მაინც არ არის მისი სიმღერის დიდი საგანი. მის პოეზიას, უწინარეს ყოვლისა, სამშობლო ქვეყნის ფუძისეული თუ ნიადაგისეული წყაროები ასაზრდოებენ. ერთ თავის საპაექრო ხასიათის ლექსში „ფიქრი გზადაგზა“ იგი კიდევაც ეღაპება ვილაცას ამ თემაზე:

რომი,
ლონდონი,
პარიზი,
არ გაართობდა განა გულს?

და მაინც ბილიკს დაეძებ,
დედის კალთიდან დანახულს.
და მაინც უცხო პალმებთან
მე საოცნებოდ არ მივალ,
ამ ქაღრის მკერდს კი რამდენჯერ
გულმკერდით დავტოლებივარ!

თავის ამ ნიადაგისეულ სულისკვეთებას პოეტი შთაგონებულად
და კიდევ უფრო ენერგიულად გამოთქვამს:

მთა გადაეფურცლე წიგნივით
და ჩემი ქვეყნის დიდი დღე
მზისა და მთვარის ნათელში
ხელახლა გადავიკითხე.
საუქუნეა აქა ვარ,
ამ გზაზე გავქალარავდი,
რიონს შავზღვამდე მივდივ
მტკვარს — თითქმის განჯის კარამდი.

საერთოდ, პოეტისათვის დამახასიათებელია თითქმის გულის-
ტიკვილამდე მისული სიხარული, აღძრული სამშობლოს მთებიტა თუ
მდინარეებით. სწორედ ამ სიხარულს გამოხატავს პოეტი ლექსში
„ეს რა დიდებულ დღეს დავესწარი“. ვისაც ერთხელ მაინც განუც-
დია სამშობლოს მთების რაღაცნაირი აფეთქება სულში, ის კარგად
ჩაწვდება პოეტის სიტყვებს:

თქვენი სურათი, მთის მწვერვალებო,
ზღვის პირად განა ერთხელ მინახავს?
და თქვენი თავი ვის დავანებო,
თქვენზე ლამაზი ქვეყნად ვინა მყავს.

საქართველოს მდინარეები?

ვინ იცის, რამდენი პოეტური ცეცხლი დაუგზნიათ მათ ქართულ
სიტყვაში და განა მართო ქართულ სიტყვაში? ხომ მათ გამოაკვესი-
ნეს ჩაუქრობელი პოეტური ნაპერწკლები პუშკინის, ლერმონტო-
ვის და კიდევ, ვინ მოთვლის, რამდენი პოეტის მუზას... ქართულ სი-
ტყვაში კი განსაკუთრებით დიდებული და მშვენიერია ბარათაშვი-
ლის მრავალდროების მოწამე, მაგრამ უტყვი მტკვარი, არაგვიანი
არაგვი და ვაჟას არაგვი, მტკვარი, რომელთა წყალს „თამარის ტურ-
ფა თვალნი“ დაუბანიათ, ერთურთს რომ ფრანგულს უქნევენ; ლიახ-
ვი, მათ რომ ეგებება „წვერბასრი შუბის ტარიტა“, და რიონი, მთას
იქით რომ მოთქვამს თავისი „გაშიშულელებული ხმალიტა“. მათი პოე-
ტურ-აზრობრივი ძალა და მოცულობა განუზომლად დიდია...

კარლო კალანის ერთ-ერთი ყველაზე შთაგონებულ და ჭავა-რიანი ლექსი „ენგური“ ქართული მდინარის სტიქიდანაა გამოკვესილი. მას ლექველად დაჰკრავს შუქი დიდი ტრადიციისა. თუმცა, რასაკვირველია, „ენგური“ სულ სხვა სულიერ გამოცდილებაზე, სულ სხვა სულიერ თრთოლვაზეა აწყობილი.

ენგური რუხის ციხესთან ენახე,
იქ მოჩანს მისი ტალღების ლეწვა. —
და ერთი სიტყვა მეც გადავძახე. —
ენგურის ერთი ერთგული მეც ვარ!
— გაგირღვევია კლდეების სისქე,
როგორღა გინდა მთებს უერთგულო,
სამურზაყანოს მიწიდან — ზღვისკენ
თავდავიწყებით გარბი, ენგურო!
იმღერე, სანამ არაა გვიან,
სანამ მთებიდან გასული არ ხარ,
იმღერე, სანამ ენგური გქვიან
და არა უკვე შავი ზღვის ტალღა!
ენგური რუხის ციხესთან ენახე,
აქ მოჩანს მისი ჩქარი ფერხული,
ჩამოღარვია მურზაყანს სახე
და ღვარტაფებად მოჰქეხს ენგური!
მთა შეფოთილი ახლაც მაგონებს
რომ ტანზე ჭაქვის პერანგი ეცვა,
ენგურმა ხელი ჰკრა და მთა-გორებს
ესმის ამ ჭაქმის ამკარა ლეწვა...
ვიმღეროთ, სანამ არაა გვიან,
სანამ აქ ფეხზე დგას მთების ალყა,
სანამ თვით ენგურს ენგური ჰქვია
და არა უკვე შავი ზღვის ტალღა!

როგორც ვხედავთ, აქაც პოეტისათვის ჩვეული მჯობრია, სასიმღერო განწყობილება და ყოფიერების სიხარული. მაგრამ სადღაც ამ სიხარულის სიღრმეში თითქოს რაღაც წუხილიც არის. გარეგნულად ლექსში დროის ხელშესახები ნიშანიც არ ჩანს. პოეტური ნივთის თვალსაზრისით, იგი შეიძლება შექმნილიყო შორეულ წარსულშიაც. მაგრამ აქ დრო განცდაშია და არა ნივთში. ეს განცდა კი არის განცდა ენგურისა, როგორც თავისთავადი სახიერებისა. მართლაც, ენგური დიდებული და მშვენიერია მხოლოდ მაშინ, როცა იგი სავსეა თავისთავით, თავისი სტიქიით, როდესაც ლაღად მოჰქეხს და მოჰყეფს თავის მთებსა და ჰალებს, როდესაც თავის საკუთარ სიმღერას მღერის... და არა მაშინ, როდესაც იგი შავი ზღვის უსახო ტალღად იქცევა, სახესაც ჰკარგავს და სახელსაც.

უსახო და უპიროვნო ხეც არ ვარგაო, უთქვამთ; თუ არ უთქვამთ. იტყვიან ალბათ. იტყვიან, რადგან ადამიანები ელტვიან მშვენიერებას. მშვენიერი კი შეიძლება იყოს მხოლოდ ის, რასაც თავისი სახე, თავისი განუმეორებელი არსება აქვს.

გაუსახურება სიკვდილსაც უდრის. მართლაც, პიროვნულობისა თუ სახიერების მოშლა და სამყაროს დაუსაბამო ნივთიერებაში გათქვეფა რომ არა, სიკვდილი არც იქნებოდა საშიში და შემადრწუნებელი, რადგან სამყაროში არც არაფერი ქრება, არც არაფერი იკარგება.

განცდაში გასხივებული ენგური კი ენგურიცაა და რაღაც სხვა უფრო დიდებულიც. მდინარე ენგურს, რასაკვირველია, ვერ მოშლის, ვერც შთანთქავს შავი ზღვა. ენგური არ მოკვდება (ან რად უნდა მოკვდეს ენგური?). იგი მუდამ იდენს, ზღვა მხოლოდ მის წყალს შეირთავს. ენგური უხვია და ზღვისათვის წყალი არ ენანება.

მაგრამ, ალბათ, სულ სხვაა ბედი იმ არსებათა და სახეთა, რომელთაც, შესაძლოა, მართლაც, ემუქრებოდეთ გათქვეფა, გაუსახურება. რად არ უნდა იყოს ბუნებრივი და სამართლიანი მათი დრტინვა? რად უნდა იყოს დასაძრახი და დასაგმობი ეს დრტინვა? მით უმეტეს, რომ პიროვნულობის მოშლა და გაერთსახება არსებითად ცხოვრებისეულ წინააღმდეგობათა გადაწყვეტის ყველაზე არაბუნებრივი და არაადამიანური გზაა...

გაერთსახება (ანუ ეგრეთწოდებული სტანდარტიზაცია). რასაკვირველია, სასარგებლო და აუცილებელიც არის, ვთქვათ, ნივთიერი წარმოების დარგში, იქ, სადაც საჭიროა საგანთა სერიული გამოშვება. იგი ალბათ, ხელსაყრელია მშენებლობაშიც (თუმცა თანამედროვე ქალაქების ზოგიერთ უბანს რომ გახედავთ, გული შეგიღონდებათ იქ გამეფებული უსიცოცხლო ერთფეროვნებისა თუ ფორმათა საოცარი სილატაკის გამო). მაგრამ ხალხთა და ადამიანთა სულიერი ცხოვრების, მათი სულიერი შემოქმედების გაერთსახება ხომ ცხოვრების შემზარავი გამოფიტვა და გაბერწება იქნებოდა!

არის რაღაც ლამაზი. წარმტაცი და მაღალი სიმღერის ქანში, რომელიც ებრძვის იმ დარდსა და წუხილს, რასაც ფერთა წარხოცვისა და სულიერი გაერთსახების მოძალებელი შესაძლებლობა იწვევს. არსებითად ეს არის სიმღერა სიცოცხლის დამკვიდრებისა.

ვიმღეროთ. სანამ არაა გვიან,
სანამ აქ მთებზე დგას მთების ალყა,
სანამ თვით ენგურს ენგური ჰქვიან
და არა უკვე შავი ზღვის ტალღა.

კარლო კალაძე თითქმის მუდამ სიხარულისათვის მღერის. მაგრამ ხდება ხოლმე ზოგჯერ ისეც, რომ ადამიანი ომანი და მხიარულ სიმღერას სწორედ მაშინ წამოიწყებს, როდესაც რაიმე განსაცდელს უახლოვდება ან გულში რაღაც სევდა უტრიალებს. უსევდო, როგორც ჩანს, არც ჩვენი პოეტი არის. მაგრამ მთელი მისი შემოქმედება სავსეა სიცოცხლის ტრფიალებით.

1966

ამხანაზმა მთამ აიღო სიტყვა

საწუთრო ანუ წუთისოფელი შეურქმევია ქართველ კაცს ცი-
ქვეშეთისათვის, სადაც იწყება და თავდება ყოველი სულიერის სი-
ცოცხლე. წუთი წამის მესამოცედია ძველ ქართულში, წამი კი თვა-
ლის ერთი დახაზვამებაა. წუთისოფელი! ამ სიტყვაში ჩაქსოვილი
მსოფლშეგრძნების პოეტური გააზრებით შეხვდა პოეტი ალექსან-
დრე გომიაშვილი თავის ორმოცდაათ წლისთავს.

წუთი რა არის ამ საწუთროში.
რა უნდა იყოს წუთისოფელი?

არა, კაცს ძალუძს, — გვანიშნებს პოეტი, — საუკუნეებს შე-
ადავოს ერთი წამიც კი, თუ მას ყელთამდე აავსებს შემოქმედებით.
წუთი შემოქმედებისა იმორჩილებს, მშვილდივით დრეკს დროისა
და სივრცის უსაზღვროებას. ადამიანს მხოლოდ შენაქმენით შეუძ-
ლია შეუზიარდეს მარადიულობას.

ამრიგად, თავისი არცთუ იმდენად ახალი, მაგრამ უეჭველად
გულწრფელი გათავისებული პოეტური აზრით პოეტი თითქოს დრო-
ის რთულ „მეტაფიზიკას“ ეჭიდება თავის „წუთისოფელში“. პო-
ეზიაც მას საუკუნეებთან შებრძოლებულ წამად ესახება.

უნდა ითქვას: აქ, უსათუოდ, და ალბათ, საერთოდაც პოეზია
საღდაც. როგორღაც და რაღაცით გვაგონებს იმ გონიერ ბავშვსაც,
რომელიც დიდი შთაგონებითა და გულმოდგინებით აგებს ციხე-
კოშკებს, მთებს და თვით დედამიწის მთელ ბურთსაც კი მისთვის
ხელმისაწვდომი მასალისაგან. ეს კი მშვენიერი და საამო სანახაობაა!
პოეტს აღრეც ბევრჯერ მიუქცევია ყურადღება თავისი პოეტური აზ-
რის კარგი და ტევადი გულუბრყვილობით. მაგალითად:

მთისიქითელო ქალაო
ვაუკაცი მოვსდევ ლატანებს,
ფოსტა არ არი?
წერილი
არწივებს გამოვატანე!

უთვლიდა ხოლმე პოეტის ლირიკული გმირი — ქაბუკი მწყემს-სი თავის სატრფოს. და ეს, თუ შეიძლება ასე ითქვას, რომანტიკულ-მიამიტური ინტონაცია აქამდე მოსდევს მის პოეზიას. არწივებიც იშვიათი სტუმრები როდი არიან მისი ლექსებისა. ალბათ იმიტომ, რომ იქ, სადაც პოეტი დაიბადა და დაკბაბუკდა, არწივები მრავლადაც ბუდობენ და ხშირადაც ბოინობენ.

ეს ადგილი, სადაც პოეტი ალექსანდრე გომიაშვილი დაიბადა 1911 წლის 15 ივლისს, სოფელი ყაზბეგია, დარიალის მისადგომთან, მყინვარწყერის საფერხულთან. პოეტის ერთ ლექსს „სად არის ქვეყნად სხვა დარიალი“ ჰქვია (ალბათ გრიგოლ ორბელიანიდან მოდის). და, მართლაც, საქართველოს ამ თვალწარმტაცი კუთხის განუშეორებელ ბუნებაში, მისი მთების, კლდეებისა და ხევების ასევე განუშეორებელ წესრიგსა თუ უწესრიგობაში არის დადებული ალ. გომიაშვილის პოეზიის პირველი სათავე. შეიძლება ითქვას, რომ პოეტის ფანტაზია თავის პიროვნულ შესაძლებლობათა ფარგლებში წილნაყარია ამ ზვიადი და დიდებული ბუნების გულუბრყვილო ნაკებობასთან. შემთხვევით როდი ხედავს ხოლმე პოეტი თავისი სანუკვარი მყინვარწყერის თავზე წინაპრების აჩრდილებს; თავის სიმღერასაც იგი შემთხვევით როდი ადარებს კლდეების ხლუჩას, ზეავეების გრიალს. შედარება არც თუ ისე მოულოდნელია და უჩვეულო, მაგრამ დამახასიათებელია.

ყაზბეგის სოფლის ახალგაზრდობის სკოლაში მიუღია დაწყებითი განათლება ალ. გომიაშვილს. იქვე შესულა იგი კომკავშირში 1926 წელს. პოეტის შემოქმედებითი ბიოგრაფიისათვის არსებითი მნიშვნელობა აქვს იმას, რომ მისი პირველი კომკავშირული გატაცება დაკავშირებულია იმ საურმე გზის გაყვანასთან, რომელმაც მთის მიუვალი სოფელი ცდო დააკავშირა დიდ საქვეყნო გზასთან. ამ საურმე გზის გაყვანა სკოლის კომკავშირელების თაოსნობა ყოფილა. დაახლოებით 50 წლით ადრე, — 1880 წელს; — სოფელ ცდოს ასე ხატავდა დიდი ქართველი მწერალი ალექსანდრე ყაზბეგი: „არწივის ბუდესავით მიჰკრობია კლდესა და მოჰფარებია იქაურ ცივ ჩრდილოეთის ქარებს. ზეავები, რომელიც განუწყვეტლივ ჩამოდის იმ ადგილებში მაღალი მთებიდან და არა მცირედს ზარალს აქლევს მცხოვრებლებს, საკმაოდ აღარბებს ხალხსა და ურთი-ორად მეტს აშრომებს, სანამ სხვა ადგილებში“.

აი, ამ ოდესღაც ქვეყნებისაგან მოწყვეტილ, მიყრუებულ მთის სოფელში კომკავშირული ახალგაზრდობის მიერ გაყვანილ გზით შედიოდა ახალი, საბჭოური ცხოვრება. რაც მთავარია, გზა გამოისავალს აქლევდა და ახალი ქვეყნის დიდ ძალებს უერთებდა მთელი

მშრომელი ხალხის საუკუნეობრივი სიდუხჭირით შებორკილ და შეხუთულ ძალებს. ამიტომაც იქცა გზის გაყვანის მოტივი პოეტის 'მემოქმედების ერთ-ერთ ძირითად მოტივად. ქაჩეთის ციხის აღებად და მთის ტყვედქმნილი მშვენიერების გამოხსნად ესახებოდა მას მთაში გზების შექრა. გზა განახლებისა და აღორძინებისა დიდებულ დრამას ბადებდა. შემდეგში ასე გადმოსცა ამ დრამის ერთი ნაწყვეტი პოეტმა:

ვაპ, მაღალ მთების არწივო
რომელმა დაგკრა ისარი, —
საფლავზე გაინაწილოს
ქვა — მონასრევი კლდისანი.
სადა ხარ! (ირველივე ნისლია
და სულიც ნისლით გვესების!)
მთებში ლალუმებს ისერიან
ჩაფხუტიანი მწყემსები.
ეგებ მოკვეთეს. ფრიალოვ,
ეგებ დაპრილ მკერდს მაღაო, —
სადა ხარ, ოხერ-ტიალო,
ტიალო დარიალაო!
არხოტი როგორ გიწამებს,
როგორ გწირავენ სწორები, —
ამტვრევენ კლდეთა ფიწალებს
დამკვრელი კომპრესორები.

მთიელის მუზა მშობლიური მთების ძრწოლასა და გმინვაში ახალი ქვეყნის მშობიარობის ტკივილებსაც მიინიშნებდა და ლექსის დრამატულ რიტმში აცხადებდა.

მაგრამ საჭიროა ისევ ბიოგრაფიას მივუბრუნდეთ.

მოლექსეობით გატაცებული მოხვევე ყმაწვილი, ვინც უკვე ხარბად იყო დაწაფებული მთის ხალხურ პოეზიას, მშობლიური ლიტერატურის ძვირფას საუნჯეებს, განსაკუთრებით კი ვაჟასა და ალექსანდრე ყაზბეგის უკვდავ ქმნილებებს, იცნობდა დიდი რუსი მწერლების ზოგიერთ ნაწარმოებსაც, სურათებით იცნობდა ამ მწერლების სახეებსაც, და აი, ერთხელ, — ეს მოხდა 1928 წელს, — იგი თავისი სკოლის მეგობართან ერთად ყაზბეგის ფოსტაში შევიდა. აქ მათი ყურადღება მიიქცია გამხდარმა, მაღალმა კაცმა, ვისაც სახის ენერგიული კუნთები, იდუმალი ფიქრებით სავსე და კეთილად გამომზირალი თვალები, ხშირი და დაბლადამშვებული უღვაშები ჰქონდა. მოხვევე ყმაწვილებმა უნებლიეთ წამოიძახეს: გორკი! ის, მართლაც. გორკი აღმოჩნდა. იგი საქართველოს სამხედრო გზით ბრუნდებოდა რუსეთში. გორკიმ ხელი ჩაგვაულო და ჩვენთან ერთად სურათი გადაიღო შადრევანთან, თერგის მაღალ ნაპირასო, — იგონებს

პოეტი. — შესაძლოა, ეს სურათი მწერლის ვრცელ არქივში ინახებაო წარწერით: „გორკი ყაზბეგში მთიელ ბავშვებთან“. ეს შეხვედრა თავისი ცხოვრებისა და თავისი შემოქმედებითი ბიოგრაფიის ერთ-ერთ ყველაზე ცხოველ ეპიზოდად მიაჩნია პოეტს. ალბათ, ამ შეხვედრამ მომავალი პოეტი განამტკიცა თავის რომანტიკულ ოცნებებში.

მალე ამის შემდეგ თბილისის სახელმწიფო უნივერსიტეტის ფილოლოგიური ფაკულტეტის სტუდენტი — ალექსანდრე გომიაშვილი უკავშირდება პროლეტარულ მწერალთა წრეს და 1929 წლის დეკემბერში პირველად იბეჭდება მისი „მთის ბალადა“ ჟურნალ „ქართულ მწერლობაში“. ამ დღიდან ქართულ საბჭოთა პოეზიაში თანდათან მტკიცედ იკავებს თავის ადგილს საქართველოს თვისებური ხმისა და ხედვის პოეტი — ალექსანდრე გომიაშვილი. სამი ახალგაზრდობის შესაყარზე მოხდა მისი პოეტური დაბადება: ახალგაზრდა იყო თვითონ პოეტი, ახალგაზრდა იყო ქართული საბჭოთა ლიტერატურა და ახალგაზრდა იყო ქართული საბჭოთა სინამდვილეც. რომლის ძლევამოსილი განვითარების მომღერალიც გახდა პოეტი. „ჩემი პირველი პოეტური შთაბეჭდილებანი დარიალის ვიწროებში დაიბადა, — წერს პოეტი თავის შემოქმედებითი ბიოგრაფიის შესახებ, — იქ, ძველი სახლის სარკმელში ცისკარივით იხედებოდა „ხევის პატარძალი“ და პოეზიის პარნასად მეჩვენებოდა მყინვარწვერი. შემდეგ „აზნაურობა მთამ აიღო სიტყვა“ და ლექსებში გადავიდა დარიალის მთები და კლდეები: „ნანგრევთა შორის“ მესახებოდა ხევის კომქაქშირი. ხოლო „ქაჭეთის ციხის ალებში“ — ვაჟა-ფშაველას მთების გაზაფხული“.

პოეტის ამ აღსარებაში ლექსების სათაურებიდანაც კი ჩანს, თუ რაოდენ სისხლხორცეულად არის დაკავშირებული მისი შემოქმედება საქართველოს მთის განახლებულ ცხოვრებასთან. ნიშნულია ლექსებში გადასული მთები და კლდეები, განცდილნი შიგნიდან და არა გარედან დანახულნი სტუმრის თვალით. მართლაც, ალ. გომიაშვილის ლექსები, ბალადები და პოემები თითქოს ისევე დაძარღვული, დანაკეთული და დედაშობილია, როგორც ეს მთები და კლდეები. შესაძლოა, აქ უფრო მეტია პირდაპირი პოეტური პროექცია, ვიდრე ვაჟასებური ხელახალი ძერწვა გასაოცარი. მაგრამ ვაჟას შუქი მაინც მოსდგამს პოეტის თვალს. ქართული მითოსაც მძლავრად არის შექრილი ალ. გომიაშვილის პოეზიაში.

პოეტი იზრდებოდა და ვითარდებოდა ჩვენს საბჭოთა ეპოქასთან ერთად. მდიდრდებოდა და ფართოვდებოდა მისი თემატიკა, ფართოვდებოდა მისი პოეტური და გონებრივი თვალსაწიერი. მაგ-

რამ, ისე როგორც ყოველი შემოქმედის ინდივიდუალობას, მის შემოქმედებთან ინდივიდუალობასაც განსაზღვრავს რაღაც ერთი მთავარი პირველადი ბიზგი, პირველადი სათავე, ნიკოლოზ ბარათაშვილის სიტყვებით რომ ვთქვათ, სწორედ ის, „რაც ერთხელ ცნობლად სულს დააჩნდების...“

ერთგან პოეტმა თავის „ადგილის დედასა“ და „წუთისოფელს“ შუა მოათავსა თავისი ლექსების რამდენიმე რკალი და თქვა, ამ ლექსებში პოეტი მწყემსიც არის და გუთნისდედაც, მუშაც და მეომარიცო.

მართლაც. ბევრი რამ არის ალ. გომიაშვილის პოეზიაში მკაცრი მწყემსური რომანტიკიდან; აქაა ყიზლარის საძოვრების ძველი დრამატული ეპოპეაც:

ის მოკლეს ისე. რომ ლექსი არ შეუწყვეტია
და ვაჟაკური იმისი ხმა დღესაც აწვიმებს.
ჩემო ლამაზო. და წერილის მაგიერ მთიდან —
ნათში მოქონდათ სისხლიანი კლანჭი არწივებს.

და განახლების ახალი კაფიაც („მწყემსები მოკლენ, როგორც ძმა და ამხანაგები“); ძველ და ახალ გუთნისდედურსაც მიწის სურნელზე მიუცია პოეტის ლექსებისათვის: მუშურისა — რა მოგახსენოთ, მაგრამ მეომარი პოეტი არა მარტო მუშით, არამედ მკლავითაც იყო. და ბუნებრივია, რომ სამამულო ომის უშუალო მონაწილე პოეტის შემოქმედებაში მნიშვნელოვანი ადგილი დაიკავა მხედრულ-პატრიოტულმა თემატიკამ. თუმცა ამ თემას ადრეც ეხებოდა პოეტი, მაგრამ აქაც მთიდან ნოყოლილი ჭავრი და გზნება აძლევს ძალას პოეტის სიტყვას. მთიდან კი მას მთიურ რომანტიკასთან ერთად პირველი ხილვისა და განცვიფრების პოეტური ძალის მბაფრი გრძნობაც მოჰყვა.

ამ მხრივ ლექსი „ჩიხვი“ ფრიად დამახასიათებელია პოეტისათვის.

შელამებთან გაეარდა თოფი, ტყვია მიზანს ასცდა. მაგრამ ჩიხვთა ჯოგს მაინც მოხსლტა ერთი ხარ-ლადი. ელდანაცემი. დაფეთებული. გავეშებული გადაევლო იგი ორწოხებს და უეცრად შედგა. ქანდაკივით გაირინდა კლდის ქიმზე; მის წინ დაბლა — ხევში. ვარსკვლავებით მოქედილი ცა გაიშალა. „რამ შეაბრუნა ნეტავ ზეცა?“ „ლავეარდი ხევში!“ თითქოს ხარ-ლადთან ერთად პირველი ხილვის ფრულანტელმა დაუარა მთელ მის ირგვლივ სივრცესაც. პირველი ხილვა პირველ აღმოჩენასავით და პირველ ტრფობასავითაა. განცვიფრებულსა და მოწიბლულ ხარ-ლადს შიში გაუქრა, შიშის ნაცვლად მის თვლებში ჩადგა პირველხილული სილამაზე შებრუნებული ზე-

ცისა. მართლაც, საოცრებაა ეს შებრუნებული ზეცა; ეს დრამატული, თუ გნებავთ, ტრაგიკული სილამაზეც არის ქვეყნიერების მოძრაობისა. ეს სილამაზე კი ახალი ქვეყნის აღამიანების — მთიელი კოლმეურნეების მიერ შექმნილი სილამაზე იყო — ხევში გამართულ ელსადგურის ნაკადით გაჩახჩახებული ელნათურები. და ჩვენთვის, ჩვენი სინამდვილისათვის ასე ჩვეულებრივი, ასე ხელმისაწვდომი მოვლენა — ხევის ელსადგური — ბუნების ლალი შვილის წმინდა თვალეში შებრუნებულ ზეცად გადაქცეული — დროის მკაფიო ნიშანიც არის და რალაც შორეულის, კიდევ უფრო დიადისა და დრამატულის პოეტური განქვერტაც. დრო კი პოეზიაში ცხოველმყოფელია მხოლოდ მაშინ, როდესაც იგი ყოველგვარი ინფორმაციულობისაგან თავისუფალი სუნთქვავა ლექსისა. დროის გარეგნული ნიშნებთა ლექსის დატვირთვა, როგორც წესი, პოეზიას არ ეგუება.

აღ. გომიაშვილის პოეზიის ერთ-ერთი ძირითადი მოტივი, როგორც ამას სავსებით სწორად აღნიშნავს გიორგი ნატროშვილი, არის ფუძის, კერის მოტივი. ეს მოტივი პოეტმა ყველაზე ცხოვლად და ყველაზე ძლიერ თავის „ადგილის დედაში“ განასახიერა. უკვე თვით ადგილის დედის ხატებას ხალხის ცოცხალი ფანტაზიის, მისი სულის. მისი აზრის ისტორიული მოძრაობის უშორესი სათავეები-საკენ მივყავართ.

ადგილის დედა ძველი ქართული წარმართული მითოლოგიიდან უნდა მოდიოდეს; ქრისტიანულმა მითოლოგიამ, როგორც ჩანს, იგი ფუძის ანგელოზად აქცია. თანამედროვე პოეტმა კი იგი ყოველგვარის მისტიკური ბურუსისაგან გამოიხსნა და ხალხის ისტორიული ცხოვრების თავანჯარა სათავედ გაიანჯრა. მემკვიდრეობითობის წმინდა, უწყვეტი ძაფი ხომ სიცოცხლის უწყვეტ ნაკადივით გადადის თაობიდან თაობაში.

ლექსი შესრულებულია როგორც ლირიკული მონოლოგი ბავშვობის რომანტიკული მოგონების გამო:

იქ. სადაც ჩემი ადგილის დედა
მამა-პაპათა კერაზე სახლობს,
სტეფანწმინდაში. მყინვარის ახლოს,
მოპაგონდები შენ. ჩემო სახლო.
შენ, ჩემო სახლო, ღრუბლებზე მალლა
ჩემი ბავშვობის გსახავ ბაღნარად, —
დაეხუჯავ თვალებს და მესმის ახლაც
დედის ნანა და მამის ნალარა.

დედა, მამა, ძმები, მშობლიური გარემოს სურათები ასხივებენ სამშობლოს წყაროსთვალავით დაუღეველ სიცოცხლეს.

გული კი არც წარმავლობის ადამიანური სევდისათვის არის დახურული:

გაქრა ზმანება, დაეხურე კარი,
ძველი სახლიდან წასულა ყველა...
მხოლოდ კერხოში გრიალებს ქარი
და აკვანს არწევს, ვით საქანელას.

მაგრამ სამშობლოს დიდ სიყვარულში ნაწრთობი გული კიდევ უფრო ფართოდ არის ღია ჩაუქრობელი კერის მხურვალე გრძნობისათვის:

დგას სიჩუმეში, მყინვარის ახლო,
ის ძველი სახლი ახლების ბედად
და ლაღარივით კერაზე სახლოეს
ჩემი ბავშვობის ადგილის დედა.

მრავალ სხვა ემოციურ ასოციაციებთან ერთად ლექსი აღვიძებს აზრს იმის შესახებაც, რომ ყოველი ახალი დიდი ადამიანური ღირებულება, — სულიერი იქნება იგი თუ მატერიალური, — ისტორიულია, რადგან იგი მხოლოდ სიცოცხლის განუწყვეტელ დინებაში იქმნება, როგორც ყველა მისი შემადგენელი ელემენტის საუკუნეობრივი დაგროვება და დაწმენდა: მაგრამ უფუძოდ, უკეროდ არ არსებობს სიცოცხლე. ხალხის სიცოცხლის ყოველ ნაკადსაც თავისი მარადიული სათავე აქვს. დაახშეთ ეს სათავე და დაინშობა შესატყვის ადამიანურ ღირებულებათა შექმნა. მოშალეთ ფუძე, მოშალეთ კერა და მოიშლება ხალხის ისტორიული შემოქმედება.

თავისი საუკეთესო ლექსებით ალ. გომიაშვილს საგულისხმო წვლილი შეაქვს ქართულ საბჭოთა პოეზიაში.

მხოლოდ კარგი, მხოლოდ მაღალხარისხიანი

შედარება უფლებამოსილია არა მარტო პოეზიაში, აზრსა და გრძნობას ის შეიძლება სხვა დარგშიაც შეეშველოს.

ზოგჯერ ამბობენ ხოლმე. ჭადრაკის თამაშის შესაძლებლობანი თუ საიდუმლოებანი პრაქტიკულად ამოუწურავიაო. მართლაც, საჭადრაკო ორთაბრძოლის უამრავ შესაძლებელ დრამატულ ხლართებზე რომ არაფერი ვთქვათ, რამდენი წარმატაცი საჭადრაკო კომპოზიციის — ეტიუდისა და ამოცანის შექმნას შესაძლებლობა იმალება ამ საოცარ თამაშში! მიუხედავად ამისა, არა მგონია, რომ იგი მართლაც ამოუწურავი იყოს, ბოლოს და ბოლოს, საქმე ხომ ოცდათორმეტ ფიგურასა და სამოცდაოთხ უჯრასთან გვაქვს, რაც თავის თავად, ალბათ, სადღაც ზღვარს უღებს მათ ყველა შესაძლებელ მოძრაობასა და ორთაბრძოლას. სადღაც არის ალბათ ამ ორთაბრძოლის ერთადერთი სწორი გზა—გეზიცი, რომელსაც ყოველთვის ერთ და იმავე შედეგამდე შეუძლია მიგვიყვანოს. ეს კი, რასაკვირველია, ყველა საიდუმლოს ამოხსნა, ყველა შესაძლებლობის ამოწურვა იქნება. ჭადრაკზე მხოლოდ ასოციაციური შედარებისთვის ჩამოვაგდეთ სიტყვა...

აი, პოეზიის შესაძლებლობა და საიდუმლოება კი მართლაც ამოუწურავია. იგი არ არის შემოფარგლული არც ოცდათორმეტი ფიგურით და არც სამოცდაოთხი უჯრედით. მის წინ გადაშლილია უსაზღვრო ასპარეზი — მთელი ცხოვრების, მთელი სამყაროს, ადამიანის სულის მთელი შინაარსის უწყვეტი განვითარება და მოძრაობა. ამიტომაც არის უსაზრულო პოეზიის შესაძლებლობანი და საიდუმლოებანი. კემმარტიტი პოეზია არასდროს არ მიდის და არც შეიძლება მივიდეს ერთ და იმავე შედეგამდე. იგი ყოველთვის განსაკუთრებული, განსხვავებული და განუმეორებელია. შეიძლება ითქვას, რომ როგორც მთელ კაცობრიობაში ერთი ადამიანის ხელის ანაბეჭდი არ შეიძლება ზუსტად დაემთხვეს რომელიმე სხვა ადამიანის ხელის ანაბეჭდს, ნამდვილი პოეზიის ერთი ფაქტი, როგორც პოეტის სულის ანაბეჭდი, უკეთ ვთქვათ, სამყაროს, ცხოვრების, ეპოქის ანა-

ბექდი პოეტის სულში, არ შეიძლება დაემთხვეს პოეზიის სხვა ფაქტებს. სულის ანაბექტთა დამთხვევა თუ განმეორება უკვე აღარ არის პოეზია. ამ თვალსაზრისით პოეზიის არც ერთი განსაზღვრაც არ შეიძლება იყოს საბოლოო და ამომწურავი...

...ჰოდა, რაოდენ ღრმა, რაოდენ მდიდარი უნდა იყოს სული აზრებით, ფიქრებით, გრძნობებით, ხილვებით, რომ მის პოეტურ ანაბექტს რაიმე არსებითი საზოგადოებრივი მნიშვნელობა და ღირებულება მიენიჭოს. იქნებ რიტორიკაა ეს, მაგრამ მაინც საჭირო რამ არის... დიახ, დიახ, კოკასა შიგან რაცა დგას, იგივე წარმოსდინდების! მართალია, ძველთაძველი, მაგრამ ყოველთვის ანგარიშგასაწვევი აზრია.

შესანიშნავი ტრადიცია დაწესდა ჩვენში — ყოველწლიურად აღინიშნება პოეზიის დღე — რუსთაველის დღე. ეს დღე, რასაკვირველია, ნათელი სასიხარულო დღესასწაული უნდა იყოს. ამ დღეს თითქოს უფრო მეტად გვმართებს ვილაპარაკოთ ქართული პოეზიის მიღწევებზე. მართლაც, ფრიად თვალსაჩინოა ქართული პოეზიის წარმატებანი. ამაზე ბევრი დაიწერა, ბევრი იწერება და ბევრიც დაიწერება. აქ კი მინდა ორიოდ რამ ვთქვა პოეზიის მოყვარული და გულშემატკივარი მკითხველის პოზიციიდან.

ბევრი კარგი ლექსით გვახარებენ ქართველი პოეტები.

მაგრამ ბევრი ისეთი ლექსიც იწერება და იბეჭდება, რომელთაც პოეზიასთან არაფერი აქვს საერთო. და ეს ენება არა მარტო ჯერ კიდევ სახელმოუხვექვავ სახელებს, არამედ საკმაოდ სახელმოხვეჭილებსაც. სხვას რომ თავი დაგანებოთ, სუსტი, უღიმღამო ლექსების ნიაღვარი იმითაც არის ძლიერ ცუდი, რომ მას შეუძლია გენოვნება გაუფუჭოს მკითხველს და ნამდვილი პოეზიის შეგრძნების უნარი მოუშალოს...

მახსოვს, კარგა ხნის წინათ, ერთ ნამდვილად მირონცხებულ პოეტს შევეკადრე, ამ ბოლო დროს წყალწყალა ლექსების წერას მოუხშირეთ-მეთქი. არ გაჯავრებულა, მაგრამ უმაღვე გონებამახვილური სარკაზმით მომიგო: — როგორ? შენ თუ იმთავითვე მოიპოვე წყალწყალა კრიტიკული წერილებისა თუ რეცენზიების წერის უფლება, ნუთუ მე ვერ მოვიპოვე იმის უფლება, რომ ზოგჯერ საშუალო ლექსიც გამოვუტრიო?

რასაკვირველია, წყალწყალა არც ლექსი ვარგა, არც რომანი, არც მოთხრობა და მით უმეტეს არც კრიტიკული წერილი. მაგრამ ერთის ცოდვას მეორის ცოდვა ვერ გაამართლებს. რაც შეეხება ცუდად წერის უფლებას, — იგი არც არავინ შეიძლება მოიპოვოს და არც არავის უნდა მიეცეს.

ყოველი შემოქმედისათვის ყოველ დროში უადრესად საჭირო იყო შინაგანი კრიტიკული თვალის ანუ თვითმსაჯულებისა თუ თვით-კონტროლის უნარის განვითარება და გამახვილება. იქნება მკრეხელობაჲ ჩამოგვართვან, მაგრამ არ შემიძლია არ ვთქვა, რომ ზოგიერთი ჩვენი დიდი პოეტის შემოქმედებაც კი უფრო მეტად დაწმენდილი, დახვეწილი და აუმღვრეველი იქნებოდა. რომ მათ უფრო შკაცრი თვითკონტროლი გამოეჩინათ. მაგრამ... არავითარი მაგრამ, აქ ვერ ვიტყვით: ის, რაც იუპიტერს ეპატიება, ხარს არ ეპატიებაო. პირიქით, ამ შემთხვევაში, ის რაც ხარს ეპატიება, იუპიტერს მია უმეტეს არ ეპატიება, რადგან იუპიტერის მაგალითი გაცილებით უფრო გადამდებია.

მეტისმეტად ხომ არ ვკადნიერდები ჩემი გულშემატკივრობით? მახსენდება მუხრან მაჭავარიანის ერთი ლექსი:

საშველს რომ აღარ მძღვეს ხოლმე
მამულზე ფიქრი;
ხანდახან
გულში
ლიმილით
ვიტყვი:
— რა ჩემი ჭკუის საქმეა ნეტა,
მამულო ჩემო,
გილხენს თუ გიჭირს! —
რომელი მეფე ერეკლე მე ვარ!
ანდა რომელი მსაჯული მისი!

წამიერად მეც ვეჭვობ: რომელი ისა ვარ... მაგრამ მუხრანი იქვე განაგრძობს:

პასუხად მყისვე,
ვითარცა სეტყვა,
ვინც კი და რაც კი
არსებობს ირგვლივ. —
იხუვლებს ხოლმე.
იხუვლებს ერთხმად:
— ღალატიაო
მაგვეარი
ფიქრი!

და მეც განვაგრძობ: ვინც უნდა ვიყოთ და როგორიც უნდა ვიყოთ, თვითეულ ჩვენგანს თავისი წილი პასუხისმგებლობა აკისრია ქვეყნის წინაშე, ადამიანთა წინაშე და, მაშასადამე, პოეზიის წინაშეც, ამასთან დაკავშირებით კი კვლავ მახსენდება შოთა ნიშნიანიძის ერთი ლირიკული აღსარება:

მფარველად მყავდა სული ძლიერი.
სინდისი იყო ჩემი მრჩეველი,
ყოველთვის ვთვლიდი თავს ბედნიერად,
რადგან ვიყავი შეუმჩნეველი.
ზოგს ცხოვრებაში არ გაუმართლდა,
მე მათ გულგრილად გვერდს ვერ ავუვლი,
მათთან ყოველთვის უხერხულად ვარ,
თითქოს მე მქონდეს დანაშაული.

მოკარბებული მეტაფორული მეტყველებით გატაცებული პოეტისათვის, შესაძლოა, ეს თითქმის სრულიად უსამკაულო სტრიქონები არცთუ ისე დამახასიათებელი იყოს. მაგრამ ამ სტრიქონებში არის მნიშვნელოვანი აზრი და განცდა, რაღაც კარგ ადამიანურ სიტბოს გამოსცემს თავმდაბლობისა და მოკრძალების გრძნობა პოეტისა. კიდევ უფრო საგულისხმოა უხერხულობისა და ვითომდა მოჩვენებითი დანაშაულობის გრძნობა იმათ წინაშე, ვისაც ცხოვრებაში არ გაუმართლდა. თუმცა რატომ უნდა იყოს ეს გრძნობა მოჩვენებითი? განა ყველა ადამიანური ცოდვა და ბედუკუღმართობა დედამიწის ზურგზე ადამიანთა სინდისს არ აწეებს? შესაძლოა, ჩვენ ყველანი — მეც, შენც, ისიც — რამდენიმედ დამნაშავენი ვართ იმისათვის, რომ ადამიანებს ცხოვრებაში არ უმართლდებათ... დამნაშავენი ვართ, თუ ბოროტებას არ ვებრძვი, რამდენადაც ძალგვიძს. დამნაშავენი ვართ, თუ რატომღაც სიძარტლეს არ ვამბობთ. დამნაშავე ვიქნებით, ვთქვათ, მაშინაც კი, თუ ამ ნიჭიერ ახალგაზრდა პოეტს არ ვეტყვი. რომ მას ზოგჯერ წერტილის დასმა უძნელდება, რომ პოეზიისათვის ესოდენ აუცილებელი ლაკონიზმის გრძნობა არ ყოფნის. პოეზია დიდი და სერიოზული საქმეა, დიდი ხელოვნებაა. იგი დიდ ნიჭთან ერთად დიდ პასუხისმგებლობასაც მოითხოვს. ლექსი, რომელსაც არ გააჩნია რაღაც მოულოდნელი და მნიშვნელოვანი აზრობრივ-ემოციური მუხტი, პოეზია არ არის.

ჩემი აზრით, ვცდებით, დიდად ვცდებით, როდესაც ზოგჯერ ვსაყვედურობთ პოეტებს, განსაკუთრებით სიტყვაძუნწ პოეტებს, ცოტას წერათო ამა და ამ თემაზე, ამა და ამ საკითხებზე.

პასუხისმგებლობის გრძნობით გამოწვეული სიტყვაძუნწობა მისასალმებელია...

ნუ დაივიწყებენ „სიუხვით“ გატაცებული ავტორები, რომ მკითხველს მხოლოდ რჩეული და საუკეთესონი სურს იხილოს. და თუ უღიმდამო ლექსს გულგრილად დაეხვდებით, — პოეზიის დიდ სიყვარულად უნდა ჩაგვეთვალოს და არა მტრობად!..

სამახსოვრო სტრიქონები

როგორ შეიძლება, დაეკარგოთ გაბნეული სტრიქონები დიდი პოეტისა, ვინაც ერთხელ თქვა და ათასჯერ დაამტკიცა:

არაფერი არ არის ჩემში არაქართული,
ძაფი ნერვის არ არის ჩემში არაპოეტის.

რაც უნდა იყოს, მისი სტრიქონები მაინც გაიელვებენ გალაკტიონურად, გაიელვებენ და გაგვახარებენ.

გაბნეულ სტრიქონთაგან ქვემოთ ვაქვეყნებ რამდენიმე სამახსოვრო სტრიქონს — მცირე მოგონებით.

გალაკტიონი გულითადად მეგობრობდა მწერალ მარიამ გარიყულს, რომელიც ცხოვრობდა იმავე სახლში (მარჯანიშვილის ქ № 4), სადაც ცხოვრობდა თვითონ პოეტი, გალაკტიონს უყვარდა შეხვედრა და საუბარი მარიამთან, რამდენჯერმე მეც მქონდა შემთხვევა დაესწრობოდი გალაკტიონის სტუმრობას მარიამის ოჯახში. ერთ-ერთი ასეთი სტუმრობის დროს გალაკტიონმა სახელდახელოდ დაუწერა სამახსოვრო ლექსი მარიამის პატარა შვილიშვილს — უტანდარს, რომლის მამა ომში დაიღუპა. როგორც მინაწერიდანაც ჩანს, ეს იყო 1947 წლის 26 ნოემბრის საღამოს.

აი, ეს ლექსიც:

უტანდარს

დიდება ივერიისა
თვით რუსთაველმა მოკონა.
სამშობლო პირველ ყოვლისა,
ჩემო პატარა გოგონა!

26 ნოემბერი, 1947 წ.

იმავე გოგონასთვის უძღვნია პოეტს 1949 წელს შემდეგი ლექსი:

უტანდარს

არის. უტანდარ, ქვეყანა ერთი.
ყოველი ქვეყნის სწორი ვით ღმერთი, —
სახელად ჰქვია მას საქართველო,
უტანდარ, ექმენ მას სასახელოდ!

ერთხელ მარიაში შეუძლოდ ყოფილა. მას უთხოვნია თავისი რძლის — გულიკო (ქეთევან) მეტრეველ-რატიანისათვის და დისშვილის — მარგარიტა წეროძისათვის — დაეკრათ ფორტეპიანოზე და ემღერათ ძველებური ქართული სიმღერები. ამ დროს მოსულა გალაკტიონი და მისი თხოვნით ახალგაზრდებს რამდენჯერმე გაუშეორებიათ ცნობილი „ახ, მეზურნევე“, ბოლოს, გალაკტიონს აი ეს ლექსი უძღვნია მათთვის:

გულიკოს (ქეთევანს) მარგარიტას

სული შეურეველობისა —
„თქვენთვის ისევ „ცისკარია“.
ასმა განვლო წელმა, დღესაც
მესმის, თითქოს სიზმარია:
„თუ ხარ საქართველოს შვილი,
დაჰკა გრძნობით დაირასა“,
ნუ გგონია რომ ეს გული
სამუდამოდ დაირაზა.

1949 წ. 18/II.

ამ ლექსის დედანი — გალაკტიონის ხელნაწერი — გადმომცა ექიმმა გულიკო მეტრეველ-რატიანისამ.

მწერლის სიყვარული

(ფიქრები კ. ლორთქიფანიძის წერილების წიგნზე „სიყვარულმა მათქმევინა“)

მოცულობით წიგნი დიდი არ არის — სულ შვიდ თაბახ-ნახევარია, მაგრამ თავის ფურცლებზე აღძრული საგულისხმო საკითხებით საკმაოდ ვრცელია. ეს არის კონსტანტინე ლორთქიფანიძის პუბლიცისტურ-ესეისტური, ლიტერატურულ-კრიტიკული და ლირიკული (ავტორი რომ კათეებს უწოდებს) ჩანაწერების კრებული „სიყვარულმა მათქმევინა“ (გამომცემლობა „ნაკადული“). სხვა მნიშვნელოვან ავკარგიანობასთან ერთად წიგნი ყურადღებას იქცევს ენერგიული, თუ შეიძლება ანე ითქვს. თავისებურად დაძაბული სულისკვეთებით.

წიგნში მიწის მძაფრი სუნი ტრიალებს, შემთხვევით როდი იხსნება იგი დამახასიათებელი სახელწოდების წერილით „დაუბრუნდეთ მიწას“.

ამ სათაურს, ამ მოწოდებას, რასაკვირველია, არსებითად, შინაარსობრივად არაფერი აქვს საერთო ეგრეთ წოდებულ მიწასთან დაბრუნების რუსოისტულ თუ სხვა მძაგვარ საკმაოდ ძველ მოძღვრებასთან. აქ მხოლოდ გარეგნული, შინაარსისადმი ნეიტრალური ფორმის უნებური დამთხვევაა. ნამდვილად კი აქ საქმე ეხება ჩვენი დროის ახალ ვითარებას, ახალ პრობლემას. ახალ საკირობოროტო საკითხს.

ჩვენი ლიტერატურული ცხოვრების რომელიღაც ძარღვში, რომელიღაც ნაკადში მწერალი გრძნობს რაღაც საგანგაშოს. ამიტომაც წერს იგი: „უნდა დაუბრუნდეთ მიწას, უნდა დაუბრუნდეთ ჩვენს ძირებს და აღვადგინოთ ის გაწყვეტილი ნიადაგური ძარღვი, ურომლისოდ ქართულ მწერლობას არსებობა არ შეუძლია“.

ეს ფრიად საგულისხმო დებულებაა, შესაძლოა. — ერთობ მკაცრი ბრალდებაც, ძირებისა თუ ფესვების უგულვებელყოფა არასდროს კარგის მომასწავებელი არ შეიძლება იყოს. მწერალი დაბეჯითებით ირწმუნება, რომ შემოქმედების თავანკარა სათავე იმ განკუდებსა და წარმოსახვებშია, პირველად რომ გაუღვიძებია და აღუძ-

რავს შენს სულიერ არსებაში შენს სოფელს, შენს ქალაქს, შენს მიწა-წყალს, შენს ღვიძლ ადამიანებს. ამ კუთხიდან, ამ გარემოდან გადისარ შენ დიდ საქვეყნო გზაზე. თითქოს ერთობ ძველთაძველი და ბევრჯერ განმეორებული ქეშმარიტებაა, მაგრამ მწერალი საჭიროდ ნიიხნევს თავისებურად კვლავ და კვლავ გაიმეოროს, რომ ყოველა ქეშმარიტი და ცხოველმყოფელი შემოქმედება იქ იწყება, სადაც იწყება შენი პირველი ხილვა ქვეყნიერებისა, შენი სამშობლო კუთხისა.

მწერალი შემოქმედების ნიადაგობრიობის თავგამოდებული ქობაგია.

უნიადაგო, ანუ, თუ შეიძლება ასე ითქვას, ნასესხები ფორმებითა და ხერხებით, რასაკვირველია, შესაძლებელია ლიტერატურისა და ხელოვნების ნაწარმოების შექმნა, მაგრამ გარეგნულად იგი რა ფერადოვანიც უნდა იყოს, არსებითად ყოველთვის უსურნელო და უმწიფარ ნაყოფს ემსგავსება. ვერ იქცევა დიდი ეროვნული მხატვრული საგანძურის აუცილებელ ღირებულებად. ხალხის ცხოვრების და მართალი გზის მანიშნებლად. მწერალი არ ერიდება თავისებურ უტილიტარულ დასკვნებს: „მწერლები კი ქვეყანაზე იმიტომ გაჩნდნენ, რომ კაცი თავისი სიმართლის გზაზე გაიყოლიონ“. თავის ლიტერატურულ-ესთეტიკური შეხედულებების დასასაბუთებლად მწერალს საკმაოდ შთამაგონებელი და დამაჯერებელი მოსაზრებები აქვს წამოყენებული.

დამახასიათებელია, რომ წიგნში თავის ლიტერატურულ-ესთეტიკური მრწამსის საკითხს მწერალი ბუნებრივად უკავშირებს ჩვენი დღევანდელი სოფლისა და ქალაქის ურთიერთობის საკითხს, კერძოდ ქართული საკოლმეურნეო სოფლის განვითარებისა და სოფლად ახალგაზრდობის ფეხმოკიდებისა თუ დაფუძნების საკითხს.

არსებითად ეს პრობლემა დიდი ისტორიულ-საზოგადოებრივი მნიშვნელობის პრობლემაა. ამ საკითხს მრავალი განტოტება აქვს, მათ შორის იგი გვერდს ვერ აუვლის ჩვენი სულიერ-კულტურული ცხოვრების ეროვნული თვითმყოფობის საკითხსაც. შემთხვევითი არ არის შეშფოთება, რაც იგრძნობა ქართულ ლიტერატურაში იმის გამო, რომ ჩვენს სოფელს სტოვეებს ახალგაზრდობის საგრძნობი ნაწილი.

ჩვენი სოფლისა და ჩვენი ახალგაზრდობის ურთიერთობა საკმაოდ მწვავედ არის წამოჭრილი ჩვენს განსახილველ წიგნშიაც. წიგნის ავტორი გაკვირით ლაპარაკობს იმაზე, რომ საქართველოში სოფლისა და ქალაქის ურთიერთობას ისტორიულად ერთგვარი სპეციფიკური თავისებურება ახასიათებდა. მაგრამ, სამწუხაროდ, ეს დე-

ბულება წიგნში არ არის საკმაოდ გაშუქებული და დასაბუთებული. ამიტომ მას წიგნის ლიტერატურულ-კონცეფტუარ სტრუქტურაში არსებითი ფუნქცია არც აკისრია.

ჩვენც საკითხს მხოლოდ ზოგადი კანონზომიერების თვალსაზრისით შევხებით. სათანადო მეცნიერებაში საკმაოდ ვრცლად და ღრმად არის გაშუქებული უდიდესი ისტორიული პროცესი კაცობრიობის განვითარებაში ფიზიკურ და გონებრივ შრომას შორის, ქალაქსა და სოფელს შორის, შრომის დიდი წინააღმდეგობრივი განაწილებისა. ცნობილია, რომ ეს იყო ადამიანთა და მათი სხვადასხვა წრეების ნება-სურვილისაგან დამოუკიდებელი ობიექტური ისტორიული პროცესი, ისტორიული აუცილებლობა. ამ აუცილებლობის დაძლევა თუ წარმართვა შესაძლებელი იყო მხოლოდ ადამიანთა საზოგადოების მთელი სოციალ-ეკონომიური და კლასობრივ-პოლიტიკური სისტემის ძირფესვიანად შეცვლასა და გარდაქმნასთან ერთად. ეს გარდაქმნა განხორციელდა დიდი ოქტომბრის რევოლუციის შედეგად. ამიტომ ფიზიკურ და გონებრივ შრომას შორის, სოფელსა და ქალაქს შორის შრომის განაწილების წინააღმდეგობრივი პროცესი თვისობრივად შეიცვალა არა ანტაგონისტურ, არა წინააღმდეგობრივ პროცესად. ახლა ჩვენს სინამდვილეში, როგორც ცნობილია, მიმდინარეობს სოფლისა და ქალაქის, ფიზიკური და გონებრივი შრომის არა წინააღმდეგობრივი განვითარება, არამედ მათი ჰარმონიული დაახლოება და შერწყმა. ამიტომ ჩვენს პირობებში, შესაძლოა ეს ობიექტური პროცესი ადამიანთა შეგნებული ჩარევით წასამართავი პროცესიც იყოს. ყოველ შემთხვევაში, ჩვენს პირობებში სხვაობა სოფელსა და ქალაქს შორის, ფიზიკურ და გონებრივ შრომას შორის, როგორც უკვე ითქვა ზემოთ, არ არის მტრული თუ წინააღმდეგობრივი სხვაობა.

მაგრამ ამავე დროს არაერთარ შემთხვევაში მართებული არ იქნებოდა გამოგვერიცხა გარკვეული ობიექტური კანონზომიერება ამ სხვაობიდან, ამ ურთიერთობიდან ჩვენს სოფელსა და ქალაქს შორის, არა, რასაკვირველია, ჩვენი ცხოვრების ამ პროცესშიაც, ამ ნაკადშიაც უეჭველად არსებობს გარკვეული ობიექტური კანონზომიერება, რაც ყოველთვის როდია დამოკიდებული ჩვენს კეთილ სურვილებზე, ყოველ შემთხვევაში, არ შეიძლება მხედველობიდან გავუშვათ ობიექტური პროცესები, რომლებიც უბრალოდ კეთილ სურვილებს როდი ემორჩილებიან, არამედ ღრმა მეცნიერულ დასკვნებს ძალუძთ შეიტანონ გარკვეული კორექტივები მათს აუცილებელ მდინარებაში.

აი ამგვარი ობიექტური კანონზომიერება ზოგჯერ ავიწყდებათ

ქარბი ემოციური და შემოქმედებითი ბუნების ადამიანებს თავიანთ მგზნებარე და გრძნობიერ გატაცებაში... ამ მწვავე საკითხებს საკმაოდ საფუძვლიანად ეხება ამ კარგი წიგნის ავტორი, მაგრამ ჩემი დაკვირვებით, ნაწილობრივ ვერც ის აცდა ერთგვარ სუბიექტივიზმს და მხედველობიდან გაუშვა გარკვეული ისტორიული პროცესი.

აქვე ვიტყვი ზოგიერთ საკომპანო პარადოქსზეც. უეჭველად საკომპანოა, მაგალითად ასეთი დებულება: „ცხოვრებას კი ერთი დიდი კანონი აქვს, — მიწა იმისია, ვინც იმ მიწას ამუშაავებს. ქარხანა იმისია, ვინც იმ ქარხნის დაზგასთან დგას...“

მე მესმის, რომ ყოველი ფრაზა საერთო კონტექსტში უნდა განვიხილოთ, მაგრამ აქ მოტანილი დებულება საერთო კონტექსტშიაც ვერ არის მთლიანად მართებული, რასაკვირველია, დღევანდელი ჩვენი პირობებისათვის, დღევანდელი საქართველოს სინამდვილისათვის ამ ერთგვარ აფორისტულ თქმას აქვს გარკვეული აზრი და საგულისხმო ქვეტექსტიც. მაგრამ დიდი ისტორიული გამოცდილების თვალსაზრისით იგი მართებული არ არის.

ამ წიგნში მოთავსებული ლიტერატურულ-კრიტიკული წერილებიდან, ჩემი აზრით, პირველ ყოვლისა, ყურადღებას იქცევს „სიტყვა თედო რაზიკაშვილზე“. ამ წერილში ერთგან ნათქვამია: „ბუნების ფერწერა თედო რაზიკაშვილის შემოქმედებაში ძველი ქართული სიმღერების ემოციურ სიღრმეს აღწევს. ვაჟა-ფშაველასა და ყაზბეგის შემდეგ ქართულ მწერლობაში მე არ მეგულება ისეთი მხატვარი, ამდენი უზუნარი საღებავი, ასეთი მდიდარი ლექსიკა რომ ჰქონდეს ჩვენი მთიანეთის დიდი მრავალფეროვნების, მისი გასაოცარი კონტრასტების, მისი ჩრდილისა და სინათლის დაუსრულებელი თამაშის გადმოსაცემად. მისი დახატული ბუნება ჩვენ გვატყვევებს თავისი სიმართლით, დიდი სიცხადითა და ადამიანის სულიერ ცხოვრებაში უშუალო მონაწილეობით“. მთელი წერილი-პორტრეტიც ამ ამოსავალი დებულებების დამაჯერებელი დასაბუთებაა.

კარგი გულთბალი სიტყვა არის თქმული წიგნში უდროოდ დაღუპულ შესანიშნავ ქართველ საბჭოთა მწერალზე — აკაკი ბელიაშვილზე, ვინც ერთმა პირველთაგანმა განასახიერა ქართულ საბჭოთა მწერლობაში მუშათა კლასის თემა.

საყურადღებოა წერილი, რომელიც მოკლედ, მაგრამ დიდი სიყვარულით და შემოქმედის გულმოდგინებით განიხილავს ნოდარ დუმბაძის ცნობილი ნაწარმოების „მე ვხედავ მზეს“ ზოგიერთ მხატვრულ თავისებურებას, ფერების მდიდარ პალიტრას, მწერლის დახვეწილ პლასტიკურ ხედვას. ამის საბუთად ავტორს საკმაოდ მაგალითები მოაქვს, ამავე დროს, ჩემი აზრით, რამდენადმე პრობლემატურია წე-

რილის ავტორის მოსაზრება დეზერტირი და ყაჩაღი დათიკოს სიუჟეტური ხაზის ფინალის შეფასებასა და გაგებაში.

მკითხველის ყურადღებას უეჭველად მიიქცევს სადად, ძალდაუტანებლად და კარგი გრძნობით დაწერილი პატარა წერილი „ნაჩუქარი წიგნების ნახმევი“. ამ წერილში, მოკლედ, მაგრამ გულისხმიერად არის დახასიათებული საუცხოო შრომის „სამცხის ხუროთმოძღვრული ძეგლები“ ავტორი აკადემიკოსი ვახტანგ ბერიძე და ჟანრობრივად მრავალფეროვანი, უდავოდ ხალასი ნიჭითა და ქართული ენის დიდი მადლით დაჭილდოებული მწერალი და მოღვაწე გიორგი ნატროშვილი. ამ წერილში ჩაქსოვილია შეუმუსრავი წრფელი გრძნობა.

ამ წიგნში ზოგიერთი სხვა მოღვაწეც არის მოხსენებული კეთილად და დახასიათებული სხარტად. მაგრამ საკმაოდ ნიშანდობლივად და წრფელად.

წიგნს მგრძნობიერად და აზრიანად ამთავრებს ერთი კარგი მოგონება — „ტიციან ტაბიძის ერთი წერილის გამო“. ტიციან ტაბიძის საყურადღებო მეგობრულ წერილს წინ მიუძღვის წიგნის ავტორის თავისებური ლირიკული აღსარება. ამ წერილიდან წამოსულ სუედიან შემოღამებაში მკითხველი იგრძნობს პოეზიის სუფთა ნიავის ქროლვას.

წიგნს, რომლისთვისაც კონსტანტინე ლორთქიფანიძეს თავისებურად შეურქმევია — „სიყვარულმა მათქმევინა“, ძალუძს საგულისხმო ფიქრები აღუძრას გულისხმიერ მკითხველს.

ერთი ნაწარმოების სულისკვეთებისა და მისი გენეტიკური სათავის გამო

თუ ოდენმე იმის მტკიცებას, რომ საქართველო უპირატესად პოეზიის ქვეყანაა, რაიმე საფუძველი გააჩნდა, დღეს ეს საფუძველი უდავოდ აღარ არსებობს. ეჭვი არ არის, რომ თავისი დროის ქართული სამყაროს ესთეტიკური ათვისების თვალსაზრისით „ვეფხისტყაოსანს“ ბადალი არ მოეპოვებოდა. შესაბამის დროთა პოეტური ანარეკლის თვალსაზრისით თითქმის იგივე ითქმის ბარათაშვილის, ილიას, აკაკის, ვაჟას შემოქმედებაზე. ეჭვი არ არის, რომ მათს დროში სხვა ქანრი მხარს ვერ უსწორებდა მათ პოეზიას. მაგრამ, ჩემი აზრით, ეს აიხსნებოდა, უწინარეს ყოვლისა თვით მათი დროის და ამავე დროს თვით მათი ქვეყნის რალაც განსაკუთრებული ვითარებით, განსაკუთრებული ნიშნით, უკეთ ვთქვათ, ჩვენი ქვეყნის განვითარების გარკვეული საფეხურის შინაარსით.

ვფიქრობ, სადავო არ იქნება, თუ ვიტყვით, რომ მხატვრული შემოქმედების ყოველი ფორმა, მათ შორის ყოველი ქანრიც, არსებითად იმ მოთხოვნებით არის განპირობებული, რომელთაც ამა თუ იმ ქვეყნის ისტორიული განვითარების შესაბამისი საფეხური წამოაყენებს ხოლმე. ამა თუ იმ შემოქმედს, შესაძლოა, კიდევაც ეგონოს, რომ თვითონ პირადად სრულიად თავისუფალია თავისი შემოქმედების გვარობათა თუ ფორმათა არჩევანში, რომ მას პირადად დროისა და გარემოებისაგან დამოუკიდებლად მოაქვს თავისი საკუთარი, პიროვნულად განუმეორებელი მხატვრული სამყარო. მაგრამ ეს მხოლოდ ილუზია იქნება. რასაკვირველია, ყოველი დიდი და ქვეყნარბი მხატვრული შემოქმედება ინდივიდუალურად განუმეორებელი და განსხვავებულია. მაგრამ იგი არავითარ შემთხვევაში არ არის შემთხვევითი მოვლენა. მას უამრავი ფესვი აქვს გამდგარი ქვეყნისა თუ ქვეყნიერების ნიადაგში... ამიტომაც გულდაგული შემოწმებისას აღმოჩნდება, რომ ყოველი ცალკეული შემოქმედის „საკუთრებას“ ყოველთვის ჰყავს არა მარტო ისეთი უცილობელი მოზიარე, როგორცაა დრო, ეპოქა, არამედ სისხლწორცეული სუ-

ლიერი ნათესავეებიც. გინდა არ გინდა, არა მარტო დროის სულის-კვეთებაა დაჟინებული მოკარნახე სულიერი განწყობილებსა (ზოგჯერ აშკარა და პირდაპირი, ზოგჯერ ჩუმი და შეშპარავი), არამედ უფრო შორეული და მალული ფსიქიკური, უკეთ ვაქვიათ, სულიერი გენებიც.

სანამ ერთ გენეტიკურ სათავეს შევეხებოდე, მინდა, აღვნიშნო, რომ ჩვენი დროის ქართული ლიტერატურის განვითარებაში მრავალი საგულისხმო სიახლე შეიმჩნევა. მაგრამ, ვფიქრობ, შევცდებოდით, თუ ამ სიახლეებს მხოლოდ სუბიექტური მიზეზებით ავხსნიდით და მხოლოდ ცალკეულ შემოქმედებს ან მხოლოდ რომელიმე ერთ თაობას მივაწერდით მათ.

რასაკვირველია, ყოველი ჭეშმარიტი შემოქმედი, როგორც ზემოთ ვთქვით, თავისი განუმეორებელი პიროვნული კუთხიდან აღიქვამს და გამოხატავს გარემოს, მოვლენებს. მაგრამ ეს სრულიადაც არ გამორიცხავს იმას, რომ ყოველ სიახლეს მხატვრული შემოქმედების სფეროში, ისე როგორც საზოგადოების მთელი სულიერი ცხოვრების სფეროში, საბოლოო ანგარიშში განსაზღვრავენ და განაპირობებენ თვით საზოგადოებრივი ცხოვრების განვითარების ძირითადი ტენდენციები, თვით ეპოქის სიღრმისეული მოვლენები.

ყოველ შემოქმედებითს პროცესსა თუ მოვლენას, რა განუმეორებელიც და განსხვავებულიც უნდა იყოს ის, ალბათ. ყოველთვის შეესაბამება დროისა და ქვეყნის გარკვეული სულიერი ატმოსფერო, ხალხის, საზოგადოების, ერის სულიერი ატმოსფერო, ხალხის საზოგადოების, ერის სულიერი ცხოვრების გარკვეული თუ განსაზღვრული ვითარება. საბოლოო ანგარიშში ყოველი ეპოქა თავის განსაზღვრულ სულიერ-ესთეტიკურ, უკეთ ვთქვათ, თავის განსაზღვრულ მხატვრულ ამოცანებს სახავს. და, მე მგონია, თვით უდიდესი და განუმეორებელი გენიოსიც კი ვერ გადაახტება თავისი ეპოქის შესაძლებელ საზღვრებს, ვერ გადასწყვეტს ისეთ მხატვრულ ამოცანას, რაც მის დროსა და მის ქვეყანას არც კი დასიზმრებია. თავისი დროის გასწრება დიდ შემოქმედს მხოლოდ იმდენად შეუძლია, რამდენადაც შესაძლებს თვით ამ დროში ჩასახულ მომავლის მიკვლევას.

ვფიქრობ, ქართული ლიტერატურის ყოველი გულწრფელი მოყვარულისათვის არ შეიძლება, სასიამოვნო არ იყოს ის ფაქტი, რომ ქართველი მწერლის — ნოდარ დუმბაძის სახელი შორს გავარდა და გახმაურდა. თუმცა უნდა ვთქვა, რომ განხაჟდება, რასაკვირველია, ლიტერატურული ნაწარმოების ორგანულ, შინაგან თვისებად არ ჩაითვლება და, მაშასადამე, ყოველთვის როდი გამოდგება

მისი ღირსებისა თუ ხარისხის ნიშნად. მაგრამ ამ შემთხვევაში, ჩემი აზრით, გახმაურება შეესატყვისება თვით ლიტერატურული მოვლენის ხარისხსა თუ ღირსებას.

ცნობილია, რომ ნოდარ დუმბაძემ — ქართული მწერლობის ომისშემდგომი თაობის ერთ-ერთმა ფრიად თვალსაჩინო წარმომადგენელმა — მწერლობა პოეზიით დაიწყო. და, მიუხედავად იმისა, რომ დღეს თითქოს ირონიულადაც კი იხსენებს თავის პოეტურ წარსულს, იგი ურიგო ლექსებს როდი წერდა... მაგრამ, როგორც ჩანს, ის ცხოვრებისეული მასალა, ის სულიერი გამოცდილება, რაც მწერალს სათქმელად დაუგროვდა, მოითხოვდა სხვა ენარს, სხვა ფორმას. თუმცა ნოდარ დუმბაძის პროზა ახლოსაა პოეზიასთან, უკეთ ვთქვათ, იგი არსებითად პოეტური პროზაა. ამ პროზის ზოგიერთი ნაკვეთი თითქოს მართლაც თეთრი ლექსია, სავსე რაღაც განსაკუთრებული ლირიზმითა და პოეტური მღელვარებით. შეიძლება ითქვას, რომ მწერალი თავისებურად აგრძელებს ქართული რეალისტური პროზის, თუ შეიძლება ასე ითქვას, პოეტურ-ლირიკული ნაკადის კარგ გამოცდილებას. მე ასეც მეჩვენება, რომ საღღაც მის ნახელავში იგრძნობა რაღაც შორეულად ნათესავერი ქოლა ლომთათიძის მოთხრობების ლირიკულ-ინტიმურ ინტონაციასთან. ნოდარ დუმბაძისათვის უფრო დამახასიათებელია სახე-განცდა ანუ მღელვარე ლირიკული დამოკიდებულება, ვიდრე სახე-ქვრეტა, ანუ გულმშვიდი ეპიური დამოკიდებულება ქვეყნისადმი. რასაკვირველია, ამ უაღრესად პირობითს ცნებებში. მხოლოდ აქცენტებს, მხოლოდ ნიუანსებს ვგულისხმობ და პირადად მე არავითარ გარდუვალ ზღვარს არ ვავლებ ხელოვნების ემოციურ და ინტელექტუალურ მხარეებს შორის.

გარკვეული სოციალურ-ისტორიული კანონზომიერებანი, რასაკვირველია, მხატვრული ლიტერატურის განვითარებაშიაც მოქმედებენ. ამ კანონზომიერებათა ძალით განვითარების ამა თუ იმ საფეხებზე, ქვეყნის მდგომარეობის შესაბამისად, ხმარებიდან გამოდინან ან უკმარისი ხდებიან სამყაროს მხატვრული ათვისების ესა თუ ის ფორმები, ხერხები და საშუალებები (ზოგადი კანონზომიერება, რასაკვირველია, არ გამორიცხავს „შემთხვევითსაც“ ანუ პიროვნულსა და განუუმერებელს). ლირიკულ-პოეტური პროზა კი ჯერ არავითარ შემთხვევაში არ შეიძლება, მიეკუთვნოს უკვე ყავლგასულ ფორმებს. პოეტური პროზა, ისე როგორც მელოდიურ-ლირიკული ლექსი, ჯერ კიდევ რჩება (და ალბათ დიდხანსაც დარჩება) თანამედროვეობის მხატვრული ათვისების საკმაოდ მარჯვე და ტევად ფორმად. ამის თვალსაჩინო და დამაჯერებელ მაგალითად შეიძ-

ლება, მივიჩნით ნოდარ ღუმბაძის შემოქმედება. ამ მწერალმა ქართულ ლიტერატურაში უეჭველად მოიტანა რაღაც განუმეორებლად თავისებური, მოიტანა გულიან სიცილში გადამავალი კეთილი ღიმილი, სიკეთისა და კაცთმოყვარეობის თავისებური განცდაც და, თუ გნებავთ, დიდი ტკივილის განსხვავებული გრინობაც. მწერალმა კეთილი და უშხამო ჰუმორით წამოიწყო ჩვენი საუკუნის შუახანის ახალგაზრდა ქართველი კაცის, ისტორია. ეს ახალგაზრდა კაცი — თავისი დროის საკმაოდ მგრძნობიარე ნერვად ქცეული — მწერლის ერთი ნაწარმოებიდან გადადის მეორეში, მესამეში და ასე შემდეგ. ამ ყმაწვილის ბავშვობის წლები თითქმის ყოველთვის დასუსხულია რაღაც მწარე ხვედრით, მწარე თავგადასავლით. თუ „მე, ბებია, ილიკო და ილარიონში“ იგი ღვთისპირიდან გადავარდნილი ზური-კელა ვაშალომიძეა, „მე ვხედავ მზეში“ ენაკვიმატი სოსოია მამალაძეა, „მზიან ღამეში“ — თეძურ ბარამიძე, „ნუ გეშინია, დედაში“ — ავთო ჭაყელი და ა. შ. — ეს ახალგაზრდები, როგორც ზასიათები, როგორც სოციალური ტრაპები, არსებითად თითქმის ერთმანეთის ორეულებია თუ ერთმანეთის გაგრძელება.

მოდო, მივიხედოთ მათი ცხოვრების სათავეებისაკენ, გავყვეთ მათ მათს გარემოში, შევიხედოთ თუნდაც დღევანდელი გურიის ზოგიერთ ნაწილს სოფელში. შეიძლება, ჩვენ იქ გადავეყაროთ ნამდვილ ილიკოს, ილარიონს, ბებია ოლღას, მამიდა ქეთოს, მერის, ხატიას (შესაძლოა, ის ყოველთვის ბრმა არ იყოს), ბაბილოს, ბეჟანას და ნაყაჩაღარ-ნაღებურტირალ დათიკოსაც კი. მართალია, ჩვენ მათ, როგორც ლიტერატურულ პერსონაჟებს, უმთავრესად ომისა და ომისშემდგომდროინდელი ფსიქოლოგიური რეფლექსებით, განწყობილებებით და საქციელებით ვიცივობთ. მაგრამ გასაკვირი არაფერი იქნება თუ მათი სულიერი თვისებებზე, ბუნებისა და ხასიათის ადამიანებს დღესაც შევხვდებით. კიდევ მეტი: ასი წლითაც რომ შეგვეძლოს უკან დახევა, შესაძლოა, ილიკოებსა და ილარიონებს, ბაბილოებსა და მისთანებს იმ დროშიაც ვიპოვიდით. ყოველ შემთხვევაში, ზოგჯერ ასე მგონია, რომ მე ისინი მინახავს წინათ, დიდი ხნის წინათ, მათი ლიტერატურული ცხოვრების დაწყებამდე. ალბათ, ასე ძალუთ მომავლისაკენ ან წარსულისაკენ გაქრა რეალისტურ მხატვრულ სახეებს, მით უმეტეს, მართალ ეროვნულ ხასიათებს.

ჰოდა, დღევანდელ გურიაშიც ბევრი რამ გაგახსენებთ ზური-კელასა თუ სოსოიას მიერ დანახულსა და განცილს. ბევრ ენამოსწრებულ თუ ენაკვიმატ კაცსა და ქალს შეხვდებით თქვენ აქ; იფიქრებთ, სწორედ აქ შეუსისხლბორცებიან ამ ყმაწვილებს ბევრი რამე, მათ შორის თავისთავისაც და სხვათა და სხვათა გაკვივებისა თუ

გასასაცილოების ხერხები... აქ შეხვდებით ბევრი რთული და ჩახლართული ბუნების პიროვნებებს, მაკვარანცხებს თუ მაკვარანცხი ხასიათის ადამიანებს რომ ეძახიან. სახელდახელოდ მაგონდება ერთი მათგანი, ჰარმაგი კოლმეურნე. მას არასგზით არ უნდოდა კოლმეურნეობის საწყობიდან მიეღო კუთვნილი სიმინდი — 400 გრამი შრომადღეზე. თურმე ნუ იტყვით, კოლმეურნეობის დიდი წარმატება რომ აღენიშნა, რაიონულ გაზეთს დაებეჭდა, ამ კოლმეურნეობამ თვითეულ შრომადღეზე ორ-ორი კილოგრამი სიმინდი დაარიაგაო. აღნიშნული კოლმეურნეც სრულიად დინჯად და გაუცინებლად დასცინოდა ტრაბახა აგიტატორებს და დაეინებით გაიძახოდა, მე მინდა, ჩემი კუთვნილი სიმინდი რაიონული გაზეთის რედაქციამ მომირწყოსო... ასეთ მაკვარანცხებს საკმაოდ შეხვდებით სუფსის, გუბაზოულისა თუ ბახვისწყლის ნაპირებზე, მართლაც, მთელი დედამიწის ზურგზე ამ ერთობ განსხვავებული, გიჟმაჟი და წყალანკარა მდინარეების პირას, როგორც ჩვენი მწერალი იტყოდა ხოლმე. მართო ის რად ღირს, რომ გუბაზოულს ნაფიციარაში (ასე ჰქვია ერთ მთიან ადგილმდებარეობას ზემო გურიასში) უერთდება კიდევ უფრო მშვენიერი კალაშა — ჩქერებისა და კაქკაშა ფირუხისფერი მორევების ერთი გაბმული, თავბრულამხვევი სიმფონია — ბუტბუტი, ჩქრიალი თუ სიმღერა, სიცოცხლის გასათავამდე სულში რომ გებუდებათ. აქ, ახლომახლო სოფლებში ილიკოსა და ილარიონის ტოლებისაგან, ან უფრო ხნიერებისაგან, ან უფრო ახალგაზრდებისაგან, ან მათი შთამომავლებისაგან ათასნაირ უცნაურ ამბებს გაიგონებთ.

ამას წინათ ერთმა აქაურმა ხანდაზმულმა კაცმა, ჰროლა თვლებში ეშმაკური ღიმილი რომ უთამაშებდა, ექვმიუტანელ მართალ ამბად მოგიყვია:

„ჩვენი კალაშა პირდაპირ საზღაპრო მდინარეა. რამდენი დაუვიწყარი წუთი, რამდენი მღელვარება განგვიცდია მის ნაპირებზე თუ მის ჩქერებში. ვიამბობთ ჩემს ერთ თავგადასავალს, რაც შემემთხვა ამ მდინარეზე. თოთხმეტ-თხუთმეტი წლისა ვიქნებოდი, როცა ერთ ზაფხულის დღეს რამდენიმე ჩემ ტოლ ბიჭთან ერთად სათევზაოდ წავედი კალაშაზე. არც სასროლი ბადე გვქონდა და არც ანკესები. ხელით უნდა გვეთევზავა. შევეუდექით საქმეს, ლოდებს ქვეშ ხელს ვყოფთ და ვეძებთ იქ თავშეფარებულ თევზებს. აგერ ვხედავ მდინარის შუაგულში უშველებელი წითელი ლოდი ძევს და ზედ ძლიერი ჩქერი გადაქუხს. ლოდის ძირში წყალი თითქოს დუღს, მერე ინარება. მე იმ ნარ წყალში შევტოპე, მინდა, ლოდქვეშა ღრუში ხელი შევეყო და მოვისინჯო, კალმახი ხომ არ არის შიგ გაწოლილი. მაგრამ, ლოდის ახლოს ჩქერში დიდ სლიპ ხის მორს გავეკარი. მორი

ორი მეტრი მანინც იქნებოდა, იგი თითქოს გაქანდა და წინ გაიწია, მერე ისევ თავის ადგილს დაუბრუნდა. მეუცნაურა. წყალში თვალგახელილმა ჩავყვინთე. ვხედავ, დიდი სლიპი მორი ფართო წითელყვითელი ფორეჯებით არის მოხატული. წყლიდან ზემოთ ამოვცურდი, სული მოვითქვი და ისევ ჩავყვინთე. ფორეჯებიან მორს ზელი მაგრად მოვუსვი, იგი ისევ წინ გაიწია. მივხვდი, რომ ეს ორმეტრიანი კალმახი იყო (ჩვენში ამბობენ: კალმახი ძალიან რომ გაიზრდება, ორავგულად გადაიქცევაო). თავი ამოვყავი, სული მოვითქვი და ბიჭებს გავძახე, — მიშველეთ, ათფუთიანი კალმახი არც გაწოლილი აგერ წითელ ქვასთან-მეთქი. სიცილი დამაყარეს, იქნებ ღორჯოა მაგი შენი კალმახიო. რაღა მექნა; მე ისევ დავყვინთე, ჩემს უზარმაზარ თევზს ლაყუჩების რკალები მოვუშებნე, თითებით გავეხსენი, ხელები ლაყუჩებში ჩავავლე, ზურგზე გადავაჯექი და თავი წყლიდან მაღლა ამოვწიე. ამ დროს კალმახი გაქანდა. გაქანდა საარაკოდ, თვალის დახამხამებაში ერთ აღაჯზე გამიტაცა ზევით, ჩქერებსა და ლოდებში. ერთხელ კიდევ ვუკვილე ბიჭებს, მაგრამ რაღას გავაგონებდ. ბედაურის ფაფარში ხელჩველებულ მოჭირითესავით მიმაქროლებდა უზარმაზარი კალმახი სულ ზევით და ზევით, მადგაფუნებდა ჩქერებში, მაყურყუმალავენდა შორევეებში. მსხლელები და წვოვები სულ დამეჯეჯა ლოდებზე და სიბებზე მიხეთქებით. თავი სულ ამოღერებული მქონდა, ხელები კი უფრო ღრმად და ღრმად შემქონდა თევზის ლაყუჩებში, ვმაგრობდი, მაგრამ ახლა უფრო შიშით, ვიდრე ვაყკაცობით. გავცდით თხემლარას, წიფნარას, წყაენარას და მოვადექით საოცარ უხტომს. დედამიწის ზურგზე ორი თვალი უკეთეს და უმშვენიერეს ვერაფერს ნახავს. ერთი პირობა კიდევაც გადამავიწყდა, რომ კალმახის ზურგზე ვარ გადამჯდარი და სადღაც მივქრივარ. ვხედავ, ოცი-ოცდახუთი მეტრის სიმაღლის პიტალო კლდეზე ქაჩის ქალის თმასავით გადმოკიდულა კამკამა მდინარე და გუგუნით ეცემა კლდის ძირას. ირგვლივ კი ერთი ქვევის სიფართოეზე თეთრი შეფეების ბურუსი დგას. შეფეებში ბევრი წვრილი თუ მსხვილი თევზი ხტება მაღლა, ალბათ უნდათ გადმოკიდულ წყალს აყენენ ზევით. მაგრამ ნურას უკაცრავად... ჩემმა კალმახმა კი არც აცოვა, არც აცხელა და მედგრად ამაცურა გადმოკიდებულ ჩქერში. კლდის ასათავში თითქოს ცოტა გაუქირდა, სარბოლა შეაწეწე (ვიფიქრე, გათავდა ჩემი და ჩემი კალმახის დღე და მოსწირება-მეთქი). მაგრამ მანინც აიტანა წელი და ერთ მომცრო მორევეში შემაცურა... ასე ამკუნა წყალ-წყალ ჩემმა კალმახმა ოცდახუთ-ოცდაათი კილომეტრის მანძილზე. უცებ გული ამიჩუყდა და გუნებაში ვთქვი: — განა შეიძლება აწვალო და მოკლა საოცარი სულიერი,

ვინაც ასეთი ძნელი, ხიფათიანი, მაგრამ შესანიშნავი გზა გამოგატარა, ასეთი მომხიბვლელი სილაძაზე გიჩვენა-მეთქი? თევზის ლაყუჩებიდან ხელები გამოვიღე, იგი უმაღვე გავარდა და ზურგიდან გადმომაცურა.

— მშვიდობის გზა გქონია-მეთქი! — მოვაძახე.

— შენც ღმერთმა ხელი მოგიმართოსო, — მომაძახა თითქოს...

მივიხედ-მოვიხედე. გამახსენდა, რომ უხტომის მიდამოებში ჩვენებური მეჯოგეები იყვნენ. მათ საძებრად გავსწიე დედამობილამ. მაგრამ ვაის გავეყარე და უის შევეყარეო. აგერ, ვხედავ ჩემსკენ მოაბობტებს უზარმაზარი დათვი. შიში მიჩვენე, გაქცევას გიჩვენებო. გავიქეცი უგზოუკვლოდ ლიწინ-ლიწინით. კარგა ხნის შემდეგ გულამოვარდნილმა უკან მოვიხედე, მაგრამ ვაი ჩემს დღეს, ვხედავ დათვი მეწევა. მოვიკრიბე ძალ-ლონე და შურდულივით გავქანდი. მაგრამ, კიდევ ვაი ჩემს დღესა და მოსწრებას, ამას რას ხედავს ჩემი თვალები: წინ ჩაუფსკრულებული ხრამია, ასი მეტრი მაინც იქნება მეორე ნაპირამდე. უფსკრულში ჩავილეწო სჯობს, ვიდრე დათვმა დაძვლიჯოს-მეთქი, — გავიფიქრე და გადავხტი; ვატყობ. სადღაც ჭურღმულში ვვარდები, მაგრამ უცებ ძალა მოვიკრიბე, ჰაერში ავიწიე და წინ გადავხტი, მაინც უფსკრულში ვვარდები. კიდევ ავიწიე ჰაერში და კიდევ გადავხტი, ახლა ვატყობ შუა უფსკრულში ვვარდები, კიდევ ავიწიე მაღლა და კიდევ გადავხტი, ჰაერში ასე ხტუნვა-ხტუნვით, როგორც იქნა, გადავხტი ხრამ-უფსკრულის მეორე ნაპირზე; უკან, გაღმისაკენ გავიხედე და დავინახე პირშიჩალავამოვლებული დათვი ხრამის პირას უკანა ფეხებზე შევდგარიყო და წინა თათებით თითქოს ტაშს მიკრავდა.

— აჯაშენა ღმერთმა, — გავძახე, — სადაც შენი თქვა, ჩემი ნუ დაგავიწყდება-მეთქი.

მგონი გამომძახა: — კარგო.

მერე ბევრი ვიხეტიალე ტყე-ღრეში და ბოლოს, როგორც იქნა, მივალწიე მეჯოგეების კარვებამდე. პირველად ტყის კაცი ვეგონე ჩვენებურ მწყემსებს და ტყვია კინალამ მკრეს. მაგრამ მალე მიცნეს. ტანზე რაღაც ძველმანები ჩამაცვეს... მესამე დღეს კი ერთი კოთხო კარაქი და ათი ცალი ჰყინტი სულგუნი მაჩუქეს და შინ დამაბრუნეს“.

ამ ამბის მომყოლი ხანდაზმული გურული საკმაოდ ნაკითხი კაცი იყო. მან ანა კალანდაძის ბევრი ლექსი იცოდა ზეპირად; რამდენიმე ლექსი კიდევაც წარმოთქვა თავისებურად, განსაკუთრებული გრძნობით წაიკითხა „შორია თამარ“ და „ომარ ხაიამ“... პოეტი ქალის დიდი ქება თქვა, მოიგონა მისი ბებია ანა, ბაბუა ანანია,

მამა პავლე, დედა მანია, მამიდები ნარო, ფოცია, ვარო, ბიძები — შოთა, ნესტორი... მე რე ნოდარ ღუმბაძის მშობლებიც გაახსენა; მისი პერსონაჟები და მათი პროტოტიპებიც დაასახელა... ზურიკელა ვაშალომიძეზე და სოსოია მამალაძეზე თქვა: „კარგი ბიჭებია, ბევრ სასაცილო რამეებს გვიყვებიან, ბევრს გვაცინებენ, თუმცა სამწუხაროც საკმაოდ არის მათს მონათხრობში... ისინი უეჭველად კარგად იცნობენ ამ ჩვენს მხარეს, ჩვენებურ კაცსა და ქალს, მართალიც დაეჭვრებათ და ზოგჯერ ტყუილიც კი... მაგრამ სოსოია რომ ამბობს, წვერამ, ტობმა და ქაშაპმა დაბოლათება იცისო, მგონი, მთლად მართალი არ არის. წვერამ კი იცის დაბოლათება, მაგრამ ტობისა და ქაშაპის ბოლათი მე არ მინახავს და, მგონი, არც არავის უნახავს. არც იმაშია მართალი სოსოია რომ ამბობს, დედალი ჩხართვი გალობდაო. ჩემი დაკვირვებით, დედალი არც ჩხართვი, არც შაშვი და არც თვით იადონიც კი არ გალობს. გალობენ მხოლოდ მამლები — წითელნისკარტა შაშვი, დედალთან შედარებით უფრო ენგისფერი წინწყლებით გულმობხატული ჩხართვი, უფრო მუქნაცარა იადონი...“

ბრემიც რომ სხვას ამტიციებდეს, ეს გურული ბერიკაცი ალბათ იმასაც გაეკამათებოდა. მაგრამ განა საოცარი არ არის, რომ კაცი, ვინც კალმახზე გადამჯდარმა ოცდახუთმეტრიანი დაკიდული ჩქერი აიჭირითა ან ასი მეტრი მანძილი ჰაერში ხტუნვა-ხტუნვით განვლო, ასეთ ჩაკირკიტებულ სიზუსტეს მოითხოვდეს? თუმცა მისთვის რომ გვეითხათ, ალბათ გეტყოდათ, ერთია სურათის გააღვირება, გამძაფრება, გაუცხოება და სხვა არაა ამკარა უზუსტობა, ამკარა უსწორობა...

განვაგრძოთ წილადობილა გენების ძიებისა. თუმცა გურია აფხაზეთივით არ არის განთქმული სეკოცხლის ხანგრძლივობით. მაგრამ გურიის ბევრ სოფელშიც — სადმე სუფსის, გუბაზოულის, ბახვისწყლის, ბეუჯის ან გურიის რომელიმე სხვა პატარა მდინარის პირას შეხედებით თითო-ოროლა ან წელს მიღწეულ, ზოგჯერ ას წელს გადაცილებულ მოხუცებსაც კი, ჭერ კიდევ საკმაოდ მაჯაგებსა და ჭკუა-გონებინებს, სასიამოვნო მოსაუბრეებსა და მოამბეებს. ერთი მათგანი, თითქმის უკვე ას წელს მიღწეული, მაგრამ გასაოცრად ფხიზელი გონებისა და ენაწყლიანი კაცი ამას წინათ გავიციანი. დავემგობრდით. მან მიაშო თავისი თავდადასაველი: „წისკილის ქვა არ მობრუნებულა ჩემს თავზე, სხვაფორე კი ყველა ქარცეცხლი და ჭოჯონეთი გამივლია. შვიდი ძმა ვიყავით: ყველა ახალთაობას ვეკუთვნოდით. დედაჩემი ივლიტაც არამტუ ჩვენი მიმდევარი, არამედ თითქმის მოთავეც კი იყო... ჭერ იყო და ნიკოლოზეს ჩამოგ-

დებას შევალეით ძალ-ღონე.. ერთხელ ჩემმა უფროსმა ძმებმა — მკედლებმა — გიგომ და აბესალომმა — წითელ პარასკევს სამკედლოში, გზის პირაა სუფრა გაშალეს და ქვეყნის დასაწახად შეკამეს შეწვევარი გოჭი... მაშინ ეს პირდაპირ დიდი ბუნტი იყო... სამსონა მღვდელმა მაშინ თურმე კიდევაც გადასცა ხატზე მთელი ჩვენი ოჯახი, ანტეპრისტები და ურჯულოები გვიწოდა... ამის შემდეგ დიდი დრო არ გასულა, რომ „სტრატეგებთან“ ერთი შეტაკების დროს ხელფეხიან მუხასთან მოგვიკლეს ერთი ძმა — კლდესავით ვაჟკაცი — აბესალომი. მისი დასაფლავებაც აჯანყებას ჰკავდა... მალე სანმა ძმამ — გიგომ, ვარდენმა და მე — ნასაკირალის ჩასაფრებაშიაც მივიღეთ მონაწილეობა. მაშინ თხუთმეტ-თექვსმეტი წლის ბიჭი ვიყავი. საჩუქართო გზით საქმელ-სასმელი მიმქონდა წითელ რაზმელებისათვის... ბოლოს მაინც დამარცხდა ჩვენი რევოლუცია. ეგზეკუციით ჩამოგვიყენეს ინგუშები. ოჯახი აგვიწიოკეს. ძმები ნაქალაქევის ტყეებში ვიმალებოდით... ორი ძმა მაინც დაიპირეს და გააციმბირეს. მე შემთხვევით გადავრჩი. არალეგალური ორგანიზაციის განკარგულებაში ვიყავი, როგორც ტერორისტი. მხოლოდ ერთი კაცის მოკვლის ცოცხა მადევს, ისიც საზიაროდ. მასწავლებელი იყო, არალეგალური ორგანიზაციის ერთობ მონდომებული და საქმიანი წევრი. თურმე მსხვილი ჯაშუში იყო. ბევრი კარგი ვაჟკაცი ჩაუგდო ხელში პოლიციას. მათ შორის ჩემი ძმებიც. ძალიან ფრთხილად მოქმედებდა, მთელი დასავლეთ საქართველოს არალეგალური ორგანიზაციის გაცემას აპირებდა. იჭვივუტანელად რომ დავერწმუნდით მის ჯაშუშობაში, გადაწყდა მისი მოკვლა. სამ კაცს დაგვაავალეს ამ საქმის შესრულება. ფრიად საიდუმლო პირებთან შეხვედრის საბაბით გავიტყუეთ სატურიას ტყეში. თოფისა თუ რევოლვერის გასროლა არ შეიძლებოდა. ყველა სოფელში ეგზეკუცია იდგა — ინგუშები და კახაკები. ტყის სიღრმეში რომ შევიყვანეთ, დაეჭვდა და უკან გამოქცევა დააპირა. სამთავე ვეცით, მაგრამ გაიბრძოლა, კინალამ გაგვექცა... ერთი დაბლავლება კიდევაც მოასწრო... მაგრამ თოკი მაგრამ წავუქირეთ ყელში... რაღა ბევრი გავაგრძელო, დავახრჩვეთ... კარგა ხანს ვთხრიდით სამარეს მალულად მოტანილი ბარებით... შემზარავი დამე იყო, ღრუბლიანი, ჯანლიანი, უმთვარო... მოხდა საშინელება. სამარესთან რომ მივათრიეთ, ერთი საზარლად ამოიხროტინა და მკლავები აქეთ-იქით გადაყარა... სამთავე კინალამ შევიშალეთ... ჰეჰ, რა საჭიროა ასეთი საშინელების გახსენება... ჩემი ორი ძმა უკვე ახლად დაწყებულ პირველ მსოფლიო ომში იყო წაყვანილი. მე კი ორ ფირალთან ერთად ხან ერთ სოფელს ვაფარებდი თავს და ხან — მეორეს, ხან კი — ტყე-ღრეს... ერთ ადგი-

ლას ჩვენ ჩაფრების დიდი რაზმი დაგვესხა თავს. ალბათ ვილაყამ
 გავგეცა. ატყდა ძლიერი სროლა. სულ დაცხრილეს ერთი სამზადი
 ფაცხა, რომელშიაც შემწყვედელი ვეგონეთ. ჩვენ კი შორიახლო
 ბუჩქებში ვიყავით გაწოლილი. თოფი არ გაგვისროლია, საჩუბათო
 ბილიკით ვაპირებდით გაქცევას... თითქოს კიდევაც ვიყავით გასუ-
 ლი სამშვიდობოზე, როცა ბრმა ტყვია დამეწია და თემოს ძვალი და-
 მიმსხვრია. ამხანაგებმა მაინც გამიტანეს სამშვიდობო ადგილას.
 ექვს თვეს ვაწევი ჩვენებური სააქციზო ბოქაულის სახლის სხვენზე.
 ბოქაული ვერ გავგეცემდა, რადგან ახალთაობის შურისგების ემინო-
 და. პოლიცია კი მასზე იქვს არ მიიტანდა. თვეში ორ-სამჯერ ღამ-
 ღამობით ჩემთან სამკურნალოდ მოდიოდა ჩვენი სოფლის ფერშა-
 ლი — ახალთაობის კაცი. შესანიშნავი ვაჟკაცი იყო. მოარშიყე ქა-
 ლები ჰქუას ჰკარგავდნენ მის გამო. სხვენზე ჩემი მკურნალობა
 ძლიერ გაჩნელდა. კრილობა საშიში ზღებოდა. გადაწყდა, სალდათის
 ტანისამოსი ჩაეცმათ, სადმე ომის ახლობელ ფრონტზე გავეყვა-
 ნეთ, რომ იქიდან ვითომ როგორც დაქრილი სალდათი თბილისის
 ერთ-ერთ ლაზარეთში მოვეთავსებინეთ. მართლაც წამიყვანეს ჩუ-
 მად ოსმალეთის ფრონტზე და იქიდან როგორც დაქრილი სალდათი
 მომიყვანეს თბილისში. მაშინ გოგირდის აბანოების ახლოს,
 მტკვრისპირას, ყოფილ ადელხანოვის ფეხსაცმლის ფაბრიკის შე-
 ნობაში სამხედრო ლაზარეთი იყო. მე იქ მომათავსეს და ჩემი თავი
 ჩააბარეს არალეგალური ორგანიზაციის წევრს, მოწყალეების დას —
 ნატალიას. ეს ნატალია შემდეგ ჩემი მეუღლე გახდა; იქ შევიყვარეთ
 ერთმანეთი... ბევრი გასაჭირი ვნახეთ, მაგრამ გავიხარეთ მეფის
 ტახტის დამხობით. სოფელში ახალგაზრდებს წითელი ქსოვილის ნა-
 ქერზე თეთრი ასოებით წაეწერათ — „მრავალტანჯულსა ივლიტეს
 ეღირსა თავისუფლება!“ და ჩემს მოხუც დედისათვის მიეკრათ
 ზურგზე. ცოტახანს მართლაც ბედნიერი იყო დედაჩემი. გადასახ-
 ლებიდანაც და ომიდანაც დაუბრუნდნენ შვილები. მეც თუმცა და-
 კოქლებული, მაგრამ ჯანმრთელი დაგბრუნდი ჩემი ნატალიათი. უმ-
 ცროსი ძმაც კარგად დაგვხვდა, უკვე საშუალოს ამთავრებდა. მაგრამ
 მალე დაიწყო დიდი განხეთქილება და დავიდარაბა ჩვენს ოჯახშიაც
 კი: ორი ძმა ბოლშევიკი, სამი ძმა მენშევიკი და ერთიც ფედერა-
 ლისტი იყო... რაღა ბევრი გავაგრძელო, დრომ თუ ქვეყნიერებამ
 ისე მოიქნია კუდი კი არა — ლახვარი, რომ დედაჩემი მაინც მრავალ-
 ტანჯულად ჩავიდა საფლავში. ძმათაგან მხოლოდ მე შემოვრჩი
 ქვეყანას. მოღლილი ცოტათი განზე გავდექი და ჟამთაველას თით-
 ქოს მხედველობიდან გამოვრჩი. კარგი შვილები დამეზარდნენ —
 ორი ვაჟი, ერთი ქალი. სამივეს უმაღლესი განათლება ჰქონდათ მი-

ლებული; შვილიშვილებიც კარგები გამიჩნდნენ... მერე კი დრომ დაგვრია ხელი. ჩემი ორი უმცროსი ძმა და ჩემი უფროსი ვაჟი მწარე დღეებმა თუ თვეებმა ისე შთანთქეს, რომ ნაკვალევიც არავინ იცის. ჩემს მეუღლეს მწუხარებამ ადრე ამოხადა სული, მე კი გადაღლებული ცას გამოვეყერე. უმცროსი ვაჟი ქერჩში მოპიკლეს ფაშისტებმა, სიბეც იქვე დამელუპა. ომის დამთავრებას თვეებიდა აკლდა, როცა საღდაც ბერლინის ახლოს დამელუპა საამაყო შვილი-შვილი — გმირი მფრინავი... ახლა დამრჩა ერთი ბედგამწარებული, უკვე ხანში შესული ქალიშვილი — დამსახურებული ექიმი და ორი შვილიშვილი — ორთავე ვაჟი — ერთი ვაჟიდან, მეორე ქალიდან. უმაღლესი უკვე დაამთავრეს. კარგებია, მაგრამ ვინ იცის, წინ რა ბედი უძევთ... ახლა თქვენ იანგარიშეთ, ვინ ვარ და რა ვარ... ჩემი გრძელი სიცოცხლე ისე ჩამაღდა ხელში, სიმართლე გითხრათ, ვერ გავიგე, რა რისთვისაა ამქვეყნად... უკვე ოთხმოცდაათ წელს გადაეცილდი და საოცარი ის არის, ზოგჯერ მეჩვენება თითქოს ყველაფერი გუშინ თუ გუშინწინ იყო, კარგიცა და ავიც, რაც თავს გადამხდია... ხან კი მგონია, რომ ნამღვილი მათუსალა ვარ, ცხრასი თუ ათასი წლისა... ზოგჯერ პირიქით, ასე მეჩვენება, ბევრი. სულ ბევრი თითქოს ხუთი-ექვსი წლის წინათ იყო შვიდი-რვა წლისას ტკბილად რომ ჩამეძინებოდა დედის მუხლებზე თავმიდებულს... თქვენ კი, ალბათ, გულში ფიქრობთ, რაებს ბოდავს ეს გადახჩუებული ბერიკაცი, ცას რომ გამოკერებია და სიკვდილს აღარ აპირებსო... იქნებ, მართლაც ცას ვარ გამოკერებული... მაგრამ არის ერთი ყველაზე სწორი და მართალი სიტყვა ქართულ ენაში: წუთისოფელი. მე არ ვიცი, თუ არსებობს რომელიმე სხვა ენაში ასე მართალი და ამაზე მართალი სიტყვა... ჰაი, დედასა!“

ასე დაამთავრა ერთი თავისი მოგონება ჩემმა ახლადგაცნობილმა მოხუცმა.

მკითხველი ალბათ წარბებს აზიდავს და გუნებაში გაიფიქრებს, რა კავშირი აქვს ამ წილადობილას განსახილველ ნაწარმოებთანო.

მე კი მოგახსენებთ: ეს ერთგვარი წილადობილია გენებისა. თანაც საკითხავია: ყველამ ერთნაირად რატომ უნდა დავიწყოთ და დავამთავროთ ჩვენი სათქმელი ამა თუ იმ ლიტერატურული ფაქტის გამო? ნუთუ არ შეიძლება ჩვენებურად ვეძიოთ შორს მიმავალი ფესვები მხატვრული სიტყვისა?

აქ საღდაც გენებში ილანდება ცქაფი, ფიცხი, გონებასხარტი, ენა მოსწრებული, მოკრიმანჭულე, მხიარული, მოჯანყე, გულდია, სტუმართმოყვარე, მოუსვენარი, მოქვეითინე, სევდიანი, მრავალჭირნაცადი, მსუბუქიც, მძიმეც და უცნაური გურია. ეს, რასაკვირვე-

ლია, იმას როდი ნიშნავს, რომ ეს თვისებები მხოლოდ ამ კუთხეს ახასიათებდეს. აქ მხოლოდ ამ თვისებათა თავისებური შეზავებაა. და სწორედ ამ თავისებურების მძაფრი გრძნობა განსაზღვრავს მწერლის ნიადაგობრივობას.

შეიძლება, ითქვას, რომ მწერლის პირველი ვრცელი ნაწარმოები — „მე, ბებია, ილიკო და ილარიონი“ ერთობ ლოკალური (გურული) წარმოშობის სევდანარევი სიცილის ხელოვნების მნიშვნელოვანი მოვლენაა... მაინც საკითხავია: რა რისაგან? თვით ადამიანები და ადამიანთა ცხოვრება არის აქ შეცნობილი თავისთავად სასაცილო მოვლენად თუ მწერალი ცდილობს დანახული და განცდილი აქციოს სასაცილო სახედ, სურათად, ვითარებად? შესაძლოა. ერთიც იყოს და მეორეც. მართლაც, საიდან გაჩნდებოდა ქვეყნად ხუმრობა, სასაცილობა, რომ საღდაც და როგორღაც თვით ცხოვრება არ იყოს ხუმრობა, სასაცილო? ანდა კიდევ უფრო უფლებამოსილია კითხვა: ვინ მოიგონებდა დრამატულსა თუ ტრაგიკულს, რომ თვით ცხოვრება არ იყოს დრამატული და ტრაგიკული? ვინ იცის, იქნებ ხუმრობაც, სიცილიც თავდაპირველად ცხოვრების დრამატული თუ, უფრო მეტი, ტრაგიკული სიძიმის შესამსუბუქებლად არის წარმოშობილი...

ერთი რამ ცხადია: მწერალს კარგად ეხერხება წარმტაც სასაცილო ამბად, სახეებად თუ სურათებად აქციოს არამტყუ ყოფაცხოვრების სხვადასხვა ვითარება, არამედ თვით თავისი ფრიად საყვარელი ადამიანებიც კი — თავისი პერსონაჟები. ეჭვი არ არის, რომ მწერალს პირდაპირ უახლოეს ნათესაურად უყვარს თავისი ზურციელაც, სოსოიაც, ილიკიც, ილარიონიც, ბებიაც. ხატიაც და სხვებიც — ეს ერთობ კეთილი, გულითადი და ენამახვილი ადამიანები. მაგრამ ისინი თითქმის ყოველ ფეხის გადადგმაზე სასაცილონიც არიან... ვინ იტყვის, რომ ცალთვალთა საკმაოდ მწარე ხვედრად არ იყოს ადამიანისა (ცალთვალა ილიკო, მერე ილარიონიც ხდება ცალთვალა), მაგრამ ეს ხვედრი ისეა „გათამაშებული“ ნაწარმოებში, რომ ჩვენ ვიციინით, გულიანად ვიციინით. და ეს სიცილი თითქმის არასდროს არ არის ამ ადამიანების ადამიანური ღირსების დამამცირებელი, მათი შეურაცხყოფელი...

...საკმაოდ ხშირად მწერლის გონებამახვილობასა და წარმტაც ხუმრობაში გახვეულია საკმაოდ მწარე სიმართლე, ზოგჯერ მწარე ირონია, დიდი ტკივილიც, საერთოდ კი სიკეთის მძაფრი გრძნობა და უზადო სიყვარული ადამიანების მიმართ.

შეიძლება ითქვას, რომ ჯერჯერობით მწერალი თავის ქმნილებებში მეტწილად უფრო ეთამაშება, ეხუმრება, ეალერსება ან

მწარედ ესაყვედურება ცხოვრებას, ხატავს მას მეტწილად ლირიკული შთაგონებით, წარმტაცი ფერადებით, ზოგჯერ კარიკატურულადაც, ზოგჯერ გროტესკულადაც კი... ამავე დროს მწერლის დამოკიდებულება ქვეყნისადმი, ადამიანებისადმი არ არის მოკლებული საკმაოდ მძაფრ ღრამატიზმსა და ზოგჯერ საკმაოდ ღრმა ტრაგიკულ განცდასაც კი...

პირობითად, ძლიერ პირობითად ნოდარ დუმბაძის პროზას შეიძლება ეწოდოს პოეტურ-ლირიკული პროზა.

ყოველივე ზემოთქმული ერთგვარი გენეტიკური წილადობილია, რის წამძღვარება მე საქიროდ ჩავთვალე იმ საუბრისათვის, რომელიც მე მქონდა ქართველ მწერალთა წრეში 1968 წლის თებერვლის ერთ საღამოს ნოდარ დუმბაძის „მზიანი ღამის“ გამო. თავისი ჰუმანისტური სულისკვეთებითა და მიდრეკილებით ეს ნაწარმოები მიმაჩნია ერთ-ერთ ფრიად თავისებურ და სავულისხმო მოვლენად.

ქვემოთ უცვლელად მომაქვს ყოველივე ის, რაც ამ ნაწარმოების გამო ვთქვი 1968 წელს.

გულწრფელად უნდა მოგახსენოთ, მე კარგად არ მესმის. თუ რატომ აუხირდა ზოგიერთი ამ ბოლო დროს, ვთქვათ, ლირიკულ, პოეტურ პროზას. ჯერ ერთი მე ვფიქრობ, ეს არის, უწინარეს ყოვლისა, მწერლის ნიჟის თავისებურების, მისი ინდივიდუალური სტილისა და ხელწერის საქმე... მეორეც, რასაკვირველია, არსებობს გარკვეული ისტორიული კანონზომიერება, რომ განვითარების ამა თუ იმ საფეხურზე, ქვეყნიერების მდგომარეობის შესაბამისად, ხმარებიდან გამოდიან, უკმარისი ხდებიან სამყაროს მხატვრული ათვისების ესა თუ ის ფორმები, ხერხები, საშუალებები. შესაძლოა, მომავალში — ზუგ ან მაზეგ — უკმარისი გახდეს ან სახე იცვალოს სინამდვილის მხატვრული წარმოსახვის ბევრმა დღევანდელმა საშუალებამ, ფორმამ, ხერხმა, მათ შორის პოეტურმა პროზამაც. მაგრამ დღეს არა მგონია, რომ ეს პროზა, ისე როგორც მელოდიურ-ემოციური ლექსი, უარსაყოფი იყოს, როგორც თანამედროვე ცხოვრების მხატვრული ათვისების საშუალება, თუნდაც როგორც ერთ-ერთი ელემენტი, შესარწყმელი სხვა ხერხებთან, სხვა ფორმებთან.

ამ მხრივ ჩვენში, საქართველოში, სხვებზე რომ არაფერი ვთქვათ, ფრიად თვალსაჩინო და დამაჯერებელ მაგალითს იძლევა ნოდარ დუმბაძის მთელი აქამდელი შემოქმედება, მათ შორის რომანი „მზიანი ღამეც“.

ეს ნაწარმოები ისე, როგორც ამის წინამორბედი ნაწარმოებები

მწერლისა, არ არის ფართო სოციალურ-ეპიური ტილო — თავისი ღრმა სოციალურ-ფსიქოლოგიური პრობლემატიკით, ხალხის ცხოვრებისა და ეპოქის სხვადასხვა ფენებისა თუ შრეების ფართო სურათების ჩვენებით, ადამიანთა ტიპობრივ სოციალურ-ფსიქოლოგიურ დახასიათებებით.

ნოდარ დუმბაძე არ არის ფართო ეპიური ტილოების მხატვარი, აქამდე, ვგონებ, ამის პრეტენზიაც არ ჰქონია მას. ხოლო მომავალში, თუ საით განვითარდება მისი ნიჭი, — ეს უკვე მომავლის საქმეა.

„მზიანი ღამე“ ხელოვნებისა და მხატვრული ოსტატობის თვალსაზრისით არსებითად აგრძელებს მწერლის ადრინდელ შემოქმედებას, როგორც ვიცით, ამ ნაწარმოებს არ ახასიათებს ისეთი მწყობრი სიუჟეტური ქარგა, რომელსაც ექნებოდა, ვთქვათ, რაიმე დამოუკიდებელი პრობლემატური თუ მხატვრულ-იდეური ფუნქცია. მოვლენათა და ვითარებათა იმ კავშირს, იმ თანამიმდევრობას, იმ ჭაქვს. რასაც ჩვენ ჩვეულებრივ სიუჟეტს ვუწოდებთ, ამ ნაწარმოებში არ აკისრია რაიმე მკაფიოდ გამოკვეთილი განსაკუთრებული მხატვრულ-თემატური ამოცანა. ნაწარმოების მთელი განვითარება არსებითად მისდევს თუ მიჰყვება მისი მთავარი გმირის — ჩვენი დროის ახალგაზრდა კაცს — ქართველი სტუდენტის თეიმურაზ ბარამიძის თავგადასავალს, უკეთ ვთქვათ, მის სულიერ მოძრაობას, მის განცდებს, განსაკუთრებით მძაფრ განცდებს. სწორედ ეს განცდებია, ასე ვთქვათ, დროის, ეპოქის მხატვრული წარმოსახვის, ადამიანთა მხატვრული სახეების შექმნის მთავარი საშუალება აქ და ირკვევა, რომ ეს საშუალება საკმაოდ მახვილი და მარჯვეა თანამედროვე მხატვრული ფაქტის შესაქმნელად. მართალია, ეს მხატვრული ფაქტი უფრო მხატვრულ-ემოციური დახასიათებაა დროისა, ვიდრე მისი მხატვრული გამოკვლევა, — მაგრამ ეს არის მაინც ხელოვნება, თანამედროვე რეალისტური ხელოვნება, რომელიც აღეღებს და გარკვეულ ესთეტიკურ კმაყოფილებას ანიჭებს მკითხველს, ყოველ შემთხვევაში, თანამედროვე მკითხველთა საკმაოდ ფართო წრეებს. გარდა ამისა, თვით ამ დახასიათებაში არ შეიძლება, არ იყოს და უეჭველად კიდევაც არის მხატვრული კვლევის ელემენტიც. განსაკუთრებით ეს ელემენტი იგრძნობა ჰუმანიზმის, ჩვენი დროის ჰუმანიზმის რომელიღაც ახალი კუთხის, თუ შეიძლება ითქვას, რაღაც ახალი საფეხურის, თუნდაც ერთი ბეწო ახალი საფეხურის მინიშნებაში. მაგრამ ამაზე ქვემოთ.

დახასიათება, ეგრეთწოდებული ემოციური დახასიათება რომანის სათაურიდანვე იწყება — „მზიანი ღამე“ — და ეს სათაური

არსებითად უეჭველად არის გამართლებული თუ განადგებული მთელ ნაწარმოებში. მაშასადამე, არის ღამე, წარმავალი ღამე, მაგრამ არის მზეც, მზე არ არის ჩამქრალი... სხვათა შორის, მზე ნოდარ დუმბაძის ერთ-ერთი უსაყვარლესი სიმბოლოაა სიკეთის, ოპტიმიზმის, სიცოცხლის... თითქოს მკითხველმა სადღაც თავისთავადაც უნდა წამოსჭრას და პასუხი გასცეს კითხვას: მზე ჩამქრალი რომ იყოს და გაუთენებელი ღამე სუფევდეს, მაშინ საიდანღა მიიღებდა ამდენ სითბოსა და სინათლეს ამ ახალგაზრდებს, კერძოდ კი თემურ ბარამიძის საკმაოდ მძიმედ დაკოდელი გული, საკმაოდ მწვავედ ტრავმირებული სული?

თემურ ბარამიძე არც თავისი ბიოგრაფიით, არც თავისი სულიერი განცდებით, ჩემი აზრით, არ სცოდავს სინამდვილის წინაშე. იყვნენ, არიან ჩვენში ასეთი ბედისა და ასეთი ფიქრების ახალგაზრდები. მაშასადამე, თემურ ბარამიძე, როგორც მხატვრული სახე — რეალისტური სახეა. მაგრამ კმარა კი სინამდვილესთან შესატყვისობა მხატვრული სახის მთელი ღირებულების საზომად?

ვფიქრობ, როგორც ბუნების ძალების ორგანიზაციის ის ზომა, ის პრინციპი, რომელიც ჰქმნის რომელიმე ურთულეს თანამედროვე მანქანას, არ შეიძლება, ბუნების ძალებად მივიჩნიოთ, ისე მხატვრული კონკრეტიზაციის ზომა არ შეიძლება, მთლიანად შევიტანოთ სინამდვილესთან შესატყვისობის საზომში. ყოველი ქეშმარიტი მხატვრული ფაქტი, ჩემი აზრით, რაღაც ახალი საღებავის, ახალი შტრიხის მიმატებაა არსებულისადმი.

მე შევეცდები გავყვე ამ თვალსაზრისს, შესაძლოა, ერთობ მარტივ თვალსაზრისს, მაგრამ, ჩემი აზრით, მაინც სწორსა და მარჯვეს.

თემურ ბარამიძე, ვისი პირითაც არის მოთხრობილი ნაწარმოებები, როგორც ვიცი, ჩვენი ქვეყნის გარკვეული პერიოდის გარკვეული სიმრუდით — ეგრეთწოდებული განუკითხავი უკანონობის მეზღაცემული ახალგაზრდაა. მაგრამ იგი არც დაღუპული და არც დაკარგული კაცი არ არის. თუმცა ამ მხრივ სადღაც ბეწვის ხილია გავლილი, სადღაც და როგორღაც დაძლეულია ავბედითი შესაძლებლობა. გაიხსენეთ, გურამ ჭიჭინაძის — არსებითად თემურ ბარამიძის ამ მხატვრული ორეულის საგულისხმო აღსარება მეგობრის წინაშე, გამოთქმული მათს უბრალო, მაგრამ აზროვან დიალოგში. შეზარხოშებული გურამი ეუბნება თემურის:

- „მე შენ ძალიან მიყვარხარ. აბა, თუ იცი რატომ?
- ვიცი!
- არაფერი არ იცი, აბა, რატომ?

— არ ვიცი.

— ჰოდა, ეგრე. შენ ჩემი ძმა ხარ, ნამდვილი ძმა. წინათ მე შენი მეშინოდა, მერე მრცხვენოდა, დიდხანს მეშინოდა და მრცხვენოდა.

— რისი გეშინოდა?

— არ ვიცი, ისე, მეშინოდა, სულ მარტო რომ იყავი...

— რატომ? — გაპიკვირდა მე.

— არ ვიცი, კლასში რომ რამე დაიკარგებოდა, მეშინოდა, შენი წაღებული არ ყოფილიყო. გაკვეთილს რომ გააცდენდი, მეშინოდა, სკოლაში აღარ დაბრუნდება-მეთქი. თავერა რომ ქურდობაზე დაი-კიარეს, მეშინოდა, შენც დაგიჭერდნენ მეგონა მასთან ერთად. ათ-წლელი რომ დაეამთავრეთ, მეშინოდა, უმაღლესში არ შემოვთავაზებოდა... მერე ჩემი შიში რომ არ მართლდებოდა, მრცხვენოდა, თან მიხაროდა“.

ეს შესანიშნავი ჩახედვაა არა მარტო ამ ახალგაზრდების სუფთა, კეთილ და ნათელ გულში, მათს უანგარო ადამიანურ ურთიერთობაში, არამედ დალუპვის, დაკარგვის იმ დიდ საშიშროებაშიც, რომელიც ემუქრებოდა რეპრესირებული შშობლების მარტოდ დარჩენილ შვილს.

მაგრამ თემური არ დაიკარგა. იგი არც ქვეყნის მიმართ გაავე-ბული და გაბოროტებული კაცი გახდა. პირიქით, მისთვის ესოდენ დამახასიათებელი უშუალო გრძნობა, სიმართლის გრძნობა თითქოს კიდევაც გაუმძაფრებია იმ მძიმე განსაცდელს, რაც მას დროის გარ-კვეული მანკის უღმობელობამ მიაყენა. იგი უკომპრომისოა თავის ამ გრძნობაში, უკომპრომისოა თავის სუფთა სინდისშიც. „მზიან ღამეში“ ჩვენს თვალწინ იშლება ამ ახალგაზრდა კაცის თვალით და-ნახული და განცდილი ქვეყანა, დრო. ადამიანები, — უკეთ ვთქვათ, თვით ამ ახალგაზრდა კაცის სული, მისი განცდების სამყარო, რად-გან ნაწარმოების მთელი სახეთა სისტემა — არის ეს ცხოვრებისა და ბუნების სურათები თუ ადამიანთა სახეები — უმაღლეს თვით თე-მური ბარამიძის განცდების, ამა თუ იმ ადამიანურ თვისებებთან, ადამიანების ჭირ-ვარამთან მისი დამოკიდებულების გამოხატვაა, ვიდრე თვით ამ ადამიანების ხასიათების ეპიური ჩვენება, მათი და-მოუკიდებელი მხატვრული გამოკვლევა.

დავიწყოთ ნაწარმოების ერთ-ერთი ცენტრალური სახიდან — დედის სახიდან. ეს არის არსებითად სახე-განცდა, სახე-მოგონება, განცდა დატანჯული დედის გულის სიბრძნისა და სიკეთისა. ამ სახის მხატვრული ხორცშესხმა, მისი მხატვრული კონკრეტისა თუ მხატვრული ინდივიდუალიზაცია უფრო მის განსხვავებულ ადამიანურ ბედშია, მის თავგადასავალშია, ვიდრე მის რაიმეთი განსხვავე-

ბულ ფსიქოლოგიურ წყობაში. დედა, როგორც დედა, კეთილი, მოსიყვარულე, მგრძნობიარე. აქ ჩვენ საქმე არა გვაქვს რთულ სოციალურ ან სულიერ კომპლექსთან, რაც ბუნებრივად წამოსჭრიდა ზოლმე რაიმე რთულ პრობლემას და ამ პრობლემის ვრცელი მხატვრული კვლევის საჭიროებას. დედის რეაქცია სტალინის ავადმყოფობაზე — „დავიღუპეთ, შვილო, სტალინს დამბლა დაეცა“ ან კიდევ „შენ ნუ იტყვი, შვილო, რადიომ თქვას, შენ მაინც ნუ იტყვი, თუ დედა გიყვარს“ — არსებითად იმ საყოველთაო დიდი ემოციური აფეთქების ანარეკლია, რაც, როგორც თითქმის ყველა ჩვენ მოწმე ვიყავით, თან სდევდა ამ ამბავს. ასეთივე ლირიკულ-დრამატული ანარეკლის ხასიათისაა პატარა ჩანახატიც იმ დღეებისა უნივერსიტეტში, სადაც უამრავი ადამიანი „კლუბის სცენაზე დახვეწებულ რეპროდუქტორს თვალცრემლიანი, მუდართა და ვედრებით შესცქეროდა, რომელიც ყოველ ორ საათში, მზის დაბნელების შემზარავ პროცესს გადმოსცემდა“.

არც ნაწარმოების მთხრობელი და ალბათ არც ავტორი არ შედის ამ საყოველთაო სულიერი მღელვარების, მე ვიტყვოდი, კაცობრიობის მთელ ისტორიაში ერთ-ერთი ყველაზე ტრაგიკული, ყველაზე რთული თემის სიღრმისეულ კვლევაში. აქ, შესაძლოა, ლირიკულ-პოეტური პროზის საშუალებით, სიკეთისა და ბოროტების უშუალო განცდის გზით მართლაც ვერ წავიდეთ ძალიან შორს, მართლაც ვერ ავწიოთ მხატვრული აზრი შესატყვის დონეზე. ამ მხრივ ფრიად საგულისხმო და მრავლისმეტყველია თვით თემურის უაღრესად გულწრფელი აღსარება:

„მე მიხდოდა, მიმხვდარიყავი, რას განიცდიდა, რა აწუხებდა, რა სტიკოდა, რისი ეშინოდა, ან რას სტიროდა დედაჩემი. მაგრამ ვერ მივხვდი და, ალბათ, ჩემს სიცოცხლეში ვერასოდეს ვერ მივხვდები და ვერ აფხსნი ამ სათნოებით სავსე, პატარა, შეშინებული, შეძრწუნებული ქალბატონის ცრემლების მიზეზს“.

ვფიქრობ, ეს ავტორის აღსარებაცაა.

თუმცა რომ ლირიკულ-პოეტური პროზა, პირველყოვლისა კი, მძაფრი უშუალო სულიერი განცდა შეიძლება იყოს დღეს ცხოვრების, სინამდვილის ესთეტიკური ათვისების საყმაოდ ძლიერი საშუალება, რომ ამ საშუალებით შეიძლება შეიქმნას ღრმად განზოგადებული მხატვრული სახე, ამას, შორს რომ არ წავიდეთ, თვით „მზიანი ღამე“, განსაკუთრებით კი ზოგიერთი მისი პასაჟი ადასტურებს ფრიად თვალნათლივ. მთელი საქმე იმაშია, თუ რა ძალის ტალანტი და რა სიუხვის სულიერი გამოცდილებაა კონდენსირებული განცდაში — ლირიკული პროზის ამ მთავარ კომპონენტში.

დედის სახესთან დაკავშირებით ნაწარმოებში, როგორც ვიცით, მთავარია შვილისათვის მისი გაუცხოების უმწვევესი გრძნობა, უძაფრესი განცდა. ამ განცდის უღრმესი დრამატიზმი კი, მე ვიტყვდი, აქ პირდაპირ ქვეშარიტ ტრაგიზმამდღა აწეული... და ერთი ძუნწი, ლაკონური საშუალებით. უახლოესი ადამიანის გაუცხოება, მთელი ქვეყნიერების გაუცხოების გრძნობაში რომ გადადის, მარტოობისა და ადამიანური კავშირების მოშლის უღრმობელ სურათს წარმოგვიდგენს... გმირთან ერთად თითქოს თქვენც სული გეხუთებათ... მაგრამ აქვე უეცრად იწყება სულის მოოხება, სულის მოთქმა, დიდ ადამიანურ კავშირებში ჩართვა, ადამიანის გულის დიდი სიბრძნისა და სიკეთის, გულშემატკივრობისა და პირთა თანაზიარობის ფრიალ წრფელი და ნათელი განცდა. სწორედ ამ განცდით არის შექმნილი, გაკეთებული და გამოძერწილი ნაწარმოებს ერთ-ერთი ყველაზე ძლიერი, ყველაზე მეტყველი მხატვრული სახე — ღამის დარაჯის ართავაზის სახე. რომელმაც შეიძლება მხოლოდ უკურნებელ სნობებს არ მიანიჭოს ნამდვილი ესთეტიკური კმაყოფილება... და არა მარტო ესთეტიკური კმაყოფილება. საერთოდ ღამის სცენა თერთმეტსართულიან სახლთან და სცენა სახაშეში, მე ვფიქრობ, „მზიანი ღამის“ ყველაზე ძლიერი პასაჟია... აქ თითქოს ყველაფერს თვალნათლივ ხედავთ, ყველაფერს გრძნობთ და, რაც მთავარია, გრძნობთ ადამიანური აზრისა და გრძნობის სიღრმეს, სიციხოველეს. ჩემი აზრით, ართავაზის სახეში მინაშნებულია რაღაც ახალი საფეხური ჩვენი დროის ჰუმანიტური აზრის მოძრაობაში — ძიება აქტიური მაგრამ უძალადო ადამიანური სიკეთისა, რომელიც არ შეიძლება გადაიზარდოს ბოროტებაში, რადგან იგი დაფუძნებულია გულშემატკივრობისა და პირთათანაზიარობის ამალგებულ გრძნობაზე, გრძნობაზე, რომელიც თავისუფალია ყველა შესაძლებელი დანაშრევებისა და მინარევებისაგან და რომელიც ყველაზე წმინდა ადამიანური კავშირი შეიძლება იყოს ადამიანებს შორის, მით უმეტეს ტრაგიკული ბედის ადამიანებს შორის, რომელთაგან, ვთქვათ, ერთი მარტოსულივით დაბორილობს ღამით და კაცს ეძებს, მეორეც ჩანაცრებულ ცეცხლთან ჩამჯდარა და კაცს ელოდება (აბა, როდის არ ეძებს კაცი კაცს და როდის არ ელოდება კაცი კაცს!). მთავარია, კაცმა იპოვოს კაცი... და ამას წინ არ გადაეღობოს არც რაიმე შესაძლებელი ცრურწმენა — ეროვნული შეუთავსებლობისა და კიდევ უფრო სამინელი ცრურწმენა უბრალო, ჩვეულებრივი ადამიანის სულიერი არასრულფასოვნებისა. უბრალო ღამის დარაჯი, სომეხი ართავაზი დანახულია მის წმინდა ადამიანურ არსებაში, იგი კაცია, ნამდვილი კაცი, დიდი სულისა და ნათელი

გონების. ერთგვარად ამაშიც არის თანამედროულობა ამ სახისა. მერე რა დამაჯერებელი, რა უქვეოა თავის ყოველ ქცევასა და მოძრაობაში ეს ადამიანი. თანაც რა კეთილი ღიმილით, რა ნათელი იუმორით არის შეზავებული ის საღებავები, რომლებითაც დახატულია ეს საკმაოდ მწუხარე მხატვრული სახე (გაიხსენეთ მისი რეკლიკები, თოფის დამიზნება, „მე ტიფი მაქვს. ამას კლექი“ და სხვ.). ჩემი აზრით. სწორედ ეს ორგანული იუმორია ორგანული ნოდარ დუმბაძისთვის და არა ის საკმაოდ იაფფასიანი მოარული ხუმრობა-ანექდოტები, რომლებიც. სამწუხაროდ, არცთუ მცირეა ნაწარმოებში.

დროის ადამიანური შინაარსისა და მისი თავისებური მხატვრული წარმოსახვის თვალსაზრისით ბევრი რამ არის საგულისხმო და საინტერესო ნაწარმოების იმ სიუჟეტურ ხაზებში, რომლებიც ეხება სასიყვარულო ამბებს, სტუდენტი ახალგაზრდობის ყოფა-ცხოვრებას, დიდ პოეტთან შეხვედრას, რალაცათი ნაღრძობ ცალკეულ ადამიანებს. გროტესკულ სახეებსაც კი. არ შეიძლება, არ აღინიშნოს. რომ ნაწარმოებში მთავარი მხატვრული აქცენტი, მთავარი მხატვრული ხაზგასმა უკეთდება წარმოდგენილი ახალგაზრდობის, შესაძლოა, ერთგვარად ტივილებიან, მაგრამ მაინც სუფთა, ფაქიზ და ნათელ ლულიერ სამყაროს. შეიძლება, ზოგიერთი ფრიად საგულისხმო მხატვრულ-იდუური და ცხოვრებისეული საკითხი დავუკავშიროთ ისეთ ცოცხალ, მართალ მხატვრულ სახეებს, როგორცაა გულიკო, ლია, ლიდა, გურამი, ავთო, დურსუნი, თაკერა და სხვა. მაგრამ რაკი ნაწარმოების ძირითადი კონცეფციის მთავარი სიმძიმე, ჩემი აზრით, დაკავშირებულია პოდპოლკოვნიკ აბიბო თოდრიას სახესა და ქცევასთან, შეძლებისდაგვარად შევეხებით მას.

ენ არის აბიბო თოდრია?

უნდა ითქვას: რომ ამ ტიპს საკმაოდ ძუნწი შტრიხებით, ერთგვარად გადაკრული ნიშნებითაც და ერთგვარი სიფრთხილითაც ხატავს მწერალი. ამ სიძუნწესა და სიფრთხილესი, ჩემი აზრით. მხატვრული ტაქტია და არა რაიმე კომპრომისი. მყვირალა, ჰყეტელა საღებავები აქ გაამსუბუქებდა და გააზერფლებდა მხატვრულ მოტივს. მაგრამ უკვე თემურისა და აბიბოს პირველსავე დიალოგში ჩანს აბიბოს ჭკუიანი სულის ცინიზმიც და მიმიკრიაც. იგი თითქოს ადამიანზე მზრუნველის ნიღაბსაც იკეთებს. უკვე მისი ბინის მორთულობა — „შორაპნის სადგურში რომ უზარმაზარი ბუფეტი დგას, იმხელა შავი ბუფეტი, ვერცხლისა და ოქროს წყალში ამოვლებული ჭურჭლით სავსე“, „საწერ მაგიდაზე თეთრი მარმარილოს უხმარი საწერი მოწყობილობა“, ალბათ, ასევე ხელუხლებელი «წიგნებით გამოკედლილი კარადა“ და საწერი მაგიდის უჯრაში შენახული კონი-

აკი — მიგვანიშნებს, რომ იგი კაი კაცი არ არის, რომ მასში, შესაძლოა, მიძალულია აქტიური მეშჩანისა და მომხვეჭელის ლატაკი და უწმინდური ბუნება, თუმცა ამაზე პირდაპირ არსად არ არის თქმული, მაგრამ უკვე აბიბოს რეპლიკებიდან თემურას დედისა და მამის შეჯახება. ჩვენ ვხვდებით, რომ მას სული და ხელები გასვრილი აქვს თემურის დედ-მამის გაუბედურებაში, რომ იგი თუ სულის ჩამდგმელი არაა, ყოველ შემთხვევაში, აქტიური აღმსრულებელი მაინც არის გარკვეულ დროში დატრიალებულ განუკითხავობისა და უკანონობის. თავისი დაუნდობლობა და გულჭევაობა ადამიანების მიმართ, თავისი სიჩღუნგე და სიყრღვე ადამიანურ ტკივილებსადმი — აბიბომ ერთხელ კიდევ ცხადყო თავერას მ-მართ გამოჩენილ ვერაგობაში (თუმცა გარეგნულად თითქოს აქ არც თუ ისეთი უკანონობა იყო... აკი თემურის დედამაც უთბრა შვილსა და თავერას: „არ ვცო. მე მგონი, ასეთი საქმის პატიება არ შეიძლება“). მაგრამ მწერალი კარგად ხედავს, რომ დროის სადავეები მართო აბიბოს ხელში არ არის, რომ მის საპირისპიროდ იღვნენ და დგანან ისეთი ადამიანები, როგორცაა უნივერსიტეტის რექტორი, ფაკულტეტის პარტკომის მდივანი დავითი, თვით თემურიც, გურამიც. თუნდაც ართავაზიც, თუნდაც მეუბოვე მამედაც და, თუ გნებავთ, მთელი არმია გულწმინდა ანალგაზრდობისა, რომელთაც შეუძლიათ ენდონ და გაუგონ ადამიანებს. მაშასადამე, აბიბო არ არის დროის ერთადერთი და მთავარი წარმოქმადგენელი. მიუხედავად თავისი თანამდებობრივი მდგომარეობისა, იგი არსებითად ჩვენი საზოგადოებრივი ორგანიზმის ნაღრძობი სხეულია. რასაკვირველია, აბიბოს, ისე როგორც ყოველ სოციალურ და ზნეობრივ ბოროტებას, არავითარი გამართლება არ აქვს და არც შეიძლება ჰქონდეს. მაგრამ მას, ისე როგორც ყოველ მოვლენას, თავისი ახსნა აქვს... და ამ ახსნას, ჩემი აზრით, უაღრესად პრინციპული მნიშვნელობა აქვს თვით ნაწარმოების მხატვრულ-იდეური კონცეფციის ახსნისათვის. მართალია, აბიბოს სახე შესრულებულია მწერლისათვის დამახასიათებელი მანერით — ამ ტიპის თვისებების უშუალო განცდის მანერით, მწერალი არ შედის ხასიათის შორეული სოციალურ-ფსიქოლოგიური სათავეების მხატვრულ კვლევაში. მაგრამ იგი მაინც მხატვრული კონკრეტიზაციის იმ ზომით არის მოცემული, რომ თითქოს თვითონვე გვიხსნის გზას ცხოვრებისა და ფსიქოლოგიის იმ პროცესებისაკენ, რაც მის უკან იმალება და რაც მის მატერიაში არ ჩანს.

აბიბო, რასაკვირველია, ჩვენი სინამდვილის, ჩვენი საზოგადოებრივი განვითარების საპირისპირო ძალთა ბრძოლასა და შეჯახება-

ში წარმოშობილი მოვლენაა. მტრულ ძალთა ბრძოლასა და შეჯახებ-
ბას საერთოდ ყოველთვის ბუნებრივად თან სდევს ურთიერთ დაუნ-
დობლობის, ურთიერთ დამარცხებისა და, თუ გნებავთ, ურთიერთ
განადგურების სულისკვეთებაც. მით უმეტეს ეს დამახასიათებელია
დიდი სოციალური გარდატეხებისა და რევოლუციური ძვრების
ეპოქისათვის. ჩვენი საზოგადოებრივი განვითარების საპირისპირო
ძალთა აშკარა თუ ფარული ბრძოლებისა და შეჯახებების მონაწილე
ადამიანებსაც, რომელ ბანაკშიაც არ უნდა ყოფილიყვნენ ისინი, რა-
საკვირველია, უჩნდებოდათ თუ ეუფლებოდათ შესატყვისი სულიე-
რი, ფსიქოლოგიური რეფლექსები, ვთქვათ, მოწინააღმდეგის დათ-
რგუნვისა, დამარცხებისა მისდამი უნდობლობისა, მისი სიცოცხ-
ლის არად ჩავდებისა, მისი ყოველი ქცევის ექვესქვეშ დაყენებისა,
თუ გნებავთ, მის წინააღმდეგ ჩასაფრებისა და მისთვის მახის დაგე-
ბისა (დაახლოებით ისე, როგორც ომში ხდება ხოლმე)... მაგრამ იმ
ადამიანებს, რომელთათვისაც არსებითად უცხო იყო რევოლუციის,
პროგრესის, ჰუმანიზმის იდეალები და რომლებიც ბრძოლებში ჩაბ-
მული იყვნენ არსებითად რაიმე პირადი ანგარებიანი ანგარიშით, ეს
სულიერი რეფლექსები ხშირ შემთხვევაში ადვილად გადაექცეო-
დათ ხოლმე საერთოდ სამყაროსადმი, ადამიანებისადმი დამოკიდე-
ბულებად, სულიერ ჩვევად, ერთგვარ „მსოფლმხედველობად“ თუ
თავისი სიცოცხლის პროგრამად (აქ მათ ერთგვარი ნილაბიც და მი-
მიკრიაც სჭირდებოდათ). აი, ამ კატეგორიის ადამიანების წარმო-
მადგენელია, ჩემი აზრით, აბიბო თოდრია.

ზოგჯერ, ალბათ, შესაძლებელია, რომ აღნიშნული ფსიქოლო-
გიური რეფლექსები ერთგვარ სულიერ ჩვევად, საერთოდ სამყარო-
სადმი და ადამიანებისადმი დამოკიდებულებად გადაექცეს ისეთ
ადამიანსაც კი, რომელიც სულით ხორცამდე გამსჭვალულია რევო-
ლუციისა და პროგრესის იდეალებით. მაშინ საქმე გვექნება ძალიან
რთულ ფსიქოლოგიურ პრობლემასთან, რთულ ტრაგიკულ პიროვ-
ნებასთან (და მით უფრო რთულია და სამძიმოა თუ ეს პიროვნება
დიდი და ღონიერია). მაგრამ, მოვეშვათ ამ უღრანს, შესაძლოა, და-
ვიბნეთ შიგ...

აბიბო არ არის ტრაგიკული პიროვნება, იგი სულიერი სიყრუ-
ით დაავადებული ვინმეა, იგი იმ სალდათს ჰგავს, ვისაც ომში
მტრისაკენ ტყვის სროლის ქინი საერთოდ ადამიანებისაკენ ტყვი-
ის სროლის ჩვევად გადაქცევია. იგი წვრილმანი ავი სულია.

და ეს კაცი, ვისი მოკვლისა და თავის გაჭეჭვის სურვილი მოუ-
ვიდა ერთხელ თემურ ბარამიძეს, იმავე თემურ ბარამიძემ არამც თუ
დაინდო, როცა იგი მომავლდავი ნახა, არამედ კიდევაც შეიბრალა,

კიდევაც მოუარა მას. ერთი სიტყვით, გარკვეულ ვითარებაში აღძრული სულიერი რეფლექსი თემურ ბარამიძეს არ ექცა სულიერ ჩვევად, არ ექცა საერთოდ ადამიანის სიცოცხლისადმი დამოკიდებულებად. ასე რომ მომხდარიყო, მაშინ იგი არსებითად აბიბოს იარაღით აღიჭურვებოდა. მომაკვდავი აბიბოს მიმართ მან გამოიჩინა სწორედ პირთაზიარობის ის გრძნობა, ის გულშემატკივრობა, რაც, როგორც ვნახეთ, იმის ყველაზე ძლიერ საშუალებად გვიჩვენა, რომ კაცმა კაცი იპოვოს!

რა არის ეს? პატიებაა? ყოვლის შემწყნარებლობაა?

არა მგონია! კარგი პატიებაა, მე და ჩემმა ღმერთმა, როცა ისე გვაზიზღებს ამ ტიპს, რომ ყველაზე მკაცრსა და მწარე სიტყვებს ვეძებთ მის დასაგმობად, მის გასათათხავად.

მაშ რა არის? ეს არის, ჩემი აზრით, ერთგვარი მინიშნება (შეგნებული თუ ქვეშეცნეული, ეგ სულერთია), მინიშნება იმისა, რომ ჩვენი ღროის მოწინავე ჰუმანისტურ სულისკვეთებასთან ძნელად შესათავსებელია და, მაშასადამე, ჩვენი ღროის მოწინავე ესთეტიკურ კოდექსშიც ძნელად შესატანია ტკობა თუნდაც უსაზიზღრეაი ადამიანის ტანჯვით, ტკობა თუნდაც უბოროტესი ადამიანის სიკვდილით და მით უმეტეს ტკობა მკვლევობით, თუნდაც საშინელი ადამიანის მკვლევობით.

სხვათაშორის, რამდენადაც ვიცი, წარსულ ეპოქათა დიდ ჰუმანისტურ ლიტერატურასა და ხელოვნებაშიც ძალიან იშვიათად შეიძლება მოინახოს ასეთი რამ. არა, შესაძლოა, ჩვენი დებულების მოწინააღმდეგეებმა ბევრი მაგალითიც მოიტანონ იმისა, როცა შემოქმედი ახდენს მკვლევობის ერთგვარ ესთეტიზაციას, ე. ი. ცდილობს გვასიამოვნოს მტრის წამებით, მოწინააღმდეგის სიკვდილით, მათ შორის, შეუძლიათ მოიტანონ მაგალითი შოთაღან — „კარვის კალთა ჩახლართული ჩავექარაბაკე. ყმასა ფერხითთ მოვეყიდე, თავი სვეტსა შევეტაკე“, ან კიდევ „ვერღა აესწრა, იღუმალ მოკლა, თუ ვერც ვცანიტა, ხელი მოჰკიდა, მიწასა დაასვენა, დაკლა დანითა“, ან კიდევ შექსპირიდან, როცა სასიკვდილოდ დაჭრილი ჰამლეტი დაშინით განგმირავს ვერაგ მეფეს... მაგრამ, ჯერ ერთი, არ შეიძლება დავევიწყოთ, რომ ეს არის მეთორმეტე-მეცამეტე და მეთექვსმეტე საუკუნეებში. თანაც ამ გენიოსთა სიღიადესთან ასეთ რამეებს, ჩემი აზრით, ყველაზე ნაკლებ აქვთ კავშირი. გარდა ამისა, უახლოესი დროიდან ან თუნდაც დღევანდელიდანაც რომ მოვიტანოთ ბევრი მაგალითი, — ამას მაინც არ ექნება მნიშვნელობა ჩვენი საკითხის მართებული გაშუქებისათვის. მე ვლაპარაკობ ჩვენი საზოგადოებრივი განვითარების დღევანდელ დონეზე, ადამიანის სულის განვი-

თარების დღევანდელ ვითარებაზე და მით განპირობებულ მოწინავე ჰუმანისტური სულისკვეთებისა და მისი შესატყვისი ესთეტიკური მოთხოვნების ტენდენციებზე.

შესაძლოა, ვინმემ ამაში მოინიშნოს ეგრეთწოდებული აბსტრაქტული ჰუმანიზმის ან ერთგვარი ტოლსტოველობის ქადაგება და რევოლუციური, მებრძოლი ჰუმანიზმის უკუგდების ცდა. მაგრამ, ჩემი აზრით, ეს იქნება ღრმა შეცდომა.

ჯერ ერთი, თუ ჩვენ რევოლუციურ, მებრძოლ ჰუმანიზმს წარმოვიდგენთ როგორც რაღაც ერთ წერტილზე გაყინულ, უძრავ, ყოველკვარ განვითარებას მოკლებულ იდეათა სისტემას, მაშინ იგი აბაჰცთუ რევოლუციური, არამედ კონსერვატულზე კონსერვატული რამ იქნება. ავიღოთ, მაგალითად, საკმაოდ ცნობილი დებულება „მტერი როცა არ ვნებდება, იგი უნდა გაისრცოს“. თუ ამ დებულებას უცვლელ დოგმად წარმოვიდგენთ. საზოგადოებრივი განვითარების ყველა საფეხურისათვის. მაშინ მტერიც რაღაც მარადიულ, უცვლელ არსებად უნდა მივიჩნიოთ და მისი გასრესაც სამუდამო უსიამო საქმედ. მაგრამ, როგორც ვთქვი, ჩვენი საბჭოთა საზოგადოების შიგნით, სადაც უკვე აღარ არსებობენ მტრული, ანტაგონისტური კლასები, მტრის ცნებაც და მისი გასრესის ვნებაც, ალბათ, ძალაში აღარ უნდა დარჩეს, ყოველ შემთხვევაში არსებითად უნდა შეიცვალოს. მართალია, რამდენადაც ვიცი, კაცობრიობის ისტორიაში ჯერ არც ერთ ქვეყანას ჯალათის თანამდებობა არ გაუუქმებია, ეს, ალბათ, იმას მოწმობს, რომ მიუხედავად ატომური ბომბებისა და საოცარი ტექნიკური მიღწევებისა, ჩვენი ცივილიზაცია არც თუ ისე მაღალია, როგორც შეიძლება მოგვეჩვენოს... და ჩვენ განა არ უნდა ვისწრაფოდეთ იქითკენ, რომ ქვეყნად არ მოიძებნოს არცერთი კაცი, რომელიც ისურვებდა სიკვდილის განაჩენის სისრულეში მოყვანას და რომელსაც, მაშასადამე, ექნებოდა კაცის მოკვლით ტყობის მოთხოვნილება? მაშინ, ალბათ, არც სიკვდილის განაჩენის გამოტანა იქნებოდა საჭირო. რასაკვირველია, მცნება „არა კაც ჰკლა“ ძველისძველია და, შესაძლოა, ქრისტიანობას იგი ნასესხები აქვს კიდევ უფრო ადრინდელი მოძღვრებიდან. მაგრამ ჩვენც და ნოდარ დუმბაძემაც, ვინაც თავისი „მზიანი ღამის“ ბოლო თავს სწორედ „არა კაც ჰკლა“ დაარქვა, შესანიშნავად იცის, რომ საუკუნეების მანძილზე ამ მცნების საფარქვეშ ბევრი კაცის კვლა ხდებოდა, თვით ამ მცნების მქადაგებელთა ხელითაც და რომ მას შეესაბამებოდა ქვეყნიერების განვითარებისა და ადამიანის სულიერი გამოცდილების სულ სხვა მდგომარეობა, სულ სხვა ვითარება. მაშასადამე, დღეს ლაპარაკი შეიძლება ამ მცნების სულ სხვა შინაარსით

ჯავსებაზე, ისეთი შინაარსით, რომელიც შეესაბამება ქვეყნიერების განვითარებისა და ადამიანის სულის მოძრაობის თანამედროვე მდგომარეობას, რაც უეჭველად არის დამუხტული ჩვენი ჰუმანისტური იდეებისა და წარმოდგენების გაუხვების, გამდიდრებისა და განვითარების ტენდენციებით. და, რასაკვირველია, თუ ვინმეს შეეფერის ამ ტენდენციების გამოსახვა, ყველაზე უმალ იგი შეეფერის იმ ქვეყნის, იმ საზოგადოების ლიტერატურასა და ხელოვნებას, სადაც პრინციპი — „ადამიანი ადამიანისათვის ძმა და მეგობარია“ — საერთო-სახალხო იდეოლოგიად არის აღიარებული. სხვათაშორის, ეს პრინციპიც, ფორმის მხრივ, ალბათ, საკმაოდ ძველი წარმოშობისაა.

ჩვენი დროის მოწინავე ჰუმანისტური აზრის მოძრაობისა და ამბლების იმ ძლიერ შინაგან იმპულსებზე რომ არაფერი ვთქვათ, რომლებიც ჩვენი ეპოქის სიღრმეში იბადებიან, ერთი რამ ხომ შეუიარაღებელი თვალთაყ ჩანს, სახელდობრ ის, რომ ჩვენს თანამედროვე საზოგადოებას არ შეუძლია გულგრილი იყოს ყოველივე იმისადმი, რაც შესაძლებელს გახდის აბიბო თოდრის ვარიაციულ გამოცემას (და, მერე, არ იტყვიოთ, რა ათასნაირი ვარიანტით შეიძლება გამოიციეს ის?).

როგორც ხედავთ, ჩემი აზრით, ნოდარ დუმბაძემ თავისი ნაწარმოების ძირითადი კონცეპციით, თავისი კარგი ართავებით, თავისი სუფთა გულის თეიმურაზ ბარამიძით, თავისი გულისხმიერი რექტორით — კარგად, მართლად და შთაგონებულად გამოსახა ჩვენი საზოგადოებრივი ცხოვრების ერთ-ერთი არსებითი ტენდენცია, შექმნა მხატვრული ფაქტი, რომელიც გვაღელვებს და გვაფიქრებს. ეს არის ამ კეთილი, ნათელი და მართალი ნიჭის საგულისხმო წარმატება.

ლირიკული პროზის არამოკეთენი ლირიკულ პროზას უწუნებენ გულკეთილობის გადაქარბებულ პოეტიზირებას (ამბობენ „მართო გულკეთილობით შორს ვერ წავალთ“), უწუნებენ გულკეთილი ბებიებით და ბაბუებით, ბავშვობისა და სიკაბუჯის დღეების მოგონებებით გატაცებას.

შესაძლოა, მართლაც საუკომანო იყოს გულკეთილი ბებიებით, ბაბუებით და ბავშვობის დღეების მოგონებებით მეტრამეტი გატაცება... მაგრამ ყოველ გატაცებას აქვს თავისი კანონზომიერება, ყოველ გატაცებაში არის დროის, ეპოქის შინაგანი იმპულსები — და ეს არ შეიძლება მხედველობიდან გავუშვათ... ხოლო ლირიკულ-პოეტური პროზის საშუალებებით (რასაკვირველია, მათი უაღრესად პირობითი და შეფარდებითი გაგებით) რომ შეიძლება შეიქმნას მნიშვნელოვანი თანამედროვე მხატვრული ფაქტი, — ამას მოწმობს

ნოდარ ღუმბაძის მთელი შემოქმედება, კერძოდ კი ნისი „მზიან ღამე“.

ეს იმას არ ნიშნავს, რომ ეს ნაწარმოები ყოველმხრივ უნაკლო და სრულყოფილი იყოს. არა, პირიქით, ჩემი აზრით, იგი საღდაც საკმაოდ უსწორმასწოროა. გულწრფელად უნდა ვთქვა, რომ მისი კითხვისას ზოგჯერ მე დაახლოებით ისეთივე განცდა მქონდა, როგორც ძველებური თვითმფრინავის მგზავრს — ნარნარი ფრენიდან თვითმფრინავი უეცრად ჰაერის ორბოებში რომ ჩავარდებოდა ხოლმე. არ შეიძლება არ გზიბლავდეთ ნოდარ ღუმბაძის ელვარე ღუმორი. მაგრამ, ჩემი აზრით, ამ საქმეში მას ზოგჯერ ზომიერების გრძნობა ღალატობს. ვფიქრობ, ძალიან მღარე გემოვნების ობივტულზეა გაანგარიშებული ზოგიერთი საკმაოდ გავრცელებული ხუმრობა-ანეკდოტი, ვთქვათ, ისეთი, როგორიცაა „უუნდერკინდის“ გათამაშება და სხვ. ზოგჯერ ისეთი შთაბეჭდილება გრჩებათ, რომ ნაწარმოებში ერთგვარ ზორცმეტად არის შეტანილი არცთუ ისე მღალი ზარისხის საესტრადო სექტი.

როგორც ჩანს, ნოდარ ღუმბაძეს ძალიან უყვარს გღაკტიონი და მისი პოეზიის უღიდესი და უგულწრფელესი თაყვანიშკემელია. მიუხედავად ამისა, თავი „გღაკტიონი“, ვფიქრობ სუსტად არის დაწერილი. პირდაპირ საოცარია, ილიკოს, იღარიონის, ბეზიას, ხატიას, ართავაზის და სხვა დაუვიწყარი მხატვრული სახეების შემქმნელმა — ჩვენი დიდი პოეტის მცირე პორტრეტის გასაკეთებლად რად აირჩია ფოტოგრაფიის და ისიც ცუდი ფოტოგრაფიის ხერხი?

ბევრ ჩვენგანს გღაკტიონი ისეთ „სტილში“ უნახავს, — იგი რომ ფოტოგრაფიულად გაღმოწეროთ, დაბმულ ქაქს ააწყვეტინებს, მაგრამ გღაკტიონი არ იქნება, არ იქნება ის გღაკტიონი, ვინაც შემქნა დიდი წიგნი, წიგნი შავი ასოებით, დაწერილი სისხლის წვეთით, დაწერილი სასოებით.

გღაკტიონის გაბმული ხითხითისა და „ძამიკოთი“ შეზავებული ექსცენტრიული რეპლიკების შემღდეგ, თემურ ბარამიძემ ბევრიც რომ იძახოს, გღაკტიონი ღმერთკაციოაო, — ძნელად თუ ვისმეს დააჯერებს.

არა, ჩემი აზრით, გღაკტიონის ნამღვილი რეღლისტური მხატვრული პორტრეტი, თუნდაც ძალიან პატარა პორტრეტი, ამ გზით და ამ ხერხებით არ შეიქმნება და არც უნდა შეიქმნას.

ზოსაწონია ნოდარ ღუმბაძის ნათელი, გამჰვირვალე სტილი, მისი კარგი ქართულიც... მაგრამ ამაზე სიტყვას არ გავავრძელებ, რადგან მე არსებითად იმ თავითვე შემოვიფარგლე ერთი საკითხით.

ნიმუში მისი მხატვრული ხერხისა

გალმა-გამოღმა — საოცრად ვრცელი და მრავალმხრივი შეიძლება იყოს ამ წყვილი ცნების შინაარსი. საქმე ის არის, ვინ რამდენ აზრსა და გრძნობას ჩატევს შიგ. ვაჟამ უმშვენიერესი და უმძაფრესი სატრფიალო გზნებით აავსო ეს ცნებები და შეუმუსრავ პოეტურ სილამაზედ უანდერძა შთამომავლობას:

გამოღმით მე ვარ, გაღმა შენ...
შენს სახეს ვხედავ მლიმარეს,
მაგრამ ვერსაით გადმოველ
ამ სატილო მდინარეს.

უპიზეზოდ და უსაბაბოდ არ მომიხშია ეს სიტყვები: პირდაპირი და ლამაზი გზა მიღვეს წინ.

სახელმწიფო საზღვრის იქით, მდინარის გაღმა, თურქეთის მხარეზე, იქაური მასწავლებლის ეზოში დიდ ლოდზე ხშირად ზის მასწავლებლის ახალგაზრდა, ლამაზი მეუღლე და ჰოგრიტით ჩვენს მხარეს იყურება. საზღვრის საბჭოთა მხარის საგუშაგოზე საბჭოთა მესაზღვრეებს შორის ხშირად არის ახალგაზრდა ქართველი მესაზღვრეც — ავთანდილ ჭაყელი... ძალიან უბრალოდ, მაგრამ გასაოცარი შთამაგონებელი ძალით იმართება ამ ორ ახალგაზრდა დაშორიშორებულ გულთა შორის საპაერო თუ სივრცული დიალოგი. მათ, რასაკვირველია, არც ერთმანეთის სიტყვები ესმით და არც ერთმანეთის სახის გამომეტყველებას ხედავენ. მაინც საოცრად ღრმია მათი ფიქრების გაცვლა-გამოცვლა. უბრალო და მარტივია მათი ნავარაუდები სიტყვა-პასუხი. მაგრამ ღრმია აქ სიტყვა-პასუხის აზრისმიერი და გრძნობისმიერი სიღრმე. აბა, დაუკვირდით, რა შორს იტყორცნება ამ ღრმადამიანური ეპიზოდის წარმოსახვითი ნაშუქარი — წარსულშიც, დღევანდელობაშიც, სახვალიოშიც. არსებითად საქმე ეხება ოდესღაც დედის მკერდიდან მოგლეჯილ შვილს. მაგრამ ამ შორეულ გზებს ნუ გამოვუდგებით; ეპიზოდის დღევანდლობის ადამიანურ შინაარსში ჩავიხედოთ... არა. — მე აქ არ შემიძლია გვერდი ავუარო შესანიშნავად მიგნებულ მხატვრულ

ფორმას. მით უმეტეს, რომ ამ ფორმაში, ჩემი აზრით, დიდი შინა-არსია ჩატეული.

„მასწავლებლის ლამაზი ცოლი კი ზის ვეებერთელა ქვაზე და ჰოგრიტს არ გვაცილებს. ვინ ხარ, გოგო, შენ? აბა, მომიახლოედი, ახლოს მოდი, ახლოს, კიდევ, კიდევ, აი, ასე, აი, ასე. ახლა შენს დიდებულ მკერდზე ხალსაც ვხედავ: ჰოგრიტი ძალიან ახლოხედვაზე დავაყენე და ჩვენ შორის არსებული რამდენიმე, ასეული მეტრი გაქრა. მასწავლებლის ლამაზი ცოლი ჩემ წინ იჯდა დიდ ქვაზე, და თვალებდახრილი მიღიმოდა.

— გამარჯობა, გოგო!

— გაგიმარჯოს, ჯუმა!

— რა გქვია, გოგო?

— რად გინდა ჩემი სახელი, ჯუმა?

— აბა, რა ვიცი, ისე გკითხე, მაინტერესებს, ქართული სახელი გაქვს თუ არა?

— შენ რა გქვია, ჯუმა?

— მე? მე ავთო მქვია, ავთანდილ ჯაყელი, ოღონდ ეგ სამხედრო საიდუმლოებაა და არავინ უნდა იცოდეს.

— კარგი, ჯუმა, არავის ეცოდინება.

— რამდენი წლისა ხარ, გოგო?

— რამდენის ვიქნები?

— ცხრამეტის, ოცის, ოცდაერთის, არა?

— ჰო, ცხრამეტის, ოცის, ოცდაერთის!

— რას აკეთებ მთელი დღე, სულ ზიხარ ქვაზე; მიყურებ და მიყურებ, მოგწონვარ?

— ჰო, ძალიან მომწონხარ!

— მერე და, ქმარი რომ გყავს?

— შენ, ჯუმა, მოგაფერი ხარ ჩემი!

— ეგ რაღაა?

— ძმობილი ხარ ჩემი, ჯუმა მოგაფერი.

— ჰოო, არ გწყინდება მთელი დღე ჩვენი ყურება?

— არა, ჯუმა მოგაფერი, ასე ვზივარ ამ ქვაზე, გიციქვართ, ჩემს მოგაფერებს და ჯუმა მოგაფერებს, დავდივარ ყველა ოჯახში, დაგყვებით ყველგან და ვიდრე ჩემი ქმარი სკოლაშია, თქვენთან ვარ. ჩემს სისხლსა და ხორცთან, ნათესავეებში, ხელს ხომ არ გიშლი, ჩემო ჯუმა მოგაფერი?

— რას ამბობ, გოგო, შენ რომ არ იყო, ალბათ მოწყენილობა მომკლავდა. მიყურე რა, რა ხელი უნდა შემომშალო, შენი ყურება ჩემი მოვალეობაა, ძალიან ლამაზი ხარ, გოგო!

— ვიცი, რომ ლამაზი ვარ, შენც ლამაზი ხარ.
— მე რა ლამაზი ვარ, შორიდან გეჩვენება.
— არა! ლამაზი ხარ, მაქვთ ყველაფერი ლამაზია, თუ მეჩვენება?

— ლამაზია, გოგო, ძალიან ლამაზი, არ გეჩვენება. თქვენთან როგორ არის?

— ჩვენთან როგორ უნდა იყოს. როგორც ხედავ!

— თქვენთანაც ლამაზია!

— გულს მიკეთებ?

— გულს რატომ გიკეთებ, ცოტა მოუვლელია, თორემ ისე ლამაზია. ანდა უშნო რად უნდა იყოს, ამ სოფლის ნახევარი არ არის?

— ჰო, მართალი ხარ.

— ეს მოხუცი ვინ არის, შენი დედამთილია?

— ჰო, ჩემი დედამთილია!

— რას გეუბნება, სახლში შემოდით?

— სახლში შემოდით.

— ახლა შენ წახვალ?

— წავალ, ჯუმა მოგაფერი.

— ხვალ ხომ ისევ მოხვალ, გოგო?

— მოვალ. ჩემო ჯუმა მოგაფერი.

— ნახვამდის, გოგო!

— ნახვამდის, ჯუმა მოგაფერი“.

ჩემი აზრით, რაღაც განსაკუთრებული ადამიანური სიღრმეა ამ „მოჩვენებითსა“ თუ „მოგონილ“ დიალოგში. ერთი წამითაც არ დავივიწყოთ, რომ ეს საუბარი ვითომც გამართულია სახელმწიფო საზღვრის გაღმა-გამოღმა, საზღვრისა, სადაც არამც თუ უცნობ ადამიანთა ერთმანეთთან შეხმინება, არამედ ყოველი გაღმელ-გამოღმელა სულღმების გაქაქანებაც კი აღკვეთილია. მაგრამ დიდი სიმართლე სწორედ იმაშია, რომ ადამიანთა წმინდა ადამიანურმა აზრებმა, ფიქრებმა, განცდებმა არ იცის არავითარი საზღვრები... არა, გაცილებით მეტი სიღრმე და შინაარსი აქვს ამ ეპიზოდს. არ შეიძლება ყველაფერი განსაზღვრულ ფორმულამდე დავიყვანოთ. მჯერა, რომ მხატვრულ ფაქტს რაღაცნაირად ვალარიბებთ, როცა ვცდილობთ, რომ ყოველ მის ნაკვთს მოვეუძებნოთ პირდაპირი ახრობრივი მნიშვნელი... არ უნდა დავივიწყოთ, რომ ყოველი მხატვრული ფაქტი უმალ მუსიკალურ კომპოზიციას ენათესავება, ვიდრე ლოგიკურ კონსტრუქციას... ვფიქრობ, ყოველი სიტყვიერი მხატვრობა საოცარი სიღარიბე იქნებოდა, რომ მას გაცილებით მეტი სულიერი, ემოციური და თავისებური მუსიკალური განფენილო-

ბა აჰ ჰქონდეს, ვიდრე მისი პირდაპირი აზრობრივი მოცულობაა...

საუბარი მაქვს ნოდარ დუმბაძის ნაწარმოებზე — „ნუ გეშინია, ჯედას“ ერთ ეპიზოდზე... და ვამბობ, შესაძლოა. ნაწარმოების ყველა ნაწილი ამ ეპიზოდის ტოლფასოვანი არ იყოს, მაგრამ მთლიანად ნაწარმოებზე უეჭველად ღირსეული სათავესა მისი უკეთესი ნაწილებისა.

მახსოვს. ერთმა ფრიად ნიჭიერმა და განათლებულმა მწერალმა. როცა ჯერ კიდევ ხელნაწერში გაეცნო ნ. დუმბაძის ამ ნაწარმოებს. ზემოთ მოტანილი ეპიზოდის შესახებ თქვა: „ეს არის დიდებული მხატვრული აღმოჩენა, რაზედაც არც ერთი დიდი მხატვრის ფანტაზია უარს არ იტყობდა. რა ვუყოთ, რომ ახლა ეს, ისე როგორც მეტი წალი ყოველი მნიშვნელოვანი აღმოჩენისა, საკმაოდ იოლად და ხელმისაწვდომად გამოიყურება“. ამის მთქმელი თავის ვინაობას ალბათ თვითონ გაგვიმტკიცებებს, თუ საჭიროდ დაინახავს.

„თეთრი ბაირალები“ — ნოდარ დუმბაძის შემდგომი რომანიც არ არის მოკლებული ბევრ საგულისხმო მხატვრულ მიცნებას. შემთხვევით როდი ჰყავს ამ რომანსაც ბევრი მკითხველი. მე შესმის, რომ მკითხველთა სიმრავლე ყოველთვის როდი განსაზღვრავს ნაწარმოებზე ღირსებას, მაგრამ არც მხედველობიდან გასაშვები ფაქტია.

ამ ნაწარმოების შესახებაც ქართულ კრიტიკაში ატყდა დავა და გამოითქვა სხვადასხვა აზრი. ამჟამად მე არ ვაპირებ ამ დავაში ჩარევას. მხოლოდ მინდა აღვნიშნო, რომ უმეტეს შემთხვევაში ჭეშმარიტებას დასცილდება ყოველი კრიტიკული განსჯა. რა ავტორიტეტებსა და ავტორიტეტულ თეორიულ დებულებასაც უნდა ეყრდნობოდეს, თუ იგი თვით განსახილველ საგანს გარედან აქვს მოხვეულა და თვით საგნის ბუნებიდან არ არის ამოზრდილი.

პირადად ჩემთვის საკმაოდ შთამბეჭდავი და დასამახსოვრებელია. დამნაშავე პატიმართა არამცთუ ცოცხლად დახატული სახეები, არამედ მათი ნიშანდობლივად (თუმცა საკმაოდ გროტესკულად) გამოქარაწილი ხასიათები: თითოეული მათგანის ბედსა და სახიერებაში არის რაღაც განუმეორებლად თავისებური, მკაფიოდ დასამახსოვრებელი. რაღაც ტიპიური და დამაფიქრებელიც. მაგრამ ამჟამად მე მხოლოდ მთავარი პერსონაჟის — უდანაშაულო პატიმრის მრავალმხრივ საგულისხმო ბედსა თუ მის სულიერ მეტამორფოზას მინდა გავაღწეოთ თვალი. მთელი ნაწარმოებიც ხომ ამ პერსონაჟის მონათხრობი ამბავია.

ზაზა ნაკაშიძეს, მართალია, უმართებულოდ, მაგრამ ვითარების გარეგნულად საკმაოდ ხელჩასავლები სურათის საფუძველზე და

გულგრილი, ასოკირკიტა, ბიუროკრატა გამოძიებლს წყალობით ბრალად ედება კაცის მოკვლა. ეს ძნელად გასარკვევი და გასანათებელი ბრალდებაა. საჭიროა ამაღლებული გონების, სიმატლის დიდი გრძნობისა და კეთილშობილი ბუნების ჩარევა. მაგრამ ეს პრისებები ციდან არ ვარდება, ისინი ადამიანთა დიდ სულიერ გამოცდილებაში უნდა წარმოიშვან. დიდი გულისხმიერება და სამართლიანობის გრძნობა მხოლოდ დიდ ადამიანურ გამოცდილებაში იბადება და იწრთობა. ადამიანის სული დიდი სოციალური გამოცდილების ქურაში უნდა გამოიწრთოს, რომ ამაღლდეს და დაიხვეწოს. დიდი სიკეთე, როგორც წესი, ყოველთვის დიდი ადამიანურ-საზოგადოებრივი გამოცდილების შედეგი შეიძლება იყოს. რა ბუნებრივი ნიჭით და, თუ გნებავთ, რა გენეტიკური მადლითაც უნდა იყოს აღსავსე ადამიანი, დიდ სიკეთეს მაინც ვერ მოუტანს საზოგადოებას, ხალხს, თუ ეს პირადი ღირსებები გაუხვებული არ იქნება მდიდარი ცხოვრებისეული გამოცდილებით.

ზაზა ნაკაშიძემ მიიღო ცხოვრების მწარე გაკვეთილი, რამდენიმე არატიპიური და შემთხვევითი გაკვეთილი, მაგრამ მაინც ერთობ მწვავე და მნიშვნელოვანი. ამ გაკვეთილმა საოცრად გააუხვია მისი სული, გაამახვილა მისი აზრი, გააძლიერა მისი წარმოსახვისა თუ ფანტაზიის უნარი: უდანაშაულო „დაქნაშავის“ მწვავე განცდა და შინაგანი მღელვარება დაკრისტალდა ღრმა ჰუმანისტურ სულისკვეთებად, მხურვალე ადამიანურ გულისხმიერებად და უკომპრომისო აზრად. ამავე ღროს საქმეში ერევა საოცრად დამაჯერებელი დედის გულისძგერა, დედის უტყუარი გეჰანი... სრული რეალური, ნამდვილი ცხოვრებისეული გარემოება... რომელ შექირვებულ, უმართებულოდ ბრალდადებულ კაცს არ უნატოა და არ უოცნებია გარდაქმნილიყო ისეთ ძალად, ისეთ არსებად, ისეთ პიროვნებად, ვინც შეძლებდა თავისი სიმატლის გამოსხნას ერთობ ჩახლართული ეოთარებიდან... სოგჯერ, შესაძლოა, ცხოვრებაში ღდება ანგვარი რაჰ... და მით უმეტეს ფანტაზიას ხელოვნებაში სრული უფლება აქვს მსგავსი ნატვრა, მისწრაფება თუ ოცნება ადამიანისა აქციოს მხატვრულ რეალობად, ხელოვნების ხორცშესხმულ ფაქტად. მხატვრულად უქვევლად საეხებით დამაჯერებელი და გონებამახვილურია, რომ ზაზა ნაკაშიძის უდანაშაულობის დასადგენად, მისი სიმატლის გამოსახსნელად საქმეში ერევა მისივე გაუხვებული სხვა სახეობა, — მისივე გაძლიერებული ორეული — მინისტრი. თუ შეიძლება ასე ითქვას, ეს ერთობ რეალისტური ხილვაა.

„ბრალდებული ზაზა ნაკაშიძის საქმე.. დაიძრა საქმე დერეფნიდან დერეფანში, ოთახიდან ოთახში, ხელიდან ხელში და უცებ

მიეხვლი, სად მენახა ადრე ეს ძუ ვეფხვივით პირგამეხებული ქალა-
რა ჭალი. იგი დედა იყო ჩემი, საკუთარი დედა, ვიდრე დამაპატიმ-
რებდნენ და მე შვილი ვიყავი მისი, საკუთარი შვილი, ვიდრე მინის-
ტრი გავხდებოდი“.

ქართულ კრიტიკაში უკვე ითქვა და მე აღარას გავიმეორებ
იმის შესახებ, რომ მწერალმა ერთობ მომპირნე მხატვრული საშუა-
ლებებით, ორიოდე შტრიხით შექმნა ერთობ დამაჯერებელი, მიმ-
ზიდველი მხატვრული სახე ჩვენი დროის სახელმწიფო მოღვაწისა...

მხოლოდ მინდა აღვნიშნო, რომ მწერლის მიერ მომარჯვებულ
გარდასახვის ხერხში, ჩემი აზრით, უმალ ქართული მხატვრული აზ-
როვნების ტრადიციის მონაშუქი უფრო იგრძნობა, კერძოდ, ვაჟას
მინდიას კომპლექსის შორეული გამოძახილი, ვიდრე რომელიმე
უცხოური ნიმუშისა... მაგრამ ეს ხერხი ნოდარ დუმბაძის შემოქმე-
დებაში, უწინარეს ყოვლისა, თვით ნოდარ დუმბაძის ორიგინალური
მიგნებაა.

ხელაღებითი ქებისათვის არ შევხებვივარ ქართული ლიტერატუ-
რის ერთ-ერთი წარმომადგენლის — ნოდარ დუმბაძის ლიტერატუ-
რული ხელწერის მცირე ნიმუშებს. ზოგი რამ სადავო და საკამათო
მეც მაქვს მის ლიტერატურულ ნახელავეებში. მაგრამ მცირე ნაკლის
გაზვიადების მომხრე არა ვარ.

მე ვიცი, მე მჯერა, რომ ნოდარ დუმბაძე ღირსია იმ სიყვარუ-
ლისა და ყურადღებისა, რაც მან დაიმსახურა ჩვენში და არა მარტო
ჩვენში.

ჭაშნიკი ერთი წიგნისა

წერილები, ლიტერატურული პორტრეტები, თემატიკურად წიგნი საკმაოდ მრავალმხრივია. ინდივიდუალური თავისებურებით აღბეჭდილი ხელწერა განათლებული ლიტერატორისა. ენა, თხრობა, სტილი — სადა, საქმიანი, უწვალებელი, დაუძაბველი, მოკლებული ყოველგვარ სიტყვიერ ზიზილპიპილებსა და ვითომდა ღრმააზროვნებას.

თავიდანვე უნდა ვთქვა: „ქრისტიანულად“, ესე იგი, გასაგებად დაწერილი წიგნია.

მე მგონი, მუდამ დარჩება ძალაში არაერთხელ ნათქვამი: ვინც ნათლად აზროვნებს. ის ნათლადვე მეტყველებს.

ვერ ვიტყვი, რომ ეს გატაცებით საკითხავი წიგნი იყოს, გატაცებით არა, მაგრამ ლიტერატურის მოყვარული მკითხველი სიამოვნებით წაიკითხავს მას, თუ მე არ ვცდები, ეს ცუდი როდია ასეთი წიგნებისათვის. მისი დიდი ნაწილი, როგორც ლიტერატურა ლიტერატურის შესახებ, არსებითად საერთო-საგანმანათლებლო ხასიათისაა. მართალია, ეს წიგნი არ არის გამიზნული რაიმე მწვავე მხატვრული ლიტერატურული პრობლემებისათვის, აზრთა დიდი წინააღმდეგობებისა და მძაფრი კამათისათვის. მაგრამ იგი მაინც შეიცავს ერთგვარ დრამატიზმს, საწუხარსა თუ საღარდელს.

ვფიქრობ, უდრამატიზმოდ წიგნი საერთოდ უფერული გამოდის.

ჰო, მე მგონი, თავისებური დრამატიზმი სჭირდებათ ლიტერატურულ-მეცნიერულ შრომებსაც, მით უმეტეს ლიტერატურულ-კრიტიკულ ნარკვევებსაც. დრამატიზმის თვისებასა და ხასიათს განსაზღვრავს, ალბათ, ავტორის მსოფლშეგობებაც, ტემპერამენტიც. ოსტატობაც და კიდევ რაღაც სხვა.

მე ამ წიგნის მხოლოდ ზოგიერთ ჭაშნიკს მინდა შევეხო.

წიგნის ერთ-ერთი მთავარი თემა შექსპირია.

შექსპირი კი, მოგეხსენებათ, სასწაულთა სასწაულია, ანუ, მე ასე მგონია, კაცობრიობის მხატვრული აზროვნების დღემდე გადაულახველი მწვერვალია, ხოლო შექსპირიანა — მთელი ოკეანეა.

რა ითქმის ახალი?

ახალი მაინც ბევრი რამ შეიძლება ითქვას.

ჯერ ერთი, შესაძლებელია შენებურად თქმა ყოველივე იმისა, რაც შენამდე ითქვა; შესაძლებელია შენი, მხოლოდ შენი უშუალო დამოკიდებულების გამოხატვა შექსპირის ყოველი დიდი თუ მცირე პრობლემის მიმართ. ყოველი მისი მხატვრულ-თემატიკური მოტივის მიმართ; შესაძლებელია თანამედროვეობის ყველა დიდი თუ მცირე ფილოსოფიურ-ფსიქოლოგიური და ეთიკურ-ესთეტიკური პრობლემის, თანამედროვე მხატვრული აზრის ყველა მონაპოვრის დაკავშირება შექსპირთან, რადგან არსებობს საფუძველი ვიფიქროთ, რომ ადამიანიც და მთელი კაცობრიობაც თავისი სულის შედგენილობით, თავისი სულიერი კონსტიტუციით ჯერ კიდევ, შესაძლოა, შექსპირის სამყაროში იმყოფებოდეს, შესაძლოა, ჩვენი სულის განვითარებაში ჯერ კიდევ არ იყოს გადალახული შექსპირის უღელტეხილი თუ რუბიკონი. ყოველ შემთხვევაში, ადამიანს დღესაც თითქმის იგივე ვნებები, გრძნობები და ინსტინქტები, სულის იგივე თვისებები და იმპულსები ამოძრავებენ, რაც ამოძრავებდათ შექსპირის პერსონაჟებს. შექსპირმა კი თავისი ეპოქის ადამიანის სულის ანატომია მხატვრულად ამომწურავი სისრულით გამოსახა. შესაძლოა, ერთობ პარადოქსალური მოსაზრება იყოს, მაგრამ მე მაინც მგონია, რომ ამ მხრივ, ე. ი. აქამდელი ადამიანის სულის ანატომიის მხატვრული გამოსახვის მხრივ რაიმე დიდად საგრძნობი ახალი ნაბიჯი არ გადაუდგამთ წინ თუნდაც მხატვრული სიტყვის ისეთ გენიოსებსაც კი, რომლებიც რაღაც უცნაური მიზეზების გამო უარყოფითად ეკიდებოდნენ შექსპირის შემოქმედებას. ვინ იცის, იქნებ ამ მხრივ რაიმე საგრძნობი ახალი ნაბიჯის გადადგმა შეუძლებელიც იყოს მანამ, სანამ ადამიანი საბოლოოდ არ დააღწევს თავს აუცილებლობის სამეფოს და მტყიცედ არ დამკვიდრდება თავისუფლების სამეფოში.

ის კი, თუ საიდან, რატომ და როგორ მოიყარა თავი დროისა და სივრცის ასე დიდი განფენილობის მომცველმა შემოქმედებებმა ძალამ ერთი ეპოქის ერთ პიროვნებაში არასგზით არ შეიძლება აიხსნას შემთავვევითობით ანუ განუყოფელი გენიოსის უცარი და მოულოდნელი მოვლინებით. ამას, ალბათ, განაპირობებდა მიზეზ-შედეგობრივ კავშირთა მთელი ჯაჭვი, მრავალთა მრავალი არა მარტო ბიოლოგიურ-გენეტიკური, არამედ სოციალურ-ისტორიული და კულტურული ფაქტორი, ყოველი გენიოსი თავისი ეპოქის წიაღში მწიფდება და ეპოქისავე ამოცანებთან და პრობლემებთან ერთად იბადება. იმ ეპოქის პრობლემებს ჰქონდათ, ალბათ ასე შორს მიმავალი მისამართი...

ამ ფიქრებს. ამ საკითხებს ამაღევნა ცოცხლად და საქმიანად დაწერილმა პატარა წერილმა („უილიამ შექსპირი“), რომელითაც ახსენებდა წიგნი. წერილი მოკლედ, შეკუმშულად იძლევა ზოგად ამოსავალ ცნობებს შექსპირის ეპოქისა, ბიოგრაფიისა და შემოქმედებორ შესახებ, შექსპირის ადგილის შესახებ კაცობრიობის მხატვრული კულტურის ისტორიაში.

შექსპირის თემას სხვა კუთხით, სხვა განხრით წიგნში აგრძელებს ნარკვევი — „შექსპირის ქართული თარგმანები“ და ვრცელ რეცენზია — „შექსპირის მემორიალური თეატრი“. ნარკვევი საყურადღებოა არა მარტო იმით, რომ მოკლედ გვაცნობს შექსპირის ქართულად გადმოღების ისტორიას და კარგად გვიჩვენებს შექსპირის მაჩაბლისეული თარგმანის მაღალხარისხოვნებას. არამედ უფრო მეტად იმით, რომ იგი არსებითად გვისაბუთებს ქართული ენის უდიდეს შესაძლებლობას გარესამყაროსა და ადამიანის სულს ყოველი ვითარების გამოსახვაში. სავსებით სწორია ავტორი, როცა ამბობს, რომ შექსპირის მაჩაბლისეული თარგმანები „რალაც ბედნიერ შემთხვევითობად კი არ უნდა მივიჩნიოთ, არამედ ჩვენი დიდი კლასიკური ლიტერატურის ბუნებრივ გაგრძელებად“.

ამ წერილების ღრმა საფუძვლიანობისა და მართებულობის მიუხედავად შესაძლოა, ავტორის ზოგიერთი მოსაზრება და დებულება მაინც პრობლემატურად და სადავოდ მივიჩნიოთ. მაგალითად, ვფიქრობ, არ შეიძლება, გავააბსოლოტუროთ ანუ ურყევ კანონად ვალიდაროთ დებულება — „სათარგმნი ანდაზა უნდა შეიცვალოს იმავე აზრისა და განწყობილების გამომხატველი საკუთარი ანდაზით“: ცნობილია, რომ გარდა აზრისა და განწყობილებისა, ყოველ ანდაზას გააჩნია თავისი მხატვრულ-ესთეტიკური ელფერიც. სასურველია, თარგმანში არ დაიკარგოს ეს ელფერი. მაგალითად, მგონია, რომ ინგლისური ანდაზა — „ვიდრე ბალახი გაიზრდებოდეს, რაში შიშნით მოკვდება“ პოეტურად თითქოს უფრო ცინცხალია. ვიდრე „პავლეს ტყავს გააძრობენ, სანამ პეტრე მოვიდოდეს“. ამიტომ ამ უკანასკნელისათვის უპირატესობის მინიჭება თარგმანისას იმ საბაბით, რომ იგი ქართულში დიდხანია დამკვიდრებულა, ეგონებ, მართებული არ არის. ფრაზის გაწყვეტა კი, რასაც პიესის დედანი მოითხოვს, ერთ შემთხვევაშიაც შეიძლება და მეორე შემთხვევაშიაც.

ასევე პრობლემატურად მიგვაჩნია რეცენზიაში კატეგორიული მტკიცება იმისა, რომ თითქოს ჰამლეტის დედა გერტრუდა გაორებული ხასიათი არ იყოს და ამის გამო არც ტრაგიკული პიროვნება იყოს, თითქოს იგი ცალპირად იყოს დაწერილი იმ მასალით, იმ სა-

ლებავით. რასაც შეიცავს მხოლოდ ცნობილი რეპლიკა — „არარაობა. დედაკაცი უნდა გერქვას შენ“.

ამდაგვარი საკითხების აღძვრა და გარკვევა, ვფიქრობ, მეტ სიღრმეს. მეტ სინათლეს, მეტ მტკიცებას საჭიროებს.

შესაძლოა. შენიშვნები სხვაც გვექნეს, მაგრამ უწყინარი და არცთუ მთლად უყოყმანო შენიშვნები. მათ არ ძალუძთ ჩრდილი მიაყენონ ლიტერატურული შრომის ღირსებას, პირიქით, ვფიქრობთ, ამ წიგნში წარმოდგენილი მცირე შექსპირიანა თამამად და უფლებამოსილად უერთდება კარგ რეალისტურ ნაკადად მთელ ქართულ შექსპირიანას.

ლიტერატურის მოყვარული მკითხველი კმაყოფილებით წაიკითხავს ასევე მაღალ პროფესიულ დონეზე შესრულებულ მოკლე წერილებს (თავისებურ ლიტერატურულ პორტრეტებს) ჯონ მილტონის, რობერტ ბერნსის, ჩარლზ დიკენსის, მაინ რიდის, მარკ ტვენისა და ერნესტ ჰემინგუეის შესახებ. ამ წერილების მეშვეობით მკითხველი უეჭველად მიიღებს, მართალია, არცთუ ვრცელ. მაგრამ მაინც საკმაოდ ნათელ წარმოდგენას ამ მწერალთა ცხოვრებასა და შემოქმედებაზე. მხოლოდ, შესაძლოა, რამდენიმედ გული დაგეთანადროს იმის გამო, რომ ამ წერილებში ვერ იპოვით პარალელებსა თუ დაკავშირებას თანამედროვეობის საჭირობოროტო საკითხებთან, ვერ იპოვით საფუძვლიან პარალელებს ქართულ ლიტერატურასთან. ეს კი, ჩემი აზრით, შესაძლებელიც და საჭიროც არის.

ერთი, საგულსხმომ ამბავი: რობერტ ბერნსს ქართულ ლიტერატურაში ზოგჯერ რაღაცით ანათესავებენ ვაჟა-ფშაველას. მაგრამ ამას ყოველთვის მხოლოდ გაკვრით თუ გარბენით აღნიშნავენ. არსებითად კი, რამდენადაც ვიცი, არაფერ შეცდილა ღრმად და საფუძვლიანად შეედარებინა თუ შეეპირისპირებინა ვაჟასა და ბერნსის მოტივები, იდეები, პრობლემები, პოეტური ხერხები. მათი შემოქმედების სოციალურ-ისტორიული და კულტურული სათავეები, სამწუხაროდ, წიგნის ავტორიც ამ საკითხს ასევე გაკვრით და გარბენით შეეხო. ამავე დროს, რამდენიმედ გულუბრყვილოდ გვეჩვენება არსებით მსგავსებად იმის მიჩნევა, რომ „ორივე პოეტის შემოქმედებას ერთი წყარო კვებავდა“, სახელდობრ, თავთავისი ხალხის სული და ცხოვრება. მაგრამ რომელი ქვემარატი მწერლის შემოქმედება არ იკვებებოდა და არ იკვებება ამავე წყაროდან? თავისთავად კი კარგად დაწერილი რობერტ ბერნსის ლიტერატურულ პორტრეტში, თუ მხედველობაში არ გვექნება ზოგიერთი გარეგნული ბიოგრაფიული შტრიხი, მაინცდამაინც ვერ ვიგრძნობთ ბერნსისა და ვაჟას რაიმე არსებით შემოქმედებით სიახლოვეს. ისე კი, უეჭველად ფრიად სა-

სურველია ამ საკითხის საფუძვლიანი შესწავლა და გაშუქება. მაღლობა ღმერთს, გვყვანან ინგლისური ლიტერატურის ისეთი კარგი მკოდნენიც, როგორც ვთქვათ, წიგნის ავტორია, და ინგლისური პოეზიის, კერძოდ, ბერნსის ლექსების ისე კარგი მთარგმნელებიც, როგორც, ვთქვათ, თამარ ერისთავია.

წიგნში, რომლის ზოგიერთ ქაზნიკს ვეხებით აქ, თავისი სიმახვილით თავისი სადღეისო-საპირბორბოტო ხასიათით ყურადღებას იქცევს წერილი „საშვილიშვილო საგანძური“, წერილი ეხება ქართული ენის სიწმინდის დაცვის ფრიალ მნიშვნელოვან საკითხებს, როგორც თეორიული ისე პრაქტიკული ასპექტით. ბუნებრივია, რომ მთავარ მასალად თარგმანებია წარმოდგენილი. ავტორი სამართლიანად ილაშქრებს ენის ცხოვრებასა და განვითარებაში ისეთი მოვლენების, ისეთი ტენდენციების წინააღმდეგ, რომლებიც ბლაღავენ ენას ბუნებას, არღვევენ მის შინაგან პარმონიას. ენის წახდენის მთავარ საშიშროებად იგი მიიჩნევს არა იმდენად იმ უცხოური ლექსიკური ელემენტების შემოჭრას ენაში, რომელთა არაკანონიერება იმთავითვე თვალნათლივია, რამდენადაც იმ არაქართულ ენობრივ ფორმებსა თუ კონსტრუქციებს, რომელთაც „ქართული სამოსელი ჩაუცვამთ და გამოუტდელ თვალს ადვჭლად ატყუებენ“ ავტორი ასკვნის: „სწორედ ეს არის საშიში ენისათვის საერთოდ და... ამჟამად ჩვენს ენაში ყველაზე უფრო სერიოზულია ეს საშიშროება“.

რასაკვირველია, ეს დებულება სწორი და მართებულია იქამდე და იმდენად, სანამდეც და რამდენადაც იგი გაქვევებულ დოგმატურ დებულებად არ გვიქცევიან.

წერილში მოტანილი ქართულ სამოსელგადაცმული არაქართულის ყველაზე გავრცელებული და თითქმის სამოქალაქო უფლებამოპოვებული ნიმუშები, მაგალითად: „თქვენ როგორ გაწყობთ“, „თქვენ თუ გაწყობთ“, „ქართველებს მუდამ აწყობდათ“ (ნაცვლად იმისა, რომ ითქვას: „თქვენ როგორ გირჩევნით“, „თქვენ თუ გაძლევთ ხელს“, „ქართველებს მუდამ აძლევდათ ხელს“ ან „ქართველებს მუდამ ერჩივნათ“ და სხვ.); „გასულ წელს დავიცავი დისერტაცია“ (ნაცვლად იმისა, რომ ითქვას: „შარშან დავიცავი დისერტაცია“ და სხვ.); „დაეუშვათ ბავშვი სკოლაში არ გამოცხადდა“, „განა ეს დასაშვებია?“ (ნაცვლად იმისა, რომ ითქვას: -ვთქვათ (წარმოვიდგინოთ), ბავშვი სკოლაში არ გამოცხადდა“, „განა ეს შეიძლება? და სხვ.); „ასეც ვიცოდი“ (ნაცვლად იმისა, რომ ითქვას: „აკი ვთქვი“, „აკი ვამბობდი“ და სხვ.).

იქვი არ არის, რომ არაქართული „აღნაგობის“ გამოთქმები, როგორც წესი, არაბუნებრივი და მიუღებელია ქართული ენისათვის.

მათ გადაჭრით უნდა ვებრძოლოთ. მაგრამ ამავე დროს, ჩემი აზრით, არ შეიძლება ანგარიში არ გავუწიოთ ენის მოძრაობისა და განვითარების ზოგიერთ საყოველთაო ტენდენციასა თუ კანონზომიერებას. საქმე იმაშია, რომ არც შორეულ და არც ახლო წარსულში, მით უმეტეს კი დღეს, არც ერთი ენა არ ყოფილა და არ არის დაზღვეული არამეტაუ ზცხო ლექსიკური ელემენტების, არამედ ზცხო ენობრივი კონსტრუქციების შემოჭრისაგან. ცხადია, გარედან შემოჭრილთაგან ზოგი რამ კარგადაც მოერგება და კარგადაც ჩაეწერება ენის ცოცხალ ქსოვილს.

იბადება კითხვა: ენის საკომუნიკაციო და გამომსახველობითი ფუნქციის თვალსაზრისით ყველა და ყოველგვარი გარედან შემოჭრილი ენობრივი ნორმა უარსაყოფი და უქუსაგდება?

აზრის სიცხადისათვის მივმართოთ მაგალითს, წიგნის ავტორა წერს: „ეს გასულ წელს“ ქართული არ არის და ამ გამოთქმამ ლამის განდევნოს ქართული სიტყვა „შარშან“.

ამის ანალოგიით, ალბათ, არც „მომავალ წელს“ არის ქართული, რადგან გვაქვს ქართული სიტყვა „გაისი“.

მე კი ვფიქრობ, რომ „შარშან“-ისა და „გაისის“ გვერდით სრულიადაც არ არის უქუსაგდები და უარსაყოფი არც „გასულ წელს“ და არც „მომავალ წელს“. და აი, რატომ! ჭერ ერთი, სინონიმების სიმრავლე ენას არაფერს ვნებს. მეორედაც, გამოთქმები „გასულ წელს“ და „მომავალ წელს“ — არამეტაუ არ ასუსტებენ ენის გამომსახველობითს ენერგიას, არამედ, პირიქით, თითქოს კიდევაც აძლიერებენ მას იმიტ, რომ შეუძლიათ, ზოგჯერ უფრო ზუსტად გამოხატონ ცნების თუნდაც ოდნავ განსხვავებული ნიუანსი (მაგალითად, „შარშანდელი გეგმა“ და „გასული წლის გეგმა“)

აპრიგად, ჩემი აზრით, ენისათვის საშიშია არა ყველა და ყოველგვარი გარედან შემოსული მასალა და ფორმა, არამედ ისეთი ენობრივი ფორმები თუ კონსტრუქციები, რომლებიც ავიწროვებენ და აუქმებენ ენის საკუთარ მსუყე, სისხლსავე გამოთქმებს, არღვევენ ენის კეთილზმოვანებას და, რაც მთავარია, ნამდვილად აჭვეითებენ, ჰკვეცავენ და ასუსტებენ ენის საკომუნიკაციო და გამომსახველობითს შესაძლებლობებს.

გასაგებია „საშვილიშვილო საგანძურის“ ავტორის შეშფოთება და გულსტიკვილი, ადვილი როდია ენის საშიშ „ფილოქსერასთან“ ბრძოლა. მას არა მარტო ცუდი წიგნები, ცუდი თარგმანები, არამედ ხშირად საკმაო ავტორიტეტული ორგანოებიც და კულტურის მესვეურებიც კი აზრელებენ.

აი, თუნდაც ერთი თვალშისაცემი მაგალითი: ჩვენი ტელევიზია,

რადიო¹ და ჩვენი თვალსაჩინო მსახიობები (დიქტორები) დაჟინებით იმეორებენ, რომ „გადმოცემა მიჰყავდა“ ამასა და ამას, თუმცა არ შეიძლება არ იცოდნენ, რომ ეს არის ქართული ზმნის უმდიდრესი შესაძლებლობის უღმობელი ჩახშობა, ქართული ენის საშინელი დამახინჯება.

რას მივაწეროთ? ვის შეეწამოთ დედაენის აბუჩად აგდება?

მაგრამ ჭაშნიკმა ენის გამო შორს წაგვიყვანა...

აქ არის აგრეთვე რამდენიმე „შინაური“ ლიტერატურული პორტრეტი-მოგონება, წარმოდგენილია სახელდობრ: ერეკლე ტატიშვილი, გიორგი შატბერაშვილი, ალექსანდრე საჭაია, ივანე მაჩაბელი, ზაქარია ფალიაშვილი, დავით ანდღულაძე.

ამრიგად, საქმე ეხება სულიერი ცხოვრების მონათესავე. მაგრამ მაინც სხვადასხვა დარგს: სწავლების ხელოვნებას, ლიტერატურას, მუსიკას, მასშტაბები სხვადასხვაა. აშკარაა: არჩევანი უმალ გულისხმიერია; წინ არის წამოწეული განსაკუთრებული პირადი გრძნობა. მაინც რით არ არის კარგი, როცა გწყურია, თუნდაც ყოველგვარი ობიექტური სისტემატიზაციის გარეშე, შენს სიტყვაში აცოცხლო შენთვის ძვირფასი სახელები და სახეები. მით უმეტეს, თუ ისინი ეკუთვნიან ხალხის ღირსეულ შვილთა რიცხვს.

წრტელი, გადამდები გრძნობით არის დაწერილი თვითეული მათგანის პორტრეტი—გახსენება და მკითხველი იჭერებს, რომ თვითეული მათგანი თავისი ნიჭით, ღვაწლით, შესაძლებლობით, შემართებით, ელვარებით, ტალანტით, დამსახურებით ქვეყნის წინაშე ღირსია მიზღვეული სიყვარულისა.

გვებადება ერთი პრაქტიკული ხასიათის მოსაზრებაც:

გამოდის, რომ, თუ გული გულობს, უცხოური ლიტერატურის კარგ მცოდნეებსაც შეუძლიათ წარმატებით იმუშაონ „შინაურ“ და სადღეისო თემებზედაც. კერძოდ, ვახტანგ ქელიძის წინამდებარე წიგნი თვალნათლივ მოწმობს, რომ მას ნიჭიც, ცოდნაც, გემოვნებაც იდეურ-ესთეტიკური ალლოც და ხელოვნების ფაქტის წვდომის უნარიც ყოფნის იმისათვის, რომ ცხოველ მონაწილეობას იღებდეს ქართული ლიტერატურის მიმდინარე პროცესების აქტუალური საკითხების გაშუქებაში. მით უმეტეს, რომ, ჩემი აზრით, იგი არ ეკუთვნის იმ ლიტერატორთა რიცხვს, რომელთაც ნებით თუ უნებლიეთ ფლობთ ილუზია, რომ უცხოურიდან ან დიდი კლასიკოსებიდან დღევანდელ თემებამდე „ჩამოქვეითება“ მათ ხელწერას წაუხდენს. ასეთი ილუზიით შეპყრობილთ ავიწყდებათ, რომ საკვლევ-სამსჯელო საგნის თვისება როდი განსაზღვრავს აზრის თვისებას; შეიძლება

იალბუზზედაც კი სწეროთ, მაგრამ იალბუზივით დიდი აზრები არ გექნეთ, ანდა, პირიქით...

ეს სხვათა შორის.

ვახტანგ ჭელიძის წიგნი კი „წერილები, ლიტერატურული პორტრეტები“ — ღირსეულად იკავებს თავის ადგილს ქართველი მკითხველის წიგნის თაროზე.

ყველაზე კუმანისტური ლიტერატურა

დღეს, როდესაც ჩვენი მრავალეროვანი საბჭოთა ლიტერატურის განვლილ გზაზე ვფიქრობთ, როდესაც მეხსიერებაში ვფურცლავთ მის საუკეთესო ქმნილებებს, არ შეიძლება არ დავინახოთ, რომ იგი ნამდვილად არის ახალი თვისობრივი საფეხური კაცობრიობის მხატვრული შემოქმედების განვითარებაში; საბჭოთა ლიტერატურა ძლიერ ახალგაზრდა ლიტერატურაა, რომელსაც თავისი განვითარების დიდი და ფართო გზა წინ უდევს, ამ ახალგაზრდა ლიტერატურამ უკვე შექმნა თავისი უბრწყინვალესი კლასიკა. ექვი არ არის, რომ საბჭოთა ლიტერატურის ბევრი ბრწყინვალე ნაწარმოები, რომლებიც ამ ორმოცი წლის მანძილზე შეიქმნენ და რომელთაც უკვე დიდი მსოფლიო რეზონანსი აქვთ, მტკიცედ არიან შესული საკაცობრიო ლიტერატურის ოქროს ფონდში.

რა განსაზღვრავს და რა განაპირობებს საბჭოთა ლიტერატურის გარდაუვალ აღმავალ განვითარებას?

ს. ესენინის მისჯმართით დაწერილ ლექსში ვლ. მაიაკოვსკიმ თქვა და შესანიშნავადაც თქვა:

«Для веселя
планета наша
мало оборудована,
Надо
вырвать
радость
у грядущих дней».

კაცობრიობის ბედის მძაფრ ტრაგიკულ განცდასა და უღრმეს ოპტიმისტურ მისწრაფებასთან ერთად ამ დიდი პოეტური ენერგიით თქმულ სიტყვებში საბჭოთა ლიტერატურის ნოვატორული ბუნების, მისი თვისობრივი სიახლის გასაღებიც არის.

აღომიანთა ბედნიერებისა და სიხარულისათვის ჩვენი პლანეტის მოუწყობლობა ოდითგანვე მუდმივი სატანჯველი და საფიქრალი ყოფილა მოწინავე კაცობრიობისათვის, მისი საუკეთესო შვილები-

სათვის. ადამიანის სულიერი და ფიზიკური ძალები, მისი გონება და ნებისყოფა დასაბამიდანვე მიიღტვიან, რათა თავისი სასიცოცხლო ინტერესების შესაბამისად მოაწყონ ბუნებაცა და ცხოვრებაც. მაგრამ ამ ლტოლვაში ადამიანი მუდამ უამრავ წინააღმდეგობის ხლართებში ყოფილა გაბმული, ამიტომაც, სანამ დედამიწის ზურგზე პრაქტიკულად არ დაიწყო ისეთი სოციალური წესრიგის შექმნა, რომელმაც ადამიანი ნამდვილად უნდა გამოიხსნა ათასგვარ მტანჯველ წინააღმდეგობათა ხლართებიდან და შესძლოს სოციალური ბედნიერების დაძვირება,—ადამიანის გონების ყველა მიღწევა არსებითად ძლიერ ნაკლებად იყო გამოყენებული კაცობრიობის დიდი უმრავლესობის საკეთილდღეოდ. პირიქით, ზოგჯერ ასეთი მიღწევა ახალ უბედურებადაც კი ატყდებოდა თავს ადამიანებს.

კაცობრიობის ისტორიის მთელი გამოცდილება იმ დღიდან, რა დღიდანაც ჩვენმა უძველესმა წინაპარმა თავის უმარტივეს საწარმოო იარაღებზე კერძო საკუთრება დააწესა, გვიჩვენებს, რომ საყოველთაო ბედნიერება მიუღწეველია ადამიანთა განცალკევებისა და გათიშვის გზით, ძველი სამყარო ადამიანს უნერგავდა რწმენას, რომ ბედნიერება მხოლოდ კერძო ცნებაა და იგი მხოლოდ კერძობითი მოვლენა შეიძლება იყოს; ამიტომაც მისი მოპოვება შეიძლება მხოლოდ სხვების მიღმა, სხვებისაგან დამოუკიდებლად, სხვებზე გაბატონებით და სხვებისათვის წინ გასწრებით. საუკუნეები სკედდნენ, აწრთობდნენ ასეთ ინდივიდუალისტურ ფსიქოლოგიას, მარტოსულთა მთელ სულიერ სამყაროს. ბუნებრივია, რომ კაცობრიობის სულიერი კულტურაც ამ ფსიქოლოგიის დარჯავი ტარდებოდა კლასობრივ საზოგადოებათა არსებობის მთელ მანძილზე.

დიდი ოქტომბრის სოციალისტურმა რევოლუციამ დაანგრია ადამიანის მიერ ადამიანის ჩაგვრისა და ექსპლოატაციის სისტემა. საფუძველი გამოაცალა მთელ ძველ ინდივიდუალისტურ სამყაროს და პრაქტიკულად დაიწყო სრულიად ახალი ქვეყნის შენება და მოწყობა ადამიანთა საკეთილდღეოდ. საბჭოთა ლიტერატურაც თავისი არსებობის პირველი დღიდანვე ამ ახლის შენების გრანდიოზული პროცესების არა მარტო ამსახველი, არამედ უშუალო მონაწილეც გახდა.

ახალ სოციალურ სარბიელს, ახალ ისტორიულ ვითარებას არ შეიძლებოდა არ მოეთხოვა მხატვრული შემოქმედების ახალი გეზი, ახალი მიმართულება.

აქედან ცხადია, რომ საბჭოთა ლიტერატურა არ შეიძლება ეფუძნებოდეს ინდივიდუალისტურ ფსიქოლოგიას, მის ესთეტიკურ-ემოციურ მიდრეკილებას, მის მსოფლშეგრძნობას. ინდივიდუალიზ-

მი არა მარტო როგორც ჩამოყალიბებული მსოფლმხედველობა, არა-
ძე როგორც გაუცნობიერებელი ინსტინქტური მიდრეკილება
კი პოლარულ წინააღმდეგობაშია საბჭოთა ლიტერატურისა და ხე-
ლოვნების ბუნებასთან. ისე როგორც ახალი სოციალისტური საზო-
გადოება შენდებოდა ძველი სახელმწიფოებრივი ბიუროკრატიული
აპარატისა და ძველი საზოგადოებრივი სტრუქტურის ნანგრევებზე,
სოციალისტური ლიტერატურაც ვითარდებოდა და შეიძლება გან-
ვითარდეს ინდივიდუალისტური იდეურ-ემოციური სამყაროს ნგრე-
ვის ნიადაგზე, მხოლოდ იმ განსხვავებით, რომ ეს უკანასკნელი უფ-
რო ხანგრძლივი და უფრო რთული პროცესია. ისე როგორც ზღვა
ებრძვის. ლეწავს და რიყავს თავისი სტიქიისათვის უცხო სხეუ-
ლებს, სოციალისტური ლიტერატურაც ვერ ჰგუობს, ებრძვის და
ამსხვრევს ინდივიდუალისტურ წარმოდგენებს და მისწრაფებებს...
და აი, აქ, ამ ფონზე ჩვენი მტრები და ზოგჯერ ცდუნებული არა-
მტრებიც პოულობენ თავიანთი მტრული შეხედულებების, თავიან-
თი ყალბი ილუზიების ვითომდა რაღაც „საბუთებს“. რაკი საბჭოთა
ლიტერატურისათვის უცხოა ეგრეთწოდებული მარტოსულთა მი-
ზანტროპიული სულისკვეთება, განგსტერების „მორალის“ პოეტი-
ზირება, ქონმოდებული ბურჟუაზიული ფლეგმატიკოსების ავად-
მყოფური ფსიქოლოგიზმი და უსაგნო, აპატრაქტულ ფორმათა კე-
თება, — ისინი ფიქრობენ, რომ საბჭოთა ლიტერატურის შემოქმე-
დებითი შესაძლებლობანი შეზღუდულიაო.

მტრებს არ მოსწონთ საბჭოთა ლიტერატურის დამამკვიდრებე-
ლი პათოსი, არ მოსწონთ ის, რომ ჩვენი სინამდვილის ნაკლოვანე-
ბათა მხილებაში ის არ მიღის თვით ჩვენი საზოგადოებრივი ცხოვ-
რების საფუძვლების უარყოფამდე. მაგრამ ეს მათი ვაბოროტებისა
და მათი ინდივიდუალისტური შეზღუდულობის მაჩვენებელია.

საბჭოთა ლიტერატურას კი სწორედ ჩვენი ცხოვრების იმ ფორ-
მების დამკვიდრების პათოსი აძლევს შემოქმედების შეუზღუდავ
შესაძლებლობას, რომლებიც მოაწაფებენ ჩვენი პლანეტის მოწყო-
ბას ადამიანთა სასიხარულოდ.

ინდივიდუალისტური მსოფლშეგარძნება ყოველთვის ზღუდავდა
საზოგადოებრივი შეგნების თვალსაწიერს, ინდივიდუალისტურ-
ეგოისტური ანგარებანი ყოველთვის უშლიდა და უშლის ხელს გა-
რესამყაროსადმი უშუალო და წმინდა ადამიანურ დამოკიდებულე-
ბას, სილამაზისა და სიკეთის უშუალო ადამიანურ აღქმას. ინდივი-
დუალიზმი პირდაპირ აბრმავებს გონების თვალს ყოველივე პროგ-
რესულის მიმართ.

ბურჟუაზიულმა ლიტერატურამ საბოლოოდ დაჰკარგა თავის

ადრინდელ მწვერვალებზე ასელისა და დიდი მონუმენტური ფორმების შექმნის შესაძლებლობა, იგი დაღმავალი გზით მიდის.

საბჭოთა ლიტერატურას კი, როგორც ვთქვით, აღმავალი განვითარების ყველა შესაძლებლობა და ყველა პირობა გააჩნია. იგი ყველაზე ჰუმანისტური და ყველაზე პროგრესული ლიტერატურაა კაცობრიობის მთელ ისტორიაში. ამ შესაძლებლობათა ხორცშესხმა საბჭოთა შემოქმედებითი ძალების უდიდეს მობილიზებას, უდიდეს თვითკონტროლსა და თვითკრიტიკას მოითხოვს.

ჩვენს ლიტერატურას წინსვლა და განვითარება გაუძნელებოდა, თუ იგი თვალს დახუჭავდა ზოგიერთ თავის არსებით ნაკლოვანებაზე, მისთვის იმ უცხო ტენდენციებზე, კერძოდ ფრიად საშიშ ინდივიდუალისტურ ტენდენციებზე, რომლებიც დროდადრო თავს იჩენენ ხოლმე აქა-იქ.

შეიძლება გადაკრით ითქვას, რომ ინდივიდუალისტური მიდრეკილებით შეპყრობილი შემოქმედი ჩვენს დროში, რაგინდ ნიჰიერიც უნდა იყოს, ვერ შექმნის ისეთ ნაწარმოებს, რომელიც სოციალისტური ლიტერატურის საგანძურში შევა და დროის დიდ გამოცდას გაუძლებს. ასეთი შემოქმედის ნიჭის გაელეება ყოველთვის ეფემერული და წარმავალი იქნება, რადგან ინდივიდუალიზმი ყოველთვის შეუშლის მას ხელს ჩასწვდეს ეპოქის მოვლენათა ნამდვილ არსსა და აზრს.

საბჭოთა ლიტერატურის ფართო გზა ახალი ქვეყნის სულიერა სამყაროს ღრმა ხვეულებისაკენ მიიმართება.

დიდი მიზნით ბაცისკროვნებული

ჩვენ ვადგივართ კაცობრიობის ისტორიის დიდ ახალ შარაგზას.

ამ ორმოცდაათი წლის წინათ პირველად კაცობრიობის ისტორიაში და პირველად დედამიწაზე შეიქმნა ხალხთა ერთიანი ძმური ოჯახი — დიდი სოციალისტური რესპუბლიკების კავშირი. ეს იყო და არის არა მარტო დიდი ისტორიული ფაქტი, დიდი ისტორიული რეალობა, არამედ დიდი ისტორიული გამიზნულობაც.

თანასწორთა და თავისუფალთა ძმური კავშირი!

რა დიდებული და რა წარმატაცია!

გინდა რაღაც ახალი სახე, ახალი ფერი. ახალი სიტყვა მოძებნო ამ დიდი ისტორიული მოვლენისა და კიდევ უფრო დიდი სამომავლისო იდეალის დასახასიათებლად, მაგრამ იმდენად საყოველთაო, საარსებო და სისხლხორცეული რამ არის იგი საბჭოთა ადამიანებისათვის, მთელი საბჭოთა ხალხისათვის, პროგრესული კაცობრიობისათვის, რომ განმეორებას ძნელად თუ ავცდებით.

საარსებო და სისხლხორცეული სწორედ იმიტომ, რომ თანასწორთა და თავისუფალთა ძმური კავშირი არ შეიძლება სრულად არ გამორიცხავდეს ერთის მიერ მეორის ჩაგვრის, დამონების, შევიწროების და დამცილების მცირე ნასახსაც კი, საარსებო და სისხლხორცეული სწორედ იმიტომ, რომ ყოველი სოციალისტური ერის ბედი, ყოველი საბჭოთა ადამიანის ბედი განუყრელად გადაწული და დაკავშირებულია ჩვენი დიდი სოციალისტური სახელმწიფოს ბედთან.

ხალხთა ძმობისა და მეგობრობის იდეალებს ღრმა ისტორიული ფესვები აქვს. მჩაგვრელი ძალების წინააღმდეგ ბრძოლაში ადამიანები უხსოვარი დროიდან ოცნებობდნენ ძმობაზე, ერთობაზე, თანასწორობაზე. სოციალური სამართლიანობისა და ეროვნული თავისუფლებისათვის ბრძოლაში ყველა ერის მშრომელი ფენები ისწრაფვოდნენ ძმობისა, მეგობრობისა და ერთობისაკენ. ყველა ერის მოწინავე ადამიანები — მებრძოლი რევოლუციონერები, პროგრე-

სული საზოგადო მოღვაწენი. მწერლები, მეცნიერები, ხელოვანები უნერგავდნენ თავიანთ ხალხებს ჰუმანიზმისა და ინტერნაციონალიზმის იდეებს. იდეები კი, როგორც ცნობილია, მატერიალურ ძალად იქცევიან, როდესაც ისინი ეუფლებიან მასებს.

ცხადია, საბჭოთა სოციალისტური რესპუბლიკების კავშირის შექმნა მოამზადეს და განაპირობეს სწორედ ისტორიულად გამომუშავებულმა და ხალხის შეგნებაში ფესვგამდგარმა, ჰუმანიზმისა და ინტერნაციონალიზმის ცხოველმყოფელმა იდეებმა.

მაგრამ ერთია ისტორიულად მომდინარე ტრადიციები და სხვა არის ამ ტრადიციების განვითარება და გაღრმავება ახალი სოციალურ-ეროვნული ურთიერთობის პირობებში.

თავის მხრივ, საბჭოთა სოციალისტური რესპუბლიკების კავშირის შექმნამ განსაზღვრა და განაპირობა საბჭოთა ხალხების, საბჭოთა ადამიანების ინტერნაციონალური შეგნების თვისობრივად ახალ საფეხურზე ასვლა, ხალხებისა და ადამიანების ძმობის, ერთობის და თანასწორობის იდეათა გაღრმავება და გაუხვება.

საბჭოთა მწერლობა, როგორც ერთ-ერთი ყველაზე მგრძობიარე ორგანო საბჭოთა ხალხის სულიერი ცხოვრებისა, ყველაზე მკაფიოდ გამოსახავს ინტერნაციონალურ იდეათა ამ გაღრმავებასა და გაუხვებას ჩვენი საზოგადოებრივი ცხოვრების წინსვლის პროცესში.

კერძოდ, თამამად შეიძლება ითქვას, რომ ამ მხრივ ფრიად მნიშვნელოვანი და თვალსაჩინოა ქართული საბჭოთა მწერლობის შემოქმედებითი მონაღვაწი. მის ერთ-ერთ ძირითად და სიღრმისეულ ლაიტმოტივად უცილობლად შეგვიძლია, მივიჩნიოთ გალაკტიონის საპროგრამო ლირიკული აღსარება:

მშობლიურო ჩემო მიწავ,
შენს საყვარელ სახელს ვფიცავ,
რომ დავიცავ ერთა ძმობას,
მეგობრობის ფიცს დავიცავ!

მაგრამ საქმე მარტო იმაში როდია, რომ თითქმის არ შეიძლება, მოიძებნოს ქართველი საბჭოთა მწერალი, რომელიც რაიმე კუთხით არ შეხებოდეს ერთა ძმობასა და მეგობრობის თემას. უფრო საგულისხმო და მნიშვნელოვანი ის არის, რომ ხალხთა ძმობა და მეგობრობა ჩვენი მწერლობისათვის მხოლოდ თემა, მხოლოდ გამოსახვის საგანი როდია, არამედ ყველა თემის გადაწყვეტის, ყოველი საგნის დანახვის ღრმა შინაგანი გეზიც და სამყაროსადმი იდეურ-ესთეტიკური დამოკიდებულებაა.

ადამიანთა ინტერნაციონალური ერთობა არა მარტო დიდი სოციალური სიკეთეა თავისი შინაარსით, არამედ წარმტაცი სილამაზეცაა, როგორც ადამიანთა ურთიერთობის ფორმა — აი, რას ამოვიკითხავთ ჩვენ დღეს ქართულ საბჭოთა ლიტერატურის ბევრ ქმნილებაში.

თამამადვე შეიძლება ითქვას, რომ ფრიად თვალსაჩინოა ქართული საბჭოთა მწერლობის შემოქმედებითი მონაღვაწი ინტერნაციონალური და ეროვნული მოტივების ჰარმონიული შეხამებისა თუ შერწყმის მხრივაც, იმის მხატვრულ-ემოციური გაცხადების მხრივაც, რომ ინტერნაციონალური არამც თუ არ გამორიცხავს ეროვნულს, არამედ, პირიქით, იგი არც შეიძლება არსებობდეს ეროვნულ მრავალფეროვნებათა გარეშე, უკეთეს ეროვნულ თვისებათა და ტრადიციათა ჰარმონიული შედუღებების გარეშე.

არ არსებობს ქვეყნად ადამიანთა მეგობრობასა და ძმობაზე უფრო დიდი ძალა, სიკეთე და მშვენიერება. საბჭოთა სოციალისტური რესპუბლიკების კავშირი მოვლენილი და მოწოდებულია სწორედ იმისათვის, რომ ამრავლოს ეს ძალა. ეს სიკეთე, ეს მშვენიერება, ამრავლოს ყველა ერის, ყველა ადამიანის კეთილდღეობა, თავისუფლება და შემოქმედებითი ძალები.

ამიტომაც არის ურღვევი დიადი მიზნით გაცისკროვნებული კავშირი თანასწორთა და თავისუფალთა.

საბანი შთაბონებისა

ყოველთვის, როდესაც გზადგავილი ზემო იმერეთის ცის ერთ მონაკვეთს გავხედავ, უნებლიეთ გული მეკუმშება, ვწუხვარ, სინანულის გრძნობა მიპყრობს: მენანება ჰაერი, მენანება ეს ცა ასეთი ამღვრეული ცის გამო გალაკტიონი, ალბათ, ვერ იტყოდა: „შეხედე, რა ცაა, ესაა რაცაა“. ასე მგონია, ამ ცადაწვდილი შავი მილებიდან ამომავალი ბოლი, განსაკუთრებით კი ყვითელი ბოლი, მეტად შხამიანია და ირგვლივ ჰაერს სწამლავს. ეს მხოლოდ ჩემი განცდაა, ჩემი პიროვნული შეგრძნება. მე სპეციალისტი არა ვარ და, რასაკვირველია, არ ვიცი, მართლაც, შხამიანია თუ არა ეს ყვითელი თუ შავი ბოლი. ასეც რომ იყოს, რას იზამ... წარმოებაა და წარმოება კი ქვეყნისათვის აუცილებელ მატერიალურ ღირებულებას ქმნის... მაგრამ არა, ჩვენ ასე თქმა არ შეგვიძლია, უფლება არა გვაქვს გულგრილი ვიყოთ ცისა და მიწის ბედის მიმართ.

აი, ჩვენს წინაშეა სკკპ მე-24 ყრილობის ღირეპტივების პროექტი სსრ კავშირის სახალხო მეურნეობის განვითარების 1971-1975 წლების ხუთწლიანი გეგმის შესახებ. ექვი არ არის, რომ მეცნიერულ-ტექნიკური აზრი, რომელსაც ამ ღირეპტივებით დავალებული აქვს ჰაერისა და წყლის ყოველგვარი გაქუპყიანების წინააღმდეგ ბრძოლის გაძლიერება, უეპველად, შექმნის როგორც „სამრეწველო და საყოფაცხოვრებო ჩამდინარე წყლების გასაწმენდ ნაგებობებს, გაზსაწმენდ და მტვერდამპვერ დანადგარებს“, ისე ყოველგვარი მავნე ბოლისა და მანქანათა გამონაბოლქვი გაზების შემსრუტავ მოწყობილობებს. ვინ იცის, იქნებ, ეს მავნე გაზები ფრიად საჭირო და სასარგებლო კრისტალებადაც თუ სხვაგვარ ქიმიურ ნაერთებადაც კი აქციონ.

სიტყვა ყვითელ კვამლზე იმიტომ ჩამოვაგდე, რომ ერთხელ კიდევ გამეხსენებინა: თავის ნებაზე მიშვებული მოვლენები თუ პროცესები, იქნება ეს საზოგადოებრივ ცხოვრებაში, წარმოებასა თუ ბუნებაში, სასიკეთო რამეს იშვიათად თუ უქადიან სიცოცხლეს. ეს ადამიანთა საუკუნეობრივი გამოცდილებებით არის დადასტურებული.

ადამიანები, რასაკვირველია, მეტად თუ ნაკლებად იმთავითვე იწყებენ გარემო მოვლენებსა თუ პროცესებში ჩარევას და შეძლებისდაგვარად მათ წარმართვას თავისი საარსებო ინტერესების სასარგებლოდ. მაგრამ ამ ჩარევის ანუ გარემოზე ადამიანის ზემოქმედების ხასიათს, საზღვრებს და შედეგებს ყოველთვის განსაზღვრავდა და განსაზღვრავს თვით საზოგადოების აგებულება, მისი სოციალ-პოლიტიკური შინაარსი. ცხადია, შეუურიგებელი სოციალური და ეროვნული წინააღმდეგობებით გათიშულ საზოგადოებაში, იქ, სადაც წარმოებაში ანარქია სუფევს, შეუძლებელიცაა გარემო მოვლენებისა და პროცესების წარმართვა მთელი ხალხის, მთელი საზოგადოების საკეთილდღეოდ. მაგალითად, რომელიმე დიდი ქარხნის კერძო ძვლობელი შეპყრობილი მეტი მოგების მიღების ეინითა და სურვილით, ნაკლებად აიტყვივებს თავს იმაზე ფიქრით, რომ მისი ქარხნის საკვამურებმა და წყალსადენებმა არ გააჰუჭყვიანონ ჰაერი და წყალი...

სოციალისტური საზოგადოების პირობებში კი ბუნების, საზოგადოებრივი ცხოვრებისა და წარმოების პროცესებში ზემოქმედებითი მეცნიერული აზრის აქტიური, მიზანსწრაფული ჩარევა და ამ პროცესების წარმართვა მთელი ხალხის, მთელი ქვეყნის საკეთილდღეოდ — წარმოადგენს თვით სოციალისტური საზოგადოების არსებობისა და განვითარების აუცილებელ პირობას. სოციალისტურ საზოგადოებას და მის მთავარ მესაქეს — კომუნისტურ პარტიას არ შეუძლია თავის ნებაზე მიუშვას მოვლენები, არ შეუძლია, სტიქიას მიანდოს ქვეყნისა და ხალხის ბედი...

ღირექტივების აზრიც ამაშია. ისინი მკაფიოდ გამოხატავენ მთელი ჩვენი სახალხო მეურნეობის ყველა დარგის, ყველა პროცესის წარმართვას ხალხის საკეთილდღეოდ, ადამიანების საკეთილდღეოდ. სწორედ ამ წარმართველ დანიშნულებაშია ამ ღირექტივების ცხოველმყოფელობაც. „ხუთწლედის მთავარი ამოცანა ის არის, — ნათქვამია ღირექტივებში, — რომ უზრუნველყვით ხალხის ცხოვრების მატერიალური და კულტურული დონის მნიშვნელოვანი ამაღლება სოციალისტური წარმოების განვითარების მაღალი ტემპების, მისი ეფექტიანობის ამაღლების, მეცნიერულ-ტექნიკური პროგრესის და შრომის ნაყოფიერების ზრდის დაჩქარების საფუძველზე“.

ღირექტივების ყოველი ფრაზის უკან მოჩანს უდიდესი საქმეები. და მართლაც, იმ საქმეთა ხორცშესხმა, რაც მთავარი ამოცანის განსახორციელებლად არის დასახული, დიდად წასწევს წინ მთელი საბჭოთა ხალხის ცხოვრებას პროგრესისა და კეთილდღეობის გზაზე. კერძოდ, საქართველოს შემდგომი განვითარებისა და აყვავების

წარმტაცი პერსპექტივა გვეწლება თვალწინ. არა მარტო უდიდეს მატერიალურ ღირებულებათა წყაროდ, არამედ ახალ სილამაზეთა, ახალ მშენიერ გარემოთა წარმოქმნის წყაროდ, გვესახება ენგურის ჰიდროელექტროსადგურის სიმძლავრეთა ამოქმედება, ვარციხის ჰიდროელექტროსადგურების კასკადის პირველი ელექტროსადგურის ამუშავება, დიდებული ჰიდროტექნიკური კომპლექსის მშენებლობის დაწყება ჟინვალში, მდნეულის სპილენძგამამდიდრებელი კომბინატის მშენებლობის დამთავრება და სხვა მრავალი.

მწერლობას, ისე, როგორც მთელ საბჭოთა ხალხს, აქვს საგანი აღფრთოვანებისა, გარჯისა, შთაგონებისა.

მეზროლოთ ბრაკონიერობას

ბუნებისადმი გულგრილი დამოკიდებულება საესებთ უცხოა ჩვენი სოციალისტური საზოგადოებისათვის. საბჭოთა ადამიანი ბუნების არა მარტო გულმხურვალე მფარველია, არამედ მისი ახალი, მშვენიერი და დიდებული ფორმების შემოქმედიცაა. მაგრამ სამწუხაროდ, ჯერ კიდევ გვხვდებიან ადამიანები, რომლებსაც ეს არ ესმით: ისინი გამსკვალულნი არიან ძველი ფსიქოლოგიის გადმონათმეობით. მათ ახასიათებთ ეგოისტური მომხევექელობა, გონებრივი სიჩლუნგე და გულგრილობა ბუნების სილამაზისადმი, მისი მომავლისადმი. ჩვენ მხედველობაში გვყავს ბრაკონიერები, ნადირობისა და თევზაობის წესების დამრღვევნი, რომელნიც ამ ბოლო დროს საკმაოდ მომრავლდნენ.

ბრაკონიერი ყოვლად საზიზღარ საქმეს ჩადის. მისი ხანგრძლივი „ღვაწლის“ შედეგია ის, რომ ჩვენი ფაუნის უმშვენიერესი წარმომადგენელი — ღურაჯი — საქართველოში თითქმის სრულიად გადაშენებულია; ასეთივე საშიშროება მოელის ჩვენი ფაუნის სიამაყეს — ხოხობს, კაკაბს, გნოლს.

ბრაკონიერი ფრინველს, ნადირს, თევზს ანადგურებს უმთავრესად ბარტყობის, მეძუძურობის და ქვირიითიანობის დროს, სწორედ მაშინ, როცა ისინი შედარებით უმწეონი არიან.

ბრაკონიერი ანადგურებს ქვეყნის ბუნებას, მის სილამაზეს: ამასთან იგი აუხამსებს და აბინძურებს ისეთ სახალისო სპორტს, როგორიცაა ნადირობა.

ახლა ბრაკონიერი განსაკუთრებით წყალს ეტანება. მათმა წრეგადასულმა ბოროტმოქმედებამ გვაიძულა დაგვეწერა ეს სტრიქონები.

აბა სცადეთ და ერთი დღე დაჰყავით ჩვენი შავი ზღვის სანაპიროზე — აი, თუნდაც ქობულეთში. თქვენს ყურადღებას აუცილებლად მიიქცევს აფეთქებათა მგრგვინავი ხმა. ყრუ, შეხუთული გრიალი მიგახვედრებთ, რომ აფეთქება ზღვაში ხდება. ეს კი იმას ნიშნავს, რომ გათავხედებული ბრაკონიერი ზღვასაც მიაღდა. იგი დინამიტებით, თუ სხვა რამ ასაფეთქებელი საშუალებებით ანადგურებს

უამრავ წერილსა და მსხვილ თევზს. მას დახოცილი თევზების მხოლოდ სრულიად უმნიშვნელო ნაწილი ამოაქვს ზღვიდან. ოღონდ ერთი ასხმა თევზი იშოვოს და სხვა არაფერი ენალვლება.

ძნელია ნათლად დაინახოთ ზღვაში ბრაკონიერის „მოღვაწეობის“ შედეგი. მაგრამ მე მინახავს ეს შედეგი მთელი სიცხადით მდინარეზე. მარნეულის რაიონში, წითელი ხიდის ახლოს, დილაადრიან მე და ჩემი მეგობარი ასეთ სურათს წავაწყდით: მდინარე ხრამის ერთი საკმაოდ განიერი ტოტი, რომლის სიგრძე ორასი მეტრი მაინც იქნებოდა, სულ გადათეთრებული იყო დახოცილი თევზებით. ჩემმა მეგობარმა უნებლიეთ წამოიძახა.

— რა შემადრწუნებელი სასაფლაოა!

ამ „სასაფლაოს“ აუარებელი კაჟკაჟი ეხვეოდა.

— დილაბნელზე თბილისიდან მოგრიალდა ოთხი კაცი „პობედით“ და ტონა-ნახევრიანი საბარგო მანქანით. მაშინვე წყალში კირი გაუშვეს, საბარგო მანქანა თევზით აავსეს და სასწრაფოდ უკან გაბრუნდნენ, — გვითხრა ადგილობრივმა მცხოვრებმა, რომელიც იქვე ზის ტოტებს ჩეხდა და საკმაოდ გულგრილად იყო განწყობილი მდინარეზე დატრიალებული ტრაგედიის მიმართ.

გვენიშნა. ჩვენ ისინი შევნაბადასთან შემოგვხვდნენ. მათ საკმაოდ ინტელიგენტურ სახეებზე სრული კმაყოფილება ეხატათ. კიდევაც გაგვიკვირდა, რომ სანადირო თოფებმომარჯვებულნი ასე ადრე ბრუნდებოდნენ უკან, ვიფიქრეთ გზაზე ალბათ გეზი შეცვალესო.

მაინც ვინ არიან ბუნების ეს უღმობელი მეკობრენი?

ნუ ეწყინებათ ჩვენს მონადირეებს, თუ ექვს გამოვთქვამთ, რომ მათგან სამ მეოთხედს ამ საქმეში მეტნაკლები წილი უძევთ.

ბრაკონიერობასთან ბრძოლა ადვილი იქნებოდა, რომ მას თითო-ოროლა კაცი ეწეოდეს, მაგრამ სამწუხარო ის არის, რომ ნადირობის წესების დარღვევა თითქმის გადამდებ სნეულებად იქცა. გულახდილად უნდა ითქვას, რომ ამ სნეულებისათვის ყველაზე ხელსაყრელა ნიადაგი იმ ადამიანებშია, რომელთაც ადვილად ხელმისაწვდომი ტრანსპორტი და ბუნებაში გავლის ხალისი გააჩნიათ.

ამ ორიოდვე წლის წინათ ჩოხატაურის რაიონში, სოფელ ხიდისთავში ასეთი შემთხვევის მოწმე გავხდი: სოფლის შუაგულში, დღისით, მზისით, მდინარე გუბაზოულის პირას გამწკრივებულიყო ხუთი კაცი, ერთმანეთზე დაახლოებით ას-ასი ნაბიჯის დაშორებით; ხუთივეს გამზადებული დინამიტი ეჭირა ხელში. ქვემოთ ტანგახდილი ბავშვები მდინარეში ქვებს ისროდნენ, წყალს ადგაფუნებდნენ, თევზებს ერეკებოდნენ ზემოთ. ერთმანეთზე მოყოლებით აფეთქდა ხუ-

თი დინამიტი, შეიქნა ერთი აურზაური, ბავშვები წარამარა ყვინთავდნენ წყალში, ნაპირზე გადამდგარი უფროსები აქეზებდნენ: „არიქა, ბიჭო, არიქა! ეგერ მიაქვს! მიუსწარი, თორემ ღარისთვალში გადაიტანს!“ მთელი ნადავლი კი ორი პეშვი ჭიჭყინა თევზი აღმოჩნდა. ყველაზე მეტად იმან გამოაცა, რომ მთელ ამ „ლაშქრობას“ მეთაურობდა კაცი, რომელსაც საკმაოდ თვალსაჩინო თანამდებობა ეჭირა რაიონში.

— ეს ოხერი, წყალში თევზი სულ გამოილია, — სინდისშეუშფოთებლად ჩიოდა ერთი „მოლაშქრეთაგანი“.

„ჰაი, ჰაი, რომ მართლაც გამოილია, და გამოილია სწორედ შენისთანა ბრაკონიერების წყალობით“, — გაეფიქრე გულში.

განა არ მახსოვს, რომ მდინარე გუბაზოული და მისი შენაკადები — საშვალა და კალაშა სავსე იყო კალმახით და წვერათი? გადავადგებოდით რომელიმე ღრმა და ანკარა მორევს, რომლის ფსკერი ხელისგულივით მოჩანდა. თვალს გვჭრიდა კალმახების ფერად-ფერადი ფორეჯების ელვარება, თითქოს ბუნების ჯადოქრულ ხელს მოლიცილიცე ფერებით წარმტაცი სურათი ჩაუხატავსო, ჩანჩქერში, ლოდქვეშ რამდენჯერ ჩამივლიდა ხელი ლაყუჩებში და ამომიყვანია წყრთის სიგრძე კალმახი, ან წვერა. დილდილობით ხშირად მომიხსნია რამდენიმე თავი თევზი ღამით დაყრილ ანკესების ლარიდან. ის კი, ვისაც გასაშლელი ანუ სასროლი ბადე ჰქონდა, ორიოდე საათს გულს იჯერებდა ბადის საღონავში გაბმული კალმახების ფართხალით, ჩანთასაც პირამდე აავსებდა.

ახლა კი, წამლადაც რომ გინდოდეთ, გუბაზოულში კალმახის ლიფსიტასაც ვერ იპოვით.

ბრაკონიერი ანადგურებს სიმდიდრესაც და სილამაზესაც, იგი ათასგვარ ვერაგულ საშუალებას იგონებს ბუნების დასაწიოკებლად. მე არ მინახავს, მაგრამ ფრიად სარწმუნო წყაროდან გავიგე, რომ ბრაკონიერი ახლა ელექტროდენსაც იყენებს თევზების გასანადგურებლად. თურმე მდინარეში პარალელურად გააბამს ორ მავთულს და მოძრავი კინოაპარატიდან შეუერთებენ უარყოფით და დადებით დენს, წყალში ელექტრობა ვრცელდება და რამდენიმე მეტრზე იხოცებიან საგანგებოდ მორეკილი თევზები.

ბრაკონიერობა წრეს გადადის.

ბრაკონიერი ცული კაცია. იგი სოციალისტური დოვლათის გამნიავებელია.

რუსული პრესა საკმაოდ ხშირად აქვეყნებს შენიშვნებს და ლიტერატურულ ნაწარმოებებსაც კი ბრაკონიერობის წინააღმდეგ.

ჩვენში, ამ რამდენიმე წლის წინათ „ლიტერატურა და ხელოვნე-

ბას“ ფურცლებზე მწერალმა კონსტანტინე გამსახურდიამ ვრცელი და საყურადღებო წერილი გამოაქვეყნა ამ საკითხის გამო.

საჭიროა, ჩვენმა პრესამ მეტი ყურადღება დაუთმოს ამ საკითხს და ნამდვილად დარაზმოს საზოგადოებრივი აზრი ამ მეტად მავნე გადმონაშთის წინააღმდეგ.

მაგრამ ესეც არ კმარა. საჭირო იქნება სხვა უფრო გადამკრელი ზომების მიღებაც! საჭიროა საჯაროდ ვამხილოთ და დავსაჯოთ ბრაკონიერები, რომლებიც ესოდენ უღმობლად ანადგურებენ საქართველოს ბუნებას.

იმ დღით

ორიოდე წელია, რაც თითქმის ყოველ ცისმარე დღით, ინათებს თუ არა, გავდივარ დავით აღმაშენებლის ქუჩაზე. მე იქ გავიციანი დილის გამამხნევებელი გასეირნების რამდენიმე მოყვარული, მათ შორის ერთი ხანდაზმული, ოთხმოც წელს გადაცილებული პროფესორი მედიცინის დარგისა, ჭარმაგი, ხალისიანი და ენაწყლიანი კაცი. ბევრი რამ ახსოვს მას ამ მიდამოების წარსულიდან. გატაცებულაა ისტორიითაც და ლიტერატურითაც როგორც ჩანს, თავის-თვის თვითონაც სკოდავს მგოსნობაში.

— სულ რამ ჯენიმე წელია, — თქვა მან იმ დღით, — რაც თბილისმა იწება მთაწმინდის მთისძირის ლამაზი და ჭავარიანი მონაკვეთისათვის მიეცა დავით აღმაშენებლის სახელი. ეს კარგი და ჩაღრმავებული გადაწყვეტილებაა, აზრიანი გახედვაც არის, გახედვა არა მარტო წარსულისაკენ, არამედ მომავლისაკენაც.

ამ ქუჩას, მართლაც, შესანიშნავი გადასახედი თუ თვალმოსაველები აქვს. თითქმის მთელი ქალაქის პანორამა გეშლებათ თვალწინ. ქუჩა კი არა, ჭერჭერობით ეს უმალ ფართო, მიხვეულ-მოხვეული, შოასფალტებული გზაა. ჭონქაძის ქუჩის გასათავიდან (უკეთ ვთქვა ა, მამადავითისაკენ ამაველ მთაწმინდის ქუჩიდან) მაყაშვილის ქუჩის ზემო კუნჭულამდე ერთი კილომეტრი თუ იქნება. მთაწმინდის მხრიდან მას ტყიან-ბუჩქნარიანი და ალაგ-ალაგ კლდოვანი მთისკალთები ეკვრის. ქალაქის მხრიდან კი — მეტწილად ჩახრამული კბოდეები. ამბობენ, ეს მონაკვეთი თბილისის მომავალი ირგვლივი გზის ერთი ნაწილი იქნებაო.

დიახაც, კარგი სამშენებლო ჩანაფიქრის ხორცშესხმა იქნება, რომ ეს საყრდენი მონაკვეთი მართლაც გაიზარდოს, გაიტყორცნოს და დავითის ღონიერი მკლავებივით მოუჩვიოს ჩვენს თბილის-ქალაქს. დიდებული სიმბოლური რკალიც შეიკვრება, რაც დიდად დაამშვენებს და დიდ სამსახურსაც გაუწევს ქალაქს.

...შესაძლოა, ვინმემ, ერთგვარ ცრურწმენას აყოლილმა, კიდევაც იმწუთხოს მეფის მკლავების ეს მოხვევა, თუნდაც როგორც უბრა-

ლო მეტაფორა, მაგრამ უეჭველად დიდი სულიერი სიბეცე იქნება, თუ დავივიწყებთ, რომ მთავარია ღვაწლი და არა ტიტული. ისტორიული ღვაწლი კი დავით აღმაშენებლისა, ფრიად პროგრესული თავის დროისათვის, უბრწყინვალესი და უდიდესია.

ამას ასაბუთებს და ადასტურებს ჩვენი ქვეყნის ყველა მათიანე და ყველა მემათიანე.

ჩვენ კი გავყვეთ ფიქრებს, გავყვეთ გრძნობებს!

მით უმეტეს, რომ როცა დავით აღმაშენებლის ქუჩაზე ვადიხართ, ძნელად თუ შესძლებთ გულგრილად მოაწლოთ თვალი საყვარელ ქალაქს. აქ თბილისი ათასნაირ ფიქრებს შემოგასევთ, მართალია, ამ ქუჩის სხვადასხვა წერტილიდან, სხვადასხვა დროს და სხვადასხვა სულიერი განწყობილების ვითარებაში თბილისი, ალბათ, სხვადასხვანაირად იკითხება, მაგრამ ერთი ძირითადი აზრი მაინც სადღაც მკაფიოდ გამოინასკვება; თუ თბილისი თავისი ისტორიის გრძნობას დაჰკარგავს, იგი ველარც ითბილისებს...

იმ დილით დავით აღმაშენებლის ქუჩის ერთი ადგილიდან გავყურებდი ქალაქს, თვალს იტაცებდა ძველი და ახალი შენობების, ქუჩების, მოედნების, ახალი უბნების, ბაღების, სანაპიროების, ხიდეების, მტკვრის მიკლაკნილ-მოკლაკნილი ტანისა და თვით მთელი ქალაქის აბორცვილ-დაბორცვილი ნაკვეთების შესანიშნავი სანახაობა. მაგრამ უმაღვე ვავიფიქრე: დე, მთელი ეს ნივთიერი გარემო მხატვრის ფუნჯმა აამეტყველოს...

მე კი ჩემებურად დავინახე იმ დილით თბილისი. დავინახე როგორც საოცრად ჩახლართულ-ჩაკვანძული ცოცხალი ქსოვილი უამრავი ბედისა. იგი ხომ მართლაც ნაქსოვი თუ ნაკეთებია მრავალი გარდასული თუ დღევანდელი თაობის ადამიანთა თავგადასავლებით, ბედითა თუ უბედობით, იმედითა და უიმედობით, სიკეთითა თუ ბოროტებით, სიყვარულითა თუ სიძულვილით, სიხარულითა თუ მწუხარებით, დიდი ვნებითა თუ შემაზრზენი ბიწიერებით, ვაჟკაცობითა თუ ლაჩრული სულმდაბლობით; ბევრი ძველი თუ ახალი დრამით, ტრაგედიით, კომედიით თუ ფარსით, დიდი თუ მცირე ისტორიული კატასტროფებით, მარცხებითა თუ ძლევამოსილი გამარჯვებებით. ყოველივე ამას გაუვლია მის არსებაში, უდენია მის ძარღვებში. ყოველი მისი შვილისა და მოკეთის, მტრისა და მოყვრის ბედი მის მცირე თუ დიდ ბედად გადაქცეულა, მის პატარა თუ მთავარ ნერვად წარმოქმნილა.

და მე ვხედავ, მე ვგრძნობ, მე ვიცი, რომ თბილისი მისი ისტორიული ყოფიერების ცოცხალი ნერვების ქსელია. ვიცი, რომ ამ ქსელის ერთი პატარა ძაფი მეცა ვარ. ალბათ, ამიტომაც ის ტკივილი

თუ სიამე, რომელსაც თბილისის რომელიმე ძველსა თუ ახალ უბანში ახლა განიცდის ან ოდესღაც განიცდიდა ამ ქსელის რომელიმე სხვა ძაფი, მეც უნდა გადმომეცეს... მით უმეტეს, თუ მე მართლაც სულითა და გულით ჩართული ვარ ჩვენი ქვეყნის, ჩვენი ქალაქის სასიცოცხლო ნერვების ქსელში, არ შეიძლება რაღაცნაირად არ გადმომეცეს მისი მთავარი ნერვების თრთოლვა.

დავით აღმაშენებელი კი, რასაკვირველია, თბილისის, მთელი საქართველოს ისტორიული ყოფიერების ერთ-ერთი მთავარი ნერვია. მერე რა, რომ იგი თითქმის ცხრა საუკუნის წინათ იყო...

იცით, რა მითხრა იმ დღეს ჩემმა ნაცნობმა პროფესორმა?

— ნურც გაგიკვირდებათ და ნურც მისტიკურ მოჩვენებად ჩამომართმევთ... როცა ძალიან ადრე, თითქმის დილაბნელზე გამოვდივარ აქ და ქალაქიდანაც არაერთხარ ხმაური არ მოდის, ზოგჯერ, აი, ამ ადგილას რომ შეეჩერდები, ყურში ჩამქსმის დიდებული გუგუნი, გულისშემძვრელი გალობა. და მგონია, რომ ეს არის „გალობანი სინანულისანი“ დავითისა...

— არც მიკვირს და არც მისტიკა მგონია, — ვუთხარი მე, — მაგრამ მაინც საიდან გესმით? ამ ეკლესიიდან გესმით?

— როგორ გეკადრებათ, — იწყინა მან. — ეგ ხომ ცინიზმსა ჰგავს... ეს ეკლესია დიდმპყრობელი მეფის ნაცვლის დროს არის აგებული... ის გალობანი კი, მე ასე ვგრძნობ, მე ასე განვიცდი, პირდაპირ თბილისის სიღრმიდან, თბილისის გულიდან ამოდის!

— ო, ეს კარგია, ლამაზია! მაშასადამე, გალობა აქვენს სულში, თქვენს ფიქრებში იბადება...

ამ დროს უეცრად თითქოს მეც მომესმა გალობა; თითქოს თბილისის ყველა ნერვი ერთბაშად ატოკდა და მთელი თბილისი შემომესია თავისი წარსულით, აწმყოთი და მომავლით, ყველა თავისი სინარულითა და წარმატებით, ტკივილითა და ვაივაგლახით.

ეს იყო თბილისთან შედუღებისა და შერწყმის რაღაც უსაშველო გრძნობა. ამ გრძნობამ კი თითქოს ძველ ნაჭრილობებზე გაშასხენა და გამიმძაფრა ერთი საკითხი, რასაც არაერთხელ ვუწვალე-ვივარ, საკითხი — დავითისა, როგორც უღრმესი ტრაგიკული პიროვნებისა, როგორც უდიდესი ადამიანისა.

განა არ გიფიქრიათ: კაცს, ვისი გონივრული მეთაურობითაც ქართველმა მეომრებმა, მხენელ-მთესველებმა, მწყემსებმა, მეზრეებმა, ხუროებმა, ქვისმთლელებმა, ღურგლებმა, მჭედლებმა, მწიგნობრებმა ოთხასწლიანი ტყვეობიდან გამოიხსნეს თბილისი და მრავალი გზა, ხიდი, ეკლესია, მონასტერი, ციხე-სიმაგრე, ქალაქი და აკადემია აღაშენეს, რა ჰქონდა სანანებელი, ან კიდევ მეტი, — რა

ისე მძიმე ცოდვა ედო, რომ თავისი გული სამარადეამო სათელად და საბეკნად დაუტოვა ქვეყანას, შთამომავლობას?

რა მწუხარება, რა ტკივილი იმალება ამ საოცარ თვითუარყოფასა თუ თავგამეტებაში? ვინ იცის, იქნებ ამდაგვარი ტკივილი მეტნაკლებად ქვეყნის ყველა კეთილშობილი და დიდბუნებოვანი მესვეურის ხვედრი იყო!

ღარიბ-ღატაკთა და ქვრივ-ობოლთა გამკითხავი, მტერთა შემუმუსრავი, კაცთმოყვარე და რჯულთამთმენი იქნებ ცოდვად იმას მიითვლიდა, რომ მეტად უღმობელი და დაუნდობელი იყო ქვეყნის ერთობის დამრღვევთა, ქვეყნის წამხდენთა, მოღალატეთა და ორგულთა მიმართ? — შესაძლოა.

იმ დილით ფიქრი განსაკუთრებული გულმოდგინებით გავადევნე მწვალებელ საკითხს.

გავიხსენე ზოგიერთი ნაწყვეტი „გალობანი სინანულისანისა“:

„... ზოლო მე ვნებათა ბილწთა მონებად მივყიდე თავი, რამეთუ რომლისგანაცა ვინ ძლეულ არნ, მისდაცა დამონებულ არნ“.

„... მე ვარ, ვითარცა უფსკრული, შესაკრებელი ბილწებისა ლუართაი“.

„სოლომონისაისა წურბლისა მსგავსად ვერ მაძლარი სხუათა სოფლის კიდეთა ვეძებდ დასაპყრობელად, და ღმრთის ჰაზღვართა ვაბრალოდ, ვითარცა მცირეთა მათ და უნდოთა, — ჩემისამდე უძლებებისა და გულის-თქმისა.“

ბოროტად გარდავხედ-საზღვართა შევპრთე სახლი სახლსა, აგარაკი აგარაკსა, და უუძღურესთა მივჭხუჭე ნაწილი მათი, და ვიღუწიდ ყოვლად უმეზობლობასა, ვითარმცა მარტო ვმკვიდრობდი ქუეყანასა ზედა“.

„ვეცხლი ვითარცა მიწაი, და ოქრო ვითარ თიხაი უბნისა ვიუნჯენ და თაყუანის-ვეც ანგაპრებისა მამონას, ვითარ იგი ძუელთა მათ — ხაალს და ასტარტეს და ქამოსს საძაგელსა.“

სიტყვაი წმინდაი და ბჭეთა ზედა მამხილებელი მოვიძულენ, ხოლო მლიქვნელთა ძმაცული სივერაგე ვითნე, და შემასმენელთან დავიტკებენ ზრახვანი და ცრუნი განვსცენ მსჯავრნი“.

რას ნიშნავს ყოველივე ეს?

ნუთუ ეს მართლაც საოცარი თვითმხილებაა?

არა, არსებითად ეს არის თვითმხილების სამოსელში გახვეული თავგამეტება ანუ თვითუარყოფა, მაგრამ თვითუარყოფა არა იმისათვის რომ თავისი პიროვნება, თავისი ადამიანური არსება წარხოცოს, არამედ იმისათვის, რომ უმაღლეს ზნეობრივ მთლიანობასა და პიროვნულობაში გაცხადდეს.

მაინც რა არის „გალობანი სინანულისანი“?

გულახდილად უნდა მოგახსენოთ: რა დიდი ავტორიტეტებიც უნდა ცდილობდნენ გაიგონ ეს ნაწარმოები პირდაპირი მნიშვნელობით, ე. ი. მიიჩნიონ იგი დავითის თვითმხილებად, ანუ მისი ცხოვრების ყოველდღიურობის პირდაპირ გამოხატვად; მე მათ მაინც ვერ დავუჭერებ.

„გალობანი სინანულისანი“, უწინარეს ყოვლისა, გარკვეული ზნეობრივ-ფილოსოფიური მიმართებაა სამყაროსადმი. იგი არსებითად ზნეობრივი მრწამსის გამოხატვაა და არ შეიძლება მისი აღსარებითი გამოთქმები გავიგოთ პირდაპირი მნიშვნელობით, ისე როგორც არ შეიძლება პირდაპირი მნიშვნელობით ანუ თვითმხილებად გავიგოთ, ვთქვათ, ძველი დროის დიდებული სომეხი პოეტის — ნარეკაციის დაახლოებით ასეთი თქმა, — ჩემი ცოდვები მთელ არარატის მთას გადასწონისო.

„გალობანი სინანულისანი“ თვითუარყოფის ანუ თავგამეტების ღრმა იდეაზე აგებული ნაწარმოებია.

თუ წარმოდგენით პირობითად გავემიჯნებით ამ ნაწარმოების რელიგიურ-ვედრებითს ფორმას, თავისი დროისათვის ფრიად ბუნებრივსა და კანონზომიერს, და გონების ლიბრგადაუქვრელი თვალთ ჩავიხედავთ მის სიღრმეში, უეჭველად დავინახავთ დიდბუნებოვანი ადამიანის მხურვალე კაცთმოყვარულ გულსა და ამალღებულ გონებას. ეს გული, ეს გონება ამხილებს და ამ მხილებით მწვავედ ჰგმობს საშინელ ცოდვებს — ბოროტებას, უსამართლობას, მტაცებლობას, მჩაგვრელობას, ანგარებას, სიბილწეს, მრუშობას — ყოველივე იმას, რაც კი იმ დროს შეეძლო, ჩაედინათ ეგოცენტრულსა და გაბატონებულ ძალებს, განუკითხველ მბრძანებელთ და ყველა ამ ცოდვას აწერს თავის თავს, აწერს არა იმიტომ, რომ თითქოს მართლაც თვითონ იყოს მათი ჩამდენი, არამედ იმიტომ, რომ მეტი ძალა და აზრი, მეტი თვალნათლივობა და სიღრმე მისცეს თვითუარყოფის იდეას, თავგამეტების სულისკვეთებას.

„გალობანი სინანულისანის“ შემოქმედს კარგად ესმის, ღრმად ესმის, რომ ქვეყნის ღირსეულმა მესვეურმა, ღირსეულმა გამგებელმა საკუთარ ვნებათა და წადილთაგან უნდა უარყოს და დასთმოს ყოველივე, რის დათმობაც და უარყოფაც შესაძლებელია, რათა თავისი ადამიანური სრულყოფისაკენ აიწიოს; ყოველი ვიწრო პიროვნული უნდა გასწიროს. რათა უმაღლეს სულიერ პიროვნულამდე ამალღდეს; ყოველივე თავისი, რის გაღებაც კი შეუძლია ადამიანს, ქვეყანას უნდა მისცეს და ქვეყანას უნდა გადააგოს, რათა ქვეყნის დიდ სიცოცხლეს შეუზიარდეს.

ეს იცოდა, ეს სწამდა და სწორედ ამიტომაც გადააგო დავით აღმაშენებელმა თავისი სიცოცხლე სამშობლოს აღორძინებას.

და მხოლოდ ასეთი ღვაწლის, ასეთი სულიერი გამოცდილების დიდი გაკვეთილი შეიძლებოდა შემდეგში ჩამოსხმულიყო უკვდავ აფორიზმად: „რასაცა გასცემ შენია, რაც არა დაკარგულია“.

ანდერძი კი, ანდერძი დავით აღმაშენებლისა, რომ მის გულზე, მის საფლავზე მუდამ ევლო ხალხს?!
ჰო, ესეც იმისათვის, რომ მის ხალხს, მის ქვეყანას სამუდამოდ გადასცემოდა და ხსოვნებოდა თავგამეტებისა თუ თვითუარყოფის დიდი გაკვეთილი, ხოლო თვით მის ნეშტს — სითბო მისი ხალხის სიცოცხლისა...

ასე ვფიქრობ, ასე მჯერა, ასე ვოცნებობ!

განა სულ უცოდველობას ვაწერ? სულ უცოდველი ვით იქნებოდა ცოცხალი კაცი, მით უმეტეს კაცი, ვის ხელშიაც იყო უამრავი ყმისა და ქვეშევრდომის ბედი!

მაგრამ მის სახელს მწიკელი არ დასდო ცოდვა-მადლის ყველაზე დიდმა განმკითხველმა — ხალხმა, ხალხის ხსოვნამ. პირიქით, ჯერ კიდევ მის მახლობელ დროშივე წმინდანადაც კი შერაცხეს.

ჩვენს დროში კი ჩვენმა სახელოვანმა მწერალმა — კონსტანტინე გამსახურდიამ თავის მრავალკარიან მონუმენტურ რომანში შესანიშნავად გააცოცხლა და თანამედროვე მკითხველთა ფართო წრეებს დიდად შეაყვარა დავით აღმაშენებელი თავისი მღვღინე ცხოვრებითა და რთული ბედით, დიდი ისტორიული ღვაწლითა და მოქმედებებით, სიბრძნითა და მისწრაფებებით, დიდი ვნებებითა და განცდებით, ტანჯვითა და მწუხარებით... დავითის გმირული საქმეები აისახა ლევან გოთუას დრამაში, მურმან ლებანიძის პოემაში და ბევრი სხვა ქართველი მწერლის ქმნილებებში.

იმ დილით მე და ჩემი ნაცნობი თუ უკვე მეგობარი პროფესორი კარგა ხანს ვსაუბრობდით ამ საგანზე.

თანაც თბილისის გულსაც ვუგდებდით ყურს!

ფურცლები კვილი დღიურიდან

ამჯერად მოსკოვს უფრო მეტად საკუთარ ფიქრებში ვკითხულობდი, ვიდრე მის უშუალოებაში.

ვკითხულობდი-მეთქი, რადგან იგი, მართლაც, უზარმაზარი წიგნია, საუკუნეებში რომ იწერებოდა და კვლავაც იწერება.

ახლა იგი იწერება ჩვენი ეპოქის გასაოცარი ნააზრვეის — პარტიის ახალი პროგრამის მიხედვით. მოსკოვი ანთებული და გავარჯარებულია ამ ჩირაღდანით.

ადაპიანთა და მათ მიერ შექმნილ საგანთა, ნივთთა, მოძრაობათა ამ ვეება ზღვაში, უწინარეს ყოვლისა რუსული გენიის ძალა ბობოქრობს.

— დაახ, ვამაყოფ, რომ რუსი ვარ და რომ მოსკოვი რუსული სულის ქმნილებაა... კოსმოსში პირველად რუსი კაცი გაიქრა... რუსი კაცი, ძმავ, — ეს ხუმრობა როდია! ვახსოვდეს, მოდის რუსი საბჭოთა კაცი, — მითხრა ერთმა რუსმა მეგობარმა, როდესაც მოსკოვზე ვსაუბრობდით.

მერე მე ვფიქრობდი მოსკოვზე. როგორც რუსულ სულზე. მაპატიოს „რუსული გულის“ ავტორმა, ჩემი ფიქრების სათაური მისი პოემის სათაურს რომ მიემსგავსა. მაგრამ ჩემს ფიქრებს სხვა გეზი ჰქონდათ. არავეითარი პლაგიატი!

მე ვფიქრობდი, რა კარგად გამოხატა-მეთქი დღევანდელი მოსკოვის სიამაყე და სულისკვეთება გამოჩენილმა რუსმა პოეტმა — ალექსანდრე ტვარდოვსკიმ თავის სიტყვაში, რომელიც მან საბჭოთა კავშირის კომუნისტური პარტიის XXII ყრილობის ტრიბუნიდან წარმოთქვა.

პოეტმა თქვა:

„და როცა ამ ტაძარში ისმენ ჩვენი ყრილობისა და ჩვენი ხალხისადმი მიმართულ მისალმებებისა და სურვილების სიტყვებს, აქ მოტანილთ ყველა კონტინენტიდან და ოკეანებში გადაკარგული კუნძულებიდან, სიტყვებს, აუღერებულთ შენს მშობლიურ ენაზე, მართლაც ყოველგვარ პატრიოტულ გრძნობას უნდა იყო მოკლებული, რომ არ განიცადო ღრმა მღელვარება და აღტაცება.“

ლენინის ენა, ქცეული საბჭოთა კავშირის ხალხთა ეროვნებათა-შორისო ურთიერთობის ენად, ხდება აუცილებელ ენად მთელი მსოფლიოს ხალხთა ახლანდელი ფიქრებისა და მისწრაფებების გამოსახატავად“.

ყოველგვარი ორაზროვნების გარეშე, პირდაპირ და ძლიერად არის თქმული. ო, რამდენ ფიქრებსა და მღელვარებას იწვევს ეს ძალეში სულისკვეთება.

ამას მიუმატეთ ის, რომ პოეტმა, რომელმაც თქვა „ლიტერატურა და ხელოვნება განსაკუთრებული გულისხმიერებით ეხმაურებიან ყოველივე მნიშვნელოვანს, რაც კი საზოგადოების ცხოვრებაში ხდება“, რასაკვირველია, იცის ფასი დიდი ადამიანური გულისხმიერებისა.

ამიტომ მიაი სიტყვის სტრიქონებს შუა უფლება გვაქვს ამოვიკითხოთ, რომ ყველა ადამიანს, ყველა ხალხს თანაბარი უფლება აქვს ყოველგვარ ადამიანურ ბედნიერებაზე, რომ არც ერთი ერის შვილი არ შეიძლება, მოკლებული იყოს იმ სიხარულისა და მღელვარების უფლებას, რასაც ვთქვათ ერთი რომელიმე ერის შვილი განიცდის ხოლმე თავისი ენის აღზევებითა და აყვავებით. ადამიანთა და ხალხთა ტოლფასოვნება ჩვენი პლანეტის მთელი ისტორიის გარდაუვალი დასკვნაა.

ჩვენი პარტიის ახალ დიად პროგრამაში შემთხვევით როდი არის უარყოფილი და დაგმობილი ეროვნული ეგოიზმი, რასაც არსებითად სხვათა არასრულფასოვნებისა და თავისი გამონაკლისობისა თუ განსაკუთრებულობის ყალბი წარმოდგენა ასაზრდოებს ხოლმე.

თუ ფესვებში ჩავიხედავთ, მე მგონი, დავრწმუნდებით, რომ კაცობრიობისათვის არაფერს იმდენი ტანჯვა და ვაი-ვაგლახი არ მოუტანია, ისე არაფერს არ უქცევია ადამიანი უბედურ და წამებულ არსებად, როგორც თავკერძობის უღმობელ ენის — ეგოიზმს. ხოლო ეროვნული ეგოიზმი ეგოიზმის ყველაზე საშიში და საზიზღარი სახეა.

უეცრად ფიქრებში ვაქა წამოიშარათა.

ერთი მოკვდავივით მეც მიკითხავს წიგნები შინაურთა და გარეშეთა. ნაგრამ გულახდილად უნდა ვთქვა, რომ ჩემი გულის სიღრმემდე ისეთი პოეტური ძალით არავის მოუტანია სხვადასხვა ტომის ადამიანთა ტოლფასოვნების იდეა, როგორც ვაქას. და რა ბუნებრივია, რომ სწორედ ვაქას გულიდან იფეთქა: „სამშობლოს არვის წავართმევთ, ჩვენც ნურვინ შეგვეცილება“...

მიძვედრი, რა თქმა უნდა, მიხვედრილია, რომ სამშობლოს

სიყვარული და ეროვნული თავკერძობა არსებითად წინააღმდეგობრივი ცნებებია, ერთი გამოთიშავს მეორეს, შენი სამშობლოს, შენი ხალხის, შენი ენის უწმინდეს სიყვარულს არაფერი აქვს საერთო ეროვნულ ეგოიზმთან. პირიქით, მხოლოდ მას შეუძლია, იყოს გულწრფელი და დაჭვრებული ინტერნაციონალისტი, ვისაც შეუძლია, უსაზღვროდ უყვარდეს თავისი ქვეყანა, თავისი ხალხი, თავისი ეროვნული კულტურა.

უბრწყინვალესი მაგალითი: უბადლო ინტერნაციონალისტი — ლენინი. ლენინი ხომ ღრმად იყო გამსჭვალული რუსული ეროვნული სიამაყის გრძნობით. მას ხომ ასე ძლიერად უყვარდა რუსი ხალხი, დიდი რუსეთი, რუსული კულტურა, რუსული ენა. ამავე დროს არავის ისე არ შეეძლო, ემხილებინა და დაეგმო დიდმპყრობელური შოვინიზმი და საერთოდ ყოველგვარი შოვინიზმი, როგორც ლენინს, ლენინს, რომელიც მოითხოვდა, რომ მრავალმილიონიან ქალაქში სხვა ერის ერთ წარმომადგენელსაც კი საშუალება ჰქონოდა ესწავლა თავის დედაენაზე.

ვგრძნობ, მკითხველის შექმუხვას, აქაოდა, ვიცით, უშენოდაც კარგად ვიცით, ათასჯერ განმეორებულსა და საყოველთაოდ ცნობილს იმეორებ; სჯობს თუ ძალა შეგწვევს, ახალი რაჟე გვითხარხო.

რა გაეწყობა, სხვებზე ადრე მევე ვტუქსავდი ჩემს თავს, რომ ამ უზარმაზარ ქალაქში — თანამედროვე მსოფლიოს გონებრივი ცხოვრების ამ მთავარ ცენტრში, სადაც ყოველ ნაბიჯზე სიახლენი გვედებათ, ათასჯერ თქმულსა და ნაფიქრს ვფიქრობდი. მაგრამ აქვე თავს იმით ვიმხნევებდი, რომ საქმე მარტო ფიქრში როდია, მთავარი ფიქრის საგანია. უმეტეს შემთხვევაში, ადამიანი სიხარულსა თუ აღფრთოვანებას, ტკივილსა თუ სევდას თითქმის ერთი და იმავე შეძახილით, თითქმის ერთი და იმავე გარეგნული რეაქციით გამოხატავს ხოლმე, მაგრამ თვით სიხარულსა თუ აღფრთოვანებას, ტკივილსა თუ სევდას ყოველ ცალკე შემთხვევაში განსაკუთრებული, ახალი შინაარსი აქვს. ასე რომ, თუ ზოგჯერ ბევრჯერ განმეორებულს ვიმეორებთ, ვიმეორებთ იმისათვის, რომ ახალი ვითარება ბადებს განმეორების საჭიროებას და, შეიძლება, ზოგიერთ განმეორებაში უდიდესი სიახლეც იყოს.

თუმცა, მართალი მოგახსენოთ, მე მომხრე ვარ ხმარებისაგან გაცვეთილი აზრების, იდეების, ცნებებისა და სიტყვების წინააღმდეგ დიდი აჯანყებისა. მოსკოვში ერთ-ერთ თათბირზე კიდევაც გაჩუქუნდა სული ამ აჯანყებისა. ერთმა ახალგაზრდა ლიტერატორმა მოითხოვა ზოგიერთი წარამარა ცნების ამოღება ხმარებიდან. გუნებაში უმაღვე მხარი დაუუქირე ამ ახალგაზრდა ლიტერატორს,

მხარი დავუქირე მის სულისკვეთებას, მის განწყობილებას. თუმცა ხმარებადან ამოღების დაკანონება არანაკლებ სახიფათო შეზღუდვა იქნებოდა მეორე მხრიდან. არა და, რა საშინლად მოსაწყენი და ამაზრზენია გაცვეთილი ცნებების, გაცვეთილი ფრაზებისა და სიტყვების გაუთავებელი ღვართქაფი.

ო, ამ მოწყენილობასაც როგორმე კიდევ გაუძლებს კაცი. მაგრამ სახელგატეხილ ცნებებსა და სიტყვებს რაღა უნდა ვუყოთ?

როცა ასეთ ცნებებსა და სიტყვებზე ჩამოვარდა ლაპარაკი, ერთმა ქართველმა მწერალმა თქვა:

— მე ყოველთვის მზად ვიქნები დავწყევლო და არასოდეს არ ვიხმარო ისეთი კარგი და ლამაზი სიტყვაც კი, როგორც არის სიძარტლე, თუკი იგი ათასგვარი სიცრუისა და სიყალბის თავშესაფრად ქცევა...

აი, ხომ ხედავთ, რა გაბედულები გახლავართ, სიტყვების წინააღმდეგ ვაპირებთ აჯანყებას.

მაგრამ კაცმა რომ თქვას, რა დააშავეს ამ „საწყალმა“ სიტყვებმა? ისე ხომ არ გამოდის, ვილაც ცხენს ვერ შესწვდა და უნაგირს მტვრევა დაუწყო.

ჩემი ოთახი სასტუმრო „მოსკოვის“ მერვე სართულიდან მიქცეულია საბჭოთა კავშირის მინისტრთა საბჭოს მრავალსართულიანი სახლისაკენ. დილდილობით იმ სახლის წინ, ტროტუარზე, წინწამოწეული კორპუსის კუთხეში, აუარებელი მტრედი იყრის თავს. ხნიერი ქალები საკენკს უყრიან მათ, ზოგჯერ ბავშვებიც, საერთოდ მოსკოვი სავსეა მტრედებით. მოსკოვის მტრედები! ვუცქერ მათ და ვფიქრობ. უმღერა თუ არა ვინმემ მოსკოვის მტრედებს? არ ვიცი! მხოლოდ რატომღაც გამახსენდა, რომ პაოლო იაშვილმა უმღერა თბილისის დილას, როგორც მტრედის გუნდივით შემოფრენილს. გიორგი ლეონიძემაც მტრედებით გაანათა თავისი ერთ-ერთი უმშვენიერესი ლექსი: „თოვლია თუ შავარდენმა დააფეთა მტრედები“. მტრედები გვახარებს. მაგრამ ზოგჯერ ყვაიცი რომ გამოფრინდება და ყრანტალებს, მე ყოველთვის რაღაც ცუდსა და ავს მახსენებს. აქაც ერთხელ დამნაშავეს მტანჯველი გრძნობა ამეკვიატა. ვფიქრობდი, რომ, როგორც კრიტიკოსს, ცოტაოდენი ბრალი მეც მიმიძღვის-მეთქი ზოგიერთი სიტყვის სახელის გატეხაში. არა, კაცმა გულის მხურვალეებაში გაუტარებელი სიტყვა არ უნდა თქვას, თორემ სიტყვას ყოველთვის ზიანს მოუტანს.

არ ვიცი, გაიზიარებენ თუ არა ამ თვითმხილებას ჩემი პროფესიული მეგობრები, ამ მგზავრობაში მყოფნიც და სხვა მრავალნიც. საერთოდ ჩვენ ძალიან გვიყვარს ერთმანეთი (ამ მგზავრობამაც

ერთხელ კიდევ დაადასტურა ეს), მაგრამ არცთუ ისე გვიყვარს ერთმანეთის ყურის დაგდება, მით უმეტეს მაშინ, თუ ჩვენს ხელობაში ერთმანეთის ორეულები არა ვართ. როგორადაც უნდა იყოს, ერთი რამ ცხადია: ზოგიერთი რამ უქველად უნდა გადავაფასოთ ჩვენს ლიტერატურულ მოღვაწეობაში. მოსკოვის ლიტერატურულმა თათბირებმა ჩემთვის ეს ერთხელ კიდევ ცხადყვეს.

ამ თათბირების მონაწილეებად თბილისიდან ექვსნი გავფრინდით, ხუთი კრიტიკოსი და ერთი პოეტი. ესენი იყვნენ: ბესო ჟღენტი, სერგი ჭილაია, გიორგი მარგველაშვილი, გიორგი ციციშვილი მირიან აბულაძე და მე. გიორგი ნატროშვილმა შინ დარჩენა ირჩია. იქნებ წინასწარ იაზრა, თბილისის აეროპორტში ვილაცამ რომ იხუმრა:

— ო, როგორ მოიხებებს სულს ქართული მწერლობა, ამ თვითმფრინავს რომ რაიმე შეემთხვესო.

მაგრამ ყველა ლამაზის ჭინაზე ჩვენს „ტუს“ არც არაფერი შემთხვევია და 2 საათსა და 15 წუთში მშვიდობიანად დაგვევა ვნუკოვოს აეროდრომზე. სხვათაშორის, ამ გაფრენასთან მე ჩემი პირადი ანგარიშიც მქონდა. მაგრამ ამაზე უკან დაბრუნებისას ვიტყვი.

მსოფლიო ლიტერატურის გორკის სახელობის ინსტიტუტში გამართულ თათბირზე — საბჭოთა ლიტერატურის ისტორიის შედგენის პრინციპების შესახებ — თავიდანვე ორი საწინააღმდეგო მოსაზრება დაისახა. ერთნი, ასე ვთქვათ, ოფიციალური აზრის წარმომადგენელნი, ამბობდნენ, მრავალეროვანი საბჭოთა ლიტერატურა ერთიანია, ძირითადად ერთიანი და ერთგვარი იყო მისი პროცესებიც თავის ისტორიულ განვითარებაში, ამიტომ მისი ისტორიაც უნდა დაიწეროს ერთიანი — ეროვნულ ლიტერატურათა შერწყმულად და შერეულად გადმოცემის გზით. ესენი, თუ შეიძლება ასე ითქვას, ერთიანობაში გაერთიანდნენ პრინციპს იცავდნენ. მეორენი კი, პირიქით, ამბობდნენ, მართალია მრავალეროვანი საბჭოთა ლიტერატურა ერთიანია, მაგრამ ერთიანია სწორედ, როგორც ცალკეულ ეროვნულ ლიტერატურათა ერთობლიობა. ამიტომ მისი ისტორიაც უნდა დაიწეროს ისე, რომ ერთიანობაში ცალკეულ ეროვნულ ლიტერატურათა სახეები გამოკვეთილად მოჩანდნენო. ესენი, თუ შეიძლება ასე ითქვას, ერთიანობაში მკაფიო ინდივიდუალიზაციის პრინციპს იცავდნენ.

პირველი: ერთიანობაში გაერთიანდნენ: მეორე: ერთიანობაში მრავალპიროვნულობათა დაცვა.

ასეთი იყო, ჩემი აზრით, ორი — ცალ-ცალკე ძალიან შორს მიმავალი თვალსაზრისის ამოსავალი წერტილი.

ქართული დელეგაციის უმრავლესობა მეორე თვალსაზრისს იზიარებდა. უკეთ ვთქვათ. ანამცთუ იზიარებდა, არამედ იგი იყო ამ თვალსაზრისის ერთ-ერთი პირველი ჩამომყალიბებელი. კამათ-შიაც პირველი სწორედ გ. მარგველაშვილი გამოვიდა, რომელმაც კარგად, ღრმააზროვნად განავითარა და დაიცვა ეს თვალსაზრისი. ძოგვიანებით ბ. ჟღენტმა წარმოთქვა მგზნებარე, შინაარსიანი სიტყვა, ერთსახოვანი შერწყმულობისა თუ შერეულობის წინააღმდეგ. ეს სიტყვა ბევრს მოხვდა გულზე. ჩვენი „ტალკეისი“, ვთქვა მე გუნებაში ბესოზე.

აღსანიშნავი და საგულისხმოა, რომ ერთიანობაში მკაფიო ინდივიდუალიზაციის პრინციპს იცავდა რესპუბლიკათა წარმომადგენლების დიდი ნაწილი. ძალიან მომეწონა საქმიანი და ჰკვიანური სიტყვა ლიტველი კორსაკისა. რამდენადმე განსხვავებული პოზიცია დაიკავა თავის სიტყვაში გ. ციციშვილმა, თუმცა ეგრეთ წოდებული ბუდობრივი პრინციპის დაგმობით იგი არსებითად დაუახლოვდა მეორე თვალსაზრისს (ბუდობრივი პრინციპი გამოიხატა წინადადებაში. რომ საბჭოთა ლიტერატურის ისტორიაში ეროვნული ლიტერატურები შესულიყვნენ ტერიტორიალურ ჯგუფებად გაერთიანებულნი, მაგალითად, ლიტერატურა ამიერკავკასიისა. შუა აზიისა, ბალტიისპირეთისა და ა. შ.). კიდევ მეტი: ისინიც კი ვინც მკაფიო ინდივიდუალიზაციის პრინციპის წინააღმდეგ თავგამოდებით ილაშქრებდნენ, იმდენ მოთხოვნებსა და პრეტენზიებს აყენებდნენ თავიანთი ეროვნული ლიტერატურების მხრიდან, რომ ძალიან უახლოვდებოდნენ მათ მიერვე უარყოფილ პოზიციას.

ძლიერ საგულისხმო იყო ისიც, რომ პირველი თვალსაზრისის ერთ-ერთმა უძლიერესმა თეორეტიკოსმა (ამ თვალსაზრისით შედგენილი პროსპექტის ერთ-ერთმა ავტორმა) — გამოჩენილმა რუსმა კრიტიკოსმა — კორნელი ზელენსკიმ (ვინაც, სხვათაშორის, რამდენიმე თვის წინათ ძალიან გაგვახარა თავისი ღრმად შთაგონებული წერილით ვაჟაზე) თათბირის მსვლელობაში მკვეთრად იცვალა ფრონტი და ეროვნულ ლიტერატურათა მკაფიო ინდივიდუალიზაციას დაუქირა მხარი.

გულმოდგინედ ვუგდებდი ყურს ორატორებს. და მიუხედავად იმისა, რომ პირველი თვალსაზრისის მომხრენი (მათ შორის ჩვენი ნიქიერა თანამემამულე გიორგი ლომიძეც) ძალიან გონებაამხვილურად ლაპარაკობდნენ, გონებაამხვილურ თეორიულ მოსაზრებებსაც იშველიებდნენ, მათ პირადად მე მაინც ვერ დამაჯერეს თავიანთი შეხედულებების სისწორეში. პირქით, მე ვფიქრობ, ისინი

ერთგვარ მოგონილ, აპრიორულ სქემას ახვევენ თავს ჩვენი ლიტერატურული ცხოვრების ცოცხალ პროცესს.

ლიტერატურის ასეთ გაერთპიროვნებულ ისტორიაზე მუშაობა პოეზიით იქნება სავსეო, — ამბობდნენ იანინი, — ეს სულ საძიებო, საკვლევო, საადმოსაჩენო მუშაობა იქნებაო.

რასაკვირველია, ამა თუ იმ საგნის მეცნიერულ ისტორიაზე მუშაობა ყოველთვის საძიებო, საკვლევო მუშაობაა. მეცნიერული ისტორიის შექმნა ყოველთვის მოითხოვს საგნის სულ ახალი და ახალი კუთხეების მიკვლევას, მის აქამდე გაუხსნელ კავშირ-ურთიერთობათა ძიებას.

მაგრამ საკითხავია, რა იქნება საძიებელი, კერძოდ, საბჭოთა ლიტერატურის ისტორიაზე მუშაობისას? იქნებ, თვით საგანი? და თუ თვით საგანი არ არის მიკვლევული და გარკვეული, მაშინ, ჩემი აზრით, უნდა ვილაპარაკოთ საგნის ძიებაზე და არა ჯერ კიდევ მიუკვლეველი საგნის ისტორიაზე.

მაგრამ საგანი არსებობს ჩვენს თვალწინ. ეს არის მრავალეროვანი საბჭოთა ლიტერატურა, რომელიც, რასაკვირველია, შედგება ცალკეული ეროვნული ლიტერატურებისაგან, შედგება არა როგორც ამ ლიტერატურათა არითმეტიკული ჯამი, არამედ როგორც მათი ორგანული ერთობლიობა. მრავალეროვანი საბჭოთა ლიტერატურა ვითარდებოდა და ვითარდება არა როგორც შერეული ერთიანობა, არამედ როგორც მკაფიოდ გამოსახული ცალკეულ ეროვნულ ლიტერატურათა ერთიანობა. აქ ერთიანისა თუ მთელის განვითარება-გამდიდრება ხდებოდა და ხდება ცალკეულთა და განსაკუთრებულთა განვითარება-გამდიდრების მეშვეობით. ასეთი იყო. და ასეთი არის თვით საგნის მოძრაობა სინამდვილეში.

ხოლო საგნის მეცნიერული ისტორია, ამ შემთხვევაში, საბჭოთა ლიტერატურის ისტორია, უნდა ასახავდეს და შეესაბამებოდეს თვით საგნის მოძრაობას სინამდვილეში.

ნათქვამს მხოლოდ ინფორმაციული მნიშვნელობა აქვს, თორემ, მოგეხსენებათ, მოსკოვში — გორკის სახელობის ინსტიტუტში საბჭოთა ლიტერატურის ისტორიას დასწერენ და დასწერენ ისე, როგორც მათ ესმით. ქართული ლიტერატურათმცოდნეობისათვის კი ახლა მთავარია შექმნას ქართული საბჭოთა ლიტერატურის ნამდვილი მეცნიერული ისტორია, რომელიც შესძლებს, გაბედულად და დაურცხვენლად ამოუდგეს გვერდში ყველა სხვა ასეთსავე, შრომას. ვფიქრობ, ამაზე დიდი საქმე ახლა არც რუსთაველის სახელობის ინსტიტუტს და არც საქართველოს მწერალთა კავშირის ლიტერატურათმცოდნეობისა და კრიტიკის სექციას არა აქვს.

სხვათა შორის, ზემომოტანილ ზოგად მოსაზრებათა გარდა, სადავო საკითხიანადმი მე მქონდა და მაქვს, ასე ვთქვათ, ჩემი უშუალო. ემოციური დამოკიდებულებაც. ვფიქრობ, ეს სრულიად უფლებამოსილი მხარეა ჩვენი სულიერი ცხოვრებისა. დეე, გული მიჰყვეს გონებას, თორემ მათი გათიშვა ტრაგიკული რღვევით ემუქრება ჩვენს ზნეობრივ არსებას.

რა ვქნა, მომკალით, ვერ ვიტან ვერაფერს შერეულსა თუ ერთმანეთში ათქვეფილს, რაშიაც ყოველივე პიროვნული გაქცეული და წარხოცილია. არც იმათი მკერა რამე, ვინაც ფიქრობს, რომ არსთა და მოვლენათა განვითარება ერთსახოვნებისავენ მიდის და ბედნიერებაც თითქოს ერთსახოვნებაშია. პირიქით სხვას რომ თავი დაევანებოთ, ერთი ხომ ამქარაა: ერთსახოვანი პირველყოფილი ქაოლიდან განვითარდა ქვეყანა, რაც ჩვენ „გვაქვს უთვალავითა ფერთა“.

ქვეყნად კი გვიზიდავს და ყურადღებას იქცევს მხოლოდ ის, რასაც განუმეორებელი პიროვნულობის ბეჭედი აზის. ძალიან სამწუხაროა, რომ ადამიანთა შორის არიან ისეთები, რომლებიც ესწრაფვიან იმას, რომ ყოველივე მათ ირგვლივ, მათ შორის ადამიანებიც უახონი და უპიროვნონი იყვნენ, ფიქრობდნენ. აზროვნებდნენ და განიცდიდნენ ასე და იმ სქემის მიხედვით, რომლებითაც თვითონ აზროვნებენ და განიცდიან.

აი, მოსკოვი — მშვიდობისა და ხალხთა მეგობრობის დედაქალაქი, სადაც კაცობრიობის ახალი ისტორიის სათავეა დადებული. მოსკოვი მშვენიერი და დიდებულია, უწინარეს ყოვლისა, ყოველივე იმით, რაც მკვეთრი პიროვნულობით არის აღბეჭდილი — დაწყებული კრემლიდან, გათავებული მიწისქვეშა რკინიგზის სადგურებით.

სხვათა შორის, ერთმა ჩემმა ნაცნობმა — საქმის მცოდნე ინჟინერმა ერთ-ერთი სადგურის ნაპირკეთობაში ქართული მარმარილო მიმინიშნა. მეჩვენა, რომ იგი ძლიერ ინდივიდუალურია თავისი ჯავარით, თავისი ძარღვების ნაქარგით. რასაკვირველია, ასევე ინდივიდუალური მოჩანან სხვა ქვეყნების ფიქალებიც. ამაშია მათი სიმშვენიერეც.

მოსკოვი ჩვენი ეპოქის სასწაულთა უდიდესი თავყრილობაა.

მაგრამ არსად ისე არ იგრძნობა საკვირველებათა მოშინაურება, როგორც მოსკოვში.

აქ ადამიანებს აღარ აკვირვებთ სულ უახლესი სასწაულიც კი და თითქოს მუდამ ახალ საკვირველებათა მოლოდინში არიან.

თუმცა რა არის ადამიანისათვის საკვირველება?

მე მგონი, ყველაზე დიდი საკვირველება თვითონ ადამიანია —

საკვირველებათა შემოქმედი, მისი გონება; მისი ნებისყოფა, მისი გრძნობები. გონებისათვის არ შეიძლება არსებობდეს უფრო დიდი საკვირველება, ვიდრე თვით გონებაა, მსგავსად იმისა, ღმერთი რომ მოგონილი არ იყოს, ღმერთისათვის ყველაზე დიდი საკვირველება თვითონ ღმერთი იქნებოდა.

რა კარგად თქვა გორკიმ: შესანიშნავი თანამდებობაა — იყო ადამიანი დედამიწაზე. თუცა ახლა ეს თანამდებობა უკვე კოსმოსშიაც არის გადატანილი.

„ყველაფერი ადაპინისათვის, ადამიანის კეთილდღეობისათვის“. ამაზე დიდხანს უოცნებია კაცობრიობას, მაგრამ იდეალი მოქმედებაში მხოლოდ ახლა გადადის.

შემთხვევით არ არის, რომ დღეს მთელი ჩვენი მოწინავე საზოგადოებრივი აზრი პირდაპირ თუ არა პირდაპირ ჰუმანიზმის საკითხებს დასტრიალებს. მოსკოვში ამას თათქოს განსაკუთრებული სიციხადით გრძნობ.

ჩემი მიხვედრით, არსებითად ჰუმანიზმის პრობლემები შეადგენდნენ მთავარ პათოსს კრიტიკოსთა საბჭოს გაფართოებული თათბირისა. რომელიც საკაეშირო მწერალთა კავშირში გაიმართა. ამ თათბირზეც მოვისმინე რამდენიმე საგულისხმო გამოსვლა, მათ შორის ჩვენი წარმომადგენლებისაც: ბ. ჟღენტის, გ. მარგველაშვილის... თათბირის მოკლე ანგარიში უკვე იყო დაბეჭდილი ლიტერატურულ პრესაში. გარდა ამისა, ანგარიში არ გამომდის.

ფროიდი და მისი კომპლექსები იქამც იყოს. მაგრამ ჩვენი სულიერი ცხოვრების ბევრი მხარე, მათ შორის ეგრეთ წოდებული ცნობიერების ნაკადიც ახსნას საჭიროებს და არა ხელაღებით უარყოფას. მე მგონია, არსებობს ცნობიერების რაღაც ძლიერ შორეული პირველადი ბიძგი.

თათბირზე გამართული მსჯელობის თემას მე გუნებაში დავარქვი: რა უნდა მოერგოს რას — ადამიანი ბედნიერებას თუ ბედნიერება ადამიანს?

მსჯელობდნენ საბჭოთა ლიტერატურის, კერძოდ ლიტერატურული კრიტიკის მრავალ საჭირობოროტო საკითხზე, ჰგომოდნენ ხელკეტიან კრიტიკას, ემპირიულ კრიტიკას, შტამპს, უფერულობას, ლაპარაკობდნენ ჰუმანიზმზე საბჭოთა ადაპინის მორალურ კოდექსზე. დროდადრო თითქოს დოგმატიზმიც გაიღრენდა. მაგრამ ლიტერატურული საკითხების მთებსა და ბორცვებს შორის გზას მიიკვლევდა ფიქრის სხვა ნაკადიც.

ბედნიერება, რა სახითაც უნდა იყოს იგი უმაღვე უბედურებად შეტრიალდება, თუ პროკრუსტეს სარეცელად ექცევა ადამიანს.

ადამიანი კი არ უნდა გავწელოთ ან შევამოკლოთ იმისათვის, რომ ჩათქმულ ბედნიერებას მოვარგოთ, პირიქით, ბედნიერება უნდა ეკეთდეს ადამიანის თარგზე.

მაგრამ ბუნებრივად იბადება კითხვა: რომელი ან როგორი ადამიანის თარგზე?

ამასთან არის დაკავშირებული, ჩემი აზრით, ჩვენი ლიტერატურის გმირის საკითხიც. გმირის საკითხი კი შემთხვევით როდი იყო მსჯელობის ერთ-ერთი მთავარი საგანი.

სიტყვა ლიტერატურაში ბუნებრივი ადამიანურობის გამოხატვას შეეხო. მაგრამ ამას უმაღლვე მოჰყვა მტკიცება იმისა, რომ თითქოს ეს არის ადამიანის ამოგდება სოციალურ სფეროდან და, მაშასადამე, მისი ქეშმარიტი არსის, როგორც საზოგადოებრივი კავშირურობისათვის ცოცხალი ქსოვილის, დავიწყება. ახსენეს ბიოლოგიზმიც, აბსტრაქტული ჰუმანიზმიც. მოიტანეს შესაფერი მაგალითები თანამედროვე ლიტერატურიდან. ზოგიერთი კიდევაც დატუქსეს იმის გამო. რომ აქაოდა უპროგრამო, სოციალურ შინაარსს მოკლებულ ადამიანებს ხატავენო. ბევრი რამ ითქვა საგულისხმო და გონებაშახვილური.

მე კი, სულ ცოდილო, ვერაფერს ვერ ვხედავ ცუდსა და დასაგმობს ბუნებრივ ადამიანურობაში. პირიქით, მე მგონია, რომ სწორედ ის არის საფუძველთა საფუძველი ქეშმარიტი ჰუმანიზმისა.

აკი ჩვენს უმაღლეს იდეალს ცხოვრებისა და საზოგადოების ისე მოწყობა შეადგენს, რომ ყოველმა ადამიანმა მიალწიოს თავის ქეშმარიტ არსს, ბუნებრივ ადამიანურობას, გაიწმინდოს ყველა იმ ნალექისაგან. რითაც იგი შემოუგარსავთ ადამიანის ბუნებრივი ბუნებისათვის შეუფერებელ ცხოვრების პირობებს, საზოგადოებრივი ყოფიერების უკუღმართ ფორმებს. მაშასადამე, ბუნებრივი ადამიანურობა, ანუ საკუთრივი ქეშმარიტი არსი ადამიანისა საყოველთაო საწყისია ადამიანთა სამყაროსი. მე არ მაშინებს ამ საწყისს ვუწოდო ღვთაებრივი. სწორედ იმ საყოველთაო საწყისშია ყოველივე ადამიანურის სრული ტოლფასოვნება. და მხოლოდ ამიტომაც შეიძლება იყოს ადამიანი ადამიანისათვის ძმა, მეგობარი და ამხანაგი.

პარტიის პროგრამის ეს შესანიშნავი დებულება, ცხადია, არავითარ გამონაკლისს არ გულისხმობს ადამიანთა მოდემოსათვის. წინააღმდეგ შემთხვევაში დებულება არ შედგებოდა.

თავის შესანიშნავ ნოველებს შორის სერგო კლდიაშვილს აქვს ერთი ციკქნი ეტიუდი — ლირიკული ჩანახატი თუ ლირიკული აღ-

სარება „სოფლის ღამე“. მე იგი ხშირად მახსენდება. აი, ახლაც მოსკოვში — ევროპის ქუჩაზე — მწერალთა კავშირის სახლის საკრებულო დარბაზშიც გამახსენდა:

„ბინდი ნელ-ნელა ეშვება. მაღლობიდან ჭერ კიდევ ვხედავ ფერდობზე გაშენებულ სოფელს. სოფლის ბოლოში ფართო ველს და ველის დასასრულს შორეულ ქედს. ჰორიზონტიდან ჰორიზონტამდე ცა სუფთაა და მუქი სილურჯე გადაჰკრავს.

მინდვრებიდან ბელურები დაბრუნდნენ ეზოში, ხმაურით შეესივნენ ალვის ხეს, დაიბუდეს ტოტებში და დამშვიდდნენ.

სიჩუმეა. ფოთოლიც არსად ირხევა.

თანდათან ბნელში იძირება ქედი, ველი და სოფელი ფერდობზე. მოისპო სივრცე, გაქრნენ ფერები და გარემო მხოლოდ ჩემს მოგონებაში დარჩა.

ხაღდაც ქვევით ერთ სახლში ღამა აანთეს.

ერთ ხანს მხოლოდ ეს სინათლე თრთის ბნელში და თვალს იზიდავს. მკრთალი შუქი მარტოა და სევდიანი მეჩვენება.

შენდეგ თანდათან სხვაგანაც აინთო.

ჰაერში გამდგარა დანაშული ბალახის სურნელება. ციციანთელები იღვიძებენ ბუჩქებში და ცივი ფოსფორით ციმციმებენ. ღამის სიჩუმეში კალიების ძილისპირული ისმის.

საღდაც გზაზე ურემი მიჭრიალებს და მეხრე მიიმღერის. ჰანგი ნადვლიანია და თანაც მხნე. მხოლოდ სიყვარულს შეუძლია, გამოსცეს ასეთი ხმა.

ფიქრით მივყვები ამ კეთილ ხმას და მინდა, მეც ვთქვა ჩემი სიმღერა, თუ როგორ ვლოცავ სიცოცხლის მაღლს, თუ მკერდში გული სიყვარულის ბუდედ როგორ ჩამიდეს.

გვიან ღამით ქრებიან ღამეები და მხოლოდ ერთი რჩება ისევ იმ ადგილას, სადაც პირველად აინთო. მკრთალი ნათელი ისევ მარტოა, ისევ თრთის ბნელში და თვალს იზიდავს.

რამ დატოვა იქ შუქი? სიხარულმა თუ გლოვამ?

ღმერთო, დაზოგე ის სახლიც. განარადე მწუხარებას! ეს მშვიდი ღამე ჩემს ქვეყანაში ყველას ბედნიერი გაუთენე“.

რაც არ უნდა თქვან, ეს სურათიც და მწერლის გრძნობაც გადამდები და ამაღელვებელია, როგორც კეთილხმოვანი ჰიმნი. ვიცი, მოინახებიან ისეთებიც, რომლებიც დაიწყებენ ლაპარაკს აბსტრაქტულ ჰუმანიზმზე, შესაძლოა, სენტიმენტალიზმზეც. იქნებ ვინმე ჩაკირკიტებულმა ისიც თქვას, რატომ მწერალი იმაზე არ დაფიქრდა, რომ, ვინ იცის, იმ ერთ სახლში საიდანაც ერთადერთი შუქი გა-

მოკრძის, ავაზაკები და კაცის მკვლელებია თავშეყრილნი და ნაალაფარს იყოფნო.

არა. მწერალმა კარგად იცის, რომ იმ სახლში ავაზაკები კი არა, ადამიანური ადამიანებია. ჩვენც ხომ ვიცით, რომ მწერალს მკვეთრად განიჭნული დამოკიდებულება აქვს ბოროტებისა და სიკეთისადმი, ხომ ვიცით რა მკაცრია იგი თავისი ბეროშვილის მტაცებლური, მომხმარებლურ-ეგოისტური ბუნების მიმართ და რა გულშემატკივარი, რა ალერსიანი და ჰირთმოზიარე თავისივე ირინე თუხაჩელის წმინდა ადამიანური არსების მიმართ. სიკეთისა და ბოროტების დაპირისპირების ბევრი სხვა მაგალითიც შეგვიძლია გავიხსენოთ ს. კლდიაშვილის წიგნებიდან.

შორს არ მივსვამ, წავიდეთ, მხოლოდ ვამბობ: უგულობასა და შეზღუდულობას თავისი უკმეხი და შეუვალი ლოგიკა აქვს. მაგრამ ადამიანური ადამიანობის დიდი სიყვარულიც თავის მარად ჩაუქრობელ სინათლეს აშუქებს.

გამახსენდა მოხუცი არქიტექტორიც, ერთი უცხოური წიგნის (პენრიხ ბიოლის) გმირი, რომელიც, იგონებს რა ახლობელ თუ შორებელ ადამიანებს — ფაშისტური ტერორის მსხვერპლთ, დაახლოებით ასეთ აზრს გამოთქვამს: — ყველა საუყუნის ყველა დიდებულ სკულპტურულ ჯგუფს სიამოვნებით გავიმეტებდიო დასანგრევად, ოღონდ ერთხელ კვლავ დამენახა სათითაოდ იმ ადამიანთა განუმეორებელი ღიმილი, მეგრძნო მათი ხელების განუმეორებელი სითბო; რას ნიშნავსო ჩემთვის ნივთების, ღმერთების, ადამიანების გამოსახულებანი ნამდვილ ცოცხალ ადამიანებთან, მათ ნამდვილ სიხარულსა და მწუხარებასთან შედარებით; ერთი ბიჭუნას გულისათვის, რომელიც თვალთაც არ მინახავს, შევწირავდიო ხელოვნების შესანიშნავ ნაწარმოებს — წმინდა სევერინის ტაძარს (არ ვიცი, ნამდვილად არსებობს ასეთი ტაძარი თუ მოგონილია. ლ. კ.) და მანინც მეცოდინებოდა, რომ ეს უმნიშვნელო და სასაცილო ფასია ისე როგორც სასაცილო ფასია მედალი ადამიანის სიცოცხლის გადარჩენისათვისო.

მე უზომოდ მხიბლავს ნივთების ფეტიშის ეს ძალუმი უარყოფა. მეც, თუ ეს ჩემზე იქნებოდა დამოკიდებული და თუ ეს საჭირო იქნებოდა თუნდაც ერთი პატარა ადამიანის გადასარჩენად, სიამოვნებით დავანგრევდი არაერთ უდიდეს ნაგებობას. მე ამაზე ხშირად მიფიქრია. იქნებ თქვენც გიფიქრიათ, იქნებ თქვენც დაგიყენებიათ გუნებაში, შესაძლოა, ერთი შეხედვით, მეტად ახილებული კითხვა: აი, ეს უზარმაზარი სახლი მეტი ღირს თუ ერთი ადამიანის სიცოცხლე?

როგორადაც უნდა იყოს ყოველ შემთხვევაში, უნდა იყოს ის, რომ ბედნიერება გაკეთდეს ადამიანური ადამიანობის თარგზე. ადამიანური კი, რანაირ ნაღვეებსა და სისაძაგლეებშიაც არ უნდა იყოს იგი ჩაფლული, უნდა მოინახოს ყველგან, ყოველ ადამიანში.

ღმერთო ჩემო, რა გულუბრყვილო ინსტრუქციასავით გამოჰდის (ვინ დამაველა? მაგრამ ეს ჩემი ფიქრებია და რაკი გადავწყვიტე მათი გამხელა. ხომ ვერ გადავასხვავებდი).

მართლაც, საოცარია ამ ფიქრების ამბავი. ზოგჯერ საოცარი რამ აგეკვიატებათ. რა მართალია პოეტი:

მიდის ოპერა - ლაქმე,
ბუტაფორიის შეხლა.
განა ეს არის საქმე?
მე სულ სხვას ვფიქრობ ეხლა.

მადლობა ღმერთს, თბილისში ყველანი კარგად დავტოვე — ნეგობრებიც, ნაცნობებიც, მოყვრებიც, ოჯახის წევრებიც. მაგრამ ერთი აკვიატებული სიზმარი ცხადში მოსვენებას არ მძლევს.

ღიახ. სიზმარი ცხადში! (მეცნიერებო, ფსიქოლოგებო! ნუ კი გაიღიმებთ ხოლმე ქედმაღლურად. თუ ვუკაცები ხართ ახსენით, ახსენით საფუძვლიანად რა არის, რისგან წარმოსდგება, რანაირი შინაარსისაა ეს სიზმარი ცხადში). დროდადრო მეჩვენება, რომ ვიღაც ყველაზე ახლობელი, ყველაზე საყვარელი, ყველაზე ძვირფასი არსება ავადმყოფი დავტოვე, ძლიერ ავადმყოფი. მერე მოჩვენება გაქრება. ვისმენ ჭკვიანურ სიტყვებს, ვესაუბრები შესანიშნავ მეგობრებს, ვფიქრობ სადღეისო საქმიან საკითხებზე, მაგრამ უეცრად შუა ფიქრებში შემაქრობს ისევ ის მოჩვენება. ასეთი რამ ზოგჯერ ნადირობაშიაც დამმართნია... ეჰ, ჭანდაბას ეს ავადმყოფური მოჩვენება. ან ვის რაში ეპიტნავენა იგი.

აი, მაგალითად, სავსებით ნორმალური და ბუნებრივი იყო ის. რომ ჩვენ ქართული დელეგაციის ყველა წევრი მოსკოვში, ვგონებ, მთელ საქართველოსთან ერთად. ძლიერ ვლელავდით ნონა გაფრინდაშვილის დიდი საჭადრაკო ბრძოლის გამო. გადამწყვეტი დღეები იყო. მოსკოვის გაზეთები კი რატომღაც არცთუ ისე სისტემატურად აქვეყნებდნენ ცნობებს ამ ბრძოლების შესახებ. ცას ვეწიეთ, როცა გავიგეთ, რომ ნონა უკვე დაუწევარი გახდა. ყოჩაღ, გოგონა, ასე რომ ალესე და დარაზმე ჩვენი გრძნობები! შორს ყოველგვარი მოჩვენება! მით უმეტეს, რომ ასე კარგად, ასე ქართულად იღიმებოდა მიხეილ ქვლივიძე, რომლის ლექსები უკვე შეეჩვივნენ მოსკოველთა ტაშს.

ვგონებ, არც იმაში იყო რაიმე მისტიკა, რომ ხშირად თვალწინ

მიდგებოდა ქართული სცენის ლომის — აკაკი ხორავას სახე, ან ხშირად ყურში რომ ჩამესმოდა რეზო ლალიძის ქართული ჰანგები. ხერხემლის გოძნობა სავსებით ბუნებრივი გოძნობაა. თანაც რეზო ლალიძე შესანიშნავი მონადირეცაა.

მერე ის იყო, რომ ერთ დღეს ცნობილ „არაგვში“ ვისადილეო. „არაგვი“ შესულია მოსკოვის ბიოგრაფიაში. რამდენიმე უცხოურ რომანშიაც კი არის მოხსენებული. მათ შორის, რამდენადაც მას-სოვს, ოლდრიჯის „დიპლომატშიაც“.

სადილზე ჩვენთან იყო ჩვენი კარგი მეგობარი, შესანიშნავი რუსი საბჭოთა ლიტერატორი — ალექსანდრე გრიგორისძე დემენტიევი. მან თქვა სადღეგრძელოში: „აღამიანთა და ხალხთა მეგობრობა არის ყველაზე დიდი სიკეთე იმ სიკეთეთა შორის, რაც კი შეიძლება დედამიწაზე განხორციელდეს; მეგობრობაში კი არავითარი უფროს-უმცროსობა და დიდ-პატარობა არ უნდა არსებობდეს“... და მართლაც... ჩვენ სუფრაზე არც ყოფილა რაიმე დიდ-პატარობა.

მხოლოდ აქვე ორი კაცის სადილი ჰქონოდა შეკვეთილი კონსტანტინე სიმონოვს. იგი მოგვიანებით მოვიდა, მოვიპატუეთ და შემოგვიერთდა თავის უზბეკი მეგობრითურთ. თამაღობაც იყისრა. თამაღამ, რასაკვირველია, არ უღალატა დიდ-პატარობის პრინციპს. თანაც ჩქარობდა, თავისი პიესის წარმოდგენას უნდა დასწრებოდა. მეორე საღამოს ჩვენც დავესწარით, მაგრამ არა კონსტანტინე სიმონოვის, არამედ გიორგი მდივნის ჰეროიკული დრამის („ტერეზას დაბადებას დღე“) წარმოდგენას პუშკინის სახელობის დრამატიულ თეატრში. მრავალი ერთსულოვანი ტაში მოსკოველი მაყურებლისა მეტყველებდა სპექტაკლის წარმატებაზე. გვითხრეს, წინა დღეებში წარმოდგენას კუბელი სტუმრები ესწრებოდნენ და აღფრთოვანებული დარჩნენო. მკვიცხლი და მოქნილი ფანტაზიის დრამატურგია ჩვენი გიორგი, თანამედროვეობის მახვილი გოძნობით. იგი წარბწამწამებთანად იღიმებოდა, როცა წარმატებას ულოცავდნენ. კარგია, ხელიმც მოემართოს!

როგორც უკვე ვთქვით, მოსკოვს დღეს, რასაკვირველია, ვერაფრით გააკვირვებთ. თუ ყოველ ქალაქს თავისი სტილი აქვს, მე ვფიქრობ, ეს სტილის თავისებურებანი ძირითადად ორგვარი ხასიათისაა: მამაკაცური და ქალური. ერთმა აპერიკელმა მწერალმა პარიზს, მაგალითად. ბრწყინვალე კურტიზანკა უწოდა. თუ ეს შედარება მართებულია, მაშინ მოსკოვს თამამად შეგვიძლია, ვუწოდოთ გოლიათი მამაკაცი, რომელიც გაბედულად აფათურებს ხელებს ვარსკვლავეთში. მიუხედავად იმისა, რომ აქ აუარებელი ლამაზი ქალია (შორს

ყოველგვარი წამწყმედი ფიქრები!) ყველაფერში — აზროვნებაში, ყოფაში, ხელოვნებაში, ქალაქის არქიტექტურაში — მაინც მტკიცედ და ენერგიული მამაკაცური ფორმები სკარბობენ.

როგორღაც მოხდა ისე, რომ ამ ფიქრის დროს ცნობილ მანეთან აღმოვჩნდი. მართალა, იგი ძველი ყაზარმული ტიპის შენობაა, მაგრამ მამაკაცური სტილის ტრადიცია მაინც შემოაქვს დღევანდელ მოსკოვში. ო, რა მძიმედ და მტკიცედ აწევს იგი მოსკოვის მიწას. მანეთი ამჟამად გამომსახველობითი ხელოვნების ნაწარმოებთა საგამოფენო გალერეად ითვლება. ახლა აქ გახსნილია 1961 წლის სრულიად საკავშირო სამხატვრო გამოფენა. ერთხელ იგი გ. მარგველაშვილთან ერთად დავათვალიერე. მერე ორჯერ მარტო დავიარე ყველა დარბაზი. ეს არის ფერების, ხაზების, პლასტიკური ნაკვთების მთელი ვეებერთელა მეურნეობა, გამსჭვალული ახალი ცხოვრების დამკვიდრების სულისკვეთებით. ბევრი რამ ახარებს აქ თვალს, გულსა და გონებას: ბევრი რამ განიჭებთ ნამდვილ ესთეტიკურ სიამოვნებას. მაგრამ უნდა ვთქვა, პირადად მე არ დამზადებია სურვილი მუხლებზე დაცეკულიყავ და თაყვანი მეცა რომელიმე უქცნობი სილამაზისათვის ის, როგორც პენრიხ ჰაინემ დაიჩოქა ვენერა მილოსელის ქანდაკების წინაშე. გასაგებიცაა, ის ჰაინე იყო, გარდა ამისა ხელოვნებაში მე ძალიან მიტაცებს მოულოდნელობა. დიდ ძალის მოულოდნელობას კი გამოფენაზე ვერ შეეხვდი. აქაიქ ქვალივით იჩხვლიტებოდა შიშველი თემატიკაც სასიამოვნო განცდას იწვევს ეროვნული ხელწერის თავისებურება.

მე ასე მივხვდი, რომ საქართველოს დარბაზიც მხარს უსწორებს სხვებს. აქაც ისე, როგორც ყველგან, ზოგჯერ სახელები ამშვენებენ ნაწარმოებებს, ზოგჯერ ნაწარმოებები — სახელებს.

საქართველოს დარბაზში წარმოდგენილ მხატვრულ ქმნილებებში ბევრი რამ არის საყურადღებო. სასიხარულო, წარმტაცი და ახალი, რასაც ფართო გზა უნდა გაეხსნას. სადავოც და საქოქმანოც. ჩემი აზრით, ცოტა როდია. მაგრამ კონკრეტულ ნაწარმოებთა გარჩევაში ვერ შევალ, რადგან, როგორც იტყვიან ხოლმე, კომპეტენტური არ გახლავართ. უცოდინართა ჩარევას კი ხელოვნების საქმეში ბევრი რამ წაუხდენია. მით უმეტეს, თუ მას ერთგვარა წესდებულების ხასიათი მიუღია. ხელოვნების ნაწარმოები, რასაკვირველია, ასე თუ ისე ყველა ადამიანზე ახდენს ზემოქმედებას. იგი მოსწონთ ან არ მოსწონთ. მაგრამ ზემოქმედება (ყრძოდ, მოწონება ან არმოწონება) — სრულიადაც არ ნიშნავს ხელოვნების ნაწარმოების გაგებას. ერთი სიტყვით, მხატვრობის დარგში მე შემიძლია მხოლოდ შინაური მსჯელობა და შინაური კამათი ჩემს ვაჟთან. სხვათა შორის,

მისი ერთი სურათი აქაც არის გამოფენილი — ქალიშვილის პორტრეტი.

ქალიშვილთა პორტრეტები — ფერწერული, სკულპტურული თუ ვრაფიკული — საერთოდ მრავლად არის წარმოდგენილი საქართველოს დარბაზში. ისინი ეკუთვნით, როგორც ხანდაზმულ, ისე ახალგაზრდა ოსტატებს. თითოეულ მათგანში მე შევნიშნე რაღაც განუმეორებელი სიმშვენიერე. ეს თითქოს ბუნებრივიცაა, ქალიშვილებზე უკეთესი ამქვეყნად აბა რა არის! მე რომ მხატვარი ვყოფილიყავ, სულ ქალიშვილებს დაეხატავდი.

იმიტომაც არა ვარ მხატვარი, რომ ასე მარტივად ვაიგივებ ცოცხალ მშვენიერებასა და ხელოვნების მშვენიერებას? თქვენც მართალი ხართ!

კიდევ უფრო მხიარული ვიქნებოდი, რომ კვლავ არ მზმანებოდა ეს წყეული სიზმარი ცხადში. თითქოს ყველა ეს ქალიშვილიც რაღაცათი ჰგავდა იმ ძვირფას ავადმყოფს.

საერთოდ, 1961 წლის სრულიად საკავშირო სამხატვრო გამოფენა მე განვიცადე როგორც ჩვენი ერთიანი მსოფლმხედველობის მტკიცე საძირკველზე დაყრდნობილი რეალისტური ხელოვნების დიდი დემონსტრაცია. მაგრამ წყურვილი მეტი მრავალფეროვნებისა მაინც დამრჩა. მართლაც, განა სულისგამყინავი ერთფეროვნება არ მოიცავდა ქვეყნიერებას, რომ ჩვენ ყველანი ერთნაირად ვხედავდეთ და განვიცდიდეთ ცას, მიწას, მთებს, ველებს, ადამიანებს, საგნებსა და მოვლენებს? მთავარია რომ ჩვენ — საბჭოთა ადამიანებს გვაქვს ერთიანი მეცნიერული მსოფლმხედველობა, რომლის მეშვეობითაც ვწვდებით საზოგადოებრივი განვითარების ობიექტურ კანონებს და ვაშენებთ საზოგადოებას, რომელიც იხსნის ადამიანებს სოციალური უთანასწორობისაგან, ჩაგვრისა და ექსპლოატაციის ყველა ფორმისაგან, ომის საშინელებათაგან და დაამკვიდრებს დედამიწაზე ყველა ხალხის მშვიდობას, შრომას, თავისუფლებას, თანასწორობას, ძმობასა და ბედნიერებას.

სამყაროს ეგრეთ წოდებული მხატვრულ-ესთეტიკური ათვისება კი, რაც, რასაკვირველია, ამავე იდეალების განხორციელებას უნდა ემსახურებოდეს, მოითხოვს ადამიანთა ფრთაშეუკვეცავი ფანტაზიის დაუსრულებელ ინდივიდუალურ სხვადასხვაობას, ქვეყნიერების ხილვის უსაზღვრო ნაირფერობას. ამის გარეშე ნამდვილი ხელოვნების განვითარება შეუძლებელია.

მაგრამ აქა-იქ ხომ არიან ხელკეტიანნი, იქნებ ზოგჯერ ჩვენს სულშიაც შემოპარულნი, რომელნიც ელტვიან ხილვათა და ფანტაზიათა დაყვანას ერთ სახეობამდე.

არა. რატომ ზღვა არ გზიბლავს, ტყე კი გაფრთოვანებსო.

მე, მართლაც, არ მზიბლავს ზღვა, არ მზიბლავს, რადგან იქ ყოველივე პიროვნული წარბოცილი და გაწყალებულია. ჩაუნთქავს მშვენიერი მდინარეები ნაკადულები, ლეღეები და მათი სახსენებელიც კი მოუსპია. ტორტმანობს, ბორგავს, ბობოქრობს უზარმაზარი წყალი — ეს უღმობელი დიდმპყრობელი და ყველაფრის გაუპიროვნებასა და გაუსახურებას ცდილობს. ტყე კი ნამდვილად მზიბლავს, უზომოდ მზიბლავს. იგი სავსეა ერთმანეთისაგან განსხვავებული პიროვნებებით, სიცოცხლის მრავალსახეობით. ერთი ხის ფოთლებიც კი არ იმეორებენ ერთმანეთს ზუსტად. თითოეულ მათგანს საკუთარი ნახატი აქვს, საკუთარი პიროვნული ნიშნები გააჩნია... ერთი სიტყვით, მზიბლავს ტყე. არ მზიბლავს ზღვა. მერე რა? ხომ არ შეიძლება, რაიმე ცოდვად ჩამეთვალოს ეს ჩემი განსხვავებული ემოციური დამოკიდებულება ზღვისა და ტყისადმი?

— რა უცნაური კითხვაა, — ამბობთ. ალბათ, თქვენ.

ასე თუ ისე, ბევრი ამდაგვარი ფიქრი მიმყვებოდა და მომყვებოდა ჩემს პირველ საჰაერო ნათლობაში.

ფაქტია, ჩამოვრჩებოდი ჩვენი ღროის ტექნიკას. როგორღაც ისე მოეწყო საქმე, რომ ჩემი ცხოვრების საკმაოდ გრძელ მანძილზე მხოლოდ 1961 წლის 14 ნოემბერს გაფრინდი თბილისიდან მოსკოვისაკენ. მართალი გითხრათ, ჩემი გულის გადამკიდეს, გულისა, რომელსაც კარგა ხანია შეეჩვია მჩხვლეტავი ჰვალი, ცოტა არ იყოს მექოქმანებოდა გაფრენა.

მაგრამ გაფრენაა კი ეს?

რამდენიმე წამს. სანამ ფრთავაშლილი და ბორბლებზე შემდგარი ხომალდი სასტარტო გზატკეცილზე გარბოდა. ერთგვარ სისწრაფეს კიდევ ვგრძნობდი. მაგრამ როცა ძალუმად დაიგუგუნა, დაიწვილა და ჰაერში აიწია, სისწრაფე თითქოს სივრცეში შთაინთქა, უკეთ ვთქვით, მოძრაობა ჩაყალბა სივრცეში.

როგორც საჰაერო ახალბედს, სერგიმ სავარძელი დამითმო სარკმელთან, ფრთის წინა მხარეს. დაბლა სახლები უკვე პატარა-პატარა კრეკ კოლოფებად მოჩანდნენ, მიწა — დაკუთხულ ნაქრებად. უცნაურ ხალიჩებად; თხელ დაწეწილ ნისლში სადღაც ჩახრამულ უფსკრულებსაც ჩაწვდა თვალი, ნაძვნართა მწვანე შუბებიც დავინახე. მერე კიდევ ერთი ზარიანი გაწვილება და ჩვენ უკვე ღრუბელთა ზემოთ მივჩოჩავდით მძიმედ დატვირთული ჩარდახიან ურემივით. მართლაც ურემივით; არა, კიდევ უფრო ნელა. მხოლოდ იმ განსხვავებით, რომ არავითარი ჭაჭგური აქ არ იყო. ხანდახან იგრძნობოდა ნარნარი გადაფერდება ხან ერთ, ხან მეორე

ნაარეზე. რატომღაც ახალგაზრდა ალიომ გაიბუბუნა: „მთაზე ქორი ანგალი პერანგივით ქანაობს“... ზოგჯერ თითქოს ერთ წერტილზე ვეკიდეთ ცაში. ზოგჯერ წინ, ჩემი ანგარიშით სულ ოცდაათობდე მეტრის ნანძილზე, ე. ი. სანადირო თოფის მისაწვდენზე მივიწინებდენი ზოლმე ღრუბლის რომელიმე ქორედს და მერმე თითქოს კუს ნაბიჯით მივდიოდით იმ ქორედისაკენ... ვფიქრობდი, რა პრიზიტული და გულუბრყვილო ასოციაციები მებადება, რა მოძველებული შედარებები მომდის თავში-მეთქი. სად ურემი და სად თანამედროვე ტექნიკის უმაღლესი მიღწევა — უსწრაფესი საჰაერო ლინერი! ხომ ახი იქნება, საოცარი ჩამორჩენილობა და თანამედროვე სტილიდან ამოვარდნა რომ მიკიჟინოს ვინმემ, რა გაეწყობა.

მოსკოვიდან კი უკვე ათვისებულ სივრცეს მოვარდევდით, ვიცოთ. რომ ცხრა თუ ათი კილომეტრის სიმაღლეზე ვართ. ზევიდან მოშენილი ცა დაგვნათის, ქვეშ კი ზამთრის ტყვიისფერი ღრუბლების ტრამპლებია გადაშლილი. გგონიათ, ხან თვალუწვდენელ ნაცრისფერ ხნულებს მისდევთ, ხან ტვინივით დანაკვებულ ქუფრ ველებს, ხან თეთრად აკვამლებულ ბუჩქნარებს, ხან კი იისფერ თოვლით დაფარულ ტყეებს. ზოგჯერ კაცს ეჩვენება, შეიძლება, ჩამოვიდე და ფეხით გავუწაწრო ამ ზოზინა თვითმფრინავს ან იმ მშვენიერ თეთრ მინდორზე გავისეირნო. მაგრამ გონების ერთ კუნჭულში მაინც არის მიმაღული იკვნეული ფიქრი: ხომ საკმაოა მანქანის რომელიმე მთავარმა სასიცოცხლო ნაწილმა — უგულო, უგონო ლითონმა ივერაგოს; რომ ეს ათასნაირი ფიქრებით, იმედებით და ოცნებით სავსე თავები სადღაც საშინლად ჩაილეწონ.

— მართალი გითხრა, ძალიან დიდ ნდობას კი ვუცხადებთ ამ ტექნიკას, — გადავულაპარაკე ბესოს.

ბესომ გულიანად გაიცინა.

კავკასიონის ღრუბელთა ქორედები სრულიად განსხვავებულნი არიან. საზღაპრო სილამაზით აღვსილნი. მე ასე მეჩვენა, რომ ისინი თითქოს იმეორებდნენ თვითონ კავკასიონის მწვეკვავალებს, ფრიალოებს. ჰიუხებს, ქარაფებს, ჯიხვთშესახევეწლებს, ყინულისა და თოვლის ფაფანაკებს. ალბათ, სადღაც აქ არის ჩვენს ქვეშ დიდებული მყინვარწვერი, დარიალი, თერგი, არაგვი. ო, ჩვენ ალბათ, თავზე გადავუქროლეთ მათ, დიდი ილია კი მოხვევის ტანმორჩილი ცხენით შემოდოდა საქართველოს კარებში. შემოდოდა და რა მძიპე ტვირთი მოჰქონდა. ჩვენ კი... მაგრამ აქ ყოველგვარი პარალელი, მეტი რომ არ ვთქვათ, უდიდესი კადნიერება იქნებოდა...

ამასობაში ჩვენი თვითმფრინავი ოსტატურად დაეშვა თბილისის მიწაზე.

ღვაწლი პოეტისა

საკმაოდ ნაყოფიერი და მონდომებული, მაგრამ არცთუ ხმაურიანი პოეტია გრიგოლ ცეცხლაძე. გართულებულ წარმოსახვებს არ ეტანება იგი, უფრო მეტად უშუალო განცდებსა და საგანთათუ მოვლენათა პირდაპირ ანარეკლებს გამოსახავს. ბევრ მის ორიგინალურსა თუ თარგმნილ პოეტურ ნაწარმოებებში მკითხველი საკმაოდ პოულობს კარგ, ძარღვიან, შთაგონებულ და დიდხანს გამყოლ სტრიქონებს, მოხდენილ პოეტურ ნაკვთებს.

„ჩემი შემოქმედებითი გზა ორ პერიოდად იყოფა, — წერს პოეტი თავის თავზე — პირველი ერთგვარად დაშორებული იყო რეალიზმს, მეორე კი — რეალიზმის პრინციპებს ემყარება და სოციალურად განახლებული ცხოვრების რომანტიზმით არის გამსჭვალული“.

პოეტს ცხოვრებისა და შემოქმედების საკმაოდ გრძელი გზა აქვს გამოვლილი... და ახლა მსცოვანს შეუძლია უთაკილოდ შეაჯლოს თვალი თავის ნაღვაწსა და ნაამაგარს... ამ რამდენიმე წლის წინათ პოეტმა კიდევაც თქვა წრფელი ლირიკული აღსარება:

ჰაუ!
რამდენი შეცდომები
შევნიშნე ახლა,
განვლო ბილიებს
გადავავე როდესაც თვალი

ბევრ დიდ სიძნელეს დაუძლეველს
რომ შევეკიდე...
თუმც განდიდების,
გამდიდრების
არ მღრღნიდა კია.
მე არ მაღარდებს
თუ არა ჰქუხს ჩემი სახელი,
ჩემი კაკალიც თუ ჩუმად დევს,
არა ჩხრიალებს,
ვიცი, ჩემს ლექსსაც
ჰყავს მოკეთე — მკითხველი წრფელი, —
სხვათა დაფნები ძილს არ მიფრთხობს,
არ მაწრიალებს.

სადაც მონაბერი ფიქრების სიღრმეში ინასკვება მწვავე კითხვა: მართლაც, შორია კაციდან კაცამდის?.. შემოქმედლიდან შემოქმედამდის? პოეტი შეჰხარის ქვეყანას, ეპოქას, სადაც დიდი ტალანტები კი არ ემიჯნებიან და კი არ მტრობენ მცირე ტალანტებს, რიგით ადამიანებს, არამედ ბედში იზიარებენ, თავიანთ საქმეთა და ფიქრთა თანამონაწილეებად სახავენ...

არზვიადობა, მოკრძალებულობა ორგანულია პოეტის კილო-სათვის:

შვილი პატარა ქვეყნის,
არაზვიადი გვარის,
ეზივარ და ვუცქერ ტალღებს,
ჩემს წინ დუღუნებს მტკვარი,

ადამიანებთან კავშირისა და ეპოქასთან განუყრელობის გრძობა პოეტის წარმოსახვაში ვნაქადება რომანტიკულ სწრაფვას:

ადამიანთა შორის
მე არ დავღივარ კენტად.
მე ვლელავ მთელი გულით
ჩემს ეპოქასთან ერთად.

არის რაღაც საპატიებელი მიამიტობა ხანდაზმული პოეტის მოხუცურ წუხილში:

„ეჰ, დრონი. დრონი“!
ხანდაზმული
სევდით ვბუბუნებ.
მაგრამ ახალ დროს
ამ სიტყვებით
ჩრდილს ვაფენ განა?
მეც სხვებთან ერთად
გულით ვეტრფი ახალ ქვეყანას,
მაგრამ მადარდებს.
სიკაბუკეს რომ ვერ ვიბრუნებ.

თავის ამ დარდში, როგორც ვხედავთ, არცთუ მთლად ორიგინალურია ჩვენი გრიგოლი. იგი გაცილებით უფრო ორიგინალურია თავისი ბიოგრაფიის ერთი ეპიზოდით, რაც მას უამბნია ჩემთვის — ეს არის „დუელი“ გალაკტიონთან.

ანაღაზრდობაში გალაკტიონი და გრიგოლი რაღაცის გამოცხარედ წალაპარაკებულან, ერთმანეთზე კიდევაც გაწეულან... მაგრამ გრიგოლი ანაზდად შეჩერებულა და მოლიმარეს პათეტიკურად წარმოუთქვამს:

— ტოროლას მაინც არ მოვკლავ... არა, ტოროლას კი არა...
იადონს მაინც არ მოვკლავ, ბევრიც რომ მქონდეს წამალი...

და მეგობრულად გაუწვდია ხელი გალაქტონისათვის.

— მართალია, ჩემო გრიგოლ! — უთქვამს გაღიმებულ გალაქ-
ტონს. — აბა, აბა, რა გვაქვს საჩხუბარი საწყალ პოეტებს...

საგულისხმოა გრიგოლ ცეცხლადის ღვაწლი ქართულ, საბჭო-
თა პოეზიაში. ვუსურვებ მას, დიდხანს იცოცხლოს და ამრავლოს
თავისი პოეტური სიტყვა.

ვაოჟის სუნთქვა

ვიცი, ჩვენს ლამაზ ქვეყანას და კიდევ უფრო ლამაზ ხალხს ბევრი ენამზიური მეკვლე ჰყავს. ისინი ეტყვიან მას მგზნებარე სიტყვებს, მაგრამ ჩვენ ყველანი ხომ უნდა ვიყვნეთ ერთმანეთის მეკვლენი, რათა მუდამ ვგრძნობდეთ შემქმიდროებას, გულთა და სულთა კავშირს.

შინდა სულში მედგას ის გრძნობები, რაც ახლა თქვენს გულში დღეს ჩემო ძმებო თუ დებო, ქართულ ცხეარს რომ აძოვებთ ყიზ-ლარის ველებზე, ქართულ ვაზს რომ ელოლიავეებით ალაზნის სანახებში, ციტრუსებსა და ჩაის რომ ახარებთ საქართველოს სუბტროპიკებში, მარგანეცი და ქვანახშირი რომ ამოგაქვთ ქართული მიწის წიაღიდან, ქართულ ფოლადს რომ აღნობთ და ქართული მარკის მანქანებს რომ აკეთებთ, ქართულ აკვანს რომ არწევთ და ქართულ ნანას რომ მღერით.

თქვენ ბევრი ფიქრი გაქვთ! და ვიცი, რომ ამ ფიქრებშია ადამიანთა გულის დიდი სიმართლე.

შინდა, ვიყო თქვენს ფიქრებთან თქვენი გულის ხელთუქმნელ სიმართლესთან: რა გაღონებთ, რა გახარებთ, მოეუნახო მათ საერთო ძაფი, საერთო კილო. მხოლოდ მაშინ შეიძლება ექნეს სიტყვას რაიმე მნიშვნელობა.

ვაგლახ, რა ახლოსა ვარ და მაინც ერთგვარად შორსა ვარ თქვენგან.

მაგრამ დიდი საერთო ფიქრებიც ხომ გვაქვს.

აი, უამთავლის უსასრულო კრიალოსანზე. ჩამოიმარცვლა კიდევ ერთი წელი — 1962 წელი. თვალი გავადევნოთ გარდასულს, რადგან ხომ ვიცი, რომ აწმყო, შობილი წარსულისაგან, არის მშობელი მომავალისა.

ყველაზე დიდი რამ რაც, ჩემი აზრით, გასულმა წელმა მოგვცა, ეს არის, რომ გადავრჩით!

შორეულ კარიბის ზღვაში განასკვეულ წინააღმდეგობათა გამო ბეწვზე ეკიდა მთელი მსოფლიოს ბედი... მაშასადამე, თითოეულ ჩვენთაგანის ბედიც.

გაიმაჩვეა გონიერებამ.

ვინ, როგორ და რამ გადაგვარჩინა — ეს ჩვენ ყველამ კარგად ვიცით. მაგრამ მთავარია მუდამ გვახსოვდეს, რომ ამ საქმეში თვითთული ჩვენთაგანის ღირსეული წვლილია. მხოლოდ ჩვენი შრომა და ერთგულება აძლევს ძალას ყოველგვარ სახელმწიფოებრივ სიბრძნეს.

გადავრჩით, მაგრამ... ხედავთ, მაინც რა მოუწესრიგებელია ჯერ კიდევ ეს ჩვენი დედამიწა? ჯერ ხომ კიდევ არიან და ფრთხილ გაცხოველებულადაც მოქმედებენ წრეები, რომელთაც ომი ყველა წინააღმდეგობის გადაწყვეტისა და ქვეყნიერების „მკურნალობის“ მუდმივ საშუალებად მიაჩნიათ. ერთი კაცთმოძულე დამთხვეული ამერიკელი იმასაც კი ამბობდა, რომ უომრად მსოფლიო მოსაწყენი და მახინჯიაო.

ჩვენ კი გვაქვს ერთი დიდი საერთო რწმენა, რომ მშვიდობა და მხოლოდ მშვიდობა არის ყველა ამქვეყნიური ბედნიერების. სიკეთისა და მშვენიერების წყარო. ჩვენ ვიცით, რომ ომი საშიშვლებათა არა მარტო იმით, რომ უამრავ სიცოცხლესა და ნივთიერ დოვლათს სპობს. არამედ იმითაც რომ საშინელ ზნეობრივ ჭრილობებს აყენებს საზოგადოებას, ადამიანებს. ზნეობრივი ჭრილობების მოშუშება კი ყველაფერზე უფრო ძნელია.

იმისათვის, რომ მშვიდობა განმტკიცდეს, რასაკვირველია, არ კმარა რომ თითო-ოროლანი იყვნენ გონიერნი და გულკეთილნი: აუცილებელია თვითთული ჩვენთაგანი თავისი შრომითა და ღვაწლით ამრავლებდეს მშვიდობის ძალებს. კაცაც ხომ ის არის და ქუდიც ხომ იმას ხტრავს, როგორც ძველად ქართველები იტყობდნენ ხოლმე, ვინც დიდ პასუხისმგებლობას გრძნობს ყოველივე იმისათვის, რაც მის ირგვლივ ხდება.

ჩვენ კარგად ვიცით ჩვენი საბჭოთა უღიდესი მიღწევები. თქვენი მიღწევებიც ხომ ყველაზე უკეთ თქვენ იცით. მიღწევებზე ბევრი იწერება. ძალიან ბევრი. ესეც რომ არ იყოს. მიღწევებს თვითთული ჩვენთაგანი უმაღვე გრძნობს თავის ყოფაცხოვრებაში. მე თუ მკითხავთ, საჭიროა მეტი იწერებოდეს იმაზეც. რაც მინალწვეია და რაც საჭიროა ადამიანთა ბედნიერებისათვის. გვესმოდეს ეპოქის სუნთქვა.

ერთ საოცარ მიღწევაზე მაინც მინდა ვთქვა ორიოდ სიტყვა.

აი, ახლა ჩვენგან რამდენიმე ათეული მილიონი კლამეტრით დაშორებულ პლანეტისაკენ — მარსისაკენ მიჰქრის საბჭოთა კოსმოსური ხომალდი. რომლის გონიერი ავტომატური მოწყობილობანი გვატყობინებს სანყაროს საიდუმლოებებს.

გასაკვირველი არაფერია და ადამიანურად გასაგებია, თუ რომელიმე ჩვენგანი ფიქრობს: — განა არ სჯობს, ჯერ ამ ჩვენი დედამიწის საქმეები გავათავისთავოთ, აქაური ადამიანის ცხოვრება. მოვაწყოთ ბედნიერად და მერე დავიწყოთ ზეცაში ფათურიო?

მაგრამ, მოგეხსენებათ, მეცნიერება და ტექნიკა ვერ შემოიფარგლება მარტო „მიწიერია“ ინტერესებით, რადგან საწყაროს ყოველი საიდუმლოს ამოხსნა — ეს არის ადამიანის გონების გამარჯვება ბუნების ძალებზე. ყოველი ასეთი გამარჯვება კი, რასაკვირველია, საბოლოო ანგარიშში აფართოებს ადამიანის თავისუფლებისა და ბედნიერების არეს. გარდა ამისა, ვინ იცის, ის მანქანა. რომელიც ახლა მარსისაკენ მიისწრაფის, შესაძლოა, იქნეს ერთგვარი პირველახე თუ ერთგვარი პროტოტიპი იმ ავტომატური რკინისკაცებისა, რომელთა ლაშქარმა მომავალში, შესაძლოა, ადამიანის კარნახით შეასრულოს ყველა უძნელესი სამუშაო და აურაცხელი დოვლათი დაგვიგროვოს.

შორს წავედით. დავუბრუნდეთ იმეგ ჩვენს „ახლობელ“ მარსს, მითოლოგიაში ომის მრისხანე ღმერთად წოდებულს. ეს ის მნათობია, რომელსაც მიჯნურისაგან შორს მყოფი ავთანდილი შელალადებდა:

მოდი, მარსო. უწყალოდ
დამკერ ლახვრითა შენითა,
შეცამღებე და შემსვარე
წითლად სისხლისა ღენითა.

რამდენიმე კვირისა თუ რამდენიმე თვის შემდეგ დედამიწის საბჭოური შიკრიკი გვერდით ჩაუვლის ამ „მრისხანე“, წითლად მოკიაფე მნათობს, ჩაიხედავს მის საიდუმლოებაში და ცნობებს მოგვაწვდის... დაე, ეს იყოს დიდი სიმბოლური ნიშანი ომის ღმერთის შებორკვისა!

ადამიანებს დიდი ხანია სწყურით იცოდნენ, არის თუ არა სიცოცხლე მარსზე, არიან თუ არა იქ გონიერი არსებანი...

დიდება და დღეგრძელობა შენს მარჯვენას, მშრომელო ადამიანო, ქვეყნის დოვლათს რომ ქმნი და სიცოცხლის ფესვებს ახარებ!

ნაწყვები ლიტერატურული დღიურიდან

— თანამედროვე კრიტიკაში მოღვაწეობა ძალიან ძნელია, — მითხრა ერთხელ კარგად ცნობილმა ლიტერატორმა, — აბა, გულზე ხელი დაიდეთ და თქვით: ჰგავს თუ არა ზოგჯერ ჩვენი კრიტიკული აზრის მდგომარეობა იმ მხატვრის მდგომარეობას, რომელსაც ცალთვალა შეფე უნდა დაეხატა? ისედაც საკმაოდ კბილდადგმულსა და არცთუ ისე ძვალშავარს, რანდენი მოქნილობა სჭირდება ზოგჯერ, რომ არც მწვალი დასწვას, არც შამფური...

ამ სიტყვებმა რატომღაც სურვილი გამიჩინა, დროდადრო დაეწერო ის. რაც კალმის წვერს მოჰყვება ხოლმე.

ამ დღიურებს, რასაკვირველია, არავითარი კავშირი არა აქვს კრიტიკის სადღეისო მოქნილობასთან.

დღიურები სრულადად შემთხვევით წამოვიწყე. არც კი ვიცი, რა გამოვა.

მე მყავს ერთი მეგობარი. დიდი ხანია ვიცნობ, მაგრამ გამორკვეული მაინც არა მყავს. წარმოადგინეთ, მის ხნოვანებასაც კი ვერ გეტყვით ზუსტად. საერთოდ. მეტად საინტერესო პიროვნებაა. ბევრი საგულისხმო თვისება ახასიათებს. ამჟამად საკმაოდ მტკიცე და თვალსაჩინო მდგომარეობის კაცია. ცხოვრებაში ბევრი განსაუდელი ნახა, ბევრი ატრიალეს იქეთ-აქით. მაგრამ მისი იღბლის ხაზი მაინც ზევით მიდის. ღმერთმა ხელი მოუშარტოს. აღამიანის წარმატების საწინააღმდეგო რა უნდა გვქონდეს. მხოლოდ ერთი ახირებულა ზნე სჭირს: დროდადრო ვერ მცნობს ამდენი ხნის ნაცნობს. პირველად მივირდა, მერე შევეჩვიე. ახლა მისი ეს ზნე კიდევაც ართობს ჩემს ცნობისმოყვარეობას. მიზი ამ ცვალებადი დამოკიდებულებით კარგად ვხვდები, რა განწყობილება სუფევს გარკვეულ წრეებში, ვინ ვის უწყრება, ვინ ვის წყალობს. თუმცა, კაცმა რომ თქვას, ცნობისმოყვარეობით ეს ტკობაც რა ბედენაა, როგორც იტყოდა ხოლმე ჩვენი ერთი მწერალი.

რაკი სიტყვამ მოიტანა, აქვე გეტყვით, რომ ჩემი მეგობარი ცოტ-ცოტას მწერლობს.

არიან ადამიანები, რომელთაც ბევრი აზრი და გრძნობა მოს-
ლით თავსა და გულში, მაგრამ გამოთქმა და წერა უჭირთ; არიან
ისეთებიც, რომელთაც ძალიან ბევრი წერა და ლაპარაკი ეხერხე-
ბათ, მაგრამ აზრის მოსავეალი არც თუ ისე უხვი აქვთ.

ვერ გეტყვი. ამათგან რომელ ჯგუფს ეკუთვნის ჩემი მეგო-
ბარი, მაგრამ წერა ძლიერ ეადვილება. ამას ზედ ერთის ის, რომ
საკმაოდ უზრუნველყოფილად ცხოვრობს. ნუთუ აღარ აქვს საბაბი,
რომ უკვდავებაც ეძიოს?

რალა ბევრი გავაგრძელო: ამ ცოტა ხნის წინ ერთი კარგა მოზ-
რდილი თხზულება დაწერა და მე წამაკითხა, როგორც ძველ მეგო-
ბარს. მე, ცოტა არ იყოს, წუნია კაცი გახლავართ, იოლად არაფერი
მომეწონება. არ მომეწონა ჩემი მეგობრის თხზულებაც. მართო
იმიტომ კი არა, რომ საერთოდ, ჩემი აზრით, რაც იოლად იწერება,
რს ძნელად იკითხება, და ჩემი მეგობრის თხზულებაც ძნელი წასა-
კითხი აღმოჩნდა; არა, იმიტომაც. რომ მართლაც არ არის იგი აღ-
ბეჭდილი ნამდვილი ხელოვნების მაღლით. ჩემი შენიშვნები გულა-
ხდილად გავუზიარე. ბოლოს პილპილიც მოვაყარე, გრიგოლ ორ-
ბელიანიც წამოვიშველე და ვუთხარი: — მდგომარეობისა და თა-
ნამდებობის მიხედვით არ ანაწილებს განგება ნიქსა და უნარს-
შეთქი.

ამ ნიადაგზე ჩვენს შორის პირდაპირ ცხარე კამათი ატყდა.
კვამათობთ სიტყვიერად, როცა ერთმანეთს ვხვდებით, კვამათობთ
ნიწერ-მოწერითაც. როგორ მოსალოდნელი იყო, ჩვენი კამათი
გასცდა თავდაპირველ საგანს და ბევრ სხვა რამესაც ვეხებით, ლი-
ტერატურულსაც და არალიტერატურულსაც.

არ ვიცი, შემდეგ და შემდეგ როგორ განვითარდება და რა ხა-
სიათს მიიღებს, მაგრამ ვატყობ, რომ თუ გაუთავებელი არა, საკ-
მაოდ გრძელი მაინც იქნება ეს ჩვენი პაექრობა და რომელიღაც
საფეხურზე იქნება გაშველებაც კი დაგვეკირდეს. ამიტომ ვადაე-
წყვიტე, ზოგი რამ მკითხველსაც გავუზიარო ამ კამათიდან. იქნებ,
მკითხველის ჩარევამ რამდენადმე საჭირო და სასარგებლო გახა-
დოს იგი. მით უმეტეს, რომ, როგორც ჩანს, ზოგად საკითხებთან
ერთად ჩვენ ლიტერატურის კონკრეტულ საკითხებსაც შევეხებით,
შეიძლება ქართველი მწერლების შემოქმედების განხილვაც და-
გვეკირდეს. გარდა ამისა, შესაძლებელია ჩვენს კამათს გზადაგზა
სხვებიც შემოენაკადოს და სახირო რამე გამოვიდეს.

აო, რა ნიადაგზე იბადება ჩემი დღიურები. რასაკვირველია,
ეს არ იქნება სტენოგრაფის მაგვარი რამ. პირიქით, მე უმთავრესად
კამათის იმ ნაწილის დასაბუთებას შევეცდები, რომელიც მე

მეკუთვნის, მეგობრის ნაწილს კი იმდენად მოვიტან რეპლიკებად ან სხვა სახით, რამდენადაც დამკირდება ჩემი მიზნისათვის.

ვფიქრობ, ჩემი მეგობარი ამას თავკერძობად არ ჩამომართმევს. როგორც ვთქვი, მას წყალივით წერა ემარჯვება და შეუძლია დაწეროს რაც სურს. გარდა ამისა, მის შეხედულებებს ძალიან ვრცლად ვერ მოვიყვან, რადგან მაშინ, შეიძლება, ადვილად გამოიცილოს ის. მე კი მისი სახელი არ მინდა გავამჟღავნო, ვუფროსილდები მის თავმოყვარობას.

მკითხველი ალბათ გრძნობს, რომ ჩვენი დღიურები არცთუ ისე მწყობრივ და დალაგებულნი იქნება. მართლაც. ვინ იცის, სად წაგვიყვანს და რა უცნაურობას გადაგვიტყდეს კამათის სტიქია.

შეიძლება, ძვირფასო მკითხველო, მთელი ეს ამბავი მოგონილიც იყოს შენს საინტრიგოდ, რომ როგორმე ყური დაგაგდებინო ჩემი სათქმელისათვის. ასეც რომ იყოს, ვფიქრობ, დიდი ცოლვა არაა. მაგრამ ჩემი მეგობარი ნამდვილად არსებობს და ჩვენი კამათიც ნამდვილია.

როგორც ვთქვი, ჩემი მეგობარი არ დაეთანხმა ჩემს მოსაზრებებს მისი ნაწარმოების გამო და, როგორც ყოველ ასეთ შემთხვევაში ხდება ხოლმე, შეუდგა იმის განმარტებას, თუ როგორ ესმის მას მხატვრული შემოქმედება.

თითქოს საოცარია, რომ იმის შემდეგ, როცა არსებობს ხელოვნებისა და ლიტერატურის მრავალსაუკუნოვანი ისტორია, როცა კაცობრიობის კულტურის საგანძურში დაგროვილია მხატვრული შემოქმედების უამრავი უკნობი შედეგები, — მრავალ ესთეტიკურ მოძღვრებაზე რომ არაფერი ვთქვათ, — ჩვენს წინაშე ყოველ ცალკე და არა ცალკე შემთხვევაში მაინც დგება საკითხი, თუ რა არის ხელოვნება, რა არის მხატვრული შემოქმედება, მაგრამ ეს მხოლოდ ერთი შეხედვით არის საოცრება. ნამდვილად კი: თუ ღრმად ჩავუყვირდებით, ამაში გასაოცარი არაფერია.

ხელოვნება და ლიტერატურა ადამიანთა სულიერი ცხოვრების მეტად რთული და მეტად მრავალწახნაგოვანი მოვლენებია. იცვლება და ვითარდება ადამიანთა ცხოვრება და იცვლება მათი გემოვნება, შეხედულებანი, მისწრაფებანი, იცვლება მათი წარმოდგენები. სილამაზეზე, მშვენიერებაზე, სიკეთეზე, ბოროტებაზე. ამიტომ მხატვრული შემოქმედების განუწყვეტელი განვითარების პროცესში თავს იჩენენ ისეთი ახალი მოვლენები, რომლებიც მისი ბუნების სრულიად ახალ მხარეებს, ახალ ნიშან-თვისებებს ამჟღავნებენ.

ჩემი მეგობარი კი ფიქრობს, რომ დასაბამიდან დღემდე ხე-

ლოვნების ბუნებაში არავითარი ცვლილება და არავითარი ახალი მხარეების განვითარება არ მომხდარა. მისი აზრით, ისე როგორც უშორეს წარსულში, ჩვენი ნახევრადველური წინაპარი თავის გასართობად ანუ განცდილის კვლავ განცდისათვის იმეორებდა იმ მოძრაობებს, რომლებსაც ძირხვევების მოპოვების ან მხეცებთან ბრძოლის დროს ასრულებდა, დღესაც ხელოვნება არსებითად განცდილის კვლავ განცდის სურვილით იბადება.

— ადამიანის ბუნება ისეა მოწყობილი, — ამბობს ჩემი მეგობარი, — რომ ყოველთვის მიისწრაფვის კვლავ განიცადოს, სხვებსაც განაცდევინოს და განამტკიცოს ის, რაც განუცდია სინამდვილესთან ურთიერთობაში. არსებითად სწორედ ეს კვლავ განცდაა ხელოვნება. ამიტომ რამდენადაც ცხოვლად და მართლად წარმოსახავს შემოქმედი იმ საგანს, იმ ვითარებას, რომელიც მისი განცდის პირველი წყაროა, იმდენად ძლიერი იქნება მისი კვლავ განცდა ანუ მისი ხელოვნება. მეც ჩემს ნაწარმოებში შევეცადე ისე ზუსტად აღმეწერა და გამომეხატა ბუნებაც, ადამიანებიც. მათი ურთიერთობაც და მოქმედებაც, რომ ისინი თვალწინ დაგვდგომოდნენ და ისეთივე განცდები აღეძრათ, როგორსაც აღგვიძრავდნენ ხოლმე სინამდვილეში. შენ კი ყველაფერს მიწუნებ, ჩემი არც ადამიანები მოგწონს, არც პეიზაჟები, არც სიუჟეტი, არც ისა და არც ეს, — მსაყვედურობს მეგობარი.

როგორც ხედავთ, ჩემი მეგობრის შეხედულება ლიტერატურაზე არცთუ ორიგინალურია. მსგავსი შეხედულებანი არაერთხელ გამოთქმულა სხვათა და სხვათა მიერ. ამ შეხედულებაში, ისე როგორც სხვა ანალოგიურ შეხედულებებში, ჩემი აზრით, არის ჭეშმარიტების მარცვლიც. მართლაც, ხომ არ შეიძლება ლაპარაკი იყოს ცხენზე და ქუთათამყოფელმა კაცმა თქვას, ვაშლიაო. მაგრამ საქმე ისაა, რომ საგნის ბუნების ერთი ნიშნის ან თუნდაც მისი საერთო მოხაზულობის გამოხატვა ვერ გაგვიხსნის საგნის მთლიან ბუნებას. ამისათვის საჭიროა ყველა მის არსებით ნიშანთა კვანძისა და მისი ისტორიული ევოლუციის გარკვევა.

მსგავსად იმისა, რომ ჩვილობის დროს ადამიანისათვის არსებითია ხელ-ფეხის, უაზრო ინსტინქტური მოძრაობა, ხოლო მოზრდილობის დროს არსებითი უკვე ხელ-ფეხის შეგნებული მოძრაობაა, — თავისი განვითარების აღრეულ საფეხურზე ხელოვნებისათვის უეკველად არსებითი იყო ისეთი თვისება, ვთქვათ, ინსტინქტურობა, ქვეცნობიერულობა, რაც დღეს მისთვის უკვე აღარ არის არსებითი. შესაძლოა, კვლავ განცდაც ანუ ცხოვრების უშუალო მიმბაძველობა მთავარი და არსებითი იყო ხელოვნებისათვის მისი განვითარე-

ბის გარკვეულ საფეხურზე, მაგრამ დღეს იგი სრულიად არ არის საკმაო. მხატვრული შემოქმედების ბუნების ამ ისტორიული ევოლუციის დაწვრილებითი გამოკვლევა მეტად საყურადღებო და საგულისხმო სურათს გადაგვიშლიდა თვალწინ. ამასთან დაკავშირებით, ექვს გარეშეა, ისიც გამოირკვეოდა, რომ ხელოვნებისა და ლიტერატურის სხვადასხვა თეორია არსებითად ამ ისტორიული ევოლუციის სხვადასხვა საფეხურისა და სხვადასხვა მხარის ანარეკლია.

მაგრამ ასეთი გამოკვლევისათვის დიდი დრო და აუარებელი კონკრეტული მასალა იქნებოდა საჭირო. აქ დავეკმაყოფილდეთ მხოლოდ ამ მითითებით და ისევ ჩემს მეგობარს დაუბრუნდეთ.

საპართლიანობა მოითხოვს ითქვას, რომ მისივე შეხედულების შესაბამისად ჩემი მეგობრის ნაწარმოებში დიდი გულმოდგინებით არის აღწერილი ერთი დაწესებულების ადამიანთა ცხოვრება და თავგადასავალი. ამ დაწესებულების დირექტორი თითქოს მეტად საქმიანი და მბრძანებელი ხასიათის კაცია. თავის თანამშრომლებზე იგი მუდამ ატარებს რაღაც პირდაპირ თუ არაპირდაპირ ცდებსა და დაკვირვებებს. ამას იგი ადამიანზე ზრუნვას ეძახის. ბოლოს, როცა დარწმუნდება, რომ რომელიმე მათგანი სრული ყუყუჩი და უპიროვნოა, ყოველმხრივ შევლის და აწინაურებს. ამ გზით დაწესებულების თითქმის ყველა თვალსაჩინო თანამდებობა ასეთმა ადამიანებმა დაიკავეს. დირექტორს განსაკუთრებით დიდ პატივში ჰყავს თავისი მოადგილე, რომლის ოჯახშიაც მფარველად და შინაურ კაცად ითვლება. ბოლოს საქმე ისე წავა, რომ დირექტორი ჯერ თავისი მოადგილის ლამაზ ცოლს, მერე მის ლამაზ ქალიშვილსაც შეაცდენს. ამავე დროს თვითონ მეტად ღონიერი და მიმზიდველი მამაკაცი აღმოჩნდება. დედა-შვილს შორის იმართება ჯერ ფარული და ბოლოს თითქმის აშკარა მეტოქეობა ამ სათაყვანებელი მამაკაცის გამო... ერთი სიტყვით, ნაწარმოებში არის საკმაოდ ფიცხი ეროტიული ეპიზოდებიც. დრამატული სცენებიც, ყოფაცხოვრებითი სურათებაც. მაგრამ ნამდვილი ხელოვნება მაინც არ გამოუვიდა ჩემს მეგობარს, ნამდვილ მხატვრულ სიმართლეს მაინც ვერ მიაღწია. იგი მარწმუნებს, ეს ამბავი პირდაპირ სინამდვილიდან მაქვს აღებულიო. მერე რა ვუყოთ? განა ყველაფერი, რაც სინამდვილიდან არის აღებული, აუცილებლად მხატვრული სიმართლეა? სიმართლე ღრმად იმალება მოვლენებში.

ვთქვათ, ჩემს მეგობარს რომ ნამდვილად განეზოგადებინა მხატვრულად თავისი ამბავი და დამაჯერებლად ეჩვენებინა. რომ უსულგულო ბიუროკრატები და მათი ბიწიერებანი ფეხს იკიდებენ

სწორედ ჩვენი ცხოვრების ისეთ კუნძულებში, რომლებშიაც სხვადასხვა მიზეზების გამო ჯერ კიდევ არ ჩაუხედავს ხალხის პატიოსან, მართალ და მრისხანე თვალს, — ეს ასე თუ ისე მაინც იქნებოდა მიახლოება ცხოველ სიმართლესთან და ამ სიმართლის გზით — წარმატაც ადამიანურ სილამაზესთანაც. მაგრამ ჩემი მეგობარი გატაცებულია ცხოვრებისეული ფაქტების პირდაპირი განმეორებით და ყოველნაირად ცდილობს მკითხველში აღძრას ის უშუალო ფსიქოლოგიური, ფიზიოლოგიური და ბიოლოგიური რეფლექსები, რომლებიც ჩვენ, როგორც ცოცხალ ადამიანებს, ხშირად აღგვეძვრია სხვადასხვა მიზეზთა და ვითარებათა ზემოქმედებით. ერთი სიტყვით, კვლავ განცდა ნაწარმოებში ასე თუ ისე მიღწეულია, მაგრამ: ვფიქრობ, ნაწარმოები მაინც ნამდვილი მხატვრული შემოქმედების მიღმა დგას. რასაკვირველია, ეს იმას არ ნიშნავს, რომ შიგადაშიგ არ მოიპოვებოდეს კარგი ადგილები და კარგი სახეები. მაგალითად, მგონია, მეგობარს გვარიანი გამოუვიდა ტიპი ისეთი კაციისა, რომელსაც საკუთარი სხივოსნობა არ გააჩნია და მუდამ სხვის შუქს ირეკლავს, რომ მთვარესავით ნასესხები შუქით ანათოს. მომწონს ერთი უბრალო, მოკრძალებული და პატიოსანი მუშაკის შეხლაც გადიდკაცებულ ღირექტორთან. ეს მუშაკი ბევრ დამცირებასა და უსამართლობას იტანს, მაგრამ ბოლოს მაინც აფეთქდება: — „მე არც გენიოსი ვარ და არც გადიდკაცებული ვინმე, — ეუბნება იგი ღირექტორს, — მაგრამ დაბადების უფლებით, როგორც ადამიანს, მე ჩემი წილი მიღვეს ქვეყანაში. ამ ჩემს წილს არავის დავანებებ. ჩემისთანები უთვალავია. და ჩვენ, სხვა რომ არა იყოს რა, ზიზღით და ფურთხით წავლექავთ შენისთანა არამზადებს, რომელთაც მხოლოდ მდგომარეობის შენარჩუნება და რაც შეიძლება მეტის წაგლეჯა დაუსახავთ მიზნად“.

შეაძლოა, ეს ადგილი იმიტომაც მომეწონა, რომ საერთოდ, ჩემი აზრით, უსამართლობისა და ბიჭიერების წინააღმდეგ აშბოხებული ადამიანი მშვენიერია.

— ჩემო კარგო, — ვეუბნები ჩემს მეგობარს, — შენი ნაწარმოები არ არის მოკლებული ერთგვარ ემოციურობას. შენ ცდილობ ზუსტად აღადგინო ნანახი და განცდილი და ასე თუ ისე ახერხებ კვლავ განცდას. შენს ნაწარმოებს აშკარად ატყვია, რომ პირდაპირ არის გადმოწერილი ცხოვრებიდან და სწორედ ამიტომ არ ჰგავს ცხოვრებას. მას აკლია სწორედ შენი ხელოვნება, შენი ღრმა და მღვლვარე დამოკიდებულება ქვეყნისადმი, შენი გამომგონებლობა. ერთი სიტყვით, შენს ნაწარმოებში არ არის ხელოვნების ემოციურობა, უკეთ ვთქვათ, შენ ვერ შესძელი უშუალო,

დედიშობილა ემოციების გარდაქმნა ხელოვნებით აღორულ ემოციებად, ვერ მონახე ისეთი განუმეორებელი მხატვრული ფორმა. რაც არსებითად იმ თემების, იმ მოვლენების აქამდე ჩაუხედავ სიღრმეში ჩაგვახედებდა, რომლებზედაც შენ წერ. მწერლობა კი, ანუ ხელოვნება საერთოდ, ჩემი აზრით, იწყება სწორედ მაშინ, როდესაც შემოქმედი უშუალო ადამიანურ განცდებსა და ემოციებს ისე გადაადნობს და გარდაქმნის, რომ ხელოვნების ემოციებამდე აამალლებს, რაღაც ახალსა და განუმეორებელს დაგვანახვებს. ყველა ნამდვილი და დიდი მხატვრული ნაწარმოები ხომ იმით გვაფრთოვანებს, რომ რაღაც ახალ საპყაროს გვიშლის თვალწინ, რაღაც განუმეორებელსა და განსაკუთრებულს გვიჩვენებს. თანაც გვგონია, რომ ყოველივე ეს იმდენად ადამიანური, იმდენად ცხოვრებისეულია, რომ ჩვენც შეგვეძლო გვეთქვა და გამოგვებხატა.

შენ კი, ჩემო კარგო, გგონია, რომ მხატვრული შემოქმედება მხოლოდ იმას უნდა გვახსენებდეს, რაც უკვე ვიცით, რაც არაერთხელ განგვიცდია. უფრო უხეშად, მაგრამ უფრო მკაფიოდ რომ ვთქვათ: შენ გგონია, რომ, მაგალითად, შიშველი ქალი ხელოვნებაში იმავე განცდებს უნდა იწვევდეს, რასაც იგი სინამდვილეში იწვევს. ვიმეორებ, მაგალითი ცოტათი უხეშია, მაგრამ არა უშავს, სამაგიეროდ მკაფიოა. არა, ძვირფასო, ამ როლს უბრწყინვალესად ასრულებს ცოცხალი ქალი და ამ მხრივ მას არავითარი ხელოვნური შემცვლელი არ სჭირდება. რა ფასი ექნებოდა მრავალ მხატვრულ შედეგს, რომლებიც ქალის შიშველ სხეულს გამოსახავენ, რომ მათ უშუალო ფიზიოლოგიური რეფლექსების აღძვრა ევალებოდეთ? არავითარი. ნამდვილად კი ეს შედეგები გვხიბლავს ჩვენ გამომსახველობის უდიდესი ძალით, განუმეორებელი ხელოვნებით, რაც არსებითად ადამიანის სხეულის სილამაზისა და მშვენიერების მანამდე ჩაუწვდომელ სიღრმეში ჩაწვდომაა.

თუ მხატვრის მიერ დახატულმა ტყემ ისეთივე განცდები და ემოციები უნდა აღმიძრას, როგორსაც თვით ნამდვილი ტყე აღმიძრავდა, მაშინ რაღა ნახატს დავუწყებ ყურებას, წავალ და ნამდვილ ტყეს შევემსკვალები. არა, მხატვრის ნახატში მე უნდა მომხიბლოს გამომსახველობის განუმეორებელმა ხელოვნებამ, ტყის მშვენიერების მანამდე მიუკვლევებელმა სიღრმემ.

ამ ბოლო დროს თითქოს მოღაშია შემოსული ემოციურობაზე ლაპარაკი. რასაკვირველია, მხატვრული ნაწარმოები. თუ ის მართლაც მხატვრული ნაწარმოებია, ემოციური უნდა იყოს. მაგრამ, ვგონებ, ზოგჯერ ავიწყდებათ, რომ ერთია ხელოვნების ნაწარმოების ემოციურობა და სულ სხვაა უშუალო ემოციები. ხელოვნ-

ბაში რომ საქმე მარტო იმ ემოციებთან გვექონდეს, რომლებსაც ჩვენში უშუალოდ საგნები და მოვლენები იწვევენ, მაშინ ხელოვნება ზედმეტი ბარგი იქნებოდა, რადგან თვით სინამდვილე, თვით ჩვენი არსებობის პირობები ასეთი ემოციების მარად უშრეტი წყაროა.

ხელოვნება და ლიტერატურა ადამიანთა ემოციური სამყაროს დიდი ორგანიზატორი და დიდი მომწესრიგებელიც არის, რადგან თავისთავად ეგ სამყარო საკმაოდ ქაოსური და მოუწესრიგებელია. რამდენ ახირებულსა და უცნაურ რამეს წააწყდებით აქ. როდესაც ემოციებისა და სხვადასხვა ასოციაციების აღძვრაზე ჩამოვარდება სიტყვა, უნებლიეთ ერთი ამბავი მაგონდება, რომელიც რატომღაც ძლიერ ჩამრჩა მეხსიერებაში. არ შემიძლია, არ გიამბოთ:

ბავშვობაში ერთ სათნო მოხუცს ვიცნობდი. ლაზარე ერქვა. თოვლივით თეთრი წვერ-ულვაში ტუჩებთან თამბაქოს ბოლით ჰქონდა ჩაყვითლებული. მოხუცი მალიმალ იხსნიდა ჩოხის ქამარზე გამოკიდულ ქისას და თავის გრძელტარიან ჩიბუხს თუთუნით სტენიდა. მერე კვესს გაჰკრავდა და ნაპერწკალმოდებულ აბედს ჯერ ცხვირთან მიიტანდა, დაყნოსავდა, მერე ჩიბუხზე დაადებდა. აპლაკუნებდა, აქუჰყურებდა თამბაქოს შავი ზეთით გამოვსებულ შილს. ჩვენი კუთხის ბავშვებს ძლიერ გვიყვარდა ბაბუა ლაზარე. ხშირად გვიყვებოდა ყარამანიანის ამბებს. განსაკუთრებული გატაცებით მოგვითხრობდა, თუ როგორ ასწია ყარამან-ყათილმა ყაფის მთის რკინის კარები და როგორ გაატარა შიგ თავისი რჩეული ფალავნები. ბოლოს, ლაზარე, ჩვენ მოგვიბრუნდებოდა და გვეტყოდა:

— აბა, გვრიტებო, ახლა თქვენ გამახარეთ, ხიცინობია ითამაშეთ!

ეს საკმაოდ უაზრო და მარტივი თამაში თვითონ ბაბუა ლაზარემ გვასწავლა. ხან ერთ, ხან მეორე ილიისაკენ ერთმანეთს საჩვენებელ თითს ვუშვერდით და თან ვიძახოდით: „ხიცი, ხიცი, ხიციანე, იცინე და იცინე“. ვისაც სიცილი აუტყდებოდა, იგი დამარცხებულად ითვლებოდა და მისთვის ცხვირზე წკიპურტი უნდა გვეკრა. ამ თამაშის ყურება, როგორც ჩანს, ლაზარესათვის უდიდესი ნეტარება იყო. სახე ხან სიხარულით წამოგეზნებოდა. ხან შთაგონებულად გაუფითრდებოდა, ხან უცნაურად მოელრუბლებოდა, მაგრამ ტუჩები სულ გაღიმებული ჰქონდა. ეტყობოდა, კიდევაც ხარობდა და ნეტარებდა, კიდევ იტანჯებოდა და წვალობდა თითქოს მოთმინების ძაფიც უწყდებოდა... და ერთხელ, როცა ერთმა ჩვენთაგანმა თითი მისკენ მიიმვირა და დაიძახა: „ლაზარ, ხიცი, ხიცი,

ხაცინჯ. იცინე და იცინე“, მოხუცი, მართლაც. სიცილით გადაფიჩინდა. მიწაზე გაგორდა და ფხარკალი აუფარდა. ანის შემდეგ ონავარი ბიჭები ხშირად აწვალუბდნენ ამ სათნო მოხუცს. ცდილობდა, სათოფეზე აღარ გაგვეკარებოდა. კარგა ხნის შემდეგ, როცა წამოვიზარდე, ვთხოვე მოხუცს აეხსნა, რა მოსდიოდა იმ დროს.

— ჰე! ჩემო ბაბუ, რას გაიგებ, კაცის სულსა და გულს რამდენი უცნაური ხერხელი აქვს, — მითხრა მან, — როგორ ავიხსნა... მე თვითონ არ ვიცი, რა და როგორ ხდება, მხოლოდ ვიცი, რომ როცა ვინმე ვინმეს „ხიცი-ხიცის“ ეუბნება, გული რაღაც ენით გამოუთქმელი გრძნობით მევესება. მოკლედ, რაც კი ცხოვრებაში სიტკბო და სიმწარე მინახავს, იმ წუთს თითქოს ყველაფერი გულში მიდღღღს... თითქოს კიდევაც ვნეტარებ და კიდევაც მეშიინია. გული არ გამიხეტქოს ამ ნეტარებამ. მაგრამ, თუ ვინმე თითს ჩემკენ გამოიშვერს, უკვე აღარაფერი ვიცი, პირდაპირ ბნელა მემართება.

მე მგონი მოხუცის ეს აღსარება საგულისხმოა. მართლაც, რამდენი უცნაური განტოტება აქვს ადამიანის ფსიქოლოგიურ რეფლექსებს. ძალიან ძნელია ადამიანთა ემოციების ასავალ-დასავალის გაგება. მაგრამ ერთი რამ ცხადია: „ხიცი-ხიცი“ არ შეიძლება მიეკუთვნოს ხელოვნების რომელიმე დარგს.

თუმცა, რამდენადაც მე ვიცი, თანამედროვე მოდერნისტულ-აბსტრაქტული ხელოვნების ქომაგთა შორის არიან ისეთებიც, რომლებიც თანამედროვე ხელოვნებას ადამიანის ინტელექტის ვარეშე აყენებენ. აი, მაგალითად, პოლონელი კრიტიკოსი არტურ სანდაუერი ამტკიცებს, თანამედროვე ხელოვნება კლასიკური ხელოვნებისაგან იმით განსხვავდება, რომ იგი ადამიანზე გავლენას ახდენს არა გაგების, არა ინტელექტუალური ათვისების გზით, არამედ უშუალოდ, როგორც მუსიკა ან ფიზიკური შეხებაო; იმისათვის, რომ ჩვეულებრივი ფრაზა შეითვისო, — ამბობს იგი. — საჭიროა ჭერ გაიგო ეს ფრაზა, მაგრამ იმისათვის, მუსიკა ან ფიზიკური შეხება აითვისო, სრულიად არ არის საჭირო მათი გაგება, საკმარისია გამოსცადო მათი უშუალო ზემოქმედებაო; ამიტომ ადამიანებმა თანამედროვე ხელოვნებაში რაიმე საგანი, აზრი და იდეა კი არ უნდა ეძიონ, არამედ ასოციაციათა მდინარებს, ფიგურებისა და ფერების მუსიკას უნდა მიჰყვნენო.

დაახლოებით, ალბათ, ისე უნდა მიჰყვენ. როგორც ბაბუა ლაზარე მიჰყვებოდა ხოლმე „ხიცი-ხიცის“ ასოციაციებს.

სხვას რომ თავი დავანებოთ, ათვისების მხრივ ფიზიკური დარტყმისა და მუსიკის ზემოქმედების არამცთუ გათანაბრება, არამედ

მათ შორის უბრალო ანალოგიის გავლებაც კი პირდაპირ აბსურ-
დია. მე მუსიკალური კაცი არა ვარ და, ცხადია, მუსიკა ჩემზე გავ-
ლენხას ვერ მოახდენს. თუ ვერ გავიგე მუსიკალური ფრაზა, მუსი-
კალური სურათი. მაგრამ არა მგონია, რომ თვით უალრესად მუ-
სიკალურ კაცზე მოახდინოს გავლენა ბგერების უბრალო რხევამ.
თუ მან არ გაიგო მუსიკალური სახე, მუსიკალური კომპოზიციაც.

გაგების, მიხვედრის, ჩაწვდომის აქტი ყოველთვის ყოფილა
და ყოველთვის იქნება ხელოვნების არსებითი მხარე.

წარმოუდგენელია, რომ ის ჯადოსნური მუსიკალური ქმნილე-
ბანი, რომლებიც ასე ხიბლავენ ადამიანებს, ბრმად და გაუაზრებ-
ლად იყვნენ შექმნილნი ან ასევე ბრმად და გაუაზრებლად მოქ-
მედებდნენ მსმენელებზე. წარმტაცი მუსიკალური ფორმები, რა-
საკვირველია, მზამზარეულად არ აწყვია სადმე ბუნების საგან-
ბურში. ამ ფორმების მისაკვლევად და შესაქმნელად მუსიკოს-
მემოქმედს ალბათ უდიდესი სულიერი ენერჯის ხარჯვა სჭირ-
დება. ინტელექტი კი სულიერი ენერჯის მთავარი სახეა.

ერთი სიტყვით, ჩემი აზრით, ხელოვნების გათიშვა ინტელექ-
ტისაგან მის სრულ პროფანაციას მოასწავებს... ფორმალისტურ-
დეკადენტური ესთეტიკის ლოგიკას ხელოვნება საერთოდ ჩიხისა-
კენ მიჰყავს.

მაგრამ დავანებოთ თავი ვიღაც და რაღაც შორეულთან კა-
მათს.

არის ხოლმე შემთხვევები, როდესაც ადამიანის აზრი და გრძნო-
ბა იმდენად მოიღლება თუ გაზარმაცდება, რომ სინამდვილის
არავითარი ღრმა ფენების გათხრა და გადმობრუნება აღარც სურს,
აღარც ძალუძს, ზერელე და მსუბუქი რამეებით კმაყოფილდება.
ეს ყველგან არის შესაძლებელი. მიზეზიც მრავალგვარია. აქა-იქ
ჩვენს ლიტერატურულ ცხოვრებაშიაც ხომ იგრძნობა აზრისა და
გრძნობის გაზარმაცება. არ იფიქროთ, რომ აზრის სიზარმაცე სა-
ერთოდ ზარმაც კაცს ნიშნავდეს. პირიქით, აზრზარმაცი კაცი ზოგ-
ჯერ უფრო მოძრავი, მკვირცხლი, მოხერხებული და ნაყოფიერი-
ცაა, შეუძლია ერთ დღეს მთელი თაბახი გადააქრელოს, რადგან
ზედაპირზე სრიალი საერთოდ ადვილია. ამას წინათ ერთი ნიპი-
ლისტურად განწყობილი ნაცნობი მეუბნებოდა ერთ მწერალზე,
უკვე ორი რომანისა და ათიოდე მოთხრობის ავტორია, მაგრამ
ნაძღვილი ხელოვნების კარიბჭეს ჯერ არ მიახლოებიაო. ერთ პო-
ეტსაც ჰკილავდა. ბევრ ლექსსა წერს, მაგრამ პოეზია ჯერ კიდევ
ცნრაკლიტულში ჰყავსო. რასაკვირველია, ეს მეტისპეტად გადაშ-
ლაშებაა, მაგრამ ზოგიერთი რომ მწერლობას მეტად იოლ საქმედ

თელის, ეს ცხადია. აი, მაგალითად, შენ. ჩემო ძმავო. — გულახდილად ვეუბნები მეგობარს. — რაღაც ამბავი გაიგონე. რაღაც ნახე, მერე დაჩეკე, დაწერე და უკვე უბადლო მხატვრული ქმნილება გგონია. მე გგონი, ახლა ჩვენს ქართულ ლიტერატურულ ცხოვრებაში ყველაზე საშიში მოვლენა სწორედ მწერლობის ეს გაიოლება და გაპრიპიტულებაა. ამას შეუძლია დაქვეითებისაკენ წაგვიყვანოს.

მეგობარს გული მოსდის, მეუბნება, რომ მე ალბათ დაკარგული მაქვს ხელოვნების ნაწარმოებით აღფრთოვანების უნარი და ამიტომ ენაემწარობ. საქმეს ვაძნელებ.

თანაც მის ხმაში, მის გამოხედვაში შეურაცხყოფილი თავმოყვარეობის იმდენი სიწირფელე და სიმართლეა, რომ მე კვრთები, ვაიპე, მართლაც ასე ხომ არ არის-მეთქი.

მაგრამ არა. მე ხომ ვიცი, რომ როცა კარგ მხატვრულ ნაწარმოებს ვეიჯახლობ, ყოველთვის ასეთი განცდა მაქვს: თითქოს სადღაც ბნელ ოთახში ვიჩეკე, ფანჯარას მძიმე, შავი ფარდა ჰქონდა ჩამოფარებული, მაგრამ შემოქმედის ჯადოქრულმა ხელმა უეცრად ფარდა გადასწია და მე დავინახე ახალი. წარმტაცი ქვეყანა. სისხამ დილასავით წკრიალა, მშვენიერი ფერებით აგრზგიზებული და აზვირთებული.

დიხაც! ქეშმარიტი ხელოვნების ყოველი ფაქტი ქვეყნის ახლად დაბადებაა, ქვეყნის აღმოჩენაა. შეიძლება, ეს ქვეყანა ზოგჯერ დიდი, ძალიან დიდი იყოს, ზოგჯერ ძალიან პატარაც. მაგრამ მაინც ახლად აღმოჩენილი.

ჩემი მეგობარი მწარედ იღიპება:

— სად არის ამდენი ქვეყანა, რომ ყოველმა შემოქმედმა აღმოაჩინოს ყოველ ახალ ნაწარმოებში?

— არის, — ვეუბნები მე. — ყოველი ახლად დასახული ქვეყანა — ახალი ქვეყანაა. ქვეყნიერება კი უსასრულოა თავის არსებობაში, თავის განვითარებაში. სინამდვილას ერთი ციციქნა ახალი კუთხეც რომ მიაგნო, ცხოვრების მშვენიერების ერთი ბეწო ახალი ნიშანიც რომ დაინახო, უკვე აღმოჩენაა...

— არა, ჩემო ძმავო, — მაწყვეტილებს მეგობარი, — აღმოჩენება და გამოგონებანი მეცნიერებისა და ტექნიკის საქმეა. ხელოვნება კი თუ რამეს პოულობს, პოულობს მხოლოდ ფორმას, წარმტაცსა და მიმზიდველს, ლამაზსა და მშვენიერს...

— ძალიან კარგი, ძალიან კარგი, — ვესიტყვები მეგობარს, — მეც მანდა ვარ, ოღონდ, მთავარი ისაა, როგორ გავიგებთ ამ ფორ-

მას, როგორც შინაარსის შინაგან აღნაგობას თუ როგორც რაღაც უშინაარსო სიცარიელეს. ყოველ შემთხვევაში, შენს დებულებას, რომ ხელოვნება განცდილის კვლავ განცდაა, უნდა დაემატოს ის, რომ იგი რაღაც ფორმის პოვნაცაა. ამ შემთხვევაში, პოვნა, ცხადია, აღმოჩენაა, რადგან ეს ფორმა სადმე გზაზე ხომ არ გდია, რომ ვინმემ შემთხვევით მოიძიოს. მაგრამ სად უნდა იპოვოს შემოქმედმა ის ფორმა, რომელიც ხელოვნების აუცილებელი თვისებაა? ალბათ მეტყვი: შემოქმედმა ეს ფორმა თავისი ნიჭითა და ფანტაზიით უნდა შექმნას. რა თქმა უნდა, ნიჭი და ფანტაზია შემოქმედების მთავარი პირობაა. მაგრამ, ჩემი აზრით, ყველაზე უძლიერეს ფანტაზიასაც კი ამქვეყნად არავითარი შინაგანი, ქვეყნიერებისაგან დამოუკიდებელი და თვითარსი მასალა ანუ „მატერია“ არ გააჩნია, რომლისგანაც შეეძლოს რაიმე ფორმის შექმნა. ნიჭისა და ფანტაზიის მთელი ძალა ისაა, რომ გადაამუშაოს, გადააჯგუფოს და ახალ ყალიბში ჩამოასხას მასალა, რომლითაც მას სინამდვილე ჰკვებავს. სწორედ აქ ხდება უშუალო ემოციებისა და შთაბეჭდილებების გარდაქმნა ხელოვნებით ემოციებად. პრობლემის ნამეტან ბნელ ჭურღმულში რომ არ გადავევარდეთ, მინდა მოგახსენოთ, რომ ფორმა, რომელიც ყოველმა ქვეყნარსაც შემოქმედმა უნდა იპოვოს, არ შეიძლება ყოველგვარი შინაარსისაგან დაცლილი არაა ანუ, როგორც ამბობენ, წმინდა ფორმა იყოს. თვით ყველაზე უცნაური და მისტიკური ფორმაც კი არ შეიძლება არ იყოს რაღაც შინაარსის შინაგანი სტრუქტურა, ცხოვრებისეული მასალის რაღაცნაირი ორგანიზაცია. ნამდვილი რეალისტური მხატვრული ფორმა კი ყოველივეს სინამდვილის ახალი კუთხის ხილვაა, ახლის მიგნებაა.

ვკონებ, არ შეიძლება არსებობდეს ორი აზრი იმაზე, რომ „ანა კარენინა“ მთლიანადაც, როგორც რომანი, და ანა კარენინა, როგორც ინდივიდუალური მხატვრული სახე, მართლაც წარმტაცი და მშვენიერი ფორმაა. მაგრამ ეს ფორმა წარმოუდგენელი იქნებოდა იმ რთულ საზოგადოებრივ ურთიერთობათა და იმ ღრმა ფსიქოლოგიურ კომპლექსთა გარეშე, რაც გულთამხილავმა მწერალმა მიაკვლია გარკვეული ეპოქის სინამდვილეში და თვალწინ გადაგვიშალა დიდებულ სურათებად. ჩვენი ილიას „ოთარანთ კვრივის“ ფორმაც ხომ თავის დროის საზოგადოებრივი ცხოვრებისა და კერძოდ ქართველი დედის გარკვეულ თვისებათა მიკვლევა გამოხატავა.

მოკლედ, არ არსებობს მხატვრული შემოქმედება თავისებური და განუმეორებელი ფორმის მიგნების გარეშე, ფორმის მიგ-

ნება კი არსებითად ყოფიერების, სინამდვილის რომელიმე ახალი კუთხის, ახალი ნიშნის ხილვა და მიგნებაა.

კაცმა რომ თქვას, საერთოდ ადამიანის და, მით უმეტეს. თანამედროვე ადამიანის ესთეტიკური განცდაც არ შეიძლება დაკავშირებული არ იყოს ყოფიერების რომელიმე თვისების მიწვდომასთან. სილაშაზე, მშვენიერება იმიტომ მხიბლავს და მათროფანებს, რომ იგი ცხოვრების რომელიმე თვისებას მიმკლავნებს; მუსიკაც იმიტომ მალეღებს და მატკობს, რომ მას ბგერათა წარმტაც სამყაროში შეეყავარ, ყოფიერების რომელიმე დახშულ კარებს მიღებს. აბა, ერთი წუთით წარმოიდგინე, შესაძლებლობათა რა წარმტაცი ქვეყანა დარჩებოდა აღმოუჩენელი, რომ, ვთქვათ, ბეთჰოვენის მუსიკა არ არსებობდეს.

ვატყობ, ჩემი მეგობარი ნერვიულობს, არ უჯდება კქუაში ჩემი ზოგადი მსჯელობა და, იქნებ, მართალიცაა. ერთი სული აქვს, სანამ ისევე თავის ნაწარმოებს დაუბრუნდებოდეს და მის გაშართლებას შეეცდებოდეს თანამედროვე ქართველი მწერლების მაგალითებით. მე კი ვცდილობ, ჭერ ზოგადი პრინციპული საკითხები გამოვარკვიოთ და მხოლოდ ამის შემდეგ შევეხოთ კონკრეტულ ფაქტებს.

— თუ ძმა ხარ, მოეშვი მაგ ხილვებსა და აღმოჩენებს. — მეუბნება ის, — არავითარი გარეშე ქვეყნიერების აღმოჩენა არ არის არც ბეთჰოვენისა და არც სხვა ვინმეს მუსიკაში. მუსიკა თვითონ შემოქმედის სულის ელერაა და სხვა არაფერი. თუ მაინცდაჰაინც გინდა ხილვა და აღმოჩენა იყოს, ისევე თავისთავის აღმოჩენა დაარქვი. ადამიანს ემღერება და მღერის, ისე როგორც ბუღბულს ეგალობება და გალობს. ჩვენს შორის რომ ვთქვათ, განა ყოველი ხელოვნება, მათ შორის მწერლობაც, მგალობელი ფრანველის გალობას არ ჰგავს? კარგიც ის არის, რაც გალობასავით ამოდის გელიდან. აჰას, რასაკვირველია, ვინმე ფილოსოფოსი მეტად ღრმავროვანი დებულებით გამოხატავდა. მე კი ჩემებურად ვამბობ.

მართლაც, ვანშეს იქნებ კიდევაც ჩაელიმოს უღვაშებში! რა იოლად, რა შინაურულად ვმსჯელობთ მე და ჩემი მეგობარი ისეთ საკითხებზე, რომლებზედაც ბევრი საქვეყნოდ გამოჩენილი თავი დადლილა... რა გაეწყობა, ზოგი ფართოსანი მალლა შექკრავს კამარას, ზოგი შიწასაც ვერ აცილდება. მაგრამ ფართოსანისათვის ურთა იმიტომ მიუცია ბუნებას, რომ იფრინოს. დე, იფრინოს, როგორც ეხერხება. თუმცა მკითხველი ალბათ აჩნევს, რომ მეცა და ჩემი მეგობარიც სხვების აზრებსაც ვსესხულობთ, მაგრამ ჩვენებურად ვამბობთ. გარდა ამისა, უნდა მოგახსენოთ, რომ მძულს ყოველ-

გვარი ტირანია. მათ შორის ინტელექტუალური ავტორიტეტების ტირანიაც. მით უმეტეს იმის გამო, რომ ზოგჯერ ინტელექტუალური ავტორიტეტის როლში საკმაოდ უმეცარი ვინმე გამოდის.

— არა, არა. ჩემო კარგო, — ვედავები მეგობარს, — ვერ მოვეშვები ხილვებსა და აღმოჩენებს... რასაკვირველია. ბულბულს ეგალობება და გალობს, მას თავისი დარდი და სიხარული აქვს. მგელსაც ეყმუვლება და ყმუის; მასაც თავისი საფიქრალი და სადარდებელი აქვს. ერთი სიტყვით, რა არ ხდება ბუნებაში. ბუნებასაც აქვს თავისი ხელთუქმნელი „მუსიკა“, თავისი „ხელოვნება“. მაგრამ ნუ დაგავიწყდებათ, რომ საუკეთესო ბულბულის გალობასაც კი არაფერი აქვს საერთო ადამიანურ ხელოვნებასთან. თუმცა ბულბულიც თავისი გალობით მეტად მკაფიოდ გამოხატავს თავის აზრს და თავისი არსის მეშვეობით ბუნებასაც. რადგან მისი გალობაც ბუნების ნაწილიც არის და ბუნებისადმი დამოკიდებულებაც. აქ დასაშვებია ძლიერ შორეული ანალოგია ლირიკასთან. ლირიკაც სუბიექტური განწყობილების მეშვეობით გამოხატავს ეპოქას, ცხოვრებას. მაგრამ შენი დიდი შეცდომა ისაა, რომ გინდა ადამიანის სიმღერა რაღაცნაირად შეუტოლო ბულბულის გალობას და ამ ანალოგიით ალბათ ყველა წამომღერება ხელოვნებად გამოაცხადო. მოგეხსენება, რომ ბულბული ზოოლოგიური ინსტინქტის კარნახით გალობს სულ ერთდამავე ჰანგს, მსგავსად იმისა, რომ ადამიანიც ბიოლოგიური ინსტინქტების კარნახით ასრულებს ერთდამავე სასიცოცხლო მოძრაობებს. მაგრამ ამ მოძრაობებისათვის არცერთ კუთათმყოფელს დღემდე ხელოვნება არ დაურქმევია. ბულბულის „ხელოვნებისაგან“ განსხვავებით ადამიანის ხელოვნება ადამიანის შეგნებული სულიერი ცხოვრების სფეროს ეკუთვნის. თუმცა არსებობს ეგრეთწოდებული ხელოვნება-თამაშის თეორია, რომლის მიხედვით ხელოვნება ისეთივე თამაში ანუ ჰარბი ენერჯის ხარჯვად. როგორც, მაგალითად, კატის თამაში ძაფის მორგვთან. ამ თეორიის სრულ უსაფუძვლობაზე ლაპარაკი, ვგონებ, დღეს ზედმეტია.

შენ ამბობ, ხელოვნება ის არის, რომ ადამიანს ემღერება და მღერის, სურვილი აქვს დაწეროს თავისი განცდები და წერს, სურვილი აქვს პლასტიკურად გამოხატოს თავის განწყობილება და ხატავს ან ცეკვავს. კარგი და პატიოსანი. მაგრამ ხომ არ არსებობს ისეთი ადამიანი, რომელსაც ერთხელ მაინც არ ემღერებოდეს, ისეთი წერა-კითხვის მკოდნე კაციც ხომ იშვიათია, რომ ერთხელ მაინც არ დაბადებოდეს თავის განცდებზე დაწერის სურვილი. მერე რა? განა ამიტომ ყველა ნამღერი და ყველა ნაწერი ხელოვნებად გამოვაცხადოთ?

მართალია. შემოქმედებითი უნარი ანუ ეგზეტივობა მხატვრული განცდა ადამიანთა საყოველთაო თვისებაა. ეს თვისება რომ მეტნაკლებად ყველა ადამიანს არ ახასიათებდეს, მაშინ ადამიანთა დიდი უმეტესობისათვის ხელოვნების ნაწარმოებები გაუგებარი იქნებოდა, რადგან ხელოვნების ნაწარმოების გაგება და ათვისება ერთგვარად მის თანაშემოქმედებასაც ნიშნავს. ვგონებ. რაფაელი ამბობდა: გაგება გატოლებას ნიშნავსო. მაგრამ ხელოვნება საკუთრივ მაინც მხატვრული განცდის განვითარების თვისობრივად ახალი საფეხურიდან იწყება, ისე როგორც მეცნიერება პრაქტიკული აზროვნების განვითარების თვისობრივად ახალ საფეხურზე იბადება.

როგორადაც უნდა იყოს, ერთი რამ ცხადზე უცხადესია: როდესაც ხელოვნება ღრმა მხატვრულ-იდეური განზოგადების ფუნქციას ჰკარგავს, როდესაც მას მხოლოდ უშუალო ემოციების აღმძვრელის როლს აკისრებენ, მაშინ იგი ეცემა. ღარიბდება. ჩიბში ექცევა. ამ დროს შემოქმედებაც იოლ საქმედ იქცევა. შემოქმედების გაიოლება კი მეტად საშიში რამ არის: უფერულ და უსუსურ „თხზულებათა“ ტბორს აყენებს.

ამასთან დაკავშირებით, მაგონდება ერთი მეცნიერის სიტყვები: — ყოველივე. რაც ადვილად ხელმისაწვდომი იყო. უკვე დიდი ხანია მოპოვებული და შემოწმებულია, ის, რაც ადვილად მოსდის ადამიანს თავში. უკვე დიდი ხანია მოუვიდათ თავში ადამიანებსო: აწინდელი წაბრძობა მხოლოდ ახალ ფაქტებსა და ახალ დაკვირვებებზე შეიძლება აიგოსო.

ზუსტად ასევეა ხელოვნებასა და ლიტერატურაშიც.

ფართო განათლებასა, დაკვირვების განსაკუთრებულ უნარსა და მშვენიერების გამახვილებულ გრძნობასთან ერთად თანამედროვე შემოქმედს სიახლის დიდი ალლოც უნდა ჰქონდეს.

შენ კი, ჩემო მეგობარო არც ფიქრობ იმაზე. რომ ის, რაც ახლა შენ ასე ადვილად მოგდის თავში, იმდენად ზედაპირული და იმდენად ხელმისაწვდომია, რომ ალბათ დიდი ხნის წინათ მოუვიდათ ადამიანებს თავში. განუმეორებლობა კი ხელოვნების ნაწარმოებს ერთ-ერთი არსებითი ნიშანია. თუ ნაწარმოები არ შეიცავს რაღაც განუმეორებელსა და თავისებურს, იგი დაშორებულია ქვეყნის ხელოვნებას.

სხვათა შორის, შესაძლებელია რომ იყოს, შენმა ნაწარმოებებმა რამდენიმე ასეული წლით დაიხიონ უკან. იქნებ კიდევაც დარქმეოდა ხელოვნება. მაგრამ ეს შეუძლებელია.

როდესაც ჩვენს შორეულ წინაპარს, სილაჰაზის მისებური კა-

ნონის მიხედვით. ქვაზე ან ხარის ტყავზე გამოჰყავდა ადამიანთა ან ცხოველთა სახეები. როდესაც ძვლისაგან ან რომელიმე სხვა ნივთიერებისაგან აკეთებდა სხვადასხვა ფიგურებს, ეს იყო სამყაროს მხატვრული ათვისების, საგნების შემოქმედებითი მაწვდომის აქტი, ეს იყო ხელოვნება. თუკაც ეს შორეული წინაპარი თავის წარმოდგენათა განსაზღვრულობის გამო შორს ვერ შეიკრებოდა სინამდვილის მოვლენებში. ვთქვათ, მაშინდელ მხატვარს რომ შესძლებოდა დაახლოებით ისეთი სურათის გაკეთება, რასაც დღეს ფოტო ასრულებს ან მაშინდელ მუსიკოსს რომ ზუსტად გადმოელო ბულბულის ან შაშვის გალობა. მაშინ, შეიძლება, ეს კიდევაც ყოფილიყო ხელოვნება. მაგრამ ფოტოაპარატის და მაგნიტოფონის გამოგონების შემდეგ ასეთ რაჰეებს ხელოვნებასთან არავითარი კავშირი აღარ შეიძლება ჰქონდეს. ნამდვილი ხელოვნება თავის განვითარებაში სულ უფრო და უფრო ინაცვლებს სამყაროსა და ყოფიერების სიღრმეებისაკენ.

ცეკვა რა არის. ცეკვაც კი თავისი ახალ-ახალი ნახანების, ახალ-ახალი მოტივების განვითარებითა და დახვეწით ცხოვრების პლასტიკური ფორმების სიღრმეებისაკენ მიდის.

შესაძლოა, ვინმემ მკრეხელობადაც კი ჩამოჰართვას. მაგრამ სათქმელი მაინც უნდა ვთქვა: დღეს რომ ვინმემ გამომსახველობის ისეთივე საშუალებებით დახატოს ქალის სილამაზე ან სიყვარულის ფსიქოლოგია, როგორითაც უბადლო შოთა ხატავს ნესტანსა და თინათინს ან მალს მიწნურობას, ცხადია, ხელოვნების თვალსაჩინო ნიმუშს ვერ შექმნის. მაგრამ თავის დროზე გენიალურმა პოეტმა, თუ შეიძლება ასე ითქვას, ფრესკულ-ჰიპერბოლური ფორმების საშუალებით უდიდესი ძალით, უდიდესი სიღრმით გამოხატა ქალის სილამაზეც და სიყვარულის ფსიქოლოგიაც. თავისი დროისათვის ქალის შეღარება ვეფხვთან ან იმის თქმა, რომ „თინათინი მზეს წუნობდა. მზე კი თინათინობდა“ — მთელი აღმოჩენაა. მაგრამ რაოდენ არაკონკრეტული და რაოდენ უკმარია ეს დღეს. მას შემდეგ ხომ უამრავი საღებავი, უამრავი გამომსახველობითი საშუალება დაიხარჯა ქალური სილამაზის ან სიყვარულის ფსიქოლოგიის გამოსახატავად, მაგრამ ქალური სილამაზეც და სიყვარულის ფსიქოლოგიაც, როგორც სინამდვილის ფაქტი, როგორც გამოხატვის ობიექტი, მით უმეტეს მუდამ განვითარებაში მყოფი ობიექტი, ამოუწურავია და ასევე ამოუწურავია მათი გამოსახვის შესაძლებლობანიც.

ხელოვნებისა და ლიტერატურის განვითარების ერთადერთი დღე მავისტრალური გზაც სამყაროსა და ყოფიერების გამომხატვის

ამ ამოუწურავ შესაძლებლობათა პედშივი განხორციელების გზაა. ამ გზაზე შესაძლებელი და საკიროც არის უკეთესი ტრადიციების გაგრძელება და გაღრმავება. მაგრამ ფორმათა განმეორება მხოლოდ იმდენად შეიძლება ხელოვნება იყოს, რამდენადაც ორიგინალიდან ასლის გადაღებაა ხელოვნება. კაცმა რომ თქვას, ზოგიერთი თანამედროვე ნაწარმოები კიდევ ჰკავს ასლის გადმოღებას, არა იმ გაგებით, რომ იგი თითქოს პირდაპირ იმეორებდეს რომელიმე კონკრეტულ ნაწარმოებს, არამედ იმ აზრით, რომ იგი საერთოდ ახალს არაფერს ამბობს... ერთგან „ქრისტეს სისხლისმსველად“ და საშინელ უმეცრედაც კინალამ გამოჩაცხადეს იმის გამო, რომ ვთქვი: — ჩვენს დროში ისე რომ წეროს, როგორც ტოლსტოი წერდა, უსუსურება იქნება-მეთქი. მაგრამ აქას ახლაც ვამბობ და ყოველთვის ვიტყვი... დეე, მიხვდით, რომ მწერლობა-ხელოვნების ნამდვილი ნაწარმოების შექმნა — ისე იოლი საქმე არ არის, როგორც ეს წერის საღერღელაშლილ ზოგიერთ ვინმეს ჰგონია...

— მოოცა, გეყოფა, — მაწყვეტინებს მეგობარი, — ამდენი ხანია სულ იმას ამტკიცებ, რომ მხატვრული ნაწარმოები უნდა შეიცავდეს რაღაც ახალსა და განუმეორებელს. სხვათაშორის, ასეთი რეცეპტი ბევრჯერ თქმულა და დაწერილა. მაგრამ, საეკვოა, რითიმე დანშარებოდეს შემოქმედებას... ახალი, ახალიო, და აბა, შენ თვითონ რა ახალ აზრებს ამბობ?

— ეს კი მართლაც, მწვავე საკითხია. — ვუდასტურებ მეგობარს, — მაგრამ მე ხომ მხატვრულ ნაწარმოებებს არ ვწერ. გეკამათები შენ, ვეკამათები შენს ნაწარმოებს, რომელიც ჩვენი დროის ზოგიერთ სხვა ნაწარმოებსაც ჰკავს. ერთი სიტყვით, ვეკამათები ისეთ რამეს, რაც, ჩემი აზრით, არ არის ნამდვილი მხატვრული შემოქმედება... შენთვის, ყოველ შემთხვევაში, ზოგიერთი რამ მაინც უნდა იყოს ახალი ჩემი ნათქვამიდან.

— რატომ გგონია? — უკმაყოფილოდ მეკითხება მეგობარი.

— შენი ნაწარმოები მათქმუბინებს აქას.

— თეორიებით მხატვრული ნაწარმოები არ იწერება.

— ვთქვათ, ასეა, მაგრამ კარგი თეორია ხელს მაინც უნდა უშლიდეს ცუდი ნაწარმოების დაწერას.

— ხელის შემლაში თქვენ საერთოდ მარდები ხართ. მაგრამ კარგი თეორია გაქვთ თუ არა, ეს ჯერ კიდევ გასარკვევია.

— არა, ამ შემთხვევაში ლაპარაკია იმაზე, რომ თვითონ მწერალს უნდა ჰქონდეს კარგი თეორია, რომელიც ცუდი ნაწარმოების დაწერას არ დაანებებს. მაგრამ დავანებოთ თეორიებს თავი. მოდი, იმაში შევთანხმდეთ, რომ ჩვენს დროში, როცა აუარებელი

კარგი და ბრწყინვალე მხატვრული ნაწარმოებია დაგროვილი, კლასიკური თუ თანამედროვე. სუსტი და უფერული ნაწარმოების წერა პირდაპირ სასიოცხვო საქმედ უნდა გამოცხადდეს.

— უკიდურესობა და... აბსურდია, — მეუბნება მეგობარი, — იმ თავითვე გენიოსებსაც არ შეუქმნიათ შედეგები. მხატვრულ შემოქმედებასაც ხომ უნდა ჰქონდეს შეგირდობის ხანა?

— უნდა ჰქონდეს! მაგრამ, ჯერ ერთი, შენი შეგირდობა უკვე დაგვიანებულია. გარდა ამისა, მხატვრულ შემოქმედებაში, ჩემი აზრით, შეგირდობის ხანა უმთავრესად დახურულ ლაბორატორიაში უნდა მიმდინარეობდეს. როცა შემოქმედს საქვეყნოდ გამოაქვს თავის ნაწარმოები, მკითხველი იმას ნაკლებად დაგიღვეს, ვინ დასწერა იგი, მოხუცმა თუ ახალგაზრდამ. მომხმარებელს ნამდვილი მხატვრული ნაწარმოები უნდა, თორემ ხდება ხოლმე, რომ საქვეყნოდ გამოსული შეგირდი სიბერემდე შეგირდად რჩება და სულს გვართმევს წყალწყალა ნაწერებით.

— მაშ, შენი აზრით, — მეუბნება მეგობარი, — ახლა ბევრი ახალგაზრდა მწერალი, რომელთაც ჯერ კიდევ არა აქვთ მწიფე და დასრულებული ნაწარმოებები, აღარ უნდა იბეჭდებოდნენ?

— არა, რატომაც არა, მაგრამ მკაცრი შერჩევით. უნდა იბეჭდებოდეს მათი ისეთი ნაწარმოებები, რომლებიც ლიტერატურის რაღაც საეალღებულო დონის ქვემოთ არ ჩამოდიან. სხვათრის, პირიქით, ცნობილია, რომ ახალგაზრდობას სიახლის მეტად მსაფრი გრძნობა აქვს და ხშირად მათი უმწიფარი ნაწარმოებებიც კი დიდი და სერიოზული საუბრის საბაბსაც იძლევიან. ჩვენი ლიტერატურის დიდი მომავალი ჩვენს ნიჭიერ ახალგაზრდობაზეა დამოკიდებული და ამ საქმეს იგი იოლად არ უნდა მოეკიდოს.

ამავე დროს, გულახდილად უნდა ვთქვა, რომ მე ძლიერ მაფიქრებს ის ერთგვარი სულიერი სიზნანტე, ქვეყნისადმი ის მოდუნებული ემოციური დამოკიდებულება, რაც ჩვენი ლიტერატურული ახალგაზრდობის ერთ ნაწილში იგრძნობა. თითქოს ყველაფერი მობეზრებია, მოყირკებია და ახლა დაღლილი, მოქანცული შეჰყურებს ქვეყანას; თითქოს ჩვენი ცხოვრების დიდ და მწვავე საკითხებთან შეჭიდება აღარ სურს და პატარა კუნჭულებს ეძებს. განა ერთი და ორი შემთხვევაა, როდესაც ახალგაზრდა პოეტი, რომელსაც ბავშვობა არც კი გათავებია, დიდის ამბით იგონებს ბავშვობას, იგონებს გარბენილ დღეებს. თითქოს ყველაფერი უკან დარჩენილია. უეპველად უსიამო გრძნობას იწვევს, როდესაც ახალგაზრდა მწერალი საზოგადოებრივად უმნიშვნელო თემებსა და მოტივებს ეტანება, პატარა შემთხვევების, ანომალიების ან წვრილმანი ყოფითი

ამბების პოეზიით ერთობა. და ხშირად. სამწუხაროდ, ეს ხდება ეს-თეტიკურობისა და ემოციურობის ლოზუნგით. ნამდვილად კი ამ ვი-თომდა ემოციურობის ქვეშ იმალება საკმაოდ მოძველებული, ზოგ-ჯერ ნიჰილისტური დამოკიდებულება კი ქვეყნიერებისადმი, რაც არსებითად ყოველთვის მოკლებულია ემოციურ სიმძაფრესა და სიცხოველეს.

მე არ მესმის, მაგალითად, როგორ შეიძლება ქვეყნისადმი მღელ-ვარე პოეტური თუ ემოციური დამოკიდებულება დავარქვათ იმას, როდესაც კაცი ხალხის ცხოვრების დიდ საარსებო საკითხებს გვერდს უვლის და ლანდების ჰერეტიკთ იქცევს თავს.

ნუ შევალთ იმის გარჩევაში, ვინ თქვა და რასთან დაკავშირე-ბით თქვა, მაგრამ ნათქვამია ბრწყინვალედ, რომ ლიტერატურა ხალხის ნამუსი და პატიოსნება უნდა იყოს. ეს არის არსებითად ლიტერატურის პარტიულობა, რაც დღეს ყველაზე მოწინავე და პროგრესული ესთეტიკის ქვაკუთხედი. გაშაბლონება და გაუხამ-სება, რასაკვირველია, შეიძლება ყოველი ქვეშაარტი პრინციპისა, მაგრამ ამაში პრინციპი კი არ იქნება დამნაშავე, არამედ ის, ვინც მას გააშაბლონებს და გაუხამსებს.

— მართალია, — მეთანხმება მეგობარი. — მაგრამ ის შეიძ-ლება ნაწარმოებზედაც ითქვას. ხომ შეიძლება. ნაწარმოები მკი-თხველმა ან კრიტიკოსმა ცუდად გაიგოს. ნაწარმოები კი კარგი იყოს. ვგონებ, გოეთე ამბობდა, როცა ამბობენ წიგნი გაუგებარი და ბუნდოვანიაო, გამოსარკვევია, სად არის ბუნდოვანება: წიგნში თუ იმ კაცის თავში. ვინც ამას ამბობსო.

— მე არ ვამბობ, რომ შენი ნაწარმოები ბუნდოვანი და გაუ-გებარია, პირიქით, ძლიერ გასაგებია, როგორც სუსტი ნაწარმოები.

— ჭერჯერობით დავანებოთ თავი ჩემს ნაწარმოებს, — მეუბ-ნება მეგობარი, — რაკი ახალგაზრდობაზე ლაპარაკობდი, რას იტყ-ვი, ახალგაზრდების იმ ნაწერებზე, ჰაშნიკის სახით რომ დაიბეჭ-და „ცისკრის“ პირველ ნომერში? ხომ ნიჰიერი ახალგაზრდობაა, ნაკითხიც და დაკვირვებულიც.

— უეჭველად. — „ცისკარმა“ ძლიერ კარგი საქმე წამოიწყო ჰაშნიკის სახით. ეს იქნება, ასე ვთქვათ, ახალგაზრდა შემოქმედის ღია ლაბორატორია. მაგრამ...

— მაგრამ. — მართმევს სიტყვას მეგობარი, — შენი კრიტიკუ-ლი მოვალეობის გამო მაინც დაუწყებ ქექვას.

— არა, ქექვა რა საქირაო. განვიხილოთ სამართლიანად. წარ-მოიდგინე. რომ ამ ჰაშნიკებზე უფრო სერიოზული საუბარი შეიძ-ლება, ვიდრე, ვთქვათ, რომელიმე პრიმიტიულ პიესაზე ან მოთხრო-ბაზე.

ავიღოთ მათ შორის, ასე ვთქვათ, ყველაზე დრამატული. აი, თუნდაც გურამ რჩეულიშვილის „ნელი ტანგო“. თუმცა სათაური საკმაოდ განყენებული და ხელოვნურია. ყოველ შემთხვევაში, მოკლებულია ეროვნულ კოლორიტს.

მაგრამ სათაურს თავი დავანებოთ, მოვიგონოთ ამბავი: სოხუმთან, ზღვაზე ერთი შემთხვევითი დრამა გათამაშდება. ხარკოვიდან მოსული ცოლ-ქმრის თორმეტი წლის ვაჟი შორს შესცურავს ზღვაში, მას დედაც მიჰყვება. დედა-შვილი დაიგვიანებს. მერე მამაც შესცურავს მისაშველებლად. მოცურავენი ძლიერ იღლებიან. ზაქშვს ძარღვიც კი განასკვია. ლელვა მატულობს. სამთავე დალუპვის პირზეა. მამაკაცი თავგანწირულად ძალობს, თავთხელამდე გამოჰყავს დედა-შვილი. მერე სამთავე მხსნელებს გამოჰყავთ ნაპირზე. დედა-შვილი გადარჩება, მამას კი ზედ ნაპირთან გაუჰყდება გული. უბედური შემთხვევის ამ პროცესს, როგორც ერთგვარი კონტრასტული ფონი, თან მისდევს საცურაოს ჩვეულებრივი ცხოვრების ჩანახატი: ვიღაც ცალთვალა გიტარას აკვნესებს. საჩრდილობელის ქვეშ ქალაღდის გახურებული თამაშია, მოაგარაკენი მზეზე უღმერთოდ იხუხებიან. ესენი ვერ აჰჩნევენ ზღვაზე დატრიალებულ დრამას. საღაპოს კაფეში ქალ-ვაჟი ცეკვავს. ქალ-ვაჟი დასწრებია საცურაოზე მომხდარ უბედურ შემთხვევას. ცეკვის დროს სხვათა შორის ამ უბედურ შემთხვევაზეც ჩამოაგდებენ სიტყვას, დაასკვნიან, რომ დღეს იშვიათია თავგანწირული მამაკაცები, მაგრამ მაინც არიან. ქალი აიღუწება, მერე ვაჟს ახედავს, მოეწონება მისი ლამაზი, მზინაგან გარუჯული სახე და სულ შინებდება ნელ ტანგოს.

ეს არის და ეს. ჯერ ერთი, როგორც ხედავთ, უბედური შემთხვევა აღებულია როგორც შიშველი ფაქტი, ყოველგვარი სოციალური და ფსიქოლოგიური დატვირთვის გარეშე. ვთქვათ, აქ რომ ყოფილიყო რაღაც დიდი იშედის, დიდი სიხარულის მოლოდინი და სწორედ ამ დაძაბულ მოლოდინში შეჭრილიყო უბედური შემთხვევა — ან თვით უბედური შემთხვევა გამოწვეული ყოფილიყო რაიმე სოციალური მიზეზით, ვისიმე ან რისიმე, ბოროტებით, მაშინ შესაძლებელი იქნებოდა ძლიერი დრამატიზმისა და ემოციური დაძაბულობის შექმნა. მაგრამ რაკი უბედური შემთხვევის ფაქტი მოკლებულია ასეთ დატვირთვას, მოკლებულია განზოგადებას, იგი არ არის აყვანილი ხელოვნების დიდ ფაქტამდე. ამიტომაც აო არის მოთხრობაში ის ძლიერი დრამატიზმი, რაც ცხოვრებისეულ ფაქტის უშუალო განცდას ხელოვნებად გადააქცევდა, ტრაგიკულ პათოსამდე აამაღლებდა.

ახლა ავიღოთ მოთხრობის მთავარი მოტივი: იქ, ზღვაზე ადამიანები იღუპებიან, აქ პლიაჟზე მყოფი ადამიანები კი ამ დრამას ვერ ამჩნევენ; ზღვაზე ადამიანს გული გაუსკდა, ამის მოწმე ქალაქი კი საღამოს კაფეში ტანგოს ცეკვავს...

— მოიცა, — მაწყვეტინებს მეგობარი, — ვგონებ, ეს მოტივი ძალიან ჰგავს ჰემინგუეის „მოხუცის და ზღვის“ ფინალს. იქაც ხომ მოხუცის მთელი თავგადასავალი ასცდება ტურისტი ქალის ყურადღებას. გახსოვს, ზღვის ნაპირზე ქანაობს შიმშირა-თევზის გაფცქვნილი ჩონჩხი, ნაშთი იმ დიდი ტანჯვისა, რაც მოხუც მეთევზეს გადასდა თავს. ტერასაზე კი ტურისტი ქალი ეკოთხება ოფიციანტს. რა არის ისო. ოფიციანტს სურს აუხსნას, რა შეემთხვა მოხუცს, მაგრამ იტყვის თუ არა პირველ სიტყვას, ზვიგენებმაო... ტურისტი ქალი! აზრი სულ სხვა მიმართულებით წავა:

— არ ვიცოდი, ზვიგენებს ასეთი ლამაზი ბოლოები თუ ჰქონდათო...

— კარგია, რომ გამახსენე, — ვეუბნები მეგობარს, — მართლაც არის რაღაც მსგავსება. მაგრამ, აბა, კარგად დაუკვირდი, რა უზარაზარი განსხვავებაა მხატვრულ-იდეური განზოგადების თვალაზრისით. ჭერ ერთი, მოხუცის თავგადასავალი ცხოვრებისეული ფაქტის უშუალო განცდა და პირდაპირი გადმოწერა კი არ არის, არამედ მას უდიდესი სოციალური, ფსიქოლოგიური და, თუ გნებავს, ფილოსოფიური დატვირთვა აქვს. სწორედ ამიტომ არის აწეული ეს თავგადასავალი ტრაგიკულ სიმძაფრემდე. და სწორედ ამ დატვირთვის, ამ ტრაგიკული სიმძაფრის შეშვეობით არის გადაქცეული ცხოვრებისეული ფაქტი ხელოვნების ფაქტად. კერძოდ, ტურისტი ქალის ეპიზოდსაც, რომლის მონაბერადაც მიგაჩნია შენ ჩვენი ახალგაზრდა ავტორის მოთხრობა, ძალიან ღრმა ქვეტექსტი, დიდი ემოციური და ფილოსოფიური დატვირთვა აქვს.

ჩვენი ახალგაზრდა ავტორის ქალ-ვაჟმა იცის, რომ კაცს გული გაუსკდა, მაგრამ ისინი ტანგოს მაინც ცეკვავენ. ტურისტმა ქალმა კი სულაც არ იცის მოხუცის მწარე ბედის ამბავი. იგი ასცდა მის ყურადღებას, და სწორედ ამაშია ამ ეპიზოდის დრამატული სიმძაფრე, ტრაგიკული პათოსი. ამით თითქოს ჩვენ წინ გაიღო იმ მოუწყობელი და მოუწესრიგებელი ცხოვრების კარი, რომელშიაც ასე ინთქმება და იკარგება ადამიანის ტანჯვა და მწუხარება. ამაში მწვავე პროტესტიცაა თავისებური ჰუმანიზმის პოზიციებიდან. მოკლედ, მწერალს მოძებნილი აქვს სწორედ ისეთი ფორმა, რომელიც გააზრებულად გამოხატავს ცხოვრების გარკვეულ წინააღმდეგობას და ამით ცხოვრებისეულ ფაქტს აქცევს ხელოვნების ფაქტად.

შეუძლებელია აქ არ გავიხსენოთ ჩვენი შესანიშნავი „პალაასტონის ტბაც“. აქ ხომ უდიდესი სოციალური და ფსიქოლოგიური დატვირთვა აქვს უბედურ შემთხვევას — მამა-შვილას დაღუპვის ამბავს. გახსოვს, როგორ შრომობს, როგორ იტანჯება და როგორ ოცნებობს საწყალი ივანე, რომ ტივს ფოთში ჩააცურებს, გაჰყიდის და ცოლ-შვილს შეჰპოვავს, სულს მოიბრუნებს. მაგრამ სწორედ ამ დიდი იმედის მოლოდინში მოუსწრებს მას უბედური შემთხვევა. და სწორედ ამ სოციალურ და ფსიქოლოგიურ დატვირთვას აჰყავს ეს ამბავი გასაოცარ ტრაგიზმამდე და, მამასადაძე, მანდილ ხელოვნებამდე. აქაც რა უდიდესი ძალის დრამატული კონტრასტია: დიდი ადამიანური ტრაგედია ბუნების გულცივ მხიარულებას რომ შეეხლება და უკვალოდ ჩაიკარგება უგონო სტიქიაში.

გავიხსენოთ, ჩეხოვის „სევდაც“, „ვანკაც“.

მეტლე იონას შვალი მოუყვდა. მისი დიდი მწუხარების მომსენი არავინ არის. იონა ცხენთან მიდის, ქერს აძლევს, თანაც თავის დაღუპულ შვილზე ბუტბუტებს. ცხენი ქერს ახრამუნებს, თითქოს ყურს უგდებს, თანაც პატრონის ხელს სუნთქავს. იონა ცხენს უყვება მთელ თავის მწუხარებას...

ვანკა ყუკოვი მეჩქემესთან მსახურობს ბიჰად. მას სცემენ. ტანჯავენ. ვანკას სურს თავისი დიდი მწუხარება ბაბუას გაუზიაროს და შველა თხოვოს. წერილს წერს და ასეთი მისამართით გზავნის:

«На деревню дедушке, Константину Макаричу»

ჩეხოვის ამ მოთხრობებშიც რაოდენი სოციალური და ფსიქოლოგიური დატვირთვა აქვს ცხოვრებისეულ ფაქტებს. ამიტომაც არის ამ მოთხრობებში ასე მძაფრი დრამატული ვითარებანი. იონასა და ვანკას მწუხარებაც ხომ სიცარიელეში, მოუწყობელი ცხოვრების ბრმა სტიქიაში იძირება და იკარგება.

შესაძლოა, ის, რაც, „პალიასტონის ტბაში“, „სევდაში“, „ვანკაში“, ან „მოხუცსა და ზღვაშია“ აღწერილი, ცხოვრებაში იშვიათად მომხდარა ან ამ სახით არასოდეს არ მომხდარა. მაგრამ თითოეულ მათგანში თავისი დროის ცხოვრების რა დიდი ნაკვეთია გამოსახული, როგორ სუნთქავენ ისინი ნამდვილი ცხოვრებით, ამავე დროს, რა განუქმარებელი თავისებურებით არის გადაწყვეტილი სათითაოდ ყველა ამ მოთხრობაში ჰუმანიზმის დიდი თემა, რა დიდი და ძლიერი პროტესტია ცხოვრების მოუწყობლობის წინააღმდეგ.

აი, რას ნიშნავს ფორმის მოძებნა, მასალის ღრმა მხატვრული დეური გააზრება.

ის კი, რაც ჩვენს ახალგაზრდა ავტორს აქვს აღწერილი — ადამიანის დაღუპვა შეშთხვევით და იქვე ახლოს ცეკვა-თამაში, —

ცხოვრებაში ალბათ ბევრჯერ მომხდარა. განა ცოტა შემთხვევაა, როდესაც ერთ ოჯახში მწუხარება ტრიალებს და იქვე მეზობლად მხიარულება სუფევს? მაგრამ ასეთი შემთხვევების პირდაპირ გაღმოწერა ვერასოდეს ვერ ჩაგვახედებს ცხოვრების დიდ სიღრმეში, ვერ მოგვცემს ნამდვილი ხელოვნების ფაქტს. მართლაც, რა აზრი ანუ რა ესთეტიკურ-ემოციური ფუნქცია აქვს უბედური შემთხვევისა და ნელი ტანგოს ვითომდა დრამატიულ დაპირისპირებას? უკეთეს შემთხვევაში, ეს არის ილუსტრაცია საკმაოდ ბევრი ანდაზისა: „სხვათა კირი, ღობეს ჩხირი“...

— მაგრამ — მაწყვეტილებს მეგობარი, — ღირს კი ამ ერთ ციციქნა მოთხრობაზე ასეთი ვაი-უშველებელის ატეხა? ალბათ, ახლა სხვა მოთხრობებსაც მისდგები და ერთ ამბავს იზამ...

— არა, ჩემო კარგო, — ვეუბნები მეგობარს, — ნუთუ შენ არ გესმის, რომ საქმე ერთ ციციქნა მოთხრობაში კი არ არის, არამედ ჩვენი მხატვრული ლიტერატურის ბუნებაა და მოწოდებაში. გარდა ამისა, ვეკამათები ახალგაზრდას, რომელიც ღირსია კამათისა... თანაც ურავო არ იქნება: „რძალო, შენ გუებნები, მულო, შენ გაიგონეო“.

ერთი სიტყვით, დიდი ლიტერატურა მხოლოდ დიდი და ტევადი მხატვრული ფორმების ძიების, სინამდვილის ღრმა ფენების გათხრისა და ქვეყნისადმი მღელვარე იდეურ-ემოციური დამოკიდებულების შედეგად იბადება.

მომავალი ახალგაზრდობისაა და მას ყველაზე მეტი უფლებაც აქვს, მოვალეობაც აკისრია იფიქროს, იზრუნოს და იოცნებოს ამ მომავლის მოწყობის დიდ საკითხებზე, დიდ თემებზე... დამშვიდებული იყავი, სხვა მოთხრობების განხილვას არ შევუდგები. ვიტყვი მხოლოდ, რომ იმ მოთხრობებშიაც გამოსკვივის გრძნობათა მოღლილობა, რაღაც პატარა კუნჭულებისა და უმნიშვნელო მოტივებისაყენ მისწრაფება... და კიდევ ერთი რამ: ნაკლებად იგრძნობა ეროვნული ფესვები:

— პარდაპირ საოცარი ხალხი ხართ ეს კრიტიკოსები, — მეუბნება მეგობარი. — ეროვნულ ფესვებს რომ მიპყვეს, მაშინ ეროვნულ შეზღუდულობას უყიენებთ.

— არა, ჩემო კარგო! ეროვნული შეზღუდულობა, რასაკვირველია, ძლიერ ცუდი რამ არის. მაგრამ ჭანსალი ეროვნულობა უდიდესი სტიჟულია, თუ ლიტერატურა საერთოდ ადამიანთმცოდნეობაა (ეს კი ნამდვილად ასეა,) მაშინ ქართული ლიტერატურა, უწინარეს ყოვლისა, დღევანდელი ქართველი კაცისმცოდნეობა უნდა იყოს.

— როგორ უნდა გავიგოთ, ქართველი კაცი დღეს? — ამბობს მეგობარი, — მე მგონია ადამიანის ბუნება თავის ღრმა არსში ერთია. განვითარებაც ხომ ეროვნულ თავისებურებათა შერბილებისა და წაშლისაკენ მიდის.

— მწვავე საკითხია — ვამბობ მე, — შენ სცდები. მე კი მგონია, გაერთფეროვნების პროცესი არ უნდა იყოს მთლად ბუნებრივი პროცესი. აქ რაღაც არაბუნებრივი ფაქტორებიც მოქმედებენ. ყოველ შემთხვევაში ბუნებას არ უყვარს ერთფეროვნება. თავის არსსა და თავის მშვენიერებას იგი ნაირსახეობათა დიდ ერთიანობაში ავლენს. იქ, სადაც მას საღებავი ეშრიტება და უდაბნოს ჩამქრალ ფერებს შორის ზღვარი იშლება, უსიცოცხლო ერთსახოვანება მყარდება, მაგრამ ბუნება ებრძვის ამ ერთსახოვანებას. ამ მხრივ საზოგადოებრივი ცხოვრებაც ენათესავენა ბუნების ცხოვრებას.

დღეს დედამიწის ზურგზე ორ მილიარდზე მეტი ადამიანი ცხოვრობს და თვითუღს თავის განსხვავებული სახიერება აქვს. ალბათ შეუძლებელია მოინახოს ორი აბსოლუტურად ერთმანეთის მსგავსი ადამიანი გარეგნულად. ცხადია, მით უმეტეს, არც სულიერი წყობით — ემოციებით, ტემპერამენტით, გემოვნებით არ შეიძლება ორი ადამიანი ერთმანეთის აბსოლუტური განმეორება იყოს. საშინელებაც იქნებოდა, რომ ისეთი მსგავსი და ნათესაური არსებანი, როგორიც ადამიანებია, ერთმანეთის ზუსტი ასლები ყოფილიყვნენ. მაშინ მათ ალბათ არც რაიმე ექნებოდათ საერთო, არც ერთმანეთის დანახვა მოუნდებოდათ, არც რაიმე სათქმელი და გასაზიარებელი ექნებოდათ ერთმანეთისათვის, რადგან ყველა ერთში იქნებოდა. ყოველგვარი საზოგადოებრივი სიკეთის საფუძველთა საფუძველი ადამიანთა ერთობა და კავშირია. მაგრამ ერთობა და კავშირი შესაძლებელია მხოლოდ მკაფიოდ გარკვეულ პიროვნებათა შორის. თუ არ არსებობენ დამოუკიდებელი პიროვნებანი თავიანთი განსხვავებული ნიშნებით, არ შეიძლება არსებობდეს მათი კავშირი, მათი ერთობა. ერიც ხომ ისტორიულად ჩამოყალიბებული ერთობლივი პიროვნებაა თავისი განსხვავებული გარეგანი და შინაგანი ნიშან-თვისებებით. რასაკვირველია, ეს ნიშან-თვისებები იცვლებიან, ვითარდებიან და ზოგჯერ ძალადობის ან სხვა მიზეზების გამო ისიც ხდება ხოლმე, რომ სრულიად წარიშლებიან და სხვა ეროვნული ერთეულის ნიშან-თვისებებში გაითქვიფებიან. მაგრამ ადამიანთა საზოგადოებრივი ცხოვრების მრავალსახეობისა და ნამდვილი ისტორიული პროგრესის თვალსაზრისით არც საჭირო, არც აუცილებელი და, მაშასადამე, არც გამართლებულია

ეროვნულ თავისებურებათა წაშლა, წარხოცვა. ისე როგორც ყოველ ცალკე ადამიანს მხოლოდ და მხოლოდ თავისი მკაფიოდ გამოსახული პიროვნულობით შეუძლია შეუერთდეს ზოგად ადამიანურს, ყოველ ეროვნულ ერთეულსაც ყველაზე უკეთ მხოლოდ თავისი ეროვნულობის მეშვეობით შეუძლია ეზიაროს და შეუერთდეს საერთო სახალხოს, ზოგადკაცობრიულს.

მხოლოდ და მხოლოდ ეროვნული ცხოვრების სისხლსავსეობა ყოფილა ისტორიული განვითარების ყოველ ეტაპზე დიდი საზოგადოებრივ-კულტურული წინსვლისა და აღორძინების მთავარი წყარო. ამ ისტორიულ გამოცდილებას ვერსად გვაქვს ვივით. კერძოდ, ლიტერატურისა და ხელოვნების განვითარება და აღორძინება არსებითად ყოველთვის ადამიანთა ეროვნული ტიპის, ეროვნული ხასიათის განვითარებასთან არის დაკავშირებული. ამიტომ ეროვნული ჩაგვრა და ეროვნულობის მოსპობის ყოველგვარი ცდა ყოველთვის დიდი სოციალური ბოროტება ყოფილა და იქნება. ამ ბოროტებას ყოველთვის ასაზრდოებდა გაბატონებული წრეების მისწრაფება თავიანთი ბატონობის გაადვილებისა, ტირანიას საერთოდ ის ურჩევნია, რომ უსახო, ერთფეროვან და ერთნაირად მორჩილ ადამიანებზე ბატონობდეს. ამიტომ ხალხთა ეროვნული თავისუფლების საქმე ყოველთვის ხალხთა სოციალური თავისუფლების შემადგენელი ნაწილია. სოციალურ ნიადაგს ეყრდნობა ხალხთა ძმობაცა და მეგობრობაც, რადგან მეგობრობა მხოლოდ თავისუფალთა და თანასწორთა შორის არის შესაძლებელი.

ეროვნულ მრავალსახეობათა შორის ქართველ კაცსაც თავისი ადგილი აქვს. მიუხედავად მრავალი ისტორიული ბედუქულობარობისა და უამთა სიავისა, ქართველი კაცის ტიპი, ქართველი კაცის ხასიათი არ ჩამქრალა. იგი ცოცხლობს და ვითარდება რასაკვირველია, თავისი ისტორიის მანძილზე რომაელებისა თუ არაბების, მონღოლებისა თუ სპარსელების, თურქებისა თუ სხვა დამპყრობლების ხანგრძლივი შემოსევების დროს — ეს ხასიათი, ეს ტიპი მძიმე კრიზისს განიცდიდა. მაგრამ გადაგვარების სუსხი მეტწილად მხოლოდ ზედაფენათა წრეებს ეხებოდა. ხალხი კი, ხალხი მტკიცედ იცავდა და ინახავდა თავის ეროვნულ ტიპს, თავის ეროვნულ ხასიათს. სწორედ ხალხის ეს ძალაა, უწინარეს ყოვლისა, გამკლავებული ქართული ლიტერატურისა და ქართული ხელოვნების ყველა მიღწევაში დასაბამიდან დღემდე.

ჩემი მეგობარი ჩაფიქრდა. არ ვიცი, საიდან დაპიწყებს შემოტევას...

ხელოვნების ზოგიერთი საკითხის შესახებ

(ამხ. გ. ჯიბლაძის წიგნის გამო)

ესთეტიკის საკითხების სისტემატიზირებული გაშუქების ერთ-ერთი სერიოზული ცდა ქართულ საბჭოთა ლიტერატურაში ეკუთვნის ამხ. გ. ჯიბლაძეს.

ცნობილია, რომ ესთეტიკის თეორიაში ოდითგანვე იბრძვის ორი ფალოსოფიური ხაზი მატერიალისტური და იდეალისტური. მატერიალისტური ესთეტიკა გამოდის ფილოსოფიური მატერიალიზმის იმ ძირითადი დებულებიდან, რომ ადამიანის აზროვნება საერთოდ, მათ შორის მხატვრული აზროვნებაც, ასახავს ობიექტურ სამყაროს, რომელიც არსებობს დამოუკიდებლად ამსახველი სუბიექტისა, რომ მატერიალური სამყარო წინ უსწრებს შეგნებას, როგორც თავის იდეალურ გამოხატულებას. რასაკვირველია, მატერიალური და იდეალური არ გამოირიცხავს ერთი მეორეს. არსებითად, შეგნება და მდგომარეობა, იდეა და მატერია სხვადასხვა მხარეა ერთი და იმავე მოვლენის — ბუნებისა და საზოგადოების.

ერთი და იმავე მოვლენის ეს ორი მხარე — შეგნება და ყოფიერება, იდეალური და მატერიალური არ წარმოადგენენ იგივეობას, მაგრამ ისინი შეადგენენ დიალექტიკურ ერთიანობას და, მაშასადამე, არ შეიძლება მათი მოწყვეტა ერთმანეთისაგან, არ შეიძლება საზოგადოებრივი შეგნება მოწყვეტით საზოგადოებრივ ყოფიერებას, აზრი — ობიექტურ სამყაროს.

ხელოვნება არის საზოგადოებრივი ყოფიერების იდეალური მხარის, ე. ი. საზოგადოებრივი შეგნების ერთ-ერთი ფორმა. და რაკი საზოგადოებრივი შეგნება არ შეიძლება მოწყვეტით მის შინაარსს, საზოგადოებრივ ყოფიერებას, გარეშე მატერიალურ სამყაროს, არც ხელოვნება შეიძლება წარმოვიდგინოთ მისი საგნობრივი შინაარსის — ობიექტური სამყაროს გარეშე: არ შეიძლება ხელოვნება მივაკუთვნოთ „წმინდა“ ფორმის სფეროს, რადგან ყოველი ფორმა შეიძლება არსებობდეს როგორც ფორმა გარკვეული შინაარსისა, და, მაშასადამე, ფორმა უშინაარსოდ ისევე შეუძლებე-

ლია, როგორც „შინაარსი უფორმოდ შეუძლებელია“. იგივე ითქმის ესთეტიკის სპეციფიკური საგნის — მშვენიერების შესახებაც. მშვენიერება ხელოვნებაში არ შეიძლება ეკუთვნოდეს „წმინდა“ ფორმის სფეროს, რადგან მშვენიერების ცნებას აუცილებლად შეესაბამება კონკრეტული ობიექტური სინამდვილე, როგორც მისი შინაარსი, წყარო და საფუძველი, მშვენიერება ხელოვნებაში შეიძლება არსებობდეს როგორც ფორმისა და შინაარსის ერთიანობა, როგორც სინამდვილის ამსახველი გრძნობა თუ წარმოდგენა. ასეთია, მოკლედ, მატერიალისტური ესთეტიკის გამოსავალი დებულება.

იდეალისტური ესთეტიკის საფუძველს კი შეადგენს შემეცნების იდეალისტური თეორია. თუ იდეალიზმის ერთი სახეობა — ეგრეთ წოდებული ობიექტური იდეალიზმი ქადაგებს, რომ ბუნება და საზოგადოებრივი ცხოვრება აბსოლუტური იდეის მხოლოდ გარეგნული ფორმა, მისი თვითგანვითარების გამოხატულებაა, იდეალიზმის მეორე სახეობა — ეგრეთ წოდებული დუალიზმი ანუ აგნოსტიციზმი უარყოფს ობიექტური სამყაროს შემეცნების შესაძლებლობას და, ამრიგად, იდეალურსა და მატერიალურს შორის გაპყავს გაუვალე ზღვარი, ხოლო სუბიექტური იდეალიზმი სრულიად უარყოფს ობიექტურ რეალობას, იგი საგნებსა და მოვლენებს სუბიექტურ შეგრძნებათა კომპლექსებად აცხადებს. ამრიგად, იდეალიზმი შემეცნებას, მაშასადამე, ხელოვნებასაც, როგორც შემეცნების ერთ-ერთ ფორმას, აცლის თავის ობიექტურ შინაარსს — ადამიანის აზრის გარეშე და მისგან დამოუკიდებლად არსებულ ობიექტურ სინამდვილეს. მაგალითად, ჰეგელისათვის ხელოვნება არის აბსოლუტური იდეის თვითგანვითარების გარკვეული საფეხური, ფილოსოფიურ შემეცნებაზე დაბალი საფეხური, ანუ აბსოლუტური იდეის გამოვლენა თავის უშუალო ფორმაში, საყოველთაოს გამოხატვა ერთეულში, კონკრეტულში. მაგრამ ეს ერთეული კონკრეტული, ანუ, სხვანაირად რომ ვთქვათ, რეალური საგნები და რეალური მოვლენები ჰეგელის სისტემაში აბსოლუტური იდეის მხოლოდ მოჩვენებითი გამოვლენაა. ამრიგად, ხელოვნებას სტოვეებს იდეალისტური აბსტრაქციის სფეროში. კანტის თვალსაზრისით ხელოვნება სულ დაცლილია ყოველგვარი შინაარსისაგან. იგი სავსებით მოწყვეტილია ობიექტურ სამყაროს, რეალურ ცხოვრებას; მას არ შეუძლია ასახოს სინამდვილე, ასახოს რეალური საგნები, რადგან შემეცნებას საერთოდ არ ძალუძს გადალახოს თავისი საზღვრები და მისწვდეს მის გარეშე არსებული ბუნების ნამდვილ არსს. აქედან ბუნებრივია, რომ კანტს ხელოვნების სფეროდ მია-

ჩნდა წმინდა ფორმა, წმინდა ფორმათა მშენებლობა, დაკლილი ყოველგვარი რეალური შინაარსისა და ინტერესისაგან. კანტისათვის ესთეტიკის სფერო წმინდა ფორმის სფეროა, გემოვნების მსჯელობა თავისუფალია ყოველგვარი ადამიანური ინტერესებისაგან. კანტის ესთეტიკასთან ძალიან ახლოს დგას სუბიექტური იდეალიზმის ესთეტიკაც, თუ „მატერიალისტური თეორია ამბობს, რომ ჩვენი წარმოდგენები, ჩვენი „მე“ მხოლოდ იმდენად არსებობს, რამდენადაც არსებობს გარეშე პირობები, რომლებიც ამ „მე-ზე“ შთაბეჭდილებას ახდენენ“, სუბიექტური იდეალიზმი კი, პირიქით, ამბობს, რომ სამყარო არსებობს იმდენად, რამდენადაც არსებობს სუბიექტი, რომელიც აღიქვამს მას, რომ საგნები არსებობენ მხოლოდ სუბიექტის შეგნებაში. ამ საფუძველზე სუბიექტური იდეალიზმი ხელოვნებას განსაზღვრავს როგორც სუბიექტური ფანტაზიის მიერ შექმნილ ფორმებს, როგორც სუბიექტური ხილვის თვითმყოფადობასა და დამოუკიდებლობას. ამ სუბიექტურ ხილვას, რასაკვირველია, არავითარი საერთო არ აქვს თვით რეალურ საგნებთან და მოვლენებთან. ის არ ასახავს ობიექტურ სამყაროს, არამედ, იძლევა თვით სუბიექტის მიერ თავისთავში დანახულ ქვეყანას, თვით სუბიექტის საკუთარ წარმოდგენას. ამრიგად, სუბიექტური იდეალიზმის ესთეტიკაში ადამიანის აზრი, გრძნობა და წარმოდგენა მოწყვეტილია შინაარსს. ასეთია, მოკლედ, იდეალისტური ესთეტიკის გამოსავალი დებულებანი.

როგორც ვხედავთ, იმ დროს, როდესაც მატერიალიზმი ხელოვნებას განიხილავს როგორც ცოცხალ ამსახველობით კავშირს ობიექტურ რეალობასთან, როგორც ფორმისა და შინაარსის ერთიანობას, იდეალიზმი ხელოვნებას წყვეტს სინამდვილეს, იგი თიშავს ფორმასა და შინაარსს, ხელოვნება გადააქვს „წმინდა“ ფორმის სფეროში.

დღეს, როგორც ვიცით, ფორმალისტური ესთეტიკის მებაირახტრედ გამოდის რეაქციული ბურჟუაზიის ხელოვნება და ლიტერატურა და როგორც თავის დროზე, ყოველი ისტორიული ესთეტიკური თეორია შეპირობებული იყო გარკვეული სოციალური ვითარებით და შეესაბამებოდა გარკვეულ კლასობრივ ინტერესებს, დღესაც — თანამედროვე ფორმალისმს ასაზრდოებს იმპერიალისტური ბურჟუაზიის კლასობრივი ინტერესები. ბურჟუაზიას აშინებს ისტორიული განვითარების კანონზომიერებანი, რომლებმაც ის, რაც ოდესღაც მხოლოდ აჩრდილი იყო, აჩრდილი კომუნისმისა, დღეს მეტად მრისხანე რეალურ ძალად აქციეს, „ისტორიის თხუნელა კარგად თხრის“.. და ბურჟუაზია არამცთუ თვითონ არიდებს თვალს ობიექტური სინამდვილის პროგრესულ ტენდენციებს, რაც

მას მკაცრ განაჩენს უმზადებს, არამედ ცდილობს ხალხის მასებ-საც აუხვიოს თვალი.

ფორმალიზმი ქადაგებს, რომ რეალური სინამდვილე არა რა არის, რომ საგნები და საგნების ნიშნები მხოლოდ სუბიექტურ შეგრძნებათა კომპლექსს წარმოადგენენ. ამიტომ ხელოვანი მხოლოდ ამ ნიშნების ანუ, უკეთ ვთქვათ, საკუთარი შეგრძნებების კომბინაციას ახდენს და ამ გზით ქმნის თავის საკუთარ საგნებს, თავის საკუთარ სამყაროს, რომელსაც არაფერი აქვს საერთო რეალურ სინამდვილესთან. ფორმალიზმის ერთ-ერთი ძირითადი დებულება მდგომარეობს იმაში, რომ ფორმა დამოუკიდებელია შინაარსისაგან, რომ ფორმა გულგრილია შინაარსის მიმართ. ამიტომ ყველა ჭურის ფორმალისტი ხმის ჩახლჩამდე გაპყვირის იმის შესახებ, რომ მისი „საკუთარი ფორმა“, საკუთარი „მაღალი“ ოსტატობა დამოუკიდებელია რეალური ცხოვრებისაგან.

არ არის ძნელი იმის დანახვა, რომ დღეს მატერიალიზმისა და იდეალიზმის ბრძოლა ხელოვნების თეორიაში, ისე როგორც იდეოლოგიის ყველა სხვა დარგში, არის გამოხატულება თანამედროვე მსოფლიოს პროგრესიულ და რეაქციულ ძალთა ბრძოლისა.

ამხ. გ. ჯიბლაძე საფუძვლიანად აშუქებს მატერიალიზმისა და იდეალიზმის ისტორიულ ბრძოლას ესთეტიკური აზროვნების ისტორიაში. იგი ვრცელი ისტორიული მასალის აპექტში განიხილავს ხელოვნებისა და სინამდვილის დამოკიდებულების საკითხს და ასაბუთებს მატერიალისტური ესთეტიკის ძირითად პრინციპებს. ყოველივე ეს შეადგენს ამხ. გ. ჯიბლაძის შრომის უდავო ღირსებას. მაგრამ ამავე დროს ჩვენ ზოგ რამეში ვერ დავეთანხმებით ავტორს. კერძოდ, სრულიად გაუგებარია, რატომ უვლის გვერდს ამხ. გ. ჯიბლაძე ხელოვნების სხვადასხვა თეორიათა ისტორიულ-სოციალური ბუნების საკითხს, მათი წარმოშობის კანონზომიერების საკითხს. ცნობილია, რომ ხელოვნების სხვადასხვა თეორიების წარმოშობა ყოველთვის შეპირობებული იყო გარკვეულ ისტორიულ-სოციალური პირობებით; ესთეტიკური აზროვნების განვითარებას ყოველთვის განსაზღვრავდა სოციალური ფსიქოლოგიის განვითარება. ამიტომ ესთეტიკური აზროვნების განვითარება წარმოადგენდა ისტორიულ პროცესს და არა შეხედულებათა ერთი სისტემის მექანიკურ ცვლას მეორე სისტემით.

ამხ. გ. ჯიბლაძეს არაერთხელ მოჰყავს ლუკრეციუსის, პლატონის, არისტოტელეს, რუსთაველის, ბუალოს, რუსოს, დიდროს, ლესინგის, კანტის, ჰეგელის, ლომონოსოვის, ბელინსკის, ჩერნიშევსკისა და სხვათა ესთეტიკური შეხედულებანი, მაგრამ იგი თითქმის

სრულიად არ ცდილობს ახსნას, თუ რა კონკრეტული ისტორიული პირობები განსაზღვრავენ ამ შეხედულებებს, კლასობრივი ბრძოლის რანაირ ვითარებაში ყალიბდებოდნენ ისინი და როგორია მათი ისტორიული ბუნება. საქმეს, რასაკვირველია, ვერ შველის კანტიკუნტად აღნიშვნა, ვთქვათ, იმისა, რომ ბუალო მოღვაწეობდა მერკანტელიზმის ხანაში და მან ხელოვნების თეორიაში ყველაზე უკეთესად გამოხატა აბსოლუტიზმის იდეა, ან იმის თქმა, რომ ჰეგელის ესთეტიკა ბურჟუაზიული ესთეტიკა იყო. ბურჟუაზიული იყო რუსოს, დიდროს, ლესინგის, კანტის, შილერისა და მრავალ სხვათა ესთეტიკური მოძღვრებანი, მაგრამ საკითხის არსი სწორედ იმაშია, რომ მათში არეკლილი იყო ბურჟუაზიის სხვადასხვა ფენისა და სხვადასხვა ისტორიული საფეხურის ფსიქო-იდეოლოგია.

მასალის ერთგვარი შიშველი გადმოცემის საილუსტრაციოდ საჭიროდ მიგვაჩნია, მოვიტანოთ საკმაოდ გრძელი ამონაწერი: „საკმაოდ ძლიერი ლიტერატურული კრიტიკოსი, — წერს ამხ. გ. ჯიბლაძე, — პერრო (1628-1703) ლიტერატურაში იცავდა იმ თვალსაზრისს, რომელიც უშიშრად აცხადებდა, რომ მისმა თანამედროვე მწერლებმა თითქოს გადააჭარბეს ანტიკურ სახეებსა და ამიტომ აღარ არის საჭირო ანტიკური სახე გამოყენებულ იქნას როგორც მიბაძვის ობიექტი. ბუალო ამ თვალსაზრისის კატეგორიული მოწინააღმდეგე იყო. ფრანგულ ლიტერატურაში შემდეგ ჩვენ ვხვდებით ჟან-ჟაკ რუსოს ესთეტიკურ თეორიას, რომელიც, წინააღმდეგ გონებისა, გრძნობის პრიმატს აბატონებს ხელოვნებაში. რუსო უარყოფს ცივილიზაციას, რომელსაც გონება ჰქმნის, აყენებს ამოცანას, ხელოვნებამ გამოხატოს გრძნობა, დაამშვიდოს ადამიანი, ბოლო მოუღოს იმ ნერვიულობას, რომელსაც ცივილიზაცია იწვევს. რუსო ხელოვნებას ამოცანად უსახავს ადამიანის აღზრდას, ხელოვნებისაგან მოითხოვს სინამდვილის ანალიზს კი არა, მის დაძლევას. თავისი შეხედულებით რუსო საფუძველს უყრის მთელ იმ ესთეტიკურ თეორიას, რომელმაც შემდგომ ეპოქებში გრძნობა წამოსწია ხელოვნებაში გონების პრიმიტის ადგილზე. ასეთივე თეორიას, თავისებური ორიგინალური სახით, იძლევა რუსეთის დიდი მწერალი ლევ ტოლსტოი წიგნში „რა არის ხელოვნება?“

„რუსოს ხელოვნებათმეტყველებას, — განაგრძობს ამხ. გ. ჯიბლაძე, — რადიკალურად უპირისპირდება ვოლტერი, ისე როგორც განსხვავებულია მათი მსოფლმხედველობა საერთოდ. მაგრამ მას არ შეუქმნია ისეთი ესთეტიკური თეორია, რომელიც გაიჩენდა მიმდევრებს და იბატონებდა ლიტერატურაში.

ხელოვნების ახალ მოძღვრებას საფუძველს უყრის დენი დიდ-

რო, რომელსაც მიმდევრები უჩნდებიან, როგორც ფრანგულ, ისე გერმანულ ლიტერატურაში... დიდრომ ხელოვნების თეორიაში შეიტანა დემოკრატიული იდეები და მათ ნაყოფიერი წინაპირობაც შეუქმნა მთელს ევროპულ ლიტერატურაში. ის მოითხოვდა ხელოვნებას გამოეხატა ცხოვრება და უპირველეს ყოვლისა მემჩანობა“.

თითქმის მთელი ისტორიული მასალა მოცემულია ასეთი „მიუკერძებელი აკადემიზმით“, ლიტერატურული პროცესის ყოველგვარი კანონზომიერების ჩვენებისა და ახსნის გარეშე. თუ ჩვენ არ ვიცით ის საზოგადოებრივი პირობები და ინტერესები, რომლებმაც განსაზღვრეს ესთეტიკური შეხედულებათა ამა თუ იმ სისტემის ხასიათი, არ შეიძლება, ნათელი გახდეს ჩვენთვის ამ შეხედულებათა როლი და მნიშვნელობა ესთეტიკური აზროვნების განვითარებაში. თუ გაურკვეველი არ არის, რატომ ილაშქრებდა ბუალო პერროს წინააღმდეგ და რატომ დაუპირისპირდა ფრანგი განმანათლებლების ესთეტიკური შეხედულებანი კლასიციზმის ესთეტიკურ ნორმებს, ჩვენ არ შეგვიძლია, გამოვამჟღავნოთ ესთეტიკური აზროვნების განვითარების პროგრესული და რეაქციული ტენდენციები. არ შეიძლება ხელოვნების სპეციფიკისა და ხელოვნების ფუნქციის საკითხების გადაწყვეტა სხვადასხვა თეორიებისა და ლოგიკური განსაზღვრების მექანიკური დაპირისპირების გზით. მარქსიზმ-ლენინიზმი გვასწავლის: ისე როგორც ყოველგვარ იდეოლოგიურ ფორმას, ხელოვნებასაც, მის სპეციფიკასაც და ფუნქციასაც აქვს კონკრეტული ისტორიული შინაარსი. მეცნიერული კვლევა უმკველად მოითხოვს ამ შინაარსის გახსნას. ავიღოთ თუნდაც რუსო და დიდრო. ერთიც და მეორეც აღმომავალი ბურჟუაზიის წარმომადგენელია, და ხელოვნების თეორიაში არა მარტო დიდრომ, არამედ რუსომაც შეიტანა დემოკრატიული ელემენტები, მიუხედავად ამისა, მათი ესთეტიკური სისტემები არსებითად განსხვავდებიან. ამ განსხვავების სათავე უეჭველად იმაში უნდა ვეძიოთ, რომ თუ დიდრო „მესამე წოდების“ წამყვანი ბირთვის — სამრეწველო-საქალაქო ბურჟუაზიის ინტერესებს გამოხატავდა, რუსო „მესამე წოდების“ წვრილბურჟუაზიული ელემენტების განწყობილებათა გამოხატველი იყო. ეს არავითარ შემთხვევაში არ არის ისტორიული ვითარების ისეთი სურათი, რაც საჭიროა საკითხის საფუძვლიანი გაშუქებისათვის. მაგრამ ეს არის ის საყრდენი, საიდანაც შეგვიძლია, გავარკვიოთ რუსოსა და დიდროს ესთეტიკური შეხედულებების ხასიათი და ამავე დროს ავხსნათ ის გავლენაც, რომელიც რუსომ მოახდინა რომანტიკული სკოლის მწერლებზე, მათ შორის ბაირონ-

ზეც. და ის გამოხმაურება, რომელიც რუსოს ესთეტიკამ ჰპოვა ლევ ტოლსტოის შეხედულებებში; ამავე პოზიციიდან შეგვიძლია ავხსნათ კანონზომიერება იმ უდიდესი გავლენისა, რომელიც დიდრომ მოახდინა ბურჟუაზიული რეალიზმის განვითარებაზე.

დამახასიათებელია რუსთაველის ესთეტიკის გადმოცემაც. ჩვენ ვერავითარ შემთხვევაში ვერ გავიზიარებთ იმ წესს, როდესაც ამა თუ იმ მწერალს, და მით უმეტეს რუსთაველს, განიხილავენ როგორც განკერძობებულ მოვლენას, როგორც რაღაც ციდან მოწყვეტილ გენიას, რომელსაც თითქოს არავითარი კავშირი არ აქვს თავისი ერის, თავისი ხალხის სულიერი კონსტიტუციისა და მისი საზოგადოებრივი ცხოვრების გარკვეულ საფეხურთან. რუსთაველით ჩვენ სწორედ იპიტომ ვამაყობთ, რომ მასში უმწვერვალესი გამოხატულება ჰპოვა ჩვენი ხალხის ისტორიული ცხოვრების გარკვეულმა ეპოქამ, ჩვენი ხალხის სულიერმა პოტენციამ. ე. ი. ხალხის სწორედ იმ თავისებურებამ და სპეციფიკამ, რაც, როგორც ცნობილია, ყველა ერს შეაქვს მსოფლიო კულტურის საგანძურში. იმის გამო, რომ ამხ. გ. ჯიბლაძე გვერდს უვლის რუსთაველის ესთეტიკის ისტორიულ-სოციალური ბაზისის საკითხს, მის წიგნში არ ჩანს არც ის მეკვიდრეობითი ნაკადი, რომელიც რუსთაველიდან ერთვის მთელი ქართული ესთეტიკური აზროვნების განვითარებას. ასე, მაგალითად, როდესაც ავტორი ახასიათებს სხვადასხვა ქართველი მოაზროვნის ესთეტიკურ შეხედულებებს, იგი ხშირად და საპართლიანად მიუთითებს იმ გავლენებზე, რაც რუსული ესთეტიკური აზროვნების განვითარებამ მოახდინა ქართულ ესთეტიკურ აზროვნებაზე. მაგრამ ამავე დროს ერთი შტრიხითაც არ გვიჩვენებს, რომ ქართული ესთეტიკური აზროვნება, უპირველეს ყოვლისა, წამოიზარდა ქართული სინამდვილიდან და, მაშასადამე, რუსთაველის ესთეტიკიდანაც.

საოცარი სიადვილით გადადას ამხ. გ. ჯიბლაძე ხელოვნების ერთი თეორიიდან მეორეზე: „ფრანგულ ლიტერატურაში შექმნილი ჩვენ ვხვდებით ჟან-ჟაკ რუსოს ესთეტიკურ თეორიას“... „დიდრის პარალელს წარმოადგენს მარტინ ოპიცი (1597-1639). შექმნილი ახალი ლიტერატურის ყველაზე დიდი მქადაგებელი გოტჰოლდ-ფრაიჰ ლესინგი“. „ლესინგის შექმნილი ჰერდერი საფუძველს უყრის ისტორიულ ლიტერატურათმეტყველებას, მაგრამ ამ პერიოდში ყველაზე უფრო დიდი მოვლენა ხელოვნების თეორიაში იყო კანტის ტრანსცენდენტალური ესთეტიკა“... „კანტის შექმნილი ჰეგელის ესთეტიკა წარმოადგენს უდიდეს ნაბიჯს წინ“... და ა. შ. სიტყვა შემდეგ ყველგან ჩვენს მიერ არის ხაზგასმული და არა გადამლაშების

ენით, არამედ იმის გულწრფელი შეგნებით, რომ ისტორიული მასა-
 ლის ჯანთი ყავარჩნებით გადმოცემა მეცნიერული კვლევის სწორი
 ხერხი არ არის. ამავე წესით, მოკლე შინაარსის მოყოლის წესით,
 გვაყნობს ავტორი ლომონოსოვის, ტრეტიაკოვის, სუმაროკოვის, ბეს-
 ტუეევ-მარლინსკის და სხვათა შეხედულებებს. ამავე დროს, როგორც
 წეაი, გვერდს უვლან მათი შეხედულებების სოციალური, კლასობ-
 რივი ბუნების საკითხს. ავტორი შედარებით უფრო ვრცლად და
 ღრმად ახასიათებს ბელინსკის, ჩერნიშევსკის, დობროლიუბოვის,
 პოსარევის და ზაიცევის შეხედულებებს ხელოვნებაზე. ამ ნაწილში
 კერძოდ ბელინსკისა და ჩერნიშევსკის მიმართ, ავტორი განსაკუთრე-
 ბულ ყურადღებას უთმობს ბიოგრაფიული დეტალების გადმოცე-
 მას. აქვე საქროდ მიგვაჩნია აღვნიშნოთ ერთი ფაქტური შეცდომა.
 ლაპარაკობს რა ბელინსკის ცნობილ ფორმულაზე. რომ „ხელოვნება
 არის კემპარიტების უშუალო შეგრძნება. ანუ აზროვნება სახეებში“,
 ამხ გ. ჯიბლაძე დასძენს: „ბელინსკის ფორმულა შემდეგ გაიზიარეს
 პოტებნიამ და პლუხანოვმა“. გამოდის, რომ პოტებნიამ და პლუხანოვ-
 მა ერთნაირად გაიზიარეს ბელინსკის ფორმულა. ეს არ არის მართა-
 ლი, იმ დროს, როდესაც პლუხანოვმა ეს ფორმულა ძირითადად
 მატერიალისტური თვალსაზრისით გააშუქა, პოტებნიამ მასში, არსე-
 ბითად, სუბიექტურ-იდეალისტური შინაარსი ჩასდო. გამოდიოდა რა
 სიტყვების უსახო და სახობრივ სიტყვებად დანაწილების დებულები-
 დან, მართალია, პოტებნიას ხელოვნების სპეციფიკად მიაჩნდა სახო-
 ბრიობა, მაგრამ მხატვრული სახე მან წარმოდგენილი ჰქონდა არა
 როგორც სინამდვილის გამოხატვის საშუალება, არამედ როგორც
 სუბიექტურ განწყობილებათა აღმძვრელი საშუალება. მისი აზრით,
 მწერალი თავის სახეთა სისტემით ვერაპოდეს ვერ გადააცემს სხეებს
 თავის აზრებსა და გრძნობებს: მხატვრულ სახეთა საშუალებით იგი
 მხოლოდ აღძრავს მკითხველებში იმ განწყობილებებსა და გრძნო-
 ბებს, რომლებიც შეიძლება ექნეთ თვით მკითხველებს სახეებში მი-
 ნიშნებულ მოვლენებშია და საგნების მიმართ. ამრიგად, თუ პოტებ-
 ნიას თვალსაზრისით ვიმსჯელებთ. „ანნა კარენინაში“ ჩვენ ვკითხუ-
 ლობთ არა ტოლსტოის აზრებსა და გრძნობებს, არამედ ჩვენს საკუ-
 თარ გრძნობებს. მხატვრული სახე პოტებნიასთვის — ეს არის რაღაც
 ბუნდოვანი სიმბოლო, რომელაც ყოველ სუბიექტში იწვევს განსხვა-
 ვებულ განწყობილებებს. აქედან ცხადია, ბელინსკის ფორმულის
 თუ რანაირ გაიზიარებასთან გვაქვს საქმე იმ თვალსაზრისში, რომელი-
 ც არსებითად ხელოვნების სიმბოლისტურ თეორიას წარმოდგენს.

ამხ. გ. ჯიბლაძე უეჭველად ერთგვარობიექტურ აკადემიზმს
 იჩენს, როდესაც არასაკმაოდ, ზოგჯერ კი სრულიადაც არ აკრიტიკებს

ხელოვნების ამა თუ იმ თეორიის ჩრდილოვან მხარეს. კერძოდ, მას არხად არ აქვს ახსნილი კანტიანიზმისა და ჰეგელიზმის ჩრდილოვანი მხარე, მათი კლასობრივი ფესვები, და ამ ჩრდილოვანი მხარის გამოხატულება მათს ესთეტიკაში: ექვი არ არის, რომ ყოველივე ეს შეეძლო გაეკეთებინა ამხ. გ. ჯიბლაძეს, მაგრამ, როგორც ჩანს, იგი უნებლიედ გაჰყვა სხვადასხვა ლიტერატურული წყაროების მიუყვრებლობას.

ამავე დროს ლიტერატურული მოვლენების ახსნის მარქსისტულ-ლენინურ პრინციპზე ამხ. ჯიბლაძე საკმაოდ ვრცლად ლაპარაკობს, როდესაც ეხება მარქსის, ენგელსის, პლენანოვის და ლენინის შეხედულებებს ხელოვნებაზე.

ამხ. გ. ჯიბლაძე მთელი რიგი საკითხების დაყენებასა და გადაჭრაში აშკლავნებს არა მარტო ნაკითხობას, არამედ საკუთარი გააზრების სიღრმესაც. იგი სავსებით სწორად განმარტავს შემეცნებაში ფანტაზიის როლის ლენინურ გაგებას. უნაყოფოა ოცნება, რომელიც მოწყვეტილია სინამდვილისაგან, მაგრამ ქმედითაა ოცნება, რომელიც წინასწარ სკვრეტს მოვლენათა განვითარების ტენდენციებს, სინამდვილისა და ადამიანის აქტიური აზრის ურთიერთობაში პოულობს ცხოვრების უკეთეს ფორმათა შესაძლებლობებს და ხელს უწყობს იმას, რომ ეს შესაძლებლობანი სინამდვილედ იქცეს. სავსებით სწორია დებულება, რომელიც აქედან გამოჰყავს გ. ჯიბლაძეს. „ქეშმარიტ ხელოვნანს, ქეშმარიტ მწერალს მოეთხოვება, იყოს მეოცნებე, მაგრამ მისი ოცნება სინამდვილის პროგრესიულ ძალთა ლოგიკით უნდა ხელმძღვანელობდეს. ყოველი დიდი ხელოვანი ამ ელემენტარულ ქეშმარიტებას განაჰახიერებს თავის შემოჭმედებაში და გვევლინება არა მარტო თავისი დროის, არამედ მომავლის მხატვრად“. მაგრამ ამის შემდეგ ავტორი იძლევა ერთობ საკოჰჰანო დებულებას. იგი წერს: „კლასობრივ საზოგადოებაში იდეოლოგიის კლასობრივი ხასიათი მას (ე. ი. მწერალს, ლ. კ.) კი არ ზღუდავს, პირიქით, უფრო აჩენს, ვინაიდან თუ ის რეაქციულ კლასს ეკუთვნის სოციალურად, მაგრამ ამავე დროს შეუძლია, სწორად გადმოგვეცეს თავისი დრო, ეპოქა, თუ მისი თვალსაზრისი კი არ უგულვებელჰყოფს, არამედ ხედავს თავისი თანამედროვეობის პროგრესიულ ძალებს და ტენდენციებს, მაშინ მწერალი თაობებს გადასწვდება, საუკუნეებს გაუწვდის ხელს, უკვდავ სახელს დაიმკვიდრებს მსოფლიო ლიტერატურაში“. ჩვენი აზრით ამ დებულების ჰეორე ნახევარი, რომელიც თითქოს ძირითადი აზრის პირობას შეიცავს, არსებითად არაფერს არ სცვლის ამ ძირითად აზრში. ძირითადი აზრი კი, როგორც ზოგადი ჰქემა, უეჭველად არ არის სწორი, ყოველი მარქსისტ-ლენინელისა-

თვის უდავო ჭეშმარიტებაა ის, რომ ყველა კლასობრივი იდეოლოგია, ასე თუ ისე, უეჭველად ზღუდავს და გარკვეულ საზღვარს უღებს ადამიანთა შემეცნებას. ამას მეტად თვალსაჩინოდ მოწმობს ლიტერატურის ისტორია. თავისი კლასობრივი იდეოლოგიის შემზღუდელმა გავლენამ დააწერინა გოგოლს: „ჩვეული ადგილები მეგობრებთან მაიწორიდან“; იმავე ფაქტორით იყო შეპირობებული ტოლსტოის ქადაგება ბოროტებისადმი წინააღმდეგობის გაუწევლობისა, ბალზაკის ლეგიტიმიზმი და საკუთრების აღიარება მარადიულ ინსტიტუტად, გოეთეს ფილანტროპული ოპორტუნიზმი და სხვა მრავალი მსგავსი რამ. კლასობრივ საზოგადოებაში კლასობრივი იდეოლოგია მეტად თუ ნაკლებად ყოველთვის ზღუდავდა ყოველ მწერალს. ამიტომ მტკიცება, რომ კლასობრივ საზოგადოებაში კლასობრივი იდეოლოგია არ ზღუდავს მწერალს, არ არის სწორი. ხოლო რაც შეეხება იმას, რომ თუ მწერალი, მიუხედავად იმისა, რომ რეაქციულ კლასს ეკუთვნის, მინც ისეთ თვალსაზრისზე დგას, რომელიც „კი არ უგულვებელყოფს, არამედ ხედავს და გამოხატავს თანამედროვეობის პროგრესიულ ძალებსა და ტენდენციებს“, ცხადია, ასეთი მწერალი ნაწილობრივ ან მთლიანად იზიარებს პროგრესული კლასის იდეოლოგიას და ამდენადვე მას გადალახული აქვს თავისი კლასობრივი შეზღუდულობა. კიდევ მეტი: შეუძლებელია მწერალი თავისი იდეოლოგიით, თავისი შეგნებით იდგეს რეაქციული კლასის თვალსაზრისზე, მაგრამ სტიქიურად, თავისი ფხიზელი რეალიზმით მან გადალახოს თავისი კლასობრივი შეზღუდულობა და მიწვედეს განვითარების პროგრესულ ძალებს, როგორც ეს გვიჩვენა ენგელსმა ბალზაკის მაგალითზე. ლენინის ცნობილი დებულება ტოლსტოის შესახებ, რომ „თუ ჩვენს წინაშე მართლაც დიდი მხატვარია, ზოგიერთი რამ რევოლუციის თუნდაც არსებითი მხარეებიდან მას უნდა აესაზნა თავის ნაწარმოებში“ — მიგვრთითებს იმაზე, რომ ყოველი დიდი მხატვარი სწორედ იპიტომ არის დიდი მხატვარი, რომ იგი მეტად თუ ნაკლებად იძლევა სინამდვილას სწორ სურათს, იძლევა გარკვეულ ობიექტურ ჭეშმარიტებას.

ენგელსის ცნობილი დახასიათება რენესანსის ეპოქისა, ჩვენის ძმობით სრულიადაც არ ასაბუთებს იმას, რომ კლასობრივ საზოგადოებაში კლასობრივი იდეოლოგია არ ზღუდავს მწერალს. „ეს იყო ეპოქა, — წერს ენგელსი, — რომელიც საჭიროებდა ტიტანებს და რომელმაც კიდევ წარმოშვა აზრის, ვნებების, ხასიათის ძლიერებით, მრავალმხრივობითა და განსწავლულობით ტიტანი ადამიანები. ადამიანები, რომლებიც ბურჟუაზიის თანამედროვე ბატონობას ამკვიდრებენ, ყველაფერი იყენენ, მხოლოდ არ ყოფილან ბურჟუაზიუ-

ლად შეზღუდული ადამიანები. პირიქით, ისინი ცოტად თუ ბევრად გამჟღავნებული იყვნენ თავგადასავლების გაბედულ მაძიებელთა სუ-ლით... ისინი თითქმის ყველანი თავიანთი დროის ინტერესთა შეა-გულში ცხოვრობენ, ცხოველ მონაწილეობას იღებენ პრაქტიკულ ბრძოლაში, დგებიან ამა თუ იმ პარტიის მხარეზე და იბრძვიან, ვინ სიტყვით და კალმით, ვინ მახვილით, ვინ კიდეც ორივეთი ერთად, აქედან წარმოსდგება ხასიათის ის სისრულე და ძალა, რაც მათ მთლიან ადამიანებად აქცევს“. როგორც ვხედავთ, აქ ლაპარაკია სწო-რედ იმაზე, რომ ეს ტრტანური ადამიანები ჯერ კიდეც არ ყოფილან შეზღუდული ბურჟუაზიული იდეოლოგიით, და არა იმაზე, რომ თით-ქოს ბურჟუაზიული, კლასობრივი იდეოლოგია არ ზღუდავს ადა-მიანებს. გარდა ამისა, ენგელსის ეს შესანიშნავი დახასიათება მიუ-თითებს იმას, რომ ყოველი ეპოქა წარმოშობს ისეთ ადამიანებს, რო-მლებიც მას ესაჭიროება, რომ გამოჩენილი პიროვნებანი არიან თა-ვიანთი ეპოქის ღვიძლი შვილები. გამომხატველნი ეპოქის სოციალუ-რი ფსიქოლოგიისა. ენგელსი ახასიათებს იმ ინტენსიურ სულიერ ცხოვრებას, რომელიც აუცილებელი წინაპირობა იყო ახალი საზოგა-დოებრივი ფორმაციის დასამკვიდრებლად და რომელიც ახასიათებ-და ამ ფორმაციის იმ გრანდიოზულ შესავალს, რასაც აღორძინებრს ეპოქა ეწოდება. ენგელსის მიერ მოცემული დახასიათების მთელი ხარბმე და სიზარტლე იმაში მდგომარეობს, რომ იგი იძლევა კონ-კრეტული ეპოქის კონკრეტული ვითარების სწორ გამოხატულებას, რომ მასში მოცემულია ის მთავარი და ძირითადი ნიშანი, რაც მხო-ლოდ ამ ეპოქას ახასიათებდა და რაც განასხვავებდა სხვა ეპოქებისა-გან. ენგელსი, რასაკვირველია, შორს იყო ისეთი აბსტრაქტული სქე-მის შექმნისაგან, რაც ყველა დროსა და ყველა ეპოქას გამოადგებო-და თარგად: პირიქით, იგი გარკვევით მიუთითებს „იმ დროისათვის დამახასიათებელი თავგადასავლების გაბედულ მაძიებელთა“ სუ-ლისკვეთებაზე. ამიტომ, ვფიქრობთ, არ არის სავსებით სწორი მტკი-ცება: „...ხელოვნებისა და ლიტერატურის მთელი ისტორია განა იმას არ გვეუბნება, რომ ის, რაც რენესანსის ეპოქაში იყო, დამახასიათე-ბელია საერთოდ იდეოლოგიისა და მისი თვითეული ფორმისათვის ყველა დროსა და ყველა ეპოქაში?“ არა, ის, რაც რენესანსის ეპოქა-ში იყო, არ არის დამახასიათებელი ყველა დროისა და ყველა ეპო-ქისათვის. ყოველ ეპოქას თავის კონკრეტულ-ისტორიული შინაარსი აქვს, და რაკი ეს შინაარსი წარმოიშვა, მას განვითარების საკუთარი კანონზომიერებანიც გააჩნია.

ამა თუ იმ ხელოვანის მიერ თავისი კლასობრივი შეზღუდულო-ბის დაძლევის ყოველი ფაქტი უნდა აიხსნას გარკვეულ კონკრეტულ-ისტორიული პირობებით.

სწორია ამხ. გ. ჯიბლადის შემდეგი დებულება: „გენიოსი, სწორედ იმიტომ არის გენიოსი, რომ აწმყოსთან ერთად მომავალს გამოხატავს, ნაციონალურთან ერთად ინტერნაციონალურს, კონკრეტულ ადამიანურთან ერთად ზოგადკაცობრიულს“. ცხადია, რაკი ქეშმარიტ დიდ მხატვარს შეუძლია და კიდევაც ასახავს ობიექტური სინამდვილის ამა თუ იმ არსებით მხარეს, იგი კიდევაც ადის ობიექტური ქეშმარიტების გარკვეულ საფეხურზე. ხოლო შემეცნების ყოველი ნაბიჯი, ყოველი საფეხური, რომელიც ობიექტურ ქეშმარიტებას გამოხატავს, შეადგენს საზოგადოებრივი შეგნების იმ კრისტალს, რომლისგანაც იქმნება კაცობრიობის აზრის უმაღლესი მიღწევები. ამავე დროს არ უნდა დავივიწყოთ, რომ ობიექტური ქეშმარიტების თუ რა საფეხურზე ასვლას შესძლებს გენიოსი, — ეს დიდად არის დამოკიდებული იმაზე, თუ როგორ ისტორიულ-სოციალურ და კულტურულ ვითარებაში უხდება ცხოვრება და მოღვაწეობა მან. ამიტომაც არის საჭირო ყოველი მხატვრული შემოქმედებისა თუ ხელოვნების ყოველი თეორიის ისტორიულ-სოციალური შინაარსის გარკვევა. მხოლოდ ამ გზით შევძლებთ ნათელვყოთ, თუ რამდენად შესძლო მხატვარმა თავისი კლასობრივი შეზღუდულობისა და თავის ეპოქის ჩარჩოების გადალახვა და რამდენად არის ის მომავლის მხატვარიც. სწორედ ასეთი ღრმა მეცნიერული ანალიზის ბრწყინვალე ნიმუშს წარმოადგენს ლენინის ცნობილი სტატია ტოლსტოის შესახებ, სადაც წინააღმდეგობანი დიდი მხატვრის შემოქმედებასა და მსოფლმხედველობაში ახსნილია კონკრეტულ-სოციალური ვითარებით, და სადაც ნათლად ვხედავთ, თუ რამდენად შესძლო მხატვარმა თავისი კლასობრივი შეზღუდულობის გადალახვა.

ამასთან დაკავშირებით საჭიროა აღინიშნოს: თუ საერთოდ ხელოვნების სხვადასხვა თეორიები განხილული უნდა იქნას არა როგორც ერთმანეთის გვერდით მდებარე მოვლენები, არამედ როგორც პროცესი, მით უმეტეს ხელოვნების მარქსისტულ-ლენინური თეორია განხილულ უნდა იქნას არა როგორც ერთ-ერთი სისტემა სხვა სისტემებს შორის, არამედ როგორც უმაღლესი საფეხური მეცნიერული აზრის განვითარებისა ამ დარგში.

ახლა შევეხოთ ესთეტიკის სპეციალური საგნის — მშენიერების პრობლემას. როგორც ზემოთ დავინახეთ, დიალექტიკური მატერიალიზმის თვალსაზრისით მშენიერება არ შეიძლება მიეკუთვნოს „წმინდა“ ფორმის სფეროს, რომ იგი როგორც ბუნებაში ისე ხელოვნებაში შეიძლება არსებობდეს, როგორც ფორმისა და შინაარსის

ერთიანობა. ხელოვნების შინაარსს, ისე როგორც ყოველგვარი აზროვნების შინაარსს, შეადგენს ობიექტური რეალობა, რომელიც უშუალოდ თუ შუალობით არეკლილია ხელოვნებაში. მაშასადამე, ხელოვნების ერთ-ერთი ელემენტის — მშვენიერების შინაარსიც არეკლილია სინამდვილიდან.

„ვიყენებთ რა ჩერნიშევსკის დებულებას, ჩვენ ვამტკიცებთ, რომ ბუნებაში არსებული მშვენიერება ნამდვილი, ჭეშმარიტი და ერთადერთი მშვენიერებაა, რომელიც ხელოვნების დაუშრობელი წყაროა“. აი ის ძირითადი დებულება, რომლის მიხედვითაც აშუქებს ამხანაგი გ. ჯიბლაძე თავის ერთ-ერთ ცენტრალურ პრობლემას, ბუნებისა და ხელოვნების მშვენიერების პრობლემას. ეს უდავოდ მატერიალისტური დებულებაა. თუმცა, ვფიქრობთ, უმჯობესი იქნება ვთქვათ, რომ ხელოვნების დაუშრობელი წყარო არის არა ბუნებაში არსებული „ერთადერთი მშვენიერება“, არამედ ცხოვრება, სინამდვილე. ეს კორექტივი საჭიროდ მიგვაჩნია იმიტომ, რომ, როგორც პლენანოვი ამბობს, „ხელოვნების სფერო გაცილებით ფართოა „მშვენიერების სფეროზე“.¹

ამხანაგი გ. ჯიბლაძე ბუნებისა და ხელოვნების მშვენიერების პრობლემას უექველად აცლის სხვადასხვა იდეალისტურ თვალსაზრისთა შრეებს და გამოაქვს იგი მატერიალისტურ მსოფლმხედველობის სინათლეზე. მხატვრული შემეცნება არის სპეციფიკური ფორმა სამყაროს ათვისებისა. მასში არეკლილია მის გარეშე და მის დამოუკიდებლად არსებული რეალური სამყარო. სხვა საკითხია ის, თუ როგორ არის არეკლილი: მართლად თუ არამართლად. ეს საკითხი წყდება კონკრეტულად ხელოვნების ყოველი ცალკე ფაქტის მიმართ. მაგრამ თავის განვითარებაში მხატვრულ შემეცნებას ძალუძს მისწვდეს თავისი საგნის ობიექტურ ბუნებას, მისი ერთ-ერთი საგანია მშვენიერება. მშვენიერება როგორც საგანი, როგორც რეალობა არსებობს ადამიანის შემეცნების გარეშე და მისგან დამოუკიდებლად. ადამიანის მხატვრული შემეცნება მიილტვის ობიექტური მშვენიერების, ე. ი. მშვენიერი საგნის, მშვენიერი მოვლენის, მშვენიერი ვითარების სრულყოფილად წარმოქმნისაკენ. არსებითად ეს არის აზრისა და არსის დამოკიდებულების საკითხი. ჩვენ კი შეიარაღებული ვართ ისეთი უძლიერესი მეცნიერული იარაღით, როგორიცაა ასახვის ლენინური თეორია. ამიტომ გზა გაკაფული გვაქვს. ამ გზას მიჰყვება ანზ. გ. ჯიბლაძეც. თუმცა იგი რატომღაც გვერდს უვლის ობიექტური მშვენიერებისა და ობიექტური ჭეშმარიტების დამოკიდებულების

¹ Г. В. Плеханов, Соч., т. XIV, стр. 180.

საკითხს, ამას კი, როგორც ქვემოთ დავინახავთ, არსებითი მნიშვნელობა აქვს მარქსისტულ-ლენინურ ესთეტიკაში.

ამხ. გ. ჯიბლაძე მშვენიერების ობიექტურობას ასაბუთებს შემდეგი მსჯელობით: „თუ ჩემი წარმოდგენა ბუნებაში არჩევს მაღალსა და დაბალს, ლამაზსა და ულამაზოს, მშვენიერსა და არამშვენიერს, მაშასადამე, ბუნებაში ყოფილა რაღაც, რომელიც ერთნაირად კი არ მოქმედებს ჩემი შემეცნების ორგანოზე, არამედ სხვადასხვანაირად, მაძლევს სხვადასხვა წარმოდგენას: ერთ შემთხვევაში ერთი საგანი ჩემთვის ლამაზია, მეორე ულამაზო, მშვენიერია ან არამშვენიერი. მაგრამ თუ თვით ბუნებაში არ არსებობს მათ შორის განსხვავება, როგორღა მიიღო ჩემმა ცნობიერებამ ეს ორი საგანი განსხვავებულად? თუ მართლაც ობიექტური რეალობა უარყოფს თავის თავში განსხვავებას მშვენიერსა და არამშვენიერს შორის, რატომ მოქმედებს ჩემზე ერთი საგანი უარყოფითად, ხოლო მეორე დადებითად? ბუნებაში რომ არ არსებობდეს ლამაზი და ულამაზო, მშვენიერი და არამშვენიერი, ადამიანური შემეცნება მას ვერ შეიმეცნებდა; მაშინ რაღაც საშინელი ერთგვარობა ან ერთფეროვნება უნდა ყოფილიყო, ყველა საგანი და მოვლენა გათქვეფილი რაღაც განუსხვავებელ და წრეშეუწყერელ უშინაარსობაში, უფორმოებაში, და ეშმაკმა დალახვროს, აღარ იქნებოდა აღარც შემეცნება, აღარც მოქმედება და განვითარებაზე ხომ ზეტმეტია ლაპარაკი“. ვფიქრობთ, მთელი ეს მსჯელობა არც თუ ისე მკვეთრი საბუთია მშვენიერების ობიექტურობის სასარგებლოდ. აქ სრულიად ადვილად შეუძლიათ შეგვეკამათონ და გვითხრან: „მართალია, თქვენი წარმოდგენა ბუნებაში ერთ საგანს მიიჩნევს ლამაზად, მეორეს ულამაზოდ, მაგრამ სხვა წრისა და სხვანაირი აღზრდის ადამიანი იმავე საგანს, რაც თქვენ ლამაზად მიიჩნით, მიიჩნევს ულამაზოდ და... კიდევ მეტი: შესაძლოა, თვითონ თქვენ ერთი და იგივე საგანი ერთ შემთხვევაში ლამაზად მიიჩნიოთ, ხოლო მეორე შემთხვევაში ულამაზოდ, იმის მიხედვით, თუ რა განწყობილებაზე იქნებით. მაშასადამე, — შეუძლიათ დაასკვნან მათ, — განსხვავება მშვენიერსა და არამშვენიერს შორის ადამიანის სულს სხვადასხვა ვითარების ნაყოფია, ეს განსხვავება ბუნებაში შეაქვს სუბიექტს“.

ცხადია, ჩვენ ვერავითარ შემთხვევაში ვერ დავეთანხმებით ამ შესაძლებელ მოწინააღმდეგეთა აზრს. ვერ დავეთანხმებით არა იმიტომ, რომ თითქოს არ ვაღიარებ, რომ სხვადასხვა სოციალური წრისა და სხვადასხვა პირობებში აღზრდილ ადამიანებს შესაძლებელია ექნეთ სხვადასხვა წარმოდგენა მშვენიერებაზე, და, მაშასადამე, მათთვის მშვენიერი იქნეს სხვადასხვა საგანი, ვერ დავეთანხმებით არა ჩვენი სუბიექტური წარმოდგენის მოტივით, არამედ იმის გამო,

რომ ბუნების სხვადასხვაობისა და მრავალფეროვნების ობიექტურობას ჩვენ ყოველ ნაბიჯზე გვიდასტურებს კაცობრიობის მეცნიერული შემეცნებისა და პრაქტიკის განვითარება, მათი ერთიანობა. „მატერიალისტიკისათვის სამყარო უფრო მდიდარი, უფრო ცოცხალი, უფრო მრავალფეროვანია, ვიდრე ის გვეჩვენება, რადგან მეცნიერების განვითარების ყოველი ნაბიჯი მასში აღმოაჩენს ხოლმე ახალ მხარეებს“¹.

„ჩვენი შეგრძნებანი“... რომელთაგან ჩვენ ვქმნით ჩვენს წარმოდგენას მშვენიერებაზე ანუ ვქმნით ჩვენ იდეალს მშვენიერებისას, ...„არიან სახეები ერთადერთი და უკანასკნელ ობიექტური რეალობისა, უკანასკნელისა არა იმ აზრით, რომ ის უკვე შემეცნებულია ბოლომდის, არამედ იმ აზრით, რომ გარდა იმისა არ არის და არ შეიძლება იყოს სხვა რამ“² მაგრამ ობიექტური მშვენიერება არ მოიცავს მთელ ობიექტურ რეალობას, მთელ ობიექტურ ქვეშარიტებას, რადგან არა ყოველი რეალობა შეიძლება იყოს მშვენიერი, არამედ მხოლოდ ის რეალობა, რომელიც ესთეტიკურად ატკობს ადამიანებს, ანუ შეესაბამება მათ იდეალს მშვენიერებისას. მშვენიერება და არამშვენიერება ეს არის წინააღმდეგობის ერთიანობა თვით საგანში, თვით ბუნებაში. საგანი მშვენიერიც არის და არამშვენიერიც, რამდენადაც საგანში არის ის, რაც კვდება, რაც იხრწნება და ის რაც ცოცხლობს და ვითარდება.

ამბ. გ. ჯიბლაძე ვრცლად არკვევს, თუ რა არის მშვენიერება და იძლევა ცნობილ განსაზღვრას, რომ მშვენიერება არის ცხოვრება. ამ დებულების შემდგომი კონკრეტიზაციის საფუძველზე იგი დეტალურად აშუქებს მშვენიერების ცნების შინაარსს ბუნებასა და ხელოვნებაში.

ამრიგად, კაცობრიობის პრაქტიკა, მისი მეცნიერული აზრის განვითარება ყოველი ფეხის ნაბიჯზე გვიმტკიცებს, რომ ბუნებაში არსებობს მრავალფეროვნება, უარყოფითი და დადებითი, მშვენიერი და არამშვენიერი, მაგრამ საქმე იმაშია, რომ ბუნება არ არჩევს და არც შეუძლია გაარჩიოს თეთრი და შავი, მშვენიერი და არამშვენიერი, ღიადი და არაღიადი. იგი ერთნაირად ანიჭებს არსებობის უფლებას ქიანჭველასა და სპილოს, სულელსა და გენიოსს; მისთვის ერთი ფასი აქვს მშვენიერსა და არამშვენიერს, ბოროტებასა და ზოკეათეს, კლექის ბაცილასა და ყვავილის ნექტარს, ბუნება გულგრილია თავისი არსების მიმართ. მისი წესრიგი სტიქიურია. იგი „ერთფერად მტვირთელი არის საქმის თეთრის და შავისა“. მამასაღამე ბუ-

¹ ვ. ი. ლენინი, ტ. XIII. (მე-3 გამოც). გვ. 105.

² ვ. ი. ლენინი, ტ. XIII. გვ. 105.

ნება მშვენიერიც არის და არამშვენიერიც. იმას, თუ რა არის მშვენიერი და არამშვენიერი ბუნებაში, არჩევს მხოლოდ ადამიანი თავისი შეგნებული იდეალების მიხედვით. აპიტომაც არაა საჭირო ადამიანის შეჭრა გარე სამყაროს სტიქიაში, შეჭრა თავისი შეგნებული მიზნებით, მშვენიერების ადამიანური იდეალებით... და ხელოვნება-მაც არა მარტო უნდა ასახოს ბუნება, არამედ კიდევ უნდა გარდაქმნას იგი, არა მარტო გაიმეოროს ბუნების მშვენიერება, არამედ კიდევ უნდა შექმნას იგი. და თუ ბუნებაში მშვენიერება არის საგნის ერთი მხარე, ერთი ტენდენცია, ხელოვნებაში ყოველი სიმართლე და მხოლოდ სიმართლე შეიძლება განხორციელდეს მშვენიერებად.

მშვენიერება არის ცხოვრება. მაგრამ ცხოვრებაში მუდამ არაა კიდილი უარყოფითისა და დადებითის, „ცხოვრებაში მუდამ არსებობს ახალა და ძველი, მზარდი და მომაკვდავი, რევოლუციური და კონტრრევოლუციური“. მაშასადამე, ცხოვრება მშვენიერიც არის და არამშვენიერიც. პროგრესულ საზოგადოებრივი შეგნებზათვის ცხოვრებაში მშვენიერი შეიძლება იყოს ის, რაც ზეაღშავალი, პროგრესული და ჯანსაღია, — არამშვენიერი ის, რაც რეაქციული და მომაკვდავია. მაგრამ ხელოვნება ასახავს არა მარტო მშვენიერს, არამედ არამშვენიერსაც და ხელოვნებას არ შეუძლია აქციოს არამშვენიერება მშვენიერებად. ასეთი თილისმა არ არსებობს და მაშასადამე, არც ხელოვნებას შეუძლია სიმახინჯე აქციოს მშვენიერებად, მას შეუძლია შინაარსი და ფორმა (მხატვრული სახე) იმდენად გაამთლიანოს, იმდენად დაამთხვიოს ერთმანეთს, რომ ჩვენ უდიდესი ძალით გვაგრძნობინოს მშვენიერება სიმართლისა, ე. ი. ხელოვნებას შეუძლია არამშვენიერება გამოსახოს იმ ძალით და იმ სიღრმით, რომ მეტად მძაფრად გვაგრძნობინოს ის, და მათ უფრო მეტა ძალით აღძრავს ჩვენში მიწრაფება მშვენიერებისადმი, მსგავსად იმისა, რომ „ქეშმარიტება მაჩვენებელია თავისთავისა და მკდარობისა“ (მარქსი), მშვენიერება მაჩვენებელია თავისთავისა და არამშვენიერებისა, და პირუტყვი.

ამხ. გ. ჯიბლაძე სამართლიანად აკრიტიკებს ბუნებაში არსებულ სიმახინჯის ხელოვნებაში მშვენიერებად გადაქცევის იდეალისტურ, ფორმალისტურ თეორიას. იგი წერს: „...ბუნების სიმახინჯე ხელოვნებაშიც სიმახინჯედ რჩება, ხოლო თუ ეს უკანასკნელი ჩვენ გვანცვიფრებს, მოგვწონს, — გვგონია მშვენიერი, არა იმიტომ, რომ თვით გამოხატული საგანია მშვენიერი, არამედ იმიტომ, რომ ხელოვანის ოსტატობაა მშვენიერი, ოსტატობა, რომელმაც ასეთ განმაცვიფრებელ სიმაღლეს მიაღწია — მშვენიერად გამოხატა არა მშვენიერება, არამედ სიმახინჯე“. მაგრამ ეს არავითარ შემთხვევაში ისე არ

უნდა გავიგოთ, თითქოს ხელოვნებაში ვშვენიერება მხოლოდ ოსტატობაა. ჩვენ ვიცით, რომ ოსტატობა ანუ ფორმა არ შეიძლება მოვწყვიტოთ შინაარსს, სიმართლეს, არ შეიძლება მოვწყვიტოთ მასში აბაზელ ობიექტურ რეალობას.

რეაქციული ბურჟუაზიის ხელოვნება, რომელიც დღეს ფორმალიზმის წუმბეშია ჩაფლული, სწორედ თავისი ოსტატობის, თავისა ფორმის დამოუკიდებლობას ქადაგებს. მას ხელოვნების არსად სწორედ „წმინდა“ ოსტატობა მიაჩნია. მაგრამ თანამედროვე ფორმალიზტური ესთეტიკა, არაებითად, ბურჟუაზიული სულის მხატვრულ უძღურებას მოწმობს. მით უმეტეს საჭიროა, რომ ყოველი ჩვენი დებულება ესთეტიკის დარგში იყოს მკაფიო და ნათელი, რომ არავითარ ორაზროვნებას არ ჰქმნიდეს. რასაკვირველია. სისულელე იქნებოდა მხატვრული ოსტატობის უდიდესი მნიშვნელობის ოდნავი უარყოფაც კი, პირიქით, მარქსისტულ-ლენინური ესთეტიკა აძლიერებს, აძლიერებს და აღრმავებს მხატვრული ოსტატობის მნიშვნელობას მით, რომ ის შიშველ ოსტატობად, უშინაარსო ფორმად არ მიაჩნია. მხატვრული ოსტატობა დამოკიდებულია იმაზე, თუ რამდენად სწორად, მართლად და კონკრეტულად ასახავს მხატვარი ობიექტურ რეალობას; მხატვრული ოსტატობა დაკავშირებულია ხელოვანის მათფლმხედველობასთან, იმ მეთოდთან, რომლითაც იგი შეიცნობს გარემყარ სინამდვილეს. ხელოვანის ოსტატობა გვხიბლავს და გვანცვიფრებს იმდენად, რამდენადაც იგი გამოხატავს სიმართლეს ანუ სწორად ასახავს რეალურ საგნებსა და მოვლენებს. ამრიგად, როდესაც ხელოვნებაში გამოხატულ სიმახინჯეს შევყურებთ, ჩვენ აღტაცებაში მოვყავართ, რასაკვირველია, არა თვით სიმახინჯეს, არამედ მის შესახებ თქმულ სიმართლეს; ოსტატობა იმდენად გვხიბლავს, რამდენადაც იგი ნათლად, მკაფიოდ და გამომეტყველად ამჟღავნებს ამ სიმართლეს. მაგრამ სიმართლე სიმახინჯის შესახებ მისი ცივი და გულგრილი გამოხატვა კი არ არის, არამედ ისეთი გამოხატვაა, რომელშიაც უარყოფილია იგი როგორც სიმახინჯე. კაპიტალიზმი დღეს სოციალური სიმახინჯეა, და ჩვენში მხოლოდ იმ ხელოვანს შეუძლია აღტაცება გამოიწვიოს, რომელიც ამ სიმახინჯის ისეთ სურათს დახატავს, რომელშიც გაცხადებული იქნება დიდი სოციალური სიმართლე კაპიტალიზმის მახინჯი არსისა და მისი გარდუვალი მოსპობის შესახებ. მაქსიმ გოგკიმ შესანიშნავად დაგვიხატა ბურჟუაზიული პიროვნების რღვევა „არტამანოვების საქმეში“. და ჩვენ გვხიბლავს არა იქ დახატულ პიროვნებათა ბურჟუაზიული არსება, არამედ დიდი სიმართლე, რაც იმაში მდგომარეობს, რომ კაპიტალიზმის განვითარებასთან ერთად იზრდება ბურჟუაზიული პარაზიტისმი, რაც იწვევს.

ბურჟუაზიულ ადამიანთა სულიერი ძალების დაქვეითებას, პიროვნებათა რღვევას. და გორკის მხატვრული ოსტატობაც იძლენად გვხვბლავს, რამდენადაც მასში ცხოვლად და კონკრეტულად არის ხოც-შესხმული ეს დიდი სიმაართლე.

ყაზბეგის „მამის ჰველელში“ ჩვენ მთელი არაებოთ გვეზიბლება გირგოლა, მაგრამ ჩვენ გვიბლავს ის სიმაართლე, რომელსაც ანსახიერებს ეს მხატვრული სახე და რომელიც ნათლად გვიჩვენებს იმას. თუ როგორი არ უნდა იყოს ადამიანი. ხელოვნებაში სიმაზნჯის გამოსახვის პრობლემათან დაკავშირებით ხშირად ახსენებენ ხოლმე ჰუგოს „პარიზის ღვთისმშობლის ტაძარს“. კვაზიმოდო საოცარი სიმახინჯეა. ეს სახე მართლაც საოცარი ოსტატობით აქვს დახატული ჰიუგოს, და არა მართო ეს სახე, არამედ მთელი რომანი აგებულია დიდი მხატვრული ოსტატობით. თვით ღვთისმშობლის ტაძარიც კი თავისი ქიშერებით, თავისი მძიმე და პირქუში ფორმებით. თავისი მისტიკური და იღუმალი ტალანებითა და სივრცეებით, თითქოს საოცრად მოგვაგონებს კვაზიმოდოს აღნაგობას, მთელ რომანში ჩვენ ვგრძნობთ საოცარი ძალის კონტრასტებს. ჩრდილისა და სინათლის საუცხოო თამაშს, ფერების ოსტატურ შეზავებას. მაგრამ საქაოა ანგარიში მივკეთ თავისთვის, თუ რა გვიბლავს მთელ ამ მხატვრულ სახეთა სისტემაში, და დავრწმუნდებით, რომ გვიბლავს სწორედ ფორმისა და შინაარსის მთლიანობა, გვიბლავს ადამიანთა, საგანთა და მოვლენათა კეშმარტი არაის გაცხადება თვით ამ ადამიანების. საგნებისა და მოვლენების სახეებში. თვითმიზნობრივი კონტრასტები. ჩრდილისა და სინათლის უაზრო თამაში, ფერთა უმაზრო შეზავება, შინაარსისაგან დაცილილი ფორმები ვერასდროს ვერ შექმნიან ხელოვნების კეშმარტი ნაწარმოებს. ნამდვილი მხატვრული შემოქმედება იწყება სწორედ სიმაართლის ძიებით და ამ ძიებით ნაკარნახევი მხატვრული ოსტატობით. ძნელი არ არის მონახვა ფაქტებისა, თუნდაც ჩვენი ქართული ლიტერატურული ცხოვრებიდან, როდესაც ესა თუ ის ხელოვანი შემოქმედებით მარცხს განიცდის სწორედ მაშინ, როდესაც ნაწარმოების შექმნას იწყებს ფორმალური ხერხებისა თუ ოსტატობის ძიებით და სიმაართლე კი, სიმაართლე, რაც ხელოვნების სულსა და გულს შეაღგენს, ხელიდან უსხლტება.

ამრიგად, მხატვრული სახის შემეცნებითი და ესთეტიკური ფუნქცია განუყრელ მთლიანობაშია. სწორედ ეს მთლიანობა ქმნის ხელოვნების ნაწარმოებში ფორმისა და შინაარსის მთლიანობას, რაც ხელოვნების მშვენიერების აუცილებელი პირობაა.

როდესაც ჩემი შემეცნება სწვდება ობიექტურ კეშმარტებსა — ეს არის ჩემი ადამიანური არაების გამარჯვება, ჩემი სიზარული, ჩემი

სასიცოცხლო ძალების დამკვიდრება, რადგან ობიექტური კეშმარი-
ტებს შევეცნება საშუალებას მიძლევს დავძლიო ბუნების გულ-
გრილობა, დავსლოო მისი სტიქია, ჩემი ინტერესებისა და ჩემი იდეა-
ლების მიხედვით გავარჩიო ბუნებაში მშვენიერი და არამშვენიერი,
სასარგებლო და უსარგებლო.

რეალობაში მშვენიერსა და არამშვენიერს ჩვენ ვირჩევთ ჩვენი
ინტერესებისა და ჩვენი იდეალების მიხედვით, მამშააღამე, მშვენი-
ერება ჩვენი თვის არ არსებობს საგნისადმი ჩვენი დამოკიდებუ-
ლებს გარეშე.რადგან ჩემი საგანი შეიძლება, იქნეს მხოლოდ
ჩემი არსების ერთ-ერთი ძალის დამკვიდრება, და, მამშააღამე, სა-
განს შეიძლება ჰქონდეს ყოფიერება ჩემთვის მხოლოდ ისე, როგორც
ჩემი არსების ძალა არსებობს თავისთვის სუბიექტური უნარის სა-
ხით, რადგან საგნის აზრი (Sinn) ჩემთვის (აზრი აქვს მხოლოდ მის
შესაბამის გრძნობასათვის) მიღის იმდენად შორს, რამდენადაც შორს
მიღის ჩემი გრძნობა... (მარტსი). ამრიგად, არის თუ არა საგანი
ჩვენთვის მშვენიერი — ეს დამოკიდებულია ჩვენს მსოფლმხედველო-
ბაზე, ჩვენს გრძნობათა ორგანოების განვითარებაზე და, ცხადია,
ჩვენს გემოვნებაზედაც. გემოვნების სხვადასხვაობა კი მუდამ იარ-
სებებს.

იზისათვის, რომ ჩვენ ჩვენი არსების ძალები დავამკვიდროთ, რომ
მშვენიერი საგნები ვაქციოთ ჩვენს საგნებად, რომ შევექმნათ მშვე-
ნიერებათა ახალი სახეები, საჭიროა მივეწვედეთ საგანთა ობიექტურ
ბუნებას, საჭიროა ვიცოდეთ სიმართლე საგანთა შესახებ.

„სწორეთ სიმართლე!“ — ეს ლოზუნგი შეადგენს საბჭო-
თა ლიტერატურისა და საბჭოთა ხელოვნების ძირითად პრინციპს,
ჩვენი ესთეტიკის ქვაკუთხედს. პროგრესული საზოგადოებრივი შეგ-
ნებისა და გემოვნებისათვის მხოლოდ სიმართლე, მხოლოდ მართალი
და პროგრესული იდეა შეიძლება განხორციელდეს ხელოვნებაში
ესთეტიკურ ფაქტად. ყალბ იდეას, ყალბ აზრსა და ყალბ გრძნობას
არ აქვს თავის რეალური საგანი, არ აქვს თავისი რეალური კონკრე-
ტული ფორმა. ყალბი იდეა სწორედ იმიტომ არის ყალბი, რომ იგი
არ შეესაბამება ზინაზღვილეს, არ შეესაბამება ცხოვრებას. ხოლო ის,
რაც არ შეესაბამება ცხოვრებას, რასაც არ გააჩნია კონკრეტული
რეალური სახე, იგი არც შეიძლება იყოს ესთეტიკური, როგორც ამას
სამართლიანად აღნიშნავს ამხ. გ. ჯიბლაძე. რასაკვირველია, შეიძლე-
ბა მრავალი ისეთი ნაწარმოების დასახელება, რომლებშიც გამოხა-
ტულია ესა თუ ის ყალბი იდეები, მაგრამ ისინი მაინც ინარჩუნებენ
ესთეტიკურ მნიშვნელობას, ანდა, პირიქით, შეიძლება დასახელება
ისეთი ნაწარმოებისა, რომელშიაც ძირითადი იდეა მართალია, მაგ-

რამ ნაწარმოები მხატვრულად მაინც მდარე ხარისხისაა. აქ საკმე იმა-
შია, რომ ყოველ მხატვრულ ნაწარმოებში მოცემულია არა ერთი ან
რამდენიმე იდეა, არამედ იდეათა, აზრთა და გრძნობათა მთელი სის-
ტემა და თუ მასში ერთი ან რამდენიმე იდეა, თუნდაც ძირითადი
იდეა, ყალბია, — ეს იმას როდი ნიშნავს, რომ მასში მოცემულ იდეა-
თა მთელი სისტემა ყალბი.

ტოლსტოის შემოქმედების გენიალური ანალიზი, რომელიც ლე-
ნინმა მოგვცა, ნათლად გვიჩვენებს, რომ მხატვრობის კრიტერი-
უმს წარმოადგენს ობიექტური რეალობის მართლად გამოხატვა, მარ-
თალი იდეების, აზრებისა და გრძნობების გამჟღავნება მხატვრულ
სახეებში. ლენინის შეფასებიდან ის დასკვნა გამოზდინარეობს. რომ
ტოლსტოის შემოქმედებაში მაღალმხატვრულ ფაქტებად განხორ-
ციელდნენ მხოლოდ მართალი იდეები, აზრები და გრძნობები: „რე-
სეთის ცხოვრების უბადლო სურათები... კაპიტალისტური ექაპლო-
ტაციის დაუნდობელი კრიტიკა, მთავრობის ძალადობათა, საამაჰრ-
თლოსა და სახელმწიფო მმართველობის ოინბახობის მხილება, წინაა-
ღმდეგობათა მთელი სიღრმის გადაშლა სიმდიდრის ზრდასა და ცივი-
ლიზაციის მონაპოვართა და ჰეშათა მასების სიღატაკის, გაველურე-
ბისა და ტანჯვის ზრდას შორის...¹, ხოლო ტოლსტოის ყალბი იდეე-
ბი; „რეგვენტური ქადაგება „ბოროტებისადმი წინაღუდგომლობისა“
ძალადობით... რელიგიისა, მისწრაფება სახაზინო სამსახურის ხუცე-
ბის ნაცვლად ზნეობრივი რწმენის მქონე ხუცეების დაყენებისა...“²
ლენინს „ყველაზე უსაძაგლესი რამის ქადაგებად“³ მიიჩნდა და, მა-
შასადამე, ისინი მისთვის არ შეიძლებოდა ესთეტიკურ ფაქტად ქცე-
ულიყვნენ. რასაკვირველია, ეს იმას არ გამოარაცხავს, რომ რომელიმე
ბნელეთის მოციქული სწორედ ამ ყალბ იდეებს მიიჩნევს ტოლსტოის
მხატვრული გენიის გამლად.

იმ შემთხვევაში, როდესაც ნაწარმოები ძირითადი იდეა მართა-
ლია, მაგრამ მთლიანად ნაწარმოები სუსტია მხატვრულად. საკმე
გვაქვს ირეთ მოვლენათან, როდესაც ნაწარმოების სახეთა მთლიანი
სისტემა, მართლად ვერ ასახავს სინამდვილეს და, მაშასადამე, ვერ
შეადგენს ისეთ მხატვრულ ქსოვილს, რომელშიაც შეიძლებოდა მა-
რთლად გაცხადებულიყო ძირითადი იდეა.

დებულება, რომ მწერლები ადამიანის სულს ინჟინრებიან. გან-
საზღვრავს ხელოვნების შემეცნებითს და აღმზრდელიობით ფუნქციას.

¹ ლენინი, ლიტერატურის შესახებ, ქართ. გამოც. 1945 წ. გვ. 119.

² ლენინი, ლიტერატურის შესახებ, ქართ. გამოც. გვ. 119

³ იქვე, გვ. 119.

ეს არის შემოქმედებითი მარქსიზმის პრინციპის შეტანა ლიტერატურისა და ხელოვნების თეორიაში.

როდესაც მარქსმა შეშვეცნების თეორიაში შეიტანა პრაქტიკის კრიტერიუმი და წამოაყენა ცნობილი თეზისი, რომ აქამდის ფილოსოფოსები მხოლოდ სხვადასხვაგვარად ხსნიდნენ სამყაროს, მაგრამ საქმე იმაში მდგომარეობს, რომ გარდავქმნათ სამყარო, — ეს იყო ძველი რევოლუცია ფილოსოფიური აზროვნების განვითარებაში. მით, რომ ძველი მჭვრეტელობითი მატერიალიზმის მთავარი ნაკლოვანება გამოაშხუურა, მარქსმა მატერიალისტური მსოფლმხედველობა სამყაროს უბრალო ახსნის იარაღიდან აქცია სამყაროს გარდაქმნის იარაღად. „მთავარი ნაკლი მთელი წინამორბედი მატერიალიზმისა, — წერდა მარქსი, — ფიქრბახის მატერიალიზმამდე ჩათვლით — მდგომარეობს იმაში, რომ იგი საგანს, სინამდვილეს, გრძნობადობას განიხილავს მხოლოდ ობიექტის ფორმით ანუ ჭვრეტის ფორმით, და არა როგორც გრძნობად-დამიანურ მოღვაწეობას, არა პრაქტიკის ფორმით, არა სუბიექტურად“.

დიალექტიკური მატერიალიზმის ამ საფუძველთა საფუძველმა შემდგომი განვითარება ჰპოვა. არა ერთგზის დასაბუთდა მეცნიერულად, რომ შეშვეცნება არის არა სარკისებურ-მკვდარი ასახვა გარემოსა, არამედ აქტიური, გარდამქმნელი დამოკიდებულება ობიექტური რეალობისადმი, რომ „ადამიანის შეგნება არა მარტო ასახავს ობიექტურ სამყაროს, არამედ კიდევაც ჰქმნის მას“.¹ ეს იმას ნიშნავს, „რომ სამყარო არ აკმაყოფილებს ადამიანს და ადამიანი გადაწყვეტილებას იღებს შესცვალოს იგი თავისი მოქმედებით“.²

თავისთავად ცხადია, რომ საბჭოთა ლიტერატურათმცოდნეობისა და ესთეტიკური თეორიის განვითარების ერთადერთი სწორი გზაც არის დიალექტიკური მატერიალიზმის გზა.

ამხ. გ. ჯიბლაძე არაერთგზის იძლევა დიალექტიკური მატერიალიზმის ძირითადი პრინციპების სწორ და მართებულ განმარტებას. და მით უფრო საოცარია, რომ თვითონ იგი ეშვეება მჭვრეტელობითი მატერიალიზმის პოზიციებზე ხელოვნების თეორიაში. ასე, მაგალითად, იგი არსებითად იცავს და ანვითარებს ტრადიციულ ფორმულას, რომელიც ხელოვნებას განსაზღვრავს როგორც ბუნების მიბადვას. ნამდვილად კი ეს ფორმულა უკვე აღარ შეესაბამება ხელოვნების განვითარების თანამედროვე საფეხურს, მით უმეტეს იგი აღარ შეესაბამება საბჭოთა ხელოვნების ბუნებას. ბუნების მიბაძვა დღეს

¹ ლენინი. ლიტერატურის შესახებ, ქართ. გამოც. გვ. 241.

² იქვე, გვ. 241.

ბელოვენების მხოლოდ ერთ მხარედ, ერთ ელემენტად შეიძლება ჩათვალოს, ხოლო მის მეორე არსებით და ძირითად მხარეს შეადგენს მისი გარდამქმნელი როლი არა მარტო ზეგავლენის თვალსაზრისით. არამედ შემეცნების თვალსაზრისითაც.

აშხ. გ. ჭიბლაძე წერს: „ბუნება ჰქმნის მშვენიერებას და ხელოვნება მას სთარგმნის თავის ენაზე, რათა აღბეჭდოს და გამოახსოს ის, რაც ცხოვრებამ ასე უხვად მიაფრქვია მას. ხელოვნება ამ მხრივ გვეჩვენებს ჩვენ და გვააღებს სასიხარულო მოგონებას ბუნების მშვენიერებაზე... ხელოვნება ჩვენ მხოლოდ მოგვაგონებს ამ მშვენიერებას, რათა იმოქმედოს ჩვენზე, შეგვაყვაროს ბუნება, მოგვეცეს გარკვეული მიპართულება ან დადებითისაყენ (მაშინ პოზიტიურია ხელოვნების ფუნქცია) ან უარყოფითისაყენ (და მაშინ ჩვენ ნეგატიურად ვაფასებთ ხელოვნების ფუნქციას)“. ამრიგად, ვამოდის, რომ ხელოვნება არის ბუნების ასლან გადმოღება, ხოლო ამ ასლის ფუნქცია იმაში მდგომარეობს რომ მოგვაგონოს ბუნების მშვენიერება, შეგვაყვაროს იგი. ამით ხელოვნება უექველად პასიური კერეტის ჩარჩოებშია მოქცეული. თქმა არ უნდა, რომ ბუნება პართლაც საოცარი ოსტატია, მაგრამ სტიქიური, შეუგნებელი. დაწყებული თვალდაუნახავი ნამცეციდან. ყურისათვის მიუწვდომელი ბგერიდან, გათავებული ციურ სხეულთა ფიქრმიუწვდომელი ანაბზლით — ბუნება გამსჭვალულია სტიქიური შემოქმედების დაუცხრომელი სელით. იგი მარად თვალმოუხუტავი მხატვარია თავის არსებისა; მის განკარგულებაშია ამოუწურავი საღებავები და ფორმები, მაგრამ ყველაზე დიდი ქმნილება მის ქმნილებათა შორის არის ადამიანი, ეს დიდებული ფენომენი, რომელიც ასეთი საოცარი გაბედულებით გამოჰყოფს თავისთავს ბუნებისაგან და თავის ამ ყოვლისშემკველ მშობელსა და მანწავლებელს მასწავლებლად უღვას.

ბუნება სტიქიურად, თავისთავად არ ახორცაელებს ყოველივე 'სასურველსა და შესაძლებელს. ცხადია, ადამიანის აზრისა და პრაქტიკის ჩაურევლად, ბუნება ვერასოდეს ვერ შექმნიდა მეცნიერებისა და ტექნიკის იმ საოცარ მიღწევებს, რითაც დღეს შეიარაღებულია კაცობრიობა. ეს მიღწევები, რასაკვირველია, არსებობდა ბუნებაში, როგორც ადამიანისა და ბუნების ურთიერთობის შესაძლებელი შედეგი, როგორც შესაძლებლობა. მაგრამ ეს შესაძლებლობა ადამიანის აზრის ჩაურევლად არაანდროს არ იქცეოდა სინამდვილედ.

სტიქიურად, თავისთავად არ ხორციელდებიან არც ადამიანთა საზოგადოების განვითარების უკეთესი და შესაძლებელი ფორმები, არც ადამიანთა საზოგადოებრივი შეგნება ადის სტიქიურად სასურველ და შესაძლებელ სიმაღლემდე (მოვიგონოთ ლენინის გენია-

ლური მტკიცება იმაზე შესახებ, რომ სტიქიურად მუშათა კლასი ძნელად თუ შესძლებდა მეცნიერულ სოციალიზმამდე ამაღლებას, რომ უკეთეს შემთხვევაში იგი მხოლოდ ტრედუნიონისტულ შეგნებამდე ავიდოდა), თავისთავად ბუნება და ცხოვრება არ ახორციელებს და ვერც განახორციელებს ყველა შესაძლებელ მშვენიერებას, სტიქიურად ვერც ადამიანის სული მიაღწევს შესაძლებელ შორალურ სრულყოფას... და რა ამოუწურავი, უთვალავი შესაძლებლობანია კიდევ წინ ბუნებისა და ცხოვრების უსასრულო განვითარებაში. და თუ ადამიანის შექმნების სხვადასხვა ფორმებს უფლება აქვს მიზნად დაისახოს ბუნებისა და ცხოვრების შესაძლებლობათა გადაქცევა სინამდვილედ, ხელოვნებასაც უფლება აქვს არა მარტო მიბაძოს ბუნებას, არა მარტო გადმოიღოს ბუნებისა და ცხოვრების მზამზარეული მშვენიერების ასლი, არამედ კიდევაც განახორციელოს შესაძლებელი მშვენიერება.

ხელოვნება ცხოვრების მოწაფეც არის და მასწავლებელიც. იგი წარმოქმნის იმ მშვენიერებას, რომელიც ბუნებაში და ცხოვრებაშია, და ამავე დროს ჰქმნის მშვენიერების ახალ იდეას, ჰქმნის მშვენიერებას, რომელიც არსებობს როგორც შესაძლებლობა ხელოვნებისა და ცხოვრების დამოკიდებულებაში და რომელიც არ შეიქმნება, თუ არ იარსებებს ხელოვნება.

ლიტერატურამ და ხელოვნებამ უნდა მოგვეცეს სილამაზის უფრო მაღალი იდეალი, ვიდრე არსებულია, უნდა დახატოს ადამიანის ისეთი ამაღლებული შორალური სახე, რომელთავენ უნდა ისწრაფოდეს ადამიანები, როგორც თავიანთი ადამიანური სრულყოფისაკენ. ამ აზრით უნდა გავიგოთ მ. გორკის შემდეგი დებულება: „ჩვენი ხელოვნება უნდა დადგეს სინამდვილეზე მაღლა და მასზე მაღლა უნდა აიყვანოს ადამიანი ისე, რომ არ მოსწყვიტოს მას“.¹

ლიტერატურას და ხელოვნებას არ შეუძლია განისაზღვროს მარტო ბუნებისა და ცხოვრების მიზანმიმართ. აშხ. გ. ჯიბლაძეს კი თავისი მსჯელობა ხელოვნების შესახებ ყოველთვის მიჰყავს იმ დასკვნამდე, რომ ხელოვნება არის მიზანმიმართ: „რალა და რაჩა? — წერს იგი. — მხოლოდ ის, რომ მშვენიერება ჩვენ გამოვაცხადოთ ობიექტურ რეალობად, რომელსაც განისაზღვრებს ბუნება. ცხოვრება და რომელსაც განისაზღვრებს ხელოვნება — მიზანმიმართა პირველს“. (ხაზი ჩვენი, ლ. კ.). თუ ხელოვნება და ლიტერატურა მხოლოდ იმას გამოსახავს, რასაც ბუნება თუ ცხოვრება თავისთავად, ადამიანის შემოქმედო აზრის ჩაურევლად ახასიათ-

¹ М. Горький. О литературе, 1937, стр. 157.

რებს, მაშინ ადგილი არ რჩება ხელოვნების აქტიური დამოკიდებულებისათვის მოვლენებისადმი, ადგილი არ რჩება იმისათვის, რომ ხელოვნებამ გარკვეული იდეური თვალსაზრისით გადააქუშოს, შეპყრას და ორგანიზაცია უყოს ცხოვრებიდან და ბუნებიდან აღებულ მასალას.

გამოვგონებლობა მხატვრული შემოქმედების აუცილებელი ელემენტია, როგორც ყოველი კარგი ინჟინერი, ისე ადამიანის სულის ინჟინერიც — მწერალიც კარგი გამოვგონებელია. — „მხატვრობა“ „გამოვგონების“ გარეშე შეუძლებელია, არ არსებობს“ (გორკი).

მსგავსად იმისა. რომ ყოველი მეცნიერულა თუ ტექნიკური გამოვგონება არის ბუნების ძალთა მიზანშეწონილი ორგანიზაცია, ყოველი მხატვრული გამოვგონება არის ცხოვრებიდან და ბუნებიდან არეკლილი მასალის ორგანიზაცია გარკვეული იდეური თვალსაზრისის შიხედვით.

აშხ. გ. ჭიბლაძე, რასაკვირველა. ლაპარაკობს, და ძალიან ხშირად, ხელოვნების აქტიურ, გარდაქმნელი როლის შესახებ. მაგრამ საკმე იმაშია, რომ ყოველივე ეს ორგანულად არ გამომდინარეობს ხელოვნების იმ კონცეფციოდან. რასაც იგი იძლევა.

არ შეიძლება დაკუთანხმობთ აშხ. გ. ჭიბლაძე აგრეთვე ფორმის ერთგვარი გაორების ცდაში. იმაში, რომ ფორმა შეიძლება გულგრილი იყოს შინაარსისადმი (ხალი და დაჰვალი ვაშლის მაგალითი). ფორმა ბუნებაშია და ხელოვნებაშია ეროვანი და მთლიანია. ფორმა არ შეიძლება გულგრილი იყოს თავისი შინაარსის მიმართ. იგი შეიძლება ან კონფლიქტში იყოს შინაარსთან ან პარამონიულ მთლიანობაში იყოს მასთან.

ხელოვნებასა და ლიტერატურაში როგორც მისი შინაგანი ფორმა მხატვრულ სახეთა მთლიანი სისტემა. — ისე მისი გარეგნული გამოვლენა-მეტაფორები. შედარებები, ეპითეტები, რითმა, რიტმი, საღებავები, ხაზები და სხვა კომპონენტები, არ შეიძლება გულგრილი იყოს ნაწარმოების იდეური შინაარსის მიმართ, მხატვრული ფორმის ყოველ ელემენტს გარკვეული ფუნქცია აქვს. ხელოვნებაში ისეთი ფორმა, რომელიც კონფლიქტში მის იდეურ შინაარსთან, უქველად აყალბებს ამ შინაარსს, და პირიქით, როდესაც ფორმა პარამონიულ მთლიანობაში იდეურ შინაარსთან, იდეური შინაარსის წარმოგვიდგება მთელი თავისი სიდიადით.

დიმიტრი გულია

(1874 — 1960)

მრავალეროვანი საბჭოთა მწერლობის დიდ ოჯახს გამოაყლდა ერთ-ერთი უზუცესი და სახელოვანი წევრი — აფხაზეთის სახალხო პოეტი დიმიტრი გულია.

დიდად ღვაწლმოსილი და ფრიად ვალმოხდილი თავისი ხალხის წინაშე, მთელი საბჭოთა ლიტერატურის წინაშე ჩაესვენა იგი წინაპართა აჩრდილების საეანეში.

იგი უკვე ღრმად მოხუცი და ფიზიკურად დაუძლურებული იყო, მაგრამ მისი ხმა სიცოცხლის უკანასკნელ წუთამდე ინარჩუნებდა ახალგაზრდულ ძალას. მის სიტყვას გულმოდგინედ უგდებდნენ ყურს. მრავალმხრივი იყო საქმენი მისი... და საქმენმან მიზმან უკვდავყო ის!

დიმიტრი გულიას შემოქმედებასა და მოღვაწეობაში დღემდე ყველაზე მკაფიოდ და ყველაზე სავსედ გამოიხატა მისი მშობელი ხალხის სულიერი ბიოგრაფია.

იგი აფხაზური დამწერლობისა და ლიტერატურის დამაარსებელია. მის სიტყვას, მის შემოქმედებას თან დაჰყვა და ბოლომდე გაჰყვა პირველად ქმნილობის სახიერება და გამართლება. ხალხურობა, აზრის სიღრმე. გრძნობის სიწრფელე, მეტყველების უბრალოება — აი რა ნიშანდობლივი თვისებები ახასიათებს დიმიტრი გულიას შემოქმედებას.

პოეტის მემკვიდრეობაში არა მარტო გამოხატული, არამედ ხალხის დაჭერებული მოაზავის პოზიციებიდან გააზრებულიცაა თავისი ხალხის წარსული და აწყო. თავის ლიტერატურულ და მოქალაქეობრივ მოვალეობას პოეტი მარტო იმაში როდი ხედავდა, რომ ეჩვენებინა წარსული ცხოვრების სიღრმე და ახალი ცხოვრების სიდიადე. არამედ, უწინარეს ყოვლისა, იმაში, რომ თავისი სიტყვითა და საქმით უშუალო მონაწილეობა მიეღო ძველის დანგრევასა და ახლის შენებაში.

დიმიტრი გულიას შემოქმედების ერთ-ერთ არსებით თავისებურებას იმ თავითვე შეადგენდა ძლიერი ფოლკლორული ნაკადი. მის

პოეტურ სიტყვაში, მის პოეტურ სახეებში ყოველთვის იგრძნობა თავისებური ფოლკლორული სურნელება, სინედლე და სიმსუყვე. შემთხვევით არ იყო, რომ ჯერ კიდევ 1910 წელს ლექსში — „აბრასკილი“ პოეტმა უმღერა აფხაზური ფოლკლორის გმირს, სამართლიანობისა და ხალხისათვის თავდადებულს, ქართული ავირანის ორეულს — აბრასკილს. ეს გოლიათი უხსოვარ დროიდან ყოფილა მიჯაჭვული რკინის პალოზე ბნელ გამოქვამულში კოლორის მახლობლად. ხალხს სწამდაო, რომ დანიშნულ დროზე აბრასკილი ჯაჭვებს დაწყვეტს და „კეთილთა მეგობარი, სუსტთა მფარველი, უბაღლო გმირი შემოავლის ქვეყნიერებას აღმოსავლეთიდან დასავლეთამდე“. თუმცა უფლებო და შავ-ბნელი ცხოვრება ხალხის ფანტაზიას ზოგჯერ უნუგეშობისაკენაც წარმართავდა და საყვარელ გმირს სხვა ბედსაც უსახავდა: გოლიათმა ჯაჭვები დასწყვიტა, გამოქვამულიდან გამოიჭრა, მაგრამ რაკი სინათლეს გადაჩვეული იყო, მზის კაშკაშმა სამუდამოდ დააბრმავა და საულაც მთებში გადაიკარგაო.

პოეტი გამოხატავდა ხალხის იმედიან ოცნებასაც და მწარე, უიმედო ფიქრებსაც, მაგრამ თვითონ მას ყოველთვის ღრმად სწამდა ხალხის უღრუკი ძალა, ხალხის ნათელი მომავალი.

მწერლის ცნობილ პროზაულ ნაწარმოებებში — „კამაქიკში“ — ნაჩვენებია სწორედ ხალხი და ხალხური ხასიათი, რომელსაც ვერავითარი ბედუქელმართობა ვერ უქრობს თავისუფლების დიდ წყურვილს, ყოველგვარი ტირანისა და ჩავერის წინააღმდეგ ბრძოლის მძაფრ ვნებას. ეს ნაწარმოები უბრალოდ. ყოველგვარი ხალოვნურობის გარეშე მოგვითხრობს აფხაზეთის მშრომელი ხალხის ადრინდელი ცხოვრების შესახებ. მხატვრული თვალსაზრისით ამ ნაწარმოების მთელი ლაზათი და წარმტაცობა სწორედ მის ფოლკლორულ ნაგებობასა და უმუშაობაშია. ეს არის აფხაზეთის სოფლის რევოლუციამდელი ყოფის, ზნე-ჩვეულებების, ადათების თავისებური მხატვრული ენციკლოპედია. აქვე დროს ნაწარმოები თვალწინ გვიშლის მაშინდელი სოფლის ღრმა და შეურთებელ სოციალურ წინააღმდეგობებს.

გავიხსენოთ მოკლედ ამ ნაწარმოების შინაარსი. მის ცენტრში მოქცეულია ღარიბი აფხაზი გლეხი ქალის — კამაქიკის ამაღლელებელი ტრაგიკული ისტორია. მწერლის მიერ შექმნილ სახეთა შორის კამაქიკი ერთ-ერთი ყველაზე ცოცხალი და წარმტაცი მხატვრული სახეა. ეს სახეც მკაფიო ფოლკლორული ნაგებობისაა. იგი, როგორც ხალხური ხასიათი, ანახიერებს. თავისი ხალხის უკეთეს სულიერ თვისებებს. საგულისხმო ცხოვრებისეულ სიპართლს სიმბოლიურ მინიმუმებს შეიცავს ის, რომ კამაქიკის ხასიათის ფორმირებაში წილი უდ-

ევს ქართველ კაცსაც — სოფლის მწერალს ლევანს, რომელსაც ამ ქალიშვილს წერა-კითხვა შეაქნა... მრავალი ბედუკულმართობის პიუხედავად, მრავალი ტანჯვისა და შეურაცხყოფის მიუხედავად, რაააც კამაქიკს, მის მშობლებსა და სხვა მშრომელ გლეხებს აყენებენ თავაშვებული თავადები და მეფის გულქვა მოხელეები, უტეაი და უდრეკია ამ ცეცხლოვანი ქალის ნებისყოფა, ჩაუქრობელია მისი გზნება სიცოცხლის დამკვიდრებისა, სიცოცხლის ფუძის გამაგრებისა.

საოცრად მტკიცე ხასიათის, მხურვალე გულისა და ცოცხალი გონების ლამაზ ქალიშვილს ბევრი ახალგაზრდა ვაჟი შეტრფის, მათ შორის აზნაურის აღვირაზნანილი ნაშიერიც — ტალასტანი. მაგრამ კამაქიკი გრძნობს პირმეუყრელ უფსკრულს თავისა და ამ აზნაურს შორის, გრძნობს მისი ტრფიალის შინაგან მანკიერებას და გულისწორად გლეხის შვილს — ალახას ირჩევს. გაბოროტებული ტალასტანი კი ქურდების, ყაჩაღებისა და მეფის მოხელეების მემკვიდრით ისე ჩაწლართავს ბნელ საქმეებს, რომ ალახას ციხეში ჩასვავენ, სადაც იგი კიდევაც იღუპება, ხოლო კამაქიკი იძულებული ხდება ცოლად გაჰყვეს ამ ვერაგ კაცს, რათა საბოლოო გაპარტახებისაგან იხსნას თავისი მშობლებიც და დაღუპული საქმროს ოჯახიც; კამაქიკს შვილი შეეძინება. მაგრამ უინჰოკლული ტალასტანი მალე გადასწყვეტს თავიდან შიშობროს ეს გლეხი ქალი, რათა ცოლად შეირთოს თავადის ასული. იმ მიზნით, რომ კამაქიკი აიძულოს თვითონ შიატოვოს ქმრის ოჯახი, ტალასტანი მას არაადამიანურ ტანჯვასა და დამცირებას აყენებს. მაგრამ საყვარელი პირმშოს გულისათვის ქალი გასაოცარი სტოიკური სიმტკიცით იტანს წამებას. ტალასტანი ბოლოს მაინც გაადგებს სახლიდან და ბავშვსაც წაართმევს. უდედოდ დარჩენილი ბავშვი იზაფრება და კვდება. მამაკაცის ტანსაცმელში გადაცმული კამაქიკი გზაში უხვდება ტალასტანს და რევოლვერით ჰკლავს... უბრალო გლეხის ქალს, რასაკვირველია, მამინ არ შეეძლო ემსჯელა იმაზე, საზოგადოებრივი პროგრესის თვალსაზრისით სწორი იყო თუ არასწორი ეს შურისძიება. აქ მთავარია ხასიათის შინაარსი... და მით. რომ უკულმართად მოწყობილ ქვეყანას ერთი არამზადა მაინც გაოჯლო, კამაქიკმა ერთხელ კიდევ დაადასტურა ხალხის წიაღში ნაშობი ხასიათის სიმტკიცე და სიჯანსაღე.

მწერალი გაჭერბთ, რომ ხალხის მჩაგვრელ ძალებს, — თავადებსა და აზნაურებს, მეფის მოხელეებს, რომლებიც ნაწარმოებში მოქმედებენ, მრუხედავად იმისა, რომ ისინი ფუფუნებაში ცხოვრობენ, ბატონობენ და მძვინვარებენ, მომავალი მაინც არა აქვთ, მათ სულიერ არსებას რღვევისა და დეგრადაციის ბეკედი აზის; ხალხი კი.

ხალხი მაშინაც, როდესაც ჩაგვრის უმძიმეს და უსაშინელებს უღელს ეწევა. თავისთავს ამკვიდრებს როგორც მთავარი ძალა საზოგადოებრივი განვითარებისა. მხოლოდ ხალხი ბადებს ისეთ მთლიან და უდრეკ ხასიათებს, როგორიც კამაქიჭია. ასე აქვს გადაწყვეტილი ხალხის თემა მწერალს თავის ამ ნაწარმოებში ეგონებ, არ შეეცდებით, თუ ვიტყვით, რომ კამაქიჭის ხასიათში ალბათ არის რაღაც დასესხებული თვით მისი შემქმნელის ხასიათისაგან.

აფხაზეთის სოფლის რევოლუციამდეღ ყოფას შეეხო მწერალი თავის დრამაშიაც — „ანრდილებში“. ამ პიესაში ნაჩვენებია, თუ რა საზარელ სიჩუუნგემდე და სიმხეცემდე შეუძლია მიიყვანოს ადამიანი სიხარბემ და ანგარებამ, საკუთრების ინსტიტუტებმა.

მწერალმა თავის სანუკვარ ოცნებათა იდეალთა გაქნადება დაინახა ოქტომბრის რევოლუციაში, საბჭოთასინამდვილეში. აი, „ბალადა გადარჩენილი მწყემსის შესახებ“. აქაც ფოლკლორული საწყისი ძალობს. ღარიბი მწყემსის სახე თითქოს სიმბოლურად ასახიერებს აფხაზეთის მშრომელი ხალხის ისტორიულ ბედს, ხალხისა, რომელსაც მეფის რეჟიმის პირობებში უეჭველი გადაგვარება და გადაშენება ემუქრებოდა. უწყალო თავადის მიერ გაძარცვულ, შეურაცხყოფილ და სასოწარკვეთილებამი ჩავარდნილ მწყემსს თავის დახარბობა გადაუწყვეტია. იგი ვიწრო. მოქანავე ხიღზე შედგება და განწირულის თვალებით ჩასცქერის მდინარე ბზიფის ჩაგრვნილ ქველებს. ის-ის არის რომ მორევეში უნდა გადაეშვას, რომ უეცრად ვიღაც უცნობი სასიხარულო ამბავს ატყობინებს: მუშებმა ქვეყანას ნათელი დღე გაუთენეს, ხალხმა ყველა თავის მტარვალი ძირს დასცაო. მწყემსი აღსდგა და განკაცდა; იგი ახლა ლალად გასცქერის ქვეყანას და მისი მტკიცე ნაბიჯები მთებსაც კი ესმით. და ვის გულში. თუ არა ამ გადარჩენილი ადამიანისა და მისი მომღერლის გულში, შეეძლო აღეგზნო სიხარულისა და ბედნიერების დიდი გრძნობა ქვეყნის რევოლუციურ განახლებას. და ვის, თუ არა გადარჩენილ ადამიანს, გადარჩენილ ხალხს, შეუძლია უყვარდეს გადამრჩენელი... ეს სიხარული, ეს სიყვარული ძლიერად გამოხატა პოეტმა პარტიისადმი მიძღვნილ მრავალ ლექსში. მზე ანათებს ცას და მიწას, მაგრამ პარტია ბევრჯერ უფრო ნათელია, რადგან მისი სხივები გულზე აცისკროვნებსო.

დიმიტრი გულიას პოეზიის ლირიკული გმირი სწორედ იმ გადარჩენილი ადამიანის გრძნობებისა და აზრების გამოხატველია, რომელიც ახლა ლალად მიაბიჯებს და ლაღლადა ფერებს ეტანება თავისი სიხარულის გასამკლავებლად. იგი განუზომლად ბედნიერია ადამიანთა და ხალხთა მეგობრობით. ეს მეგობრობა ეხატება მას ცხოვრების ჰარმონიულობისაკენ ადამიანთა მარადიული სწრაფვის განხორ-

ციელების დიდ დასაწყისად, ადამიანთა სულიერი მასშტაბების გაფართოებად. მეტად ვიწრო, ღარიბი და პირქუში იყო წინათ სამყარო იმ ადამიანისა, ვინც გათიშულობისა და მტრობის ატმოსფეროში ცხოვრობდა. თვით საახალწლო მილოცვაც კი მის წვრილმან ეგოისტურ ინტერესებს ვერ სცილდებოდა, „თითქოს მისი ღობის იქით სულ სხვა ქვეყანა იწყებოდა“. და რა კარგია, რომ მთისა და ბარას ადამიანება, რომელთა წინაპრები „მტრობას და დავას სისხლის აღებით აგვირგვინებდნენ“, ახლა იმაზე დავობენ „ვინ ვის დაასწროს დახმარების ხელის მიცემა“...

სტუმარაზოცერული ღიმილი დიმიტრი გულიას პოეტური პალიტრის ერთ-ერთი მიმზიდველი საღებავია. ბევრი აღფრთოვანებული სტრიქონი მიუძღვნა პოეტმა საქართველოს ერთ-ერთი უმშვენიერესი კუთხის — თავისი მშობლიური მხარის, მშობლიური ქალაქის გარდაქმნასა და აღორძინებას, საბჭოთა ადამიანის ახალ დამოკიდებულებას ცხოვრებისადმი, ბუნებისადმი, შრომისადმი. პოეტს ახაოვდა, გავერანებისა და უდაბურების რა მტანჯველ გრძნობას ბადებდა ოდესღაც საფლობი ქაობები მშობლიური ქალაქის — სოხუმის ფარგლებში, რომლებშიაც კაპეჩებიც კი იხრჩობოდნენ... და პოეტი ხარობდა კარგი პოეტური სიხარულით, გადამღები სიხარულით, როცა ამ საფლობების ადგილას ხედავდა მრავალფეროვან ყვავილთა ლაშქარს.

დიმიტრი გულიას ყოველი პოეტური სიტყვის, ყოველი მოთხრობისა და ყოველი ნარკვევის უკან გრძნობთ დიდი ბიოგრაფიის ადამიანს, რომელსაც სრული უფლება ჰქონდა ეთქვა: „აფხაზეთთან ერთად ვიდექი მე ახალი საუკუნის აკვანთან, აფხაზეთთან ერთად ვადიდებდი ბრძენ კაცს — დიდ ლენინს“.

პოეტის საკუთარ მემკვიდრეობას თუ მივუმატებთ იმას, რომ მან აფხაზურ ენაზე თარგმნა რუსული და ქართული და კლასიკური ლიტერატურის ისეთი უქცნობი ძეგლები, როგორცაა „ამბავი იგორის ლაშქრობისა“, პუშკინის ლექსები, შოთას „ვეფხისტყაოსანი“, აკაკის „გამზრდელი“ და მრავალი სხვა, ნათელი გახდება ის დიდი და წარუშლელი ამავი, რომელიც დასდო დიმიტრი გულიამ იმ ლიტერატურას, რომლის პირველი საფუძველის ჩამყრელი თვითონვე იყო.

ასეთი სახელები არ კვდებიან!

მცირე სიტყვა დიდ მწერალზე

(მ. ა. შოლოხოვის დაბადებიდან 60 წლისთავის შესრულების გამო)

იგი ძლიერ უყვართ საქართველოში. ქართველი მეჩაიე ქალები ძნელად თუ დაივიწყებენ მის იმ მამაკაცურ-ალერსიან და ეშმაკურ ლიმილს, რაც მან ჩააქსოვა ამ ქალებისადმი მიმართულ წერაში. ჩემისთანა მკითხველებს კი, გარდა მისი უდიდესი ტალანტისა, ისიც ახარებთ, რომ იგი გატაცებული მონაღირეცაა.

...ამ უბრალო ადამიანურ გატაცებას თავისი მომხიბვლელი სილამაზე აქვს დიდი მწერლის ცხოვრებაშიც. ნეტავ. მარჯვე მსროლელია? არა, ალბათ ხშირად აცდენა მიზანს! მეპატიოს ყოველრვე მონადირისათვის ესოდენ საწყენი ვარაუდი, მაგრამ ამას ხომ თვით მწერალი მაფიქრებინებს. აღქმის იმ უდიდესი ძალის პირობებში, რაც მას საშუალებას აძლევს თავის სულში დააგროვოს გარემომცველი სამყაროს მთელი სილამაზე და დრამატიზმი, მას ალბათ იშვიათად აქვს მიზანში ამოღების ცივი გაანგარიშების წუთები!... თუმცა, ვინ რა იცის, რამდენი ამოუცნობი საიდუმლოება იმალება დიდი მხატვრის ბუნებაში.

უეჭველია, მხოლოდ ერთი რამ — მისი მხატვრული სიტყვის უცილობელი სიზუსტე და სიმარჯვე, რადგან ამ სიტყვის უდიდესი ზემოქმედების ძალას თვითონვე ჩვენ ვგრძნობთ. შოლოხოვის სიტყვა მართლაც დიდად გვაღელვებს, გვაღელვებს მისი ეპიკური ძალაც, დრამატული ძალაც და ლირიკული ძალაც.

მით, რომ შექმნა თანამედროვე მსოფლიო მხატვრული აზრის ერთ-ერთი საუკეთესო ქმნილება — საბჭოთა ლიტერატურის მშვენება — შესანიშნავი ეპოსი „წყნარი დონი“ და დიდებული მხატვრული ტილო — „გატეხილი ყამირი“, შოლოხოვმა გადადგა ახალი გიგანტური ნაბიჯი სამყაროს ესთეტიკური ათვისებისა დარგში.

ეს ნაბიჯი, თავის მხრივ, მოწმობს იმას, რომ კაცობრიობის ისტორიის თვით ახალი ვრა, რაც დიდი ოქტომბრით დაიწყო, შეიცავს თავისთავში ახალ უდიდეს მხატვრულ მიღწევათა შესაძლებლობას. შოლოხოვის შემოქმედება რევოლუციური ეპოქის მთელი მხატვრული აღმოჩენაა.

ვფიქრობ, შოლოხოვის უღრმესად თვითმყობადი ტალანტის

მთავარი ძალა, მთავარი დერკტა — ეს არის სიყვარული. უდიდესი, შეუმზსრავი საყვარული ღვიძლი ხალხისადმი, ღვიძლი მიწისადმი, ღვიძლი ადამიანისადმი, ესე იგი, რევოლუციის ადამიანისადმი. სწორედ ეს საყვარული შთაავონებს და ეხმარება მას შექმნას დიადი და მშვენიერი ქმნილებანი. ეს სიყვარული მოხანს ყველაფერში. რაც კი მას შეუქმნია. მოხანს მისი შემოქმედებითი აზრის, გრძნობისა და სტილის ყოველ მიმთხვარაში. გავიხსენოთ თუნდაც მისი იშვიათი, ძლიერ იშვიათი, მაგრამ უდიდესი ემოციური და აზრობრივი შინა-აზრით აღსავსე ლირიკული წიადსვლები. მე მათ ლირიკულ წიადსვლებს კი არა. ვაეკატური გულის გახსნას ეუწოდებდი. აი, კითხულობთ „წყნარ დონს“ და თქვენს წინ იშლება ხალხის ცხოვრების დიდებული ეპიკური სეზათი. მღლევაზრებით აპყრობთ გულისყურს მრავალრიცხოვანი გმარის ბედისტრიალს, დიდ ადამიანურ ვნებათა ღელვას, ხედავთ დონის ტრამალებს ყველა ფერს, ყნოსავთ ამ ტრამალების ყველა სურნელებას. ერთი სიტყვით, — თქვენს წინაშეა ნამდვილი დიდი ცხოვრება, ვილაცის სასწაულმოქმედი ხელით გადატანილი წიგნში. და თითქმის ვერსად ვერ ამჩნევთ თვით ავტორის, თვით შემოქმედის აქ ყოფნას, მის ჩარევას მოვლენათა განვითარებაში. მაგრამ აი, ეპიკური თხრობის მტკიცე კაშხალს სადღაც ეხეტქება და არღვევს დიდი გრძნობის ძალოვანი ნაკადი, რაც აქა-ძღე თურმე გუბდებოდა, იზრდებოდა, შინაგანად ზვირთდებოდა; მოზღვავებული გრძნობა ბადებს აღსარებას: «*Степь родимая! Горный ветер, оседающий на гривах косячьих маток и жеребцов. На сухом конском храпе от ветра солоно, и конь, вдыхая горько-селеный запах, жуёт шелковистыми губами и ржет, чувствуя на них привкус ветра и солнца. Родимая степь под низким донским небом! Вилюжины балок, суходолев, красно-глинистых яров, ковыльный простор с затравевшим гнездоватым следом конского копыта, курганы в мудром молчании, берегущие зарытую казачью славу... Низко кланяюсь и по-сыновьи целую твою пресную землю, донская, казачьей, нержавеющей кровью политая степь!*»

და თქვენ არა მარტო გრძნობთ შოლოხოვისეული სიყვარულის მთელ მწველ ძალას და მისი გამოსახვის შოლოხოვისეული ხელოვნების ძალას, არამედ ნათლადაც ხედავთ, რომ მწერლის შესანიშნავ მხატვრულ სახეთა მთელი წყება გამოდნობილი და გამოწრთობილია ამ დიადი სიყვარულის ცეცხლში.

გულის გახსნის ამ თვისებაში უეჭველად არის რალაც მემკვიდრეობითი დიდი რუხული კლასიკური ლიტერატურის შემოქმედე-

ბითი ტრადიციისაგან, კერძოდ, გოგოლის ლირიკულ აღსარებათაგან. მაგრამ საერთოდ შოლოხოვის იშვიათი ლირიკული წიაღსვლები განუმეორებლად შოლოხოვისებურია.

არანაკლები ძალისაა, მაგალითად, გულის გაბსნა სულ ერთ პატარა აბზაცში „გატეხილი ყამირიდან“. მთელი რომანის მანძილზე მწერალი თითქოს არსად არ ამქლავნებს თავის თავს და მხოლოდ რომანის დასასრულში დავიდოვის სიკვდილის შემდეგ, იგი გვიმხელს თავის გრძნობას;

«...Вот и отпели донские соловьи дорогим моему сердцу Давыдову и Нагульному, отщепетали им поспевающая пшеница, отзвенела по камням безымянная речка, текущая откуда-то с верховьев Гремячего буерака. Вот и все!»

რაოდენი სიყვარულია თავისი გმირებისადმი — რევოლუციის აღამიანებისადმი, რაოდენი ვაჟკაცური სევდაა ამ სიტყვებში. ეს სიტყვები თითქოს ახალ გამაცოცხლებელ ნათელს ჰფენენ მთელ რომანს, მის გმირებს აქცევენ არა გამოგონილ, არამედ ნამდვილ ცოცხალ აღამიანებად. თითქოს ზღვარს შლიან ხელოვნებასა და ცხოვრებას შორის. ეს კი, ჩემი აზრით, არის მხატვრული ოსტატობის უმაღლესი კლასიკ — ზუსტი სიტყვის მაგისტრი ძალა.

სხვათა შორის. მწერლის გამხედილი შეხვედრა თავის გმირებთან უპრეცედენტო არ არის საერთოდ ლიტერატურაში.

გაიხსენეთ. მაგალითად, სახელოვანი ქართველი მწერლის კონსტანტინე გამსახურდიას შეხვედრა თავის გმირთან „მთვარის მოტაცებაში“, აგრეთვე „ვაზის ყვავილობაში“.

დიდი გერმანელი მწერალიც — თომას მანიც თავისი ცნობილი რომანის „ჯადოსნური მთის“ ფინალში გულისტკივილით ეთხოვება თავის გმირს — ჰანს კასტორპს.

მაგრამ სხვადასხვაა ამ შეხვედრათა შინაარსი. თუ მანისათვის, მაგალითად, იგი ნაწარმოების მხატვრული კონცეპციის წინასწარ გააზრებული ლოგიკური დასკვნაა, შოლოხოვისათვის — გრძნობათა ძლიერი მოზღვაებაა.

შოლოხოვი თანამედროვე მსოფლიო ლიტერატურის უდიდეს წარმომადგენელთა კრებულს ეკუთვნის. 1965 წლის მაისში მას 60 წელი შეუსრულდა, მრავალყვამიერს უთვლის დიდ რუს მწერალს ქართველი მკითხველიც, ვისთვისაც ძვირფასია ჰეშმარიტი დიდი ხელოვნება.

დიდი მხატვარი კუმანისტი

(ა. პ. ჩეხოვის გარდაცვალების 50 წლისთავის გამო)

თავის პატარა უბის წიგნაკში ზოია კოსმოდემიანსკაიას ჩაწერილი ჰქონდა ა. პ. ჩეხოვის სიტყვები: „ადამიანში ყველაფერი ლამაზი უნდა იყოს: სახეც, ტანსაცმელიც, სულიც, აზრებიც“. თვითონ ზოია — ეს უმშვენიერესი და უმამაცესი რუსი საბჭოთა ქალიშვილი — ამ იდეალის განსახიერებდა; და არა მარტო ზოია. ჩვენი დიადი სოციალისტური საშობლოს სინამდვილე ის ნოყიერი ნიადაგია, რომელზედაც იზრდებიან ამალღებელი იდეალებისა და სპეტაკი მორალური თვისებების ადამიანები.

რუსული მხატვრული სიტყვის დიდოსტატის ჩეხოვის გულში უღრმეს პროტესტსა და აღშფოთებას იწვევდა სწორედ იმის შიგნება, რომ ფაქიზი სულს და მაღალი მისწრაფებები ადამიანებს, რომლებსაც იგი ხედავდა თავის ირგვლივ და რომლებსაც ასე სიყვარულით ხატავდა, სულს უხუთავდა თავიანთი დროის სოციალური სინამდვილე.

მთელი თავისი უღმობელი რეალიზმით, თავისი დიდი ნიჭის მთელი ძალით, ჩეხოვმა ამხილა გასული საუკუნის 80-იანი და 90-იანი წლების ბურჟუაზულ-ჩინოვნიკური საზოგადოების უკერძოებელი წყლულები და მანკიერებანი, თვითმპყრობელური რეჟიმის მთელი სიღამპლე.

„როდესაც ანტონ ჩეხოვის მოთხრობებს კითხულობთ, — წერს ა. მ. გორკი. — თავს სწორედ ისე გრძნობთ, როგორც გვიანი შემოდგომის ნაღვლიან დღეს, როდესაც გამჟვირვალე პაეწში მკაფიოდ არის გამოსახული შიშველი ხეები, ვიწრო სახლები. უფერული ადამიანები... ავტორის გონება, სწორედ როგორც შიშველი მწვე. მკაცრი სიცხადით აშუქებს გაფუჭებულ ვხებს. მინგრეულ-მონგრეულ ქუჩებს, ვიწრო და ქუჩყიან სახლებს, რომლებშიაც მოწყენილობისა და მცონარობისაგან იგუდებიან პატარა საცოდავი ადამიანები. ისინი თავიანთ სახლებს ავსებენ გაუაზრებელი, ნახევრად მთვლემარე ფუსფუსით...“

უბადრუკი ადამიანების ამ უფერული ბრბოს ახლო გაიარა დი-
დმა, კეკელიძემ, ყველაფრისადმი დაკვირვებულმა კაცმა. მან შეხედა
თავისი ქვეყნის ამ მოსაწყენ მცხოვრებთ და ნაღვლიანი ღიმილით,
ნაზი, მაგრამ ღრმა სინანულის გამომხატველი კილოთი, ლამაზი გუ-
ლწრფელი ხმით უთხრა მათ:

— საძაგლად ცხოვრობთ თქვენ, ბატონებო!”

ჩეხოვი ხედავდა, თუ როგორ სრესდა, აჩლუნგებდა და აქვეი-
თებდა ადამიანებს უკუღმართი, უსამართლო სოციალური და პო-
ლიტიკური სისტემა. „საქიროა, რომ საზოგადოებამ შეიცნოს თა-
ვისთავი და შეძრწუნდეს“ — აშობს ჩეხოვის მოთხრობის „პალა-
ტა №6“-ის ერთ-ერთი პერსონაჟი. და მართლაც მწერალმა საამ-
კარაოზე გამოიტანა თავისი დროის ჩანოვნიკურ-მეშჩანური საზო-
გადოების მთელი სიდუხჭირე და სიბინძურე, გასაოცარი სიძარ-
ღითა და სიზუსტით დახატა მაშინდელი საზოგადოებრივი ცხოვრე-
ბის შეჰაძრწუნებელი სურათები, შეჰაძრწუნებელი ტიპები- ის ბნე-
ლი, კუქყიანი და შემაზრზენი საავადმყოფო, რომელიც აღწერილია
„პალატა №6“-ში. სობოლურად ასახიერებს იმდროინდელ სოციალ-
პოლიტიკურ რეჟიმს. ირგვლივ გაქეფებული იყო სულშემხუთავი
ატმოსფერო, ჩინოვნიკურ-მეშჩანურ საზოგადოებას არა ჰქონდა მა-
ღალი ინტერესები. თავის უფერულ და უაზრო ცხოვრებას იგი ავ-
სებდა ძალადობით. უხეში გაბრწინებებით. ფარისევლობით: უნაქუ-
სო ადამიანებო მადრეპი და გალაღუბულნი იყვნენ. პატიოსანი ადა-
მიანები კი შიშვლილობდნენ. ამ სოციალური ქაოსის—ჯანუხსაზღვრელი
ძალადობისა და თვითნებობის მწვავე შეგრძნება ადვილად ბადებ-
და სასოწარკვეთილებისა და მუდმივი შიშის გრძნობას მეტისმეტად
მგრძნობიარე. მოაზროვნე. მაგრამ სუსტი ავებულების ივანე დიმი-
ტრის-ძე გრომოვიში. „განა სასაცალო არ არის, — ფიქრობდა იგი. —
სამართლიანობის იმედი იქონიოთ იმ დროს. როდესაც საზოგადოება
ყოველგვარ ძალადობას ხვდება, როგორც გონივრულ და მიზანშეწო-
ნილ აუცილებლობას. ხოლო სათნოებებს ყოველი აქტი, მაგალითად,
გამაჰართლებელი განაჩენი, იწვევს შურისძიების დაუქმყოფილე-
ბელი გრძნობის ამობოქრებას?“, დევნის აკვიატებულ შიშს იგი მაჰ-
ყავს შეშლილების საშინელ თავშესაფარში — პალატა №6-ში. აქ
კი კიდევ უფრო ღრძი ტრაგედია გათამამდება. საავადმყოფოს ექი-
მი ანდრეი ეფიმეს-ძე რაგინი „თავისებურად შესანიშნავი ადამიანია“.
აღსავსეა კეთილშობილი ჰუმანური მისწრაფებებით, გონებისა და
ქეშმარიტების უღრმესი რწმენით, მას უზიზღება ყოველგვარი უხამ-
სობა. უკუღმართობა, უმეცრება, „დიდად უყვარს გონება და პატი-
ოსნება, მაგრამ იმისათვის, რომ თავის ახლოს მოაწყოს გონივრული

და პატიოსანი ცხოვრება, მას არ ჰყოფნის ხასიათი და რწმენა თავისი უფლებებისა“.

რასაკვირველია იგი სრულიად უძლური აღმოჩნდა შეეცვალა რაიმე საავადმყოფოს საშინელ პირობებში, რაშიაც ტიპიურად მოჩანდა იმდროინდელი საზოგადოებრივი წყობილების მანკიერებანა. მოხდა პირიქით, სწორედ ამ წყობილების შინაგანმა სტიქიამ თვითონ ექიმი ანდრეი ეფიმეს-ძე რაგინი მიიყვანა საშინელ კატასტროფამდე: გონებაჩლუნგმა და უხამსმა ადამიანებმა ეს სულიერად ჯანაღი, გონებაგახსნილი და განათლებული ადამიანი მიიჩნიეს შემლილად, შეაგდეს პალატი № 6 - ში, სცემეს, აწამეს და დალუპეს.

ამრიგად, ჩეხოვი პირდაპირ მიუთითებდა, რომ ბურჟუაზიულ-თვითმპყრობელური წყობილება ახშობდა, სპობდა ადამიანში ყოველივე კეთილშობილს, ამაღლებულს, გონივრულს, ხრწნიდა, აკნინებდა და აწამებდა ადამიანებს. მეფის ყაზარმამ დააჩლუნგა და შემოზღუდა უნტერ პრიშიბეევის გონება, პოლიციურ-ბიუროკრატიული რეჟიმის ნაყოფია გაუვალი კონსერვატორი და ინსტრუქციების ყურმოჭრილი მონა ბელიკოვი, ბიუროკრატიული სახელმწიფო აპარატის იერარქიული წყობით არის გასრესილი საცოდავი ეკზეკუტორი ივანე დიმიტრის-ძე ჩერვიაკოვი, რომელსაც ცხვირის ერთი დაცემინება სიცოცხლედ დაუჯდა. იმავე იერარქიული წყობის აღხრდილია საზიზღარი ქამელეონი — პოლიციის ზედამხედველი ოჩუმელოვი. მდაბალი ინსტინქტებით შეპყრობილ და ზნედაცემულ ადამიანთა ამგვარი ტიპებით და ტიპიური მოვლენებით გამოხატა ჩეხოვმა უმეცრებისა და უხამსობის დამლუპველი ძალა.

შეიძლება ითქვას, ჩინოვნიკურ-მეშჩანური ფორმაციის ადამიანის დაცემისა და დაქვეითების თემამ ყველაზე მძაფრი გამოხატულება ჰპოვა სწორედ ჩეხოვის შემოქმედებაში. ჩეხოვს ეზიზღება სწორედ ამ ცხოველური საწყისების — ეგოიზმისა და სხვა მდაბალი ვნებათაღელვის გაბატონება; იგი ისწრაფვის მაღალი სულიერი ინტერესებისაკენ, გონებრივი ამაღლებისაკენ.

მასწავლებელი ნიკიტინი „სიტყვიერების მასწავლებლიდან“ მალე იგრძნობს ზიზღს თავისი პირადი მეშჩანურ-იდეალური ოჯახური ცხოვრებისადმი. იგი ეძებს უფრო ამაღლებული, ჰუმანური ინტერესების, უფრო ღრმა გონებრივი ცხოვრების სამყაროს. „მას მოეწადინა რაღაც ისეთი რამ, რაც თავდავიწყებამდე გაიტაცებდა, რაც ჩაუნერგავდა გულგრილობას პირადი ბედნიერებისადმი“. იგი თავის დღიურში წერს: „ჩემს ირგვლივ სუფევს უხამსობა და უხამსობა. მოსაწყენი ადამიანები, არაა ადამიანები, არაყანაინი ქილები, რძის სავსე ქოთნები, ხოკოები, სულელი ქალები... არა არის რა

უხამსობაზე უფრო საშინელი, შეურაცხყოფელი, მოსაწყენი. უნდა გავიქცე აქედან, უნდა გავიქცე დღესვე. თორემ კკუიდან შევირყევი“.

მაგრამ მარტო უარყოფითა და მწვავე კრიტიკით არ განსაზღვრულა მწერალი. ძველის უარყოფასთან ერთად იგი ამავედრებდა მაღალ ჰუმანურ იდეალს, გონებისა და ჰუმანიტეტის რწმენას. ამ დიდ მორალურ ძალასა და კეთილშობილებას ჩეხოვი ხალხის წიაღში ხედავდა.

ჩეხოვს მტკიცედ სწამდა, რომ ადამიანებში მუდამ ცოცხლობს სიმართლისა და სილამაზის დიდი გრძნობა, როგორც უმეცრებისა და უხამსობის დაუძინებელი მტერი. ამ ორი ძალის პოლარული დაპირისპირების იდეა წითელი ზოლივით გასდევს მწერლის მთელ შემოქმედებას. ადამიანის ცხოვრებას მხოლოდ ის აძლევს მაღალ აზრსა და პროგრესული განვითარების ძალას, რომ ადამიანური სიმართლისა და სილამაზის გრძნობა მუდამ იჭრება ცხოვრებაში და აძლევს მას მიმართულებას. მკაფიოდ გამოხატა ეს იდეა მწერალმა თავის მოთხრობაში — „სტუდენტში“. სასულიერო აკადემიის სტუდენტი, 22 წლის ივანე ველიკოპოლსკი, დიაკვნის შვილი, საღამო ჟამს ბრუნდება ნადირობიდან. გარემო როგორღაც განსაკუთრებით პირქვეშაა. სტუდენტს ძლიერ შია და სცივა. იგი ფიქრობს, რომ სწორედ ასეთივე ქარი ჰქროდა რიურის დროსაც, ივანე მრისხანეს დროსაც, პეტრეს დროსაც, — და რომ მათ დროსაც იყო სწორედ ასეთივე საშინელი სიღარიბე, შიმშილი, ჩალის ასეთივე დაგლეჯილი სახურავები, უმეცრება, კაემანი, ასეთივე უდაბნო ირგვლივ. სიბნელე, ჩაგვრის გრძნობა: „... მაგრამ ამ შავნაღვლიან ფიქრებს ფანტავს მოვლენათა მთელი შემდგომი განვითარება. ის ცხოველყოფელი ოპტიმიზმი, რომელიც შექივით იბადება გმირის სულში.

სტუდენტი მიდის ცეცხლთან, რომელიც ანთია ორი გლეხი ქალის — ქვრივი დედა-შვილის — ვასილისას და ლუეკრიას ბოსტანში. ცეცხლთან თობა მას აგონებს პეტრე მოციქულის ლეგენდას სახარებიდან და გლეხის ქალებს უყვება, თუ როგორ უარყო პეტრემ სამჯერ მწვალებელთა მიერ შეპყრობილი ქრისტე და შემდეგ როგორ მოინანია მან ეს შეცდომა. ვასილისა ატირდა, ლუეკრიამ კი ისეთი გამომეტყველება მიიღო, რომ თითქოს რაღაც საშინელ ტვივილს ებრძვისო. სტუდენტმა გაიფიქრა: „თუ ვასილისა ატირდა, ხოლო მისი ქალიშვილი შემფოთდა, მამასადამე, ცხადია, იმას... რაც ცხრაშეტი საუკუნის წინათ მოხდა, კავშირი აქვს აწმყოსთან — ორივე ქალთან და, ალბათ, ამ პარტახ სოფელთან, თვითონ ჩემთან, ყველა ადამიანთან“. სტუდენტი სიხარულმა შეიპყრო, მან აღმოაჩინა სიმართლისა და სილამაზის უშრეტი წყარო. „წარსული, — ფიქრო-

ბდა იგი. — დაკავშირებულია აწმყოსთან ერთიმეორისაგან გამომდინარე მოვლენათა ჯაჭვით: და მას ეჩვენებოდა, რომ სწორედ აი ახლა ნახა ეს ჯაჭვი: „შეეხო თუ არა ჯაჭვის ერთ ბოლოს, შეტოკდა მეორე ბოლო“.

სტუდენტი გაპყურებდა თავის სოფელს და ფიქრობდა „იმაზე, რომ სიმართლე და სილამაზე, რაც წარმართავდა ადამიანთა ცხოვრებას იქ, ბაღში და მღვდელმთავრის ეზოში, განუწყვეტილ გრძელდებოდა დღემდე და ალბათ, ყოველთვის წარმოადგენდა მთავარს ადამიანთა ცხოვრებაში და საერთოდ დედამიწაზე, და ნელ-ნელა მას დაეუფლა ახალგაზრდობის, ჯანმრთელობის, ძლიერების გრძნობა და გამოუთქმელად ტკბილი მოლოდინი ბედნიერებისა. უცნობი იდუმალი ბედნიერებისა — და ცხოვრება მას ეჩვენებოდა წარმტაცი მშვენიერი და აღსავსე მაღალი აზრით“.

ცხოვრების ეს ფილოსოფია პროგრესის, ჰუმანიზმის, გონებისა და ჰუმანიტეტების ნიადაგზე დგას.

ფასდაუდებელია ჩეხოვის მემკვიდრეობა მხატვრული ოსტატობის მხრივაც. მისი სტილი უაღრესად ნათელი, გამკვირვალე, უბრალო, ზუსტი და ლაკონიურია. იგი ფსიქოლოგიურ-ლირიკული ნოველისა და მოკლე ჰუმორისტული მოთხრობის უბადლო ოსტატია.

ჩეხოვი გამოსახვის ობიექტად არ ირჩევს საზოგადოებრივი ცხოვრების დიდ მოვლენებს, ფართო სოციალურ ფენებს. იგი უმთავრესად პატარა მოვლენებს, ცხოვრების ცალკეულ ეპიზოდებს გამოხატავს. მაგრამ მას მხატვრული განზოგადოების საოცარი ძალით ეხერხება ამ პატარა ამბებსა და მცირე ფორმებში ჩასტიოს დიდი ადამიანური გრძნობა, იმდროინდელი სოციალური უკულმართობის მწვეავე კრიტიკა, მაღალი და მოწინავე იდეა.

ავიღოთ ჩეხოვის წერის მანერისათვის მეტად დამახასიათებელი პატარა მოთხრობა „ვანკა“. ცხრა წლის ბიჭი, ობოლი ვანკა უუკოვი, რომელიც სამი თვის წინათ შეგირდად მიაბარეს მეჩეჰმეს, ახალწლის წინალამეს არ იძინებს. იგი სწერს წერილს თავის ბაბუას, რომელშიაც აღწერს მთელ თავის მწუხარებას, თუ როგორ უღმერთოდ სცემენ მას წარამარა, როგორ ტანჯავენ, როგორ აშიმშილებენ, არა მყავს მე არც მამა, არც დედიკო; მხოლოდ შენ ერთი დამრჩი ამ ქვეყნად, წამიყვანე აქედან, თორემ მოვკვდებიო,— ევედრება იგი წერილში ბაბუას. წერილი რომ მოათავა, ოთხად გაეცა, კონვერტში ჩასდო და დააწერა მისამართი: „სოფელში ბაბუას. კონსტანტინ მაკარიჩსა“, ჩაუშვა საფოსტო ყუთში და ტკბილი იმედით მაგრად დაიძინა.

რასაკვირველია, ასეთი მისამართით ბაბუა წერილს ვერ მიიღებდა. ბიჭის მწუხარება და გულისტკივილი ქვეყნის უპასუხო, უმეტყველო,

ცოც გულგრილობაში გადაეარდა. უკვე ამ შეუსაბამობაში, მოქმედებისა და მიზნის ამ მწვავე გათიშვაში არის დიდი ტრაგიზმი. საერთოდ მთელ ამ პატარა ამბავში ღრმა აზრი და მწერლის ღრმა იდეა გამოხატული.

ჩეხოვის ვერცერთ ნაწარმოებში ვერ იპოვით ვერცერთ ზედმეტ ელემენტს, ზედმეტ სიტყვას. იქ ყველაფერი აუცილებელია და ყველაფერი ემსახურება ხასიათების გახსნას, ნაწარმოების იდეის გამოხატვას. ჩეხოვის ხასიათები რელიეფურად გამოკვეთილი, მკაფიო და განუყოფელად ინდივიდუალიზებული ხასიათებია. მწერალი მეტწილად თავის გმირს იჭერს ცხოვრების ერთ მომენტში, ან დროისა და მოქმედების მეტად მცირე მონაკვეთზე ისეთ ვითარებაში, რომელშიაც ყველაზე მკაფიოდ მქდავნიდება მისი ხასიათი.

ჩეხოვის მთელი მაღალიდებული და მაღალმხატვრული შემოქმედების, მისი კრიტიკისა და მისი მტკიცების მთელი ძალა სწორედ ადამიანობის მაღალი იდეალების დამკვიდრების საქმეს ემსახურება. ჩეხოვი თავის უკვდავი ნაწარმოებებით ახლაც უახლოეს მონაწილეობას იღებს ისეთი მაღალი ტიპის ადამიანური არსების, ისეთი მთლიანი და კრისტალური ხასიათების ფორმირებაში, როგორიც იყო მარად დაუვიწყარი ზოია კოსმოდემინსკაია და როგორიც არის მრავალზე მრავალა, მისებრ შესანიშნავი ახალგაზრდა საბჭოთა ადამიანი.

ჩეხოვის შემოქმედება შესულია კაცობრიობის დიდი კულტურული მემკვიდრეობის ოქროს ფონდში!

დიდი ადამიანთმცოდნე

1

უწამაცესმა თავდავიწყებით შეიყვარა ულამაზესი, მაგრამ ამაყმა, ცბიერმა და თავნება სილამაზემ საპასუხო სიყვარულისათვის დიდი მსხვერპლი მოიწხოვა: ლალსა, თავისუფალსა და მამაცს საჯაროდ უნდა დაეკონა ხელ-ფეხი ლამაზისათვის, ქედი მოეხარა მის წინაშე, დაჰმონებოდა და დამორჩილებოდა მას. შედრკა მამაცი, კიდევ უფრო გაზვიადდა ლამაზი. და იმ წუთს, როდესაც თითქოს სიყვარულის ეს მკაცრი პირობა უნდა აღსრულებულიყო, უწამაცესმა ულამაზესს მკერდში დანა ჩასცა. გულგანგმირულმა მაინც მოასწრო მკერდიდან დანა ამოეგლიჯა, განზე გადაეგდო, თავისი შავი თმის ნაწნავით ჭრილობა დაეფარა, გაელიმა და გარკვევით ეთქვა: „მშვიდობით, ლოიკო! მე ვიცოდი, რომ შენ ამას მოიმოქმედებდი“. იცოდა, რადგან მას — სახემშვენიერ ბოშა ქალს — რაღას შეეძლო შეეყვარებინა მხოლოდ მამაცი ვაჟკაცი — ბოშა ლოიკო ზაბორა. ხოლო თუ ლოიკო თავისუფლებას დათმობდა, სილამაზის მონად იქცეოდა, მაშინ იგი მამაციც აღარ იქნებოდა და რაღაც მას ვეღარ შეიყვარებდა. ალბათ ლოიკომაც იცოდა ეს, ამიტომაც მხოლოდ მკვდარი სატრფოს ხელ-ფეხის დაკონა დააპირა, მაგრამ მასაც ამ დროს ზურგში მახვილი ჩასცა რაღას მამამ. ასე შეიწირა უწამაცესიც და ულამაზესიც ადამიანის თავისუფლებისა და ადამიანის ვნებათა გამოუვალმა, გადაუწყვეტელმა წინააღმდეგობამ. ეს ამბავი იმითმ გაიხსენა ხანდაზმულმა ბოშამ — მაკარ ჩუდრამ, რომ გაემაგრებინა თავისი რწმენა შეუზღუდავი პიროვნული თავისუფლებისა და სიმარტოვისა. „მამ, შენ ეხეტები ქვეყნად? ეს კარგია! — ეუბნება იგი თანამოსაუბრე ავტორს, — შესანიშნავი ხვედრი აგირჩევია, შევარდენო, ასეც უნდა: იარე და უტკარე, როცა ცქერით გულს იჯერებ, დაწეჭი და მოკვდი — ეს არის და ეს... სასაცილონია ისინი, ეს შენი ადამიანები. ერთად შექუჩებულან და ერთმანეთს ჰკლებენ, დედამიწაზე კი, შეხე, რაოდენი ადგილია... აბა. შევარდენო, გინდა ერთი ამბავი გიამბო? შენ კი დაიხსომე და თუ დაიხსომებ, — შგნს დღეში თავისუფალ ფრინველად იფრენ“.

და მაკარ ჩუდრა ჰყვება სწორედ რადასა და ლოიკოს თავგადასავალს. იგი გატაცებულია ამ თავგადასავლის შინაგანი აზრით, დაე, თუნდაც საკმაოდ გულუბრყვილო, მაგრამ მაინც ცხოველი საქვაკუთხედო აზრით, ავტორი კი თავის მხრივ გატაცებულია ამ პრიმიტიულ-რომანტიკული ადამიანების მარტივი, მაგრამ ბოზოქარი შინაგანი სამყაროთი, მათი მკაცრი რომანტიკით. შემთხვევით როდი წერს იგი მათ პორტრეტებს და გარემოს სურათებს მოქარბებული ღაღადა საღებავებით.

იგულისხმება მაქსიმ გორკის პირველი მოთხრობა „მაკარ ჩუდრა“, რომელიც 1892 წელს დაიწერა თბილისში და იმავე წლის 12 სექტემბერს დაიბეჭდა თბილისურ გაზეთ „კავკაზში“.

თავისი უშუალო ნიშნებით და ხელშესახები ფაქტურით, როგორც ვხედავთ, მოთხრობას თითქმის არავითარი კავშირი არა აქვს დაწერის ადგილსა და გარემოსთან, მაგრამ, როგორც ცნობილია. თვითონ გორკის აღიარებით, საქართველოს თვალწარმტაცმა ბუნებამ და ამ ქვეყნის ხალხის ლბილმა, რომანტიკულმა ხასიათმა მისცა ერთგვარი პირველადი ბიძგი მის შემოქმედებას, ხელი შეუწყო იმას, რომ ყოფილი მოხეტიალე კაცი გამხდარიყო დიდი რუსი მწერალი. ვინ იცის, რა იღუმალ ხვეულებად ჩაექსოვა მწერლის შემოქმედებას, კერძოდ მის პირველ მოთხრობას, საქართველოში მიღებული შთაბეჭდილებანი. იქნებ საქართველოს მცხუნვარე მზის, მისი მთა-ბარის ნაირფერებისა და მისი ხალხის თავისებური ტემპერამენტის საგრძნობი წილიც არის იმ ელვარე ფერადებში, რაც ასე ახასიათებს გორკის შემოქმედებას, განსაკუთრებით მის პირველ პერიოდში, და რაც მწერლისათვის ალბათ ქვეყნის სასიცოცხლო ძალების გამოღვივებისაკენ ლტოლვის ესთეტიკურ უკუფენას წარმოადგენდა. უშუალოდ კი, როგორც ვიცით, საქართველოსა და ქართველი კაცის თემას გორკი შეეხო ზოგიერთ თავის ნაწარმოებში. მათ შორის ამჟამად სახელდახელო განმარტებისათვის მინდა გამოვყო „ჩემი თანამგზავრი“ რომელშიაც, როგორც ვიცით, ერთი ქართველი კაცის ერთობ გროტესკული სახეა დახატული. ამ სახის შესახებ კი უნდა ითქვას, რომ მას არავითარი მიახლოებითი კავშირიც კი არა აქვს იმ ლბილ, რომანტიკულ ხასიათთან, რაც მწერალმა დაინახა ქართველ ხალხში. მაშასადამე, ცხადია, იგი შემთხვევითი და ცალკეული შთაბეჭდილების ნაყოფია. თანაც, როგორც ვიცით, „ჩემი თანამგზავრი“ პერსონაჟი— შაქრო ქართველ თავადად ასაღებს თავს და მწერალს მის მიმართ უქვევლად ებადება ერთგვარი კლასობრივ-ტენდენციური დამოკიდებულება, რამაც ალბათ მას კიდევაც უკარნახა გროტესკული და გამუქებული საღებავები.

ეს სხვათა შორის.

მთავარი კი ის არის, რომ დიდი მწერლის შემოქმედების პირველი აკვანი თბილისში დაირწა.

მართალია, „მაკარ ჩუდრა“ არ მიეკუთვნება გორკის პირველ-ხარისხოვან ნაწარმოებთა რიცხვს, მაგრამ მას მაინც მნიშვნელოვანი ადგილი უჭირავს მწერლის მთელ შემოქმედებაში. ამ მოთხრობაში მკაფიოდ იჩინა თავი მწერლის უდიდესმა ფერმწერულმა ნიჭმა და აქვე დაისახა მისი შემოქმედების ერთ-ერთი ძირითადი თემა—ადამიანის შინაგანი თავისუფლების თემა. ადრეული გორკი ალბათ სააღდაც უთანაგრძნობდა თავის მაკარ ჩუდრას, უთანაგრძნობდა თავის დაუოკებელ ლტოლვაში დიდი შინაგანი თავისუფლებისაკენ, ხიბლავდა იგი, როგორც თავისთავს დანდობილი ადამიანი, როგორც ძალაგამძლე და ჭირთამთმენი, როგორც სიცოცხლისა და ქვეყნიერების მოტრფიალე არსება. მაგრამ თუ თვით მოთხრობაში არ არის მკაფიოდ და ძალუმად უარყოფილი ჩუდრას ანარქიული ინდივიდუალიზმი, ყოველ შემთხვევაში, შემდეგში გორკიმ არაერთხელ უარყო, დაჰგმო და ამხილა იგი ცხოველი მხატვრული ძალით, როგორც ანტი-სოციალური და ანტიპროგრესული მოვლენა. ამავე დროს გორკისათვის ყოველთვის უცხო იყო ადამიანის სულიერი სამყაროს ყოველგვარი გამარტივება, მისი რთული შინაგანი კანონებისა და იმპულსების დაყვანა რაიმე მექანიკურ ერთეულებამდე და შუქისა და ჩრდილის უბრალო განაწილებამდე. შემთხვევით როდი უწოდა გორკიმ მწერლობას ადამიანთმცოდნეობა. დიახ, ყოველგვარ კოსმონავტიკაზე ადრე არსებობდა მწერლობა. როგორც ადამიანის სულის კოსმონავტიკა. ადამიანის სულის კოსმოსი კი ისევე უსასრულოა დროსა და სივრცეში, როგორც გარე კოსმოსი. და აქაც არანაკლებ რთული კანონები მოქმედებენ და არანაკლები საიდუმლოებანი, ვიდრე გარე კოსმოსში.

„მაკარ ჩუდრა“ პირველი გორკისეული განუმეორებელი გასვლა იყო ადამიანის სულის, ადამიანის პრობლემატიკის მომცრო ორბიტაზე. მაკარ ჩუდრათი დაიწყო გორკის ადრინდელი რომანტიკული გმირების მთელი სერია. ამ გმირების მარტივი, მაგრამ მონუმენტურად გამოკვეთილი ცხოველი ხასიათები, მათი ფერწერის რომანტიკულად ამაღლებული სტილი, ძალუმი ფერადები და მთელი მხატვრული მასალის ცხოველყოფელობა — ყოველივე ეს იმთავითვე ადამიანის ძალთა ესთეტიკურ აპოლოგიად უღერდა, „მაკარ ჩუდრაშივე“ გამოჩნდა გორკი, როგორც მგზნებარე მომღერალი ყოველივე ამაღლებულისა, ქმედითისა და გმირულისა ადამიანში. ჯერ კიდევ ჩვენი საუკუნის კვირაძალში გაისმა გორკის შთაგონებული სიტყვა

ადამიანისა და ადამიანის გონების სიდიადს შესახებ, ადამიანისა, ვინაც ნაწოდებულია იაროს სულ წინ, სულ მალა და „ყოველი თავისი ნაბიჯით შეამკოს ცხოვრება. ისე როგორც მზე ამკობს დედამიწას თავისი უხვი სხივებით“. თავისი შემოქმედების პირველ პერიოდშივე თავის პროზაულ პოემაში — „ადამიანი“ გორკიმ დასახა თავისი მთავარი თემა, განსაზღვრა თავისი შემოქმედების ფილოსოფიურ-ჰუმანიტური საფუძველი.

მართალია, გორკის ადრეული ნაწარმოებები ჰარბად იყო შეფერადებული რომანტიკული პათეტიკით, მათ გმირებს უქველად დაჰკრავდათ გამონაკლისობის, ბუნტარული სიმარტოვის იერი და თვით მწერლის მხატვრულ-ფილოსოფიურ მსოფლმხედველობაში არსებობდა გარკვეული წინააღმდეგობანი, მაგრამ მისი მთავარი გზა მაინც მტკიცედ მიემართებოდა ეპოქის დიდი სიმართლისაკენ, მომავალ რევოლუციურ გარდაქმნათა მაუწყებელ ქარიშხლებისაკენ, სინამდვილის ფართო რეალისტური სურათებისაკენ. მხატვრის ძლიერი ნიჭი, ვითარცა შუქის დიდი ნაკადი, ცხოვრების რთული გამოცანებისა და საკითხების წყვედიადიდან ჰკვეთდა სიმართლის ზოდებს, მრავალნაირი ხასიათების ცოცხალ სახეებს, სინამდვილის გრანდიოზულ სურათებს.

გორკი, როგორც ღრმა სოციალური პათოსის მწერალი, როგორც მუშათა კლასის რევოლუციური სულისკვეთების გამომხატველი მხატვარი, განსაკუთრებული მოვლენა იყო არა მარტო რუსულ, არამედ მთელ მსოფლიო ლიტერატურაში. განსაკუთრებული იყო მისი ცხოვრების გზაც — უბრალო, თვითნასწავლი მოხეტიალე კაციდან მსოფლიო რეზონანსის მქონე მწერლამდე.

შეიძლება ითქვას, რომ გორკიმ განსაკუთრებული სიღრმით გამოხატა ადამიანისა და ადამიანობის ყველა მწვავე საკითხის სოციალური შინაარსი. გორკის სიდიადე იმაშიც მდგომარეობს, რომ მან მთელ მსოფლიო ლიტერატურაში ყველაზე სრულიად, ღრმად, ყოველმხრივად და ახლებურად დაამუშავა შრომის თემა, შრომისა, როგორც მთელი საზოგადოების და ცალკეულ პიროვნებათა ნამდვილი ადამიანური სულიერი ძალების ერთადერთი წყაროსი. ეს თემა წითელ სოლივიტ გასდევს გორკის თითქმის ყველა მნიშვნელოვან ნაწარმოებს. გორკი ღრმა მხატვრული ანალიზის ძალით გვიჩვენებს ადამიანის პიროვნების დაცემას ან ამაღლებას იმისდა მიხედვით, თუ რა დამოკიდებულებაშია იგი შრომასა და მოქმედებასთან. შემოქმედებითი შრომისაგან მოწყვეტილი და პარაზიტუზმით შეპყრობილი ადამიანის პიროვნება ირღვევა, იშლება მწვავე შინაგანი წინააღმდეგობებით, იგი ჰკარგავს სულიერ სისავსესა და ჰარმონიას, კნინდება

და იფიტება... და პირიქით, მხოლოდ შემოქმედებითი შრომა ბადებს დიდ მთლიან ხასიათებს, ძლიერსა და ლამაზ პიროვნებებს.

გორკის ღრმად სწამდა ადამიანის ყოვლისშემცნობი გონების ძალა, სწამდა მშრომელთა ყოვლისდამძლევი ენერჯია, სწამდა და სჯეროდა ადამიანის დიადი გარდაქმნის შესაძლებლობა... და რაც მთავარია, მის შესანიშნავ ნაწარმოებებს ძალუძთ გადასდონ ეს რწმენა მკითხველებს. შთააგონონ მათ ჰუმანიზმის, პროგრესის, შემოქმედებითი შრომისა და ადამიანური სილამაზის ცხოველყოფელი იდეები!

II

გორკი ახლობელი და ძვირფასია მთელი მოწინავე მშრომელი კაცობრიობისათვის. იგი განსაკუთრებით ძვირფასია საბჭოთა ხალხისათვის, იმ ადამიანებისათვის, რომელთა გმირული სულის ფორმირებაში დიდია გორკის ღვაწლი.

გორკი — მხატვრული სიტყვის გასაოცარი ოსტატი — ადამიანობის დიდი მასწავლებელიცაა. ეს ორი მხარე მასში შერწყმულია ერთ მთლიანობად.

გორკის ყოველ სიტყვას ღრმად ადამიანური გულითადობა ახასიათებს. მწერალი მუდამ თქვენთან არის, თქვენთან ერთად სწუხს და ხარობს, თქვენ მისგან ძალიან ბევრს სწავლობთ, სწავლობთ გულითადი მეგობრისაგან.

არიან დიდი თუ პატარა მწერლები, რომელთა შემოქმედებაში მკითხველი გარკვეულ მხატვრულ კმაყოფილებასთან ერთად გრძნობს მწერლის პიროვნების ერთგვარ შემხუთავ დაწოლას, ტალანტის ერთგვარ ბატონკაცობას და ზოგჯერ პოზასაც კი. გორკის შემოქმედებაში ასეთი დაწოლის ნასახსაც ვერ იგრძნობთ. ეს გორკის განმასხვავებელი ნიშანია.

მწერლობისათვის გორკის მთელი შემოქმედება იძლევა იმის შესანიშნავ გაკვეთილს, რომ იდეა მხოლოდ მაშინ პოულობს თავის მაღალ მხატვრულ ფორმას, როდესაც იგი ემოციად არის დამკვიდრებული თვით მწერლის შემოქმედებით ფსიქოლოგიაში.

შეიძლება ითქვას; რომ გორკის ყველაზე ძლიერი პათოსი — ადამიანია.

გორკი და ადამიანი!

ამაზე ბევრი თქმულა, ბევრი დაწერილა, ბევრიც დაიწერება: გორკი ახალი ადამიანის სულის უბადლო მშენებელია. მისი დიდი ჭუმანიზმი ასაზრდოებს ახალი ადამიანის მორალურ ბუნებას. ყოველთვის საჭირო და სასარგებლოა გორკის დიდებული მხატვრული სახეებისა და მაღალი საკაცობრიო იდეალების გაცოცხლება ჩვენს მეხსიერებაში.

გორკის აქვს ერთი პატარა მოთხრობა „ადამიანი“. იგი თამამად შეგვიძლია მივიჩნიოთ მწერლის მთელი შემოქმედების სათაურად.

გორკიმ კლასობრივი საზოგადოების ტრაგიკული ადამიანის სახიდან დაიწყო:

„ადამიანი! ვთ მზე იბადება ჩემს მკერდში, და მის კაშკაშა ნათელში, უსაზღვრო, როგორც ქვეყნიერება, დინჯად მიიმართება იგი — წინ! — და მაღლა! ტრაგიკული მშვენიერი ადამიანი“.

ადამიანი ტრაგიკულია კლასობრივ საზოგადოებათა ისტორიის მთელს მანძილზე. იგი გახლართულია მრავალ სოციალურ, პოლიტიკურ, სულეერ წინააღმდეგობათა რთულ ქსელში. კლასობრივ საზოგადოებათა საფუძველში არსებული ძალთა ანტაგონიზმი ადამიანს აქცევს ტრაგიკულ არსებად — მიჯაჭვულ ამირანად. წარსულის მსოფლიო ლიტერატურისა და ხელოვნების ერთი თვალის მოკლებაც კი საკმაოა, რომ თვალწინ დაგვიდგეს ამ ტრაგიკული ადამიანის სახე. ეს სახე, როგორც კლასობრივ საზოგადოებათა მთელი ადამიანური შინაარსის გამომხატველი, წარსული ლიტერატურისა და ხელოვნების რეალისტურ ნაკადს მოჰყვება. იგი მოწმობს, რომ კლასობრივი საზოგადოების არც ერთ ფორმაცას არ შეეძლო მიჯაჭვული ამირანის ახსნა, არ შეეძლო ნამდვილი თავისუფლების მიწეება ადამიანისათვის.

მაგრამ ნიშნავს თუ არა ეს იმას. რომ ის წყველა-კრულვიანი საკითხები და წინააღმდეგობანი. რაც ადამიანს ტრაგიკულ არსებად აქცევდნენ, საერთოდ გადაუწყვეტელი წინააღმდეგობებია? ნიშნავს თუ არა ეს იმას, რომ ჰამლეტისა და დონ კიხოტის, ლირისა და ოტელოს, მოცარტისა და სალიერის პრობლემები საერთოდ მარადიული და გადაუწყვეტელი პრობლემებია?

მსოფლიო მხატვრულ ლიტერატურაში მაქსიმ გორკი პირველი დიდი მწერალია, რომელმაც ადამიანის ყველა პრობლემა მარქსისტულ-რევოლუციური მსოფლმხედველობის თვალსაზრისით გააშუქა და დიდებულ მხატვრულ სახეებში გააცხადა.

ადამიანი „საცოდავი, შიშველი ორფეხა ცხოველიაო“. ამ დასკვნამდე მიჰყავს მწარე გამოცდილებას შექსპირის ლირი. რაში მდგომარეობს მისი ტრაგედია? იგი მეფეა და იმთავითვე მას ყალბი ილუ-

ზია ფლობს. იგი თავის მეფურ მდგომარეობას აიგივებს თავის ადამიანურ არსთან. ამიტომ მას სჯერა, რომ სიყვარული და პატივისცემა, რასაც მისდამი იჩენენ, მისი ადამიანური ღირსებების დამსახურებული ჯილდოა და არა ხარკი მისი მეფური მდგომარეობის წინაშე. ხალხისაგან გამიჯნული, ტირანული ძალაუფლება მას უნარს უკარგავს გაარჩიოს პირმოთნობა და მლიქვნელობა ნამდვილი ერთგულებისა და სიყვარულისაგან. იგი თავის სამეფოს, თავის ძალაუფლებას უნაწილებს ვითომდა ერთგულ ადამიანებს. და მას ჰგონია, რომ მის ადამიანურ ღირსებებს, მას, როგორც მშობელს, მაინც პატივს სცემენ. მაგრამ საზოგადოებაში, რომელიც ადამიანის მიერ ადამიანის ჩაგვრასა და ექსპლოატაციას აგებული, გაბატონებულია მტაცებლური მორალი, ეგოიზმი და ვერაგობა. ლირი ამ მორალის მსხვერპლი ხდება. მბრძანებლობას, ფუფუნებასა და განცხრომას მიჩვეული მეფე სასოწარკვეთილია. იგი არის ის, ვინც ცუდად მოწყობილმა საზოგადოებამ იმთავითვე გაძარცვა ბუნებრივი, ადამიანური უშუალობისაგან და ყალბი ილუზია შთაუწერა, შემდეგ კი ილუზიიდანაც გაძარცვა და ბოლოს ჰგონია, რომ ყველა ბოროტება წარმოსდგება იმისაგან. რომ ადამიანი „საცოდავი, შიშველი ორფეხა ცხოველი“.

გორკიმ კი მთელ თავის სახეთა სისტემაში სულ სხვანაირად გადასწყვიტა ადამიანის რაობის საკითხი. ადამიანი თავისთავად, როგორც უმალესი სოციალური არსება. ძლიერი და მშვენიერია. ძლიერია იგი მით, რომ მხოლოდ მას, და მხოლოდ მას შეუძლია იზროვნოს. იშრომოს, შეგნებულად იმოქმედოს და „ყოველი თავისი ნაბიჯით გააშვენიეროს ცხოვრება ისე, როგორც მზე დედამიწას უზვად ჰფენს სხივებს“. გორკის მთელი შემოქმედება მიმართულია ადამიანის ადამიანურ ძალთა გაცხადებისა და დამკვიდრებისაკენ. ადამიანი ბუნების უძლიერესი და უმშვენიერესი ქმნილებაა. შეხედეთ, აი ამ უბრალო ქალიშვილს, რომელიც სოფლის განაპირას ბუჩქებში მიმაღული ეალერსება თავის სატრფოს („ქალიშვილი და საყვდელი“). მასში სიცოცხლე შადრევანივით სჩქევს. მას უყვარს და შეუძლია უყვარდეს. ეს არის მისი ძალა — ძალა სიყვარულისა. მას შეუძლია დასტკბეს და დაატკბოს სატრფო. ეს არის მისი ძალა — ძალა ჰარმონიისა, ძალა საზოგადოებრივი კავშირისა. მას სწყურია სიცოცხლე და შეუძლია კიდევაც იცოცხლოს. ეს არის მისი ძალა — ძალა სიცოცხლისა და როდესაც გაბოროტებული მეფე მას სიკვდილს მიუჩენს, სიკვდილიც კი უკან იხევს ადამიანის სასიცოცხლო ძალებს წინაშე. ადამიანის ეს ძალები მისი ბუნებრივი ადამიანური ძალებია, რაც არც მის კლასობრივ, არც თანამდებობრივ და არც ქონებრივ მდგომარეობაზეა დამოკიდებული. ადამიანის საზოგადო-

ებრივ მდგომარეობას მხოლოდ ის შეუძლია, რომ ან დაახშოს, ან ააყვავოს ეს ძალები. არა, ადამიანი არ არის „საცოდავი, შიშველი ორფეხა ცხოველი“. იგი ძლიერია თავისი აზრით, იგი ძლიერია თავის შემოქმედი სულით; მას შეუძლია გაამწვენიეროს ცხოვრება, თუ იგი არ დალაჩრდება და არ დაეცემა. მაგრამ, ვაი, რომ მისი დალაჩრებაც და დაცემაც ცუდად მოწყობილი საზოგადოების ბრალია. მაგრამ რარიც ცუდადაც არ უნდა იყოს მოწყობილი საზოგადოება, მისი განვითარების პროგრესული ტენდენციები მაინც წარმოშობენ ძლიერსა და მამაც ადამიანებს. პირველად ასეთი ადამიანები შეიძლება მარტონი იყვნენ. ერთეულები იყვნენ. მაგრამ თანდათან გაიზარდება მათი კრებულნი.

მხოლოდ ძლიერ. ამაყ და შინაგანად თავისუფალ ადამიანებს შეუძლიათ წარუძღვენ წინ ხალხს და ხალხის სიყვარულით ანთებული გულის შუქით გაუნათონ მას გზა, გაიყვანონ ცხოვრების შავი ტყის წყვილიდან ისე, როგორც გორკის დანკომ გააკეთა ეს. გორკიმაც თავისი რევოლუციური რომანტიკის ძლიერი შუქი მიანათა ამაყ და მამაც ადამიანებს — თავის რომანტიკულ გმირებს, რათა ისინი ცხოვლად და მკაფიოდ ეჩვენებინა. ამ გმირთა ძირითად თვისებას შინაგანი თავისუფლება შეადგენს. თუ ადამიანის შეგნებასა და, მაშასადამე, მის მოქმედებასაც ზღუდავენ დაბალი ინსტინქტები და მთარული ცრურწმენანი, ადამიანი არ შეიძლება იყოს თავისუფალი შინაგანად. შინაგანი თავისუფლების ვაჭრე არ არის გმირი, არ არის საგმირო საქმე, არის მხოლოდ ანაზღველი სასოწარკვეთილი თავგანწირულობა. არ არის და არც შეიძლება გმირი იყოს გორკის ლეგენდის ლარა. იგი წამებულნი აჩრდილია მხოლოდ. რადგან იგი ტრაგიკული ტყვეა უსაშველო ინდივიდუალიზმისა და ეგოიზმის. დანკო — აი ნამდვილი გმირი. მან მეგრები გაიპო, მოძვინა სიყვარულით ცეცხლმოდებული გული ამოიგლოჯა, ჩირაღდანით ასწია მალა, გზა გაუნათა სასოწარკვეთელ ხალხს და ტყის წყვილიდან იხსნა. მკაცრია დანკოს შინაგანი თავისუფლება. მაგრამ სწორედ ამამა გმირობის მაღალი პოეზია, ამამა გმირობის სილაშაზე. გორკის გმირებიც სწორედ ამ თავისუფლებითა და სილაშაზით არიან ამაყნი.

და იმ დროს. როდესაც საზოგადოებრივ შეგნებას ტყვიასავით აწვა თვითმპყრობელობის შავი რეაქცია და ტრაგიკული გენიის შემფოთებული სული მევამბოხე ადამიანს მოუწოდებდა: „თვინიერ იქმენ. ამაყო ადამიანო“. გორკის გმირები მთელი ხმით ეძახდნენ საგმირო საქმეებისაკენ. გორკის ეზიზღება დათვინიერებული, მორჩილი და ლაჩარი ადამიანი.

დედაბერი იზერგილი ამყოფს თავისი შინაგანი თავისუფლებით. ის ოდესღაც ლამაზი ქალიშვილი იყო და ერთმა დონდლო პოლონელმა პანმა ყველაფერი გაჰყიდა იმისათვის, რომ ოქროთი ეყიდა მისი სიყვარული. მაგრამ ოქრომ იზერგილის გული ვერ მოინადირა. მას მხოლოდ ის პანი უყვარდა, ვისაც სახე თურქების ხმლით ჰქონდა დაჩეხილი, იგი თურმე ბერძნებს ეხმარებოდა თურქების წინააღმდეგ ბრძოლაში: აი ადამიანი! — ამბობს იზერგილი, — რაა მისთვის ბერძნები, თუ თვითონ პოლონელია? აი რა: მას უყვარდა საგმირო საქმეები!“

გმირობის მაღალი პოეზიისა და სილამაზის გრძნობას მოკლებულნი არიან ბურჟუაზიული საზოგადოების სულიერი მანკიერებით შეპყრობილი მეშჩანები, თბილი და მყუდრო ადგილების მაძიებელნი. აი მათი სახე: გველხოკერა თუ ძლოკვი — დაგორგლილი ლიბმოდებულ ნესტიან ხევში. მათ უყვართ სიბნელე და მისტიური ჩრდილები, უკვირთ მამაცთა სიშმაგე, შავარდნის სწრაფვა სივრცეში — სილალისა და თავისუფლებისაკენ.

მეშჩანებისათვის უცხო და მიუწვდომელია ცხოვრების უმაღლესი სილამაზე — მამაცთა სიშმაგე. მათი გონების საზრდოა გაცვეთილი, მოარული „სიბრძნეები“ და ცრურწმენანი. მათ არ შეუძლიათ ამაღლდნენ იმ „საღ აზრზე“ ზევით, რომელიც, როგორც ენგელსი ამბობს, ერთობ პატივცემული თანამგზავრია ოჯახური ვითარებისა, ოთხკედელ შუა. მაგრამ როგორც კი გამოკვლევისა და აზროვნების შორეული გზისაკენ წასვლას გაბედავს, მრავალი მარცხი და თავგადასავალი მოელის.

გორკიმ შესანიშნავად იცის ადამიანის სულის აგებულება. იცის, რომ „მის მკერდში ღრიალებენ ინსტინქტები, საძაგლად წივის ხმა თავმოყვარეობისა, როგორც უტიფარი მათხოვარი და ითხოვს მოწყალებას; ჩვეულებათა მკიდე ძაფები ეხვევიან გულს, როგორც სურო, იკვებებიან მისი მხურვალე სისხლით და ხმამაღლა მოითხოვენ მათი ძალისათვის დამორჩილებას...“ საუკუნეობრივი უკუღმართობით გამომუშავებული დაბალი ინსტინქტები და ჩვეულებათა მკიდე ძაფები ლაპობენ გაბატონებას ადამიანის სულში... და მხოლოდ სულით ძლიერთ შეუძლიათ თავი დააღწიონ მათ ბატონობას. გველხოკერასათვის კი მათი ძალა გარდუვალაია. თავშეყვარება და ეკოიზმია — მეშჩანთა სულის ბატონი. მათთვის უცხოა ახლისაკენ მისწრაფება. მათ სიბრძნეს ისეთი დრომოკმული და გაცვეთილი ანდაზები შეადგენენ, როგორიცაა: „სხვათა ქირი ღობეს ჩხირი“, „შეჩვეული ქირი სჯობია შეუჩვეველ ლზინს“ და სხვ.

გორკის მთელი არსებით ეზიზღება გველხოკერა ადამიანი, ეზი-

ზღედა და არ ებრალება, სიბრალულით არც ამცირებს, რადგან მას უზომოდ უყვარს ადამიანი.

„ყველაფერი ადამიანშია — ყველაფერი ადამიანისათვის!“ ეს არის გორკის იდეათა იდეა. ამასთან არის დაკავშირებული გორკის ლიტერატურული სტილიც — რევოლუციური რომანტიკისა და ღრმა რეალიზმის შერწყმა. გორკის ადრინდელი რომანტიკული გმირების გამოკვეთილი და ცხოველი ხასიათები, პათეტიკით და ჰიპერბოლებით შეფერადებული სტილი, ინტენსიური ფერები და მთელი მხატვრული ფაქტურის ცხოველმყოფელობა — ყოველივე ეს ადამიანის ძალთა აპოლოგიაა.

მსოფლიო ლიტერატურაში გორკის არა ჰყავს ბადალი, ვისაც ასეთა სიღრმით ეჩვენებინოს ადამიანის სოციალური შინაარსი. ნიჟიც კი, ნიჟიც, — ერთი შეხედვით თითქოს ეს ადამიანის თანდაყოლილი ინდივიდუალური თვისება, სოციალური სათავიდან მოდის და სოციალური პრაქტიკის ნაყოფია. მარქსის აზრს იმის შესახებ, რომ „სოდენ ბრწყინვალე ნიჟთა თავმოყრა ლეონარდო და-ვინჩში იმ სოციალური ფაქტორის ხანგრძლივი მოქმედების შედეგია. რამაც განებრივი და ფიზიკური შრომის განაწილება განაპირობა, ძალიან ახლოს ენათესავენა ჩერნიშევსკის აზრი: საოცარი ის კი არ არის, რომ ადამიანთა შორის არიან ერთეული გენიოსები. საოცარი და ევალალო სწორედ ის არის, რომ ცხოვრების უკუღმართი პირობების გამო, მრავლად არ არიან გენიოსები ადამიანთა შორის: წესი, რაც სახელოვანმა ქართველმა პოეტმა გამოხატა სიტყვებში: „ნიჟს აძლევს ზენა მხოლოდ კაცს და არა გვარიშვილობას“ — კლასობრივ, ექსპლოატატორულ საზოგადოებაში არც თუ ისე მტკიცედ მოქმედი წესი შეიძლება იყოს. განა შეიძლება სადავო იყოს, რომ სარდაფის ატმოსფერო გაცილებით ნაკლებ ხელსაყრელია ნიჟის განვითარებისათვის, ვიდრე მზიანი სართულები?

გორკიმ ადამიანის პრობლემის ყველა მხარე სოციალური პროგრესის სარბიელზე გაიტანა.

თავის მოგონებაში ჩეხოვის შესახებ გორკი წერს: „როდესაც ანტონ ჩეხოვის მოთხრობებს კითხულობთ, თავს ისე გრძნობთ სწორედ როგორც გვიანი შემოდგომის ნაღვლიან ღღეს, როდესაც ჰაერი გამჟვინვალეა და მასში მკაფიოდ არიან მოხაზული შიშველი ხეები: ვიწრო სახლები, უფერული ადამიანები... ავტორის ჰკუა, სწორედ როგორც შემოდგომის მზე, მკაცრი სიცხადით აშუქებს გაფუჭებულ გზებს, მინგრეულ-მონგრეულ ქუჩებს, ვიწრო და ქუჩკიან სახლებს, რომლებშიაც მოწყენილობისა და მცონარობისაგან იგუ-

დებიან პატარა საცოდავი ადამიანები, რომლებიც თავიანთ სახლებს ავსებენ გაუაზრებელი, ნახევრად მთვლემარე ფუსფუსით...

უსუსური ადამიანების ამ მოსაწყენი, უფერული ბრბოს ანდოს გაიარა დიდმა, ქვიანმა, ყველაფრისადმი დაკვირვებულმა კაცმა, შეხედა მან თავისი სამშობლოს ამ მოსაწყენ მცხოვრებთ და ნაღვლიანი ღიმილით. რბილი, მაგრამ ღრმა საყვედურის კილოთი, სახეზე და გულში აღბეჭდილი სევდით, ლამაზი გულწრფელი ხმით უთხრა: — საძაგლად ცხოვრობთ თქვენ, ბატონებო!“

ჩეხოვი ამაზე შეჩერდა. გორკი კი შორს წავიდა, გაცილებით შორს. გორკიმ თავისი ტალანტის თვალისმოპქრელი შექურა მიანათა სინამდვილის ყველა მხარეს, თავისი დროის საზოგადოების ყველა ფენას და საოცარი მხატვრული სიციხადით დაგვანახა, როგორც ძველი, კაპიტალისტური სამყაროს ჩასვენებისა და ახალი, სოციალისტური სამყაროს წარმოშობის, ისე ძველი ბურჟუაზიულ-შემხანური ფორმაციის პიროვნების რღვევისა და ახალი, სოციალისტური ფორმაციის პიროვნების წარმოშობის პროცესები.

ბუნებრივია, რომ იმ დროს, როდესაც ჯერ კიდევ ძალიან მკრთალად იყო გამოვლენილი ახალი ფორმაციის ადამიანის შტრიხები, დიდი მწერალი ხარბად ავლებდა ხელს ყოველივეს, რაც კი ადამიანის ტიპის ამალღების რაიმე ნიშანს შეიცავდა.

გორკის ყურადღება მიიქცია მაწანწალობამ სწორედ იმიტომ, რომ იგი, როგორც კაპიტალიზმის სოციალური ორგანიზმის ჩირქოვანი წყლული, მკაფიოდ ამჟღავნებდა კაპიტალიზმის სიღამპლეს. მაგრამ მაწანწალობის ფსიქოლოგია — საერთოდ მავნე და ანტისოციალური მოვლენა — წარმოადგენდა თავისებურ რეაქციას გაბატონებული ბურჟუაზიული მორალის წინააღმდეგ. ამდენად მასში იყო რაღაც ჯანსაღი მარცვალი, ჯანსაღი საწყისი. მაწანწალები არ იყვნენ ხარბები, შურიანები, რადგან მათ არც ერთი ძაფიც კი არ აკავშირებდათ კერძო საკუთრების ინსტიტუტთან, ისინი არ აწებებდნენ კაპიკს კაპაჯზე, არ ახრჩობდნენ და არ სწოვდნენ ერთმანეთს სისხლს. მაწანწალა „გრიშკა ჩელკაში, ძველი ნაცადი მგელი, ნავსადგურის ხალხი-სათვის კარგად ცნობილი, ლოთიბაში და მოქნილი, გაბედული ქურდი“ უფრო მაღალ ადამიანურ ღირსებებს ამჟღავნებს, ვიდრე კაბუკი გლეხი გაბრიელი, რომლის სულში წვრილი მესაკუთრე ზის და სინარბის შხამით სწამლავს მას. ჩელკაში ქურდია, მაგრამ ხარბი და შურიანი არ არის. გაბრიელი თითქოს ქურდი არ არის, მაგრამ სინარბისა და კარგად მოწყობის წყურვილის გამო ქურდობაში მონაწილეობას იღებს. ჩელკაში გაბედული და უშიშარია. გაბრიელი გარეგნულადაა, ოპორტუნისტია. იგი ინსტინქტურად გრძნობს, რომ ხელ-

ყოფს კერძო საკუთრებას — იმ საძირკველს, რაზედაც მთელი წიხი სულიერი სამყაროა აგებული. ამიტომ მას საშინელი „ცოდვის“ გრძნობა აწვალვებს, იგი მშმიშარაა, მზად არის ყოველი სოძხელის წინაშე ქედი მოიხაროს და უკან გამოიქცეს. მაგრამ როდესაც საქმე ნაქურდალის განაწილებაზე მიდგება, სიხარბე გაბრიელში თითქოს ყოველგვარ ადამიანურ ღირსებებს კლავს, იგი ფეხქვეშ უვარდება ჩელკაშს, რომ მთლად მიიღოს ნაქურდალი. იგი თავს იტანჯავს. იმცირებს და ბოლოს კაცის მოკვლის განზრახვამდეც კი მიდის. ჩელკაში თავისუფალია კერძო საკუთრების ინსტინქტისაგან, რაც ასე აშხეცებს და ამახინჯებს ადამიანს. სისხლით გასვრილი ჩელკაში ზიზლით მიუგდებს გაბრიელს ნაშოგარი ფულის უდიდეს ნაწილს და მიდის თავის გზით. ჩელკაშს ეზიზღება გაბრიელის წმინდა ცინფერი თვალები, ჯანმრთელი, მუედაკრული სახე, როგორც სიხარბისა და მსუნაგობის ყალბი სამოსელი. ამაში არის ნამდვილი სილამაზის ძიების სწოროგზა. მაგრამ ჩელკაში მიღის თავის გზით, მიდის მარტო. და ამ სიმარტოვეში არის მისი უდიდესი ტრაგინში, მისი უძღურება.

„ყველაზე ძლიერი ადამიანი ის არს. ვინც ყველაზე მეტად ვანკერძობულიაო“ — ქადაგებდა იბსენი. გორკიმ დაამსხვრია ეს შეხედულება და ამაში მას თვით ცხოვრება, თვით სინამდვილე უმაგრებდა ზურგს.

განკერძობულ ადამიანებს. განკერძობულ ბუნტარებს, სულის რანაირი კეთილშობილი სწრაფვითაც არ უნდა იყვნენ ისინი აღძრულნი, ცხოვრება არ ინდობს, ცხოვრება შეუბრალებელი ხელით ღუბავს მათ. აი, კონოვალოვი, აი, თომა გორდევეი და სხვები.

კონოვალოვი ზიზლით არის გამსჭვალული ყოველივე იმისადმი, რაც ბოჰავს და ავიწროებს ადამიანს. მას ეტრატევიტ სუფთა გული აქვს და ტიტანური ლტოლვა თავისუფლებისაკენ. იგი ვერ ურიგდება ბურჟუაზიულ საზოგადოების წესრიგს, მას სულს უხუთავს ადამიანთა მიერ ერთმანეთის ძიძგნის საშინელი სტიქია, მას სულს უხუთავს ბურჟუაზიული ქალაქი: „დამპალია იქ ცხოვრება, არც ჰაერი, არც სივრცე, არც არაფერია, რაც ადამიანს უნდა“. კონოვალოვი მაწანწალობას იწყებს, თვალუწვდენელ სივრცეებში ხეტიალით სურს დაიცხროს თავისუფლების წყურვილი, ამოირეცხოს გულიდან წვრილმანი ინსტინქტების ნაგავი: „მიდიხარ და ყველაფერს ხედავ ახალს... გიბერავს სახეში ქარი და შენი სულიდან ამოაქვს სხვადასხვა მტკერი...“ მაგრამ იგი გზას ვერ პოულობს კოლექტივისაკენ, იგი ვერ ხვდება, რომ თავისუფლება კოლექტივის გარეშე მირჩეია. კონოვალოვი მართლაც განკერძობული დეკაკაცია. მაგრამ გორკიმ გვიჩვენა საზოგადოებისაგან გამდგარი, განკერძობული ადამიანის გარდაუვა-

ლი კატასტროფა. ასეთ ადამიანებს სჯერს ცხოვრების რენერცია. კონკალოვი იღუპება სწორედ იმიტომ. რომ მან ვერ მონახა სწორი გზა. ვერ შეუერთა კოლექტივს. ამ იდეური ფუნქციის მატარებელნი არიან გორკის მაწანწალათა სახეები. თავის დროზე ბურჟუაზიული საზოგადოება ზიზლით შეიშმუშნა გორკის ასეთი გამირების მიმართ. გორკის მაწანწალების იდეალიზაცია დასწამეს და მათი ცინიზმის მოტრფილედ გამოაცხადეს. რასაკვირველია. ეს იყო იმ მეტად ბასრი ზანჯალის დაბლაგვის ცდა. რომელიც გორკის შემოქმედების სახით მიმიხნებული იყო ბურჟუაზიული წყობილებისა და მისი მორალის წინააღმდეგ.

გორკი არ ერიდებოდა საღებავების გაძლიერებას. მაგრამ ერთგვარი რომანტიკული შეფერადებით მწერალი ხაზს უსვამდა თავისი გამირების იმ მაქსიმუმზელ ძალას. რაც ბურჟუაზიულ-შეშინაური სულის წყობის სისაძაგლეებს უპირისპირდებოდა. ამ ძალას გორკი ყოველთვის შეჰხაროდა. აი. თომა გორდეევი. იგი ხომ ვაჟაბთა წოდან არის გამოხული. იგი ხომ ბურჟუაზიული კლასის წარმომადგენელია. მაგრამ, ზოგიერთ განსაკუთრებულ გარემოებათა გამო, იგი გრძნობს, რომ თავისივე კლასის ინტერესების გამომხატველ სოციალურ წყობას და მასზე აღმოცენებულ მტაცებლურ მორალს რღვევა შეაქვს ცხოვრების სისავსეში, იმ პარმონიაში, რაც მის სულს ასე სწყურია და რის წამიერი გამოვლინება მან ერთხელ დაინახა. ეს იყო მაშინ, როდესაც ის ჭერ კიდევ ბავშვი საბუქსირო გემით მიცურავდა ვოლგაზე. გრძნობდა პარმონიას ბუნებასთან. გრძნობდა პარმონიას ადამიანებთან — ღონიერ და მხიარულ მეზღვაურებთან. მაგრამ ეს იყო წამიერად. თომას მამამ ეგნატე გორდეევმა დაითხოვა მემანქანე და ლოცმანი იმისათვის, რომ მათ მსუნაგი უწოდეს მას. ეგნატემ სცემა მეზღვაურს, რომელმაც მის წინააღმდეგ ხმის აშოლება გაბედა. მეზღვაურები უკვე აღარ ემეგობრებიან გემის პატრონის შვილს — თომას. დაირღვა პარმონია, დაიწყო ტრაგედია. თომები, როგორც თვით გორკი წერს: „...ბუნდოვნად გრძნობდნენ, რომ ამ ერთფეროვან, გულსგამაწვრილებელ უბადრუკ ცხოვრებაში“ — ძალიან მციერი აზრია. ისეთებისაგან, როგორიც თომაა, მოსაწყენი ცხოვრებისათვის განწირული და კაეშნით შეუტრაცხყოფილი ადამიანებისაგან, დაფქრებული ადამიანებისაგან, ერთი მხრივ, გამოდიოდნენ ლოთები, „დროსმტარებლები ქეიფში“, ხულიგნები, ხოლო, მეორე მხრივ, — გამოფრინდებოდნენ „თეთრი ყორნები“, როგორც სავა მოროზოვი, რომლის სახსრებით იცემოდა ლენინური „ისკრა“...

ამრიგად, თომა გორდეევი, თვით გორკის მოწმობითაც, „არ არის ტიპიური, როგორც ვაჟარი, ის მხოლოდ სადი ადამიანია, რომელსაც

სურს თავისუფალი ცხოვრება...“ თავისუფალი ცხოვრება კი შეუ-
თავსებელი იყო იმ სოციალურ წყობასთან, რომელიც მიაიკინების
მორალს ასაზრდოებდა. მიაიკინის მორალი კი ასეთია: „ან ყველა
გლიჯე კბილით, ან ეგდე ტალახში“. მიაიკინი ასე წვრთნის თომას:
„აქ, ძმაო, როცა ადამიანთან მოღიხარ, მარცხენა ხელში თავლი ვე-
ჭიროს, ხოლო მარჯვენაში დანა“. მეფაბრიკე მიაიკინის ხასიათი გა-
მოძიერწილა იმ კომპარული ანდაზებისაგან, რომლებსაც კაპიტალი-
სტური მომხვეჭელობის პრაქტიკა იმუშავებს. ეს ანდაზები ძა-
ლიან გამოძლე და ჩამბრკყალველნი არიან. ისინი წურბელებივით
ეკიდებიან ადამიანთა სულს და ქმნიან ეგოიზმის, ნოშურნეობის,
სიხარბის «მარადიულ სიბრძნეს“. ამ „სიბრძნის“ საშინელ ფსიქო-
ლოგიურ შინაარსს გამოხატავს დოსტოვესკის ერთ-ერთი გმირი,
როცა ამბობს, ადამიანის ყველაზე ბუნებრივი გრძნობა სხვისი უბე-
დურების შეტყობით გამოწვეული სიხარულის გრძნობააო. თუ ეს
გრძნობა მეტისმეტად ავადპოფტური ფსიქოლოგიის გამოხატულე-
ბაა, ყოველ შემთხვევაში, სხვათა წარმატებისა და ბედნიერების
შეტყობით გამოწვეული შურის გრძნობა უცხო არ არის ძველი
ფორმაციის ადამიანისათვის.

თომა გორდევი გრძნობს, რომ მიაიკინების წყობა არღვევს არა
მარტო სოციალურ, არამედ თვით ადამიანის შინაგანი სამყაროს
ჰარმონიას. და აქ ნამდვილი ბედნიერება შეუძლებელია. განა შეიძ-
ლება ბედნიერი იყოს ადამიანი, რომელსაც აწვალებს სხვისი ბედ-
ნიერება და ახარებს სხვისი უბედურება?

თომა გორდევი მარტოა. იგი განკერძოებული ადამიანია. მისი
ბუნტი უნაყოფოა. იგი იღუპება, მას საგეეში აგდებენ.

ამრიგად, განკერძოებული ადამიანი, არამც თუ ყველაზე ძლიე-
რი, არამედ ყველაზე სუსტი და უძლურია.

გორკის სახეთა სისტემა გვიჩვენებს ადამიანის რღვევისა და
აღდგენის რთულ გზას. და რანაარი კომპარული და სისხლიანიც არ
არის ეს გზა, თქვენ მაინც მუდამ ხედავთ კრიალა მზიურ შორეთს,
გრძნობთ ჰარმონიული ადამიანის გამარჯვების შესაძლებლობას.

კომპარულია ცხოვრება „ფსკერზე“, მაგრამ აქაც „ადამიანი —
ისმის ამყად“. გორკომ ამ პიესაში უფრო ძლიერად ამხილა გაწანწა-
ლობის ანტისოციალური ხასიათი. ფსკერზე თითოეული თავისი სა-
კუთარი გზით არის დაშვებული, თითოეულის ფსიქოლოგიას განსაზ-
ღვრული სოციალური წრის ბეკედი აზის. მაგრამ „ფსკერი“ უკვე
ის საერთო ქვაბია, სადაც მათი საერთო ბედი იხარშება. აქ სრული
სოციალური განწირულება და უმაქნისობაა. და თუ თომა გორდე-
ვისათვის ცხოვრების ჰარმონიულობის მწვავე მოთხოვნის გამო

მთავარი საკითხია: „როგორ ვიცხოვრო?“; „ფსკერის“ ადამიანთა წყევლა-კრულვიანი საკითხია: „რისთვის ცხოვრობს ადამიანი?“ ამ საკითხს აყენებს პიესის თითქმის ყველა გმირი.

„ადამიანები ცხოვრობენ უკეთესისათვის“ — ასეთია მოხუცი მაწანწალა ლუკას პასუხი. ასეთივეა სატინის პასუხიც. მაგრამ სულ სხვადასხვანაირად ესმით უკეთესისათვის ცხოვრება ლუკასა და სატინს. ლუკას ბევრი უვლია, ბევრი უნახავს ადამიანთა ტანჯვა-ვაება, მაგრამ ადამიანის ნამდვილი ხსნის გზა ვერაღ უპოვია. ამიტომ იგი მისულა იმ რწმენამდე, რომ სიკეთისა და ბოროტების წინააღმდეგობა გადაუწყვეტელია, რომ ბოროტება ჩათესილია თვით ადამიანის სულში. ამიტომ ტანჯული ადამიანის ერთადერთ ნუგეშს იგი ხედავს დუხჭირ ცხოვრებასთან შემარიგებელ სიცრუეში, მანუგეშებელ სიცრუეში. მამასადამე, ცხოვრება უკეთესისათვის ლუკასთვის ეს არის მანუგეშებელი სიცრუე. ამიტომ იგი არწმუნებს პეპელს, რომ მას შეუძლია სადღაც ციმბირში მიაგნოს ბედნიერების წყაროს, არტისტს შეუძლია ალკოპოლიზმის საშინელი სენისაგან განიკურნოს რომელიღაც ქალაქში, ხოლო მომაკვდავ ანას ღმერთი იმქვეყნიურ სასუფეველს დაუმკვიდრებს. ლუკა ქადაგებს ქრისტიანულ თვინიერებას, ლმობიერებას, ბოროტებასთან შეგუებას და შერიგებას. ლუკას მოძღვრება არსებითად ძალიან ახლოს დგას დოსტოევსკის ალიოშა კარაჩიზოვის რელიგიურ ფილოსოფიასთან და იმ შეხედულებასთან, რაც თვით დოსტოევსკიმ გამოთქვა რომან „ანა კარენინას“ გამო:

„ანა კარენინაში, — წერს დოსტოევსკი, — გატარებულია შეხედულება ადამიანის ბრალეულობისა და დამნაშავეობის შესახებ... ცხადი და გასაგებია თვალნათლივობამდე, რომ ბოროტება კაცობრიობაში სუფევს უფრო ღრმად, ვიდრე ფიქრობენ მკურნალი სოციალისტები, რომ საზოგადოების ვერც ერთ წყობაში ვერ აიცილებთ ბოროტებას, რომ ადამიანის სული იგივე დარჩება, რომ არანორმალობა და ცოდვა მიმდინარეობს თვით ამ სულიდან და რომ, ბოლოს, ადამიანის სულის კანონები ჯერ კიდევ იმდენად უცნობია, იმდენად გაუგებარია მეცნიერებისათვის, იმდენად გაურკვეველი და იმდენად საიდუმლოებრივია, რომ არ არიან და არც შეიძლება იყვნენ არც მკურნალები, არც თუნდაც საბოლოო მსაჯულნი... თვით ადამიანის მსაჯულმა უნდა იცოდეს თავისთავის შესახებ, რომ იგი საბოლოო მსაჯული არ არის, რომ თვით იგი ცოდვილია, რომ სასწორი და საზოგადოების მის ხელში სისულელე იქნება, თუ თვით იგი... ქედს არ მოიხრის ჯერ კიდევ აუხსნელი საიდუმლოების კანონის წინაშე და თუ არ მიმართავს ერთადერთ გამოსავალს — ლმობიერებასა და სიყვარულს“.

ამ შეხედულების აშკარა შინაგან წინააღმდეგობას, რაც იმაში მდგომარეობს, რომ თუ ადამიანს შეუძლია გახდეს მოსიყვარულე და ლმობიერი, მაშასადამე, მას შეუძლია მიაღწიოს იმას, რომ არ იყოს ბრალეული და დამნაშავე. — დოსტოევსკი ფარავს თავისი იდეალისტურ-მისტიკური კონცეფციით. ის გვარწმუნებს, ადამიანის სულის მოძრაობას, მისი დაცემისა და აღდგენის კანონებს განაგებს უზენაესი არსით. ეს იყო არსებულის დაცვის ქრისტიანული საბურველი. რასაკვირველია, შეიძლება ითქვას, რომ ადამიანი ბრალეული და დამნაშავეა. რამდენადაც იგი შეეხება ადამიანთა ფსიქოლოგიის იმ ფენა-ფენა ნაღვეს, რაც სოციალური უკუღმართობის მთელმა საუკუნეობრივმა ისტორიამ ჩაკვერა მასში. ასეთ ადამიანთა ბრალეულობისა და დამნაშავეობის მთელი სამყარო გვიჩვენა დოსტოევსკიმ თავის ცნობილ თხზულებებში. გორკიმაც გვიჩვენა იგი, გვიჩვენა ეგოიზმის. შურიანობის, სიხარბის ბრალეული სამყარო, მაგრამ გვიჩვენა მისი მიზეზებიც, მისი დანგრევისა და ადამიანის დიადი განკაცების გზებიც. გორკი ლუკას მანუგეშებელი სიცრუის ფილოსოფიას უპირისპირებს სატინის შეხედულებებს. „ადამიანები ცხოვრობენ უკეთესისათვის“ — თუ ეს ლუკასათვის არსებულთან შემარტვებელი მანუგეშებელი სიცრუეა. სატინისათვის იგი არის არსებულ სინამდვილის სიმანხინჯეთა მხილება და უკეთესი მომავლის რწმენა. არსებული ბურჟუაზიულ-თვითმპყრობელური საზოგადოება კი ეს ისეთი საზოგადოებაა. სადაც „ყოველ ადამიანს უნდა, რომ მის მეხოხელს სინდისი ჰქონდეს, მაგრამ... არავისათვის ხელსაყრელი არ არის ის, რომ სინდისი ჰქონდეს“. რასაკვირველია; არ შეიძლება ნამდვილი ადამიანური სინდისი ჰქონდეს მუქთახორას, ვისაც სხვისი შრომის მიტაცება სინდისიერად მიაჩნია. ხოლო მიტაცებით შექმნილ საკუთრების ხელყოფა — უწინდისობად. ადამიანის ყოველგვარი სიღუბნეობა და მანკიერებანი წარმოსდგება ამ საზოგადოებისაგან არა ადამიანის ბრალეულობისა და დამნაშავეობისაგან. ამიტომ ეს არის საზოგადოება, სადაც „ადამიანებს არ რცხვენიათ იმის, რომ შენ ძალღურად ცხოვრობ“. ამას ეუბნება სატინი ფსკერზე დაქანებულ მუშა-ზეინკალს კლეშჩს. ექსპლოატატორულ საზოგადოებას თავის სიმანხინჯეთა დასათარავად ესაქიროება სიცრუე, რადგან „სიცრუე ამართლებს იმ სიმძიმეს, რამაც ხელი გაუსრისა მუშას... და ამტყუნებს მათ. ვინც შიმშილით კვდებიან!.. ვინც სულით სუსტია... და ვინც სხვების ღიხლით ცხოვრობს, — სიცრუე მათ ესაქიროებათ. ერთნი თავს ინუგეშებენ სიცრუით, მეორენი ეფარებიან მას... სიცრუე მონებისა და ბატონების რელიგიაა“. ეს არის კაპიტალიზმის სინამდვილე. ადამიანები კი ცხოვრობენ უკეთესისათვის. რაში ხედ-

ავს სატინი ამ უკეთესს? „მოაწყე ისე, რომ მუშაობა ჩემთვის სასიამოვნო იყოს, — ამბობს იგი, — მაშინ შეიძლება კიდევაც ვიმუშაო... როდესაც შრომა სიამოვნებაა, მაშინ ცხოვრება კარგია“. როდესაც ადამიანს თავის შრომა უყვარს, მაშინ შრომა შემოქმედებაა, გატაცებაა. მაგრამ იმისათვის, რომ ადამიანს შრომა უყვარდეს, საჭიროა, რომ მას სხვები არ სტაცებდნენ შრომის ნაყოფს. კაპიტალისტური ექსპლოატაცია მშრომელებს სტაცებს თავის ნაშრომს, იგი შრომას მონობად და მძიმე ტვირთად აქცევს, მაშინ როდესაც მხოლოდ შრომა და შრომა არის ნამდვილი უმადლესი ადამიანური სიამოვნების მთავარი წყარო. ცხადია, პირობები, რომელთა საფუძველზე შეიძლება განხორციელდეს სატინის ოცნება — შრომა იქცეს ადამიანის უმოციად, არ შეიძლება არსებობდეს კაპიტალისტურ საზოგადოებაში. ასეთ საზოგადოებაში ადამიანთა შორის არ შეიძლება დამყარდეს ის ნათელ-გამჭვირვალე ურთიერთობანი, რომლებიც აღარ საჭიროებენ სიცრუის არავეითარ საბურველს. სატინის იდეალების განხორციელებისათვის საჭიროა საზოგადოების სხვანაირად მოწყობა, საჭიროა ადამიანებმა იცოდნენ მთელი სიმართლე თავიანთი ცხოვრების შესახებ.

„ადამიანი — აი სიმართლე — ამბობს სატინი, — ყველაფერი ადამიანშია, ყველაფერი ადამიანისათვის! არსებობს მხოლოდ ადამიანი, სხვა ყველა დანარჩენი — მისი ხელისა და ტვინის საქმეა. ადამიანი! ეს დიდებულია! ეს ისმის ამაყად! — და-მი-ანი! პატივი უნდა სცე ადამიანს! კი არ უნდა შეიბრალო... კი არ დაამცირო სიბრაღე-ლით... პატივი უნდა სცე!.. კარგია ეს — გრძნობდე თავს ადამიანად!“

ეს მაღალი სოციალური ჰუმანიზმი უდევს საფუძველად იმ პროგრამას, რომლის განხორციელებაში ხედავს სატინი იმ უკეთესს, რისთვისაც ადამიანები ცხოვრობენ. სატინი გამოხატავდა გორკის შეხედულებებს, მაგრამ იგი არ იყო გორკის დადებითი გმირი. ფსკერზე დაშვებული, ლოთი მაწანწალა პრულიადაც არ ვარგოდა იმ უკეთესის განმანხორციელებელ ადამიანად, რასაც თვითვე ქადაგებდა. სატინი კაპიტალისტური სინამდვილით გასრესილი, სოციალურად უმაქნისი, დაშლილი, დარღვეული პიროვნებაა. იგი ასეთ რჩევას აძლევს კლემს: „...არაფერი არ აკეთო, უბრალოდ ამძიმე დედამიწა“. — ეს საშინელი თვითუარყოფაა. გორკიმ შემდეგში კრიტიკულად შეაფასა თავისი პიესა. 1932 წელს ამ თავის პიესაზე მან სთქვა: ახლა ეს პიესა მოძველებული და შეიძლება საზიანოც არისო. ასეთი თვითკრიტიკული შეფასება ნაწილობრივ ალბათ იმითაც იყო გამოწვეული, რომ იქ არ იყო ის დადებითი გმირი, რომელიც მარტო სიტყვებით კი არა, არამედ საქმით, მოქმედებით უარყოფდა ლუკას 488

„მანუგეშებელი სიცრუის“ ფილოსოფიას. ასეთი გმირები გორკიმ გვიჩვენა „დედაში“ და მთელ რიგ სხვა ნაწარმოებებში. მიუხედავად ავტორის თვითკრიტიკული შეფასებისა; პიესა „ფსევრზე“ თავისი ღრმა სოციალური ჰუმანიზმით ახლაც ინარჩუნებს და მომავალშიაც შეინარჩუნებს თავის დიდ მნიშვნელობას.

გორკის მთელი შემოქმედების ერთ-ერთი უმთავრესი მოტივი შრომის მოტივია. გორკი უდიდესი მხატვრული სიძარბოთი გვიჩვენებს, რომ ადამიანის პიროვნების ძალას განსაზღვრავს მისი დამოკიდებულება შრომასთან. შრომა და მხოლოდ შრომა არის ადამიანის შემოქმედებითი ძალების ერთადერთი სამქედლოც და საგანძურიც. გორკის აზრით, რანაირადაც არ უნდა ამახინჯებდეს შრომის აზრს კლასობრივი საზოგადოების ექსპლოატატორული სტრუქტურა, შრომა მანც ერთადერთი წყაროა კაცობრიობის ყველა მატერიალურ და სულიერ ღირებულებათა. შრომა არის თვით ადამიანის შემოქმედი, მისი შემქმნელი; ადამიანის ცხოვრების ყველა პროცესი გამომდინარეობს შრომიდან: შრომასთან დაპოკიდებულება განსაზღვრავს ადამიანის ტიპის დაქვეითებას თუ ამაღლებას.

გორკიმ „არტამონოვების საქმეში“ დახატა ბურჟუაზიული ფორმაციის ადამიანის ტიპის დაცემის, პიროვნების რღვევის გრანდიოზული სურათი. უფროსი ილია არტამონოვი კაპიტალიზმის დაწყებითი სტადიის წარმომადგენელია — დაწყები ექსპლოატატორია. განვითარების ამ საფეხურზე „არტამონოვების საქმე“ მოითხოვს თვით პატრონის — ხელმძღვანელისა და ორგანიზატორის შრომასა და აქტიურ მოქმედებას. ილია არტამონოვიც მოქმედებს, შრომობს. იგი მხნე და ჯანსაღი პიროვნებაა. იგი აღსავსეა „საქმიანი გულმოდგინებით“. ილია არტამონოვი მხნე და მთლიანი პიროვნებაა, როგორც კაპიტალისტური სიმდიდრის მომხვეჭელი და დამგროვებელი. იგი ჯერ კიდევ თავის საქმის ცენტრში დგას, იგი აძლევს მიმართულებას თავის საქმეს. მაგრამ ფაბრიკა იზრდება, კაპიტალი გროვდება და „არტამონოვების საქმე“ საკუთარი ინერციის ძალას იხვეკს. ადამიანთა ურთიერთობა წარმოებაში თანდათან ეხვევა ნივთების ურთიერთობის მოჩვენებითს ქურქში, ადამიანის ნებისყოფა ნელ-ნელა აღვილს უთმობს წარმოების განვითარების შინაგან სტიქიას. „არტამონოვების საქმის“ ახალი პატრონი — პეტრე არტამონოვი უკვე ის აღარ არის, რაც მამამისი იყო. მისი შრომა, მისი ხელმძღვანელობა „საქმისადმი“ თითქოს ზედმეტი ხდება, რადგან „საქმე, როგორც ობი სარდაფში, — თავისი ძალით იზრდება.“ შრომა, რომელიც როგორც საქმის პატრონს, ჯერ კიდევ თითქოს კისრად აწევს პეტრე არტამონოვს, მისთვის მძიმე მოვალეობად იქცევა; მისი ნებისყოფა

დუნდება. ილია არტამონოვს შრომა ახარებდა. მისი ნაშეიქრისათვის კი უცნობია შრომით წარმოშობილი სიხარული: პეტრეს სულში იქვისა და ბუნდოვანი შიშის ჭია ძვრება. დროდადრო პეტრე გრძნობს ნიადაგის საშინელ რყევას, კატასტროფის მოახლოებას. ძლიერდება კაპიტალისტური სიმდიდრის დაგროვება, მცირდება ადამიანის შეგნებული ნებისყოფის როლი კაპიტალისტურ წარმოებაში, მეპატრონის შრომა თანდათან ზედმეტი ხდება და ირღვევა, იშლება ბურჟუაზიული ფორმაციის ადამიანი, მცირდება მისი სულის ძალა.

თავისი განვითარების უმაღლეს საფეხურზე კაპიტალისტური წარმოება უკვე ის ცეცხლისთვალეებიანი ურჩხულია, რომელიც სავესებით ნთქავს ერთეული ადამიანების ნებისყოფას, ნთქავს ადამიანების აქტიურ როლს, ნთქავს თვით ადამიანს. და არ სწორედ „არტამონოვების საქმის“ მწვერვალზე იბადება არტამონოვების მოდგმის ყველაზე გამოფიტული და უმაქნისი ადამიანი. იაკობ არტამონოვი უკვე აშკარა პარაზიტია. იგი არ შრომობს. იგი სოციალური ორგანიზმის ხორცმეტია. მაგრამ ამავე დროს მთელი დაგროვილი სიმდიდრის პატრონი. მისი ცხოვრების შინაარსია ფუფუნება, ავხორცობით ტყობა და „ყელთამდე მაძღრობა. რაც ყოველივე სურვილს გამოქვითავს“. ბურჟუაზიული ტიპის დაქვეითების. ადამიანის რღვევის ამავე პროცესის თავისებურ გზებს გვიჩვენებს გორკი არტამონოვების გვარის სხვა შტოების სახითაც. არტამონოვების გვარიდან ამ რღვევას გადალჩა მხოლოდ უმცროსი ილია არტამონოვი, იმიტომ, რომ, როგორც ვხედავთ, იგი განუდგა თავის კლასს და რევოლუციურ პროლეტარიატს მიეკედლა.

პროლეტარიატი მთელი საზოგადოების სიმდიდრის შემქმნელი შრომის ძირითადი წარმომადგენელია. შრომა კი ადამიანის ტიპის ამაღლების ნიადაგია. იმიტომაც იყო, რომ მაქსიმ გორკიმ ადამიანის ტიპის ამაღლების ყველაზე დიდი და ძლიერი პოტენცია მუშათა კლასში დაინახა. მუშათა კლასის ცხოვრებისა და მსოფლშეგრძნების ნიადაგზე იბადებოდა ადამიანის ახალი მაღალი ტიპი.

გორკიმ დახატა ადამიანის ახალი ტიპის, ახალი ადამიანის ფორმირების პროცესი მთელ რიგ თავის თხზულებებში, კერძოდ. „დედაში“. ქრონოლოგიურად „დედა“ „არტამონოვების საქმეზე“ ადრე დაიწერა. მაგრამ იგი სწორედ ახალი ფორმაციის ადამიანის ტიპის ზრდას გვიხატავს. წინააღმდეგ ბურჟუაზიული ფორმაციის ადამიანის ტიპის რღვევისა, რაც „არტამონოვების საქმეშია“ ნაჩვენები. თუ არტამონოვების სოციალური პრაქტიკა იწვევს ადამიანის ტიპის გარდევალ დაქვეითებას. მუშათა კლასის სოციალური პრაქტიკა ქმნის ადამიანის ტიპის ამაღლების საკირო ნიადაგს. ისე, როგორც

„არტანუჯის საქმეში“, „დედაშიაც“ მოცემულია თაობათა ცვლა. მაგრამ აქ უკვე თაობათა ცვლა აღმავლობითი ხაზით მიდის. „დედა“ იწყება შრომისა და მუშათა ცხოვრების მძიმე, აუტანელი პირობების ჩვენებით. ამ პირობებში შრომა ადამიანის შემოქმედებითი ძალების აყვავების ფაქტორიდან ქცეულია ამ ძალების დაჩლუნგებისა და მოღუნების ფაქტორად. და აი მომქანცველი, დუხჭირი ცხოვრებით გაძწარებული და გაბოროტებული ადამიანების სულს ეანგივით ეკიდება სხვადასხვა მანკიერებანი: ლოთობა, გაუტანლობა, ერთმანეთის ღანძღვა და ჩხუბი. არაადამიანური სიძუკაცრე, შვილებისა და ცოლების ცემა-ტყეპა. ამ გარემოშია გამოქედლილი მუშა-ზეინკლის მიხეილ ვლასოვის ხანიათი. იგი დუხჭირი ცხოვრების სიმძიმით გაქვლეტილი ადამიანია. პირქუში, მიუყარებელი, ლოთი, უგულო, იგი არავის არ უყვარა. მასაც დიდად არ აწუხებს სხვების სიყვარული. მიხეილი არაადამიანურად ეპყრობა თავის ცოლს პელაგია ნილოვნას. პელაგია ნილოვნა ამ დროს ნაღვლიანი, მორჩილი, მძიმე შრომით და არაადამიანური მოპყრობით წელში გაწყვეტილი უღონო არსებაა. ეს არის მუშათა ცხოვრების სტიქიის სერათი. მაგრამ შრომას ამ საშინელ პირობებშიც შერჩენია იმის ძალა, რომ სოციალური მაქნისობისაგან იხსნას ადამიანები. და ამიტომ ეს არ არის „ფსკერი“, მაგრამ არა აქ ორი შესაძლებელი გზა — გზა „ფსკერისაკენ“ და გზა ადამიანის ტიპის ამაღლებისაკენ. „ფსკერისაკენ“ დაქანებისათვის საკმაოა თვით ამ არყის სუნით გაყენთილი დუხჭირი ცხოვრების სტიქიის ბიძგი, ხოლო ადამიანის ამაღლებისათვის ამ სტიქიის გადალახვა, რისთვისაც საჭიროა გარედან მოსული ძალის დახმარება. ეს ძალა კი მეცნიერული სოციალიზმის მოძღვრებაა. ეს მოძღვრება უკაფავს გზას ადამიანის ტიპის ამაღლებას.

მიხეილ ვლასოვის ვაჟი პავლე ვლასოვი — შთამომავლობით მუშა — თავის ცხოვრებას იწყებს ისე, როგორც ყოველი ახალგაზრდა მუშა. იგი მიყვება მუშათა ცხოვრების სტიქიას. შრომობს, ვერძობს კაპიტალისტური წარმოების სულისშემხუთავ ატმოსფეროს. გრძობს მუშათა ტანჯვას, ერთობა სხვა ახალგაზრდა მუშებთან ერთად. ხშირად თერება და ძალიან იტანჯება არყისაგან. იგი ეძებს გამოსავალს ცხოვრების აუტანელი პირობებიდან. პავლე ვლასოვი უკავშირდება რევოლუციური ინტელიგენციის არაღეგალურ წრეებს. რევოლუციური მოძღვრების თესლი ეცემა შესაფერო ნიადაგზე. იწყება ადამიანის ტიპის ამაღლება — რევოლუციური ფორმაციის ადამიანის ჩამოყალიბება. პავლეში იღვიძებს მაღალი ინტერესები, რაც მასში თანდათან აქრობს ცხოვრების სტიქიით აღძრულ ინსტიქტებს. იგი სწავლობს საზოგადოებრივი ცხოვრების განვითარების კანონებს. პავლე მტკიცე რევოლუციონერი ხდება. იგი მამასავით

მარტო აღარ არის, მის ირგვლივ თავს იყრიან რევოლუციონერი მუშები და ინტელიგენტები. თითოეულ მათგანს აქვს თავისი ინდივიდუალური თვისებები, ხასიათის თავისებურებანი. მაგრამ მათი მსოფლშეგრძნება საერთოა, ახალია. თითოეული თავისებურად წარმოგვიდგენს ეგოისტურ-ინდივიდუალისტური შეზღუდულობისა და ცრურწმენებისაგან თავისუფალი ადამიანის სახეს. პავლე აღარ არის მამასავით უგულო, პირქუში, მიუკარებელი და ლოთი. მაღალი ადამიანური შინაარსით ივსება მეგობრობა, სიყვარული, პიროვნებისა და საზოგადოების ურთიერთობა. იბადება ახალი შეხედულებანი, ახალი გრძნობები.

ადამიანის გარდაქმნისა და ამალღების შესანიშნავ მაგალითს წარმოადგენს პავლეს დედის — პელაგია ნილოვნას ცხოვრების გზა. იგი ყოველთვის გვერდგვერდად დადიოდა, ეშინოდა ვინმეს ან რამეს არ გაჰკვროდა, მისი სული ყრუდ იყო დახშული, მისი ცხოვრება ცარიელი და უმზეო იყო. მის ნაჭუჭივით პატარა საწყაროში ერთადერთი შუქი — შვილის სიყვარული და ერთადერთი ყალბი ნუგეში — ღვთის რწმენა იყო. მაგრამ იგი ნელ-ნელა, თითქმის მისდა შეუმჩნეველად ებმება შვილის რევოლუციური საქმიანობის ფერხულში. იგი თითქოს წელში იმართება. მაგრამ აი აპატიმრებენ პავლეს და დედის ცხოვრება ისევ ცარიელი და უღიმღამო ხდება. ჰერ კიდევ ძალიან ვიწრო და პირადულია მისი „ინტერესების სამყარო: „არ არის იგი და აღარაფერი არ არის“. მაგრამ დედა განაგრძობს რევოლუციურ საქმიანობას, ავრცელებს არალეგალურ ფურცლებს, ეცნობა ხალხს, ფართოვდება მისი თვალსაწიერი და მისი სული კარებს უღებს ახალ მაღალ ინტერესებს. ჩვენ ვხედავთ, როგორ იწმინდება რევოლუციური საქმიანობით ადამიანი ძველი საზოგადოების კუჭკისაგან. ადამიანში წარიხოცა მონური სული. ამალღდა ადამიანის ტიპი. ნილოვნას ინტერესები სცილდება პირადულის საზღვრებს. იგი მრავალთა ტანჯვის მოზიარე ხდება, მის სულში იზრდება ადამიანის სიყვარული, ახლა შვილი მისთვის საერთო-სახალხო საქმის ერთი რგოლია. დედა უსმენს თავისი შვილის — პავლე ვლასოვის მგზნებარე სიტყვას სასამართლოში და ნათლად გრძნობს, რომ ნამღვილად დაძნალების სკამზე სხედან არა პავლე და მისი თანამებრძოლები, არამედ თვით ბურჟუაზიულ-თვითმპყრობელური სახელმწიფო მთელი თავისი სასამართლოებითა და ჟანდარმერიით. დედას ესმის მთელი სიმართლე პავლეს სიტყვებისა, რომლებიც მიმართულია ბურჟუაზიული წყობალების წინააღმდეგ: „...თქვენ ცხოვრებას მოსწყვიტეთ ადამიანი და დაშალეთ იგი: სოციალიზმი ერთ დიდ მთლიანობაში აერთებს თქვენს მიერ დანგრეულ სამყაროს და ეს იქნება“.

ღედა — ნილოვნა, პავლე ვლასოვი, ნახოდკა მაზინი და სხვები რევოლუციურ მუშათა რეალური ტიპებია, ადამიანის ამაღლებული ტიპები. მაგრამ ამ გმირებით მხოლოდ იწყება სოციალისტური ადამიანის ფორმირების რთული და ხანგრძლივი პროცესი. ამ პროცესს მტკიცე სოციალური ბაზა შეექმნა მხოლოდ სოციალიზმის გაპარჩევებით ჩვენს ქვეყანაში. და აქ არის შესანიშნავი, ღრმავაროვანი შებენება მომწიფებისა და ზრდის კანონისა: ჩვენ უკვე ვიცით, რომ რამდენადაც მწიფდება კაპიტალიზმი, იმდენად იფიტება მისი ადამიანური შინაარსი; კაპიტალისტური წარმოების ზრდასთან ერთად მცირდება ადამიანის აქტიური როლი წარმოებაში. იმდენად, რამდენადაც იზრდება კაპიტალისტური მოგება და ზემოგება, იმდენად პარაზიტი ხდება კაპიტალისტი, იმდენად ქვეითდება ბურჟუაზიული ადამიანის ტიპი, ირღვევა, იშლება პიროვნება. სოციალისტურ საზოგადოებაში კი პირიქით ხდება: რამდენადაც იზრდება სოციალიზმი, იმდენად იზრდება და მალდება ადამიანთა მატერიალური და სულიერი დონე; რამდენადაც იზრდება სოციალისტური წარმოება, იმდენად იზრდება ადამიანის აქტიური როლი, ადამიანის შეგნებული ჩარევა წარმოების პროცესში; რამდენადაც იზრდება სოციალისტური საზოგადოების სიმდიდრე და საერთო-სახალხო კეთილდღეობა, იმდენად მალდება ადამიანის ტიპი, მალდება ადამიანის აზრი, ინტერესი, გემოვნება, იმდენად იკურნება ადამიანი სიხარბისა, მსუნაგობისა, შურიანობისა და ეგოიზმის წერილმანი ინსტინქტებისაგან. მაგრამ, ცხადია, მას, რაც საუკუნეებმა ჩაჰკირეს ადამიანში, თვეები და წლები ვერ აღმოფხვრის. ეს ყველაზე უკეთ ესმოდა გორკის — ადამიანის სულის დიდ მცოდნეს — და თავის სიცოცხლის უკანასკნელ წუთამდე მოითხოვდა შეუწყვეტელ ბრძოლას ძველი საზოგადოების სულიერ სიბინძურეთა წინააღმდეგ.

ბურჟუაზიული ფორმაციის ადამიანის — ბურჟუაზიული ინტელიგენტის სულიერი სიღატაკისა და დაკნინების მძაფრი მხილება და კრიტიკა მოგვცა ჩვენ გორკიმ ყოყოჩა ინდივიდუალისტის, არსებითად სულიერი იმპონტენტის, წვრილმანი ეგოისტის, მხდალი და უფერული კლიმ სამგინის სახით.

ამავე დროს, ადამიანის ასეთ დაცემულ და დაქვეითებულ ტიპებს გორკი ყოველთვის უპირისპირებს ინტელექტუალურად და მორალურად ძლიერს, მტკიცეს და ამაღლებულ ტიპს ადამიანისას. ასეთია ბოლშევიკი კლტუზოვი „კლიმ სამგინის ცხოვრებაში“, რომლის უკანასკნელი ფურცლები მწერალმა დაწერა თავის სიცოცხლის უკანასკნელ დღეებში.

ახალი ადამიანის აღზრდის საკითხებს გორკი ეხებოდა არა მარ-

ტო თავის მხატვრულ შემოქმედებაში, არამედ თავის ლიტერატურულ-პუბლიცისტურ წერილებშიც. ახალი ადამიანის აღზრდის მთავარ საშუალებად გორკი ყოველთვის შრომას თვლიდა. არის ამაში უდიდესი საბრძნე და სიმართლე. თუ ისტორიის გარიჟრაჟზე შრომა იყო მიმუშენის გაადამიანების მთავარი ფაქტორი, ახლა — კაცობრიობის ნამდვილი საკუთარი ისტორიის სათავესთან — ჩვენს სოციალისტურ საზოგადოებაში სოციალისტური შრომა არის სოციალისტური ადამიანის მაღალი სულიერი თვისებების აღზრდის მთავარი ფაქტორი.

ეს სწამდა გორკის, ეს გვითხრა გორკიმ მთელი თავისი შემოქმედებით.

1932 წელს გორკი წერდა:

„არინ ადამიანები, რომელთაც არ სწამთ, რომ შეიძლება ადამიანის ახლად აღზრდა, მისი განთავისუფლება საუკუნეობრივი ძალადობის მტვერითა და ტალახით დანაგვიანებისაგან. მათ არ სწამთ, რადგან არ იციან, რომ თვითონ არიან დანაგვიანებულნი, მაგრამ უკვე იმდენად, რომ არ შესწევთ უნარი იცოდნენ, არ შესწევთ უნარი შეისწავლონ ცხოვრება, დაინახონ მისი ჭუჭყიანი სამარცხვინო საშინელება და შემოქმედებითი მრისხანებით შეიარაღდნენ საშინელებათა ორგანიზატორების წინააღმდეგ საბრძოლველად. ესენი ზარმაცი და გულგრილი ჭკუის ადამიანებია, მათ სხვა არა უნდათ რა, გარდა მშვიდად ცხოვრებისა. ზოგიერთი მათგანი ემალება ცხოვრებას — ეფარება პრიმიტიულ პატარა აზრებს სიკვდილის შესახებ, ამტკიცებს რა, მაგალითად, რომ „სიკვდილი ყველაზე მნიშვნელოვანი მომენტიცაა ცხოვრებისა“ და რომ „ადამიანის ცხოვრების მეორე ნახევრის ნორმალური ფსიქოლოგია არის სიკვდილისათვის შემზადების ფსიქოლოგია“. აი ეს ალბათ, სიმართლეა, რადგან ლაპარაკია მეშხანური, მიხრწნილი, მომაკვდავი საზოგადოების ფსიქოლოგიაზე. ჩვენ სიკვდილზე ფიქრის დრო არა გვაქვს, ჩვენ ზელთ ავიღეთ ცხოვრება და ვაზღუნთ მის გარდაქმნას, — ეს უკიდურესად ძნელი სამუშაოა. რაც მოითხოვს ნებისყოფისა და გონების ყველა ძალის შეუწყვეტელ, გამირულ დამაბულობას.

სოციალისტური საბჭოების კავშირში იბადება ახალი კაცობრიობა“.

ჩვენ დავინახეთ ამ ახალი კაცობრიობის მრავალი ათასი ადამიანი თავისი სრულიად ახალი გამირული თვისებებით დიდი სამამულო ომის ფრონტზე, ჩვენ ვხედავთ მათ სოციალისტური მშენებლობის ვეებერთელა ფრონტზე. მოდის, მოდის ახალი ადამიანი და იგი ასჯერ უფრო ამაყად ისმის, ვიდრე ოდესმე.

ბედთან მებრძოლი ტრანი	5
ჩამოახრჩვეთ ბოროტება და არა ადამიანი	19
იმდენი მიწა სად არის (ფიქრები ვაეაზე)	27
მცირე სიტყვა დიდ მწერალზე	48
გალაკტიონი (მცირე მოგონება)	52
აკაკი და გალაკტიონი	60
გალაკტიონის ერთი რჩეულის გამო	76
დიდი პოეტის პატარა კრებული	81
გალაკტიონი	91
პოეზია — გულის სიბრძნე	94
პოეზია სათავედან	101
გრძნობათა გამო (1. პირინზე 2. ბუტბუტებს მტკვარი)	106
ფიქრიანი სტრიქონები	129
მზეშეფრქვეულ პოეტი	144
დიდოსტატის დიდოსტატი	152
ქართული სიტყვის დიდოსტატი	157
ლეთ ქიაჩელა	160
გიორგი ქუჩიშვილი	163
ნათელი სტილის ნათელი პიროვნება	173
დაუვიწყარი სახელი	173
წიგნი და ავტორი	182
ხასიათები და გარემოებანი	193
ბრძოლა ნამდვილი განძისათვის	197
დემნა შენგელაია	217
სიტყვა სახელოვან მწერალზე	221
გიორგი ნატროშვილი	225
ერთი სპექტაკლის გამო	236
თავის წიგნებში იკოცლებს	243
ვენდობი მის გულს	246
მშობლიური სიტყვის მეზაღე	255
ღია წერილი ძველ მეგობარს	258
კვლავ მრავლად ეოქვას	263
სახელოვანი პოეტი	266
ხმათა პოეზია	269
პოეტი, მოღვაწე, მოქალაქე	291
პოეტი და მისი რამდენიმე მოტივი	284
ამხანაგმა მთამ აიღო სიტყვა	308
მხოლოდ კარგი, მხოლოდ მაღალხარისხოვანი	315
სამახსოვრო სტრიქონები	319
მწერლის სიყვარული	321
ერთი ნაწარმოების სულსკვეთებისა და მისი გენეტიკური სათავეის გამო	326
ნიმუში მისი მხატვრული ხერხისა	351
ქაშნიკი ერთი წიგნისა	357

უელაზე ჰუმანისტური ლიტერატურა	365
დიადი მიზნით გაცისკროვნებული	369
საჟან- შთაგონებისა	372
უებძოლოთ ბრაკონიერობას	375
იმ დღით	379
ფურცლები ძველი დღიურიდან	385
ღაწლი პოეტისა	403
ეპოქის სუნთქვა	406
ნაწავეტი ლიტერატურული დღიურიდან	409
ხელოვნების ზოგიერთი საკითხის შესახებ	434
დიმიტრი გულია	458
პირველი სიტყვა დიდ მწერალზე	463
დიდი მხატვარი ჰუმანისტი	466
დიდი ადამიანთმცოდნე	472

Каландадзе Лавросий Гигилович

О чувствах

Литературные статьи

(На грузинском языке)

Издательство «Мерани», Руставели, 42

Тбилиси, 1976

რედაქტორი ც. ქაროსანიძე

მხატვარი ც. კალანდაძე

მხატვ. რედაქტორი სპ. ცინცაძე

ტექნიკურ რედაქტორი თ. მამფორია

კორექტორები: გ. წერეთელი, მ. სანადირაძე, ლ. არაბიძე

გადაეცა წარმოებას 13/11-75 წ.

ხელმოწერილია დასაბეჭდად 2/111-76 წ.

ქალაქის ზომა 60X90¹/₁₆, № 1

ნაბეჭდი თაბახი 31

სააღრიცხვო-საგამომცემლო თაბახი 26,12

უფ. 00328. ტირაჟი 3.000. შეკვ. № 2712

ფასი 1 მან. 64 კაპ.

გამომცემლობა „მერანი“ რუსთაველის 42

თბილისი. 1976

საქართველოს სსრ მინისტრთა საბჭოს გამომცემლობათა, პოლიგრაფიისა და წიგნის ვაჭრობის საქმეთა სახელმწიფო კომიტეტის თბილისის წიგნის ფაბრიკა, მეგობრობის გამზ. № 7

Тбилисская книжная фабрика, Государственного Комитета Совета Министров Грузинской ССР по делам издательств, полиграфии и книжной торговли, пр. Дружбы № 7